

পুরাণসংগ্রহ।

6

মহর্ষি কৃষ্ণদ্বৈপায়ন বেদব্যাস প্রণীত।

মহাভারত।

শতাব্দী পঞ্চমীয় দক্ষ প্রজাপতির বংশ বর্ণন হইতে
আদিপর্ক সম্পূর্ণ।

দ্বিতীয় খণ্ড।

শ্রীযুক্ত কালীপ্রসন্ন সিংহ মহোদয় কর্তৃক মূল
সংস্কৃত হইতে বাঙ্গলা ভাষায় অনুবাদিত।

“ষাটশ মোক্ষার্থীরা একমাত্র পারত্রিক শুভ সংকল্পে বৈরাগ্য অবলম্বন করেন, তাঁদের বিজ্ঞেরা
মঙ্গল লাভ প্রত্যাশায় এই পবিত্র ইতিহাসের আশ্রয় লইয়া থাকেন। যেমন সমস্ত জাতব্য বস্তুমধ্যে
আত্মা ও সকল প্রিয় বস্তুমধ্যে প্রাণ শ্রেষ্ঠ পদার্থ, সেইরূপ এই গ্রন্থ সর্ব শাস্ত্র অপেক্ষা উৎকৃষ্ট।
যেমন অন্নপান ব্যতীত জীবন ধারণের উপায়ান্তর নাই, সেইরূপ এই ইতিহাস, যে সকল সুললিত
কথা প্রতিপন্ন করিতেছে, তদ্ব্যতিরিক্ত ভ্রমণে আর কথা নাই।” মহাভারত।

কলিকাতা।

পুরাণসংগ্রহ বঙ্গ।

নংকান্দা ১১৮২।

PRINTED BY RADHA NAUTH BIDDEARUTTNA.

মহাভারতীয় আদিপর্কানুগত পঞ্চসপ্ততি অধ্যায় অবধি আদিপর্ক
সমাধি পর্য্যন্ত প্রকাশিত প্রকরণের সূচিপত্র ।

প্রকরণ	পৃষ্ঠা	স্তম্ভ	পংক্তি
দক্ষপ্রজাপতির বংশ কথন	১২৭	১	১
যযাতির উপাখ্যান	১২৮	১	১৩
কচশুক্ৰ সংবাদ	১২৯	২	৩৩
শর্মিষ্ঠা ও দেবযানীর বিরোধ	১৩৩	২	৩৬
বৃষপর্ক শুক্ৰ সংবাদ	১৩৫	২	৩৭
দেবযানীর নিকটে শর্মিষ্ঠার দাসীত্ব	১৩৭	১	১৫
যযাতির সহিত দেবযানীর বিবাহ	১৩৯	২	১৪
শর্মিষ্ঠা যযাতি সংবাদ	১৪০	১	১৪
দেবযানী শর্মিষ্ঠা সংবাদ	১৪১	২	২২
যযাতির প্রতি শুক্রের অভিসম্পাত	১৪২	১	৩৪
যযাতির স্বর্গগমন	১৪৬	১	৩
অম্বক যযাতি সংবাদ	১৪৭	২	১১
পুরুবংশ কথন	১৫৩	১	১৬
মহাভিষোপাখ্যান	১৬০	১	১৩
গন্ধারবসু সংবাদ	১৬০	২	৬
প্রতীপোপাখ্যান	১৬১	১	১৭
শান্তনুর উপাখ্যান	১৬২	১	৩
শান্তনুর যুগয়ার্থে বনে গমন ও ক্রীড়ারিণী গন্ধাদর্শন	১৬২	১	২৪
গন্ধার সহিত শান্তনুর বিবাহ	১৬২	২	২০
গন্ধাকর্তৃক শান্তনুর সপ্ত পুত্রের জন্মে নিক্ষেপ	১৬৩	১	১৯
বসু ক্রী সংবাদ ও বসুগণের বশিষ্ঠহোমধেনু হরণ	১৬৪	১	১৭
বসুগণের প্রতি বশিষ্ঠের অভিসম্পাত	১৬৫	২	২৫
গন্ধার সহিত শান্তনুর পুনর্দর্শন ও ভীষ্মের সহিত স্বপ্নে প্রবেশ	১৬৫	২	৯
শান্তনুর সত্যবতী দর্শন	১৬৭	১	২৫
দাস শান্তনু সংবাদ	১৬৭	২	৫
দাসরাজের নিকটে ভীষ্মের সত্যবতী প্রার্থনা	১৬৮	১	৩৩
সত্যবতীর গর্ভে শান্তনুর চিত্রাঙ্গদ নামে পুত্রোৎপাদন	১৬৯	২	৭
কাশীস্থরের দ্বিহিতা হরণার্থে ভীষ্মের বারানসী গমন	১৭০	১	৯
বিচিঞ্জরীয়া চরিত	১৭২	১	১
সত্যবতী সমীপে ভীষ্মের জামদগ্ন্য উপাখ্যান কথন	১৭৩	২	৩১
উত্তথোপাখ্যান কথন	১৭৪	১	২১

প্রকরণ	পৃষ্ঠা	স্তম্ভ	পঞ্জি
বলি রাজা ও দীর্ঘতমার উপাখ্যান	১৭৪	২	৯
ভীষ্ম সত্যবতী সংবাদ	১৭৬	১	১৩
বাস সত্যবতী সংবাদ	১৭৭	১	১১
বৃতরাষ্ট্র, পাণ্ডু ও বিদুরের উৎপত্তি	১৭৮	১	১৫
ধর্মের শাপকারণ, জিজ্ঞাসা ও অণীমাণ্ডক্যোপাখ্যান	১৭৯	২	১২
অণীমাণ্ডক্যের শাপে ধর্মের বিদুররূপে উৎপত্তি	১৮০	২	২২
ভীষ্মের যৌবরাজ্য	১৮১	১	১
পাণ্ডুর রাজ্য প্রাপ্তি	১৮২	১	৩
বৃতরাষ্ট্রের লিখিত গান্ধারীর বিবাহ	১৮২	১	৬
কুন্তীচরিত, কোমার্ক্যবস্থায় কণ্ঠেপত্তি ও পাণ্ডুর সহিত বিবাহ	১৮২	২	২৪
মাত্মীচরিত, মাত্মীর সহিত পাণ্ডুর বিবাহ	১৮৫	১	৪
পাণ্ডুর দিগ্গজয়	১৮৫	২	২৪
পাণ্ডুর স্বপ্নে প্রত্যাগমন	১৮৬	২	১৯
পাণ্ডুর বনবিহার	১৮৬	২	৩৩
ধাত্তরাস্ত্রদিগের জন্ম বৃত্তান্ত	১৮৭	২	৪
ধাত্তরাস্ত্রদিগের নাম	১৮৯	২	১৭
পাণ্ডুর যুগ্ম শরণার্থী যুগ্মরূপধারী ব্রাহ্মণপুত্রভেদন ও পাণ্ডুর প্রতি ব্রাহ্মণপুত্রের শাপ ১৯০	১৯০	১	২৫
পদ্মীশয় সমভিব্যাহারে পাণ্ডুর প্রব্রাজ্যাগ্রহণ	১৯২	১	২৯
অপত্যোৎপাদনের নিমিত্ত পাণ্ডুর মন্ত্রণা	১৯৪	২	১৪
ব্যাধিতাম্বের উপাখ্যান	১৯৫	১	৩৭
উদ্দানকের উপাখ্যান	১৯৭	১	৩
যুধিষ্ঠিরাদি পঞ্চ ভ্রাতার উৎপত্তি	১৯৮	১	২৮
পাণ্ডুর হৃত্য	২০২	২	২০
মাত্মীর স্বামিসহগমন	২০৪	১	১০
কুন্তী ও পঞ্চ পাণ্ডবের হস্তিনায় গমন	২০৩	১	১৪
পাণ্ডুর অশ্বেষটি ক্রিয়া প্রভৃতি	২০৫	২	১১
সত্যবতী প্রভৃতির দেহ ত্যাগ	২০৭	১	৫
পাণ্ডব ও ধাত্তরাস্ত্রদিগের বাল্য ক্রীড়া	২০৭	১	২০
পাণ্ডব ও ধাত্তরাস্ত্রদিগের জল রিচারার্থ গমন	২০৭	২	৩৫
ভীষ্মের প্রতি বিধ প্রয়োগ	২০৮	১	৩১
ভীষ্মের পাতাল পুরে গমন	২০৯	২	২৫
ভীষ্ম ব্যতীত আর সকলের হস্তিনায় প্রত্যাগমন	২০৯	২	১১
হস্তিনায় ভীষ্মের প্রত্যাগমন	২১০	২	৩৩
কৃপাচার্যের জন্ম বৃত্তান্ত	২১১	১	১৯
ক্রোধাচার্যের জন্মাদি বৃত্তান্ত	২১২	২	১৩

প্রকরণ	পৃষ্ঠা	স্তম্ভ	পঙ্ক্তি
ক্রপদ জ্ঞোণ সংবাদ	২১০	২	৩৫
জ্ঞোণ সমীপে পাণ্ডব ও ধাৰ্ত্তবাহুদিগের অস্ত্র শিক্ষা	২১৭	২	৫
একলব্যের বৃদ্ধান্ত	২১৯	১	৩
জ্ঞোণের শিষ্য পরীক্ষা	২২০	১	২৬
পাণ্ডব ও ধাৰ্ত্তবাহুদিগের অস্ত্র পরীক্ষা	২২১	২	২৮
রক্তভূমিতে কর্ণের প্রবেশ	২২৪	১	৩৫
সশিষ্য জ্ঞোণের পাঞ্চালক্রমণ	২২৭	২	৭
যৌবরাজ্যে যুধিষ্ঠিরের অভিষেক	২৩০	২	১৭
ধৃতরাষ্ট্র কণিক সংবাদ	২৩১	২	২৬
জতুগৃহ দাহ বৃদ্ধান্ত	২৩৬	২	১
পাণ্ডবদিগকে বারণাবত নগরে বিবাসন করিবার মন্ত্রণা	২৩৮	১	১৫
জতুগৃহ নির্মাণ পরামর্শ	২৪০	১	৫
বারণাবতে যুধিষ্ঠিরাদির গমন	২৪০	২	২৭
যুধিষ্ঠিরের প্রতি বিহ্বরের উপদেশ	২৪১	২	৬
পাণ্ডবসমীপে খনকের আগমন	২৪৩	২	১০
বারণাবত হইতে যুধিষ্ঠিরাদির পলায়ন	২৪৫	১	২৫
পাণ্ডবদিগের বন প্রবেশ	২৪৬	২	২৯
হিড়িম্ব বৃদ্ধান্ত	২৪৮	২	৩৩
হিড়িম্ব ও ভীমের যুদ্ধ	২৫২	১	৩
হিড়িম্বার সহিত ভীমের গমন ও ঘটোৎকচের জন্ম	২৫৩	২	২৮
পাণ্ডব সমীপে ব্যাসের আগমন ও একচক্রানগরে পাণ্ডবদিগের গমন	২৫৫	২	১
বকবধ বৃদ্ধান্ত	২৫৬	১	৩০
ব্রাহ্মণ গৃহে ব্রাহ্মণান্তরের আগমন	২৬৬	১	১৩
ধৃষ্টদ্যাম ও দ্রৌপদীর উৎপত্তি কথন	২৬৬	২	১৯
পাঞ্চাল নগরে পাণ্ডবদিগের গ্রহণ	২৭০	২	৮
পাণ্ডব সমীপে ব্যাসের আগমন	২৭১	১	৯
দ্রৌপদীর পূর্ব বৃদ্ধান্ত কথন	২৭১	১	২৫
অর্জুন চৈত্ররথ সন্বাদ	২৭১	২	২৯
তপতী সন্বরণোপাখ্যান	২৭৫	১	৩২
বিশ্বামিত্র বশিষ্ঠ বিরোধ	২৮০	১	৩০
কল্মাষপাদ রাজার উপাখ্যান	২৮২	১	৩৬
বশিষ্ঠের পুত্রশোক	২৮৫	১	৮
অযোধ্যায় বশিষ্ঠের গমন ও কল্মাষপাদের সন্তানোৎপাদন	২৮৫	২	২১
বশিষ্ঠ পৌত্র শুর্কের বৃদ্ধান্ত	২৮৬	১	১৭
কৃতবীৰ্য চরিত	২৮৬	১	৩৫

প্রকরণ	পৃষ্ঠা	স্তম্ভ	পঙ্ক্তি
দ্রৌপদীর স্বয়ম্বর :	৩৯১	২	১৭
দ্রৌপদী, কুন্তী ও পাণ্ডবগণের পাঞ্চাল ভবনে গমন	৩০১	২	২৮
দ্রৌপদী, পঞ্চ পাণ্ডব, কৃষ্ণ ও বলদেবের পূর্ব ব্রতান্ত	৩০৬	১	২১
দ্রৌপদীর পূর্ব জন্ম ব্রতান্ত	৩০৮	২	১২
পঞ্চ পাণ্ডবের সহিত দ্রৌপদীর বিবাহ	৩০৯	১	৫
পাণ্ডব সমীপে কৃষ্ণের অলঙ্কার প্রেরণ	৩১০	১	৩০
পাণ্ডবদিগের বিবাহ বার্তা অবগণ করিয়া দুর্গেযাধনাদির মঙ্গলা	৩১০	২	৬
পাঞ্চালনগরে বিচুরের আগমন	৩১৭	২	৮
চন্দ্ৰিনাপুরে পাণ্ডবদিগের গমন	৩১৮	১	২৭
খাণ্ডব প্রস্থে পাণ্ডবদিগের গমন	৩১৯	১	৩৬
পাণ্ডবসমীপে নারদের আগমন	৩২০	২	১০
সুম্ভোপসুম্ভের বিম্বারিত ব্রতান্ত	৩২১	১	২৮
পাণ্ডবদিগের দ্রৌপদী বিষয়ক নিয়ম	৩২৬	১	১৩
অর্জুনের নিয়ম ভঙ্গ	৩২৬	১	৩০
অর্জুনের বন যাত্রা	৩২৮	১	১
নাগকন্যা উলূপী সহিত অর্জুনের বিবাহ	৩২৮	১	১৬
মণিপুরে অর্জুনের গমন ও চিত্রাঙ্গদার সহিত বিবাহ	৩২৯	১	৩৩
সৌভদ্র তীরে অর্জুনের গমন ও পঞ্চ অপ্সরার শাপ ঘোচন	৩৩০	২	১৩
মণিপুরে পুনরায় অর্জুনের গমন ও বক্রবাহন নামক পুত্রের উৎপত্তি	৩৩২	১	৭
প্রভাস তীরে অর্জুনের গমন, কৃষ্ণের সহিত সাক্ষাৎ }	৩৩২	১	১৫
এবং রৈবতক পর্ষতে ও ষাটকায় গমন	৩৩২	১	১৫
রৈবতক পর্ষতে উৎসব ও অর্জুন কর্তৃক সুভদ্রাচরণ	৩৩৩	১	১
চরণাচরণ ব্রতান্ত	৩৩৫	১	২৭
সুভদ্রার সহিত অর্জুনের খাণ্ডব প্রস্থে গমন	৩৩৬	১	৩
পাণ্ডবদিগের পুত্রোৎপত্তি	৩৩৭	১	১৭
যুধিষ্ঠিরের রাজ্য শাসন	৩৩৮	১	১
কৃষ্ণার্জুনের জল বিহার	৩৩৮	২	৭
কৃষ্ণার্জুনের নিকটে অনলের আগমন	৩৩৯	১	১৮
শেতকির উপাখ্যান	৩৩৯	২	১৭
অগ্নি সমীপে বরুণের আগমন	৩৩২	২	১৮
খাণ্ডববন দাহারম্ভ	৩৪৩	২	১৮
কৃষ্ণার্জুনের সহিত ইন্দ্রাদি দেবগণের যুদ্ধ ও ময়াদির পরিত্রাণ	৩৪৫	২	২৩
মন্দপাল ঋষির উপাখ্যান	৩৪৮	১	২৪
কৃষ্ণার্জুনের সমীপে দেবগণের আগমন ও বরদান	৩৫৫	১	১৪

আদিপর্কের সূচিপত্র সম্পূর্ণ।

পঞ্চসপ্ততম অধ্যায় ।

বৈশম্পায়ন কহিলেন, হে পুণ্যস্বন ! মহারাজ দুয়ন্ত ও পতিপরায়ণা শকুন্তলার উপাখ্যান কীর্তন করিলাম; একদক্ষ প্রজাপতি, বৈবস্বত মনু, তরত, কুরু, পুরু, আজমীঢ়, যদু, কোরব ও ভারত ইহাদিগের বংশ কীর্তন করি অরণ করুন। ইহারা সকলেই মহর্ষির ন্যায় তেজস্বী এবং ইহাদিগের বংশকীর্তন অতি পবিত্র, আয়ুষ্কর ও যশস্কর। প্রচেতার প্রথমতঃ দশ পুত্র জন্মে। তাঁহারা সকলেই রাক্ষস হইয়া ছিলেন। ভগবান্ প্রচেতাঃ মুখনির্গত অগ্নি দ্বারা সেই মহাতেজস্বী রাক্ষসরূপী পুত্রগণকে দক্ষ করেন। পরে প্রচেতার দক্ষ নামে অপর এক পুত্র জন্মেন। দক্ষ হইতে এই সমস্ত প্রজা সৃষ্টি হইয়াছে। হে পুরুষসিংহ! এই কারণ বশতঃ লোকে তাঁহাকে পিতামহ বলিয়া নির্দেশ করে। দক্ষ বীরিণীর গর্ভে আয়ুসদৃশ সহস্রসংখ্যক পুত্র উৎপাদন করেন। মহর্ষি নারদ সেই সহস্রসংখ্যক দক্ষসন্তানগণকে অভ্যুৎকৃষ্ট সাংখ্য শাস্ত্র অধ্যয়ন করাইয়া মোক্ষোপদেশ প্রদান করিয়াছিলেন। হে জনমেজয়! অনন্তর প্রজাসিন্ধুকু প্রজাপতি দক্ষ পঞ্চাশৎ কন্যা উৎপাদন করিলেন। তিনি তাঁহাদিগের সকলকেই পুত্রিকা করিয়া তন্মধ্যে দশটি ধর্মকে, ত্রয়োদশটি কশ্চপকে ও সাতাইশটি চন্দ্রকে সম্প্রদান করেন। কশ্চপের ত্রয়োদশ পত্নীর মধ্যে দাক্ষায়ণী প্রধান ছিলেন। তাঁহার গর্ভে দ্বাদশ আদিত্য উৎপন্ন হইলেন। তৎপরে কশ্চপ হইতে ইন্দ্রাদি দেবতা ও বিবস্বান্ জন্ম গ্রহণ করিলেন। বিবস্বানের দুই পুত্র; বৈবস্বত মনু ও যম। ধীমান্ মনু হইতে ব্রাহ্মণ ক্রত্বয় প্রভৃতি মানবজাতি উৎপন্ন হয়, এই নিমিত্ত তাঁহারা মানব বলিয়া প্রখ্যাত হইয়াছেন। তন্মধ্যে ব্রাহ্মণেরা সাক্ষ বেদ

অধ্যয়ন করিলেন। বেন, ধক্ট, নরিষাস্ত, নাভাগ, ইক্ষাকু, কারুঘ, শর্ষাতি, ইলা, পৃষক্ৰ, এবং নাভাগারিক্ট; মনুর এই দশ সন্তান ক্রত্বয়ধর্ম-পরায়ণ হইলেন। মনুর আরও পঞ্চাশটি পুত্র জন্মে, কিন্তু আমরা শুনিরাছি তাঁহারা পরম্পর বৈরভাব অবলম্বন করিয়া বিনষ্ট হইলেন। ইলা হইতে পুরুবর্ষাঃ উৎপন্ন হইয়া ছিলেন। ইলা, তাঁহার পিতা ও মাতা উভয়ই ছিলেন। পুরুবর্ষাঃ মনুষ্য-কলেবর ধারণ করিয়াও সর্বদা দেবগণে বেকিত থাকিতেন, এবং সমুদ্র-পরিবেষ্টিত ত্রয়োদশ দ্বীপের অধীশ্বর হইয়াছিলেন। তিনি বীর্য্যমদে মত্ত হইয়া বিপ্রবর্গের সহিত যুদ্ধ করিয়া তাঁহাদিগের চিরমঞ্চিত বহুমূল্য রত্ন সকল অপহরণ করিতেন। ব্রাহ্মণেরা তাঁহার উপর সমুচিত আক্রোশ প্রকাশ করিয়াও-কিছুমাত্র প্রতীকার করিতে পারেন নাই। অনন্তর সনৎকুমার ব্রহ্মলোক হইতে উপস্থিত হইয়া পুরুবর্ষাকে অনুদর্শ যজ্ঞে দীক্ষিত করিলেন। কিন্তু তিনি তাহা স্বীকার করিলেন না। তৎপরে ক্রোধাবিক্ত মহর্ষিগণের অভিশাপে সেই লোভপরতন্ত্র বলদৃগু নরাধিপ সদ্যই বিনষ্টপ্রায় হইলেন। তিনি যজ্ঞাদিক্রিয়া নির্বাহার্থ গন্ধর্বলোক হইতে ত্রেতাগ্নি ও উর্কশীকে আনয়ন করেন। ইলা-পুত্র পুরুবর্ষার উর্কশীর গর্ভে আয়ু, ধীমান্, অমাবসু, দৃঢ়ায়ু, বনায়ু, এবং শতায়ু এই ছয় পুত্র জন্মে। নহুষ, বৃদ্ধশর্মা, রাজিক্রয় এবং অনেবস এই চারিটি আয়ুর ঔরসে ও স্বর্ভানবীর গর্ভে উৎপন্ন হইলেন। হে পৃথিবীপাল! ধীমান্ সত্যপরাক্রম নহুষ রাজা ধর্মাত্মসারে এই পৃথিবী পালন করিয়াছিলেন। নহুষ; পিতৃলোক, দেবতা, ঋষি, গন্ধর্ব, উরগ, রাক্ষস, ক্রত্বয় ও বৈশ্ব এই সকলকে সমভাবে প্রতিপালন করিতেন। তিনি দম্ব্যদল একপ দমন করিয়া ছিলেন যে,

তাহারা ঋষিদিগকে করপ্রদান ও পৃষ্ঠে বহন করিত। তিনি স্বকীয় তেজঃপ্রভাবে ও তপোবলে দেবতাদিগকে পরাভব করিয়া ঋষিগণকে ইন্দ্রস্ব ভোগ করাইতেন। তিনি যতি যযাতি সংযাতি আয়াতি অয়তি ও কুব নামে ছয়টি পুত্র উৎপাদন করেন। তন্মধ্যে যতি যোগবলে মুনি-হইয়া চরমকালে পরব্রহ্মে লীন হন। যযাতি স্বীয় বিক্রমপ্রভাবে সমাট হইয়া এই সমাগরা পৃথিবী শাসন, বহুবিধ স্বজ্ঞানুষ্ঠান ও একান্ত ভক্তির সহিত পিতৃ ও দেবগণকে অর্চনা করিয়া সু-ভনির্কিংশেবে প্রজাপালন করিতেন।

হে মহারাজ ! সত্যপরাক্রম যযাতি সমাট ছিলেন। তিনি ধর্মতঃ রাজ্যশাসন এবং প্রজাবর্গের প্রতি যথেষ্ট অনুগ্রহ-প্রদর্শন করিতেন। মহারাজ যযাতি, সর্বদা যাগ যজ্ঞ এবং ভক্তিপূর্বক পিতৃ ও দেবগণের স্তুত্বা করিতেন। দেবযানী ও শর্মিষ্ঠা নামে যযাতির দুই মহিষী ছিলেন। তন্মধ্যে দেবযানীর গর্ভে যত্ন ও তুর্বসু নামে দুই পুত্র জন্মেন। শর্মিষ্ঠার গর্ভে দ্রুহু, অনু ও পুরু নামে তিন পুত্র জন্মেন। তাঁহারা সকলেই মহাধনুর্ধর ও সর্বগুণসম্পন্ন ছিলেন। মহারাজ যযাতি বহুকাল ধর্মতঃ প্রজাপালন করিয়া অবশেষে স্ত্রীচার্যের শাপে জরাগ্রস্ত হইলেন। তখন তিনি সেই রূপনাশিনী জরার প্রভাবে ভোগস্বখে বঞ্চিত হইয়া পুত্রদিগকে সম্বোধন-পূর্বক কহিলেন, হে পুত্রগণ ! আমি তোমাদিগের যৌবন দ্বারা যুবতিগণের সহিত বিহার করিতে বাসনা করি, তোমারা তদ্বিষয়ে আমাকে সাহায্য কর। ইহা শুনিয়া দেবযানীর জ্যেষ্ঠ পুত্র যত্ন কহিলেন, মহারাজ ! তোমাদিগের যৌবন দ্বারা আপনাকে কিরূপ সহায়তা সম্পাদন করিব আজ্ঞা করুন। যযাতি কহিলেন, তুমি আমার জরা গ্রহণ কর, আমি তোমার যৌবন লইয়া ইচ্ছানুরূপ বিষয় সম্ভোগ করিব। দীর্ঘ-

সত্রানুষ্ঠান কালে মহর্ষি উশনার শাপে কামাধ্বিনাশিনী জরা আমাকে আক্রমণ করিয়াছে, আমি তজ্জন্য সান্তিশয় সম্ভোগ হইতেছি। ততএব হে পুত্রগণ ! তোমাদিগের মধ্যে এক জন আমার জীর্ণ কলেবর লইয়া রাজ্য শাসন কর। যিনি জরা গ্রহণ করিবেন, আমি তাঁহার নবীন তনু আশ্রয় করিয়া বিষয় সম্ভোগ করিব। তাহা শুনিয়া যত্ন প্রভৃতি চারি জন তাঁহার জরা গ্রহণ করিতে সম্মত হইলেন না। পরিশেষে সর্বকনিষ্ঠ পুরু কহিলেন, মহারাজ ! আপনি আমার নবযৌবন-সম্পন্ন সুকুমার কলেবর আশ্রয় করিয়া অভিলাষানুরূপ বিষয় সম্ভোগ করুন, আমি আপনার জরা গ্রহণ করিয়া রাজ্য শাসন করিব। পরে রাজর্ষি যযাতি তপোবলে পুত্রশরীরে স্বকীয় জরা সঞ্চারিত করিলেন। অনন্তর সেই নৃপতি পুরুর বরোলাভ করিয়া যৌবনশালী হইলেন, এবং পুরু তদীয় বয়ঃপ্রভাবে জরাগ্রস্ত হইয়া রাজ্য শাসন করিতে লাগিলেন। শার্দূলসম বিক্রান্ত রাজা যযাতি, সহস্র বৎসর উভয় পত্নীর সহিত পরমস্বখে বিহার করিয়াও পরিতৃপ্ত হইলেন না। পরে টৈত্রেরথ নামক কুবেরোদ্যানে বিশ্বাচী নামী এক অপ্সরার সহিত কিছুকাল বিহার করিয়াও পরিতৃপ্ত হইলেন না। পরিশেষে মনোমধ্যে এই পৌরাণিকী গাথা অনুধ্যান করিলেন। কাম্যবস্তুর উপভোগে কামের উপশম হওয়া দূরে থাকুক প্রভ্যুত ঘৃতসংযুক্ত বস্তুর ন্যায় উহা ক্রমশঃ পরিবর্জিত হইতে থাকে। যদি এক জনে এই রত্নগর্ভা পৃথিবীর সমুদায় হিরণ্য, সকল পশু এবং সমস্ত মহিলা উপভোগ করে, তথাপি তাহার তৃপ্তিলাভ হওয়া দুর্ঘট, অতএব শান্তিপথ অবলম্বন করাই জ্ঞেয়ঃ কল্প। লোক বধন কাম্যমনোবাক্যে কাহারও অনিষ্টচেষ্টা না করে, তখন ব্রহ্মতুল্য হয়। মহারাজ যযাতি

বৈরাগ্যের স্বরূপ ও কামের অসারত্ব আ-
লোচনা করিয়া পুত্র হইতে আপন করা গ্রহণ
করিলেন, ও তদীয় বৌদ তাঁহাকে সম্প্রদান
করিলেন। পরিশেষে পুরুকে রাজ্যে অতি-
বিস্তৃত করিয়া কহিলেন, বৎস! তুমিই যথার্থ
পুত্রকার্য সম্পাদন করিয়াছ, তোমার দ্বারাই
আমার বংশরক্ষা হইবে, অতএব তোমার
বংশ পৌরবংশ বলিয়া লোকে বিখ্যাত
হইবে। মহারাজ যযাতি এই বলিয়া তপশ্চরণে
মনোনিবেশ করিলেন। পরে অনশনব্রত
অবলম্বন পূর্বক দেহত্যাগ করিয়া সস্ত্রীক
স্বর্গারোহণ করিলেন।

ষট্‌সপ্ততম অধ্যায়।

জনমেজয় কহিলেন, হে তপোধন!
দশম প্রজাপতি যযাতি রাজা আমাদি-
গের পূর্ব পুরুষ। তিনি পরমদুর্লভা শুক্রত-
নয়া দেবযানীকে কিরূপে লাভ করিলেন?
আমি তাহা সবিশেষ শ্রবণ করিতে বাসনা
করি। আপনি এই বৃত্তান্ত এবং তাঁহার
বংশপরম্পরা কীর্তন করিয়া আমার একান্ত
কৌতুকাক্রান্ত চিত্তকে পরিতৃপ্ত করুন।

বৈশম্পায়ন কহিলেন, দেবরাজসম প্র-
ভাবসম্পন্ন নহুষপুত্র যযাতি রাজাকে শুক্র
ও বৃষপর্কী ষেক্ষেপে বরণ করেন, এবং
তিনি যে প্রকারে দেবযানীকে লাভ করেন,
হে মহারাজ! আমি সেই সমস্ত বৃত্তান্ত
কীর্তন করিতেছি, শ্রবণ করুন। পূর্বে এই
সচরাচর বিশ্বরাজ্য লাভার্থে দেবতা ও অ-
সুরদিগের পরস্পর তুমুল সঙ্গ্রাম হইয়া-
ছিল। তৎকালে দেবতারা জীগাষাপরবশ
হইয়া বৃহস্পতিকে ষজ্জামুষ্ঠানে পুরোহি-
তরূপে বরণ করিয়াছিলেন। অসুরগণ
শুক্ৰাচার্য্যকে তৎকর্ত্তে ব্রতী করিয়াছিলেন।
একদম কর্ত্তে দীক্ষিত হইয়াছেন, বলিয়া
বৃহস্পতি ও শুক্রাচার্য্য ইঁহারা প্রতিনিয়ত
পরস্পরের প্রতি সন্দেহ করিতে লাগিলেন।
কিন্তু যুদ্ধে দেবগণ যে সকল অসুর সংহার

করিতেন, শুক্র মৃতসঞ্জীবনী বিদ্যাবলে তা-
হাদিগকে পুনরুজ্জীবিত করিতেন; সেই
সকল পুনরুজ্জীবিত অসুরেরা উদ্ভিত হই-
য়া দেবতাদিগের সহিত সংগ্রাম করিত।
কিন্তু অসুরেরা যুদ্ধে যে সকল দেবতার প্রা-
ণনাশ করিত, সুরাচার্য্য বৃহস্পতি আর
তাঁহাদিগকে পুনরুজ্জীবিত করিতে পারিতেন
না; কারণ মহর্ষি শুক্রাচার্য্য যে বিদ্যাশ্র-
ভাবে দানবগণকে পুনরুজ্জীবিত করিতেন,
বৃহস্পতি তদ্বিষয়ে অনভিজ্ঞ ছিলেন। পরে
দেবতারা বিবাদাপন্ন ও শুক্রাচার্য্যের ভয়ে
উদ্ভিন্ন হইয়া বৃহস্পতির জ্যেষ্ঠ পুত্র কচের
নিকট উপস্থিত হইয়া কহিলেন, হে কচ!
আমরা তোমার শরণাপন্ন হইলাম, তো-
মাকে আমাদিগের এক মহৎ কার্য সম্পাদন
করিতে হইবে। অমিততেজাঃ শুক্রাচার্য্য
যে মৃতসঞ্জীবনী বিদ্যা জানেন, তুমি সত্বর
তাহা অপহরণ কর। এই কর্ম করিলে তুমি
সর্ব বিষয়ে আমাদিগের অংশভাগী হইবে।
সম্প্রতি বৃষপর্কীর নিকটে তুমি শুক্রাচা-
র্য্যকে দেখিতে পাইবে। তিনি তথায় দান-
বগণকে সর্বদা রক্ষা করিতেছেন, কিন্তু দেব-
তাদিগের প্রতি কটাক্ষপাতও করেন না।
তুমি অস্পবরূক বালক। তুমিই তাঁহার আ-
রাধনার সক্ষম হইবে। সেই মহাম্ভার
দেবযানী নামী এক কন্যা আছেন, তাঁহাকেও
আরাধনা করিতে তোমাভিন্ন অন্য কে-
হই সমর্থ হইবে না। দয়া দাক্ষিণ্য সুশীল-
তাদি গুণে দেবযানীকে সন্তুষ্ট করিতে পা-
রিলে তুমি নিশ্চয়ই সেই সঞ্জীবনী বিদ্যা
লাভ করিবে।

অনন্তর বৃহস্পতিতনয় কচ তথাস্ত বলিয়া
বৃষপর্কীর সমীপে গমন করিলেন। দেব-
গণ-প্রেরিত কচ দ্রুত গমনে তথায় উপনীত
হইয়া অসুরেন্দ্র বৃষপর্কীর সমীপে শুক্রকে
দেখিয়া কহিলেন, মহাশয়! আমি মহর্ষি
অন্ধিরার পৌত্র, সাক্ষাৎ বৃহস্পতির পুত্র,

আমার নাম কচ, আপনাকে গুরু স্বীকার করিলাম। আপনি আমার গুরুত্বে বৃত্ত হইলে আমি সহস্র বৎসর ব্রহ্মচর্য্য অনুষ্ঠান করিব, আপনি আমাকে অনুমতি করুন। গুরু কহিলেন, হে কচ! তোমার পিতা বৃহস্পতি অতি পূজনীয়, অতএব আমি তোমার বাক্য অঙ্গীকার করিলাম। এক্ষণে তোমাকে ব্রহ্মচর্য্য ব্রতে অধিকারী করি।

বৈশম্পায়ন কহিলেন, হে মহারাজ! কচ ভৃগুপুত্র গুরুচার্য্যকর্তৃক আদিষ্ট ব্রহ্মচর্য্য ব্রত গ্রহণ করিলেন, এবং ব্রত কালের অব্যাহাতে উপাধ্যায়ের ও তৎপুত্রী দেবযানীর আরাধনা করিতে লাগিলেন। তিনি প্রতিদিন নৃত্য, গীত, বাদ্য এবং ফলপুষ্পাদি আহরণ দ্বারা অত্যম্প দিবসের মধ্যেই প্রাপ্তযৌবনা দেবযানীর পরিতোষ জন্মাইলেন। দেবযানীও গাত বাদ্য দ্বারা ব্রতধারী কচের পরিচর্যা করিতে লাগিলেন। এইরূপ ব্রতচরণ করিতে করিতে কচের পঞ্চশত বর্ষ অতীত হইল। অনন্তর দানবেরা কচের অভিসন্ধি বুঝিতে পারিয়া উপাধ্যায়ের গোরক্ষণে নিযুক্ত নিজ্জনকাননস্থ কচকে বিনাশ করিল, এবং তদীয় দেহ খণ্ড খণ্ড করিয়া শৃগাল কুকুরগণকে ভক্ষণ করিতে দিল। তখন গো সকল গোপশূন্য হইয়া স্ব স্ব নিবেশনে প্রত্যাগত হইল। পরে দেবযানী কচকে না দেখিয়া পিতার নিকট নিবেদন করিলেন, হে পিতা! আপনার অমিহোমে আচ্ছতি প্রদান করা হইল, সূর্য্যদেব আস্তে গমন করিলেন, এবং গো সকল গোপশূন্য হইয়া গৃহে আগমন করিল, কিন্তু কচকে প্রত্যাগত দেখিতেছি না, অতএব নিশ্চয়ই বোধ হইতেছে, কচ আহত বা কালপ্রাপ্ত হইয়াছে। আমি সত্য কহিতেছি কচ ব্যতিরেকে জীবন ধারণ করিতে পারিব না। গুরু কহিলেন,

বৎসে! চিন্তা কি? কচ এই মুহূর্ত্তেই আসিবে, আমি মৃত কচকে পুনর্জীবিত করিব, এই বলিয়া সঞ্জীবনী বিদ্যা প্রয়োগ পূর্ব্বক কচকে উচ্চৈশ্বরে আস্থান করিতে লাগিলেন। আহত কচ সঞ্জীবনীবিদ্যা-প্রভাবে পুনর্বার জীবন প্রাপ্ত হইয়া শৃগাল কুকুরগণের দেহ বিদীর্ণ করিয়া ক্ষুধা মনে উপাধ্যায়সমীপে উপস্থিত হইলে দেবযানী কহিলেন, কচ! তোমার আসিতে এত বিলম্ব হইল কেন? কচ উত্তর করিলেন, হে ভাবিনি! আমি সমিৎকুশ এবং কাষ্ঠভার দ্বারা আক্রান্ত ও একান্ত পরিশ্রান্ত হইয়া গোগণের সহিত বিশ্রামার্থ এক বটরক্ষের ছায়ায় আশ্রয় লইয়াছিলাম। ইত্যবসরে অসুরগণ তথায় আসিয়া আমাকে জিজ্ঞাসা করিল তুমি কে? আমি কহিলাম আমি বৃহস্পতির পুত্র, আমার নাম কচ। এই কথা কহিবামাত্র তাহারা আমাকে বধ করিয়া তদগো আমায় শরীর খণ্ড খণ্ড করত শৃগাল কুকুরগণকে ভক্ষণার্থ প্রদান পূর্ব্বক পরম স্নেহে স্ব স্ব গৃহে প্রতিনিবৃত্ত হইল। এক্ষণে মহাত্মা ভার্গবের বিদ্যমবলে পুনর্বার জীবন পাইয়া তোমার নিকট উপস্থিত হইলাম।

অনন্তর একদা দেবযানী পুষ্পচয়নার্থ কচকে অরণ্যে প্রেরণ করিলেন। দানবেরা কাননস্থ কচের শরীর চূর্ণ করিয়া সমুদ্র-জলে মিশ্রিত করিয়া দিল। এদিকে দেবযানী কচের বিলম্ব দেখিয়া পিতার নিকট নিবেদন করিলেন। তখন গুরু বিদ্যাপ্রভাবে কচকে আস্থান করিলে কচ পুনর্বার আসিয়া গুরুসম্মিধানে সমস্ত বৃত্তান্ত নিবেদন করিলেন। তৃতীয় বার অসুরেরা কচকে বিনষ্ট ও ভস্মাবশিষ্ট করিয়া গুরুচার্য্যের সুরার সহিত মিশ্রিত করিয়া দিল। তখন দেবযানী পুনর্বার পিতাকে নিবেদন করিলেন, হে পিতা! আমি পুষ্পাহরণার্থ কচকে প্রেরণ করিয়াছিলাম কিন্তু এখনও তাহাকে

প্রত্যাগত দেখিতেছি না। বোধ হয় সে আহত বা মৃত হইয়া থাকিবে। হে পিতঃ! আমি নিশ্চয় কহিতেছি, কচ ব্যতীত জীবন ধারণ করিতে পারিব না। শুক্রাচার্য্য কহিলেন, হে পুত্রি! বৃহস্পতির পুত্র কচ নিশ্চয়ই মৃত হইয়াছে। আমি সঞ্জীবনীবিদ্যা-প্রভাবে বারম্বার তাহার জীবন রক্ষা করিতেছি, কি করি, অসুরেরা তথাপি তদ্দিনাশে বিরত হইতেছে না, অতএব হে দেবযানি! তুমি শোক বা রোদন করিও না। তোমার সদৃশী মহিলায় সামান্য সর্ভ্য লোকের নিমিত্ত শোক মোহ অভিভূত হন না। দেখ ত্রশা, ব্রাহ্মগণ, ঈন্দ্রাদি দেবগণ, অক্ষবসু, যমজঅশ্বিনীকমার, অসুরগণ এবং সমস্ত জগৎ তোমাকে মহাপ্রভাবশালিনী জানিয়া নমস্কাব করেন। কচের জীবন রক্ষা করা বৃথা বোধ হইতেছে, যে হেতু অসুরেরা সুর্যোগ পাইলেই পুনর্বার তাহার প্রাণ সংহার করিবে। দেবযানী কহিলেন, বৃদ্ধতম মর্হর্ষি অক্ষিরাঃ যাঁহার পিতামহ, তপোনিধি বৃহস্পতি যাঁহার পিতা, তাঁহার নিমিত্ত কেনই বা রোদন ও শোক করিব না। কচ নিজেও সামান্য লোক নহেন। তিনি ব্রহ্মচারী, তপোধন ও সর্ক কার্য্যে স্ননিপুণ। হে তাত! আমি নিরাহারে প্রাণ ত্যাগ করিয়া কচের অন্তর্গামিনী হইব। কচ আমার নিতান্ত প্রিয় পাত্র। আমি তাঁাকে না দেখিয়া ক্ষণমাত্রও জীবন ধারণ করিতে পারিব না।

মর্হর্ষি শুক্র দেবযানীকর্তৃক এই রূপ অন্ধিত হইয়া কচকে আহ্বান করিয়া ক্রোধতরে কহিলেন, নিশ্চয়ই অসুরেরা আমার প্রতি বিদ্বেষাপন্ন হইয়াছে, এবং এই নিমিত্তই বারম্বার আমার শিষ্যের প্রাণনাশ করিতেছে। দুর্দান্ত দানবেরা এই পৃথিবীকে ব্রাহ্মগণ্য করিবার অভিলাষে আমার প্রতি এইরূপ অত্যাচার করিতে প্রবৃত্ত হইয়াছে।

ইয়াছে। ভাল আমি এক্ষণেই তাহাদিগের এই পাপের দণ্ডবিধান করিতেছি। ব্রহ্মহত্যাকৃত পাপ ঈন্দ্রকণ্ড দক্ষ করিতে পারে; এই বলিয়া কচকে বিদ্যাবলে আহ্বান করিতে লাগিলেন। সমাহত কচ গুরুর ভয়ে ভীত হইয়া জঠর হইতে অঙ্গে অঙ্গে উত্তর দিলেন। শুক্রাচার্য্য নিজ জঠর হইতে তাঁহার কথা শুনিতে পাইয়া কহিলেন, কচ! তুমি কি প্রকারে আমার উদরে প্রবিষ্ট হইয়াছ? কচ কহিলেন, আপনকার প্রসাদে বলবতী স্মরণ শক্তি আমাকে পরিত্যাগ করে নাই, এই নিমিত্ত আমার যথাবৎ বৃত্তান্ত স্মরণ হইতেছে। আর আমার ভয়স্যা কিছুমাত্র ক্ষয় হয় নাই, এই নিমিত্ত এই দারুণ ক্লেশ সহ্য করিতে সমর্থ হইয়াছি। অসুরেরা আমাকে দক্ষ ও চূর্ণ করিয়া আপনার সুরার সহিত মিশ্রিত করিয়া দিয়াছিল। আপনি বিদ্যমান থাকিতে আসুরী মায়ী কখনই ব্রাহ্মী মায়াকে অতিক্রম করিতে পারবেনা। শুক্র কহিলেন বৎসে! দেবযানি! অদ্য কি রূপে তোমার প্রিয় কার্য্য সম্পাদন করিব? আমি প্রাণ পরিত্যাগ না করিলে কচের প্রাণ রক্ষা হয় না। কচ আমার উদরের অভ্যন্তরে অবস্থিত করিতেছে। সুতরাং বৃক্ষবিদারণ ব্যতিরেকে কচ কিরূপে নির্গত হইবে। দেবযানী কহিলেন, তাত! কচের বিনাশ ও আপনার উপযাত এক্ষণে এই উভয়ই আমার পক্ষে সাক্ষাৎ অধ্বংস বোধ হইতেছে। কচের বিনাশ হইলে আমার জীবন নষ্ট হইবে এবং আপনার বিয়োগে কিরূপেই বা প্রাণ ধারণ করিব? তখন শুক্র উদরস্থ কচকে কহিলেন, হে বৃহস্পতিপুত্র কচ! যে হেতু দেবযানী তোমাকে তক্ত বলিয়া আদর করেন, অতএব বোধ হয় তুমি কোন সিদ্ধ পুরুষ অথবা কচরূপী ঈন্দ্র হইবে। বাহা হউক অদ্য তো-

মাকে এই সঞ্জীবনী বিদ্যা প্রদান করিব। ব্রাহ্মণ ব্যতীত অন্য কেহ পুনর্জীবিত হইয়া আমার উদর হইতে বহির্গত হইতে পারে না, অতএব অঙ্গীকার করিতেছি, তোমাকে বিদ্যাদান করিব, কিন্তু বৎস! তুমি পুত্ররূপে আমার দেহ হইতে নিষ্ক্রান্ত হইয়া পুনর্বার বিদ্যাবলে আমাকে জীবিত করিবে। দেখিও এই ধর্ম প্রতিপালনে যেন পরাশ্রয় হইও না।

অনন্তর কচ শুক্রসম্মুখানে সঞ্জীবনী বিদ্যা প্রাপ্তি পূর্বক কৃষ্ণি ভেদ করিয়া পুর্নিমা-শশাঙ্কের ন্যায় তৎক্ষণাৎ নিষ্ক্রান্ত হইলেন। নিষ্ক্রান্ত হইয়া দেখিলেন মৃত শুক্রাচার্য্য ভূতলে পতিত আছেন। কচ অবিলম্বে সিদ্ধ বিদ্যা দ্বারা তাঁহাকে জীবিত করিয়া অভিবাদন-পূর্বক কহিলেন, ভগবন্। যিনি কর্ণে অমৃত নিষেক স্বরূপ মন্ত্র প্রদান করেন, আমি তাঁহাকে পিতানাতাস্বরূপ স্বীকার করি। কোন্ ব্যক্তি এমত মুঢ় যে তা-দৃশ হিতৈষী লোকের অনিষ্ট চেষ্টা করিবে? সত্যকলপ্রদ নিধির নিধিস্বরূপ ও পরম পূজ-নীয় গুরুদেবকে যে ব্যক্তি আদর না করে, সেই পাপিষ্ঠ ইহ লোকে অপ্রতিষ্ঠিত হইয়া পর লোকে নিরয়গামী হয়। মহানুভাব শুক্র সুরাপান-জ্ঞানত অজ্ঞানতা প্রযুক্ত অতি-রূপ কচকে সুরা সহকারে উদরস্থ করিয়া ছিলেন, এই বলিয়া সুরার প্রতি জাতক্রোধ হইলেন। তিনি বিপ্রগণের প্রিয় সম্পাদ-নার্থ কহিলেন, অদ্যাবধি যে মুঢ়মতি ব্রা-হ্মণ ভ্রান্তিক্রমেও মদ্যপান করিবে, সে অ-ধার্মিক ও ব্রহ্মহা হইয়া ইহকালে ও পর-কালে ঘৃণিত ও নিন্দিত হইবে। আমি বিপ্রধর্মের এই সীমা সংস্থাপন করিলাম। গুরুশ্রদ্ধা-পরায়ণ ব্রাহ্মণগণ ও অন্যান্য লোক ইহা শ্রবণ করুন। তপোনিধি এই বলিয়া মুসুন্ধি দানবদিগকে আ-স্থান করিয়া এই কথা কহিলেন “অরে

নির্কোষ দানবগণ! আমার তুল্য প্রভাব-শালী মহাত্মা কচ সঞ্জীবনীবিদ্যা-প্রভাবে ব্রহ্মভূত হইয়া আমার নিকট বাস করিবেন” এই কথা কহিয়া তিনি বিরত হইলেন। তৎ-পরে দানবেরা বিস্ময়াবিষ্ট হইয়া স্ব স্ব নিকে-তনে গমন করিল। কচ সহস্র বৎসর গুরুগৃহে বাস করিয়া পরিশেষে তাঁহার অনুমতি লইয়া দেবলোকে প্রস্থান করিলেন।

সপ্তসপ্ততম অধ্যায়।

বৈশম্পায়ন কহিলেন, ব্রতপরায়ণ কচ গুরু-কর্তৃক আদিষ্ট হইয়া ত্রিদশালয়ে প্র-স্থান করিতে উদ্যত হইলে, দেবযানী কহি-লেন, হে মহর্ষি অঙ্গিরার পৌত্র কচ! তুমি কুল, শীল, বিদ্যা, তপস্যা ও শম দ-মাদি দ্বারা অলঙ্কৃত হইয়াছ। মহাযশাঃ অঙ্গিরা যেমন আমার পিতার মান্য, তো-মার পিতা বৃহস্পতি ও আমার সেইরূপ মান্য ও পূজনীয়। এই সকল আলোচনা করিয়া আমি যাছা কহিতেছি, শ্রবণ কর। হে তপোধন! তুমি নিয়মস্থ বা ব্র-তনিষ্ঠ হইলে আমি তোমার সবিশেষ শুশ্রূষা করিতাম; এক্ষণে তুমি কৃতবিদ্য হইয়াছ, আমি তোমার প্রতি নিতান্ত অ-নুরক্তা, অতএব মন্ত্রোচ্চারণ-পূর্বক আমার পাণি গ্রহণ কর। কচ কহিলেন, হে শুভে! তোমার পিতা শুক্রাচার্য্য আমার যেরূপ মান্য ও পূজনীয় তুমিও তক্রূপ পূজনীয়। হে ভদ্রে! তুমি ভগবান্ ভার্গবের প্রাণ হই-তেও প্রিয়তরা কন্যা। তুমি ধর্মতঃ আমার গুরুপুত্রী। স্মরণ্য আমাকে একরূপ কথাবলা তোমার উচিত হইতেছেন। দেবযানী কহি-লেন, তুমি আমার পিতার পুত্র নহ। তুমি পিতার গুরুপুত্রের পুত্র। কেবল এই নি-মিত্ত তুমি আমার মান্য ও পূজনীয়। কিন্তু অসুরেরা তোমাকে বারণার নষ্ট করিয়া-ছিল। সেই অবধি আমি তোমাতে একান্ত অনুরক্ত হইয়াছি। তোমার প্রতি আমি

মেষপ ভক্তি, নৌহার্দ্য ও অনুরাগ করিয়া-
 থাকি তাহার কিছুই তোমার অবিদিত নহে।
 অতএব হে ধর্মজ্ঞ ! এখন তুমি এই নির-
 পরাধিনীকে পরিত্যাগ করিও না। কচ
 কহিলেন, হে শুভব্রতে ! অনিষোজ্য বিষয়ে
 আমাকে নিয়োগ করা উচিত হইতেছে না।
 হে বালে ! তুমি আমার গুরু হইতেও গুরু
 তরা। এক্ষণে তুমি আমার প্রতি প্রসন্ন
 হও। হে বিশালাক্ষি ! তুমি যে শুক্রের
 গুরসে উৎপন্ন হইয়াছ আমি তাঁহারই
 উদরে বাস করিয়াছিলাম ; সুতরাং তুমি
 ধর্মতঃ আমার ভগিনী হইলে, অতএব এ
 রূপ কথা আর কহিও না। হে ভদ্রে !
 এতদিন এই স্থলে সুখে বাস করিলাম,
 এক্ষণে অনুমতি কর গৃহে গমন করি এবং
 আশীর্বাদ কর, যেন পশ্চিমধ্যে আমার কোন
 বিপন্ন ঘটনা না হয়। কথাপ্রসঙ্গে আমাকে
 এক এক বার স্মরণ করিও এবং সতত মা-
 বানে আমার গুরু শুক্রাচার্যের পরিচর্যা
 করিও। দেবযানী কহিলেন হে কচ ! তুমি
 আমাকে প্রত্যাখ্যান করিলে তোমার সঞ্জী-
 বনী বিদ্যা ফলবতী হইবে না। কচ কহিলে-
 ন, আমি কোন দোষাশঙ্কায় তোমাকে প্রত্যা-
 খ্যান করিতেছি এমন নহে, গুরুপুত্রী বলিয়া
 প্রত্যাখ্যান করিতেছি ; এবং এবিষয়ে গু-
 রুরও অনুমতি নাই, সুতরাং তুমি অকা-
 রণে আমাকে অভিসম্পাত করিলে। হে
 দেবযানি ! আমি তোমাকে আর্ষ ধর্মের
 উপদেশ প্রদান করিতেছিলাম ; তথাপি তুমি
 আমাকে অভিশাপ দিলে, ফলতঃ আমি
 শাপের উপযুক্ত নহি, এবং তোমার এই
 শাপও ধর্মতঃ নহে, কামতঃ ; অতএব আমি
 তোমাকে প্রতিশাপ প্রদান করিতেছি, তুমি
 যাহা অভিলাষ করিতেছ তাহা নিষ্ফল
 হইবে এবং অন্য কোন ঋষিকুমারও তো-
 মার পাদি গ্রহণ করিবেন না। আর তুমি
 আমাকে অভিসম্পাত করিলে যে তোমার

অধীত বিদ্যা সিদ্ধ হইবে না। ভাল তাহা
 আমি স্বীকার করিলাম, কিন্তু আমি যাহাকে
 ঐ বিদ্যা অধ্যয়ন করাইব সে তদ্বিষয়ে কু-
 তকার্য হইতে পারিবে। কচ দেবযানীকে
 এইরূপ প্রতিশাপ প্রদান করিয়া সম্বর দে-
 বলোকে উপনীত হইলেন। ইন্দ্রাদি দেবগণ
 কচকে অভ্যাগত দেখিয়া বৃহস্পতির সমক্ষে
 তাঁহাকে এই কথা কহিলেন, হে কচ ! তুমি
 যামাদিগের যে পরমাস্ত্র হিত কার্য্য স-
 ম্পাদন করিলে তাহাতে তোমার মশঃ চি-
 রস্থায়ী হইবে এবং তুমি আমাদিগের অংশ-
 ভাগী হইবে।

অষ্টসপ্ততিতম অধ্যায়।

বৈশম্পায়ন কহিলেন, মহারাজ ! কচ
 কুতবিদ্য হইয়া দেবলোকে প্রত্যাগমন
 করিলে দেবগণ অতীব হৃৎচিন্তে তাঁহার
 নিকট সেই সঞ্জীবনী বিদ্যা অধ্যয়ন করিয়া
 চরিতার্থ হইলেন। অনন্তর তাঁহারী সকলে
 ইন্দ্রমন্দিরানে গমন করিয়া নিবেদন করি-
 লেন, হে পুরন্দর ! তোমার বিক্রমপ্রকাশের
 উযুপ্ত অবসর উপস্থিত হইয়াছে, এক্ষণে
 শক্রকুল সংহারের নিমিত্ত প্রস্তুত হও। ইন্দ্র,
 দেবগণ কর্তৃক এইরূপ অতিহিত ও উ-
 স্তেজিত হইয়া তৎক্ষণাৎ যাত্রা করিলেন।
 কিয়দুর গমন করিয়া চৈত্ররথোপম পরম
 রমণীয় এক কাননে কতকগুলি স্ত্রীলোক
 দেখিতে পাইলেন। তাহারী স্ব স্ব পরিধেয়
 বস্ত্র সরোবর-তীরে রাখিয়া জলবিহার ক-
 রিতেছিল। দেবরাজ এই অবসরে বায়ুরূপ
 ধারণ করিয়া কন্যাদিগের বস্ত্র সকল একত্র
 মিশ্রিত করিয়া দিলেন। তৎপরে কন্যাগণ
 সকলে জল হইতে উপ্ত হইয়া যিনি যে
 বস্ত্র সন্মুখে পাইলেন তাহাই পরিধান
 করিলেন। তন্মধ্যে বৃষপর্কত্বহিতা শর্শ্বিষ্ঠা
 না জানিতে পারিয়া দেবযানীর বস্ত্র গ্রহণ
 করিলেন। তদুপলক্ষে তাঁহাদের উভয়ের
 বিরোধ উপস্থিত হইল। দেবযানী কহিলেন,

রে অম্বরকন্যা! তুমি আমার শিষ্যা হইয়া কোন সাহসে আমার বস্ত্র পরিধান করিতেছিস্। এই অত্যাচারে তোর শ্রেয়োলাভ হইবে না। শর্মিষ্ঠা ক হলেন, দেখ দেবযানি! আমার পিতা যখন শয়ান বা উপবিষ্ট থাকেন, তোমার পিতা নিদ্রাসনে উপবেশন করিয়া অতি বিনীত ভাবে স্তুতি পাঠকের ন্যায় তাঁহাকে নিয়ত স্তব করিয়া থাকেন। যে ব্যক্তি স্তব, প্রতিগ্রহ ও যাক্কা দ্বারা জীবিকা নির্বাহ করে, তুমি তাঁহারই কন্যা। আর সকলে যাঁহার আরাধনা করিয়া থাকে, যিনি প্রার্থনাধিক অর্থ দান করিয়া যাঁচকের মনোবাঞ্ছা পূর্ণ করেন, আমি তাঁহার কন্যা। তুমি যত পথ ক্লান্ত কর, হিংসা কর, দ্বেষ কর বা শাপ দেও, আমি তোমাকে কখনই সমকক্ষ বলিয়া গণনা করিব না।

শর্মিষ্ঠার এইরূপ অতিকঠোর বাক্য শ্রবণ করিয়া দেবযানী ক্রোধে অধীর হইয়া বল-পূর্বক আপনার পরিধেয় বসন আকর্ষণ করিতে লাগিলেন। তদর্শনে শর্মিষ্ঠা কোপাক্রান্ত ও কল্পিতকলেবর হইয়া দেবযানীকে সন্নিহিত এক কুপে নিক্ষেপ করিলেন। দেবযানী কুপে পতিত হইয়া নিশ্চয়ই প্রাণ পরিত্যাগ করিয়াছে, এই স্থির করিয়া শর্মিষ্ঠা স্বভবনে গমন করিলেন। মুগয়া-বিহারী নছবাজ্জ যযাতি রাজা অশ্বারোহণে সেই অরণ্যে ভ্রমণ করিতেছিলেন। তিনি মুগের অম্বরকন্যাকে পিপাসায় শুষ্ককণ্ঠ হইয়া জল অন্বেষণ করিতে করিতে সেই কুপের সন্নিহিত হইলেন। রাজা জল প্রার্থনার কূপমধ্যে দৃষ্টিপাত করিয়া মাত্র অগ্নিশিখার ন্যায় এক কামিনীকে নয়নগোচর করিয়া অতীব বিস্ময়রসে নিমগ্ন হইলেন। তিনি সেই রমণীকে অতি রুচুণ স্বরে বিলাপ ও পরিতাপ করিতে দেখিয়া মধুর সা-

স্তনা বাক্যে জিজ্ঞাসিলেন, ভদ্রে! তুমি কে? কাহার কন্যা? কেনইবা এত শোকাকুল হইয়াছ? আর কিকুপেই বা এই অন্ধকূপে পতিত হইয়াছ? দেবযানী কহিলেন, দানবেরা দেবগণ কর্তৃক যুদ্ধে নিহত হইলে, যিনি সঞ্জীবনীবিদ্যাবলে তাহাদিগকে পুনর্জীবিত করেন, আমি সেই শুক্রাচার্য্যের কন্যা। আমি যে এই বনমধ্যে একাকিনী অন্ধকূপে পতিত আছি, তাহা তিনি জানিতে পারেন নাই। চে মহারাজ! আপনি মহাবংশপ্রসূত, অসামান্য যশস্বী ও শাস্ত্রপ্রকৃত; অতএব আপনি আমার দক্ষিণ হস্ত ধরিয়া আমাকে এই কূপ হইতে উদ্ধার করুন। রাজা যযাতি তাঁহার পরিচয় পাঠিয়া ব্রাহ্মণী বোধে দক্ষিণ হস্ত ধারণ-পূর্বক কূপ হইতে উদ্ধৃত করিলেন, এবং সাদরসম্ভাষণ-পূর্বক তাঁহার নিকট বিদায় লইয়া স্বনগরে প্রত্যাগমন করিলেন।

নছবতনয় রাজা যযাতি নিজরাজধানী প্রস্থান করিলে ঘর্ণিকানামী এক দাসী সহসা দেবযানীসমীপে উপস্থিত হইল। দেবযানী বাস্পাকুল লোচনে তাহাকে কহিলেন ঘর্ণিকে! তুমি সত্ত্বর আমার পিতার নিকট যাইয়া বল, শর্মিষ্ঠা আমার এই চূর্দশা করিয়াছে, আর আমি বৃষপর্ব রাজ্যের নগরে প্রবেশ করিব না। তাঁহার আদেশ প্রাপ্ত মাত্রে ঘর্ণিকা দ্রুতপদসঞ্চারে অম্বরকন্যার প্রার্থনায় উপস্থিত হইয়া দেবযানী-বৃত্তান্ত আদ্যোপাস্ত সমস্ত নিবেদন করিল। মহর্ষি শুক্র শ্রুতিমাত্রেই উদ্ভিত হইয়া বনমধ্যে কন্যার অন্বেষণে গমন করিলেন, এবং অবিলম্বেই তথায় উপনীত হইয়া দেবযানীকে দৃষ্টিগোচর করিয়া বাৎসল্য ভাবে আলিঙ্গন পূর্বক গদগদবচনে কহিলেন, বৎসে দেবযানি! আপনার স্মৃতি ও চূ-
কৃত-অম্বরকন্যার সকলে স্তব চু-
কৃত-অম্বরকন্যার সকলে স্তব চু-

রিয়া থাকে, বোধ হয় তুমি কোন পাপকর্ম করিয়া থাকিবে তাহারই ফল ভোগ করিতে হইয়াছে। দেবযানী কহিলেন তাত ! পাপের ভোগ হউক বা না হউক, এক্ষণে রূষপর্কতনয়া শর্মিষ্ঠা আমাকে যেক্রপ করিয়াছে, তাহা শ্রবণ করুন। এই বলিয়া পিতার নিকট সমস্ত পরিচয় দিলেন। পরিশেষে কহিলেন, শর্মিষ্ঠা যে প্রকার কহিয়াছে, আমি যদি যথার্থই সেইরূপ হই তবে তাহার নিকট আপন্যর দোষ স্বীকার করা ও ক্ষমা প্রার্থনা করা কর্তব্য, নতুবা তাহার অহঙ্কারের প্রতীকার করিতে হইবে। শুক্র কহিলেন, বৎসে ! তুমিত স্তাবক বা প্রতিগ্রহোপজীবীর কন্যা নহ। তোমার পিতা কাহারও চাটুকান নহেন, বরং অন্যে তাঁহার স্তব করিয়া থাকে। রূষপর্কা, ইন্দ্র এবং নহুষতনয় রাজা যযাতি ইহঁারা সকলেই জানেন যে, অচিন্ত্য নিদ্বন্দ পরব্রহ্মই আমার বল। স্বয়ম্ভু ব্রহ্মা তুষ্ট হইয়া আপনি কহিয়াছেন, পৃথিবীতে বা স্বর্গে যে কিছু বস্তু আছে আমিই তাহার ঈশ্বর। আমি তোমাকে সত্য কহিতেছি প্রজাদিগের প্রিয় কার্য সম্পাদনের নিমিত্ত আমিই বারিবর্ষণ ও ওষধি সকল পুষ্ট করিয়া থাকি। মহানুভাব শুক্র বিষদমত্না ক্রোধাকুলা দেবযানীকে এইরূপ মধুর বাক্যে সান্তনা করিতে লাগিলেন।

একোন অশীতিতম অধ্যায়।

শুক্র কহিলেন, হে দেবযানি ! যে ব্যক্তি ক্ষমাশূণ্যে পরের তিরস্কার বাক্যে উপেক্ষা প্রদর্শন করেন, এই সচরাচর বিশ্ব তাঁহারই আয়ত্ত। সাধু লোকেরা অশ্বরশ্মিগ্রাহীকে সারথি না বলিয়া যিনি উত্তেজিত ক্রোধকে অশ্বের ন্যায় নিগ্রহ করিতে পারেন, তাঁহাকেই যথার্থ সারথি বলিয়া থাকেন। যিনি উদ্ভিক্ত ক্রোধানলে ক্ষমাবারি সেচন করিতে পারেন, এই স্থাবরজঙ্গমাগ্নক জগৎ তাঁহা-

রই জয় করা হয়। যেমন সর্প নির্মোক পরিত্যাগ করে, তক্রপ যিনি ক্রোধ পরিত্যাগ করিতে পারেন, পণ্ডিতেরা তাঁহাকেই সংপুরুষ কহেন। যিনি ক্রোধাবেগ সম্মরণ-পূর্বক তিরস্কারে উপেক্ষা প্রদর্শন করেন এবং সম্ভ্রু হইয়াও অন্যকে তাপিত করেন না, তাঁহারই সর্বার্থসিদ্ধি হইয়া থাকে। যে ব্যক্তি শতবৎসর ব্যাপিয়া প্রতিমা সেবা বা যজ্ঞানুষ্ঠান করেন, আর যিনি কাহারও উপর কখনই ক্রুদ্ধ হইয়েন না, এই উভয়ের মধ্যে অক্রোধন ব্যক্তিই অপেক্ষাকৃত উৎকৃষ্ট। বালক বালিকারা বিবেকাতাব প্রযুক্ত ক্রোধাক্ত হইয়া পরস্পর বিরোধ করিয়া থাকে, কিন্তু প্রাজ্ঞ ব্যক্তি সেরূপ করেন না। দেবযানী কহিলেন, তাত ! আমি অস্প-বয়স্কা বালিকা বটে, কিন্তু ধর্মের মর্মা বিবেচনা করিতে নিতান্ত অসমর্থ নহি এবং ক্রোধ ও ক্ষমা এই উভয়ের বলাবল পরিজ্ঞানেও অক্ষম নহি। কিন্তু যে ব্যক্তি শিষ্য হইয়া অশিষ্যের ন্যায় আচরণ করে, মঙ্গলার্থী ব্যক্তি তাহাকে কিছুতেই ক্ষমা প্রদর্শন করিবেক না। অতএব এই ব্রহ্মচার দেশে বাস করিতে আমার অভিলাষ নাই। যে সকল লোকেরা আচার ব্যবহার ও কৌলীন্যাদি লইয়া সর্বদা পরনিন্দা করে, মঙ্গলার্থী ব্যক্তি সেই সকল পাপিষ্ঠ লোকের সংসর্গ করিবেন না। আর যে স্থানে বাস করিলে আচার ব্যবহার ও কৌলীন্যাদির গৌরব থাকে, সেই স্থানে বাস করাই শ্রেয়ঃকম্প। হে তাত ! রূষপর্কতনয়া শর্মিষ্ঠার সেই সকল দুর্ভাক্য আমার হৃদয় দাক্ত করিতেছে। অধিক কি বলিব, যে হতভাগ্য ব্যক্তি যৎকিঞ্চিৎ লাভ প্রত্যাশায় ধনিগণের উপাসনা করে, বোধ হয় তদপেক্ষা তাহার মৃত্যু হওয়া উত্তম।

অশীতিতম অধ্যায়।

বৈশম্পায়ন কহিলেন, অনন্তর শুক্র ক্রো-

ধভরে সিংহাসনোপবিষ্ট রাজা রুষপর্কার নিকট উপস্থিত হইয়া অসঙ্কুচিত চিত্তে কহিলেন, হে দানবরাজ! অধর্ম আচরণ করিলে সদ্যই তাহার ফল দর্শনা বটে, কিন্তু পরিণামে সেই পাপপরায়ণ ব্যক্তিকে সমূলে উচ্ছেদ করিয়া থাকে। যদিও অনুষ্ঠানকর্তার তাহার কলভোগ না হয়, তত্রাপি তাহার পুত্র বা পৌত্রদিগকেও তাহার কলভোগ করিতে হয়। রুহম্পতি-তনয় কচ রিদ্যালভ করিবার নিমিত্ত আমার নিকট আসিয়াছিল। সে ধর্মপরায়ণ স্মৃশীল ও শুক্রবাপর। তুমি অন্য দ্বারা নিরপরাধে বারম্বার তাহার প্রাণহিংসা করিয়াছিলে। আজি আবার তোমার কন্যা শর্মিষ্ঠা আমার দেবযানীর প্রাণ নষ্ট করিবার অংশয়ে তাহাকে এক গভীর কুপে নিক্ষেপ করিয়াছিল। এই সকল অত্যাচারে আমি অদ্যই তোমাদিগকে পরিত্যাগ করিলাম। আমি আর তোমার অধিকারে বাস করিব না। তোমরা আমার কথা প্রলাপ বলিয়া বিবেচনা কর, নতুবা আপন দোষ সংশোধনে প্রতীক্ষা করিতে না। রুষপর্কা কহিলেন, হে তাগর্ব! আমি আপনাকে অধার্মিক বা মিথ্যাবাদী বলিয়া বোধ করি না, প্রত্যুত পরমধার্মিক ও সত্যপরায়ণ বলিয়া জ্ঞান করিয়া থাকি। তোমার প্রতি আমি কখনই ঘৃণা বা অশ্রদ্ধা করি না, অতএব ক্রোধ সংরণ কর এবং আমার প্রতি প্রসন্ন হও। যদি তুমি আমাদিগকে পরিত্যাগ করিয়া অন্যত্র গমন কর, তাহা হইলে আমরা সমুদ্রগর্ভে প্রবেশ করিব সংশয় নাই। শুক্র কহিলেন, তোমরা সাগরেই প্রবেশ কর বা দেশান্তরেই যাও, তোমার কন্যা আমার দেবযানীকে যেরূপ অপমান করিয়াছে, তাহা আমি কখনই সহ্য করিব না। আমি দেবযানীকে অতিশয় স্নেহ করিয়া থাকি। যেমন রুহম্পতি ইন্দ্রের যোগক্ষেমকর আ-

মিও সেইরূপ তোমার যোগক্ষেম সম্পাদন করিয়া থাকি। অতএব যদি আমাকে রাজ্যে রাখিতে বাসনা থাকে, তবে দেবযানীকে প্রসন্ন কর। দেবযানী আমার জীবনস্বরূপ। রুষপর্কা কহিলেন, ভগবন্! অসুরেরা যে কিছু ধন সম্পত্তি বা গো হস্তী অশ্ব প্রভৃতি অধিকার করে, আপনি তৎসমুদায়ের ও আমার অধীশ্বর, অতএব আপনি প্রসন্ন হউন। শুক্র কহিলেন, আমি দানবদিগের সমুদায় সম্পত্তির ঈশ্বর হই, তাহা হইলেও যদি দেবযানীকে সান্ত্বনা করিতে পারি। দানবরাজ রুষপর্কা তৎক্ষণাৎ তাহার বাক্যে সম্মতি প্রকাশ করিলেন।

পরে ভৃগুনন্দন শুক্র দেবযানীর নিকটে গমন করিয়া এই কথা আদ্যোপান্ত অবগত করাইলেন। তখন দেবযানী কহিলেন, হে পিতঃ! তুমি যে অসুরদিগের সকল সম্পত্তির ঈশ্বর তাহা রুষপর্কা স্বয়ং আমার নিকট অঙ্গীকার করুক, নতুবা আমার বিশ্বাস হয় না। তাহা শুনিয়া দানবরাজ রুষপর্কা কহিলেন, হে চারুহাসিনি দেবযানি! তোমার যাহা অভিলাষ হয় বল, অতিশয় দুর্লভ বস্তু হইলেও আমি তোমাকে প্রদান করিব। তখন দেবযানী কহিলেন, শর্মিষ্ঠা সহস্র অসুরকন্যার সহিত আমার দাসীভাব অবলম্বন করুক এই আমার অভিলাষ এবং আমি বিবাহিতা হইয়া যৎকালে ভর্তৃগৃহে গমন করিব, তখনও তাহাকে আমার অনুসরণ করিতে হইবে। তাহা শুনিয়া রুষপর্কা সমীপবর্তিনী এক পরিচারিকাকে আদেশ করিলেন, তুমি যাও শীঘ্র শর্মিষ্ঠাকে আমার নিকট ডাকিয়া আন। দেবযানীর যেরূপ অভিলাষ শর্মিষ্ঠা আসিয়া তাহা অবিলম্বে সম্পাদন করুক। পরিচারিকা রাজার আদেশক্রমে শর্মিষ্ঠার নিকট উপনীত হইয়া নিবেদন করিল, রাজনন্দিনি! মহারাজ তোমাকে

আহ্বান করিতেছেন, চল এবং জ্ঞাতিকুলের শুভ সম্পাদন কর। শুক্রাচার্য্য দেবযানী কর্তৃক উত্তেজিত হইয়া অম্বরকুল পরি-
ত্যাগের উপক্রম করিয়াছেন, এক্ষণে দে-
বযানীকে প্রসন্ন করিবার নিমিত্ত তোমাকে
তাহার নিদেশানুসারে সমস্ত কৰ্ম সম্পন্ন
করিতে হইবে। তাহা শুনিয়া শর্শ্মিষ্ঠা
কহিলেন, তিনি যখন যাহা আদেশ করিবেন,
আমি বিচার না করিয়া তৎক্ষণাৎ তাহা
সম্পাদন করিব। আর দেবযানীকে সান্ত্ব-
না করিবার নিমিত্ত মহর্ষি শুক্রও যাহা
আদেশ করিবেন, তাহাতে ও আমার অস-
ম্মতি নাই। আমার দোষে শুক্র ও দেব-
যানী নগর পরিত্যাগ করিবেন, তাহা কথ-
নই হইবে না। এই বলিয়া শর্শ্মিষ্ঠা শিবি-
কায় আরোহণ-পূর্বক সহস্র দাসী পরিবৃত্তা
হইয়া সত্বর অন্তঃপুর হইতে নির্গতা হই-
লেন এবং দেবযানী-সন্নিধানে উপনীত
হইয়া কহিলেন, হে গুরুকন্যে ! আমি সহস্র
অম্বর কন্যার সহিত তোমার দাস্ত্র কৰ্ম
করিব এবং তুমি পরিণীতা হইয়া যখন
পতিগৃহে গমন করিবে, তৎকালেও আমি
দাসীভাবে তোমার সমভিব্যাহারে যাইব।
দেবযানী কহিলেন, দেখিও তুমি রাজনন্দিনী
হইয়া কিরূপে চাটুকর ও তিক্কুর ন্যায়
দাসীভাব অবলম্বন করিবে। শর্শ্মিষ্ঠা ক-
হিলেন, জ্ঞাতিকুলের বিপদঘটিলে যে
কোন উপায় দ্বারা হউক, তাহার প্রতীকার
চেষ্টা করা কর্তব্য, এজন্য আমি তোমার
দাসীবৃত্তি স্বীকার করিলাম। এইরূপে শ-
র্শ্মিষ্ঠা দাসীভাব অঙ্গীকার করিলে দেব-
যানী নিজ পিতা শুক্রকে কহিলেন, হে
তাত ! আমি ক্রোধসম্বরণ করিয়াছি, চল
এক্ক্ষণে নগরে প্রবেশ করি। জানিলাম তো-
মার বিজ্ঞান ও বিদ্যাশক্তি অমোঘ। মহাযশাঃ
শুক্র কন্যা কর্তৃক এইরূপ অভিহিত এবং
দানবরাজ কর্তৃক সমাদৃত ও সংকৃত হইয়া

হৃষ্টচিত্তে পুনর্বার দেবযানীর সহিত পুর-
প্রবেশ করিলেন।

একাশীতিতম অধ্যায়।

বৈশম্পায়ন কহিলেন, মহারাজ ! কি-
য়ৎকাল অতীত হইলে বরবর্গিনী দেবযানী
ক্রীড়াভিলাষে পুনর্বার সেই বনে প্রবেশ
করিলেন। তিনি হৃষ্টচিত্তে শর্শ্মিষ্ঠা ও সেই
সমস্ত সখীগণ সমভিব্যাহারে যথেষ্ট বন-
বিহার করিতেছেন ; কেহ প্রকুল মনে মধু-
পান করিতেছে, কেহ সুস্বাদ ফল দংশন
করিতেছে, কেহ বা অন্যান্য ভক্ষ্য দ্রব্য
উপযোগ করিতেছে, ইত্যবসরে মৃগয়াবি-
হারী নহুষতনয় যযাতি মৃগের অনুসরণ-
ক্রমে একান্ত ক্লান্ত ও পিপাসার্ত হইয়া জলা-
শ্বেষণ করিতে করিতে পুনর্বার সেই স্থানে
উপস্থিত হইলেন। তিনি দেখিলেন, সর্বা-
লঙ্কার-ভূষিতা কন্যাকাগণ-বেষ্টিতা মধুর-
হাসিনী এক পরমসুন্দরী কামিনী ত-
থায় উপবেশন করিয়া আছেন, এবং পরম
সুকুমারী এক রাজকুমারী তাঁহার পদসেবা
করিতেছেন।

রাজা ক্রমশঃ তাঁহাদিগের সন্নিহিত হইয়া
সমুচিত সমাদর প্রদর্শন-পূর্বক দেবযানী-
কে জিজ্ঞাসা করিলেন, ভদ্রে ! তোমরা
জন্ম গ্রহণ করিয়া কোন্ বংশ অলঙ্কৃত করি-
য়াছ? তোমার ও তোমার এই পরিচারিকার
নাম কি এবং এই সকল সখীগণই বা কে ?
দেবযানী কহিলেন, আমি বিশেষ নিবে-
দন করিতেছি, অবহিত হইয়া শ্রবণ করুন।
মহারাজ ! আমি দৈত্যগুরু শুক্রের কন্যা।
আর আমার এই পরিচারিকা দানবরাজ
বৃষপর্কার ছুহিতা। ইনি দাসীভাবে সততই
আমার অনুগামিনী থাকেন। তাহা শুনিয়া
রাজা কৌতুহল-পরতন্ত্র হইয়া পুনর্বার
জিজ্ঞাসা করিলেন, সুন্দরি ! ইনি দানব-
রাজ বৃষপর্কার কন্যা হইয়া কি কারণে
তোমার দাসী হইলেন জানিতে নিতান্ত

উৎসুক্য হইতেছে। দেবযানী কহিলেন দৈবনির্ধ্বজ কেহই অতিক্রম করিতে পারে না, সূতরাং রাজকন্যা আমার পরিচারিকা হইবে ইহা বড় আশ্চর্য্য নহে, অতএব সে বিষয়ের আর বিশেষ অনুসন্ধান করিবার আবশ্যকতা নাই। মহাশয়! আপনার আকার ও বেশ দেখিয়া, রাজা ও বাহিন্যসম্পটুতা দেখিয়া পণ্ডিত বোধ হইতেছে, অতএব বলুন আপনি কে? কাহার পুত্র? এবং কোথা হইতে আগমন করিতেছেন? যযাতি কহিলেন আমি শৈশব কালে ব্রহ্মচার্য্য অবলম্বন করিয়া সমস্ত বেদ ও বেদাঙ্গ অধ্যয়ন করিয়াছি। আমি রাজা ও রাজকুলে উৎপন্ন বটে, আমার নাম যযাতি। দেবযানী কহিলেন মহারাজ! আপনি কি উদ্দেশে এই অরণ্যে আসিয়াছেন শুনিতে অভিলাষ করি। রাজা কহিলেন সুন্দরি! আমি যুগয়ার্থ নগরী হইতে নির্গত হইয়া যুগের অনুসরণ ক্রমে বনে বনে ভ্রমণ করিয়া একান্ত পরিশ্রান্ত ও বলবতী পিপাসায় নিতান্ত অভিভূত হইয়া জলপানান্তিলাষে এই প্রদেশে উপস্থিত হইয়াছি, কিন্তু এক্ষণে আমার শ্রান্তি দূর ও পিপাসা নিবৃত্তি হইয়াছে, কথাপ্রসঙ্গে গমনকাল অতিক্রান্ত হইতেছে, অতএব অনুমতি কর প্রস্থান করি। তখন দেবযানী কহিলেন মহারাজ! এই দুই সহস্র কন্যা ও পরিচারিকা শর্মিষ্ঠার সহিত আমি তোমার অধীন হইলাম অদ্যাবধি তুমি আমার সখা ও ভর্তা হইলে।

রাজা সহসা এই অসম্ভাবিত আশ্চর্য্যমর্পণ-ব্যাপার অবলোকন করিয়া বিস্ময়োৎফুল্ল লোচনে ও বিনয়বচনে দেবযানীকে কহিলেন, হে শুকুতনয়ে! এ তোমার জ্যেষ্ঠকম্প নহে, দেখ তুমি ব্রাহ্মণকন্যা, আমি ক্ষত্রিয়জাতি, আমি কোন রূপেই তোমার উপযুক্ত পাত্র নহি, আর তোমার পিতা

শুক্ৰাচার্য্য কদাচ এবিষয়ে সম্মতি প্রদান করিবেন না। দেবযানী কহিলেন মহারাজ! ব্রাহ্মণেরা সর্বদাই ক্ষত্রিয়দিগের সহিত সংসৃষ্ট হইয়া থাকেন এবং ক্ষত্রিয়েরাও কোন কোন সময়ে ব্রাহ্মণের সহিত সংসৃষ্ট হইয়া থাকেন, সূতরাং এই উভয়ের যেকোন যনিষ্ঠ সম্বন্ধ তাহাতে আমাকে ভার্য্যাত্বরূপে অঙ্গীকার করা তোমার পক্ষে নিতান্ত দোষাবহ নহে; বিশেষতঃ তুমি স্বয়ং ঋষি ও ঋষিপুত্র; অতএব এ বিষয়ে কোন সংশয় না করিয়া আমার পাণিগ্রহণ কর। যযাতি কহিলেন হে সুন্দরি! চারি বর্ণই একের অঙ্গ হইতে উৎপন্ন হইয়াছে সত্য বটে, কিন্তু সকল বর্ণের ধর্ম ও আচার ব্যবহার বিষয়ে বিস্তর বৈলক্ষণ্য লক্ষিত হইয়া থাকে। তন্মধ্যে ব্রাহ্মণের ধর্ম-প্রণালী ও আচারপরম্পরা সর্বাপেক্ষা উৎকৃষ্ট, সূতরাং ব্রাহ্মণই শ্রেষ্ঠ বর্ণ বলিয়া নির্দিষ্ট, অতএব আমি হীনবর্ণ হইয়া কিরূপে শ্রেষ্ঠ বর্ণের কন্যা গ্রহণ করিব? তখন দেবযানী কহিলেন, মহারাজ! পাণিগ্রহণ করিলেই বিবাহক্রিয়া নির্বাহ হইয়া থাকে এপ্রথা পূর্বাপর প্রচলিত আছে, অতএব বিবেচনা করিয়া দেখুন যৎকালে আমি অঙ্গরূপে পতিত হইয়াছিলাম, তখন তুমিই আমার পাণিগ্রহণ করিয়া উদ্ধার করিয়াছিলে, এই নিমিত্ত তোমাকে পতিত্বে বরণ করিতে এত আগ্রহাতিশয় প্রকাশ করিতেছি। সুক্ষ্মবিবেচনা করিয়া দেখিলে তদবধিই তুমি আমার পতি হইয়াছ, অতঃপর আর কেহ আমার পাণিস্পর্শ করিবেক না। তখন যযাতি কহিলেন, হে দেবযানি! মহাবিব আশীবিষ ও সূতীকু শর অপেক্ষাও কোপাক্রান্ত-ব্রাহ্মণ সাতিশয় দুর্ধ্ব, এই কথা সকলেই স্বীকার করিয়া থাকেন। দেবযানী কহিলেন, মহারাজ! কি কারণে একরূপ কহিতেছেন স্থির করিতে পারিতে-

হিনা । রাজা প্রত্যুত্তর করিলেন, দেখ স-
পাঘাতে ও শত্রুপাতে একের প্রাণ বিনষ্ট
হইতে পারে, কিন্তু ব্রাহ্মণ কুপিত হইলে
গ্রাম, নগর, বন ও উপবন প্রভৃতি সকলই
ভস্মমাৎ করেন । সুতরাং আমার মতে
ব্রাহ্মণ নিতান্ত দুর্ভিক্ষ । অতএব হে দেব-
যানি ! তোমার পিতা সম্প্রদান না করিলে
আমি তোমার পাণিগ্রহণ করিতে পারি
না । তখন দেবযানী কহিলেন, মহারাজ !
আমি আপনাকে স্বয়ং বরণ করিয়াছি,
একথা শুনিলে পিতা আমিয়া অবশ্যই
আপনকার হস্তে আমাকে সম্প্রদান করি-
বেন । অযাচিতা বা পিতৃদত্তা কন্যা গ্রহণ
করিলে পাণিগ্রহীতার কোন বিপদের
সম্ভাবনা নাই । এই বলিয়া দেবযানী স্বীয়
পরিচারিকা ঘূর্ণিকা দ্বারা পিতৃসন্নিধানে
আপন অভিপ্রায় নিবেদন করিয়া পাঠাই-
লেন । মহর্ষি শুক্র ধাত্রীমুখে আদ্যোপান্ত
সমস্ত অবগত হইয়া রাজদর্শনার্থ সেই
কাননে উপনীত হইলেন । রাজা যযাতি
শুক্রাচার্য্যকে তথায় আগত দেখিয়া অভি-
বান্দন পূর্বক ক্রতাজ্জলিপুটে দণ্ডায়মান
রহিলেন । এই অবসরে দেবযানী পিতাকে
কহিলেন, হে তাত ! ইনি নছয়তনয় রাজা
যযাতি । আমি অন্ধকূপে পতিত হইলে এই
মহাত্মা আমার পাণিগ্রহণ করিয়া উদ্ধার ক-
রিয়াছিলেন । সুতরাং ইনি তাহাতেই আ-
মার পাণিগ্রহীতা হইয়াছেন, অতএব আপনি
এই সংপাত্রে আমাকে সম্প্রদান করুন
আমি আর অন্য ব্যক্তিকে পতিত্বে বরণ
করিব না । তখন শুক্রাচার্য্য রাজাকে স-
ম্বোধন করিয়া কহিলেন, হে নছয়নন্দন !
আমার কন্যা তোমাকে পতিত্বে বরণ ক-
রিয়াছে, অতএব আমি প্রসন্নমনে সম্প্রদান
করিতেছি, তুমি ইহাকে মহিষীরূপে
গ্রহণ কর । যযাতি কহিলেন, ভগবন্ ! ক্রত্বিয়
হইয়া ব্রাহ্মণনন্দিণীর পাণিগ্রহণ ক-

রিলে বর্ণসঙ্কর-জনিত দোষে পরিলিপ্ত হ-
ইতে হয়, এই ভয়ে আমি আপনার কন্যাকে
বিবাহ করিতে সম্মত নহি । শুক্র কহিলেন,
মহারাজ ! তুমি অভিলাষানুরূপ বর প্রার্থনা
কর, আমি তোমাকে অধর্ম্ম হইতে মোচন
করিব, এ বিষয়ে তোমার কোন আশঙ্কা
নাই, সত্যই আমি তোমার পাপাপনোদন
করিব, তুমি বিধানানুসারে দেবযানীর
পাণিগ্রহণ কর, প্রার্থনা করি তোমাদের
উভয়ের অতিমাত্র সম্ভাব হউক । কিন্তু
এই অসুররাজকুমারী শর্ম্মিষ্ঠা তোমার
পূজনীয়া হইবেন ; তুমি কদাচ ইহাকে
পরিণয় করিও না ।

রাজা যযাতি এইরূপ আদিষ্ট হইয়া
হৃষ্টমনে শুক্রকে প্রদক্ষিণ-পূর্বক বিধানানু-
সারে দেবযানীর পাণিগ্রহণ করিলেন । অন-
ন্তর তিনি মহর্ষি শুক্র ও দানবগণ-কর্তৃক স-
মাদৃত ও সংকৃত হইয়া সেই চুই সহস্র
কন্যার সহিত শর্ম্মিষ্ঠা ও দেবযানীকে সম-
ভিব্যাহারে লইয়া নিজ রাজধানীতে প্র-
ত্যাগমন করিলেন ।

দ্ব্যশীতিতম অধ্যায় ।

বৈশম্পায়ন কহিলেন, মহারাজ ! রাজা
যযাতি স্বনগরে প্রত্যাগত হইয়া পরম
সমাদরে দেবযানীকে অশ্রুপূরে প্রবেশ করা-
ইলেন এবং তাঁহার নিদেশ ক্রমে অশোক-
বনসন্নিধানে এক গৃহ নির্মাণ করাইয়া বৃষ-
পর্বতনয়া শর্ম্মিষ্ঠাকে তথায় বাস করিতে
আদেশ দিলেন । রাজা গ্রানাক্ষাদন প্রদান-
পূর্বক শর্ম্মিষ্ঠাকে প্রতিপালন ও দেবযা-
নীর সহিত পরমসুখে যৌবনসুখ চরিতার্থ ক-
রিতে লাগিলেন । কালক্রমে দেবযানীর ঋতু-
কাল উপস্থিত হইল, তিনি রাজসহযোগে
গর্ভবতী ও যথাকালে পুত্রবতী হইলেন । এই-
রূপে সহস্র বৎসর অতিবাহিত হইলে, একদা
শর্ম্মিষ্ঠা আপন নব যৌবন ও গর্ভধানকাল
আবির্ভূত দেখিয়া চিন্তা করিতে লাগিলেন,

আমার ত ঋতুকাল উপস্থিত, কিন্তু অদ্যাপি বিবাহ হইল না, এক্ষণে কি করি, কি উপায়ে ই বা স্বীয় মনোরথ সম্পাদন করি। দেবযানী একটি পুত্র প্রসব করিয়া স্বকীর বাসনা চরিতার্থ করিয়াছে, কিন্তু আমার যৌবনকাল বুঝি নিষ্ফল হইল। দেবযানী যেক্ষণ কৃতকার্য হইয়াছে, আমিও সেই রূপে মহারাজকে পতিত্বে বরণ করিয়া চরিতার্থ হইব। আমি সম্ভানকামনায় নিরুজ্জনে তাঁহার সহযোগ প্রার্থনা করিলে বোধ করি তিনি কখনই তাহাতে পরাঙ্মুখ হইবেন না। এই অবসরে রাজা যযাতি অশুঃপুর হইতে নিষ্ক্রান্ত হইয়া যদুচ্ছাক্রমে অশোক-বনসন্নিধানে অংগমন করিলেন। সুচরুহাসিনী শর্মিষ্ঠা রাজাকে নিরুজ্জনে পাইয়া প্রত্যুদ্যামন-পূর্বক কৃতাজ্জলিপুটে নিবেদন করিলেন, মহারাজ ! ইন্দ্র, চন্দ্র, বিষ্ণু, যম ও বরুণের অশুঃপুরে কিম্বা আপনার অশুঃপুরে যে সকল স্ত্রীলোক বাস করে তাহাদিগকে কেহই নয়নগোচর করিতে পান না। হে রাজন্ ! আমার কুল, শীল, রূপ, যৌবন প্রভৃতি কিছুই আপনার অবিদিত নহে। সম্প্রতি আমি বিনয় পূর্বক প্রার্থনা করি, আপনি অনুগ্রহ করিয়া আমার ঋতুরক্ষা করুন। যযাতি কহিলেন হে সুন্দরি ! তুমি অতি সুশীলা, সৎকুলোদ্ভবা এবং তোমার রূপ কোন অংশেই নিন্দনীয় নহে, কিন্তু দেবযানীর পাণিগ্রহণকালে শুক্র আমাকে কহিয়াছেন, এই রূষপর্বতনয়া শর্মিষ্ঠাকে তুমি কদাচ শয্যায় আস্থান করিও না। শর্মিষ্ঠা কহিলেন, মহারাজ ! পরিহাস-প্রসঙ্গে, স্ত্রীর মনোরঞ্জনের নিমিত্তে, বিবাহকালে, প্রাণসঙ্কটে ও সর্বস্বনাশকালে মিথ্যাব্যবহার কদাচ পাপাবহ নহে। সাক্ষ্যপ্রদানে বা বিচারস্থলে মিথ্যা কথা কহিলেই মহাপাপে পরিলিপ্ত হইতে হয়।

যযাতি কহিলেন, রাজাই প্রজাদিগের দৃষ্টান্তস্থল, মিথ্যা কহিলে রাজা অবশ্যই বিনষ্ট হন, অতএব আমি অর্থকষ্টেও মিথ্যা কহিতে সম্মত নহি। তখন শর্মিষ্ঠা পুনর্ব্বার কহিলেন, মহারাজ ! স্বকীর পতি ও আপন পতি উভয়ই তুল্য এবং একের বিবাহে অন্যের বিবাহ সিদ্ধ হইয়া থাকে। অতএব যখন আমার স্বামী তোমাকে পতিত্বে বরণ করিয়াছেন, তখন আমারও বরণ করা হইয়াছে। যযাতি কহিলেন সুন্দরি ! অর্থীদিগের প্রার্থনা পরিপূর্ণ করা আমার এক প্রধান ধর্ম ও অবশ্য কর্তব্য কর্ম। তুমিও আমার নিকট প্রার্থনা করিতেছ, অতএব বল তোমার কি প্রিয় কার্য সম্পাদন করিতে হইবে। শর্মিষ্ঠা কহিলেন, মহারাজ ! আমাকে অধর্ম হইতে পরিত্রাণ করিয়া আমার ধর্মস্থাপন করুন, অতঃপর আমি আপনকার প্রসাদে পুত্রবতী হইয়া পৃথিবীতে ধর্মানুষ্ঠান করিতে পারিব। আরও দেখুন ভায়া, দাস ও পুত্র ইহারা যে কিছু ধন উপার্জন করে, সেধনে তাহাদিগের অধিকার নাই, তাহাদিগের প্রভুরই সম্পূর্ণ অধিকার ; আমি দেবযানীর দাসী এবং তিনি তোমার বশ্যা অতএব আমাদের উভয়েরই মনোরথ সফল করিবেন, এই অঙ্গীকার করিয়া আমার পাণিগ্রহণ করুন। বৈশম্পায়ন কহিলেন, অনন্তর ধর্মপরায়ণ রাজা যযাতি শর্মিষ্ঠার প্রার্থনায় সম্মত হইয়া তাঁহার ঋতুরক্ষা করত পরম্পর প্রিয়-সম্ভাষণ-পূর্বক স্বস্থানে প্রস্থান করিলেন। রূষপর্বতনয়া শর্মিষ্ঠা রাজার সহযোগে গর্ভবতী হইয়া যথাকালে এক পরম সুন্দর পুত্র প্রসব করিলেন।

ত্র্যশীতিতম অধ্যায় ।

বৈশম্পায়ন কহিলেন, দেবযানী শর্মিষ্ঠার পুত্রোৎপত্তি সম্বাদ শ্রবণ করিবারমাত্র সান্তি-

শয় স্কন্ধ হইয়া নানা প্রকার শবিতর্ক করিতে লাগিলেন। অনন্তর শর্মিষ্ঠার সন্নিহিত হইয়া কহিলেন, হে স্কন্ধ ! তুমি কামাত্ম হইয়া একি পাপানুষ্ঠান করিলে ? শর্মিষ্ঠা কহিলেন, হে চক্রহাসিনি ! একদা কোন ধর্মপরায়ণ ও বেদবেদাঙ্গপারগ ঋষি আমার কুটীরে আগমন করিয়াছিলেন। আমি ঋতুরক্ষার্থ প্রার্থনা করিতে, তিনি আমার মনোবাঞ্ছা পরিপূর্ণ করেন। আমি অন্যায়তঃ কামপ্রবৃত্তি চরিতার্থ করি নাই। আমি সত্য কহিতেছি, আমার এই সন্তানটি সেই ঋষির ঔরসে জন্মগ্রহণ করিয়াছে। তখন দেবযানী কহিলেন, শর্মিষ্ঠে ! যদি ধর্ম প্রতিপালনার্থে এই কর্ম করিয়া থাক সে উত্তমই হইয়াছে, কিন্তু যদি সেই ঋষির গোত্র নাম ও আভিজাত্য জানিতে পারিয়া থাক তবে বল, শুনিতে আমার নিতান্ত ঔৎসুক্য হইতেছে। শর্মিষ্ঠা কহিলেন, সেই ঋষি সূর্য্যের ন্যায় তেজস্বী ও তপঃপ্রভাবসম্পন্ন; তাঁহাকে দেখিয়া সে সকল কথা জিজ্ঞাসা করিতে আমার সাহস হয় নাই। দেবযানী কহিলেন, যাহা হউক যদি তুমি শ্রেষ্ঠজাতির ঔরসে সন্তানলাভ করিয়া থাক তাহাতে আমার ক্ষোভ বা পরিতাপ নাই। তাঁহারা পরস্পর এইরূপ হাঙ্গ পরিহাস পূর্বক ক্রিয়ৎক্ষণ কথোপকথন করিলেন। পরিশেষে দেবযানী এই বস্তান্তের প্রতি বিশ্বাস করিয়া স্বীয় আবাসে প্রবিষ্ট হইলেন।

অনন্তর যযাতি দেবযানীর গর্ভে যজ্ঞ ও তুর্কস্তু নামে দুই পুত্র এবং শর্মিষ্ঠার গর্ভে ক্রশু অশ্ব ও পুরু নামে তিন পুত্র উৎপাদন করিলেন। ক্রিয়ৎকাল অতীত হইলে একদা দেবযানী প্রিয়তম সমভিব্যাহারে এক নিষ্কর্জন বনে গমন করিয়া দেবকপী তিনটি বালক দেখিতে পাইলেন। তাহারা অস-
স্কুচিচিন্তে জীড়া করিতেছিল। দেবযানী

তাহাদিগের অসামান্য রূপলাবণ্য সন্দর্শনে বিস্মিত হইয়া কহিলেন, মহারাজ ! এই সর্বাঙ্গসুন্দর বালকগুলি কোন্ ভাগাবানের পুত্র বলা যায় না। ইহারা দেবকুমারতুল্য স্কুকুমার। ইহাদিগের আকার প্রকারে তোমারই ঔরসজাত বলিয়া বোধ হইতেছে। দেবযানী রাজাকে এইরূপ কহিয়া বালকদিগকে সম্বোধন করিয়া জিজ্ঞাসিলেন বৎস ! তোমরা কোন্ বংশে উৎপন্ন হইয়াছ, কাহার পুত্র এবং তোমাদিগের পিতার নাম কি ? শুনিতে আমার নিতান্ত বাসনা হইতেছে। দেবযানী কর্তৃক এইরূপ জিজ্ঞাসিত হইলে বালকেরা তর্জনী-সঙ্কেত দ্বারা মহারাজ যযা-
তিকে পিতা নির্দেশ করিয়া কহিল, আমা-
দিগের মাতার নাম শর্মিষ্ঠা। এই বলিয়া তাহারা হর্ষোৎফুল্ললোচনে নিজপিতা যযা-
তির সন্নিহিত হইল। কিন্তু দেবযানীর সমীপে বলিয়া তিনি তাহাদিগকে সমাদর করিতে পারিলেন না। বালকেরা পিতার অনাদরে অভিমান করিয়া রোদন করিতে করিতে জননী-সন্নিধানে গমন করিল। রাজা বালকদিগের কথায় জয়ৎ লজ্জিত হইলেন। দেবযানী; রাজার প্রতি বালকদিগের সম্ভাব সন্দর্শনে সে বিষয়ের মর্শ্মোদ্ঘাটন-পূর্বক অনতিবিলম্বে শর্মিষ্ঠার নিকট উপস্থিত হইয়া রোষভরে কহিলেন, দেখ শর্মিষ্ঠে ! তুমি আমার অধীন হইয়া আমারই অপ্রিয় কার্য করিয়াছ, ইহাতে কি তোমার মনে শঙ্কার উদয় হয় নাই ? শর্মিষ্ঠা কহিলেন, আমি ঋষির কথা উল্লেখ করিয়াছিলাম, সেত মিথ্যা নহে। আমি ন্যায়তঃ ও ধর্মতঃ বলিয়াছি; তোমার নিকট আমার ভয়ের বিষয় কি ? আরও তুমি মহারাজকে পতিত্বে বরণ করিয়াছ, তাহাতেই আমারও বরণ করা হইয়াছে, কারণ সখার পতি ধর্মতঃ পতি হইতে পারেন। তুমি ব্রাহ্মণকন্যা, তুমি আমার পুত্র্যা ও মান্যা। আর আমি এই

রাজর্ষিকে তোমাহইতেও সম্মান ও পূজা করিয়া থাকি, তাহা কি তুমি জান না। দেব-যানী শর্মিষ্ঠামুখে এই সমস্ত বাক্য শ্রবণ করিয়া কহিলেন, মহারাজ! তুমি আমার অতিশয় অপ্রিয় কার্য্য করিয়াছ অতএব অ-দ্যাবাধি তোমার আলয়ে আর অবস্থান করিব না, চলিলাম, এই বলিয়া পিতৃগৃহে প্রস্থান করিতে উদ্যত হইলেন। রাজা দেবযানীকে বাস্পাকুললোচনে সহসা শুক্রসন্নিধানে গ-মন করিতে উদ্যত দৈখিয়া ব্যথিত মনে তাঁহার পশ্চাৎ পশ্চাৎ ধাবমান হইলেন এবং নানাবিধ প্রবোধ বাক্যে তাঁহাকে সান্ত্বনা করিতে লাগিলেন। রোযরক্ত-লোচনা দেব-যানী কিছুতেই ক্ষান্ত হইলেন না। তিনি রাজাকে ভাল মন্দ কিছুই না বলিয়া রোদন করিতে করিতে পিতৃসন্নিধানে উপস্থিত হ-ইলেন এবং অভিবাদন-পুঙ্কক তাঁহার স-ম্মুখে দণ্ডায়মান রহিলেন। রাজাও দেব-যানীর অনুসরণ ক্রমে তথায় উপস্থিত হইয়া বিধানানুসারে শুক্রাচার্য্যের পূজাদি করিয়া অতি বিনীতভাবে একান্তে সমাসান হইলেন। তদনন্তর দেবযানী শুক্রকে কহিলেন, তাত! অধর্ম্ম ধর্ম্মকে পরাজয় করিয়াছে। নিকটেরা মহতের সহিত নীচব্যবহারে প্রবৃত্ত হই-য়াছে। দেখুন, রুষপর্কতনয়া শর্মিষ্ঠা আ-মাকে অতিক্রম করিয়া উঠিয়াছে। রাজা যযাতি তাহার গর্ভে তিনটি পুত্র উৎপাদন করিয়াছেন। আমি দুর্ভগা, আমার দুইটি বৈ পুত্র নহে। হে ভৃগুকুল-তিলক! এই রাজা পরম ধার্ম্মিক বলিয়া বিখ্যাত আছেন। কিন্তু এক্ষণে এইরূপ গর্হিতাচরণে প্রবৃত্ত হই-য়াছেন। হে তাত! আমি সত্য বলিতেছি, সম্প্রতি ইনি শাস্ত্রমর্ঘ্যাদা অতিক্রম করিতে আরম্ভ করিয়াছেন। শুক্র এই সমস্ত বৃত্তান্ত আদ্যোপান্ত শ্রবণ করিয়া ক্রোধভরে রাজা যযাতিকে অভিসম্পাত করিলেন, মহারাজ! তুমি ধার্ম্মিক হইয়া প্রিয়বোধে অধর্মাচরণ

করিয়াছ, অতএব দুর্ভয় জরা অচিরাৎ তো-মাকে আক্রমণ করিবে। রাজা সহসা এই রূপ শাপগ্রস্ত হইয়া শুক্রকে কহিলেন, ভ-গবন্! শর্মিষ্ঠা ঋতুরক্ষার্থে প্রার্থনা করি-য়াছিল, আমি ধর্ম্মসংস্থাপনের নিমিত্ত সেই কর্ম্ম অনুষ্ঠান করিয়াছিলাম, নিকট বৃত্তি চরিতার্থ করিবার উদ্দেশে করি নাই। ধ-র্ম্মশাস্ত্রে কথিত আছে, যে পুরুষ ঋতুরক্ষা-র্থিনী স্ত্রীলোক-কর্তৃক প্রার্থিত হইয়া তদীয় ঋতুরক্ষা না করে, সে ভ্রূণহত্যা-পাতকে লিপ্ত হইয়া নিরয়গামী হয়। এই সমস্ত পর্ব্যালোনা করিয়া ধর্ম্মলোপের আশঙ্কায় আমি শর্মিষ্ঠার বাসনা সফল করিয়াছিলাম। শুক্র কহিলেন, মহারাজ! আমি তোমাকে যে কর্ম্ম করিতে প্রতিবেদ করিয়াছিলাম, তাহা কেন করিলে। তুমি জান মিথ্যাবাদী ব্যক্তির ধর্মাচরণকেও এক প্রকার চৌর্য্য বলিলে বলা যাইতে পারে।

যযাতি শুক্র-কর্তৃক এইরূপে অভিশপ্ত হইয়া তৎক্ষণাৎ জরাক্রান্ত হইলেন। পরে তিনি শুক্রকে কহিলেন, ভগবন্! আমি অদ্যাপি যৌবনসুখ অনুভব করিয়া পরি-তুষ্ট হই নাই, অতএব প্রসন্ন হইয়া যাহাতে জরা হইতে মুক্ত হইতে পারি, একপ কোন উপায় অবধারণ করিয়া দিন। শুক্র কহি-লেন, মহারাজ! আমার শাপ অন্যথা হই-বার নহে। তবে এইমাত্র হইতে পারে, তুমি ইচ্ছা করিলে অন্যের শরীরে স্বকীয় জরা স-ঞ্চারিত করিতে পারিবে। তখন রাজা কহি-লেন, হে ব্রহ্মন্! এক্ষণে এই অনুমতি করুন যে আমার পঞ্চ পুত্রের মধ্যে যে পুত্র মদীয় জরা গ্রহণ করিয়া আমাকে যৌবন প্রদান ক-রিবে, সে রাজ্যাধিকার, পুণ্যাধিকার ও কীর্তি-লাভ করিবেক। শুক্র কহিলেন, হে নহষ-তনয়! তুমি আমাকে স্মরণ করিয়া অন্যের শরীরে জরা সঞ্চারিত করিতে পারিবে, তা হাতে তুমি পাপভাগী হইবে না। আর

তোমার যে পুত্র জরা গ্রহণ করিয়া তোমাকে যৌবন প্রদান করিবে সে ত্বদীয় সাম্রাজ্য অধিকার-পূর্বক আয়ুর্মান, কীর্ত্তিমান ও পুত্র-পৌত্রাদিমান হইবে ।

চতুরশীততম অধ্যায় ।

বৈশম্পায়ন কহিলেন, মহারাজ ! তৎপরে রাজা যযাতি জরাগ্রস্ত হইয়া নিজ রাজধানী প্রতাগমন-পূর্বক দ্বীয় জ্যেষ্ঠপুত্র যজ্ঞকে কহিলেন, বৎস ! শুক্রেব শাপপ্রভাবে এই মহাঘোর জরা আমাকে আক্রমণ করিয়াছে, কিন্তু অদ্যাপি আমি বিষয় ভোগ করিয়া পরিতৃপ্ত হই নাই ; অতএব তুমি মদীয় পাপ ও জরা গ্রহণ কর । আমি তোমার যৌবন লইয়া ইচ্ছানুরূপ বিষয় ভোগ করি । সহস্র বৎসর পূর্ণ হইলে পুনর্বার তোমার যৌবন তোমাকে সমর্পণ করিয়া আমি পাপের সহিত জরা গ্রহণ করিব । যত্ন কহিলেন, মহারাজ ! জরার অনেক দোষ, তাহাতে পান ভোজনে যথেষ্ট ব্যাঘাত জন্মে, শ্মশ্রুজাল শুরু এবং মাংস শিথিল ও সঙ্কুচিত হওয়াতে জীর্ণ ব্যক্তি ত্রীভ্রষ্ট, নিরানন্দ ও সর্বকার্য্যে নিরুৎসাহ হয় । আত্মীয় ব্যক্তির জরাজীর্ণকে পদে পদে পরাভব করে । অতএব আমি সেই জরা গ্রহণে সন্মত নহি । আপনার আমা হইতেও প্রিয়তর অনেক পুত্র আছে, তাহাদিগকেই জরা প্রদান করুন । যযাতি কহিলেন, তুমি যে হেতু আমার ঔরস পুত্র হইয়া স্বকীয় যৌবন প্রদানে সন্মত হইলে না অতএব তোমার বংশ-পরম্পরায় কেহই রাজ্যাধিকারী হইবে না । তৎপরে রাজা যযাতি তুর্কসুর নিকট উপস্থিত হইয়া কহিলেন, বৎস ! আমার পাপ ও জরা গ্রহণ কর, আমি তোমার যৌবন লইয়া বিষয়োপভোগ করিব । সহস্র বৎসর অতীত হইলে পুনর্বার তোমার যৌবন তোমাকে সমর্পণ করিয়া পাপের সহিত আপন জরা গ্রহণ করিব । তুর্কসু কহিলেন, মহা-

রাজ ! রূপনাশিনী জরা মনুষ্যকে ইচ্ছানুরূপ ভোগসুখে বঞ্চিত করে । জরার প্রভাবে বন্ধিভ্রংশ ও পদে পদে প্রাণনাশের আশঙ্কা উপস্থিত হয় । অতএব আমি আপনার জরা-গ্রহণে সন্মত নহি । যযাতি কহিলেন, বৎস ! তুমি আমার আত্মজ হইয়া আমার প্রার্থনা পূরণে সন্মত হইলে না অতএব আমি শাপ দিতেছি, তুমি নিরুৎসাহ হইবে এবং সঙ্কীর্ণাচারধর্ম্ম-সম্পন্ন, প্রতিলোমজ, রাক্ষস, চাণ্ডাল, গুরু নারনরত, তির্গ্যাগো-নিজাত, পশুধর্ম্মা ও পাপিষ্ঠাদিগের রাজা হইবে ।

এইরূপে তুর্কসুকে অভিশাপ দিয়া রাজা যযাতি শর্ম্মিষ্ঠাপুত্র দ্রুহুকে কহিলেন, বৎস ! সহস্র বৎসরের নিমিত্ত আমার এই রূপনাশিনী জরা গ্রহণ কর ; আমি তোমার যৌবন লইয়া ভোগবাসনা চরিতার্থ করিব । নির্দিষ্ট কাল অতিক্রান্ত হইলেই পুনর্বার পাপের সহিত জরা গ্রহণ করিয়া তোমার যৌবন তোমাকে প্রদান করিব । দ্রুহু কহিলেন, মহারাজ ! মনুষ্য জীর্ণ হইলে হস্তী, অশ্ব ও রথে আরোহণ করিতে বা কামিনী-সম্ভোগ করিতে অসমর্থ হয়, এবং জীর্ণ ব্যক্তির বাক্য স্থলিত হয়, অতএব আমি জরা গ্রহণে সন্মত নহি । তাহা শুনিয়া রাজা রোষাবিষ্ট চিন্তে কহিলেন, দ্রুহো ! তুমি আমার আত্মজ হইয়া যৌবন প্রদানে পরাঙ্মুখ হইলে অতএব অতঃপর তোমার কোন বাসনা ফলবতী হইবে না । আর যে স্থানে গজ, বাজী, রথ ও শিবিকাদি যানের সমাগম নাহি, কেবল উড়ুপ বা সন্তরণ দ্বারা গমনাগমন করিতে হয়, তোমাকে সেই স্থানে যাইয়া বাস করিতে হইবে । তোমার বংশে কেহই রাজা হইবে না । রাজা দ্রুহুকে এইরূপ অভিশাপ দিয়া অনুরূপে কহিলেন, বৎস ! তুমি আমার পাপ ও জরা গ্রহণ কর ; আমি তোমার যৌবন লইয়া এক সহস্র বৎসর বিষয় ভোগ

করিব। অনু কহিলেন, মহারাজ! জীর্ণ ব্যক্তি অশুচি ও বালকের ন্যায় অনিয়ত কালে ভোজন করিতে প্রবৃত্ত হয় এবং যথাকালে অগ্নিহোত্রাদি ক্রিয়া সম্পাদন করিতে পারে না। অতএব আমি জরা গ্রহণ করিব না। তখন রাজা কহিলেন, তুমি আমার ঔরস পুত্র হইয়া জরার দোষোন্মুক্ত-পূর্বক যৌবন প্রদানে পরাঙ্গুথ হইলে; অতএব আমি তোমাকে অভিশাপ দিতেছি, তুমি অচিরেই সেই জরাদোষে লিপ্ত হইবে এবং তোমার সন্তান সন্ততি যৌবন প্রাপ্তিমাতেই কালক্রমে পতিত হইবে। সর্বশেষে পুরুষ মিকট উপস্থিত হইয়া কহিলেন, বৎস পুরো! আমি শুক্রের শাপে জরাগ্রস্ত হইয়াছি; আমার কেশ পালিত ও মাংস লোপিত হইয়াছে; কিন্তু আমি যৌবনস্থ সন্তোগ করিয়া পরিতৃপ্ত হইনাই; অতএব তুমি আমার পাপের সহিত জরা গ্রহণ কর; আমি তোমার যৌবন লইয়া কিছুকাল ইচ্ছানুরূপ বিষয় ভোগ করি। আমি অঙ্গীকার করিতেছি, সহস্র বৎসর অতিক্রান্ত হইলে তোমার যৌবন তোমাকে পুনর্বার প্রদান করিয়া পাপের সহিত আপন জরা গ্রহণ করিব। হে পুরো! তুমি আমার প্রিয়তম পুত্র, এইরূপ করিলে সর্বাপেক্ষা শ্রেষ্ঠ হইতে পারিবে। পুরু এইরূপ অতিহিত হইয়া কহিলেন, যে আজ্ঞা, মহারাজ! আপনি যেরূপ অনুমতি করিতেছেন, আমি তাহা পালন করিব। আমি পাপের সহিত আপনার জরা গ্রহণ করিব। আপনি আমার যৌবন লইয়া বাসনানুরূপ বিষয় সন্তোগ করুন। তখন যযাতি কহিলেন, বৎস! তোমার এইরূপ অচলা ভক্তি ও প্রগাঢ় অনুরাগ সন্দর্শনে আমি যৎপরোনাস্তি প্রাত ও প্রসন্ন হইলাম; এক্ষণে আশীর্বাদ করি, তোমার রাজ্যে প্রজারা সর্বসমৃদ্ধি-সম্পন্ন হইয়া সর্বকাল পরমসুখে বাস করিবে। এই বলিয়া রাজা শুক্রকে

স্মরণ-পূর্বক স্বীয় পুত্র পুরুষ শরীরে স্বকীয় জরা সঞ্চারিত করিলেন।

পঞ্চাশীতিতম অধ্যায়।

বৈশম্পায়ন কহিলেন, মহারাজ! এইরূপে নহষতময় রাজা যযাতি যৌবনসম্পন্ন হইয়া প্রসন্নমনে অভিলাষানুরূপ বিষয়ভোগে প্রবৃত্ত হইলেন। তিনি ধর্মের অব্যাঘাতে বাসনা ও উৎসাহের অনুরূপ বিষয় ভোগ করিতে আরম্ভ করিলেন। মহারাজ যযাতি যজ্ঞ দ্বারা দেবগণকে, শাস্ত্র দ্বারা পিতৃলোককে, অনুগ্রহ দ্বারা দীনব্যক্তিকে, অভিলাষ সম্পাদন দ্বারা দ্বিজগণকে, অন্নপান দ্বারা অতিথিগণকে এবং ধর্মতঃ পরিপালন দ্বারা প্রজাগণকে অনুরঞ্জন করিয়া এবং নিগ্রহ দ্বারা দম্যুদিগকে শাসন করিয়া সাক্ষাৎ সুরেন্দ্রের ন্যায় রাজ্যশাসন করিতে লাগিলেন। সেই সিংহবিক্রান্ত ভূপতি ধর্মের অবিরোধে বিষয়বাসনা চরিতার্থ করতেন। তিনি স্বর্গবিদ্যাধরী বিশ্বাচারী সহিত কখননন্দন বনে কখন অলকায় কখন বা উত্তর মেরুশৃঙ্গে বিহার করিয়া পরিতৃপ্ত ও নিম্পৃহ হইলেন। পরে প্রতিজ্ঞাত সহস্র বৎসর স্মরণ করিলেন। যখন দেখিলেন, যৌবনসুখে সহস্র বৎসর অতিবাহিত হইয়াছে, তখন আপন পুত্র পুরুকে কহিলেন, বৎস! পুরো! আমি তোমার যৌবন লইয়া ইচ্ছানুরূপ ও উৎসাহানুরূপ বিষয় ভোগ করিয়া দেখিলাম, কাম্যবস্তুর উপভোগে কামের উপশম না হইয়া প্রত্যুত যতদানে বহির ন্যায় ক্রমশঃ পরিবর্দ্ধিত হইতে থাকে; এই পৃথিবীতে যে কিছু ধন, ধান্য, হিরণ্য, পশু, ও রমণী প্রভৃতি উপভোগের দ্রব্য আছে, এক ব্যক্তি তৎসমুদায় পাইলেও তাহার পরিতৃপ্তি হয় না, অতএব ভোগতৃষ্ণা পরিত্যাগ করাই কর্তব্য। দুর্মতি ব্যক্তিরূপে যে আশাপাশ হইতে মুক্ত হইতে পারে না এবং শরীর জীর্ণ হইলেও যে আশা জীর্ণ

হয় না, সেই প্রাণান্তিক রোগস্বরূপ আশাকে পরিত্যাগ করাই সর্বতোভাবে বিধেয় । আমি ইচ্ছানুরূপ বিষয় সম্ভোগ করিয়া সংশ্রবৎসর অতিবাহিত করিলাম, তথাপি আমার ভোগতৃষ্ণা উত্তরোত্তর উত্তেজিত হইতেছে । এক্ষণে আমি আশাপিশাচীকে পরিত্যাগ করিয়া তপোবনে প্রবেশ-পূর্বক পরব্রহ্মে মনোনিবেশ করিব । বৎস ! তোমার সুশীলতা দর্শনে আমি সাতিশয় প্রীত ও প্রসন্ন হইয়াছি, আশীর্বাদ করি তোমার মঙ্গল হউক । এক্ষণে আপন যৌবন ও মদীয় রাজ্যভার গ্রহণ কর । বৎস ! তুমিই আমার প্রিয়কারী পুত্র । আমি তোমা হইতে যথেষ্ট সুখ ভোগ করিলাম ।

অনন্তর নহুবতনয় যযাতি পুনর্বার আপন জরা গ্রহণ করিলেন, এবং তৎপুত্র-পুরু যৌবন-সম্পন্ন হইলেন । মহারাজ যযাতি কনিষ্ঠ পুত্র পুরুকে রাজ্যে অভিষেক করিবেন, এই কথা প্রচার করিয়াছিলেন । ব্রাহ্মণ প্রভৃতি চারিবর্গ তথায় উপস্থিত হইয়া তাঁহাকে নিবেদন করিলেন, মহাবাজ ! দেবযানীগর্ভ-সত্ত্বত, শুক্রের দৌহিত্র যত্ন বিদ্যমান থাকিতে, পুরু কি প্রকারে রাজ্য পাইতে পারেন ? যত্ন আপনকার জ্যেষ্ঠ পুত্র, তৎপরে তুর্কসু জন্মেন । শর্মিষ্ঠার দ্রুহু অনু ও পুরু নামে তিন পুত্র যথাক্রমে উৎপন্ন হইলেন । অতএব হে মহারাজ ! আমরা জিজ্ঞাসা করি, জ্যেষ্ঠকে অতিক্রম করিয়া কনীয়ান্ কিরূপে রাজ্যভাগী হইতে পারেন । এক্ষণে যাহা উচিত হয় আপনি করুন । রাজা কহিলেন, হে বর্গচতুষ্টয় ! আমি যে কারণে জ্যেষ্ঠকে রাজ্যে অভিষেক করিব না তাহা সবিশেষ কহিতেছি, শ্রবণ কর । জ্যেষ্ঠ পুত্র যত্ন আমার নিদেশ পালন করে নাই, সুতরাং যে পুত্র পিতার প্রতিকূল, সে সাধু-সমাজে পুত্র বলিয়া পরিগণিত হইতে পারে না । যে পুত্র পিতা মাতার আজ্ঞাবহ এবং

কারমনোবাক্যে তাঁহাদিগের হিতসাধন করে, তাহাকেই যথার্থ পুত্র বলা যায় । যত্ন, তুর্কসু, দ্রুহু ও অনু ইহারা আমার আজ্ঞাপালন না করিয়া অতিশয় অপ্রিয় কার্য্য করিয়াছে, কিন্তু পুরু আমার বাক্যরক্ষা ও সম্মানরক্ষা করিয়াছে । পুরু আমার জরা গ্রহণ করিয়া স্বকীয় যৌবন আমাকে সম্প্রদান করিয়াছিল এবং পুরুই আমার মিত্ররূপে সমুদায় অভিলাষ সম্পাদন করিয়াছিল, এই কারণে সে কনিষ্ঠ হইয়াও রাজ্যের অধিকারী হইয়াছে । আর শুক্র আমাকে এই বর প্রদান করেন “ যে পুত্র তোমার আজ্ঞাবহ হইবে সেই রাজ্যভাগী হইবে ” অতএব তোমাদিগকে অনুনয় করিতেছি, তোমরা পুরুকে রাজ্যে অভিষেক কর । রাজার এই কথা শুনিয়া প্রজারা কহিল, মহারাজ ! যে পুত্র সর্বগুণ-সম্পন্ন এবং পিতা মাতার হিতকারী সে সর্বকনিষ্ঠ হইলেও সমস্ত কল্যাণের পাত্র হইতে পারে । পুরু আপনকার প্রিয় কার্য্য সম্পাদন করিয়াছেন, বিশেষতঃ শুক্রের এক্ষণ বর আছে, অতএব এ বিষয়ে আমাদের কোন বক্তব্য নাই, সুতরাং পুরুই রাজা হইবেন । পুরবাসী ও জনপদবাসী লোকেরা সন্তুষ্ট মনে এই কথা কহিলে রাজা কনিষ্ঠ পুত্র পুরুকে রাজ্যে অভিষেক করিলেন । তিনি পুরুকে রাজ্যভার অর্পণ করিয়া বিষয়বাসনায় জলাঞ্জলি প্রদান-পূর্বক বনবাসের মানসে তপস্বী ব্রাহ্মণগণের সহিত রাজধানী হইতে নির্গত হইলেন । তৎপরে যত্ন হইতে যাদব, তুর্কসু হইতে যবন, দ্রুহু হইতে বৈভোজ, অনু হইতে মুক্তজাতি এবং পুরু হইতে পৌরব বংশ উৎপন্ন হইল । হে মহারাজ ! আপনি সেই বংশে জন্ম গ্রহণ করিয়াছেন ।

ষড়শীতম অধ্যায় ।

বৈশম্পায়ন কহিলেন, মহারাজ ! এই রূপে রাজা যযাতি পুরুকে রাজ্যে অভিষেক

করিয়া হৃৎচিন্তে বানপ্রস্থাত্মম অবলম্বন করিলেন। অনন্তর তিনি অযত্নসুলভ ফলমূলমাত্র ভোজন-পূর্বক ব্রাহ্মণগণের সহিত কিছুকাল বাস করিয়া সুরলোকে গমন করিলেন; তথায় কিয়দিন পরমসুখে অবস্থান করিয়া দেবরাজ ইন্দ্র কর্তৃক পুনর্কীর্তন ভূতলে পাতিত হইলেন। এইরূপ জনশ্রুতি আছে, স্বর্গভ্রষ্ট যযাতি এক কালে ভূমণ্ডলে পতিত না হইয়া কিছুকাল অন্তরীক্ষে অবস্থান করেন। পরে সেই অন্তরীক্ষে হইতে বসুমান্, অর্কক, প্রতর্দন ও শিবি রাজার সহিত সমবেত হইয়া পুনর্কীর্তন দেবলোকে গমন করেন।

জনমেজয় কহিলেন, হে ব্রহ্মণ! কুরু-বংশাবতংস মহাতেজাঃ যযাতি মর্ত্যলোকে ও স্বর্লোকে যে সকল কার্য্য করিয়াছিলেন, আপনি সভ্যগণ-সম্মিধানে তাহা কীর্তন করুন, এবং তিনি কি কারণে পুনর্কীর্তন স্বর্গে গমন করেন, তাহা আম্মপূর্বক সমুদায় বলুন, শুনিতে আমার নিতান্ত অভিলাষ হইয়াছে।

বৈশম্পায়ন কহিলেন, মহারাজ! সর্ব-পাপ-প্রণাশিনী ভুলোক ও দ্ব্যলোকে বিপ্রিতা তদীর পরম পবিত্র কথা কীর্তন করিতেছি, অবধান করুন। নহ্ষতনয় যযাতি হৃৎচিন্তে কনিষ্ঠ পুত্রকে রাজ্যে অভিষেক করিয়া এবং যত্ন প্রভৃতি পুত্রদিগকে অন্ত্যজ জাতিমধ্যে সম্মিবেশিত করিয়া বানপ্রস্থাত্মম অবলম্বন-পূর্বক অরণ্যে প্রবেশ করিলেন। জিতেন্দ্রিয় জিতক্রোধ রাজা তথায় শ্রাদ্ধ ও যজ্ঞাদি ক্রিয়াকলাপ দ্বারা পিতৃগণ ও দেবগণকে পরিতৃপ্ত করিলেন। তিনি বানপ্রস্থাত্মম-সমুচিত বিধানানুসারে ফলমূল হতাশনে আচ্ছতি প্রদান করিতেন; বন্য ফল মূল ও ঘৃত দ্বারা অতিথি-সংকার করিতেন, এবং উৎসব দ্বারা উদরপূর্তি করিতেন। সহস্র বৎসর অতিবাহিত হইলে, তিনি মোনাবলম্বন-পূর্বক

ত্রিংশৎ বৎসর কেবল জলাহারী হইলেন। পরে এক বৎসর বায়ুমাত্র ভক্ষণ এবং অপর এক বৎসর পঞ্চাঘ্রির মধ্যবর্তী হইয়া অতিকঠোর তপস্যার অনুষ্ঠান করিয়া-ছিলেন। অনন্তর ছয়মাস বায়ু মাত্র ভক্ষণ ও একপদে ভূমিস্পর্শ করিয়া নিরবচ্ছিন্ন দণ্ডায়মান থাকিতেন। এইরূপে তপোমুষ্ঠান-পরায়ণ রাজা প্রভূত পুণ্যসঞ্চয় করিয়া স্বর্গে আরোহণ করেন।

সপ্তাশীতিতম অধ্যায়।

বৈশম্পায়ন কহিলেন, মহারাজ! এইরূপ শ্রুত আছে, রাজা যযাতি স্বর্গারোহণ-পূর্বক দেবতা, সিদ্ধ, সাধ্য, মরুৎ ও বসুগণ কর্তৃক সমাদৃত ও সংকৃত হইয়া সূদীর্ঘকাল তথায় বাস করেন। তিনি কদাচিত্ ব্রহ্মলোকে কদাচিত্ দেবলোকে গমনাগমন করিতেন। মহারাজ যযাতি একতা ইন্দ্রসম্মিধানে উপস্থিত হইলেন। দেবরাজ রাজার কথাবসানে জিজ্ঞাসা করিলেন, রাজন্! পুরু তোমার জরা গ্রহণ করেন; তুমি তাঁহাকে রাজ্যে অভিষিক্ত করিয়া কি উপদেশ দিয়াছিলে সত্য করিয়া বল, আমার শুনিতে নিতান্ত বাসনা হইতেছে। যযাতি কহিলেন, হে দেবরাজ! আমি পুরুকে সমস্ত রাজ্যভার অর্পণ করিয়া কহিলাম, বৎস! গঙ্গা ও যমুনা এই উভয় নদীর অন্তর্গত সমস্ত রাজ্য তোমারই অধিকারভুক্ত হইল; তুমি এই ধরিত্রীর একমাত্র অধীশ্বর হইলে; তোমার জাতৃগণ তোমারই অধীনে থাকিরা অন্ত্যজ জাতি-মাত্র শাসন করিবে। অক্রোধন ক্রোধপরায়ণ অপেক্ষা শ্রেষ্ঠ; ক্ষমাবান্ অক্ষমী, অপেক্ষা শ্রেষ্ঠ; অতএব হে বৎস! তোমাকে এই উপদেশ প্রদান করিতেছি অবগণ কর, মানুষ অমানুষ হইতে প্রধান; বিদ্বান্ মুখ্ হইতে প্রধান; যে ব্যক্তি আক্রোশ করিবে তাহার উপর আক্রোশ না করিয়া ক্রোধ সম্বরণ করাই কর্তব্য; যে হেতু আক্রোশী কোপানলে মনে

মনে দ্বন্দ্ব হইতে থাকে, কিন্তু অনাক্রোশী তাহার পুণ্যভাগী হয়। লোকের মর্শ্বপীড়ক ও নৃশংসবাদী হওয়া নিতান্ত অবিধেয়। যে কথায় অন্যে উদ্ভিগ্ন হয়, এমন কথা উচ্চারণ করা অনুচিত। অর্থহীন ব্যক্তির নিকট প্রচুর অর্থ লওয়া অন্যায়। যে ব্যক্তি লোকের মর্শ্বপাড়ক, পরুষভাবী ও বাক্যরূপ কণ্টক দ্বারা অন্যের হৃদয় বিদ্ধ করে, তাহাকে অ-লক্ষ্মীক বলে। তাহার মুখে অলক্ষ্মীর চিহ্ন সকল সুস্পষ্ট প্রতীয়মান হয়। সচ্চরিত্র ব্যক্তি অগ্র পশ্চাৎ ভাবিয়া সাধুদিগের প্রশংসাসাধোগ্য কর্ম করেন, সর্বদা অসাধু জনের অতিবাদ সঙ্ঘ করেন এবং সম্মার্গে চলিয়া থাকেন। অসতেরা আপন মুখ হইতে নির্গত বাক্যরূপ সায়ক দ্বারা অন্যকে আহত করে। আহত ব্যক্তি ঐ সূতীক্ষু শরাঘাতে জঙ্করিত হইয়া অহর্নিশ যন্ত্র-ণাতোগ করে, অতএব পণ্ডিতেরা তাহা ক-ল্মিন কালেও অন্যের প্রতি নিক্ষেপ করেন না। জীবের প্রতি দয়া, মৈত্রী, দান ও মধুর বাক্য প্রয়োগ, ইহা অপেক্ষা ধর্ম আর লক্ষ্য হয় না। অতএব সর্বদা সান্ত বাক্য প্রয়োগ করা কর্তব্য, কদাচ কঠোর বাক্য উচ্চারণ করিওনা। পূজ্যব্যক্তির পূজা ও দান করা কর্তব্য, কিন্তু যাক্কা অতিশয় নিষিদ্ধ।

অষ্টাশীতিতম অধ্যায় ।

ইন্দ্র কহিলেন, হে নহ্ষনন্দন ! তুমি সর্ব কর্ম সম্পাদন-পূর্বক গৃহ পরিত্যাগ করিয়া বনপ্রবেশ করিয়াছিলে, অতএব জিজ্ঞাসা করি, তুমি কাহার তুল্য তপোমুষ্ঠান করিয়াছ। যযাতি কহিলেন, হে দেবরাজ ! দেবতা, মনুষ্য, গন্ধর্ভ ও মহর্ষি ইহাদিগের মধ্যে কেহই অধ্যাবধি আমার তুল্য তপো-মুষ্ঠান করিতে সক্ষম হন নাই। তখন ইন্দ্র কহিলেন, মহারাজ ! যে হেতু অন্যের তপঃ-প্রভাব না জানিয়া শুনিয়া উৎকৃষ্ট, নিরুৎকৃষ্ট ও সমকক্ষ লোকের অবমাননা করিলে তদ্বি-

মিত্ত তুমি অন্যেই ক্ষীণপুণ্য হইয়া দেবলোক হইতে পরিভ্রষ্ট হইবে। যযাতি কহিলেন, হে দেবরাজ ! দেবার্ষি গন্ধর্ভ ও নরলোকের অবমাননা করিয়া যদি দেবলোকভ্রষ্ট হইতে হইল, তবে যাহাতে সাধুসম্মিধানে পতিত হই এইরূপ অনুকম্পা করুন। ইন্দ্র কহিলেন, মহারাজ ! তুমি সাধুসম্মিধানেই পতিত হইয়া, যথেষ্ট ধ্যাতি ও প্রতিপত্তি লাভ করিবে; কিন্তু সাবধান যেন এইরূপে আর কাহারও অবমান করিও না।

রাজা যযাতি দেবরাজ-কর্তৃক এইরূপ আদিষ্ট ও স্বর্গভ্রষ্ট হইয়া ভূমণ্ডলে পতিত হইতেছেন, ইত্যবসরে ধর্মপরায়ণ রাজর্ষি অক্ষক তাঁহাকে অন্তরীক্ষে নিরীক্ষণ করিয়া কহিলেন, হে যুবক ! তুমি কে ? তোমার রূপ ইন্দ্রেরন্যায় ও তেজ অগ্নির ন্যায় দেখিতেছি ; তোমাকে প্রচণ্ড মার্ত্তণ্ডের ন্যায় অকস্মাৎ পৃথিবী হইতে পরিভ্রষ্ট দেখিয়া আমরা বিস্ময়াবিকটচিত্তে নানা প্রকার বিতর্ক করিতেছিলাম। এক্ষণে তোমাকে সম্বিক্রম দেখিয়া পতনকারণ জিজ্ঞাসার্থ প্রত্যুদ্যমন করিলাম। অগ্রে তোমার পরিচয় লইতে আমরাদিগের সাহস হইতেছে না, এবং তুমি ও আমাকে কিছুই জিজ্ঞাসা করিতেছ না, অতএব জিজ্ঞাসা করি তুমি কে ? এবং কি নিমিত্তইবা দেবলোকে আগমন করিয়াছিলে ? হে মহানুভাব ! তোমার ভয় নাই, শীঘ্রই বিবাদ ও মোহ পরিত্যাগ কর। এই সাধুসমাজে বল নামক অশুরের হস্তা ইন্দ্রও তোমাকে পরাস্তব করিতে সমর্থ নহেন। হে দেবরাজকম্প ! সাধুলোকেরা সন্তপ্ত সাধুলোকদিগের আশ্রয়, সস্ত্রাতি তুমি সাধুসম্মিধানে আদিয়াছ, আর ভয় কি ? যেমন তাপজানে অগ্নির, বীজাধানে পৃথিবীর, আলোকজানে সূর্যের, প্রফুল্ল মাছে, সাধুদিগের নিকট অভ্যাগত ব্যক্তিরও তাহুণ প্রভুত্ব।

যযাতি কহিলেন, আমি মহাবের পুত্র এবং পুরুষ পিতা। আমার নাম যযাতি। আমি ইন্দ্রসম্মিধানের আশ্রয়প্রার্থনা করিয়াছিলাম বলিয়া ক্ষীণপুণ্য ও দেবলোক হইতে উচ্চ হইয়া পৃথিবীতে পতিত হইতেছি। আমি অপেক্ষাকৃত অধিকবয়স্ক এই নিমিত্ত তেমাঙ্গিককে অভিবাদন করি নাই, কারণ যিনি বিদ্যা, তপস্যা ও জন্ম দ্বারা প্রধান হইলেন, তিনিই পূজনীয়। অর্চক কহিলেন, মহারাজ! তুমি কহিতেছ যে, যিনি বয়োবৃদ্ধ তিনিই সকলের প্রধান ও পূজ্য কিন্তু বস্তুতঃ তাহা নহে, যিনি বিদ্যা ও তপস্যা দ্বারা সকলের প্রধান হইলেন, তিনিই সর্বশ্রেষ্ঠ ও পূজনীয়। যযাতি কহিলেন, সৎকর্মের প্রতিকূলতাই পাপ; পাপসক্ত হইলেই নিরয়গামী হইতে হয়; নাথ পুরুষেরা কদাচ পাপকর্মের অনুষ্ঠান বা আনুকূল্য করেন না। আমার বিস্তর অর্থ ছিল, এক্ষণে তাহা বিনষ্ট হইয়াছে, আমি এক্ষণে অনুসন্ধান করিলেও তাহা আর পাইব না, এইরূপ অবধারণ করিয়া যিনি আপনার হিতসাধনে প্রবৃত্ত হন, তিনিই যথার্থ নাথ। যিনি বহুবিধ ষাগষজ্ঞের অনুষ্ঠান করেন, যিনি সর্ববিদ্যায় পারদর্শী, যিনি বেদাধ্যয়নসম্পন্ন ও তপঃপরায়ণ হইয়া পরিণামে স্বরলোকে গমন করেন, তাঁহাকেই মহাধন বলা যায়। বহুধনের অধিপতি হইয়াও অতিমাত্র প্রকৃত্ত হওয়া বিধেয় নহে। নিরহঙ্কারচিত্ত হইয়া সর্বদা বেদাধ্যয়ন করা কর্তব্য, কারণ এই জীবলোকে এবিধ বহুবিধ পদার্থ বিদ্যমান আছে, বাহা চেষ্টার বহির্ভূত, কেবল দৈবপুরুষ; অতএব ধীরব্যক্তি দৈবকে বলবান্ জানিয়া লক্ষ সেই সেই বস্তু কদাচ নষ্ট করিবেন না। সুখ ও দুঃখ সকলই দৈবানুগ, যেহেতুকে কেহ কখন সুখী বা দুঃখী হইতে পারে না, অতএব দৈব

বলবান্, এই বিবেচনা করিয়া কদাচ দুঃখে বিষণ্ণ বা সুখে উল্লাসিত হইবে না। ধীমান ব্যক্তি দুঃখ সন্তপ্ত বা হর্ষে উদ্ভক্ত হইবে না। তাঁহারা সুখ দুঃখ সমজ্ঞান করেন, যেহেতু সুখ দুঃখে দৈবায়ত্ত, উহাতে কখন প্রসন্ন বা বিষণ্ণ হইবে না। হে অর্চক! বিধাতা যেকপ বিধান করিয়াছেন, তাহা কদাচ অন্যথা হইবার নহে, এই ভাবিয়া আমি কখন তরে মুগ্ধ হই না, এবং আমার মনে কদাচ সন্তাপের সঞ্চার হয় না। কি শ্বেদজ কি অশুভ কি উদ্ভিদ কি সন্ন্যাসকি কৃষি কি মৎস্য কি প্রস্তর কি তৃণ কি কাষ্ঠ প্রায়ত্ত কর হইলে সকলেই নষ্ট হয়। হে অর্চক! সুখ দুঃখের অনিত্যতা বুঝিয়াছি, অতএব আর কি বলিয়া সন্তপ্ত হইব। কি করিব কি করিলেই সন্তপ্ত না হয় এইরূপ নানা প্রকার বিতর্ক করিয়া আমি অপ্রমত্তচিত্তে সন্তাপ বিসর্জন করিয়াছি।

অনন্তর অর্চক, সর্বগুণ-সম্পন্ন মাতামহ যযাতির এইরূপ ধর্ম সঙ্গত কথা শ্রবণ করিয়া পুনর্বার কহিলেন, মহারাজ! আশ্রয়বেদী পুরুষের ন্যায় বহুবিধ ধর্মসংক্রান্ত কথা উল্লেখ করিতেছ, তাহা শ্রবণ করিয়া আমাদিগের কর্ণযুগল চরিতার্থ হইতেছে, অতএব তুমি যতকাল যে রূপে যে সকল লোকে অবস্থিত করিয়াছিলে, তাহা আনুকূল্যে সমুদায় বল। যযাতি কহিলেন, আমি নিজ বাহুবলে সমস্ত দিগ্ভ্রম করিয়া এই সমাগরা পৃথিবীর সত্রাট হইয়াছিলাম। সহস্র বৎসর পরম সুখে সাত্রাজ্য ভোগ করিয়া পরলোকে গমন করি। পরে শতযোজন-বিস্তীর্ণ সহস্রদ্বার-সংযুক্ত পরম রমণীয় অমরাবতী নগরীতে সহস্র বৎসর অতিবাহিত করি। অনন্তর পরম সুখিত ব্রহ্মলোক লাভ করিয়া তথাবর্ষসংক্রান্ত বাস করি। তৎপরে দেবদেব মহাদেবের কান্ধুনি কৈলাসকূটমতে নিবাস করিয়া দেবগণ

ও ইন্ড্রগণ কর্তৃক সংরুদ্ধ হইয়া কিল্বৎকাল বাপন করি। তখনস্তর নন্দনবনে কুম্ভমগন্ধা-মোদিত চারুৰূপ পৰ্বত সকল নিরীক্ষণ ও সৰ্ব্বাক্ষসুন্দরী বিদ্যাধরীগণের সহিত পরমসুখে বিহার করিয়া অযুত শতাব্দী বাস করি। দেবলোক-সুলভ সুখে আসক্ত হইয়া তথায় এই সুদীর্ঘকাল বাস করিলে একদা এক ঘোররূপী দেবদূত আসিয়া প্লুতস্বরে তিন বার কহিল “তুমি সুখভ্রষ্ট হও”! সম্প্রতি আমি ক্ষীণপুণ্য হইয়া নন্দনবন হইতে ভ্রষ্ট হইতেছি এবং দেবগণ অন্তরীক্ষে আমার নিমিত্ত অতিকরুণ স্বরে রোদন করিতেছেন, ইহাও শুনিতেছি। হেনরেন্দ্র! আমি ইহা ব্যতীত আর কিছুই জানিনা। আমি তাঁহাদের “হা! পুণ্য-কীর্ত্তি ঘৃষাতি তুমি ক্ষীণপুণ্য হইয়া স্বর্গ হইতে ভ্রষ্ট হইতেছ” এইরূপ বিলাপ শুনিয়া কহিলাম, হে দেবগণ! আমি যাহাতে সাধুসন্নিধানে পতিত হই এমত কোন উপায় বিধান কর। তাঁহারা আপনাদিগের যজ্ঞভূমিতে যাইতে কহিলেন। আমি হবির্গন্ধের অনুসরণ ক্রমে যজ্ঞভূমির অনুমান করিয়া সত্বর আসিতেছি।

নবতিতম অধ্যায়।

অষ্টক কহিলেন, মহারাজ! ইন্দ্রকাননে অযুত শতাব্দী বাস করিয়া কি কারণে তাহা পরিত্যাগ-পূর্ব্বক পৃথিবীতে পুনরাগমন করিলেন? রাজা কহিলেন, হে অষ্টক! যেমন জাতি বা স্ত্রীজ্ঞান নির্জন মনুষ্যকে পরিত্যাগ করে, সেইরূপ ইন্দ্রাদি দেবতারা ক্ষীণপুণ্য ব্যক্তিকে দেবলোক হইতে নিক্ষেপ করিয়া থাকেন। তখন অষ্টক কহিলেন, মহারাজ! আপনি তদ্বিজ্ঞানী অতএব বলুনদেখি স্বর্গে কি কারণে ক্ষীণপুণ্য হয়, এবং কি পুণ্য করিলে কোন্‌ধামে গমন করিতে পারে, এবিধের আমরা অতীব সন্দেহ আছে। যথাপি প্রত্যুত্তর করিলেন, পুণ্য

কর হইলে মনুষ্যেরা বিলাপ ও পরিভাপ করিতে করিতে দেবলোক হইতে এই মর্ত্য লোকরূপ ঘোর নরকে পুনরায় পতিত হয়, এবং ভৌমকলেবর পরিগ্রহ-পূর্ব্বক বিবিধ উপভোগে আসক্ত হইয়া শৃগাল কুকুরের তৃপ্তিসাধনের নিমিত্ত পুত্র পৌত্রাদিক্রমে বংশ পরিবর্দ্ধিত করিতে থাকে। অতএব যে কর্ম্ম করিলে এই পৃথিবীতে অতিশয় কষ্ট ভোগ করিতে হয়, এমত গর্হিত কার্যে নিতান্ত অবজ্ঞা ও একান্ত অশ্রদ্ধা প্রদর্শন করা কর্তব্য। হে অষ্টক! যাহা কর্তব্য তৎসমুদায়ই বলিলাম, এক্ষণে আর কি শুনিতে বাসনা কর বল। অষ্টক কহিলেন, মহারাজ! স্বর্গচ্যুত হইয়া নরলোকে আগমন করিবার কালে পৃথিবীতে পতনেরা নরকলেবর ভক্ষণ করিয়া থাকে, তবে কি রূপে তাহারা এই পৃথিবীতে আবির্ভূত হয়? আর কেনইবা এই নরলোককে নরক বলিয়া নির্দেশ করিলেন। রাজা কহিলেন, মনুষ্যেরা জননীজঠর হইতে কর্ম্মারক্কে দেহ লাভানস্তর এই পৃথিবীতে সঞ্চারণ করে এবং ইহাতেই পতিত হইয়া লক্ষ লক্ষ বৎসর অতিবাহিত করে, এই নিমিত্ত পৃথিবীকে নরক বলিয়া উল্লেখ করিলাম। পৃথিবীতে পতিত হইবার সময়ে তীক্ষ্ণদৃষ্ট ভয়ঙ্কর ভৌম রাক্ষসগণ পতনোন্মুখ ব্যক্তিকে কষ্টদান করিয়া থাকে। অষ্টক জিজ্ঞাসিলেন, মহারাজ! পাপপ্রভাবে দেবলোকচ্যুত মনুষ্যগণকে যদি ভীমরূপী রাক্ষসগণ পৃথিবীতে আস করে, তবে তাহারা কিরূপে পুনরায় এই পৃথিবীতে আবির্ভূত হয়? কিরূপে ইন্দ্রিয় সম্পন্ন হয়, আর কি প্রকারেইবা তাহারা গর্ভে আবিষ্ট হয়? রাজা প্রত্যুত্তর করিলেন, অক্রমপ্রবাহে জলতা-বাপন্ন মনুষ্যকলেবর রেতোরূপে পরিণত হইয়া পৃথিবীতে বনস্পতি, ওষধি, কল, পুষ্প,

ও পঞ্চভূতে অনুপ্রবিষ্ট হয়। সেই কলাদি
তক্ষণ করিলে রেতঃ জন্মে। সেই রেতঃ স্ত্রী-
গর্ভে সিক্ত হইলে গর্ভের সঞ্চার হয়, তা-
হাতেই চতুষ্পদ দ্বিপদ প্রভৃতি জন্তুগণ
গর্ভে আবির্ভূত হইয়া থাকে। অর্কক কহি-
লেন, মহারাজ ! গর্ভভূত জন্তু কি শরীরান্তর
দ্বারা কিম্বা স্বশরীর দ্বারা গর্ভে অনুপ্রবিষ্ট
হয় ? আর কিরূপেইবা দেহের ঔষ্মত্যা চক্ষু-
শ্রোত্রাদি ইন্দ্রিয়বর্গ এবং চৈতন্য লাভ
করে ? এই বিষয়ে আমাদের মহীন্ সংশয়
আছে, আপনি তত্ত্বজ্ঞ, অতএব এই সমুদায়
বিশেষরূপে বর্ণনা করিয়া আমাদের
সন্দেহ তঞ্জন করুন। রাজা প্রত্যুত্তর করি-
লেন, ঋতুকালে বায়ু, পুষ্পরসানুপূক্ত রেতঃ
গর্ভস্থানিতে আকর্ষণ করে, সেই রেতঃ
প্রথমতঃ তন্মাত্ররূপী হইয়া ক্রমশঃ গর্ভকে
পরিবর্তিত করিতে থাকে। তদনন্তর
সেই গর্ভ অক্ষপ্রত্যক্ষ-সম্পন্ন হইয়া পূর্ব-
তন বাসনা অবলম্বন-পূর্বক মনুষ্যরূপে
আবির্ভূত হয়। মনুষ্য জাতমাত্রে চৈতন্য
লাভ করিয়া অগ্নিইন্দ্রিয় দ্বারা শব্দ, চক্ষু দ্বারা
রূপ, স্রাগ্নিইন্দ্রিয় দ্বারা গন্ধ, জিহ্বা দ্বারা
রস, স্রাগ্নিইন্দ্রিয় দ্বারা শীত উষ্ণ প্রভৃতি স্পর্শ
অনুভব করিতে এবং মন দ্বারা সমুদায় ভাব
অবগত হইতে পারে। অর্কক কহিলেন,
মহারাজ ! মৃত ব্যক্তির কলেবর দক্ষ, নি-
খাত বা নিষ্কণ্ঠ হইয়া থাকে, তবে মর-
ণানন্তর অভাবভূত পুরুষ কিরূপে পুনর্বার
চৈতন্য লাভ করে। পুরুষ প্রাণত্যাগ করিয়া
স্বকীয় পুণ্য পাপের অনুসারে অচিরে
অন্য যোনি আশ্রয় করে। পুণ্যবান্ ব্যক্তির
পুণ্যবোনি ও পাপকারী ব্যক্তির
পাপবোনি প্রাপ্ত হয়। কীট ও পতঙ্গাদি পাপ-
কারী জন্তু এই নিমিত্ত ; উহার পাপবোনির
অন্তর্গত। চতুষ্পদ দ্বিপদ ষট্পদ ইহার
ও পাপস্বভাব এই নিমিত্ত ইহার
ও পাপবোনির অন্তর্গত। হে রাজসিংহ ! যাহা

বক্তব্য তাহা সবিস্তরে বলিলাম, এক্ষণে
আর কি জিজ্ঞাস্য আছে, বল। অর্কক ক-
হিলেন, মহারাজ ! মনুষ্য তপস্যা, বিদ্যা
বা যেকোন কর্ম্মানুষ্ঠান দ্বারা শ্রেষ্ঠ লোক
প্রাপ্ত হয়, আমি জিজ্ঞাসা করিতেছি, তৎ-
সমুদায় আনুপূর্বিক বর্ণন করুন। যথা
কহিলেন, হে অর্কক ! তপস্যা, দান, শম,
দম, লজ্জা, সরলতা এবং দয়া এই সাতটি
স্বর্গের দ্বারস্বরূপ। সাধুলোকেরা কহিয়া
থাকেন, মনুষ্যেরা অজ্ঞান রূপে মগ্ন হইয়া
অহঙ্কারদোষে সর্বদা বিনষ্ট হয়। অধ্যয়ন-
শীল বা পণ্ডিতাভিমাত্রী যে ব্যক্তি বিদ্যাবলে
অন্যের যশোলোপ করে, সে পুণ্যলোক হই-
তে অচিরে ভ্রষ্ট হয় এবং তাহার সেই অধ্য-
য়নাদি ব্রহ্মকলত্র হয় না। মানাধিহোত্র
মানমৌন মানাধায়ন ও মানযজ্ঞ এই চারিটি
কর্ম্ম ভয়ঙ্কর নহে, কিন্তু অনুষ্ঠানের ক্রটি
হইলে ইহা নিতান্ত ভীষণ হইয়া উঠে।
মানে হর্ষ প্রকাশ ও অপমানে সন্তাপ করিও
না। সাধু ব্যক্তির সাধুদিগকে সর্বদা সংকার
করিয়া থাকেন। অসাধুরা কদাচ সাধুবৃদ্ধি
লাভ করিতে পারে না। “এত দান করিলাম”
“এত যজ্ঞ করিলাম” “এত অধ্যয়ন করিলাম”
“এবং এত ব্রতানুষ্ঠান করিলাম” এইরূপ
অহঙ্কার অতিভয়ঙ্কর, অতএব ইহা যত্নপূর্বক
পরিত্যাগ করা কর্তব্য। যে সকল মনীষী
সকলের আশ্রয়ভূত তাঁহাদিগের সহিত
সঙ্গত হইলে ইহলোকে কীর্তি ও পরলোকে
সংস্কার লাভ হয়।

একনবতিতম অধ্যায়।

অর্কক কহিলেন, মহারাজ ! ব্রহ্মচারী,
গৃহী, বানপ্রস্থ ও তিস্তু ইহার কিরূপ আচ-
রণ করিলে সৎপথে থাকিয়া ধর্ম্মোপার্জন
করিতে পারেন, এই বিষয়ে রাজা প্রকার
প্রবাহ আছে, আপনকার মত কি ? যথা
কহিলেন, ব্রহ্মচারীর ধর্ম্ম এই যে, অধ্যাপ-
নাদি গুরুদ্বার নিমিত্ত কদাচ গুরুকে

প্ৰেৰণা কৰিবেন না ; গুরু বধন তাঁহাকে
আহ্বান কৰিবেন, তখন অধ্যয়ন কৰিবেন ;
গুরুর শয়নের পর শয়ন ও গাত্ৰোথানের
পূৰ্বে গাত্ৰোথান কৰিবেন ; এবং মৃত্ত, দান্ত,
সম্ভষ্ট স্বভাব, অশ্রমন্ত ও বেদাধ্যয়নে নিরত
থাকিবেন । গৃহস্থের ধর্ম এই যে, ধর্মতঃ
ধনোপার্জন কৰিয়া তদ্বারা যাগদানাদি
ক্রিয়াকলাপ সম্পন্ন কৰিবেন, অতিথি ভো-
জন কৰাইবেন এবং অদত্ত বস্ত্ৰ প্ৰতিগ্রহ
কৰিবেন না । বানপ্ৰস্থের কর্তব্য এই যে,
স্বকীয় বীৰ্য্য উপজীব্য কৰিয়া জীবন ধারণ
কৰিবেন ; কোন রূপ পাপ কর্মে আসক্ত
হইবেন না ; পরকে দান কৰিবেন ; কাহা-
কেও কষ্টদান কৰিবেন না । ভিক্ষুর কর্তব্য
এই যে, শিল্প কর্ম দ্বারা জীবিকা নিৰ্ব্বাহ
কৰিবেন না ; গুণবান, জিতেন্দ্ৰিয়, বিষয়
বাসনা হইতে বিবক্ত ও বৃক্ষমূলশায়ী হইবেন
এবং অধিকদেশ পর্যটন কৰিবেন না ।
লোকে নিদ্রায় অভিভূত ও কামপরতস্ত
হইয়া যে রজনী স্নেহে অতিবাহিত করে,
জ্ঞানী ব্যক্তি সংযতচিত্তে অরণ্যে বাস
কৰিয়া সেই রজনী যাপন কৰিবেন । যিনি
এইরূপে অরণ্য বাস আশ্রয় কৰিয়া তথায়
কলেবর পরিত্যাগ করেন, তিনি পূৰ্ব দশ
পুরুষ, পশ্চাৎ দশ পুরুষ এবং আপনাকে
এই এক বিংশতি পুরুষকে পরিভ্ৰাণ ক-
রেন । অষ্টক কহিলেন, মহারাজ ! মুনি ও
মৌনব্রতী কয় প্ৰকার বলুন, শুনতে আমা-
দিগের সাত্তশয় বাসনা হইতেছে । রাজা
কহিলেন, হে অষ্টক ! যিনি পৃষ্ঠভাগে গ্রাম
রাখিয়া কিংবা পৃষ্ঠভাগে অরণ্য রাখিয়া
গ্রামে বাস করেন, তাঁহাকেই মুনি বলা যায় ।
অষ্টক কহিলেন, মহারাজ ! যিনি অরণ্যে
বাস করেন, তাঁহার পশ্চাত্তাগে অরণ্য
থাকে সে কি প্ৰকার ? রাজা কহিলেন,
যিনি অরণ্যে বাস কৰিয়া গ্রাম্য কলমূলাদি
ভক্ষণ করেন না, তাঁহার পশ্চাত্তাগে গ্রাম ;

আর যিনি গ্রামে বাস কৰিয়া অগ্নিহোত্ৰী
নহেন, বাসস্থান নির্দিষ্ট নাই, অগোত্ৰচারী
ও কৌপীনধারী এবং যতদিন প্ৰাণ সংযোগ,
ততদিন অন্নপানেচ্ছা, তাঁহারই পশ্চাত্তাগে
অরণ্য । আর যিনি সৰ্ব্ববাসনাপৰিশূন্য
হইয়া সৰ্ব্ব কর্ম বিসৰ্জন ও ইন্দ্ৰিয় দমন-
পূৰ্ব্বক মৌনাবলম্বন কৰিয়া থাকেন, তাঁ-
হাকে মৌনব্রতী কহে ; মৌনব্রতী সৰ্ব্বসিক্তি
লাভ কৰিতে পাবেন । ধৌতদন্ত, ছিন্ননখ,
স্নাত, অলঙ্কৃত, অসিতকলেবর ও শূন্তকৰ্ম্মা
মুনি সকলের অৰ্চনীয় । যিনি তপস্যা দ্বারা
কর্ষিত, ক্ষীণ, শীর্ণকলেবর, জীর্ণমাংস ও
শুষ্কাস্থি হয়েন, সেই মুনি ইহ লোক জয়
কৰিয়া পরলোকও জয় করেন । আর যিনি
নির্দন্দ হইয়া মৌনব্রতাবলম্বনপূৰ্ব্বক তপ-
শ্চরণ করেন, তিনিও ইহ লোক জয় কৰিয়া
পর লোক জয় করেন । যে মুনি মুখ দ্বারা
গোবৎ আহাৰ অশ্বেষণ করেন, ইহ লোক
ও পর লোক উভয়ই তাঁহার শ্ৰীতিকর
হইয়া উঠে ।

দ্বিনবতিতম অধ্যায় ।

অষ্টক যযাতিকে জিজ্ঞাসা কৰিলেন,
উক্ত উভয় বিধ ভিক্ষুর মধ্যে অগ্ৰে কাহার
মুক্তি লাভ হইয়া থাকে ? যযাতি কহিলেন,
যিনি গৃহস্থাত্মনে বাস কৰিয়াও আশ্রমবিব-
ৰ্জিত এবং কামাচার পরাঞ্জুখ, তিনিই অগ্ৰে
মুক্তি লাভ করেন । যথার্থজ্ঞানী হইয়া পা-
পাচরণ কৰিলেও ধারাবাহিক স্নেহভোগ
কৰিতে পাবেন । যে ব্যক্তি পশুশ্রম
মনে কৰিয়া ধর্মোপাসনা করে তাহার
সেই ধর্মচরণ বিফল, কেবল ক্লুরতা মাত্র ।

মহারাজ ! রাজা যযাতির এবম্প্ৰকার ধর্ম
সংগীত শ্রবণ কৰিয়া, অষ্টক জিজ্ঞাসা কৰি-
লেন, মহারাজ ! আপনি যুবা, মাংসা-
ধারা, তেজস্বী এবং দর্শনীয়, কোন ব্যক্তি
আপনাকে দূতরূপে প্ৰেৰণ কৰিয়াছেন ?
এবং আপনি কোথা হইতে আগমন কৰিলেন

ও কোনদিকে গমন করিবেন? আপনার কি পার্শ্বস্থানে গমন করিতে হইবে? যযাতি কহিলেন, আমার পুণ্য ক্ষয় হওয়াতে স্বর্গ হইতে চ্যুত হইয়া এই পৃথিবীকপ ভৌম নরকে পতিত হইতেছি। আপনাদিগের সহিত কধোপকথন করিয়া অচিরে ভূতলে পতিত হইব, যেহেতু ব্রহ্মলোক-রক্ষকেরা আমার ভুলোকপতনের নিমিত্ত হারা করিতেছেন। আর পতনকালে ইন্দ্র আমাকে এইবর দিয়াছিলেন “হে নরেন্দ্র! তুমি সাধুসমাজে পতিত হইবে” তাহাও হইল। অষ্টক কহিলেন তুমি পতিত হইও না, হে রাজন্! যদি আমার অন্তরীক্ষ্য বা দিব্য কোন লোক থাকে, আমি তোমাকে তাহার অধিকারী করিলাম। যযাতি কহিলেন, মহারাজ! যতদিন পৃথিবীতে গবাস্থ-ঐচ্ছিত জীবজন্তু আছে, ততদিন আপনকার স্বলোকে অধিকার আছে। অষ্টক কহিলেন, আমার দিব্য বা অন্তরীক্ষ্য যে কোন লোক থাকে, তাহা তোমাকে প্রদান করিলাম, তুমি অচিরে সেই স্থানে গমন কর। যযাতি প্রত্যুত্তর করিলেন হে রাজ-শ্রেষ্ঠ! বেদবিৎ ব্রাহ্মণেরাই প্রতিগ্রহ করিয়া থাকেন, মাদৃশ ক্ষত্রিয়েরা কদাচ যাক্ষা-দৈন্য স্বীকার করেন না। বরং ব্রাহ্মণভিন্ন অন্যজাতির, অভাবে প্রাণত্যাগ করা কর্তব্য, তথাপি যাক্ষা জনিত লঘুতা স্বীকার করা অনুচিত।

পরে অষ্টকের সমভিব্যাহারী প্রতর্দন কহিলেন, হে দর্শনীয়! আমি প্রতর্দন, তুমি তত্ত্বজ্ঞানী, অতএব যদি অন্তরীক্ষে বা স্বর্গে আমার কোন স্থান থাকে আমি তোমাকে তাহার অধিকারী করিলাম। যযাতি কহিলেন হে নরেন্দ্র! আপনার অতি উৎকৃষ্ট বহুসংখ্যক লোক আছে। সেই সকল লোক আপনাকে প্রতীক্ষা করিতেছে, উহা এত অধিকসংখ্যক, যে প্রতি সপ্তাহে

এক এক লোক ভোগ করিলেও নিঃশেষিত হয় না। প্রতর্দন কহিলেন আমি তোমাকে সেই সকল লোক প্রদান করিলাম। তুমি মোহ পরিত্যাগ পূর্বক শীঘ্র তথায় গমন কর। রাজা প্রত্যুত্তর করিলেন সম-তেজস্ক শ্রেষ্ঠ রাজারা অন্যের নিকট সাহায্য প্রার্থনা করেন না। ধর্মপরায়ণ রাজা ধর্ম্য, মান্য ও যশস্কর কর্ম যত্নপূর্বক সম্পা-দন করিয়া থাকেন, কিন্তু আপনি যেকপ বলিতেছেন, মাদৃশ লোক একপ রূপণ কর্ম করিতে সন্মত নহেন। মদ্বিধ লোকের কর্তব্য যে, যাহা অন্যে না করিয়াছে তরূপ অপূর্ব কর্ম সম্পাদন করে। রাজা যযাতি এইরূপ কহিতেছেন, ইত্যবসরে মহারাজ বসুমান্ তাঁহাকে বলিতে আরম্ভ করিলেন।

ত্রিনবতিতম অধ্যায়।

বসুমান্ কহিলেন, মহারাজ! আমি উষদশ্বের পুত্র, আমার নাম বসুমান্। যদি স্বর্গে বা অন্তরীক্ষে আমার ভোগ্য কোন স্থান থাকে তাহা আমি তোমাকে প্রদান করিলাম। রাজা কহিলেন, অন্তরীক্ষ, পৃ-থিবী, দিক্ এবং যে সকল লোক সূর্য্য-দেবের তাপে উত্তপ্ত হয়, তাদৃশ বহু সংখ্যক লোক আপনকার গমন প্রতীক্ষা করিতেছে। বসুমান্ প্রত্যুত্তর করিলেন, মহারাজ! আর ভূমণ্ডলে নিপতিত হইতে হইবে না, আমি সেই লোক আপনাকে প্রদান করিতেছি, উহা আপনারই ভোগ্য হউক; যদি প্রতিগ্রহ করা আপনারপক্ষে নিতান্ত দুঃখীয় হয় তবে তুণ দ্বারা উহা ক্রয় করুন। রাজা প্রত্যুত্তর করিলেন, হে নরেন্দ্র! তুমি সাধু ব্যক্তিদিগকে কদাচ অবমাননা কর নাই অতএব তোমার বিদ্যা প্রায় অনন্ত লোক বিদ্যমান আছে। শিবি কহিলেন, মহারাজ! যদি এই সকল লোক ক্রয় করা আপনকার অনতিমত হয় তবে তাহা আপনাকে স-প্রদান করিতেছি, আপনি তাহা গ্রহণ

করুন। আমি দান করিয়া পুনরায় তাহা গ্রহণ করিব না, যে হেতু বিদ্বান্ ব্যক্তির দান করিয়া কদাচ অনুতাপ করেন না। যযাতি কহিলেন, হে নরদেব ! আপনি দেবরাজ তুল্য প্রভাব সম্পন্ন এবং আপনার ভোগ্য লোকও অনন্ত বটে, কিন্তু আমার অদ্যাপি অন্যদত্ত লোকে স্পৃহা হয় নাই অতএব আপনার দান আমার অভিমত নহে। তখন অর্চক কহিলেন, মহারাজ ! যদি অশ্বদত্ত এক একটি লোক স্বীকার না করেন, তবে আমরা আপনাকে সমুদায় প্রদান করিয়া বরং নরকে গমন করিব। রাজা প্রত্যুত্তর করিলেন, আমার পক্ষে যাহা উপযুক্ত বোধ হয় তাহা সম্পাদন করিতে যত্নবান্ হউন ; কারণ সাধু ব্যক্তির স্বভাবতঃ সত্যপরায়ণ হইয়া থাকেন, কিন্তু যাহা আমার অদৃষ্টমত নহে তদ্বিষয় ভোগ করিতে আমি কখনই সম্মত হইতে পারি না। অর্চক কহিলেন, মহারাজ ! যে সকল স্তবর্ণময় রথ আরোহণ করিয়া লোকে শাস্ত লোকে গমন করিতে অভিলষ করে, তদ্রূপ পাঁচখানি রথ দেখা যাইতেছে, উহা কাহার ? রাজা কহিলেন ঐ সকল স্তবর্ণময় রথ তোমাদিগকে বহন করিবে। উহা জলন্ত অগ্নিশিখারন্যায় পরিদৃশ্যমান হইতেছে। অর্চক কহিলেন মহারাজ ! তুমি ঐ রথে আরোহণ করিয়া অন্তরীক্ষে গমন কর এবং নির্দিষ্ট কাল উপস্থিত হইলে আমরাও তোমার অনুসরণ করিব। রাজা কহিলেন আমরা কৰ্মফলে সকলেই স্বর্গলোক জয় করিয়াছি অতএব চল, সকলে সমবেত হইয়া তথায় গমন করিব। এই আশাদিগের দেবলোকে প্রস্থান করিবার নিষ্কণ্টক পথ দেখাইতেছে।

অনন্তর ধর্মশীল ভূপালগণ রথারোহণ-পূর্বক শীর শীর প্রতাপুঞ্জ দ্বারা নভোমণ্ডল আচ্ছন্ন করিয়া গমন করিতে লাগিলেন।

এই অবসরে অর্চক কহিলেন আমি মনে করিয়াছিলাম মহাত্মা ইন্দ্র আমার সখা, আমিই অগ্রে তাঁহার নিকট গমন করিব, কিন্তু উশীনরতনয় শিবি মৎসবেগে অশ্ব-গণকে অক্রম করিয়া গমন করিতেছেন ইহার অভিপ্রায় কি ? যযাতি প্রত্যুত্তর করিলেন উশীনরপুত্র যত ধন উপার্জন করিয়াছিলেন। সমুদায়ই দেবলোকে সমর্পণ করিয়াছেন, অতএব শিবিরাজ আশাদিগের সর্বাঙ্গকে শ্রেষ্ঠ। অসামান্য বুদ্ধিমত্তা সম্পন্ন শিবিরাজ দান, তপস্যা, সত্য, ধর্ম, লজ্জা, ক্ষমা ও বিধিৎসা প্রভৃতি প্রভূতগুণে অলঙ্কৃত ; বিশেষতঃ শিবিরাজ অতিশয় সুশীল ও সৌম্য, এই কারণে শিবি সর্বাগ্রে গমন করিতেছেন। অনন্তর অর্চক সকৌতুকচিত্তে পুনর্বার মাতামহকে জিজ্ঞাসিলেন মহারাজ ! জিজ্ঞাসা করি, আপনি কোথা হইতে আগমন করিতেছেন এবং কাহার পুত্র ? আর আপনি যে সকল কার্যের অনুষ্ঠান করিয়াছেন তাদৃশ অন্য কোন ক্ষত্রিয় বা ব্রাহ্মণ তদ্রূপ কৰ্ম করিতে পারেন না কেন ? এই সমুদায় যথার্থরূপে বর্ণন করুন। রাজা প্রত্যুত্তর করিলেন আমি নহুযতনয়, আমার নাম যযাতি। আমি পৃথিবীরাজ্যের সম্রাট্ ছিলাম, আমি তোমাদিগের সমক্ষে সমুদায় রহস্য প্রকাশ করিতেছি। আমি তোমাদিগের মাতামহ। আমি সমস্ত অবনীমণ্ডল জয় করিয়াছি, ব্রাহ্মণদিগকে একশত স্তবর্ণ পবিত্র অশ্ব ও বস্ত্র দান করিয়াছি এবং শত অর্কুদ গো বাহন স্তবর্ণ ও ধনের সহিত এই সমাগরা ধরিত্রী বিপ্রসাৎ করিয়াছি। পৃথিবী ও স্বর্গে আমার সন্ত্যের প্রভাব দেদীপ্যমান আছে। সত্য প্রভাবেই মনুষ্যালোকে অগ্নি প্রজ্বলিত হইতেছে। আমি যাহা কহিয়া থাকি সকলই সত্য। আমার বাক্য কদাচ বিকল হয় না যেহেতু সাধুলোকেরা সন্ত্যের

সন্মান করিয়া থাকেন। হে অষ্টক! আমি সত্যই কহিতেছি উষদেবের পুত্র প্রতর্দন, এই সমস্ত নরলোক মুনি ও দেবগণ ইহারা সত্য প্রভাবেই সকলের পূজনীয় ও মান্য হইয়াছেন। আমরা স্বীয় পুণ্যবলে সুরলোক জয় করিয়াছি অতএব যেব্যক্তি আমাদের নিকট অকপটে স্বকীয় রহস্য ভেদ করিবেন এবং বিপ্রগণের প্রতি অসূয়াশূন্য হইবেন, তিনি উত্তরকালে আমাদেরই সাংলোক্য লাভ করিতে পারিবেন। এইরূপে রাজা যযাতি স্বীয় দৌহিত্রগণ দ্বারা তারিত হইয়া মহীয়সী কীর্ত্তি সংস্থাপন পূর্বক পৃথিবী পরিত্যাগ করিয়া ত্রিদশালয়ে গমন করিলেন।

চতুর্নবতিতম অধ্যায়।

জনমেজয় জিজ্ঞাসা করিলেন, ভগবন্! পুরুবংশাবতংস ভূপতিগণ কিরূপ শৌর্য্য, বীর্য্য, পরাক্রম, সদাচার ও সদ্যবহারাতিসম্পন্ন ছিলেন, তৎসমুদায় সবিস্তর বর্ণন করুন। সেই সুশীল সুবিখ্যাত মহাবল পরাক্রান্ত বিজ্ঞানশালী মণীপালগণের জীবনচরিত সবিশেষ পরিজ্ঞাত হইতে আমার সাতিশয় অভিলাষ হইতেছে। বৈশম্পায়ন কহিলেন, মহারাজ! পুরুবংশ সমুদ্ভূত মহাবল, মহাতেজাঃ, সর্বলক্ষণাক্রান্ত ভূপালগণের বৃত্তান্ত বর্ণন করিতেছি, শ্রবণ করুন। পৌষ্টীর গর্ভে পুরুরাজের তিন পুত্র জন্মে। প্রবীর, ঐশ্বর এবং রৌদ্রাশ্ব। রাজকুমারেরা সকলেই মহারথ ছিলেন। সর্বজ্যোষ্ঠ প্রবীরের ভার্য্যা শূরসেনী; তাঁহার গর্ভে মনস্বা নামে এক পুত্র জন্মে। মহাবল মনস্বা স্বীয় বাহুবলে অরাতিকুল নির্মূল করিয়া অতিবিকীর্ণসংগরায়রা ধরিত্রীর একাধিপতি হইয়াছিলেন। সৌবীরীর গর্ভে মনস্বার অশ্বগভানুপ্রভৃতি তিন পুত্র জন্মে। অম্পরা মিশ্রকেশীর গর্ভে রৌদ্রাশ্বের দশ পুত্র জন্মে। ঋকেশু, ঋকেশু, কুকণেশু, হ-

ণ্ডিলেশু, বনেশু, জলেশু, ভেজেশু, সত্যেশু, ধর্ম্মেশু ও সমতেশু। তাঁহার সকলেই সুপণ্ডিত, ধর্ম্মপরায়ণ, যাগশীল ও অস্ত্রবিদ্যা-বিশারদ ছিলেন। তন্মধ্যে অনাধৃষ্টি অসাধারণ বিদ্যোপার্জন করিয়া পৈতৃক সিংহাসনে অধিকৃত হইলেন। মণীপাল অনাধৃষ্টির মতিনার নামে এক পুত্র জন্মে। পরম ধার্ম্মিক মতিনার রাজসূয় ও অশ্বমেধ প্রভৃতি যজ্ঞানুষ্ঠান করিয়াছিলেন। কালক্রমে তাঁহার চারিপুত্র হইল। তংসু, মহান, অতিরথ এবং ক্রহু। মহাবলপরাক্রান্ত তংসু সমস্ত বসুন্ধরা জয় করিয়া ভূমণ্ডলে নির্মূল যশোরাশি বিস্তার করিয়াছিলেন। তংসুর ঐলিন নামে এক মহাবল পুত্র জন্মে। তিনিও সমুদায় পৃথিবী জয় করিয়াছিলেন। মহারাজ ঐলিন স্বীয় পত্নী রথসুরীর গর্ভে ছয়শত, শূর, ভীম, প্রবসু এবং বসু এই পাঁচপুত্র উৎপাদন করেন। তন্মধ্যে সর্বজ্যোষ্ঠ ছয়শত সিংহাসনে অধিকৃত হইলেন। তিনি শকুন্তলার গর্ভে ভরত নামে এক পুত্র উৎপাদন করেন। সেই শকুন্তলাতনয়তরতদ্বারা এই ভরতবংশের এত দূর গৌরব বৃদ্ধি হইয়াছে। মহারাজ ভরতের তিন মহিষী। তাঁহাদিগের গর্ভে রাজার নয় পুত্র জন্মে। কিন্তু পুত্রেরা কেহই তাঁহার অনুরূপ হন নাই, এই নিমিত্ত তিনি স্বীয় সম্মানগণকে যথাযোগ্য সমাদর করিতেন না। মহিষীগণ রাজার অসন্তোষের কারণ জানিতে পারিয়া ক্রোধপরবশ হইয়া তৎক্ষণাৎ পুত্রদিগকে বিনষ্ট করিলেন। এইরূপে ভরতের অপত্যোৎপাদন বৃথা হইয়াগেল। অনন্তর তিনি পুত্রাণী হইয়া বহুবিধ যাগযজ্ঞের অনুষ্ঠান করিতে মহর্ষি ভরত্বাজের অনুগ্রহে ভূমন্বা নামে এক পুত্র লাভ করিলেন। ভূমন্বা প্রাপ্তবয়স্ক হইলে রাজা তাঁহাকে যৌবরাজ্যে অভিষিক্ত করিলেন। মহিষী পুষ্করিণীর গর্ভে ভূমন্বার ছয় পুত্র জন্মে। সুহোত্র, দি-

বিরধ, সুরহোতা, সুরহবিঃ, সুরহযু এবং ঋচীক । সর্বকোষ্ঠ সুরহোত্র গর্জবাজিসমাদীর্ঘ ও বছরত্বসমাকুল রাজ্য লাভ করিলেন এবং রাজসূয় অশ্বমেধ প্রভৃতি বছবিধ যাগযজ্ঞের অনুষ্ঠান করিতে লাগিলেন । ন্যায়পরায়ণ সুরহোত্র ধর্মতঃ প্রজাপালন করিতে আরম্ভ করিলে, হস্ত্যশ্বরথসম্পূর্ণা ও জনতাসমাকুলা বসুন্ধরা ভারাক্রান্তা হইয়া যেন রসাতলে নিমগ্না হইতে লাগিলেন । তিনি রাজা হইলে শস্যবৃদ্ধি, প্রজাবৃদ্ধি ও পৃথিবী স্থানে স্থানে চৈত্য ও যুপস্তম্ভে উদ্ভাসিত হইতে লাগিল । ঐক্ষাকীর গর্ভে সুরহোত্রের তিন পুত্র জন্মে । অজমীঢ়, সুরমীঢ় এবং পুরুমীঢ় । তন্মধ্যে অজমীঢ় সর্বশ্রেষ্ঠ ছিলেন । তাঁহার তিন পত্নী ; ধূমিনী, নীলী এবং কেশিনী । ইহাদিগের গর্ভে অজমীঢ়ের ছয় পুত্র হয় ; ঋক্ষ, দুয়ন্ত, পরমেষ্ঠী জরু, ব্রজন এবং কপিণ । ধূমিনীর গর্ভে ঋক্ষ, নীলীর গর্ভে দুয়ন্ত ও পরমেষ্ঠী, কেশিনীর গর্ভে জরু, ব্রজন ও কপিণ জন্ম গ্রহণ করেন । দুয়ন্ত ও পরমেষ্ঠী হইতে পঞ্চালবংশ সমুদ্ভূত হইয়াছে এবং অমিততেজাঃ জরু হইতে কুশিকাম্বয় বিস্তৃত হইয়াছে । সর্বকোষ্ঠ ঋক্ষ, রাজা ছিলেন । ঋক্ষের পুত্র সম্বরণ । তিনি রাজ্যশাসন করিতে আরম্ভ করিলে প্রজামণ্ডলীর ক্ষয় হইতে লাগিল এবং অন্যান্য বিষয়েরও বিনাশ হওয়াতে ক্রমশঃ জনপদ উৎসন্নপ্রায় হইয়া উঠিল । শত শত লোক কুংপিপাসায় কাতর হইয়া অকালে কালকবলে পতিত হইতে লাগিল এবং অনাবৃষ্টি ও ব্যাবিতে লোক সকল পঞ্চত্র পাইতে লাগিল । এই সময়ে পঞ্চালরাজ চতুরঙ্গিনী সেনা সমভিব্যাহারে রাজা সম্বরণকে আক্রমণ করিয়া পরাজয় করিলেন । অনন্তর রাজা সম্বরণ ভীত হইয়া পুত্র, কলত্র, অমাত্য ও বহুবর্গের সহিত পলায়ন করিয়া

সিঙ্কনদীর তীরবর্তী এক নিবিড় নিকুঞ্জমধ্যে বাস করিলেন । সেই নিকুঞ্জ নদীতট অবধি পর্বতসমীপ পর্য্যন্ত বিস্তৃত । এই দুর্গমধ্যে তাঁহার বছ কাল অতিবাহিত করিলেন । প্রায় সহস্র বৎসর অতীত হইলে, একদিবস, ভগবান্ বশিষ্ঠ তথায় আগমন করিলেন । ভারতেরা মহর্ষিকে সমাগত দেখিয়া, পরমযত্নে প্রত্যাগমন ও অভিবাদনপূর্বক তাঁহাকে অর্ঘ্য দান করিলেন এবং অনাময়প্রশ্নপূর্বক তাঁহার যথাবিশি সৎকার করিলেন । মুনিবর আগনে উপবিষ্ট হইলে, রাজা প্রার্থনা করিলেন ভগবন্ ! আপনাকে আমাদিগের পৌরোহিত্য গ্রহণ করিতে হইবে । আপনি পুরোহিত হইলে আমরা রাজ্যের নিমন্ত যত্ন করিতে পারি । মহর্ষি বশিষ্ঠ তথাস্তু বলিয়া রাজার প্রার্থনায় সম্মতি প্রকাশ করিলেন । অনন্তর অচিরকালমধ্যে তাঁহাকে সাত্রাজ্যে অভিনিষ্ট করিলেন । মহারাজ সম্বরণ রাজ্যলাভানন্তর যাগযজ্ঞের অনুষ্ঠানে তৎপর হইলেন । অনন্তর সম্বরণের মহিষী তপতী এক পুত্র প্রসব করিলেন । ঐ পুত্রের নাম কুরু । তিনি অত্যন্ত ধর্মপরায়ণ হওয়াতে প্রজাদিগের সান্তিশয় ঐতিভাজন হইয়াছিলেন । মহাতপাঃ কুরু কুরুজগন্মলে তপস্থা করিয়াছিলেন বলিয়া, ঐ প্রদেশে পবিত্র ও কুরুক্ষেত্র নামে বিখ্যাত হইল । কুরুর পাঁচ পুত্র অবিকিত, অতিষান্ত, চৈত্ররথ, মুনি এবং জনমেজয় । অবিকিতের আট সম্ভান ; পরীক্ষিৎ, শবলাশ্ব, আদিরাজ, বিরাজ, শাঙ্গুলি, উচ্চৈঃশ্রবা, ভঙ্গকার ও জিতারি । পরীক্ষিতের সাত পুত্র ; জনমেজয়, কক্ষসেন, উগ্রসেন, চিত্রসেন, ইন্দ্রসেন সুবেণ ও ভীমসেন । জনমেজয়ের আট পুত্র ; ধৃতরাষ্ট্র, পাণ্ডু, বাহীক, নিষধ, জায়নদ, কুণ্ডোদর, পদাতি ও বসতি । রাজকুমারেরা সকলেই বুদ্ধিমান, সুশীল

ধর্মপরায়ণ ও দয়ালু ছিলেন। সর্ষভোষ্ঠ ধৃতরাষ্ট্র রাজ্যে অভিষিক্ত হইলেন। তাঁহার দশ পুত্র; কুন্তিক, হস্তী, বিতর্ক, ব্যাধ, কুণ্ডল, হবিশ্রবা, ইন্দ্রাত, ভুমহ্য, অপরাজিত, প্রতীপ, ধর্মমত্র এবং স্নেনত্র। তন্মধ্যে প্রতীপ ভূয়সা প্রতীষ্ঠা লাভ করেন। তাঁহার তিন পুত্র; দেবাপ, শাস্তনু এবং রঞ্জলীক। তন্মধ্যে দেবাপী ধর্মোপার্জন বাসনায় প্রব্রজ্যাম্রম গ্রহণ করিলেন। স্নাননু ও বাহ্লীক রাজ্যশাসন করিতে লাগিলেন। হেনরাজ! এতদ্ভিন্ন অন্যান্য বহুসংখ্যক রাজা পবিত্র মনুবংশে অবতীর্ণ হইয়াছিলেন।

পঞ্চনবতিতম অধ্যায়।

জনমেজয় কহিলেন, হে ব্রহ্মন্! উদারচরিত পূর্ষ পুরুষদিগের সংক্ষেপ বৃত্তান্ত শ্রবণ করিয়া শ্রবণেন্দ্রিয় পরিতৃপ্ত হইল না, অতএব অনুরোধ করিয়া পুনর্বার মনু অবধি রাজর্ষিগণের বিশুদ্ধ বৃত্তান্ত আদ্যোপান্ত সবিস্তার বর্ণন করুন। বৈশম্পায়ন কহিলেন, মহারাজ! পূর্ষে দ্বৈপায়নের নিকট যেকপ শ্রবণ করিয়াছিলাম, অবিকল বর্ণন করিতেছি, মনোনিবেশপূর্বক শ্রবণ করুন। দক্ষের পুত্র অদিতি, অদিতির পুত্র বিবস্বান্, বিবস্বানের পুত্র মনু, মনুর পুত্র ইলা, ইলার পুত্র পুরুবংশ, পুরুবংশের পুত্র আয়ুঃ, আয়ুর পুত্র নহুষ, নহুষের পুত্র যযাতি। যযাতির ছই ভার্য্যা, শুক্রের কন্যা দেবযানী ও বৃষপর্কীর কন্যা শর্মিষ্ঠা। দেবযানীর গর্ভে ছই পুত্র হয়, যচ্ছ এবং তুর্কসু। শর্মিষ্ঠার তিন সন্তান, ক্রহু, অনু এবং পুরু। যচ্ছ হইতে যচ্ছবংশ এবং পুরু হইতে পুরুবংশ বিস্তৃত হইয়াছে। যে পুরু তিনবার অশ্বমেধ যজ্ঞ করিয়াছিলেন, এবং পরিশেষে বিশ্বজিৎ যজ্ঞ করিয়া অরণ্যে প্রবেশ করিয়াছিলেন। পুরুর মহিষী কৌশল্যা। তাঁহার গর্ভে জনমেজয়ের জন্ম হয়। জনমেজয় মা-

ধবী নামে এক কামীর পাণিগ্রহণ করেন। মাধবীর গর্ভে জনমেজয়ের প্রাচিষ্যান্ নামে এক পুত্র জন্মে। তিনি সুর্য্যোদয়ের মধ্যে পূর্ষ দিক্ জয় করিয়াছিলেন বলিয়া, তাঁহার নাম প্রাচিষ্যান্ হইল। তিনি যচ্ছকুল-সম্ভূতা অশ্বকীর পাণিগ্রহণ করেন। অশ্বকীর গর্ভে প্রাচিষ্যানের সংযাতি নামে এক পুত্র হয়। দৃষদ্বতের কুহিতা বরাঙ্গী সংযাতির সহধর্মিণী। তিনি এক সন্তান প্রসব করেন, তাঁহার নাম অহীযাতি। তিনি কুতবীর্য়ানন্দিনী ভানুমতীকে বিবাহ করেন। ভানুমতীর গর্ভে তাঁহার এক পুত্র হয়, তাঁহার নাম সর্ষভোম। সর্ষভোম জয়লক্ষা কেকয়রাজকুহিতা স্নানন্দাকে বিবাহ করিয়া এক পুত্র উৎপাদন করেন, তাঁহার নাম জয়ৎসেন। জয়ৎসেন বিদর্ভর জ কুহিতা সুর্য্যবার পাণিপীড়ন করেন। সুর্য্যবার গর্ভে অবাচীনের জন্ম হয়। তিনিও বিদর্ভদেশীয় মর্যাদা নামী এক কামিনীর পাণিগ্রহণ করিয়া অরিহ নামে এক পুত্র উৎপাদন করেন। অরিহ অঙ্গরাজকন্যার পাণিগ্রহণ করিয়া তাঁহার গর্ভে মহাভোম নামে এক পুত্র উৎপাদন করেন। মহাভোমের ধর্মপত্নী সুর্যজ্ঞা। তিনি অযুতনায়ী নামে এক পুত্র প্রসব করেন। যিনি অযুতসংখ্যক পুরুমেধ যজ্ঞ করিয়া অযুতনায়ী এই নাম লাভ করিয়াছিলেন। অযুতনায়ী পৃথুশ্রবার কুহিতা কামার পাণিগ্রহণ করিয়া অক্রোধন নামে এক পুত্র উৎপাদন করেন। অক্রোধন, কলিঙ্গদেশসম্ভূতা করম্বাকে বিবাহ করেন। করম্বার গর্ভে দেবতিথির জন্ম হয়। দেবতিথি বিদেহদেশোদ্ভবা মর্যাদা নামী কন্যার পাণিপীড়ন করিয়া অরিহনামে এক পুত্র উৎপাদন করেন। অরিহ সুর্য্যদেবাকে বিবাহ করেন। ঋক্ষ নামে তাঁহার এক পুত্র হয়। ঋক্ষ কককুহিতা আলার পাণিগ্রহণ করিয়া ম-

তিনার নামে এক পুত্র উৎপাদন করেন। মতিনার সরস্বতীকে প্রসন্ন করিবার নিমিত্ত দ্বাদশবার্ষিক এক যজ্ঞ আরম্ভ করেন। সেই যজ্ঞ সমাপন হইলে সরস্বতী অভিগমনপূর্ব্বক তাঁহাকে পতিত্বে বরণ করেন। অনন্তা সরস্বতীর গর্ভে মতিনারের এক পুত্র হইল তাঁহার নাম তংসু। তংসু কালীশীর গর্ভে ঐলিন নামে এক পুত্র উৎপাদন করেন। ঐলিনের দুঃস্বপ্ন প্রভৃতি পাচ পুত্র হয়। দুঃস্বপ্ন বিশ্বামিত্রদুহিতা শকুন্তলাকে বিবাহ করেন। তাঁহার গর্ভে সুবিখ্যাত ভরতের জন্ম হয়।

শকুন্তলার প্রত্যাখ্যান কালে রাজা দুঃস্বপ্নের প্রতি এই দৈববাণী হইয়াছিল “মহারাজ ! শকুন্তলাকে প্রত্যাখ্যান করিবেন না। ইনি যাহা কহিতেছেন, সমুদায়ই সত্য, বলকটি আপনার ভরস, ইহা দ্বারা আপনার চরমে পরম ফল স্বর্গফল লাভ হইবে, অতএব যত্নপূর্ব্বক আত্মজের ভরণ পোষণ করুন। ভরণ করুন এই দৈববাণী হইয়াছিল বলিয়া কুমারের নাম ভরত রাখিল। ভরতভার্য্যা সুনন্দা ভূমন্যু নামে এক পুত্র প্রসব করেন। ভূমন্যুর জায়া বিজয়া সূহোত্রের প্রসূতি। সূহোত্র ইক্ষাকুবংশীয়া সূবর্ণার পাণিগ্রহণ করেন। সূবর্ণার গর্ভে সূহোত্রের এক পুত্র হয়। তাঁহার নাম হস্তী। তিনি এক নগর স্থাপন করেন। সেই নগর প্রতিষ্ঠাতার নামানুসারে হস্তীনাপুর নামে বিখ্যাত হইল। হস্তী যশোধরার পাণিগ্রহণ করিয়া তাঁহার গর্ভে বিকুণ্ঠন নামক এক পুত্র উৎপাদন করেন। বিকুণ্ঠনের পত্নীর নাম সূদেবা এবং পুত্রের নাম অজমীঢ়। অজমীঢ়ের চারি মহিষী; কৈকেয়ী, গান্ধারী, বিশালা ও ঋক্ষা। তাঁহাদিগের গর্ভে রাজার চতুর্বিংশতিশত পুত্র হয়। তাঁহাদিগের দ্বারা তিন্ম তিন্ম বংশের উৎপত্তি হইল। কেবল সম্বরণ হইতে পিতৃকুলের

শ্রীক্ষি হইতে লাগিল। তিনি তপতীর পাণিগ্রহণ করিয়া কুরুনামে এক পুত্র উৎপাদন করেন। যত্নবংশোদ্ভবা শুভাকী কুরুর মহিষী। তিনি বিদুরথ নামে পুত্র প্রসব করেন। বিদুরথের পত্নী সুপ্রিয়ার গর্ভে অনশ্বার জন্ম হয়। অনশ্বা অমৃতার গর্ভে পরীক্ষিৎকে উৎপাদন করেন। পরীক্ষিতের পত্নী সুযশা। তাঁহার গর্ভে ভীমসেনের জন্ম হয়। ভীমসেনের পত্নী কুমারী। তৎপুত্র প্রতিশ্রবা। প্রতিশ্রবার পুত্র প্রতীপ। প্রতীপের তিন পুত্র; দেবাঙ্গ, শাস্তুনু এবং বাঙ্লী। তন্মধ্যে দেবাঙ্গ শৈশবাবস্থাতেই বনপ্রস্থান করেন। শাস্তুনু প্রজাপালন করিতে লাগিলেন। তিনি জরাজীর্ণ ব্যক্তিকে স্পর্শ করিবামাত্র সে তৎক্ষণাৎ যুবার ন্যায় সবল হইয়া উঠিত, এই নিমিত্ত তাঁহার নাম শাস্তুনু হইল। শাস্তুনু গন্ধাকে বিবাহ করেন। জাহ্নবীর গর্ভে দেবব্রত নামে তাঁহার এক পুত্র হয়। যাহাকে লোকে ভীষ্ম বলিয়া সম্বোধন করিত। ভীষ্ম পিতার প্রিয়চিকীর্ষু হইয়া সত্যবতীর সহিত তাঁহার বিবাহ দিলেন। পূর্ব্বের অনুচাবস্থায়-পরাশর সহযোগে সত্যবতী গর্ভবতী হইয়া। তাৎপাতেই দ্বৈপায়নের জন্ম হয়। অধুনা সেই সত্যবতীর গর্ভে রাজা শাস্তুনুর দুই পুত্র হইল, একের নাম বিচিত্রবীর্ষা, অপরের নাম চিত্রাঙ্গদ। তন্মধ্যে চিত্রাঙ্গদ যৌবনসীমায় উত্তীর্ণ না হইতেই গন্ধর্কহস্তে নিহত হইলেন। বিচিত্রবীর্ষ্য রাজ্যাশাসন করিতে লাগিলেন। তাঁহার অশ্বিকা ও অঘ্যানিকা নামী দুই মহিষী ছিলেন, কিয়ৎকালপরে রাজা আত্মজের বদননিরীক্ষণসুখে বঞ্চিত হইয়া লোকান্তর গমন করিলেন। অনন্তর, সত্যবতী বংশরক্ষার নিমিত্ত চিন্তুকুল হইয়া ব্যাসদেবকে স্মরণ করিয়া মাত্র তিনি তৎক্ষণাৎ জননী সন্মুখীন হইয়া কৃতাজ্ঞাপুটে নিবেদন করিলেন, মাতঃ ! কি নিমিত্ত স্ম-

রণ করিয়াছেন, আজ্ঞা করুন। সত্যবতী কহিলেন, বৎস ! তোমার জ্ঞাতা বিচিত্রবীর্ষ্য পুত্রবিহীন হইয়া সুরলোকে গমন করিয়াছেন, এক্ষণে তুমি তাঁহার সাত পুত্র উৎপাদন করিয়া বংশ রক্ষা কর। দ্বৈপায়ন মাতার আজ্ঞায় বিচিত্রবীর্ষ্যের ক্ষেত্রে ধৃতরাষ্ট্র, পাণ্ডু ও বিদুর এই তিন পুত্র উৎপাদন করিলেন এবং ধৃতরাষ্ট্রের একশত পুত্র হইবে বলিয়া বরদান করিলেন।

অনন্তর দ্বৈপায়নের বরপ্রভাবে গান্ধারীর গর্ভে ধৃতরাষ্ট্রের একশত পুত্র হইল। তন্মধ্যে চুর্যোধন, দুঃশাসন, বিকর্ণ এবং চিত্রসেন এই চারিজন সর্ষপ্রধান। পাণ্ডুর দুই ভাৰ্য্যা, কুন্তী ও মাদ্রী। কুন্তীর আর একটি নাম পৃথা। এক দিবস, পাণ্ডুরাজ যুগসার্থ জ্রমণ করিতে করিতে দেখিলেন, এক মহর্ষি কন্দর্পশরে বিদ্ধ হইয়া এক যুগীতে আসক্ত হইয়াছেন। রাজা সেই অদৃষ্টপূর্ব অস্থিত ব্যাপার নয়ন গোচর করিয়া বিস্মৃত ও চমৎকৃত হইলেন এবং ঋষির কামজীড়ার সমাপ্তি ও পরিতৃপ্তি না হইতেই তাঁহাকে শরণ্যাত করিলেন। ঋষি বাণাহত হইয়া পাণ্ডুকে অভিসম্পাত করিলেন “তুমি অভিজ্ঞ হইয়াও আমাকে কামরসাস্বাদে বঞ্চিত ও বিনষ্ট করিলে, এই অপরাধে আঁচরকাল মধ্যে তোমাকেও এই অবস্থায় পঞ্চত্র প্রাপ্ত হইতে হইবে”। রাজা শাপভরে ভীত ও বিবর্ণ হইয়া ভবনে প্রত্যাগমন করিলেন এবং তদবধি মর্ষীদিগের সহবাস পরিত্যাগ করিলেন। অনন্তর এক দিবস কুন্তীর নিকট সমস্ত যুগসার্ত্তান্ত ও আপনার অবিন্ধ্যকারিত্ব সর্বস্তর বর্ণন করিয়া কহিলেন, রাজি ! আমি শুনিয়াছি অপুত্র ব্যক্তি নিরয়গামী হয়, অতএব তুমি অপত্যোৎপাদন করিয়া আমার আঁতরি শুভবিধান কর।

কুন্তী স্বামীর আজ্ঞা পাইয়া ধর্ম, মারুত এবং ইন্দ্র এই তিন জন দ্বারা যথাক্রমে বুধি-

ষ্টির, ভীমসেন এবং অর্জুন এই তিন পুত্র উৎপাদন করিলেন। রাজা পুত্রদর্শনে পরম-প্রীত হইয়া কুন্তীকে কহিলেন, তোমার সপত্নীও অপত্যবিহীনা অতএব যাহাতে তাঁহার সন্তান হয় তদ্বিষয়েও বস্ত্র করা কর্তব্য। কুন্তী যে আজ্ঞা বলিয়া তৎক্ষণাৎ মাদ্রীকে আকর্ষণী বিদ্যা প্রদান করিলেন। মাদ্রী সপত্নীদত্তবিদ্যাবলে অশ্বিনীকুমারনামক দুই দেবতাকে স্মরণ করিবা মাত্র তাঁহারা উপনীত হইয়া তাঁহার মনোবাঞ্ছা পূর্ণ করিয়া স্বস্থানে প্রস্থান করিলেন। অনন্তর মাদ্রী নকুল ও সহদেব এই দুই পুত্র লাভ করিলেন। একদা পাণ্ডু স্বীয় মর্ষী মাদ্রীর রূপলাবণ্যে মোহিত এবং শাপবাক্য বিস্মৃত হইয়া মদনানল নির্বাণ করিবার নিমিত্ত যেমন তাঁহাকে স্পর্শ করিলেন অমনি পঞ্চত্র প্রাপ্ত হইলেন। তদর্শনে মাদ্রী অত্যন্ত শোকাক্তা ও ছঃখিতা হইয়া স্বামীর সহগমনে সংকল্প করিলেন। তিনি চিতামিতে আরোহণ করিবার সময় নকুল ও সহদেবকে কুন্তীর হস্তে সমর্পণ করিয়া কহিলেন, ইহাদিগের প্রতি অশ্রু না করিয়া যত্নপূর্বক প্রতিপালন করবেন, আমি এজন্মের মত বিদায় হইলাম। তদনন্তর কতিপয় তাপস পাণ্ডুদিগকে কুন্তী সমভিব্যাহারে হস্তিনপুরে লইয়া গিয়া ভীম ও বিদুরের সমীপে তাঁহাদিগের পরিচয় প্রদান-পূর্বক অন্তর্হিত হইলেন। এই বৃত্তান্ত শ্রবণ করিয়া দেবতারা দুন্দুভিধনি ও পুষ্পরুচি করিতে লাগিলেন।

পাণ্ডুদেরা সাদরে পরিগৃহীত হইয়া ভীমাদির নিকট পিতার নিধনবৃত্তান্ত নিবেদন করিলেন এবং তাঁহার ঔর্ধ্বেদৈহিক ক্রিয়া যথাবিধি সমাপন করিয়া তথায় স্বচ্ছন্দে কাল যাপন করিতে লাগিলেন। তৎকালে চুর্যোধন তাঁহাদিগের কোন প্রকার অনিষ্ট চেষ্টা করিত না। এইরূপে পাণ্ডবগণের

শৈশবাবস্থা অতীত হইল । পরে তুরাজ্ঞা ছু-
র্নোথন দুর্বুদ্ধিপৰতন্ত্র হইয়া তাঁহাদিগের
অনিষ্ট করিবার নিমিত্ত নানাপ্রকার কৌ-
শল করিতে লাগিল ; কিন্তু, নিরপরাধী পা-
ণ্ডবদিগের সৌভাগ্যক্রমে সেই দুর্বৃত্তের
সমুদায় আয়াস নিষ্ফল হইল । অনন্তর,
ধৃতরাষ্ট্র চলনা করিয়া তাঁহাদিগকে বারণাবত
নগরে প্রেরণ করিলেন । পাপিষ্ঠ দুর্নোথন
তত্রাপি ক্ষান্ত হইল না । সে পাণ্ডবগণকে
জতুগৃহে দক্ষ করিবার নিমিত্ত অশেষবিধ
চেষ্টা করিতে লাগিল, কিন্তু, বিদুরের মন্ত্রণা-
বলে নৃসংশের অসদভিসন্ধিসমুদায় বিফল
হইল । পাণ্ডবগণ নিরন্তর অনিষ্টশঙ্কায়
ভীত হইয়া বারণাবত নগর পরিত্যাগপূর্বক
একচক্রাভিমুখে প্রস্থান করিলেন । পশ্চিমমুখে
হিড়িম্বের প্রাণ সংহার করিয়া একচক্রায়
উত্তীর্ণ হইলেন । তথায় বকনামক এক দুর্দান্ত
নিশাচরের প্রাণ সংহার করিয়া পঞ্চান-
নগরে গমন করিলেন এবং জৌপদীর পা-
ণিগ্রহণ করিয়া স্বদেশে প্রত্যাগমনপূর্বক
প্রত্যেকে এক একটি সর্কলক্ষণাক্রান্ত পুত্র
উৎপাদন করিলেন । যুধিষ্ঠিরের পুত্র প্রতি-
বিন্দ্য, বৃকোদরের পুত্র স্তম্বসোম, অর্জুনের
পুত্র শ্রুতকীর্ত্তি, নকুলের পুত্র শতানিক, স-
হদেবের পুত্র শ্রুতকর্মা । পরে যুধিষ্ঠির
গোবাসনের ছুহিতা দেবিকাকে স্বয়ম্বরে লাভ
করিয়া তাঁহার গর্ভে যৌধেয়নামে এক পুত্র
উৎপাদন করেন । ভীমসেন কাশ্যশ্রব-
মারী বলধরার পাণিপাড়ন করিয়া তদগর্ভে
সর্কল নামে পুত্র উৎপাদন করেন । অর্জুন,
দ্বারবর্তীতে গমন করিয়া প্রিয়বাদিনী বাসু-
দেবভগিনী স্তম্বদ্বার পাণিগ্রহণ করিয়া
নির্ধিগ্নে স্বদেশে প্রত্যাগমন পূর্বক অভি-
মন্য নামে এক পুত্র উৎপাদন করেন । অ-
ভিমন্য কৃষ্ণের অত্যন্ত প্রিয়পাত্র ছিলেন ।
নকুল, করেণুমতীর পাণিগ্রহণ করিয়া নির-
মিত্রনামে এক পুত্র উৎপাদন করেন । সহ-

দেব মদ্রাধিপতির কন্যা বিজয়াকে স্বয়ম্বরে
লাভ করিয়া তাঁহার গর্ভে এক পুত্র উৎপাদন
করেন, তাহার নাম সুগোত্র । ভীমসেন
পূর্বে হিড়িম্বার গর্ভে ঘটকচ নামে অপর
এক পুত্র উৎপাদন করিয়াছিলেন । এইরূপে
পাণ্ডবগণের একাদশ পুত্র হইল । তন্মধ্যে
অভিমন্য বংশকর হইয়াছিলেন । তিনি বি-
রাটের ছুহিতা উত্তরার পাণিগ্রহণ করেন ।
কিছুদিন পরে অভিমন্যর সহযোগে উত্তরার
গর্ভসঞ্চারণ হইল, কিন্তু, তিনি স্তম্বপাক্রমে যত্না
সেই এক মৃত সন্তান প্রসব করিলেন । ভগবান
বাসুদেব পৃথাকে আদেশ করিলেন, তুমি
এই পুত্রকে ক্রোড়ে ধারণ কর, আমি উহাকে
জীবিত করিতেছি । বাসুদেবের তেজপ্রভাবে
সেই মৃত পুত্র পুনর্জীবিত ও তৎপ্রদত্ত বল,
বীর্য ও পরাক্রমে প্রবলপরাক্রান্ত হইয়া উঠি-
লেন । কলতঃ, বাসুদেবের অন্ত্রগ্রহে তাঁহার
অকালজন্মানিবন্ধন বলবীর্যপ্রভৃতি কোন
বিষয়েরই ন্যূনতা রহিল না । সেই পুত্র কু-
লের ক্ষীণাবস্থায় জন্মিয়াছিলেন বলিয়া,
বাসুদেব তাঁহার নাম পরীক্ষিৎ রাখিলেন ।
পরীক্ষিৎ মাতাকে বিবাহ করেন । মহারাজ !
আপনি সেই পরীক্ষিৎের গুরসে মাতী-
গর্ভে জন্ম গ্রহণ করিয়াছেন । আপনার
ভার্য্যা বসুস্তমা শতানিক ও শকুকণ নামে
দুইটি পুত্র প্রসব করিয়াছেন । বৈদেহীর
গর্ভে শতানিকের এক পুত্র জন্মে, তাঁহার
নাম অশ্বমেধদত্ত । মহারাজ ! পরমধনা ও
পরমপবিত্র পুরু ও পাণ্ডবদিগের বংশের
ইতিবৃত্ত আপনার নিকট কীর্ত্তন করিলাম ।
ত্রাক্ষদিগের, নিয়মাবিশিষ্ট হইয়া, ইহা শ্রবণ
করা কর্তব্য, স্ববন্দনীরত প্রজাপালনতৎপর
রাজাদিগের শ্রোতব্য, বৈশ্যদিগের শ্রোতব্য
ও বোদ্ধব্য এবং ত্রিবর্গশুক্য শূদ্রদিগেরও
শ্রদ্ধাপূর্বক শ্রবণ করা কর্তব্য । যাঁহারা পর-
স্পর নির্মৎসর ও মিত্রভাবাপন্ন হইয়া এই
পরম পবিত্র ইতিহাস সমস্ত শ্রবণ করান

কিংবা করেন, তাঁহারা স্বর্গধামে গমন করেন এবং দেবতা, ব্রাহ্মণ ও মনুষ্যগণের পরমপূজনার ও মাননীয় হন সন্দেহ নাই। ভগবান্ ব্যাসদেব কহিয়াছেন, ব্রাহ্মণাদি বর্গসকল পরস্পর নির্মৎসর ও শ্রদ্ধাবিত হইয়া এই পরম পবিত্র ভারত শ্রবণ করিলে স্ক্রুতীলাভপূর্বক সুরলোকে গমন করিতে পারিবেন। এই মহাভারত পরমপবিত্র, পরমোৎকৃষ্ট, পরমরমণীয় ও বেদস্বরূপ; ইহা অ্যুস্কর ও যশস্কর। অতএব ইহা অবশ্যই শ্রোতব্য।

ষষ্ঠতম অধ্যায়।

বৈশম্পায়ন কহিলেন, ইক্ষাকুবংশজাত রাজা মহাভিষ সত্যবাদী ও সত্যপরাক্রম ছিলেন। তিনি সহস্র অশ্বমেধ ও শতসংখ্যক রাজসূয় যজ্ঞ সম্পাদনপূর্বক দেবরাজকে প্রসন্ন করিয়া চরমে পরম ফল স্বর্গফল লাভ করিয়াছিলেন। অনন্তর একদিবস দেবগণ, ভগবান্ কমলযোনির আরাধনা করিতেছেন; বহুসংখ্যক রাজর্ষি ও মহারাজ মহাভিষ তথায় উপবিষ্ট আছেন; এমন সময়ে সরিষরা গঙ্গা ব্রহ্মার সহিত সাক্ষাৎ করিবার নিমিত্ত তথায় উপস্থিত হইলেন। বায়ুবেগে মহা তাঁহার অঙ্গবস্ত্র উড়্‌ডীন হইল, তদর্শনে দেবতার লজ্জায় অধোমুখ হইয়া রহিলেন, কিন্তু রাজা মহাভিষ অসঙ্কুচিতচিত্তে তাঁহার আপাদমস্তক নিরীক্ষণ করিতে লাগিলেন। তদর্শনে ব্রহ্মা সন্দেহান হইয়া ক্রিয়ৎক্রণ তাঁহার বিষয় চিন্তা করিয়া কহিলেন, তুমি দেবলোকের উপযুক্ত পাত্র নহ। অতএব মর্ত্য লোকে গিয়া জন্ম গ্রহণ কর। কিন্তু পুনর্ব্বার তোমার স্বর্গ লাভ হইবে। রাজা এই প্রকার দণ্ডিত হইয়া কাহার ঔরসে জন্ম গ্রহণ করিবেন তদ্বিষয় চিন্তা করিতে লাগিলেন। তিনি অনেক রাজর্ষি এবং মহর্ষিকে চিন্তা করিয়া রাজা প্রতীপের পুত্র হইতে মানস করিলেন। সরিষরা ম-

হাভিষকে অত্যন্ত অধৈর্য্য দেখিয়া তাঁহাকে মনে মনে চিন্তা করিতে করিতে প্রত্যাবৃত্ত হইলেন। পশ্চিমধ্যে দেখিলেন বসু নামক দেবগণ মুচ্ছিত ও বিকলেন্দ্রিয় হইয়া পতিত রহিয়াছেন।

অনন্তর তাঁহাদিগকে জিজ্ঞাসা করিলেন, তোমরা কি নিমিত্ত একপ ছুরবস্থাগ্রস্ত হইয়াছ? তোমাদিগের কি কোন অনিষ্ট ঘটনা হইয়াছে? তাঁহারা কহিলেন, সরিষরে! অতি সামান্য অপরাধে মহর্ষি বশিষ্ঠ ক্রুদ্ধ হইয়া আমাদিগকে অভিসম্পাত করিয়াছেন, তন্নিমিত্ত আমরা একপ হইয়াছি-একদিবস সায়ং কালে ভগবান্ বশিষ্ঠ প্রচ্ছন্নবেশে উপবিষ্ট ছিলেন, আমরা অজ্ঞানতাপ্রযুক্ত মহর্ষির যথাবিধি সন্মান না করিয়া প্রস্থান করিয়াছিলাম, এই অপরাধে তিনি ক্রোধাবিত হইয়া আমাদিগকে “মনুষ্যযোনি প্রাপ্ত হও ,, বলিয়া অভিসম্পাত করিয়াছেন। তিনি সামান্য ব্যক্তি নহেন, সেই ব্রহ্মবাদীর বাক্য কদাপি অন্যথা হইবার নহে, অতএব আপনি নরকলেবর ধারণপূর্বক ভূমণ্ডলে অবতীর্ণ হইয়া আমাদিগের সৃষ্টি বিধান করুন; নতুবা সামান্য মানুষীর গর্ভে আমরা জন্ম গ্রহণ করিতে পারিব না। গঙ্গা বসুগণের প্রার্থনার সন্মত হইয়া তাঁহাদিগকে জিজ্ঞাসিলেন, মর্ত্যলোকে কোন মহাপুরুষ তোমাদিগের জনক হইতে পারেন? তাঁহারা কহিলেন। প্রতীপ রাজার ঔরসে শাস্তনু নামে এক সুবিখ্যাত ভূপাল ভূমণ্ডলে জন্ম গ্রহণ করিবেন তিনিই আমাদিগের জনক হইবেন। গঙ্গা কহিলেন, তোমরা যাহা বলিলে উহা আমারও অভিমত বটে, অতএব তোমাদিগের অভিলষিত এবং সেই রাজার প্রিয় কার্য্য আমি অবশ্যই সম্পাদন করিব। বসুগণ পুনর্ব্বার কহিলেন, হে ত্রিপথগে! আপনার পুত্র জন্মিবা মাত্র সলিলে নিক্ষেপ করিবেন, অধিক কাল যেন, আমাদিগকে

চুলোকথত্রণা সহ কারতে না হয় । গঙ্গা কহিলেন তোমরা যাহা বলিলে আমি তা- হাই করিব, কিন্তু, বাহাতে রাজার একটি পুত্র জীবিত থাকে তাহার কোন উপায় স্থির কর, কারণ, সেই পুত্রার্থী ভূপতির, মৎসহবাস নিতান্ত নিষ্ফল হওয়া কোন ক্রমেই বিধেয় নহে । তখন বসুগণ কহিলেন আমরা স্ব স্ব বীর্যের চতুর্থ ভাগের অর্দ্ধাংশ প্রদান করিব তাহাতেই তাঁহার পুত্র লাভ হইবে । কিন্তু সেই পুত্রের মর্ত্য লোকে সম্ভানসম্ভতি হইবে না, অতএব হে ত্রিপথগামিনি ! আপনার সেই মহাবল পরাক্রান্ত পুত্র অপুত্র হইবেন । বসুদেবতারা, সরিষরা গঙ্গার নিকট এইরূপ প্রতিজ্ঞা করিয়া নিজ নিজ অভীষ্ট প্রদেশে গমন করিলেন ।

সপ্তমবর্তিতম অধ্যায় ।

বৈশম্পায়ন কহিলেন, অনন্তর সর্বভূত- হিতৈষী প্রতীপ পৃথিবীর অধিরাজ হইলেন । তিনি, যে স্থান হইতে ভাগীরথী প্রবাহিত হইতেছেন, তথায় গমন করিয়া তপোন্মুষ্ঠান দ্বারা অনপ্পকাল অতিবাহিত করিলেন । একদা সুরধুনি রাজার রূপ ও গুণে মোহিত হইয়া স্ত্রীরূপ ধারণপূর্বক জলমধ্যাহইতে গাত্রোপান করিয়া ধ্যানপর রাজর্ষির দক্ষিণ উরুদেশে উপবেশন করিলেন । মহীপাল প্রতীপ সেই বরবর্ণনিকে জিজ্ঞাসা করিলেন কল্যাণি ! তুমি কি নিমিত্ত এখানে আগমন করিয়াছ ? তোমার, কি প্রিয় কার্য সম্পাদন করিতে হইবে ? তিনি কহিলেন মহারাজ ! আমি অন্য কোন বস্তুর আকাঙ্ক্ষা করি না, কেবল আমার অভিলাষ পূর্ণ করুন, প্রণ- য়াকাঙ্ক্ষিণী রমণীকে প্রত্যাখ্যান করা অ- তি গর্হিত কর্ম । প্রতীপ কহিলেন হে বর- বর্ণনি ! আমি ব্রতে দীক্ষিত হইয়াছি, অত- এব পরপরিগ্রহে অথবা সর্বাঙ্গীতে গমন করিতে পারিব না, তাহা করিলে আমাকে অধর্মস্পৃষ্ট হইতে হইবে । দেবী কহিলেন

মহারাজ ! আমি অগম্যা অথবা নিন্দনী- য়া নহি, আমাহইতে কোন পকার আনিষ্টা- শঙ্কা করিবেন না, আমি দিব্যাঙ্গনা, আপনার প্রণয়পাশে আকৃষ্ট হইয়া অভিগমন করিয়া- ছি, অতএব আমাকে ভজনা করুন ; পর কল- ত্রবোধে প্রত্যাখ্যান করিবেন না । প্রতীপ কহিলেন, তুমি প্রিয়বোধে যে বিষয়ে আ- মাকে উৎসাহ দিতেছ, আমি তাহাতে নিরুত্ত হইয়াছি । এক্ষণে যদি তোমার প্রবর্তনাপরতন্ত্র হইয়া সেই অসাধু কার্যে প্ররুত্ত হই তাহা হইলে ধর্মবিপ্লব আমাকে উৎসন্ন করিবে সন্দেহ নাই । বিশেষতঃ, তুমি কামিনীভোগ্য বামোরু পরিত্যাগ পূর্বক পুত্র ও পুত্রবধূসেবা দক্ষিণ উরুদেশে উপবেশন করিয়া আমার পুত্রবধূস্থানীয় হইয়াছ, অতএব কিরূপে তোমাকে পত্নী বলিয়া স্বীকার করিতে পারি । তুমি শ্লুষ্- ভোগ্য দক্ষিণোরু আশ্রয় করিয়াছ এই নিমিত্ত আমার পুত্রবধূ হইলে । আমি অঙ্গীকার করিতেছি আমার পুত্রের সহিত তোমার বিবাহ দিব । এক্ষণে পরিণয়ার্থ বরণ করিয়া রাখিলাম । স্ত্রী কহিলেন মহা- রাজ ! আপনি সমাগরা বসুন্ধরার অধি- শ্বর । পৃথিবীস্থ সমস্ত রাজমণ্ডল আপন- কার অধীন । হৃদীর সঙ্গাণাবলি শত শত বৎসর নিরন্তর কীর্তন করিলে তাহার অবধি লাভ হয় না । অতএব আপনার আজ্ঞা সর্বতোভাবে অলংঘনীয় । কেবল আপনার প্রতি অবিচলিত ভক্তি ও প্রীতিনিবন্ধন আমি ভরতকুলের কামিনী হইতে বাসনা করিয়াছি । কিন্তু মহারাজ ! আমি যে সকল কার্যের অনুষ্ঠান করিব তদ্বিষয়ে আ- পনার পুত্র বাঙ নিষ্পত্তি করিতে পারিবেন না । যদিও তিনি আমার সহিত এই রূপ ব্যবহার করেন তাহা হইলে আমি তাঁহার প্রীতিবন্ধনপূর্বক কাল যাপন করিব এবং তিনিও আমার গর্ভে পুত্র উৎপাদন করিয়া

পরিশেষে স্বর্গ প্রাপ্ত হইবেন। এই কথা বলিয়া স্ত্রীরূপধারিণী গঙ্গা অন্তর্হিত হইলেন।

মহারাজ প্রতীপ পুত্রজন্মপ্রতীক্ষায় কাল ক্ষেপ করিতে লাগিলেন। এই সময়ে ক্ষত্রিয়ধর্মী প্রতীপ সস্ত্রীক হইয়া অনুরূপ পুত্র লাভার্থ তপস্যা করিতে আরম্ভ করিলেন। উল্লিখিত মহাভিষ সেই রুদ্ধ দম্পতির পুত্র হইলেন। শান্তিপূর রাজার সন্তান হইল বলিয়া তাঁহার নাম শান্তনু হইল। শান্তনু জন্মান্তরীণ অক্ষয় স্বর্গ অরণ করিয়া নিরন্তর কেবল সংকর্মের অনুষ্ঠানেই তৎপর হইলেন। তিনি তরুণাবস্থা প্রাপ্ত হইলে প্রতীপ তাঁহাকে আদেশ করিলেন, বৎস! পূর্বে এক দিব্যজ্ঞান তোমার উৎপাদনার্থে মৎসকাশে আগমন করিয়াছিল, যদি সেই রূপলাবণ্যবর্তী বরবার্ণিনী পুত্রার্থিনী হইয়া তোমার নিকট আগমন করেন, তাহা হইলে তুমি কোন বিচার না করিয়া তাঁহার পাণিগ্রহণ করিও, আমি অনুমতি করিতেছি। আর, তোমাকে তাঁহার চিত্তানুবর্তন করিতে হইবে। তিনি যখন যে কাণ্ড করিবেন তাহা বাস্তবিক গর্হিত হইলেও তুমি কিঞ্চিৎকাজ রোধ বা অসন্তোষ প্রকাশ করিও না।

প্রতীপ স্বীয় পুত্র শান্তনুকে এইরূপ উপদেশ প্রদানানন্তর তাঁহাকে রাজ্যে অভিষিক্ত করিয়া অরণ্যে গমন করিলেন। অসাধারণ বীর্ষশক্তি সম্পন্ন রাজা শান্তনু অত্যন্ত মৃগয়াশীল হইয়া উঠিলেন এবং মৃগয়াসক্ত হইয়া নানা বন ও উপবন পর্য্যটন করিতে লাগিলেন। তিনি প্রতিদিন অরণ্যে প্রবেশপূর্বক মৃগমন্দিরপ্রভৃতি নানা জাতীয় বন্য পশুর প্রাণ সংহার করিয়া পরিশেষে একাকী সিদ্ধচারণপাণিধেবিত ভার্গীরথীতীরে উপনীত হইতেন। এক দিবস মৃগয়াহইতে প্রত্যাবৃত্ত হইয়া সাক্ষাৎ লক্ষ্মীর ন্যায় উজ্জ্বলতনু পরমসুন্দরী এক রমণীকে তরঙ্গিনীতীরে

নিরীক্ষণ করিলেন। সেই কামিনীর সুসজ্জিত নবযৌবন, রমণীয় দশনচ্ছদ, মনোহর বেশভূষা, সুস্বপ্ন পার্শ্বে বস্ত্র ও পদ্মোদরসদৃশ ক্রীচর বর্ণ নয়নগোচর করিয়া রাজা বিস্মিত ও চমৎকৃত হইলেন। কণ্টকিত কলেবর হইয়া সতৃষ্ণ দৃষ্টিতে বারংবার তাঁহাকে নিরীক্ষণ করিতে লাগিলেন, কিন্তু তাঁহার নয়নযুগল পরিতৃপ্ত হইল না। তিনি ইতস্ততঃ বিচরণ করিতে আরম্ভ করিলেন। সেই বিলাসিনীও তদীয় প্রণয়াসক্ত হইয়া অধিতৃপ্ত নয়নে রাজার প্রতি পুনঃ পুনঃ দৃষ্টিপাত করিতে লাগিলেন।

অনন্তর রাজা তাঁহাকে মধুরবাক্যে প্রিয়-সম্বাষণপূর্বক জিজ্ঞাসা করিলেন, হে কুশাঙ্গি! দেব, দানব, গন্ধর্বা, অঙ্গরা, যক্ষ, পন্নগ ও মনুষ্য ইহার মধ্যে তুমি কোন জাতিকে অলঙ্কৃত করিয়াছ? আমার বাসনা হয়, তোমার পাণিগ্রহণপূর্বক তোমার সহবাসে যৌবন কাল চরিতার্থ করি।

অষ্টমবর্তিতম অধ্যায়।

বৈশম্পায়ন কহিলেন, সেই হৃদয়ানন্দনায়িনী প্রমদা রাজার সন্মিত হুতু মধুর বাক্য শ্রবণ করিয়া এবং বস্ত্রগণের নিকট যে প্রতিজ্ঞা করিয়াছিলেন তাহা অরণ্য করিয়া কহিলেন, মহারাজ! আমি আপনকার মন্দির হইয়া চিত্তানুবর্তন করিব, কিন্তু যে সমস্ত কার্যের অনুষ্ঠান করিব, তাহা ভালই হউক বা মন্দই হউক, তদ্বিষয়ে আমাকে নিবারণ করিতে পারিবেন না এবং তন্নিমিত্ত আমার প্রতি কোন অপ্রিয় বাক্য প্রয়োগ করিতে পারিবেন না। যদি এইরূপ ব্যবহারে কাল যাপন করিতে সম্মত হয়েন, তবে আপনার সহবাস করিব, মৎকৃত-কার্যের ব্যাঘাত জন্মাইলে অথবা আপনি তন্নিমিত্ত বিরক্ত হইয়া অপ্রিয় কথা বলিলে তৎক্ষণাত্ আপনাকে পরিত্যাগ করিব সন্দেহ নাই। রাজা এই নিয়মে সম্মত ও

অঙ্গীকৃত হইলেন। গঙ্গা শাস্ত্রমুখে এই-
রূপে বচনবদ্ধ করিয়া পরম পরিতুষ্ট হই-
লেন। মহীপতিও সেই অলোকসামান্য
সৌন্দর্য্যসম্পন্ন স্ত্রীরত্ন লাভে ষৎপরোনাস্তি
প্রীত হইয়া পূর্বকৃত নিয়মানুসারে কাল
যাপন করিতে লাগিলেন এবং নানাবিধ
উপচার দ্বারা নিরন্তর তাঁহার সন্তোষোৎ-
পাদনে যত্নবান্ হইলেন। ত্রিপথগামিনী
গঙ্গা রমণীয় কলেবর ধারণপূর্বক পরম
ভাগ্যবান্ শাস্ত্রনু রাজার মহিষী হইয়া ম-
নোহর হাব, ভাব, বিলাস ও সন্তোষাদি দ্বারা
নরেন্দ্রের মন মোহিত করিলেন। ফলতঃ,
রাজা রাজমহিষীর সদৃশ্যে এমন আকৃষ্ট
হইয়াছিলেন, যে ক্ষণকালও তাঁহার অদ-
র্শনক্লেশ সহ করিতে পারিতেন না। রাজ্যের
সন্তোষস্থখে কত কত সয়ংসর, ঋতু ও মা-
সাদি, মুহূর্ত্তবৎ অতীত হইত, তিনি কিছু-
মাত্র জ্ঞানিতে পারিতেন না।

এইরূপে কিয়ৎকাল অতীত হইলে, রাজ-
মহিষী ক্রমে ক্রমে অমরসদৃশ আটটি পুত্র
প্রসব করিয়াছিলেন। পুত্রেরা ভূমিষ্ঠ হইবা
মাত্র, তিনি তৎক্ষণাৎ তাহাদিগকে স্রোতে
নিষ্কিন্ত করিতেন ; তৎকালে রাজাকে এই
বলিয়া আশ্বাস প্রদান করিতেন, যে “আমি
আপনাকে প্রসন্ন করিব”। রাজা তদর্শনে
সান্তিশয় অসম্বৃত্ত হইয়াছিলেন বটে, কিন্তু
কি জ্ঞানি, পাছে গঙ্গা তাঁহাকে পরিত্যাগ ক-
রিয়া যান, এই ভয়ে ভীত হইয়া বাঙ্ নিষ্পত্তি
করিতে পারিতেন না।

অনন্তর অষ্টম পুত্র ভূমিষ্ঠ হইলে মহিষী
হাসিতে লাগিলেন। রাজা পুত্রশোকে নি-
তান্ত কাতর হইয়াছিলেন, অতএব এবার
পুত্রটি জীবিত থাকে, এই আশয়ে পত্নীকে
কহিলেন, পুত্র বিনষ্ট করিও না ; তুমি কে ?
কি নিমিত্ত আত্মজদিগের প্রাণবধ করি-
তেছ ? হে পুত্রবাতিনি ! পুত্রহিংসা অপেক্ষা
আর গুরুতর পাপ কিছুই নাই ; শাস্ত্রে কথিত

আছে উহা মহাপাতক, অতএব এই গর্হিত
নিষ্ঠুরাচরণে ক্ষান্ত হও।

তখন সেই স্ত্রী কহিলেন, হে পুত্রকাম !
আমি, তোমার পুত্র বিনষ্ট করিব না, এক্ষণে
পূর্বকৃত নিয়ম স্মরণ কর, আমি অদ্যাবধি
তোমার সহবাস পরিত্যাগ করিলাম।
আমি মহর্ষি জহুর কন্যা, আমার নাম
গঙ্গা। ঋষিগণ সর্বদাই আমার সেবা ক-
রিয়া থাকেন। কেবল দেবকার্য্য সাধনার্থ
তোমার ভার্য্যা হইয়াছিলাম। আর এই
সমস্ত সন্তানগুলিকে সামান্য মনুষ্য জ্ঞান
করিও না, ইঁহারা মহাতেজা বসুগণ, মহর্ষি
বশিষ্ঠের অভিশাপে মনুষ্যত্ব প্রাপ্ত হইয়া-
ছিলেন। তোমা ভিন্ন পৃথিবীতে আর কোন
পুরুষ ইঁহাদিগের পিতা হইবার যোগ্য হই-
তে পারেন না এবং আমি ব্যতীত অপর
কোন স্ত্রীও ইঁহাদিগের জননী হইবার
যোগ্য নহে ; এই নিমিত্ত আমি মানুষ্যী
হইয়া ইঁহাদিগকে গর্ভে ধারণ করিয়া-
ছিলাম। আর তুমিও ইঁহাদিগের জনক
হইয়া অক্ষয় লোক সকল জয় করিয়াছ।
আমি ইঁহাদিগের নিকট অঙ্গীকার করি-
য়াছিলাম যে, আমার গর্ভে পুত্র জন্মি-
বা মাত্র আমি সেই পুত্রকে মনুষ্য লোক
হইতে মুক্ত করিব। ইঁহারা মহাত্মা
বশিষ্ঠের অভিসম্পাত হইতে মুক্ত হইলে-
ন, এবং আমিও প্রতিজ্ঞাসাগর হইতে উ-
ত্তীর্ণ হইলাম, অতএব এক্ষণে স্বস্থানে প্র-
স্থান করি, আপনার মঙ্গল হউক। মদার্ভজ্ঞাত
এই পুত্রটিকে গঙ্গাদত্ত বলিয়া গ্রহণ ও পালন
করুন। আমি এইরূপে বসুগণের সন্নিধানে
বাস করিয়াছিলাম।

নবনবাত্তম অধ্যায়।

শাস্ত্রনু জিজ্ঞাসা করিলেন, হে সুরনদি !
বশিষ্ঠ কে ? বসুদেবতার কি চ্ছন্দস্ম করিয়া-
ছিলেন যে, তাঁহারা মহর্ষি বশিষ্ঠের শাপে
মনুষ্যযোনি প্রাপ্ত হইলেন, এবং আপনা-

কর্তৃক প্রদত্ত এই পুত্র কি অপরাধ করিয়া-
ছিলেন যে, তাঁহাকে যাবজ্জীবন মনুষ্য-
লোকে বাস করিতে হইবে? আর বসুগণইবা
সর্বলোকের অধীশ্বর হইয়া কি নিমিত্ত
মনুষ্যান্ন প্রাপ্ত হইলেন? তাহা সবিশেষ বর্ণন
কর। জাহ্নবী কহিলেন, মহারাজ শ্রবণ
করুন! মহর্ষি বশিষ্ঠ বরুণ দেবের পুত্র। তাঁ-
হার আর একটি নাম আপব। তিনি গিরি-
বর সুরমের সন্নিহিত এক পরম রমণীয়
অরণ্যে তপস্যা করিতেন। সেই তপোবন
সকল ঋতুতেই নানা জাতীয় কুমুমসমূহে
বিকসিত হইয়া থাকে, এবং পশু পক্ষিগণ
অসঙ্গুচিত চিত্তে সর্বদাই ইতস্ততঃ বিচরণ
করে। সেই আশ্রমপদ স্বচ্ছজল জলাশয়ে
অলঙ্কৃত এবং অশেষপ্রকার সুস্বাদ ফল-
মূলে পরিপূর্ণ।

দক্ষ প্রজাপতির সুরভীনাঙ্গী এক নন্দিনী
ছিলেন। সেই সর্বকামপ্রদা সুরভী জগতের
হিতার্থে গোকপ ধারণ করিয়া কণ্ডপের
ওরসে ভূমণ্ডলে জন্ম গ্রহণ করিয়া মহাতপা
বশিষ্ঠের হোমধেনু হইলেন। তিনি, মুনিজন-
সেবিত সেই পরম রমণীয় তপোবনে নির্ভয়ে
বিচরণ করিতেন। একদা পৃথুপ্রভৃতি বসু-
দেবতারা বনবিহারার্থে সস্ত্রীক হইয়া তথায়
আগমন করিলেন। তাঁহারা স্বস্বপত্নীসমভি-
বাহারে তদ্রূপ সুরম্য পর্বতে ও বনে বনে
ভ্রমণ করিতে লাগিলেন। তন্মধ্যে কোন বসু-
পত্নী তথায় ভ্রমণ করিতে করিতে সেই নন্দিনী-
নাঙ্গী ধেনুকে নয়নগোচর করিয়া বিস্মিত ও
চমৎকৃত হইলেন। পরে ছ্যানামক বসুকে
সর্বলক্ষণাক্রান্তা, পীনোগ্রী, সুরদোক্ষী, সুর-
ন্দরবালধি ও বিচিত্রখুরবিশিষ্টা সেই ধেনু
দর্শন করাইলেন। ছ্যা নন্দিনীকে নিরী-
ক্ষণ করিয়া তাঁহার অশেষপ্রকার গুণ কীর্তন-
পূর্বক দেবীকে কহিলেন, দেবি! যে মহর্ষির
এই তপোবন, নন্দিনী সেই বারুণির হোম-
ধেনু। মর্ত্যালোকনিবাসী যে ব্যক্তি এই

ধেনুর সুস্বাদ দুগ্ধ পান করেন, তিনি দশ
সহস্র বৎসর স্থিরযৌবন হইয়া জীবিত
থাকেন। এই কথা শ্রবণ করিয়া বসুপত্নী
আপন স্বামীকে কহিলেন, মহাভাগ!
মর্ত্যালোকে জিতবতী নাঙ্গী আমার এক
প্রিয়সখী আছেন। সেই রূপবতী যুবতিরাজা
উশীনরের ছুহিতা। তাঁহার অসামান্য রূপলা-
বণ্য পৃথিবী মধ্যে সর্বত্র সুবিখ্যাত আছে।
আমি অভিলাষ করি, আপনি সস্তুর হইয়া
তাঁহার নিমিত্ত বৎসের সহিত ঐ ধেনুটি
আনয়ন করুন। তিনি উহার দুগ্ধ পান ক-
রিয়া যাবজ্জীবন অজরা ও অরোগিণী হইয়া
থাকিবেন, ইহার পর আছ্লাদের বিষয়
আর কি আছে। হে নাথ! আমার অভি-
লষিত সম্পাদনে তৎপর হওয়া আপনার
সর্বতোভাবে বিধেয়। ছ্যা, পত্নীবাক্য শ্রবণ
করিয়া পৃথুপ্রভৃতি ভ্রাতৃগণসমভিব্যাহারে
সেই ধেনু ও তাহার বৎস অপহরণ করি-
লেন। ভার্যার প্রবর্তনাপরতন্ত্র হইয়া ম-
হর্ষির অসামান্য তপঃপ্রভাব সবিশেষ প-
র্যালোচনা না করিয়া ধেনু অপহরণ করি-
লেন বটে, কিন্তু তন্নিমিত্ত যে ঘোরতর
অনিষ্টাপাত হইবে, তাহা কিঞ্চিৎপ্রত্যয়
বিবেচনা করিলেন না।

অনন্তর তপোধন বারুণি ফলমূল আহরণ
করিয়া আশ্রমে উপস্থিত হইলেন। তিনি
তথায় ধেনু ও তাহার বৎসকে না দেখিয়া
ইতস্ততঃ অন্বেষণ করিতে লাগিলেন; কিন্তু
কুত্রাপি দেখিতে পাইলেন না। পরিশেষে
জ্ঞানচক্ষু উন্মীলন করিয়া দেখিলেন, অদ্য
বসুদেবতারা এই বনে বিহার করিতে আ-
সিয়া তাঁহার ধেনু অপহরণ পূর্বক প্রস্থান
করিয়াছেন। তখন ঋষি ক্রোধপরবশ হইয়া
বসুগণকে অভিসম্পাত করিলেন, “যেহেতু
তোমরা আমার সর্বলক্ষণাক্রান্ত ধেনু অ-
পহরণ করিয়াছ, অতএব মনুষ্যধোনি প্রাপ্ত
হইবো” মহাপ্রভাব ব্রহ্মর্ষি সাতিশয় কো-

ধাবিষ্ট হইয়া বসুগণকে এই প্রকার শাপ প্রদান করিয়া পুনর্বার তপঃসাধনে মনো-নিবেশ করিলেন। এদিকে বসুদেবতারা আপন আশ্রমে উপস্থিত হইয়া, মহর্ষি ব-শিষ্ঠ তাঁহাদিগকে অভিসম্পাত করিয়াছেন, ইহা জ্ঞানিতে পারিলেন। পরে তাঁহাকে প্রসন্ন করিবার নিমিত্ত তৎক্ষণাৎ তাঁহার সন্নিধানে গমন করিলেন। ঋষির ক্রোধানল নির্বাণ করিবার নিমিত্ত নানাপ্রকার স্তব-স্ততি করিতে লাগিলেন, কিন্তু কোন ক্রমেই তাঁহার অনুগ্রহ লাভ করিতে পারিলেন না। মহর্ষি কহিলেন, আমি ক্রোধপরতন্ত্র হইয়া যাঁহা কহিয়াছি তাহার অন্যথা ক-রিতে পারিব না, তবে এইমাত্র বলিতে পারি যে, তোমরা সকলেই প্রতিসম্মতের শাপমুক্ত হইবে, কিন্তু যাঁহার নিমিত্ত অভি-শপ্ত হইয়াছে, তাঁহাকে স্বকৃত দুষ্কর্মের ফল ভোগ করিবার নিমিত্ত যাবজ্জীবন মনুষ্য-লোকে কাল যাপন করিতে হইবে। তাঁহাকে সামান্য মনুষ্যের তরসে জন্ম গ্রহণ করিতে হইবে না। তিনি পরম ধার্মিক, সর্বশাস্ত্র বিশারদ ও পিতৃহিতৈষী হইয়া অকিঞ্চিৎকর দারপরিগ্রহপ্রভৃতি পার্থিবসুখসম্ভোগে প-রাঙ্কুখ হইবেন। ঋষি এই কথা বলিয়া স্ব-স্থানে প্রস্থান করিলে বসুগণ আমার নিকট আসিয়া প্রার্থনা করিলেন, “গঞ্জ ! আপনি আমাদিগকে গর্ভে ধারণ করুন, আর আম-রা ভূমিষ্ঠ হইবামাত্র আপনি আমাদিগকে মলিলে নিষ্ক্রেপ করিবেন”। অতএব হে মহারাজ ! অভিশপ্ত বসুদেবতাদিগকে মনু-ষ্যালোক হইতে ঝড়িত্তি মুক্ত করিবার নিমিত্ত আমি পুত্রহত্যারূপ অকার্য্য সম্পাদন করি-য়াছি। কেবল এক মাত্র ছাে সেই মহর্ষির শাপে যাবজ্জীবন মনুষ্য লোকে বাস করি-বেন। দেবী এই কথা বলিয়া অস্তর্হিতা হই-লেন। রাজা তৎপ্রদত্ত পুত্র লইয়া শোকার্ভ ও বিষন্ন মনে ভবনে প্রত্যাগমন করিলেন।

সেই পুত্রের নাম দেবব্রত ও গাঙ্গেয় হইল। দেবব্রত, পিতা অপেক্ষা অধিক-তর গুণসম্পন্ন হইলেন। আমি সেই মহা-পুরুষের গুণরাশি কীর্ত্তন করিব এবং ম-হাত্মা ভারত ভূপতির সৌভাগ্য বর্ণন করিব, যাঁহার ইতিহাস পবিত্র মহাভারত নামে বিখ্যাত হইয়াছে।

শততম অধ্যায় ।

বৈশম্পায়ন কহিলেন, রাজা শান্তনু পরম প্রাজ্ঞ, পরম ধার্মিক ও পরম ধীমান্ ছিলেন। জিতেন্দ্রিয়তা দয়ালুতা প্রভৃতি সদগুণ সকল তাঁহাকে অলঙ্কৃত করিয়াছিল। মহারাজ শান্তনু দেবর্ষি ও রাজর্ষিগণের সম্মান-ভাজন, দীরপ্রকৃতি, ক্ষমাবান, দান-শীল ও ন্যতাবাদী বলিয়া বিখ্যাত ছিলেন এবং সেই সর্বগুণসম্পদ, ধর্ম্মার্থকুশলী, রাজা ভরতবংশের ও অন্যান্য জনগণের পরির-ক্ষক ছিলেন। চক্রবর্ত্তীর সমুদায় লক্ষণ তাঁহার অঙ্গে লক্ষিত হইত। তিনি অদ্বি-তীয় ধর্ম্মপরায়ণ ছিলেন। তাঁহার ন্যায় ধা-র্ম্মিক রাজা কখন কাহারও দৃষ্টিগোচর হয় নাই। তদানীন্তন লোকেরা সেই কীর্ত্তিমানের সদাচার ও সদ্যবহার দর্শন করিয়া অর্থ ও কাম পরিত্যাগ পূর্ব্বক কেবল একমাত্র ধর্ম্মোপাসনা-ব্রতে ব্রতী হইয়াছিলেন। নৃপ-গণ শান্তনুর লোকাতিশারিনী ধার্ম্মিকতা দেখিয়া তাঁহাকে সম্রাটপদে অভিষিক্ত করি-লেন, এবং তাঁহার দৃষ্টান্তের অনুবর্ত্তী হইয়া চলিতে লাগিলেন। তাঁহাদিগের শোক, ভয় ও গ্রহপীড়া প্রভৃতির আশঙ্কা ছিল না। তাঁহারা সুস্থপ্নে নিশাবসান করিয়া শয্যা-হইতে পরম সুখে গাত্রোপান করিতেন। সেই দেবেন্দ্র-প্রতিম রাজেন্দ্রের দৃষ্টান্তে নৃপতিগণ সকলের প্রতি শিষ্টাচার প্রদর্শন করিতে লাগিলেন এবং বদান্য ও যাগশীল হইয়া উঠিলেন। শান্তনু-প্রমুখ রাজগণ নি-য়মতন্ত্র হইয়া সুশৃঙ্খলা পূর্ব্বক রাজ্যশাসন

করিতে আরম্ভ করিলেন। লোকের ধর্মপ্রবৃত্তির ক্রমশঃ উন্নতি হইতে লাগিল; ক্ষত্রিয়েরা বিপ্রসেবায় তৎপর হইলেন; বৈশ্যেরা ক্ষত্রিয়সেবায় দীক্ষিত হইলেন; এবং শূদ্রেরা ব্রাহ্মণ বৈশ্য ও ক্ষত্রিয় তিনবর্ণের সেবায় নিযুক্ত হইলেন। রাজা শান্তনু কৌরবদিগের সুরম্য রাজধানী হস্তিনাপুরে অবস্থান-পূর্বক রাজ্যশাসন করিতে লাগিলেন। তিনি ধর্মজ্ঞ, সত্যবাদী, ঋজু-স্বভাব, বদান্য, তপোনিরত, রাগদ্বেষণনা, পরমসুন্দর ও প্রিয়দর্শন ছিলেন। তিনি প্রত্যপে তপনের ন্যায়, বেগে বায়ুর ন্যায়, কোপে যমের ন্যায় এবং সহিষ্ণুতায় পৃথিবীর ন্যায় ছিলেন। সেই সর্বগুণাকর ভূপাল সিংহাসনে অধিকৃত হইলে লোকের জিঘাংসা প্রবৃত্তি সম্যক্রূপে নিবৃত্তি পাইয়াছিল এবং রূথা হিংসা এককালে রহিত হইয়াছিল। তিনি পক্ষপাত-পরিশ্রুতা ও কাম-রাগপরিবর্জিত হইয়া অতি বিনীত ভাবে সেই ধর্মোত্তর রাজ্যসকল প্রাণীকে নির্কি-শেষে শাসন করিতে লাগিলেন; দেবর্ষি ও পিতৃলোকের তৃপ্তার্থে যাগাদি ক্রিয়াকলাপ করিতে আরম্ভ করিলেন; দীন দরিদ্র অনাথপ্রভৃতির ও নিকৃষ্ট প্রাণিগণের পিতা স্বরূপ ছিলেন। সেই কুরুপতি রাজ্যেশ্বর হইলে লোকের মন দানধর্মে প্রবণ হইল এবং বাক্য একমাত্র সত্যকে আশ্রয় করিল। তিনি পত্নীসহবাস পরিত্যাগ পূর্বক চত্বারিংশৎ বৎসর বনবাস করিয়াছিলেন। গঙ্গা-গর্ভ-সম্ভূত তৎপুত্র দেবব্রত, রূপ গুণ, আচার, ব্যবহার, বিদ্যা, বুদ্ধি প্রভৃতি কোন বিষয়েই পিতা অপেক্ষা ন্যূন ছিলেন না। তিনি সর্বশাস্ত্র-বিশারদ, মহাবলপরাক্রান্ত, মহাসত্ব ও মহারথ ছিলেন। একদিবস দেবব্রত একটি যুগকে বাণবিদ্ধ করিয়া তাহার অনুসরণ ক্রমে তাগীরধীতীরে উপনীত হইয়া শরজালে নদীর জল শুষ্কপ্রায়

করিয়া ফেলিলেন। রাজা শান্তনু সরিষার এইরূপ অদৃষ্টপূর্ব গতিরোধ দর্শনে চিন্তা করিতে লাগিলেন; “অদ্য গঙ্গা পূর্বের ন্যায় প্রবাহিত হইতেছেন না কেন”। অনন্তর কারণজিজ্ঞাসু হইয়া অনুসন্ধান করিতে করিতে দেখিলেন, দেবরাজ-সদৃশ এক পরম রূপবান্ কুমার তীক্ষ্ণবার অসংখ্য দিব্যাস্ত্র দ্বারা গঙ্গাকে আচ্ছন্ন করিয়া দণ্ডায়মান আছেন। এই অলৌকিক ব্যাপার নয়নগোচর করিয়া রাজা বিস্ময়াপন্ন হইলেন। তাঁহাকে অতীব শৈশবাবস্থায় দেখিয়াছিলেন, স্মরণে এক্ষণে আশ্রয় বলিয়া চিন্তিতে পারিলেন না। দেবব্রত পিতাকে চিন্তিতে পারিয়াছিলেন, কিন্তু কি জানি পাছে রাজা তাঁহাকে স্বীয় পুত্র বলিয়া জানিতে পারেন এই আশঙ্কায় তিনি তৎক্ষণাৎ অন্তর্হিত হইলেন।

রাজা শান্তনু এই অদৃষ্ট ব্যাপার নিরীক্ষণ করিয়া তাঁহাকে আপন পুত্র বিবেচনায় গঙ্গাকে দেখাইতে কহিলেন। গঙ্গা মনোহর রূপ ধারণ করিয়া কুমারের দক্ষিণ হস্ত গ্রহণ পূর্বক রাজাকে দর্শন করাইলেন। পরম রমণীয় বেশভূষায় ভূষিতা ও পরিষ্কৃতবস্ত্রে সংরূতাঙ্গী গঙ্গা দৃষ্টপূর্বা হইলেও রাজা তাঁহাকে চিন্তিতে পারিলেন না।

গঙ্গা কহিলেন, মহারাজ! আপনি পূর্বে আমার নিকট যে অষ্টম পুত্র প্রাপ্ত হইয়াছিলেন, ইনিই সেই মহাপুরুষ। অধুনা ইনি সর্বশাস্ত্রবিশারদ ও সর্বোৎকৃষ্ট হইয়াছেন। আমি ইহঁাকে পরিবর্জিত করিয়াছি। এক্ষণে পুত্রকে গৃহে লইয়া যাউন। ইনি বশিষ্ঠের নিকট বেদ বেদাঙ্গ অধ্যয়ন করিয়াছেন। এই মহাবল পরাক্রান্ত কুমার কৃতান্ত্র, অধ্বিতীয় ধনুর্ধর ও ইন্দ্রের ন্যায় ষোদ্ধা হইয়াছেন। ইনি সুরাসুরগণের পরম প্রণয়াস্পদ। দৈত্য-কুলগুরু শুক্রাচার্য্য যে সকল শাস্ত্র অধ্য-

য়ন করিয়াছেন, তৎসমুদায় ইহাঁর কণ্ঠ-
স্থ । সুরাসুরনমস্কৃত বৃহস্পতি যে সকল
শাস্ত্র পরিজ্ঞাত আছেন, ইনিও তৎসমুদায়
অধ্যয়ন করিয়াছেন । শক্রবর্গের চুরাক্রমা
মহাবল প্রবলপ্রতাপ মহর্ষি জামদগ্ন্য যে
সকল অস্ত্র শিক্ষা করিয়াছিলেন, এই পুত্র
তৎসমুদায়ে সুশিক্ষিত হইয়াছেন এবং
রাজধর্ম্মে ও অর্থচিন্তায় সুনিপুণ হইয়াছেন,
অতএব মৎপ্রদত্ত এই অশেষগুণ-সম্পন্ন
পুত্র সমভিব্যাহারে গৃহে গমন করুন ।

রাজা গঙ্গাকর্তৃক এইরূপ আদিষ্ট হ-
ইয়া সূর্য্যের ন্যায় দীপ্তিমান পুত্রকে লইয়া
স্বনগরে প্রত্যাগমন করিলেন । রাজা
শাস্ত্র পুত্রসমভিব্যাহারে অমরাবতী-
সদৃশ নিজ রাজধানীতে উপনীত হইয়া চরি-
তার্থ ও রুতার্থস্মন্য হইলেন । অনন্তর, বন্ধু-
বান্ধবগণকে আহ্বান করিয়া রাজ্যের কু-
শলের নিমিত্ত, সেই সর্বগুণান্বিত পুত্রকে
যৌবরাজ্যে অভিষিক্ত করিলেন । যুবরাজ
সদ্যবহার প্রদর্শন দ্বারা পিতাকে, কোর-
বদিগকে এবং জনপদস্থ সমস্ত ব্যক্তিকে
যৎপরোনাস্তি দ্রীত করিলেন । রাজা দ্রী-
তমনে পুত্রের সহিত চারি বৎসর পরমসুখে
কালবাপন করিয়া পরিশেষে এক দিবস
যমুনানদীর উভয়পার্শ্বস্থিত এক অরণ্যে গ-
মন করিলেন । তথায় অকস্মাৎ সৌরভের
আত্মাণ পাইলেন, কিন্তু, কোথাহইতে সেই
সুরভি গন্ধ সঞ্চারিত হইতেছে, সবিশেষ
না জানিতে পারিয়া ইতস্ততঃ অনুসন্ধান
করিতে লাগিলেন । অনন্তর অসিতলোচনা
দেবকপথারিণী এক ধীবরকন্যাকে নিরীক্ষণ
করিয়া তাঁহাকে জিজ্ঞাসা করিলেন, ভীকু !
তুমি কে? কাহার পত্নী? এবং কি নিমিত্তই
বা এখানে আসিয়াছ? সে কহিল, মহাশয় !
আমি ধীবরকন্যা, পিতার আদেশে তরণী
বাহন করিয়া থাকি । রাজা শাস্ত্র ধীবরক-
ন্যার অনুপম রূপমাধুরী সন্দর্শনে ও অঙ্গ-

সৌরভ আত্মাণে মোহিত হইয়া তাঁহাকে
বিবাহ করিবার মানসে তাঁহার পিতার
নিকট গমনপূর্ব্বক আপন অভিপ্রায় ব্যক্ত
করিলেন ।

দাসরাজ কহিলেন, হে প্রজানাথ ! যখন
কন্যা জন্মিয়াছে, অবশ্যই তাহাকে পাত্রসাৎ
করিতে হইবে, আপনি সত্যবাদী, যদ্যপি এউ
কন্যাটি বর্ষপূর্ব্বকপে প্রার্থনা করেন তবে
আমি আপনাকে সম্পূদান করিব, কিন্তু
আমার একটি অভিলাষ আছে, তাহা পূর্ণ
করিব বলিয়া অগ্রে স্বীকার করিতে হইবে ।
শাস্ত্র কহিলেন, হে ধীবর ! তোমার অভি-
লাষ শ্রবণ না করিয়া কিরূপে তাহাতে
সম্মত হইতে পারি । যদি অভিলষিত বিষয়
দানযোগ্য হয়, নিশ্চয়ই প্রদান করিব, কিন্তু
অদেয় হইলে কোন ক্রমেই দিতে পারিব
না । ধীবর কহিলেন মহারাজ ! এই কন্যার
গর্ভে যে পুত্র জন্মিবে, আপনার অবর্ত্তমানে
সেই পুত্র রাজ্যে অভিষিক্ত হইবে, অন্য কেহ
সিংহাসনে অধিকৃত হইতে পারিবে না ; এই
আমার অভিলাষ । রাজা প্রদীপ্ত মদনানলে
দগ্ধ হইয়াও ধীবরকে বর দান করিতে সম্মত
হইলেন না । তিনি অনঙ্গশরে বিচৈতন্যপ্রায়
হইয়া ধীবরকুমারীর অনুপম রূপলাবণ্য
চিন্তা করিতে করিতে হার্ষিনপুরে প্রস্থান
করিলেন ।

অনন্তর, এক দিবস দেবত্রত পিতার নিকট
উপস্থিত হইয়া তাঁহাকে শোকাক্ত ও চিন্তা-
বুল দেখিয়া জিজ্ঞাসা করিলেন, তাত !
আপনার সর্বত্র কুশল ও সমুদায় রাজমণ্ডল
আপনার অধীন, তথাপি কি নিমিত্ত নিরন্তর
আপনাকে একরূপ শোকাক্ত ও হৃৎকথিত দেখি-
তেছি? সর্বদাই যেন শূন্যহৃদয়ে রহিয়াছেন,
আমাকে পুত্র বলিয়া সন্তোষ করিতেছেন
না, অথারোহণপূর্ব্বক ভ্রমণ করেন না, কেবল
দিন দিন মলিন পাণ্ডুবর্ণ ও রূশ হইতে
ছেন, অতএব আপনার কি রোগ হইয়াছে,

আজ্ঞা করুন, আমি তাহার প্রতীকার করিব।
 পুত্রের কথা শ্রবণ করিয়া শাস্ত্রনু
 কহিলেন, বৎস! আমি যে নিমিত্ত এত
 উৎকণ্ঠিত হইয়াছি তাহা শ্রবণ কর। আমা-
 দিগের বংশে তুমিই একমাত্র পুত্র তুমি
 অস্বশাস্ত্রে সুশিক্ষিত ও পুরুষকারবিশিষ্ট
 হইয়াছ। কিন্তু হে পুত্র! মনুষ্যের কিছুই
 চিরস্থায়ী নহে। ইহা বড় আক্ষেপের বিষয়।
 কারণ যদি তোমার কোন অনিষ্টঘটনা
 হয়, তাহা হইলে আনাদিগের কুল নিম্নল
 হইবে, সন্দেহ নাই। তুমি একশত পুত্র
 অপেক্ষাও শ্রেষ্ঠ, অতএব আর রুখা দার
 পরিগ্রহ করিতে আমার অভিলাষ নাই,
 কিন্তু ধর্মদাদীরা কহিয়া থাকেন, যাহার
 এক পুত্র, তিনি অপুত্রমধ্যেই পরিগণিত।
 দ্বিতীয় অনিষ্ট শাস্ত্রের নিমিত্ত নিরন্তর পর-
 মেশ্বরের নিকট প্রার্থনা করি, তিনি তো-
 মার মঙ্গল বিধান করুন; অধিহোত্র, ত্রয়ী
 এবং নিখিল শাস্ত্র, কিছুই সম্বানের ষোড়-
 শাংশেরও তুল্য নহে। তুমি মহাবলপরা-
 ক্রান্ত, সর্ষদা সশস্ত্র ও অমর্ষপরিপূরিত;
 অতএব রণক্ষেত্র ব্যতিরেকে বুত্রাপি তো-
 মার নিধন হইবে না; কিন্তু বৎস! অধিক কি
 বলিব, আমি তোমার নিমিত্ত যৎপরোনাস্তি
 সংশয়াক্রম হইয়াছি, অস্বকরণ কিছুতেই সূ-
 স্ত্রের হয় না, তন্নিমিত্ত আমি এই অপার
 দুঃখার্ণবে নিমগ্ন হইয়াছি। মহানুভাব দেব-
 ত্রত, রাজার বিবাদকারণ সবিশেষ পরিজ্ঞাত
 হইয়া কণকাল বিবেচনা করিলেন। অনন্তর,
 পিতার পরমহিতৈষী বৃদ্ধ সচিবের সন্নিধানে
 সম্মত গমনপূর্বক রাজার শোকবৃত্তান্ত বর্ণন
 করিলেন। মন্ত্রিবর কোরবশ্রেষ্ঠ দেবত্রতকে
 ধীরকুমারী বৃত্তান্ত আদ্যোপান্ত নিবেদন ক-
 রিলেন। দেবত্রত মন্ত্রিপ্ৰমুখাৎ সমুদায়
 শ্রবণ করিয়া ক্ষত্রিয়গণসমভিব্যাহারে ধী-
 বরসমীপে গমনপূর্বক পিতার নিমিত্ত স্বয়ং
 তদীয় কন্যারও প্রার্থনা করিলেন। দা-

সরাজ রাজকুমারকে যথোচিত সমাদর ও
 অভ্যর্থনা করিয়া বসিতে আসন প্রদান ক-
 রিলেন। রাজপুত্র আসনে উপবেশন করিলে
 ধীর সমাগতরাজগণ-সমক্ষে কহিলেন, হে
 ভরতর্ষভ! আপনি, মহারাজ শাস্ত্রনুর
 কুলপ্রদীপ, আপনার ন্যায় পুত্র আর দৃষ্টি-
 গোচর হয় না। আপনি বিবেচনা করিয়া
 দেখুন, ঈদৃশ শ্লাঘা সম্বন্ধ পরিত্যাগ করিলে
 কোন ব্যক্তি না দুঃখিত হয়, সাক্ষাৎ ইন্দ্রও
 এ সম্বন্ধ পরিত্যাগ করিতে পারেন না। যিনি
 আপনার সমান গুণবান্ যাহার গুরসে ব-
 রবর্ণিনী সত্যবতীর জন্ম হয়, তিনি বারম্বার
 আমার নিকট দ্বিতীয় পিতার গুণকীর্তন পূর্বক
 কহিয়াছেন যে, সেই ধর্মজ্ঞ রাজাই সত্যব-
 তীর পাণিগ্রহণ করিবার উপযুক্ত পাত্র।
 মহর্ষি পরাসর সত্যবতীর নিমিত্ত অত্যন্ত
 উৎসুক হইয়াছিলেন, কিন্তু আমি তাহার
 প্রার্থনায় সম্মত না হইয়া সেই অসিতাজ্ঞ মুনী-
 ত্রকে প্রত্যাখ্যান করিয়াছি। আমি কন্যার
 পিতা, অতএব একটি কথা বলিব। হে পর-
 স্তপ! বোধ হইতেছে এই পরিণয় সম্পন্ন
 হইলে অতিভয়ঙ্কর বৈরানল প্রজ্বলিত হইবে,
 কিন্তু আপনি ক্রুদ্ধ হইলে, কি সুর, কি অসুর,
 কি গন্ধর্ব্ব, যেকুলসমুত্ত হউক না কেন, সমস্ত
 শক্রগণ অচিরকালমধ্যে পঞ্চত্ব প্রাপ্ত হইবে,
 সন্দেহ নাই। হে রাজকুমার! কেবল এইমাত্র
 দোষ দৃষ্ট হইতেছে, নতুবা এবিষয়ে আর
 কোন সংশয় নাই।

পিতৃভক্ত গাঙ্গেয় ধীরবাক্য শ্রবণ
 করিয়া সমাগতরাজগণ-সমক্ষে যথায়ুক্ত প্রত্যা-
 স্তর করিলেন; হে সত্যবাদিন! আ-
 মার সত্যত্রত শ্রবণ কর। আমি নিশ্চয়
 বলিতেছি তুমি যাহা কহিবে, অবিকল
 সেইরূপ কার্য্য করিব। যিনি ইহার গর্ভে
 জন্ম গ্রহণ করিবেন, তিনি আমাদিগের রাজা
 হইবেন। অনন্তর জালজীৱী কহিলেন, হে
 ভরতর্ষভ! আপনি রাজ্যের হিতার্থে অ-

তিশয় ছুঁকর কপ্পে প্রবৃত্ত হইয়াছেন, অত-
এব আপনি কন্যার প্রভু হইলেন, সূতরাং
ইহার দানেও আপনারই সম্পূর্ণ অধিকার
হইল, কিন্তু, আমার আর একটি কথা শ্রবণ
এবং তদনুরূপ কার্যা করিতে হইবে। আ-
পনার নিকট ঈদৃশ প্রস্তাব করাতে আমার
নিতান্ত বালকত্ব প্রকাশ পাইবে বটে,
তথাপি সন্দিহান হইয়া জিজ্ঞাসা করি-
তেছি। তুমি সত্যবতীর নিমিত্ত ভূপতি-
গণসমক্ষে যেরূপ প্রতিজ্ঞা করিয়াছ, তাহা
তোমার অননুরূপ নহে; অতএব আমি
তদ্বিময়ে অগুমাত্রও সন্দেহ করিনা, কিন্তু
যিনি তোমার সন্তান হইবেন, তাঁহার প্রতি
আমার অত্যন্ত সন্দেহ হইতেছে। পিতার
প্রিয়চিকীর্ষু দেবত্রত ধীবরের অভিসন্ধি
জানিয়া তত্রত্য ভূপতিগণ ও ধীবরকে
সম্বোধন করিয়া কহিলেন, আমি ইতি-
পূর্বেই সাম্রাজ্য পরিত্যাগ করিয়াছি এবং
অধুনা প্রতিজ্ঞা করিতেছি, অদ্যাবধি ব্রহ্ম-
চর্য্য অবলম্বন করিব। আমি অপুত্র হইলেও
আমার অক্ষয় স্বর্গ লাভ হইবে, সন্দেহ
নাই। দাসরাজ দেবত্রতের প্রতিজ্ঞাবাক্য
শ্রবণ করিয়া হর্ষে পুলকিত হইয়া কহিলেন,
“তোমার পিতাকেই কন্যা দান করা
কর্তব্য”। অনন্তর দেবতা ও অক্ষরোগণ
অন্তরীক্ষ হইতে রাজকুমারের মস্তকে পুষ্প-
বৃষ্টি করিতে লাগিলেন, এবং তাঁহাকে
“ভীষ্ম” বলিয়া সম্বোধন করিলেন। পিতৃ-
ভক্ত ভীষ্ম সেই বশস্বিনীকে কহিলেন,
মাতঃ! রথোপরি আরোহণ করুন; আমরা
গৃহে গমন করি। অনন্তর রথারোহণপূর্বক
হস্তিনাপুরে আগমন করিয়া রাজা শান্তনুকে
সমস্ত রক্তান্ত নিবেদন করিলেন। রাজগণ
সমবেত ও পৃথক্ পৃথক্ হইয়া মুক্তকণ্ঠে
তাঁহার এই ছুঁকর কার্য্যের ভূরি ভূরি প্রশংসা
করিতে লাগিলেন, এবং তাঁহাকে ভীষ্ম
বলিয়া আহ্বান করিতে লাগিলেন। রাজা

শান্তনু ভীষ্মের অসাধারণ ক্ষমতা ও কুরু-
সাধ্য ব্যাপারে দৃঢ়তর অধ্যবসায় দর্শনে
সাতিশয় আনন্দিত হইয়া তাঁহাকে এই বর
প্রদান করিলেন, হে মহাত্মন! স্বেচ্ছা ব্যতি-
রেকে তোমার মৃত্যু হইবে না।

একাধিক শততম অধ্যায় ।

বৈশম্পায়ন কহিলেন, অনন্তর, রাজা
শান্তনু সেই পরমসুন্দরী কামিনীর পানি-
গ্রহণ করিয়া তাঁহাকে আপন আশ্রয়ে রা-
খিলেন। কিয়দ্দিনপরে মহিষী গর্ভবতী হই-
লেন। সেই গর্ভে রাজার এক পুত্র জন্মে,
তাঁহার নাম চিত্রাঙ্গদ। তিনি অসাধারণ
ধীশক্তিসম্পন্ন মহাবলপরাক্রান্ত ও সর্ব-
বিষয়ে সর্বোৎকৃষ্ট ছিলেন। অনন্তর বি-
চিত্রবীর্য্য নামে তাঁহার অপর একটি পুত্র
জন্মিল। মহাবীর্য্য বিচিত্রবীর্য্য তরুণবয়স্ক
না হইতেই রাজা মানবলীলা সম্বরণ করি-
লেন। শান্তনু স্বর্গারোহণ করিলে ভীষ্ম
সত্যবতীর মতানুসারে চিত্রাঙ্গদকে রাজ্যে
আভিষিক্ত করিলেন। অমিতবিক্রম চিত্রা-
ঙ্গদ স্বীয়বাহুবলে সমুদায় রাজমণ্ডল পরা-
জয় করিয়াছিলেন। তিনি শৌর্য্যবীর্য্যে
কাহাকেও আপন সদৃশ জ্ঞান করিতে না।
চিত্রাঙ্গদ নামে এক প্রবল পরাক্রান্ত গন্ধর্ক-
রাজ ছিলেন। তিনি সৈন্যসামন্ত সমভিব্য-
হারে সুরাসুরবিজয়ী চিত্রাঙ্গদকে আক্রমণ
করিলেন। কুরুক্ষেত্রে সমরানল প্রজ্জ্বলিত
হইয়া উঠিল। সরস্বতী শ্রোশ্বতীর তীরে
ক্রমাগত তিন বৎসর তাঁহাদের উভয় পক্ষের
ঘোরতর সংগ্রাম হইয়াছিল। অবিশ্রান্ত
অস্ত্রবর্ষণে রণক্ষেত্র সমাকুল ও পরস্পর
গাত্রবিমর্দে ভুম্বুল হইয়া উঠিল। মায়াবী
গন্ধর্ক মায়াবলে চিত্রাঙ্গদের প্রাণ সংহার-
পূর্বক স্বর্গমার্গে প্রস্থান করিলেন। সেই
অমিতভেজাঃ নরেন্দ্র যুদ্ধে নিহত হইলে
ভীষ্ম তাঁহার সমুদায় প্রেতকার্য্য সম্পাদন
করাইলেন এবং অপ্রাপ্তবয়স্ক বিচিত্রবীর্য্যাকে

রাজ্যে অভিষিক্ত করিলেন। বিচিত্রবীর্ষা, পৈতৃক সিংহাসনে অধিকৃত হইয়া ধর্মশাস্ত্রকুশল ভীষ্মের প্রতি যথোচিত সম্মান প্রদর্শনপূর্বক তাঁহার আদেশানুসারে রাজকাৰ্য্য পর্যালোচনা করিতে লাগিলেন। মহামতি ভীষ্মও তাঁহাকে পরমযত্নে প্রতিপালন করিতে ক্রটি করিতেন না।

দ্বাদশ শততম অধ্যায়।

বৈশম্পায়ন কহিলেন, হে কোরবনন্দন! চিত্রাঙ্গদ নিহত হইলে বিচিত্রবীর্ষোর বাল্যাবস্থায় ভীষ্ম সত্যবতীর নিদেশানুযায়ী হইয়া রাজ্যশাসন করিতে লাগিলেন। অনন্তর বিচিত্রবীর্ষাকে তরুণবয়স্ক দেখিয়া মহামতি ভীষ্ম তাঁহার বিবাহদিবার মানস করিলেন। এই সময়ে কাশীপতির তিন কন্যা স্বয়ম্বর হইবেন, এই কথা ভীষ্মের কর্ণগোচর হইল। মহারথ ভীষ্ম মাতার অনুমতি লইয়া রথারোহণ পূর্বক বারাণসী নগরীতে গমন করিলেন। তথায় দেখিলেন ভূপতিগণ বিবাহার্থী হইয়া নানা দিগদেশ হইতে সেই স্বয়ম্বরসভায় সমাগত হইয়াছেন এবং সেই কন্যারাও উপবিষ্ট আছেন। অনন্তর রাজাদিগের নামকীর্তিত হইলে, ভীষ্ম ভ্রাতার নিমিত্ত স্বয়ং সেই কন্যাদিগকে প্রার্থনা করিলেন এবং তাঁহাদিগকে রথে আরোহণ করাইয়া অভিগম্বীর স্বরে মহীপালদিগকে কহিতে লাগিলেন, কেহ কন্যাকে বিচিত্র বঙ্গালঙ্কারে আচ্ছাদিত করিয়া ধনদানপূর্বক গুণবান্ পাত্রে সমর্পণ করেন। কেহ কেহ গোমিথুন প্রদানপূর্বক কন্যাকে পাত্রসাং করেন। কেহবা প্রতিজ্ঞাতধনদানপুরঃসর কন্যা সম্প্রদান করেন। কেহ বলপূর্বক বিবাহ করিয়া থাকেন। কেহ বা প্রণয়সত্ত্বাষণে রমণীর মনোরঞ্জনপূর্বক তদীয় পাণিগ্রহণ করেন। কেহ প্রমত্তা নারীর পাণিগ্রহণ করেন। কেহ বা আর্ষ বিধির অনুসারে দার পরিগ্রহ ক-

রিয়া থাকেন। কেহ কেহ কন্যার পিতা মাতাদিগকে বিপুল অর্থ দানপূর্বক বিবাহ করেন। ধর্মশাস্ত্রবিদ পণ্ডিতেরা এই অষ্টবিধ বিবাহবিধি নির্দিষ্ট করিয়াছেন। স্বয়ম্বরও উক্তবিবাহমধ্যে পরিগণিত। রাজারা স্বয়ম্বর বিবাহেরই অধিক প্রশংসা করেন। পরাক্রমপ্রদর্শনপূর্বক অপকৃত কন্যার পাণিগ্রহীতাকে ধর্মবাদীরা ভূয়সী প্রশংসা করিয়াছেন। অতএব হে মহীপালগণ! আমি বলপূর্বক ইহাদিগকে অপহরণ করি, তোমরা যুদ্ধ অথবা অন্য যে কোন উপায় দ্বারা পার, ইহাদিগের উদ্ধারসাধনে যথাসাধ্য যত্ন কর। আমি যুদ্ধার্থে প্রস্তুত আছি। বারাণসীধর ও অন্যান্য রাজাদিগকে এই কথা বলিয়া, মহাবল ভীষ্ম সেই কন্যাদিগকে গ্রহণপূর্বক আপন রথে আরোহণ ও সকলকে আমন্ত্রণ করিয়া দ্রুতবেগে প্রস্থান করিলেন। তদর্শনে ভূপালগণ কোপে কম্পান্বিতকলেবর হইয়া দশনে দশনে দৃঢ়তর নিষ্পীড়নপূর্বক বাহুবলোচ্ছ্বাসে করিতে লাগিলেন। সকলে ব্যস্ত হইয়া সত্বর অলঙ্কার উন্মোচন ও কবচ ধারণকরণে রাজসভা ঘোরতর সমাকুল হইয়া উঠিল। বর্ষা ও আভরণ সকল ইতস্ততঃ বিক্রিষ্ট হওয়াতে বোধ হইল যেন অন্তরীক্ষ হইতে তারকাসকল ভূতলে পতিত হইতেছে। প্রবল পরাক্রান্ত বীর পুরুষেরা নানা প্রকার অস্ত্রশস্ত্রে সূসজ্জীভূত হইয়া রোষকষায়িত ও ক্রকুটীকুটিল নয়নে ক্ষিপ্ৰজবঘোটকসংযুক্ত ও সূতসুরক্ষিত রথে আরোহণপূর্বক আযুধসকল উত্তোলন করিয়া শান্তনবের পশ্চাৎ পশ্চাৎ ধাবমান হইলেন।

অনন্তর একাকী ভীষ্মের সহিত সেই বহুসংখ্যক বীর পুরুষের ঘোরতর সংগ্রাম উপস্থিত হইল। সেই সময়সংগতের ভীষণতা দর্শনে গাত্র রোমাঞ্চিত হইতে লাগিল। বিপক্ষেরা যুগপৎ দশ সহস্র বাণ

ঠাহার প্রতি নিষ্ফেপ করিতে লাগিলেন। কিন্তু ভীষ্ম অবলীলাক্রমে সেই সমস্ত শর-জাল প্রচণ্ড শরবর্ষণ দ্বারা মধ্যস্থলেই শতধা গুণ্ড খণ্ড করিয়া ফেলিলেন। যেমন বর্ষাকালের জলদমালা পর্কতোপরি মুষলখারে জল বর্ষণ করে, তক্রূপ বিপক্ষেরা চতুর্দিক্ বেষ্টিত করিয়া ভীষ্মের উপর অনবরত বাণ বর্ষণ করিতে লাগিল। তিনি শরজাল দ্বারা শত্রুবর্গের বাণ বর্ষণ অপ-বারিত করিয়া পরিশেষে তিন তিনটি বাণ দ্বারা সকলকে বিদ্ধ করিলেন। ঠাহারাও ভীষ্মের প্রতি পাঁচ পাঁচটি শর নিষ্ফেপ করিলেন। মহাবল ভীষ্ম পরাক্রম প্রদর্শন-পূর্বক পুনর্ব্বার ঠাহাদিগকে ছুই ছুই বাণ দ্বারা বিদ্ধ করিলেন। দেবাসুরসংগ্রামের ন্যায় সেই যুদ্ধ অতি ভয়ঙ্কর ও অসুশস্ত্রে সমাকুল হইল। মহারথ ভীষ্ম শত শত ও সহস্র সহস্র ব্যক্তির ধনু, ধজাগ্র, বর্ষা ও মস্তক ছেদন করিলেন। ঠাহার অসাধারণ রণনৈপুণ্য ও যুদ্ধস্থলে আশ্চর্য্য দর্শনে শত্রুপক্ষীয়েরাও ভূরি ভূরি পন্যবাদ করিতে লাগিল।

অস্ত্রবিদ্যা বিশারদ ভীষ্ম ক্রমে ক্রমে সকলকে পরাজয় করিয়া কন্যাদিগের সমভিব্যাহারে নগরাভিমুখে প্রস্থান করিলেন। পশ্চিমধ্যে মহারথ শাল রাজা, বিজিগীষু হইয়া ঠাহার সম্মুখীন হইলেন। যেমন কোন যুধাধিপ মাতঙ্গ, দস্তাঘাত দ্বারা বারণাস্তরের জঘন-দেশ বিদীর্ণ করিয়া মাতঙ্গীর প্রতি ধাব-মান হয়, তক্রূপ কামিনীকাম মহাবল পরাক্রান্ত মহাবাহু শাল মহীপতি ঈর্ষা ও ক্রোধ-পরবশ হইয়া ভীষ্মকে “ তিষ্ঠ তিষ্ঠ ” এই কথা বলিলেন। অরাতিকুলনিহস্তা পুরুষ-ব্যাত্ত্র ভীষ্ম ঠাহার গর্ষিত বাক্য শ্রবণগো-চর করিয়া ক্রোধে ব্যাকুলিত ও বিধম অধির ন্যায় প্রস্থলিত হইয়া উঠিলেন। তিনি অশঙ্কিত ও অসঙ্কুচিতচিত্তে ক্রোধধর্ম্ম

অবলম্বন পূর্বক ধনুর্বাণ ধারণ ও ঙ্কুটী বন্ধন করিয়া তৎক্ষণাৎ রথবেগ সম্বরণ ক-রিতে আজ্ঞা দিলেন। তদর্শনে অন্যান্য রাজগণ সমুৎসুক হইয়া ভীষ্ম ও শালের সমরসমারোহ নিরীক্ষণ করিতে লাগিলেন। যেমন কোন গাবীকে লক্ষ্য করিয়া মহাবল বৃষভদ্বয় গভীর নিনাদ করত পরস্পরের প্রতি ধাবমান হয়, তক্রূপ মহাবল পরাক্রান্ত সেই বীরযুগল ক্রোধভরে মহাদম্বরপূর্বক তর্জ্জনগর্জ্জন করিতে লাগিলেন। শালরাজ ভীষ্মের প্রতি উপযু্যাপরি সহস্র সহস্র বাণ বর্ষণ করাতে, শাস্তনব প্রথমতঃ সাতিশয় পীড়িত হইলেন; তদর্শনে তত্রত্য ভূপতি-গণ বিস্ময়াবিষ্ট হইয়া শালরাজের ভূরি ভূরি প্রশংসা ও বরদ্বার সাধুবাদ করিতে লাগিলেন।

শাস্তনব শালরাজের প্রতি ক্ষত্রিয়গণের সাধুবাদ শ্রবণানন্তর ক্রোধভরে “ তিষ্ঠ তিষ্ঠ ” এই কথা বলিয়া সারথিকে আজ্ঞা করিলেন, “ যেখানে শালরাজা আছে, শীঘ্র তথায় রথ চালনা কর; আমি অদ্যই তাহাকে শমনভবনে প্রেরণ করিব। অনন্তর মহাবীর ভীষ্ম বারুণাজ্ঞ দ্বারা শালের রথ-সংযুক্ত ঘোটকচতুষ্টয় বিনষ্ট করিলেন এবং স্বীয় অস্ত্র দ্বারা সপক্ষের অস্ত্রশস্ত্রস-কল নিবারণপূর্বক তদীয় সারথির মস্তক-ছেদন করিলেন। পরে ঐন্দ্রাজ্ঞ দ্বারা অপ-রাপর উত্তমোত্তম অশ্বদলও বিনষ্ট করিলেন। এইরূপে নৃপবরকে পরাজয় করিয়া জীবিতাবস্থায় ঠাহাকে পরিত্যাগ করিলেন। রাজা শালও প্রাণ পাইয়া স্বীয় রাজধানী প্রত্যাগমনপূর্বক বর্ষাপ্রমাণ রাজ্য শাসন করিতে লাগিলেন। যে স-মস্ত রাজগণ স্বয়ম্বর দর্শন করিতে আসি-য়াছিলেন, ঠাহারাও স্ব স্ব রাজ্যে গমন করিলেন। তদনন্তর মহাবীর ভীষ্ম জয়লঙ্ক সেই সকল কন্যারত্ন লইয়া হাস্তিনপুরে

প্রস্থান করিলেন । তথায় ধর্ম্মাজ্ঞা বিচিত্র-
বীর্ঘ্য রাজা ছিলেন । তিনি স্বীয় পিতা নু-
পোত্তম শান্তনুর ন্যায় ধর্ম্মানুসারে রাজ্য
শাসন করিতেন । অনিতবিক্রম গঙ্গাসুত
অরাতিকুল সমূলে উৎপলনপূর্ব্বক অচিরে
নদ, নদী, বন, উপবন ও ভূধরপ্রভৃতি নানা
স্থান অতিক্রম করিয়া ভ্রাতার নিমিত্ত কা-
শীশ্বর ছুঁহিতাদিগকে আনয়ন করিলেন ।
তিনি সেই কামিনীদিগকে স্রবার ন্যায়,
অনুজারু ন্যায় এবং ছুঁহিতার ন্যায় পরম-
যত্নে আনয়ন করিয়া কৌরবগণসমীপে গমন
করিলেন এবং ভ্রাতাকে সন্তুষ্ট করিবার
নিমিত্ত বিক্রমাকৃত সর্ব্বগুণযুত সেই কন্যা-
দিগকে যবিষ্ঠ ভ্রাতা বিচিত্রবীর্ঘ্যের হস্তে সম-
র্পণ করিলেন ।

ভীষ্ম এই সমস্ত দুকহ কার্য সম্পাদ-
নাস্তে গোপনে সত্যবতীর সহিত পরামর্শ
স্থির করিয়া ভ্রাতার বিবাহের উদ্দেশ্যে ক-
রিতেছেন, এই অবসরে কাশীপতির জ্যেষ্ঠা
কন্যা হাসিতে হাসিতে কহিলেন, আমি
ইতিপূর্বে মনে মনে শালরাজকে পতিত্বে
বরণ করিয়াছি এবং তিনিও আমাকে প্রা-
র্থনা করিয়াছেন, আর এ বিষয়ে আমার
পিতারও সম্পূর্ণ অভিলাষ আছে ; অধিক
কি বলিব, আমি স্বয়ম্বর সভায় মনে মনে
মহীপতি শালের করে করার্পণ করিয়াছি ;
ইহা বিবেচনা করিয়া আপনার ধর্ম্মঃ যে-
কপ অভিরুচি হয়, তাহা সম্পাদন করুন ।
ভীষ্ম ব্রাহ্মণসমাজে সেই কন্যার এবস্ত্র-
কার উক্তি শ্রবণে সাতিশয় চিন্তাকুল হই-
লেন । অনন্তর বেদপারগ ব্রাহ্মণগণের সহিত
পরামর্শ স্থির করিয়া সর্ব্বজ্যেষ্ঠা অয়াকে
স্বৈচ্ছানুরূপ কার্য করিবার অনুমতি প্র-
দান করিলেন এবং অয়িকা ও অয়ালিকাকে
স্বীয় যবিষ্ঠ ভ্রাতা বিচিত্রবীর্ঘ্যের সহিত
বিবাহ দিলেন । তরুণবয়স্ক পরমসুন্দর বি-
চিত্রবীর্ঘ্য সেই কামিনীযুগলের পাণিগ্রহণ

করিয়া এককালে কুসুমাম্বুধের অধীন হই-
লেন । সেই নিবিড়নিত্যনিব্বয়ের পয়ো-
ধরযুগল পীম, কটিদেশ ক্ষীণ ও নখসকল
রক্তবর্ণ ছিল । তাঁহাদিগের ঘন বিকুঞ্চিত
শ্যামল কেশপাশে কি অনির্ব্বচনীয় শোভা
হইয়াছিল । তাহা বর্ণনাতীত । তাঁহারা আ-
পনাদিগকে অনুরূপভর্তৃভাগিনী জানিয়া
প্রীতিপ্রফুল্লচিত্তে পতিসেবা করিতে লা-
গিলেন । অশ্বিনীকুমারসদৃশ রূপবান্ দেব-
তুল্য পরাক্রমশালী ও প্রমদাজনমনোহারী
ভূপতি বিচিত্রবীর্ঘ্য মহিষীদিগের সহিত
ক্রমাগত সাতবৎসর নিরন্তর বিহার করিয়া
যৌবনকালেই যক্ষ্মা রোগে আক্রান্ত হইলেন ।
তাঁহার বন্ধবান্ধবগণ সুবিচক্ষণ চিকিৎসক
দ্বারা তদীয় পীড়ার নানাপ্রকার প্রতীকার
চেষ্টা করিলেন, কিন্তু সকলই বিফল হইল ।
যেমন দিননাথ নিয়তিক্রমে অস্ত্রাচলে গমন
করেন, তরুণ সেই তরুণবয়স্ক প্রজ্ঞানাথ
শমনসদনে গমন করিলেন । ভীষ্ম ভ্রাতৃ-
শোকে নিতান্ত কাতর ও একান্ত বিষণ্ণ হ-
ইয়া জ্ঞাতিবর্গ ও ঋত্বিক্গণ সমভিব্যা-
হারে তাঁহার প্রেতকার্য্যসমুদায় সম্পাদন
করিলেন ।

ত্র্যধিকশততম অধ্যায় ।

বৈশম্পায়ন কহিলেন, সত্যবতী পুত্র-
শোকে কাতর হইয়া পুত্রবধূদিগের সহিত
সন্তানের প্রেতকার্য্য সম্পাদন করিলেন ।
পরে শ্রুষ্টিদিগকে ও ভ্রাতৃবৎসল ভীষ্মকে
নানাপ্রকার প্রবোধবাক্যে সান্ত্বনা করিয়া
ধর্ম্মরক্ষা ও বংশরক্ষার নিমিত্ত সবিশেষ
পর্যালোচনাপূর্ব্বক ভীষ্মকে কহিলেন, হে
মহাভাগ ! মহাযশঃ ধর্ম্মপরায়ণ শাস্ত্রনুকে
জলপিণ্ড প্রদান করে এমন লোক তোমা
ব্যতীত আর লক্ষ্য হয় না, কেবল তুমিই
তাঁহার অদ্বিতীয় আশাভাজন । তোমাতে
ধর্ম্ম অবিচলিতরূপে নিত্য বিরাজমান র-
হিয়াছেন । তুমি ধর্ম্মের যথার্থতত্ত্বজ্ঞ ও

নিখিলবেদবেদাঙ্গপারদর্শী। মহর্ষি শুক্র ও অঞ্জিরার ন্যায় তোমার ধর্মনিষ্ঠতা, কুল-চারের অভিজ্ঞতা এবং চুক্র কার্যে মহী-য়সী মহিষুতা আছে; অতএব হে ধর্ম-অন্ন! আমি কলসিঙ্গির আশায় তোমাকে কোন কার্যে নিয়োগ করিতে ইচ্ছা করি, অগ্রে শ্রবণ করিয়া তৎসম্পাদনে যত্নবান হও; হে পুরুষর্ষভ! তোমার প্রিয়তম ভ্রাতা পুত্রবিহীন হইয়া অকালে পরলোক যাত্রা করিয়াছেন। তাঁহার পরমরূপবতী ও সম্পূর্ণ যৌবনবতী মহিষীদ্বয় অতিমাত্র পুত্রার্থী হইয়াছেন। অতএব আমি অনুমতি করিতেছি, তুমি বংশ রক্ষার নিমিত্ত তাঁহা-দিগের গর্ভে অপত্যোৎপাদন কর; তাহাতে তোমার পরম ধর্ম লাভ হইবে, সন্দেহ নাই। এক্ষণে রাজ্যে অভিষিক্ত হইয়া প্রজাপালনে তৎপর হও এবং দারপরিগ্রহ করিয়া পিতার বংশরক্ষা কর।

ধর্ম্মায়া ভীষ্ম মাতার ও সুহৃদ্বর্গের এবম্প্রকার অনুরোধ বাক্য শ্রবণ করিয়া উত্তর প্রদান করিলেন, মাতঃ। আপনি ধর্ম্মোপদেশ প্রদান করিয়াছেন, যথার্থ বটে, কিন্তু অপত্যোৎপাদন বিষয়ে আমি যে প্রতিজ্ঞা করিয়াছি তাহা কি বিস্মৃত হইয়াছেন? আমি দারপরিগ্রহবিষয়ে পূর্বে আপনার নিকট যে সংকল্প করিয়াছি তাহা আপনি পরিজ্ঞাত আছেন, তথাপি আবার এক্ষণেও পুনর্ব্বার সত্যপ্রমাণ দৃঢ়তর প্রতিজ্ঞা করিতেছি, শ্রবণ করুন, আমি ত্রৈলোক্য পরিত্যাগ করিতে পারি, ইন্দ্র পরিত্যাগ করিতে পারি এবং ইহা অপেক্ষাও যদি কিছু অতীকৃতম বস্তু থাকে তাহাও পরিত্যাগ করিতে সম্মত আছি; কিন্তু কদাচ সত্য পরিত্যাগ করিতে পারিব না। যদি পৃথিবী গন্ধ পরিত্যাগ করে, জল যদি মধুর রস পরিত্যাগ করে, জ্যোতিঃ যদি রূপ পরিত্যাগ করে, বায়ু যদি স্পর্শ গুণ পরিত্যাগ করে, সূর্য্য যদি প্রভা পরিত্যাগ করেন,

অগ্নি যদি উয়তা পরিত্যাগ করেন, আকাশ যদি শব্দগুণ পরিত্যাগ করে, শীতরশ্মি যদি শীতাংশুতা পরিত্যাগ করেন, ইন্দ্র যদি পরাক্রম পরিত্যাগ করেন এবং ধর্ম্মরাজ যদি ধর্ম্ম পরিত্যাগ করেন, তথাপি আমি সত্য পরিত্যাগ করিতে পারিব না।

সত্যবতী, মহাতেজঃ ভীষ্মের এইরূপ কঠোর প্রতিজ্ঞা শুনিয়া কহিলেন, হে সত্যপ-রাক্রম। সত্যের প্রতি তোমার যে অবিচলিত ভক্তি ও যথার্থ প্রীতি আছে তাহা আমার অবিদিত নহে এবং তুমি ইচ্ছা করিলে যে স্বীয়তেজঃপ্রভাবে নূতন ত্রিলোকের সৃষ্টি করিতে পার তাহাও আমি বিলক্ষণ পরি-জ্ঞাত আছি, আর তুমি আমার নিমিত্ত পূর্বে যে সত্য করিয়াছ তাহাও বিস্মৃত হই নাই, কিন্তু বৎস। তোমাকে আপদ্বর্ম্ম পর্য্যবেক্ষণ করিয়া পৈতৃক ভার বহন করিতে হইবে। হে পরম্পদ। যাহাতে তোমার বংশ-পরম্পরা রক্ষা পায়, ধর্ম্মের উচ্ছেদ না হয় এবং বন্ধুবান্ধবগণের সন্তোষ জন্মে, তাহার অনুষ্ঠান কর। সত্যবতী পুত্রশোকে নিতান্ত কাতর হইয়া এইরূপে নিরন্তর বিলাপ ও পরিতাপ করিতেছেন এবং পুত্রের আকাঙ্ক্ষায় সাধুবিগর্হিত অধর্ম্মা কার্যের অনুষ্ঠানে পুনঃ পুনঃ প্রবর্ত্তনা করিতেছেন, দেখিয়া ধর্ম্ম-পরায়ণ ভীষ্ম কহিলেন, মাতঃ। ধর্ম্মের প্রতি দৃষ্টিপাত কর, আমাদিগকে বিনষ্ট করিও না, ক্ষত্রিয়ের সত্যভঙ্গ অতীব নিন্দনীয়, অস-তাসক্ক্ষত্রিয়ের অধর্ম্মের অবধি থাকে না; অতএব যাহাতে রাজা শান্তনুর বংশপরম্পরা ধরামণ্ডলে অক্ষররূপে দেদীপ্যমান থাকিবে তাহার উপায়স্বরূপ সনাতন ক্ষত্রিয় ধর্ম্ম কীর্ত্তন করিতেছি শ্রবণ করুন; আপদ্বর্ম্ম-কুশল প্রাক্ক পুরোহিতগণ সমভিব্যাহারে উক্ত ধর্ম্মানুসারে কার্য্যারম্ভ করিবেন।

চতুরধিকশততম অধ্যায়।

ভীষ্ম কহিলেন, যিনি পিতৃবধামর্ষে

প্রদীপ্ত হইয়া তাঁক্ষণ্য কুঠার দ্বারা হৈহয়াদি-
ধিপতির প্রাণ সংহার করিয়াছিলেন, যিনি
মহাবীৰ্য্য কার্ত্তবীৰ্য্যের ভুজ্বনচ্ছেদন করিয়া-
ছিলেন, যিনি শরাসন গ্রহণপূৰ্ব্বক অনবরত
মহাস্ত্র বর্ষণ করিয়া এক বিংশতিবার পৃথীকে
নিঃস্কত্রিয়া করিয়াছিলেন, এবং অরাতিশো-
ণিত জলে পিতৃলোকদিগের তর্পণ করিয়া-
ছিলেন, সেই মহর্ষি জামদগ্ন্য পরিশেষে
বেদপারগ ব্রাহ্মণগণ দ্বারা অপত্যোৎপাদন
করাইয়া বিনাশোন্মুখ ক্ষত্রিয়কুল পুনর্কার
রক্ষা করিয়াছেন।

বেদে একপ প্রমাণ আছে যে ক্ষেত্রজ
সন্তান উৎপন্ন হইলে সেই পুত্র পাণিগ্রহী-
তারই হইয়া থাকে, এই সনাতন ধর্ম্ম স্মরণ
করিয়া ক্ষত্রিয়পত্নীরা ব্রাহ্মণগণ সমীপে অ-
ভিগমন করিতেন, এবং ক্ষত্রিয়দিগের পুন-
র্ভববিধি লোকেও দৃষ্ট হইতেছে। ক্ষত্রিয়কুল
এইরূপে পুনর্কার বন্ধমূল হইয়াছে। হে
রাজি! এই বিষয়ে আর একটি অতি প্রা-
চীন ইতিহাস আছে, বলিতেছি শ্রবণ ক-
রুন। পূর্বে উত্থা নামে এক সুবিখ্যাত
মহর্ষি ছিলেন। তাঁহার মমতা নাম্নী এক
সহধর্ম্মিণী ছিলেন। একদা মহর্ষি উত্থোর
যবিত্ত ভ্রাতা দেবপুরোহিত মহাতেজাঃ বৃহ-
স্পতি মদনাতুর হইয়া মমতার নিকট উপ-
স্থিত হইলেন। মমতা দেবরকে সহোদন
করিয়া কহিলেন, হে মহাভাগ! আমি
তোমার জ্যেষ্ঠের সহযোগে অন্তর্বত্তী হইয়াছি,
অতএব রমণেচ্ছা স্মরণ কর। আমার
গর্ভস্থ উত্থাকুমার কৃষ্ণিমধ্যেই ষড়ঙ্গ বেদ
অধ্যয়ন করিয়াছেন। তুমিও অমোঘরেতাঃ,
এক গর্ভে দুই জনের সম্ভব নিতান্ত অসম্ভব ;
অতএব অদ্য এই দুর্ব্যবসায় হইতে নিবৃত্ত
হও। বৃহস্পতি মদনবাণে নিতান্ত আহত ও
সাতিশয় অধীর হইয়াছিলেন, সুতরাং স্বীয়
চঞ্চলচিত্তকে কোন ক্রমেই স্থির করিতে
না পারিয়া মমতার অসম্মতি থাকিলেও

তিনি বলপূর্ব্বক তাঁহাতে আসক্ত হইলেন।
অনন্তর গর্ভস্থ ঋষিকুমার বৃহস্পতিকে কাম-
ক্রীড়ায় আসক্ত দেখিয়া কহিলেন, ভগবন্ !
মদনবেগ স্মরণ করুন। স্বপ্নপারিসর কু-
ক্ষিতে উভয়ের সম্ভব অত্যন্ত অসম্ভব। আমি
পূর্বে এই গর্ভে জন্ম গ্রহণ করিয়াছি, অতএব
অমোঘরেতঃপাত দ্বারা আমাকে পীড়িত করা
আপনার নিতান্ত অযোগ্য কর্ম্ম হইতেছে, স-
ন্দেহ নাই। বৃহস্পতি বালকবাক্যে কর্ণপাতও
না করিয়া স্বীয় নিকৃষ্ট প্রবৃত্তি চরিতার্থ ক-
রিতে লাগিলেন। গর্ভস্থ মুনিকুমার বৃহস্প-
তির এই রূপ অসাধ ব্যবহার দর্শনে অসহিষ্ণু
হইয়া পাদদ্বারা তদীয় শুক্রে পথ রোধ ক-
রিলেন। রেতঃ প্রবেশমার্গনা পাইয়া প্রতি-
হত হইয়া সহসা ভূতলে পতিত হইল। ত-
ন্নিরীক্ষণে ভগবান্ বৃহস্পতি রোষপরবশ
হইয়া গর্ভস্থ উত্থানন্দনকে ভৎসনাপূর্ব্বক
অভিসম্পাত করিলেন “যেহেতু সর্কভূতের
অভিলাষিত ঈদৃশ সময়ে আমাকে এমন কথা
বলিলে এই অপরাধে তুমি যাবজ্জীবন অ-
ক্ষয় প্রাপ্ত হইবে”। বৃহস্পতির শাপপ্রভাবে
উত্থাতনর অক্ষ হইয়া জন্ম গ্রহণ করিলেন,
তাহাতেই তাঁহার নাম দীর্ঘতমা হইল। সেই
জন্মান্ত বেদবিৎ প্রাজ্ঞ ঋষি, স্বীয় বিদ্যাবলে
প্রদ্বেষীনাম্নী এক পরমরূপলাবণ্যবতী যুবতী
ব্রাহ্মণতনয়ার পাণিগ্রহণ করিয়াছিলেন।
পরে তিনি গৌতমপ্রভৃতি কতিপয় সুবি-
খ্যাত পুত্র উৎপাদন করিয়া মহর্ষি উত্থোর
বংশ রক্ষা করিলেন। অনন্তর বেদবেদাঙ্গপা-
রগ ধর্ম্মান্না দীর্ঘতমা, সৌরভেয়ের নিকট
নিখিল গোধর্ম্ম অধ্যয়ন করিয়া নিঃশঙ্কচিত্তে
তদাচরণে প্রবৃত্ত হইলেন। অনন্তর তাঁহাকে
স্বধর্ম্মভ্রষ্ট দেখিয়া তত্রত্য সমস্ত মহর্ষিগণ
ক্রোধাক্ত হইয়া কহিলেন, যে ব্যক্তি স্বীয়
ধর্ম্ম পরিত্যাগ করে, সে আমাদের আশ্র-
মের নিতান্ত অযোগ্য, অতএব এই পাপি-
ষ্ঠের সহবাস পরিত্যাগ করাই উচিত।

ঠাচার পরম্পর এই রূপ মন্ত্রণা করিয়া মহর্ষি দীর্ঘতমাকে আর সাদর সম্ভাষণ বা ঠাচার সম্ভাষণজনক কার্য্য করিতেন না এবং ঠাচার পত্নীও এক্ষণে পূর্কের ন্যায় সমাদর ও শু-ক্ষমা দ্বারা তদীয় সম্ভাষণ বর্জন করিতেন না । দীর্ঘতমা পত্নীর এই রূপ অদৃষ্টপূর্ব অভক্তি দর্শনে ঠাচারকে জিজ্ঞাসা করিলেন, তুমি কি নিমিত্ত আমার প্রতি বিদ্বেষ প্রদর্শন করিতেছ । প্রদেবী কহিলেন, স্বামী ভার্য্যার ভরণপোষণ ও প্রতিপালন করেন বলিয়া, ঠাচারকে ভর্তা এবং পতি বলিয়া থাকে, কিন্তু তুমি জ্ঞানী, তাহার কিছুই করিতে পার না, প্রত্যুত, আমি তোমার ও তদীয় পুত্রগ-ণের চির কাল ভরণপোষণ করিয়া নিতান্ত শ্রান্ত ও একান্ত পীড়িত হইয়াছি, অতএব অ-তঃপর আমি তোমাদিগের আর ভার বহন করিতে পারিব না । মহর্ষি পত্নীবাক্য শ্রব-ণানন্তর ক্রোধান্বিত হইয়া ঠাচারকে কহিলেন, এই অর্থ গ্রহণ কর ; বলবতী অর্থস্পৃহানি-বন্ধন তোমাকে ক্ষত্রিয়কুলে জন্ম গ্রহণ করিতে হইবে । প্রদেবী কহিলেন, হে বিপ্রেন্দ্র ! তুঃ-খের নিদানভূত স্বঃপ্রদত্তধনে আমার অভি-লাষ নাই, তোমার যেমন অভিরুচি হয়, কর । আমি পূর্কের ন্যায় তোমার ও তোমার সম্ভা-নবর্গের ভরণপোষণ করিতে পারিব না । দীর্ঘতমা পত্নীর সগর্ভ বচন শ্রবণ করিয়া ক-হিলেন ; আমি অদ্যাবধি পৃথিবীতে এই নি-য়ম প্রতিষ্ঠিত করিলাম, যে স্ত্রীজাতিকে যাব-জ্জীবন একমাত্র পতির অধীন হইয়া কাল-যাপন করিতে হইবে । পতি জীবিত থাকিতে যুধবা পঞ্চত প্রাপ্ত হইলে, নারী যদি পুরুষান্তর উজ্জনা করেন, তাহা হইলে তিনি অবশ্যই পতিত হইবেন, সন্দেহ নাই । আর পতিবিহীন নারীগণের সর্বপ্রকার সমৃদ্ধি থাকিলেও তাহা ভোগ করিতে পারিবে না । বিষয় ভোগ করিলে অকীর্ত্তি ও পরিবাদের পরিসীমা থাকিবে না । ব্রাহ্মণী স্বামীর এই সমুদায়

বাক্য শ্রবণে অত্যন্ত কুপিত হইয়া গৌতম-প্রভৃতি পুত্রগণকে আদেশ করিলেন, ইহারে গঙ্গায় নিক্ষেপ কর । লোভ ও মোহান্বি-ভূত পাষণ্ডহৃদয় পুত্রেরা ঠাচারকে উড়ুপে বন্ধনপূর্বক গঙ্গায় নিক্ষেপ করিয়া স্বচ্ছন্দে গৃহে প্রত্যাগমন করিল । অক্ষ সেই উড়ুপ মাত্র অবলম্বন করিয়া ত্রোতে ভাসিতে ভা-সিতে নানা দেশ অতিক্রম করিয়া চলিলেন । পরম ধার্ম্মিক বলিরাজ গঙ্গাশ্রমে গমন করিয়াছিলেন । তিনি তরঙ্গোপরি ভাসমান দীর্ঘতমাকে দেখিবামাত্র গ্রহণ করিলেন, এবং আদ্যোপান্ত সমস্ত বৃত্তান্ত পরিষ্কার হইয়া ঠাচার নিকট প্রার্থনা করিলেন, মহা-ভাগ ! রূপা করিয়া আপনাকে মদীয় পত্নীর গর্ভে ধর্ম্মার্থকুশল পুত্র উৎপাদন করিতে হ-ইবে । মহাতেজা ঋষি এই প্রার্থনায় সম্মত হইলে পর, রাজা স্বীয় মহিষী সূদেয়াকে ঠা-চার নিকট প্রেরণ করিলেন । রাজমহিষী ঋষিকে অক্ষ ও বৃদ্ধতম দেখিয়া ঠাচার নি-কট গমন করিলেন না । তিনি আপন ধা-ত্রৈয়িকাকে বৃদ্ধের নিকট প্রেরণ করিলেন । ঋষি সেই শূদ্রযোনিতে কাশ্মীর-প্রভৃতি এ-কাদশ পুত্র উৎপাদন করিলেন । অনন্তর রাজা সেই সকল পুত্রদিগকে অধ্যয়নানুরক্ত অবলোকন করিয়া ঋষিকে কহিলেন, ইহারে আমার পুত্র । ঋষি কহিলেন, মহারাজ ! ইহারে আপনার পুত্র নহে, রাজমহিষী আ-মাকে অক্ষ ও বৃদ্ধতম দেখিয়া অবজ্ঞা করিয়া ঠাচার ধাত্রৈয়িকাকে আমার নিকট প্রেরণ করেন, আমি সেই শূদ্রযোনিতে কাশ্মীর-প্রভৃতি এই একাদশ পুত্র উৎপাদন করিয়াছি, অতএব ইহারে আমার পুত্র । তখন রাজা মুনিকে প্রসন্ন করিয়া পুনর্বার মহিষী সূদে-য়াকে ঠাচার নিকট প্রেরণ করিলেন । দীর্ঘ-তমা রাজমহিষীর অঙ্গস্পর্শ করিয়া কহিলেন, তোমার গর্ভে অক্ষ, বৃদ্ধ, কালিঙ্গ, পুঞ্জ ও বৃদ্ধ এই পাঁচ পুত্র হইবে । তাহারে সূর্য্যের ন্যায়

তেজস্বী হইবে এবং তাহাদিগের অধিকৃত দেশসকল অধিকারীর নামানুসারে কথিত হইবে। অঙ্গের অধিকৃত দেশের নাম অঙ্গ, বঙ্গের বঙ্গ, কলিঙ্গের কলিঙ্গ, পুণ্ড্রের পুণ্ড্র এবং সূক্ষের অধিকৃত দেশের নাম সূক্ষ হইবে। এইরূপে মহর্ষিদীর্ঘতমাদ্বারা বলি-রাজের বংশ বিস্তৃত হইল এবং ব্রাহ্মণগণ-দ্বারা পৃথিবীতে ক্ষত্রিয়কুল গুনকীর বন্ধমূল হইল। হে মাতঃ! এই সমস্ত শ্রবণ করিলেন, এক্ষণে আপনার যে অভিপ্রায় হয়, অনুষ্ঠান করুন।

পঞ্চাধিকশততম অধ্যায়।

ভীষ্ম কহিলেন, মাতঃ! ভরতবংশ রক্ষার উপায়ান্তর নিবেদন করি, শ্রবণ করুন। কোন গুণবান্ ব্রাহ্মণকে ধনদানদ্বারা পরিতুষ্ট করিয়া গৃহে আশ্রয় করুন। তিনি বিচিত্র-বীর্ষ্যের ক্ষেত্রে প্রজ্ঞা উৎপন্ন করিবেন। সত্য-বতী লজ্জাবতী হইয়া সহস্র আশ্রয় গদ-গদস্বরে ভীষ্মকে কহিলেন, মহাবাহো! তুমি যাহা কহিতেছ, তাহা যথার্থ বটে, কিন্তু বৎস! তোমার বিশ্বাসের নিমিত্ত আমি কোন কথা কহিতেছি, সবিশেষ অবগত হইয়া কার্য্য করিলে, তাহাতে বংশ রক্ষা পাইতে পারে। তুমি ধর্ম্মজ্ঞ তোমার নিকটে তাদৃশ আপদক্ষম কদাচি প্রত্যাখ্যেয় হইবে না। তুমি আমাদের কুলধর্ম্ম, তোমাকে সত্যস্বরূপ জ্ঞান করি, তোমা ব্যতীত আমাদের আর কোন গত্যন্তর নাই। অতএব আমার বক্তব্য সত্য বৃত্তান্ত অগ্রে শ্রবণ কর, অনন্তর যে রূপ বিবেচনা হয় করিও। আমার পিতার এক খানি তরণী ছিল। তিনি ধর্ম্মাধী হইয়া বিনাশুল্কে সকলকে সেই নৌকাদ্বারা নদী উত্তীর্ণ করিয়া দিতেন। একদা পিতার আদেশক্রমে লোকদিগকে নদীপার করিবার নিমিত্ত আমি তথায় গমন করিয়াছিলাম। তৎকালে আমার যৌবনোদ্ভেদ হইয়াছিল। অনন্তর মহ-

র্ষি পরাশর যমুনা নদী উত্তীর্ণ হইবার নিমিত্ত সেই তরীর নিকট আগমন করিলেন। মুনীন্দ্র, নৌকারোহণপূর্ব্বক নদী উত্তীর্ণ হইবার সময়ে আমার রূপলাবণ্যে মোহিত ও কামার্ভ হইয়া সান্ত্ব পূর্ব্ব মধুরবাক্যে আমাকে কত কথাই বলিলেন এবং অতি দুঃলভ বর দান করিবেন বলিয়া, আমার নিকট অঙ্গীকার করিলেন, আমি পিতার তিরস্কার ও মহর্ষির শাপতয়ে ভীত হইয়া তাঁহাকে প্রত্যাখ্যান করিতে অসমর্থ হইলাম। তিনি তপঃপ্রভাবে আমায় বশীভূত এবং চতুর্দিক্ কুজ্ব-টিকায় আবৃত করিয়া নৌকামধ্যেই আপন অভীষ্টসিদ্ধিতৎপর হইলেন। পূর্ব্ব আমার সর্কার হইতে দুর্গন্ধ মৎস্যগন্ধ নির্গত হইত, তৎকালে মহর্ষি পরাসর সেই জুগুপ্সিত গন্ধের নিরাকরণপূর্ব্বক আমার শরীরে পরম রমণীয় মৌগন্ধ সঞ্চারিত করিয়াছিলেন। অনন্তর, সেই মুনি আমাকে আদেশ করিলেন, তুমি এই যমুনাদ্বীপে গর্ভ মোচন করিয়া পুনর্বার আপন কন্যাকাবস্থা প্রাপ্ত হইবে। আমি মুনির আজ্ঞাক্রমে যমুনাদ্বীপে এক পুত্র প্রসব করিলাম। সেই মহাযোগী পরাশরাঙ্গ, দ্বীপে অবতীর্ণ হইয়াছিলেন বলিয়া, তাঁহার নাম দ্বৈপায়ন হইল, চতুর্বেদের বিভাগকর্তা বলিয়া, তাঁহার নাম বেদব্যাস হইল এবং অসিত বর্ণ বলিয়া তাঁহার নাম কৃষ্ণদ্বৈপায়ন হইল। তিনি ভূমিষ্ঠ হইবামাত্র পিতার সহিত গমন করিলেন। সেই সত্যবাদী শমপর মহাতাপসকে অনুরোধ করিলে, তিনি অবশুই ভ্রাতার ক্ষেত্রে পুত্র উৎপাদন করিবেন। তিনি গমনকালে আমাকে কহিয়াছিলেন “মাতঃ! সঙ্কটে পড়িলে আমাকে স্মরণ করিও” অতএব যদি তোমার মত হয়, তাহা হইলে আমি এক্ষণে সেই মহাতপাকে স্মরণ করি। তুমি অনুমতি করিলে তিনি বিচিত্র বীর্ষ্যের ক্ষেত্রে অপত্যোৎপাদন করিবেন, সন্দেহ নাই। ভীষ্ম মহর্ষি ব্যাসদেবের নাম

শ্রবণ করিয়া কৃতাজ্জলিপুটে নিবেদন করিলেন, যে ব্যক্তি ধর্ম, অর্থ ও কাম এই ত্রিবর্গের প্রতি দৃষ্টি রাখিয়া এবং বুদ্ধিদ্বারা ধর্ম ও ধর্ম্মানুবন্ধ অর্থ ও অর্থানুবন্ধ এবং কাম ও কামানুবন্ধ পর্য্যালোচনা করিয়া কার্যে প্রবৃত্ত হইলেন, তিনিই যথার্থ বুদ্ধিমান; আপনি যেক্ষণ অনুমতি করিতেছেন, ইহা ধর্ম্মযুক্ত, মঙ্গলাস্পদ এবং আমাদিগের কুলের পরম হিতকর বটে, অতএব এ বিষয়ে আমার সম্পূর্ণ মত আছে।

তদনন্তর সত্যবতী দ্বৈপায়নকে স্মরণ করিলেন। বেদপ্রণেতা ভগবান্ ব্যাস, জননী স্মরণ করিয়াছেন জানিয়া, তৎক্ষণাৎ অবিদিতরূপে আবিভূত হইলেন। সত্যবতী বহুদিবসের পর, পুত্রমুখ নিরীক্ষণ করিয়া যথাবিধি সম্মান ও বাহুযুগলদ্বারা আলিঙ্গন-পূর্বক স্নেহনিঃসৃত স্তন্যদুগ্ধদ্বারা তাঁহাকে অভিষিক্ত করিলেন এবং অবিরল বিগলিত আনন্দসলিলে তদীয় হৃদয় প্লাবিত হইতে লাগিল। মহর্ষি ব্যাসও চুঃখিত জননীকে নয়নজলে অভিষিক্ত করিয়া প্রণিপাতপূরঃসর নিবেদন করিলেন, ভগবতি ! আপনার অভিপ্রের্ত কার্য সাধনের নিমিত্ত আমি আসিয়াছি, এক্ষণে অনুমতি করুন, কি প্রিয় কার্য অনুষ্ঠান করিতে হইবে? তদনন্তর পুরোহিত আসিয়া মস্ত্রোচ্চারণ-পূর্বক মহর্ষির যথাবিধি সপর্যায় সমাধান করিলেন। ঋষিবর পূজা গ্রহণ করিলেন। ব্যাসদেব পূজিত হইয়া প্রীতমনে আসনে উপবেশন করিলে, সত্যবতী তদীয় কুশল-বার্তা জিজ্ঞাসা করিয়া কহিলেন; বৎস ! পুত্র পিতামাতা উভয়েরই সাধারণ ধন, পুত্রের প্রতি পিতার যেক্ষণ প্রভুত্ব, মাতারও তদপেক্ষা মূন নহে। তুমি আমার জ্যেষ্ঠ পুত্র, বিচিত্রবীৰ্য্য কনিষ্ঠ। ভীষ্ম যেমন পিতৃ-সম্বন্ধে বিচিত্রবীৰ্য্যের ভ্রাতা, তুমিও তদ্রূপ মাতৃসম্বন্ধে তাঁহার ভ্রাতা। সত্যসন্ধ ভীষ্ম

প্রতিজ্ঞা করিয়াছেন, তিনি দার পরিগ্রহ ও রাজ্য শাসন করিবেন না। অতএব হে অনঘ ! ভীষ্ম এবং আমি তোমাকে কোন বিষয়ে নিয়োগ করিতেছি; যদি তুমি ভ্রাতার প্রতি অনুকূল, ও পৃথিবীস্থ সমস্ত প্রাণিগণের প্রতি দয়াবান্ হইয়া, আমাদিগের বংশরক্ষার্থ সেই নিয়োগব্যাক্য রক্ষা কর, তাহা হইলে অতীব প্রীত হই, রূপযৌবন-সম্পন্ন তোমার ভ্রাতৃজায়ারা সাতিশয় পুত্রার্থিনী হইয়াছেন, তুমি তাঁহাদিগের গড়ে অনুরূপ পুত্র উৎপাদন করিয়া তাঁহাদিগের মনোরথ সিদ্ধ কর। ব্যাসদেব কহিলেন, হে প্রাজ্ঞে ! তুমি বিশেষরূপে সর্বপ্রকার ধর্ম্ম পরিজ্ঞাত আছ এবং ধর্ম্মের প্রতি তোমার প্রগাঢ় ভক্তি ও একান্ত অনুরাগ আছে, এই নিমিত্ত তোমার অভিলষিত কার্য ধর্ম্মমূলক বিবেচনা করিয়া আমি তদনুষ্ঠানে সম্মত হইলাম। আমি নিশ্চয় বলিতেছি, ভ্রাতার ক্ষেত্রে মিত্রাবরণসদৃশ পুত্র উৎপাদন করিব। সম্প্রতি দেবীরা সমুৎসরকাল নিয়মবতী হইয়া আমার নির্দিষ্ট ব্রতোপাসনা করুন। তাহা হইলে তাঁহারা পবিত্র হইতে পারিবেন। ব্রতবর্জিতা অপবিত্র রমণী কাদাপি আমাকে স্পর্শ করিতে পারিবেন না।

সত্যবতী কহিলেন, বৎস ! যাহাতে দেবীরা অচিরকাল মধ্যে গর্ভবতী হইলেন, এক্ষণে অনুষ্ঠান কর, কারণ, জনপদ অরাজক হইলে প্রজামণ্ডলী অনাথা ও উৎসন্ন হইবে, স্তবরাং, তাহার সঙ্গে সঙ্গেই ধর্ম্ম ক্রিয়াকলাপ বিনষ্ট হইবে। তাহা হইলে যজ্ঞাংশভাগী দেবগণের পরিতৃপ্তি ও পৃথিবীতে পর্যাপ্ত পরিমাণে বারিবর্ষণ কিরূপে সম্ভাবিত হইবে। ফলতঃ, অরাজক রাজ্যের ভার গ্রহণ করা কাহারও সাধ্য নহে। অতএব, হে পুত্র ! তুমি অবিলম্বে ইহার গর্ভাধান কর। অনন্তর ভীষ্ম তাহার রক্ষ-

ণাবেক্ষণ করিবেন । ব্যাসদেব কহিলেন, যদি আপনার পুত্রবধু, পরমত্রুতস্বরূপ আমার বিক্রপতা সহ্য করিতে পারেন, তাহা হইলে আমি অকালিক পুত্র প্রদান করিব । যদি কৌশল্যা আমার বিকটমূর্ত্তি, ভয়ানক বেশ ও অসহ্যগন্ধ সহ্য করিতে পারেন, তাহা হইলে তিনি অদ্যই গর্ভবতী হইবেন । ভগবান্ ব্যাস সত্যবতীকে এইপ্রকার আদেশ দিয়া এবং কৌশল্যা শুচি বস্ত্র পরিধান ও রমণীয় বেশভূষা সমাধানপূর্ব্বক শয়নাগারে আমার প্রতীক্ষা করুন, এই আজ্ঞা করিয়া অন্তর্হিত হইলেন ।

অনন্তর, সত্যবতী নির্জননিবাসিনী পুত্রবধুর নিকট গমন করিয়া কহিলেন, বৎসে কৌশল্যো ! পরম হিতকর ধর্ম্মোপদেশ প্রদান করি, শ্রবণ কর, আমার দুর্ভাগ্য বশতঃ ভরতকুল উৎসন্নপ্রায় হইল, এজন্য যে আমি কি পর্য্যন্ত চুঃখিত হইয়াছি, তাহা বলিতে পারিনা এবং তোমার পিতৃবংশ ও সাতিশয় বিষয় হইয়াছেন, সন্দেহ নাই । মহামতি ভীষ্ম আমাদিগকে চুঃখিত ও বিবাদমাগরে নিমগ্ন দেখিয়া, সেই চুঃসহ চুঃখ নিবারণার্থ বংশরক্ষার যে উপায় স্থির করিয়া দিয়াছেন, তাহা তোমারই অধীন, অতএব এক্ষণে তুমি সেই ভীষ্মনির্দিষ্ট যুক্তির অনুবর্ত্তিনী হইয়া বিনাশোন্মুখ ভরতবংশের পুনরুদ্ধার কর । বৎসে ! তুমি দেবরাজসদৃশ পুত্র প্রসব করিবে, তিনিই আমাদিগের রাজ্যভার গ্রহণ করিবেন । সত্যবতী এবস্থিধ নানাপ্রকার অনুনয়বাক্যে বহু প্রযত্নে সেই ধর্ম্মপরায়ণা ভামিনীর মন প্রবণ করিয়া ত্রাঙ্কণ, অতিথি, ও দেবর্ষিপ্রভৃতিকে ভোজন করাইতে লাগিলেন ।

বড়ধিকশততম অধ্যায় ।

বৈশম্পায়ন কহিলেন, তদনন্তর সত্যবতী ঋতুমতী পুত্রবধুকে ষথাকালে শয্যায় শয়ন করাইয়া মুহূর্ত্তেরে কহিতে লাগিলেন,

বৎসে ! তোমার এক দেবর আছেন, অদ্য নিশীথসময়ে তিনি তোমার নিকট আগমন করিবেন, অতএব তুমি অপ্রমত্তা হইয়া দেবরের আগমনকাল প্রতীক্ষা কর । অশ্বিকা স্বপ্নের নিদেশবর্ত্তিনী হইয়া পরম রমণীয় শয্যায় শয়ন করিয়া ভীষ্ম ও অন্যান্য কৌরবদিগকে চিন্তা করিতে লাগিলেন, এই সময়ে ভগবান্ ব্যাস পূর্ব্বকৃত সত্য প্রতিপালনার্থ, প্রথমতঃ অশ্বিকার শয়নাগারে প্রবেশ করিলেন । তদীয় বাসভবন প্রদীপ্ত দীপশিখায় আলোকময় ছিল । অশ্বিকা সেই কৃষ্ণবর্ণ মহর্ষির উজ্জ্বল নয়নযুগল, পিঙ্গলবর্ণ-জটাভার, বিশালশ্মশ্রুপ্রভৃতি অতি ভয়ঙ্কর আকার নিরীক্ষণে ভীত ও বিস্ময়াবিষ্ট হইয়া নেত্রদ্বয় নিমীলিত করিলেন । ব্যাসদেব মাতার সন্তোষার্থে তাঁহার মহবাস করিলেন । অশ্বিকা ভয়ক্রমে দেবরের প্রতি দৃষ্টিপাত করিতে পারিলেন না । অনন্তর দ্বৈপায়নের বহির্গমনসময়ে তাঁহার মাতা জিজ্ঞাসা করিলেন, কেমন, ইনি গুণবান্ পুত্র প্রসব করিবেন ? অতীন্দ্রিয়জ্ঞানসম্পন্ন ভগবান্ ব্যাস মাতৃবাক্য শ্রবণ করিয়া কহিলেন, ইনি অলৌকিকধীশক্তিসম্পন্ন, অযুতনাগেন্দ্রসদৃশ বলবান্, সুবিদ্বান্, মহাবীৰ্য্য, মহাভাগ, পুত্র প্রসব করিবেন, এবং সেই মহাত্মার এক শত পুত্র হইবে, কিন্তু তিনি স্বয়ং মাতৃদোষে জন্মান্ত হইবেন । সত্যবতী পুত্রের কথা শ্রবণ করিয়া কহিলেন, হে তপোধন ! অন্ধ নৃপতি কুরুবংশের অননুরূপ ; অতএব এমন আর একটি পুত্র প্রদান কর, যাঁহাদ্বারাংশরক্ষা ও রাজ্যের মঙ্গল হইতে পারে । ব্যাসদেব “তথাস্তু” বলিয়া স্বস্থানে প্রস্থান করিলেন । অনন্তর অশ্বিকা ষথাকালে এক অন্ধ পুত্র প্রসব করিলেন । সত্যবতী পুত্রবধুর নিকট সমস্ত বৃত্তান্ত অবগত করিয়া পুনর্বার ব্যাসদেবকে অর্পণ করিলেন । তিনি পুত্রের

ন্যায় অতি ভয়ঙ্কর মূর্তি ধারণপূর্বক আবি-
র্ভূত হইয়া জননীর নিয়োগক্রমে অশ্বালিকার
নিকট আগমন করিলেন। রাজমহিষী দ্বৈ-
পায়নের সেই অদৃষ্টপূর্ব ভীষণ মূর্তি সন্দ-
র্শনে ভীতা ও পাণ্ডু বর্ণা হইলেন। সত্যাবতী-
পুত্র অশ্বালিকাকে বিষণ্ণা ও বিবর্ণা দেখিয়া
কহিলেন “ ভদ্রে ! তুমি আমার বিরূপত্ব
সন্দর্শনে পাণ্ডু বর্ণা হইয়াছ, অতএব তোমার
পুত্রও পাণ্ডুবর্ণ হইবে এবং তাহার নামও
পাণ্ডু হইবে। মহর্ষি এই কথা বলিয়া বহি-
র্গমন করেন, ইত্যবসরে সত্যাবতী আসিয়া
পুত্ররূতান্ত জিজ্ঞাসা করিলে, ব্যাসদেব ক-
হিলেন, পুত্রটি পাণ্ডুবর্ণ হইবে এবং তা-
হার নাম পাণ্ডু হইবে। ইহা শ্রবণ করিয়া
সত্যাবতী পুনর্বার অপর সর্কাজসুন্দর পুত্র
প্রার্থনা করিলেন। মহর্ষি “তথাস্তু” বলিয়া
মাতাকে আশ্বাস প্রদানপূর্বক স্বস্থানে
প্রস্থান করিলেন। অশ্বালিকা যথাকালে
পরম সুন্দর পাণ্ডুবর্ণ এক পুত্র প্রসব করি-
লেন। সেই পাণ্ডুর যুধিষ্ঠিরাদি পাঁচ
পুত্র জন্মে। অনন্তর জ্যেষ্ঠা বধূর পুনর্বার
ঋতুকাল উপস্থিত হইলে দ্বৈপায়নের স-
হযোগ করিবার নিমিত্ত সত্যাবতী তাঁহাকে
আদেশ করিলেন, কিন্তু ঋষিকা ঋষির মূর্তি
ও উগ্রগন্ধ চিন্তা করিয়া অত্যন্ত ভীত হইয়া
শুক্লর আজ্ঞায় সম্মত হইলেন না। অনন্তর
তিনি অঙ্গরোপমা এক দাসীকে স্বীয়
অলঙ্কারদ্বারা বিভূষিত করিয়া ঋষির নিকট
প্রেরণ করিলেন। দাসী ঋষির নিকট গমন
ও তাঁহাকে অভিবাদন পূর্বক তদীয় আ-
জ্ঞা প্রাপ্ত হইয়া পরমভক্তিসহকারে তাঁহার
শুশ্রূষা করিতে লাগিলেন। মহর্ষি তাঁহার
সহযোগে পরম প্রীত হইয়া গাত্রোপানপূ-
র্বক কহিলেন, হে শুভে ! “তুমি দাসত্ব-
শৃঙ্খল হইতে মুক্ত হইবে এবং তোমার
গর্ভজাত পুত্র অসাধারণ বুদ্ধিমান ও পর-
ম ধার্মিক হইবে। সেই দাসীগর্ভসম্ভূত

দ্বৈপায়নাজ্ঞ বিচুরনামে বিখ্যাত হই-
লেন। তিনি ধৃতরাষ্ট্র ও মহাজ্ঞা পাণ্ডুর
ভ্রাতা। মহাতপা মাণ্ডব্য মুনির শাপে ধর্ম-
রাজ বিচুরকপী হইয়া শূদ্রার গর্ভে অবতীর্ণ
হইয়াছিলেন। মহর্ষি দ্বৈপায়ন স্বীয় প্রলম্ব
ও শূদ্রার পুত্রজন্মরূতান্ত সত্যাবতীকে নি-
বেদন করিয়া ধর্মের নিকট অক্ষণী হইয়া
তৎক্ষণাৎ অন্তর্হিত হইলেন। এইরূপে দ্বৈ-
পায়নের ঔরসে ও বিচিত্রবীর্ষের ক্ষেত্রে
ধৃতরাষ্ট্র পাণ্ডু এবং বিচুরের জন্ম হয়।

সপ্তাধিক শততম অধ্যায়।

জনমেজয় জিজ্ঞাসা করিলেন, ভগবন্!
ধর্মরাজ কি তুচ্ছ করিয়াছিলেন যে, তিনি
শাপগ্রস্ত হইলেন এবং কোন্ ত্রক্ষর্ষির শা-
পেই বা তিনি শূদ্রযোনি প্রাপ্ত হইলেন?
বৈশম্পায়ন কহিলেন, মহারাজ! শ্রবণ ক-
রুন। মাণ্ডব্যনামে এক সত্যবাদী, জিতে-
ন্দ্রিয়, তপোনিরত, পরম ধার্মিক, ব্রাহ্মণ
ছিলেন। সেই মৌনব্রতাবলম্বী, মহাতপা,
আশ্রমের দ্বারদেশস্থ বৃক্ষমূলে উপবেশন-
পূর্বক উর্দ্ধবাছ হইয়া যোগাত্যাস করি-
তেন। এইরূপে বহু কাল অতীত হইলে
এক দিবস লোপ্তহারী কতিপয় দস্যু মা-
ণ্ডব্যের আশ্রমে প্রবিষ্ট হইল। তক্ষরেরা
নগরপালদিগের ভয়ে ভীত হইয়া তথায়
স্তেয় ধন লুকায়িত করিয়া প্রচ্ছন্নভাবে
অবস্থিতি করিতে লাগিল। অনন্তর অ-
নুগামী নগরপালসকল তথায় উপস্থিত
হইয়া ঋষিকে দেখিয়া জিজ্ঞাসা করিল,
হে দ্বিজোত্তম! তক্ষরেরা কোন্ পথ দিয়া
পলায়ন করিয়াছে, শীঘ্র আজ্ঞা করুন, আ-
মরা সেই দিকে তাহাদিগের অন্বেষণ করি।
ঋষি মৌনব্রতাবলম্বী ছিলেন, সুতরাং তাল
মন্দ কিছুই বলিলেন না। অনন্তর রাজ-
পুরুষেরা ইতস্ততঃ অন্বেষণ করিতে করিতে
লুকায়িত স্তেয় ধন আশ্রমে দেখিতে পা-
ইল। তখন ঋষির প্রতি তাহাদিগের বি-

লক্ষণ সন্দেহ হওয়াতে তাহারা সেইঋষিকে ও দস্যাদলকে রুদ্ধ করিয়া রাজগোচরে আনয়ন করিল। রাজা নগরপালদিগের মুখে সমস্ত বৃত্তান্ত অবগত হইয়া ঋষি ও তস্করগণের প্রাণবধরূপ দণ্ড বিধান করিলেন। রাজপুরুষেরা অজ্ঞা পাইবামাত্র তপোধনকে শূলে আরোপিত করিয়া হৃত ধন গ্রহণপূর্বক রাজসমীপে প্রত্যাগমন করিল। তপোনিষ্ঠ মুনিবর আপন ছুরবস্ত্রার বিষয় কিছুই জানিতে পারিলেন না, এবং তাঁহার তপস্যারও ভঙ্গ হইল না। তিনি শূলবিদ্ধ আহারবিহীন হইয়াও বহু কাল পর্য্যন্ত জীবন ধারণ করিয়াছিলেন। একদা রজনীযোগে কতিপয় মহর্ষি পক্ষি-রূপ ধারণ করিয়া তথায় আগমনপূর্বক মাণ্ডব্যের তাদৃশী ছুরবস্ত্রা দর্শনে যৎপরো-নাস্তি চুঃখিত হইয়া তাঁহাকে জিজ্ঞাসা করিলেন, হে ষিঞ্জোত্তম! আপনি এমন কি পাপ করিয়াছেন, যে শূলবিদ্ধ হইলেন? বলুন, শুনিতে আমরাদিগের নিতান্ত বাসনা হইতেছে।

অষ্টাধিক শততম অধ্যায়।

বৈশম্পায়ন কহিলেন, তদনন্তর মুনিবর সমাগত তপোধনদিগকে কহিলেন, আমি কাহার উপর দোষারোপ করিব? কেহই আমার অপরাধ করে নাই। ইহা শুনিয়া মুনি-গণ প্রস্থান করিলেন। মহামুনি মাণ্ডব্য তদবস্থায় কাল যাপন করিতে লাগিলেন। এইরূপে বহু কাল অতীত হইলে, এক দিবস নগরপালের মহর্ষিকে তদবস্থায় নিরীক্ষণ করিয়া রাজসমীপে সমস্ত বৃত্তান্ত নিবেদন করিল। রাজা নগরপালের মুখে সমুদায় জ্ঞাপন করিয়া মন্ত্রিগণের সহিত পরামর্শস্থির করিয়া শূলস্থ ঋষিকে প্রসন্ন করিবার নি-মিত্ত অশেষপ্রকার যত্ন করিতে লাগিলেন। তিনি অতি বিনীতভাবে কহিলেন, হে ব্র-

হ্মন্ ! আমি মোহাক্রান্তপ্রযুক্ত যে গুরুতর ছুঃক্ষ্মের অনুষ্ঠান করিয়াছি, তন্নিমিত্ত এক্ষণে ক্ষমা প্রার্থনা করি; আপনি আ-মার প্রতি ক্রুদ্ধ হইবেন না, প্রসন্ন হউন। ছুপতির বিনয়ে মুনীন্দ্র প্রসন্ন হইলেন। পরে রাজা তাঁহাকে শূলহইতে অবতরণ করাইয়া, শূল বহির্গত করিবার নিমিত্ত অ-নেক যত্ন করিলেন, কিন্তু কিছুতেই ক্লত-কার্য্য হইতে পারিলেন না। পরিশেষে শূলের মূলচ্ছেদ করিয়া দিলেন। ঋষি সেই অন্তর্গত শূল বহন করত সর্বত্র পর্য্যটন করিতে লাগিলেন এবং কঠোর তপস্যা দ্বারা অশূলত লোক সকল জয় করিলেন। ত-দবধি তিনি ভূমণ্ডলে অণীমাণ্ডব্য বলিয়া প্র-খিত হইলেন। একদা তিনি যমসদনে গ-মনপূর্বক সিংহাসনোপবিষ্ট ধর্ম্মরাজকে তিরস্কার করিয়া কহিলেন, হে ধর্ম্ম! আমি যে পাতকের ফল ভোগ করিতেছি, ইহা কোন্ ছুঃক্ষ্মের পরিণাম, শীঘ্র বল, আমি এই মুহূর্ত্তেই আমার তপোবল প্রকাশ করিতেছি।

ধর্ম্ম কহিলেন, তপোধন! আপনি পতঙ্গের পুচ্ছদেশে তৃণপ্রবিষ্ট করিয়াছিলেন, সেই ছুঃক্ষ্মের প্রতিকূল প্রাপ্ত হইয়াছেন। অণীমাণ্ডব্য কহিলেন, ধর্ম্ম! তুমি আমার লঘু পাপে গুরু দণ্ড বিধান করিয়াছ, এই নিমিত্ত তোমাকে মনুষ্য হইরা শূদ্রযোনি প্রাপ্ত হইতে হইবে। আর আমি অদ্যাবধি পাপ পুণ্যের সীমা নির্দিষ্ট করিয়া দিতেছি; চতুর্দশ বর্ষের অনধিক বয়ঃক্রমে কেহ পাপ-পুণ্যের ফলভাগী হইবে না, পঞ্চদশ বর্ষ অ-বধি কার্য্যানুসারে ফল লাভ হইবে। ধর্ম্মরাজ স্বীয় অপরাধে মহাক্ষা অণীমাণ্ডব্য কর্তৃক অভিলাষ হইয়া বিছুররূপে শূদ্রযোনিতে জন্ম গ্রহণ করিলেন। তিনি ধর্ম্মার্থচিন্তায় কুশল, লোভশূন্য, জিতক্রোধ, বহুদর্শী, শ-মপর ও কৌরবগণের পরম হিতৈষী ছিলেন।

নবাধিক শততম অধ্যায় ।

বৈশম্পায়ন কহিলেন, ধৃতরাষ্ট্র, পাণ্ডু ও বিদুর এই তিন কুমার জন্ম গ্রহণ করিলে, কুরুজ্ঞানুল, কুরব এবং কুরুক্ষেত্র এই তিনটি জনপদ অতীব সমৃদ্ধিসম্পন্ন হইয়া উঠিল ; পৃথিবী সরস ও সুস্বাদ শস্যে পরিপূর্ণা হইল ; পর্জন্য যথাকালে জল বর্ষণ করিতে লাগিল ; পাদপসকল সুরস ফলকুম্ভমে সুশোভিত হইল ; গবাস্থাদি বাহনসকল প্রহুঙ্ক, মুগযুধ ও পক্ষিগণ সানন্দ, কুমুমমালা সুগন্ধি এবং ফলরাশি রসপূর্ণ হইল ; নগর, ব্যবসায়ী ও শিল্পিগণে পরিব্যাপ্ত হইল এবং জনপদস্থ সমস্ত লোক মহাবল পরাক্রান্ত, রুতবিদা, সচ্চরিত্র ও পরম সুখা হইল । তৎকালে দস্যুতন্ত্রের কিছুমাত্র প্রাদুর্ভাব রহিল না ; অধর্মাচার লোকের অন্তরহইতে এক কালে অস্তহিত হইল । প্রজাগণের রীতি, নীতি, সদাচার ও সদ্যবহার সন্দর্শনে সেই সময়ে সত্যযুগ বলিয়া প্রতীয়মান হইত । প্রজামণ্ডলী ধর্মনিরত, যজ্ঞশীল, সত্যপরায়ণ, ব্রতনিষ্ঠ ও পরম্পর প্রণয়পর হইয়া স্বচ্ছন্দে কালাতিপাত করিত । সকল লোকই অভিমানশূন্য, জিতক্রোধ ও লোভবিহীন হইল । দিন দিন তাহাদিগের ধর্মপ্রবৃত্তির অধীর্দ্ধি হইয়া উঠিল । জলপূরিত জলনিবির ন্যায় সেই জনাকীর্ণ নগর মেঘাকার তোরণকলাপ দ্বারা অনির্কচনীর্ শোভমান হইল । শত শত সুরম্য হর্ম্য দ্বারা মহেন্দ্রনগরী অমরাবর্তীর ন্যায় প্রতীয়মান হইতে লাগিল । বিলাসী নগরবাসিনসকল তত্রতা নদ, নদী, সরোবরপ্রভৃতি জলাশয়ে এবং পরম রমণীয় বন, উপবন ও ক্রীড়াঠাণ্ডে মনের সুখে বিহার করিয়া বিপুল আনন্দ অনুভব করিতে আরম্ভ করিল । দাক্ষিণাত্য কুরুগণ উদীচ্য কুরুদিগের সর্বদাই স্পর্দ্ধা করিতেন । সেই সুরম্য জনপদে কেহই রূপগুণভাব ছিলেন না ;

পতিবিহীনা কামিনী নেত্রগোচর হইত না ; লোকহিতার্থে স্থানে স্থানে কূপ, বাপী, আরাম ও সভাসকল প্রতিষ্ঠিত ছিল ; সুসহৃদ্ধ বিপ্রভবনসকল অবিরত উৎসবময় পরিলক্ষিত হইত ; ধর্ম্মাভ্যা ভীষ্মের পরি-রক্ষিত সেই জনপদের ঐশ্বর্য্য ও রমণায়তার আর পরিসীমা রহিল না । চৈত্য ও যুপকাষ্ঠ তত্রস্থ জনগণের যাগশীলতার প্রমাণস্বরূপ লক্ষিত হইত । সেই সকল দেশ অন্যান্য রাজ্যের সাহায্য ব্যতিরেকেও পরি-বর্দ্ধিত হইত ; ধর্ম্মাভ্যা ভীষ্ম তথায় ধর্ম্মচক্র প্রতিষ্ঠিত করিয়াছিলেন ; রাজকুমারেরা নিরস্তুর সংকল্পের অনুষ্ঠান করিতেন ; পৌর ও জ্ঞানপদসকল তাহাদিগের আচরিত প্রণালী অবলম্বন করিবার নিমিত্ত সাতিশয় উৎসুক হইয়াছিলেন । তত্রতা কুরুপ্রধানদিগের ও নগরবাসিগণের ভবনে “ দীপ্যতাং ভূজ্যতাং ” এই বাক্যই সর্বদা শ্রুতিগোচর হইত ; মহাভ্যা ভীষ্ম, ধৃতরাষ্ট্র পাণ্ডু এবং মহামতি বিদুর ইহাদিগকে জন্মাবধি পুত্রনির্কিশেষে প্রতিপালন করিতেন ; তিনি তাহাদিগকে জাতক্রিয়াপ্রভৃতি সমস্ত সংস্কারে সংস্কৃত করিয়াছিলেন ; উপযুক্ত শিক্ষকের সম্মিধানে নিযুক্ত করিয়া অধ্যয়ন করাইয়াছিলেন, এবং পরি-শ্রমে ও ব্যায়ামে স্নানপূর্ণ করিয়াছিলেন । রাজতনয়েরা তরুণাবস্থা প্রাপ্ত হইয়া ধনু-র্বেদ, গদাযুদ্ধ, অসিচর্ম্ম প্রয়োগ, গজশিক্ষা, নীতিশাস্ত্র, ইতিহাস, পুরাণ, বেদাঙ্গপ্রভৃতি সমস্ত অধ্যোতব্য বিষয়ে পারদর্শী হইয়া উ-ঠিলেন । তন্মধ্যে পাণ্ডু অদ্বিতীয় ধানুঙ্ক ও ধৃতরাষ্ট্র অসাধারণ বলবান ছিলেন । বিদুরের ন্যায় ধার্ম্মিক ত্রিভুবনমধ্যে দৃষ্টিগোচর হইত না । প্রনয়প্রায় শান্তনুবংশ পুনরু-দ্ধত হইলে, সর্বত্র সত্যের সমাদর ও পৌরব বৃদ্ধি হইল । মহারাজ ! তৎকালে সমস্ত বীর-প্রসবিনী রমণাগণের মধ্যে কাশ্মীর নন্দিনী, দেশের মধ্যে কুরুজ্ঞানুল, ধার্ম্মিকের মধ্যে

বিদুর এবং নগরের মধ্যে হস্তিনাপুর শ্রেষ্ঠ হইয়া উঠিল। ধৃতরাষ্ট্র জন্মান্ত ছিলেন, বিদুর পারসব, স্তত্রাং পাণ্ডুই সিংহাসনে অধিকার হইলেন।

দশাধিক শততম অধ্যায়।

একদা ভীষ্ম বিদুরকে সম্বোধন করিয়া কহিলেন, বৎস! ভূমণ্ডলস্থ সমস্ত নরেন্দ্রকুল অপেক্ষা অশ্বকুল সমাধিক গুণভূরিষ্ঠ ও সুপ্রসিদ্ধ। ইহা পূর্বজন সুধার্মিক নরেন্দ্রগণ-কর্তৃক পরিরক্ষিত হইয়া আসিতেছে। অধুনা ইহার উচ্ছেদ নিতান্ত দুর্কিষহ বিবেচনা করিয়া ভগবতী সত্যবতী, মহাত্মা দ্বৈপায়ন এবং আমি এই তিন জনে মিলিত হইয়া যুক্তিযুক্ত ও শাস্ত্রসিদ্ধ উপায়োদ্ভাবনপূর্বক তোমাদিগকে উপাদান করাইয়া পুনর্বার ইহাকে প্রতিষ্ঠিত করিলাম। অতএব এক্ষণে যাহাতে আমাদিগের বংশের ক্রমশঃ উন্নতি হয়, তাহার উপায় বিধান করা আমাদিগের সর্বতোভাবে কর্তব্য, সন্দেহ নাই। শুনিয়াছি, মদ্রেস্বর ও স্রবলের পরম সুন্দরী এক এক কুমারী আছে, তাহারা আমাদিগের বুলের অমুরূপা; অতএব সেই কুলীনা কামিনী-দ্বয়ের সহিত ধৃতরাষ্ট্র ও পাণ্ডুর সম্বন্ধ স্থির করাই উচিত। এই কুলের স্থায়িতার নিমিত্ত আমি তাহাদিগকে বরণ করিতে অভিলাষ করি, তোমার অভিপ্রায় কি? বিদুর কহিলেন, মহাশয়! আপনি আমাদিগের পিতৃতুল্য ও পরম গুরু; অতএব যাহা উচিত হয় স্বয়ং বিচারপূর্বক অনুষ্ঠান করুন। অনন্তর কুরুপিতামহ ভীষ্ম বিপ্রগণপ্রমুখাৎ শ্রবণ করিলেন, স্রবলাজ্ঞা গাঙ্গারী, ভগবান্ ভবানীপতিকে আরাধনা করিয়া বর লাভ করিয়াছেন যে, তিনি এক শত পুত্রের জননী হইবেন, সেই কন্যার প্রার্থনায় গাঙ্গারাজ্ঞের নিকট দূত প্রেরণ করিলেন, গাঙ্গারাজ স্রবল, প্রথমতঃ ধৃতরাষ্ট্র অন্ধ বলিয়াকিয়ৎ-কণ চিন্তা করিলেন, পরিশেষে সবিশেষ পর্যা-

লোচনা করিয়া সুবিখ্যাত কুল, মহতী খ্যাতি, ও সদরুত্তজামাতার অভিলাষে তাঁহাকেই কন্যা দান করিতে কৃতনিশ্চয় হইলেন। যখন গাঙ্গারী শ্রবণ করিলেন যে, পিতা মাতা তাঁহাকে নয়নবিহীন পাত্রে সম্প্রদান করিতে অভিলাষী হইয়াছেন, তখনই সেই পতিপরায়ণা সান্দ্র বস্ত্র দ্বারা স্বীয় নেত্রযুগল বন্ধন করিলেন, এবং মনে মনে সংকল্প করিলেন যে, পতি অন্ধ বলিয়া তাঁহাকে কদাপি অশ্রদ্ধা বা অসূয়া করিব না। গাঙ্গারাজতনর পিতৃ আজ্ঞায় অভিনব যৌবনবতী ও লক্ষ্মী-যুক্তা ভগিনী লইয়া কৌরব সমীপে উপনীত হইলেন। তদনন্তর ভীষ্মের অনুমতিক্রমে তাঁহাকে ধৃতরাষ্ট্রহস্তে সম্প্রদান করিলেন, এবং তিনি ভীষ্মকর্তৃক যথোচিত পূজিত হইয়া স্বনগরে প্রত্যাগমন করিলেন। বরারোহা গাঙ্গারী সদাচার, সদ্ব্যবহার ও সুশীলতা প্রদর্শন দ্বারা সমস্ত কৌরবগণের পরম সন্তোষ জন্মাইতে লাগিলেন। তিনি গুরুশু-শ্রাষা ও সকলকে প্রিয় সদ্ভাষণ করিতেন এবং কদাপি কাহারও অকীর্ত্তি বা নিন্দা করিতেন না।

একাদশাধিক শততম অধ্যায়।

বৈশম্পায়ন কহিলেন, যদুবংশাবতংস শুরনামা নৃপতি বস্তুদেবের জনায়তা ছিলেন। প্রথমে তাঁহার পৃথানামী পরম রূপবতী তনয়া জন্মিয়াছিল। শুর, অনপত্য পিতৃস্বহপুত্র কুন্তিভোজের নিকট পূর্বাধি প্রতিজ্ঞাকৃত ছিলেন যে, আমার প্রথম সন্ততি তোমাকে প্রদান করিব; এক্ষণে তদনুসারে নির্মম হইয়া পরম মিত্র কুন্তিভোজকে সেই কন্যা প্রদান করিলেন। কুন্তিভোজ কন্যারত্ন লইয়া ঔরসবৎ পরম যত্নে লালন পালন করিতে লাগিলেন। পৃথা পিতৃগৃহে দিনে দিনে দ্বিতীয়া চন্দ্রকলার ন্যায় বৃদ্ধি পাইতে লাগিলেন; কুন্তিভোজের পালিত বলিয়া সকলে তাঁহাকে কুন্তী নামে আহ্বান করিত।

কুন্তী কন্যাবস্থায় ব্রাহ্মণসেবার ও অতিথি পরিচর্য্যায় নিযুক্ত ছিলেন এবং সর্বপ্রযত্ন-সহকারে পরিচর্য্যাদ্বারা অভ্যাগতদিগকে পরিতুষ্ট করিতেন। একদা ধার্মিকাগ্রগণ্য মহাতেজস্বী জিতেন্দ্রিয় মহর্ষি দুর্কাসা কুন্তীভোজের গৃহে আতিথ্য স্বীকার করিলেন। আতিথ্যে কুন্তী ভক্তিব্যোগসহকারে ও পরম সমাদরে তাঁহার সেবাবিধি নির্বাহ করিলে, মহর্ষি পরিতুষ্ট হইয়া তাঁহাকে এক মহামন্ত্র প্রদান করিলেন এবং কহিয়া দিলেন, বৎসে! আমি তোমার সেবার সম্ভব হইয়া তোমাকে এই মহামন্ত্র প্রদান করিলাম, তুমি ইহা পাঠ করিয়া যে যে দেবতাকে আহ্বান করিবে, তাঁহাদের প্রভাববলে তোমার গর্ভে এক এক পুত্র উৎপন্ন হইবে। সুনিবর এই বলিয়া প্রস্থান করিলে পর, কুন্তী বালস্বভাব-সুলভ কৌতূহলাক্রান্ত হইয়া মহর্ষিদত্ত মন্ত্র দ্বারা সূর্য্যদেবকে আহ্বান করিলেন। মন্ত্রবলে অশেষ ভুবনদ্বীপদীপক ভগবান্ তৎক্ষণাৎ আসিয়া সম্মুখে উপস্থিত হইলেন এবং কহিলেন, সুন্দরি! তোমার অভিপ্রায়ানুসারে উপস্থিত হইয়াছি, বল, কি করিতে হইবে? কুন্তী এই অদ্ভুত ব্যাপার দর্শনে আশ্চর্য্যান্বিত হইয়া কৃতাজ্জলিপুটে নিবেদন করিলেন, ভগবন্! এক ব্রাহ্মণ আমাকে বিদ্যা ও বর প্রদান করিয়া যান, আমি তৎপরীক্ষাবাসনায় আপনাকে আহ্বান করিয়া অতিমুঢ়ের কার্য্য করিয়াছি, আমার অপরাধ ইহীরাছে, ভগবন্! এক্ষণে চরণে ধরিয়া বিনয়পূর্ব্বক প্রার্থনা করিতেছি, রূপাময়! রূপা প্রকাশ করিয়া অপরাধ মার্জ্জনা করুন! স্ত্রীলোক মহত্ৰ অপরাধে অপরাধিনী হইলেও তাহাকে ক্ষমা করা মহতের কর্তব্য কর্ম্ম। সূর্য্যদেব কুন্তীর কাতরোক্তি শুনিয়া মধুরবচনে কহিলেন, সুন্দরি! মহর্ষি দুর্কাসা তোমাকে যে বর ও বিদ্যা প্রদান করিয়া গিয়াছেন, আমি তৎসমস্ত অবগত আছি, তুমি

ভীত হইও না, অসন্দ্বিগ্নচিত্তে আমার ভোগাভিলাষ পূর্ণ কর; দেখ, শুভে! তুমি আমাকে আহ্বান করিয়াছ, আমি তাহাতেই আসিয়াছি, এক্ষণে আমার মনোরথ ব্যর্থ করা কোনক্রমেই উচিত নহে; আর, যদি তুমি একান্তই অসম্মত হও, তাহা হইলে অবশ্যই দোষভাগিনী হইবে, সন্দেহ নাই। সূর্য্যদেব এইরূপ নানাপ্রকার কুমায়েলেও কুন্তী কন্যাবস্থা ও লজ্জাভয়ের অনুরোধে স্বীকার পাইলেন না! তখন সূর্য্যদেব পুনর্বার কহিলেন, হে বরবর্গিনি! তোমার কিছুমাত্র শঙ্কা নাই, আমি কহিতেছি, আমার প্রসাদবলে ইহাতে তোমার কোন দোষই হইবেক না; এই বলিয়া কুন্তীকে সম্মত করিয়া তাঁহার সহিত সহবাসে প্রবৃত্ত হইলেন। সূর্য্যদেবের সহযোগে কুন্তী গর্ভবতী হইলেন। এবং তৎক্ষণাৎ সর্ব্বশাস্ত্রবেত্তা, কবচকুণ্ডলধারী, পরম রূপবান্ এক পুত্র সন্তান প্রসব করিলেন, ঐ পুত্র ভুবনতলে কর্ণ নামে বিশ্রুত হইয়াছিল। ভগবান্ সূর্য্যদেব তুষ্ট হইয়া পুনর্বার কুন্তীকে কন্যাস্ব প্রদান করিয়া অম্বরতলে আরোহণ করিলেন। কুন্তী সদ্যোজাত নবকুমার দর্শনে বিষণ্ণমনে ভাবিতে লাগিলেন, এখন কি করি? এ বিময় কি গোপনে রাখিব? না প্রকাশ করিব? পরিশেষে বন্ধুজনভরে আত্মদোষ গোপন করাই শ্রেয়ঃকল্প স্থির করিয়া সেই মহাবল পরাক্রান্ত সদাঃপ্রসূত কুমারকে লইয়া সলিলে নিক্ষেপ করিলেন। যশস্বী রাখভর্ত্তা সেই নবকুমারকে জলে ভাসমান দেখিয়া দয়াজ্জিহ্বিত্তে গৃহানয়নপূর্ব্বক পুত্রত্বে পরিগ্রহ করিলেন, এবং ঐ কুমার, বসু অর্থাৎ কবচকুণ্ডলরূপ ধনের সহিত জন্মিয়াছে বলিয়া, উহার নাম বসু-ষণ রাখিলেন। বসুষণ ক্রমে ক্রমে প্রাপ্তবয়স্ক ও সর্বাশ্রমবিশারদ হইয়া উঠিলেন। তিনি প্রত্যহ প্রাতঃকালহইতে সন্ধ্যা-

পর্যন্ত সূর্যোর আরাধনা করিতেন ; সেই সময়ে ব্রাহ্মণেরা তাঁহার নিকট যাহা প্রার্থনা করিতেন, অতি ছুস্পাপ্য হইলেও তিনি তৎপ্রদানে পরাঙ্গুথ হইতেন না । একদা দেবরাজ ইন্দ্র অর্জুনের হিত সাধনার্থে ব্রাহ্মণবেশ ধারণপূর্বক তাঁহার সমীপে সমুপস্থিত হইয়া তাঁহার অঙ্গস্ত কবচ ভিক্ষা চাহিলে, তিনি তৎক্ষণাৎ শরীরহইতে নৈসর্গিক কবচ মোচন করিয়া বিপ্ররূপধারী ইন্দ্রের হস্তে প্রদান করিলেন । সুরপতি কবচ গ্রহণ করিলেন বটে, কিন্তু এই অলৌকিক ব্যাপার দর্শনে পরম পরিতুষ্ট হইলেন এবং তাঁহাকে প্রীতিদায়স্বরূপ এক শক্তি অস্ত্র প্রদান করিয়া কহিলেন, বৎস ! আমি তোমার অসাধারণ কার্য্য দর্শনে সন্তুষ্ট হইয়াছি, এই একপুরুষঘাতিনী শক্তি দিতেছি, গ্রহণ কর, ইহাতে তোমার বিশেষ উপকার দর্শিবে ; কি সুর, কি অসুর, কি নর, কি বানর, কি গন্ধর্ব্ব, কি ভৃঙ্গ, কি রক্ষ, কি যক্ষ ; যাহার প্রতি এই অস্ত্র নিক্ষেপ করিবে, তাহার আর নিস্তার নাই, সে অবশ্বই ইহাতে নিপাতিত হইবে ; এই বলিয়া কবচ লইয়া অমররাজ অমরাবতী প্রস্থান করিলেন । বসুধেয় স্বীয় শরীর ভেদ করিয়া ইন্দ্রকে কবচ প্রদান করিলেন বলিয়া, তদবধি ক্ষিতিতলে কর্ণ ও বৈকর্তন নামে বিখ্যাত হইলেন ।

দ্বাদশাবধিক শততম অধ্যায় ।

বৈশম্পায়ন কহিলেন, এদিকে কুন্তী কুন্তিভোজালয়ে থাকিয়া ক্রমে ক্রমে নব-যৌবনবস্থায় আকট হইলেন । লোকমুখে তাঁহার অসামান্য রূপলাবণ্যের বিষয় অবগত হইয়া নানাদিগ্দেশস্থ ভূপতিগণ পাণিগ্রহণতিলাষে কুন্তিভোজসকাশে দূত প্রেরণ করিতে লাগিলেন । কুন্তিভোজ অনেককেই কন্যার পরিণয়াকাজক্ষী দেখিয়া চিন্তা করিতে লাগিলেন, কি করি ! কাহাকে

কন্যা প্রদান করা উচিত । পরিশেষে, স্বয়ম্বরানুষ্ঠানই কর্তব্য স্থির করিয়া সকল রাজগণকে স্বভবনে আসিতে নিমন্ত্রণ করিয়া পাঠাইলেন । তাঁহারা সকলে মনো-হর বেশভূষা ধারণ করিয়া নিকপিত দিবসে স্বয়ম্বর স্থলে উপস্থিত হইলেন । মন-স্বিনী কুন্তী পিতার আদেশক্রমে পতি মনোনীত করিতে হস্তে পুষ্পমালা লইয়া রঙ্গমধ্যে প্রবেশ করিলেন এবং দেখিলেন, তথায় ভরতবংশাবতংস মহাবল পরাক্রান্ত ভূপতিশ্রেষ্ঠ পাণ্ডু সূর্য্যমদূশ অনুপম স্বীয় শরীরপ্রভা দ্বারা সমস্ত ভূপতিগণের প্রভা আচ্ছাদন করিয়া রহিয়াছেন । তাঁহার প্রতাপ সিংহসম, বক্ষ দেশ কপাটোপম এবং নয়নযুগল বিকচকমলমদূশ ; দেখিলে স্পষ্ট বেধ হয়, যেন পুরন্দর স্বপুর পরিত্যাগ করিয়া কুন্তীকামনায় সভায় উপস্থিত হইয়াছেন । বরবার্ণিনী কুন্তিভোজছুহিতা নরপতির সেই মেঘনমূর্ত্তি নিরীক্ষণে স্মর-শরে জর্জরিতকলেবর হইয়া লজ্জানন্দ-মুখে তাঁহার কণ্ঠদেশে বরমালা প্রদান করিলেন । কুন্তী পাণ্ডু নরবরে বরত্বে বরণ করিলেন দেখিয়া, অন্যান্য ভূপতিগণ নিজ নিজ বাহনে আরোহণপূর্বক স্ব স্ব দেশে প্রস্থান করিলেন । কুন্তিভোজ শুভলগ্নে পাণ্ডু নৃপতির সহিত কন্যার বিবাহবিধি নি-র্বাহ করিলেন । বরকন্যা একত্র সঙ্কত হইয়া শচীসখ সহস্রাক্ষের ন্যায় শোভা পাইতে লাগিলেন ।

বেদবিধানানুসারে উদ্বাহক্রিয়া সমাধা হইল । কুন্তিভোজ নানা ধনসম্পত্তি যৌতুক দিয়া পাণ্ডুকে কন্যার সহিত স্বনগরে পাঠাইয়া দিলেন । কুরুকুলপ্রদীপ মহীপতি পাণ্ডু ধ্বজপতাকাশালিনা মহতী পতাকিনী সমভিব্যাহারে মহর্ষিগণ ও দ্বিজগণের আ-শীর্ষচন শ্রবণ করিতে করিতে স্বপুরে প্র-বেশ করিলেন এবং রাজত্ববনে প্রণয়িনী

সহধর্মিণী কুন্তীকে রাখিয়া পরম স্নেহে কাল
যাপন করিতে লাগিলেন ।

ত্রয়োদশাধিক শততম অধ্যায় ।

বৈশম্পায়ন কহিলেন, অনন্তর শান্তনু-
নন্দন ভীষ্ম, নরপতি পাণ্ডুর আর এক বি-
বাহ দিতে মনস্থ করিয়া প্রধান অমাত্য,
ব্রাহ্মণ ও মর্হর্ষিগণ সঙ্গে লইয়া চতুরঙ্গিনী
সেনা সমভিব্যাহারে মদ্রাধিপতির নগরে
গমন করিলেন । মদ্ররাজ শল্য ভীষ্মের আ-
গমনবার্তা শ্রবণমাত্র অতিমাত্র স্তম্ভ হইয়া
স্বয়ং প্রত্যাগমনপুরঃসর সাদর সস্ত্রাষণে ও
পরমসমাদরসহকারে তাঁহাকে পুরপ্রবেশ
করাইলেন, এবং বসিবার আসন, পাদ্য,
অর্ঘ্য, মধুপর্কাদি প্রদান করিয়া যথোচিত
সম্মান করিলেন । পরে আগমনকারণ
জিজ্ঞাসিলে, কুরুকুল তিলক ভীষ্ম কহিলেন,
মদ্রপতে! শুনিলাম, পরম রূপবতী মাদ্রীনারী
তোমার ভগিনী আছে, তুমি আমার ভ্রাতৃ-
স্পুত্র পাণ্ডুর সহিত তাহার বিবাহ দাও; এই
মানসে তোমার দেশে আসিয়াছি, দেখ, তো-
মাদের ও আমাদের যে বংশ, উভয়ই প-
বিত্রতাदिগুণে সমান, কোন অংশে বৈল-
ক্ষণ্য নাই, অতএব পাণ্ডুকে ভগিনী দান
করিয়া আমাদিগের সহিত কুটুম্বিতা
কর । ভীষ্মবাক্য শ্রবণ করিয়া মদ্ররাজ
বিনয়গর্ভবচনে কহিলেন, মহাশয়! আ-
পনি যাহা বলিতেছেন, তাহাতে আমার
কদাচ অসম্মতি নাই, শুনিয়া আমার
পরম পরিতোষ জন্মিল; কুরুবংশ পরিত্যাগ
করিয়া আর কোথায় ভগিনীদান করিব?
আপনার কুলগতা হইলে ভগিনীর অনেক
সৌভাগ্য মানিতে হইবে, কিন্তু মহাশয়!
আমাদের পূর্বপুরুষেরা যে এক বিষম নিয়ম
স্থাপন করিয়া গিয়াছেন, আপনি তাহা
সবিশেষ জ্ঞাত আছেন; ভালই হউক বা
মন্দই হউক আমি তাহা লঙ্ঘন করিতে
পারিব না; আপনাকেও সেই নিয়ম প্র-

তিপালন করিতে হইবে, কারণ, উহা আমা-
দিগের কুলধর্ম । ভীষ্ম কহিলেন, মদ্ররাজ!
তুমি চিন্তিত হইওনা, স্বয়ং প্রজ্ঞাপতি
শুল্ক গ্রহণপূর্বক কন্যাদানের নিয়ম নি-
র্দ্ধারিত করিয়াছেন, তোমার কুলধর্ম নি-
র্দোষ ও সাধুসম্মত, অবশ্যই প্রতিপালিত
হইবে । এই বলিয়া ভীষ্ম শল্যকে রথ, গজ,
তুরগ, বসন, ভূষণ ও মণি মুক্তা প্রবালপ্রভৃতি
দ্রব্যজাত শুল্কস্বরূপ প্রদান করিলেন । শল্য
তৎসমুদায় গ্রহণপূর্বক পরম শ্রীত হইয়া
অলঙ্কৃত স্বীয় ভগিনী মাদ্রীকে লইয়া ভীষ্ম
হস্তে সমর্পণ করিলেন ।

• ভীষ্ম মাদ্রীকে লইয়া হস্তিনানগরে গমন-
পূর্বক রাজবাটীতে রাখিয়া দিলেন এবং
কিয়দিনপরে শুভ লগ্ন দেখিয়া পাণ্ডুর
সহিত তাহার পরিণয়ক্রিয়া সম্পন্ন করি-
লেন । উদ্ধাহ সমাপ্ত হইলে পর, মহারাজ
পাণ্ডু পরম রমণীয় হর্ম্যামধ্যে নবপ্রণয়ি-
ণীর বাসস্থান নিকপিত করিলেন । কুন্তী ও
মাদ্রীর পরস্পর বিলক্ষণ মৌহর্দ জন্মিয়া-
ছিল । পাণ্ডু তাঁহাদিগের উভয়কে লইয়া
স্বৈচ্ছাবিহারে পরম স্নেহে কাল যাপন করি-
তে লাগিলেন ।

এইরূপে ত্রয়োদশ নিশা অস্থঃপুরে বি-
হার করিয়া দিগ্বিজয়বাসনায়া বাটীহইতে
বহির্গত হইলেন এবং ভীষ্মপ্রভৃতি বৃদ্ধগণ
ও জ্যেষ্ঠভ্রাতা ধৃতরাষ্ট্রকে অভিবাদন ক-
রিয়া ও অন্যান্য কুরুপ্রধান ব্যক্তিদিগকে
আমন্ত্রণপূর্বক সকলের অনুমতি লইয়া
চতুরঙ্গ সৈন্য সমভিব্যাহারে দিগ্বিজয়ার্থ
যাত্রা করিলেন । যাত্রাকালে নগরংস্কারা
নানাবিধ মঞ্জলাচরণ ও ব্রাহ্মণগণ আশী-
র্ষচন করিতে লাগিলেন । কুরুকুলের কী-
র্তিকর পাণ্ডু নরবর প্রথমতঃ দশর্গদেশে
প্রয়াণপূর্বক পুরীপরাধী দশর্গ পাতিকে
সমরে পরাজয় করিলেন । অনন্তর হস্ত্যশ্ব-
রথপদাতিসঙ্কুল বিপুল বলবৃন্দ সঙ্গে লইয়া

মগধদেশে উপস্থিত হইলেন। তথায় অনেক কানেক ভূপতিদিগের অপকারী বলদর্পসম্বিত মগধরাজকে সংহার করিয়া তাঁহার কোশলস্থ ধনসমুদায় ও বাহনচয় আত্মসাৎ করিলেন। পরে মিথিলায় যাইয়া বিদেহদিগকে সংগ্রামে পরাভব করিলেন। তাহারা তাঁহার একান্ত বশয়দ হইল। পরিশেষে কাশী, স্কন্ধ, পুণ্ড্রপ্রভৃতি অপর্যাপ্ত দেশে প্রয়াণপূর্বক তত্রস্থ সমস্ত ভূপতিবর্গকে পরাজয় করিয়া কুরুকুলের অক্ষয় কীর্ত্তি সংস্থাপিত করিলেন। এইরূপে শত্রুকুলান্তক পাণ্ডু অনলবৎ অস্ত্রশিখায় নরপতিদিগকে দধক করিতে লাগিলেন। পাণ্ডুর তেজঃপ্রভাবে বলরাজি বিধ্বংসিত হইলে ভূপালেরা বশীভূত হইয়া কুরুকুলের মঙ্গলকর ব্যাপারে ব্যাপ্ত হইল; আর মহাবীর পাণ্ডুকে আপনাদিগের একাধিপতি জ্ঞান করিয়া বিনীতভাবে কৃতাজলিপুটে তাঁহার সমীপে আগমনপূর্বক তাঁহাকে মণি, মুক্তা, প্রবাল, সুবর্ণ, রজত, গো, অশ্ব, রথ, হস্তী, গর্দভ, উষ্ট্র, মহিষ, কয়ল, অজিন, রাক্ষস, আস্তরণপ্রভৃতি নানাবিধ দ্রব্যজাত উপহার প্রদান করিল। মহারাজ পাণ্ডু সেই সমস্ত রাজদত্ত বস্তুজাত লইয়া পরমাঙ্কুরে হস্তিনানগরাভিমুখে গমন করিলেন। রাজসিংহ শান্তনু ও ধীমান্ ভরতের যশোজনিত শব্দ বিলুপ্তপ্রায় হইয়াছিল, এক্ষণে পাণ্ডুর প্রভাবে তাহা পুনরুদ্ধৃত হইল। যাহারা পূর্বে কুরুদিগের রাজ্য এবং ধন হরণ করিয়াছিল, হস্তিনাধিপতি পাণ্ডু তাহাদিগের নিকটহইতে করগ্রহণ করিতে লাগিলেন। পাণ্ডুর বীর্য্যবলাকৃষ্ট হইয়া ধন্যবাদ প্রদান করিতে করিতে মন্ত্রিগণ সমভিব্যাহারে অন্যান্য রাজগণ পশ্চাৎ পশ্চাৎ আসিতে লাগিল। পাণ্ডু শ্রবণসুখাবহ তৎসমস্ত শ্রবণ করিয়া প্রফুল্লমনে হস্তিনানগরের সমীপবর্তী হইলেন। ভীষ্ম লোক

মুখে পাণ্ডুর আগমনবার্ত্তা শ্রবণে সাতিশয় আঙ্কুরিত হইয়া পৌর, জানপদ ও অমাত্যগণ সমভিব্যাহারে প্রত্যুদ্যমন করিলেন। কৌরবেরা ভীষ্মের সহিত হস্তিনানগরহইতে কিয়দূর গমন করিয়া, পাণ্ডুর সেনারা বিচিত্ররত্নপরিপূর্ণ অসংখ্য যান, হস্তী, অশ্ব, রথ, গো, উষ্ট্র, মেঘপ্রভৃতি জয়লক্ষ বস্তুজাত লইয়া আসিতেছে, দর্শন করিয়া পরম পরিভুক্ত হইলেন। তাহারা ক্রমে সন্নিহিত হইলে কৌশল্যানন্দবর্দ্ধন পাণ্ডু ভীষ্মের পাদবন্দন করিয়া অন্যান্য পৌর ও জানপদদিগের সমুচিত গন্মান করিলেন। ভীষ্ম অশেষরাষ্ট্রবিজয়ী প্রত্যাগত পাণ্ডুকে আলিঙ্গন করিয়া আনন্দাশ্রু মোচন করিতে লাগিলেন। তুর্যা, শঙ্খ, চন্দ্রভিপ্রভৃতি নানাবিধ বাদ্য যন্ত্র বাদিত হইতে লাগিল। পৌরগণের আনন্দের সীমা রহিল না। ভীষ্ম পাণ্ডুকে লইয়া হস্তিনানগরে প্রবেশ করিলেন।

চতুর্দশাধিক শততম অধ্যায়।

বৈশম্পায়ন কহিলেন, পাণ্ডু হস্তিনাপুরে গমন করিয়া স্বধাছবলবিজিত ধন দ্বারা ভীষ্ম, সত্যবতী, মাতা কৌশল্যা ও বিচুরকে সন্তুষ্ট করিলেন। ইন্দ্রাণী যেমন জয়ন্তকে আলিঙ্গন করিয়া আঙ্কুরিত হন, কৌশল্যা অপ্রতিমতেজাঃ পুত্র পাণ্ডুকে আলিঙ্গন করিয়া ততোধিক আনন্দিত হইলেন। রাজা ধৃতরাষ্ট্র মহাবীর পাণ্ডুর প্রভাবে বহুদক্ষিণ শত শত অশ্বমেধ যজ্ঞ নির্বাহ করিলেন।

কিয়দিন অতীত হইলে মহারাজ পাণ্ডু সুরমা হর্ম্ম্য ও বিচিত্র শয়নীরসমুদয় ত্যাগ করিয়া পত্নীদ্বয় সঙ্কে বনবিহারবাসনায় বন প্রস্থান করিলেন, তথায় সর্ষদা যুগ্মানুষ্ঠান করিয়া শ্রিয়তমাদের সহিত পরম সুখে কাল যাপন করিতে লাগিলেন। কখন হিমালয়ের দক্ষিণপাশ্ববর্তী উপ-

তাকার ভ্রমণ করিতেন, কখন গিরিপৃষ্ঠে সুখসঞ্চার করিয়া পরিতৃপ্ত হইতেন, কখন কখন বা মহাশালবনে অবস্থিতি করিতেন । করেণুদ্বয়ের মধ্যবর্তী হইলে গজরাজ ঐরাবত যেক্রপ শোভিত হয় । পত্নীদ্বয় সঙ্গে থাকায় বনচর নৃপবর পাণ্ডু ও সেইরূপ শোভিত হইয়াছিলেন । বনবাসিগণ, ভার্য্যাঙ্গয়-সমবেত খদ্গহস্ত ধনুর্ঝাণধারী বিচিত্র-কবচযুক্ত অস্ত্রকোবিদ পাণ্ডুকে দেবতা বলিয়া জ্ঞান করিত । তাঁহার যখন যাহা আবশ্যক হইত, ধৃতরাষ্ট্রপ্রেরিত ভৃত্যগণ তৎক্ষণাৎ তাহা সম্পাদন করিত । এইরূপে পাণ্ডু মহীপাল প্রণয়নীদ্বয় সমভিব্যাহারে পরম সুখে কাননমধ্যে বাস করিতে লাগিলেন ।

এদিকে শাস্ত্রনুন্দন ভীষ্ম, মহীপতি দেবকের পরম সুন্দরী যুবতী পারসবী তনয়াকে আনয়নপূর্বক বিদুরের সহিত বিবাহ দিলেন । বিদুর তাঁহার গর্ভে স্বসদৃশ-বিনয়সম্পন্ন পুত্রগণ উৎপাদন করিলেন ।

পঞ্চদশাধিক শততম অধ্যায় ।

বৈশম্পায়ন কহিলেন, অনন্তর ধৃতরাষ্ট্রের গান্ধারীগর্ভে শত পুত্র ও বৈশ্যাপত্নীর গর্ভে এক পুত্র জন্মে এবং ধর্মপ্রভৃতি পঞ্চ দেবহইতে কুন্তী ও মাদ্রীর গর্ভে পাণ্ডুর মহারথ পঞ্চ পুত্র জন্ম গ্রহণ করেন, তাঁহাদের হইতে এই কুরু বংশ রক্ষা পাইয়াছে ।

জনমেজয় কহিলেন, হে দ্বিজোত্তম ! গান্ধারীর গর্ভে ধৃতরাষ্ট্রের শতপুত্র কিরূপে জন্মিল ও কত দিন পরেই বা তাহাদের আয়ুঃশেষ হইল ? আর বৈশ্যার গর্ভেই বা ধৃতরাষ্ট্র কিরূপে পুত্রোৎপাদন করিলেন ? তিনি অনুকূলকারিণী ধর্মচারিণী প্রণয়নী গান্ধারীর সহিত কিরূপ ব্যবহার করিতেন ? এবং দেবহইতে কিরূপে শাপগ্রস্ত মহাত্মা পাণ্ডুর পাঁচ পুত্র উৎপন্ন হইল, এই সমস্ত

আনুপূর্বিক বর্ণন করিয়া আমার অপরিভূষিত্তিকে পরিতৃপ্ত করুন ।

বৈশম্পায়ন কহিলেন, একদা মহর্ষি দ্বৈপায়ন সাতিশয় ক্ষুৎপিপাসায় প্রমাদিত হইয়া ধৃতরাষ্ট্রের ভবনে সমুপস্থিত হইলে, গান্ধারী পরম সমাদরে তাঁহার শুশ্রুসা করিলেন । মহর্ষি সেবায় সঙ্কুচে হইয়া বর প্রদান করিতে চাহিলে, গান্ধারী কহিলেন, যদি অনুকূল হইয়া থাকেন, তবে এই বর প্রদান করুন যে, যেন আমার গর্ভে আমার তর্ভার সমানগুণশালী শত পুত্র জন্মে । ব্যাস “তথাস্তু” বলিয়া প্রস্থান করিলেন । কিয়দিনানন্তর ধৃতরাষ্ট্রের সহযোগে গান্ধারী গর্ভবতী হইলেন । তাঁহার গর্ভধারণের পর দুই বৎসর অতীত হইল, তথাপি তিনি সম্মান প্রসব করিলেন না । একদিন গান্ধারী শুনিলেন, যে কুন্তীর বানসুর্য্যসমপ্রভ একপুত্র জন্মিয়াছে । তৎশ্রবণে তিনি সাতিশয় ঈর্ষান্বিত হইয়া ধৃতরাষ্ট্রের অজ্ঞাতসারে আপনার গর্ভপাত করিলেন । ঐ গর্ভে সংহতা লোহীলার ন্যায় এক দ্বিবর্ষসমুতা মাংসপেশী জন্মিল । গান্ধারী তদর্শনে সাতিশয় ছুঃখিত হইয়া সেই মাংসপেশী পরিত্যাগ করিবার উপক্রম করিতেছেন, এমত সময়ে ভগবান ব্যাস তথায় উপস্থিত হইয়া মাংসপেশী দর্শনপূর্বক গান্ধারীকে কহিলেন, সৌবল্যেয়ি ! এ কি করিয়াছ ! গান্ধারী মহর্ষির সমাপে আপনার অভিপ্রায় গোপন না করিয়া কহিলেন, মহাত্মন ! অগ্রে কুন্তীর পুত্র জন্মিয়াছে শুনিয়া আমি সাতিশয় ছুঃখিত হইয়া এই গর্ভপাত করিয়াছি । আপনি আমাকে পূর্বে বর প্রদান করিয়াছেন, আমার গর্ভে শত পুত্র জন্মিবে ; এক্ষণে এই মাংসপেশীহইতে শত পুত্র উৎপন্ন করুন । ব্যাস কহিলেন, সৌবল্যেয়ি ! আমার বাক্য কখন মিথ্যা হইবার নহে । মাংসপেশী নষ্ট করিও না । ইহাহইতে অবশ্যই তোমার শত পুত্র

উৎপন্ন হইবে। তুমি গুপ্ত প্রদেশে ঘৃতপূর্ণ শতসংখ্যক কুম্ভ প্রস্তুত করিয়া এই মাংসপেশীর উপর জল সেচন কর। গান্ধারী ব্যাসের বচনানুসারে কুম্ভ প্রস্তুত করিয়া মাংসপেশীর উপর জল সেচন করিতে লাগিলেন। জলসেচনের পর কিয়ৎক্ষণ মধ্যে মাংসপেশী একাধিক শত খণ্ডে বিভক্ত হইয়া গেল। উগর এক এক খণ্ড অক্ষতপর্কপারিত হইল। অনন্তর গান্ধারী সেই সকল খণ্ড পূর্বপ্রস্তুত কুম্ভসকলের মধ্যে গূঢ়রূপে স্থাপিত করিয়া সাবধানে রক্ষা করিতে লাগিলেন। ভগবান বাস, গান্ধারীকে কহিলেন, হে সৌভাগ্যি ! আর দুই বৎসরের পর এই সকল কুম্ভ উদ্ঘাটন করিও। ইহা বলিয়া মহর্ষি তপস্যা করিবার নিমিত্ত হিমাচলে প্রস্থান করিলেন।

অনন্তর দুই বৎসর অতীত হইলে, প্রথমতঃ তুর্যোধন জন্মিল, ঐ দিবসেই মহাবল পরাক্রান্ত ভীমসেনের জন্ম হয়। যুধিষ্ঠির জন্মানুসারে সর্বজ্যেষ্ঠ হইলেন। ছুরাঙ্গা তুর্যোধন জাতমাত্র গর্দভের ন্যায় কর্কশ ধনি করিতে আরম্ভ করিল; গর্দভ, গৃধ, গোমায়ু, বায়স-প্রভৃতি অমঙ্গলসূচক জন্তুগণ সেই ধনি শ্রবণ করিয়া ভয়ানকদরে চীৎকার করিতে লাগিল। সেই সময়ে বায়ু প্রবলবেগে বহিতে লাগিল; দিগ্‌দাহ আরম্ভ হইল; ফলতঃ তৎকালে অশেষবিধ অমঙ্গলসূচক ঘটনা উপস্থিত হইল। রাজা ধৃতরাষ্ট্র তদর্শনে সাতিশয় তীত ও ব্যাকুল হইয়া বিজ্ঞ ব্রাহ্মণগণ, তীর্থ, বিদুর, অন্যান্য সূক্তদাগ ও কুরুগণকে ডাকাইয়া কহিলেন, মহাশয়েরা সকলে উপস্থিত আছেন, রাজপুত্র যুধিষ্ঠির সর্বজ্যেষ্ঠ ও গুণবান, অতএব এ রাজ্য তিনিই পাইবেন, তদ্বশয়ে আমার কিছুই বক্তব্য নাই; এক্ষণে এই জিজ্ঞাস্য, যে আমার এই জ্যেষ্ঠ পুত্র যুধিষ্ঠিরের পর রাজ্যভাঙ্ক হইবে কি না? আপনারা কি বিবেচনা করেন বলুন। ধৃতরাষ্ট্রের বাক্যা-

বসান হইলে ভয়ঙ্কর ক্রব্যাদাগ ডাকিতে লাগিল, অমঙ্গলসূচক শিবাগণ কর্কশ ধনি করিতে আরম্ভ করিল। ব্রাহ্মণগণ ও ধীমান বিদুর সেই সমস্ত দুর্নিমিত্ত লক্ষ্য করিয়া কহিলেন, রাজন্! আপনার জ্যেষ্ঠ পুত্র জন্মিবামাত্র এই সকল দুর্নিমিত্ত উপস্থিত হইল, অতএব স্পষ্টই বোধ হইতেছে যে, এই ছুরাঙ্গাহইতেই কুরুকুল ধ্বংস হইবে। আমাদের মতে ইহাকে পরিত্যাগ করাই কর্তব্য; রাখিলে মহান্ অনর্থ ঘটবে। মহীপাল! যদি বংশ রক্ষা করিবার বাসনা থাকে, তবে এই ছুরাঙ্গাকে পরিত্যাগ করিয়া অপর একোনশত পুত্রের সহিত সুখে কাল যাপন করুন। ইহাকে পরিত্যাগ করিলেই তোমার বংশের ও জগতের মঙ্গল করা হয়। শাস্ত্রকারেরা কহিয়া গিয়াছেন, যদি এক জনকে পরিত্যাগ করিলে কুল রক্ষা হয়, তাহা অবশ্যই করিবে; যদি কুল পরিত্যাগ করিলে গ্রাম রক্ষা হয়, তাহা করা কর্তব্য; গ্রাম পরিত্যাগ দ্বারা যদি জনপদ রক্ষা হয়, তাহা করা উচিত এবং সমস্ত পৃথিবী পরিত্যাগ করিলেও যদি আত্মরক্ষা হয়; তাহাও বিধেয়। তাঁহারা সেই সত্বপদেশ প্রদান করিলেও রাজা ধৃতরাষ্ট্র পুত্রস্নেহবশতঃ তাঁহাদের বাক্যানুসারে কার্য করিলেন না। তুর্যোধনের জন্মের কিয়দিন পরে ধৃতরাষ্ট্রের অপর উনশত পুত্র ও এক কন্যা জন্মিল। ফলতঃ এক মাসের মধ্যেই ধৃতরাষ্ট্রের শত পুত্র ও এক কন্যা সমুৎপন্ন হইল।

যৎকালে গান্ধারী গর্ভবতী ছিলেন, তখন তিনি গর্ভভারাক্রান্ত হইয়া নিতান্ত ক্লিষ্টমান হন। সেই সময় এক জন বৈশ্য ধৃতরাষ্ট্রের পরিচর্যায় নিযুক্ত ছিল। ঐ বৈশ্য ধৃতরাষ্ট্রের সহযোগে গর্ভবতী হয় এবং যৎকালে এক পুত্র সন্তান প্রসব করে; ঐ পুত্রের যুযুৎসু নাম হইয়াছিল।

হে রাজন্! এইরূপে ধীমান ধৃতরাষ্ট্রের,

গাঙ্গারীকে কহিলেন, বৎসে! এই শত
ভাগ তোমার শতপুত্ররূপে পরিণত হইবে;
আর এই যে এক ভাগ অবশিষ্ট রহিল, ই-
হাতে তুমি এক কন্যাও উৎপন্ন দেখিবে
এবং তাহার গর্ভে যে পুত্র জন্মিবে তদ্বারা
তোমাদের দৌহিত্রজনিত লোক প্রাপ্তি
হইবে। এই বলিয়া মহর্ষি আর এক ঘৃত-
পূর্ণ কুম্ভ আনাইয়া তন্মধ্যে সেই কন্যা-
ভাগ রক্ষা করিলেন। হে মহারাজ! এই
দুঃশলার জন্মবৃত্তান্ত কথিত হইল; অতঃপর
কি বর্ণন করিতে হইবে, বলুন।

বৈশম্পায়ন কহিলেন, মহারাজ! উক্তম
প্রশ্ন করিয়াছেন, শ্রবণ করুন। মহাতপাঃ
ভগবান্ ব্যাস শীতল জল সেচন দ্বারা সেই
মাংসপেশীকে এক এক ভাগ করিলেন।
ধাত্রী সেই সকল ভাগ লইয়া একে একে
এক এক ঘৃতকুম্ভমধ্যে রাখিতে লাগিল।
সেই সময় গাঙ্গারী মনে মনে চিন্তা করি-
লেন, মহর্ষিবাচ্য কখনই মিথ্যা হইবার
নহে, অবশ্যই আমার এক শত পুত্র হইবে।
কিন্তু যদি আমার এক কন্যা জন্মিত, তাহা
হইলে পরম পরিতোষের বিষয় হইত,
আমার পতি দৌহিত্রজনিত লোক প্রাপ্ত
হইতেন, আমিও পুত্র দৌহিত্র লইয়া
সুখস্বচ্ছন্দে সংসারযাত্রা নির্বাহ করিয়া
রুতরুত্যা হইতাম। আমি যদি কখন ত-
পস্যা, দান, হোম বা গুরুজনসেবা করিয়া
থাকি, তাহা হইলে সেই পুণ্যবলে যেন আ-
মার এক কন্যা হয়। গাঙ্গারী এই রূপ চিন্তা
করিতেছেন, এমন সময়ে মহর্ষি ব্যাস তাঁ-
হার আশ্চর্যিক ভাব বুঝিয়া সেই সকল
ভাগ গণনা করিয়া দেখিলেন, শতাপেক্ষায়

এক ভাগ অধিক হইয়াছে। তখন তিনি
গাঙ্গারীকে কহিলেন, বৎসে! এই শত
ভাগ তোমার শতপুত্ররূপে পরিণত হইবে;
আর এই যে এক ভাগ অবশিষ্ট রহিল, ই-
হাতে তুমি এক কন্যাও উৎপন্ন দেখিবে
এবং তাহার গর্ভে যে পুত্র জন্মিবে তদ্বারা
তোমাদের দৌহিত্রজনিত লোক প্রাপ্তি
হইবে। এই বলিয়া মহর্ষি আর এক ঘৃত-
পূর্ণ কুম্ভ আনাইয়া তন্মধ্যে সেই কন্যা-
ভাগ রক্ষা করিলেন। হে মহারাজ! এই
দুঃশলার জন্মবৃত্তান্ত কথিত হইল; অতঃপর
কি বর্ণন করিতে হইবে, বলুন।

• সপ্তদশাধিক শততম অধ্যায়।

জনমেজয় কহিলেন, হে বিপ্রর্ষে! জ্যেষ্ঠা-
নুজ্যেষ্ঠতাক্রমে ধৃতরাষ্ট্রের পুত্রগণের নাম
আনুপূর্বিক কীর্তন করুন।

বৈশম্পায়ন কহিলেন, মহারাজ! শ্রবণ
করুন, ত্র্যয়োধন, যুয়ুৎসুরাজা, দুঃশাসন,
দুঃসহ, দুঃশল, জলসন্ধ, সম, সহ, বিন্দ, অ-
নুবিন্দ, দুর্ধর্ষ, সুবাহু, দুষ্পুর্ধর্ষণ, দুর্শর্ষণ, দু-
শ্মুধ, দুষ্কর্ণ, কর্ণ, বিবিংশতি, বিকর্ণ, শল, সত্ব,
সুলোচন, চিত্র, উপচিত্র, চিত্রাক্ষ, চাক্ষুচিত্র,
শরাসন, দুর্শ্মদ, দুর্ধ্বিগাহ, বিবিৎসু, বিক-
টানন, উর্গনাভ, সুনাত, নন্দ, উপনন্দক,
চিত্রবাণ, চিত্রবর্মা, সুবর্মা, দুর্ধ্বিমোচন,
অয়োবাহু, মহাবাহু, চিত্রাক্ষ, চিত্রকুণ্ডল,
ভীমবেগ, ভীমবল, বলাকী, বলবন্ধন, উ-
গ্রাশ্বুধ, সুষেণ, কুণ্ডধার, মহোদর, চিত্রায়ুধ,
নিষন্দী, পাশী, বৃন্দারক, দৃঢ়বর্মা, দৃঢ়কজ,
সোমকীর্তি, অনুদর, দৃঢ়সন্ধ, জরাসন্ধ, সত্য-
সন্ধ, সদ, সুবাকু, উগ্রশ্রবাঃ, উগ্রসেন, দুষ্প-
রাজয়, অপরাঞ্জিত, কুণ্ডশারী, বিশালাক্ষ,
তুরাধর, দৃঢ়হস্ত, সুহস্ত, বাতবেগ, সুবর্চাঃ,
আদিত্যকেতু, বহ্মাশী, নাগদত্ত, অগ্রযারী,
কবচী, ক্রধন, কুণ্ড, ধনুর্ধর, উগ্র, ভীম-
রথ, বীরবাহু, অলোলুপ, অতয়, অ-
নাধ্বা, কুণ্ডভেদী, বিরাবী, চিত্রকুণ্ডল,

প্রমথ, প্রমাথী, দীর্ঘরোম, দীর্ঘবাহু, বা-
চোরু, কনকধ্বজ, কুণ্ডালী, বিরজাঃ এই এক
শত পুত্র ও চুঃশলানাম্নী কন্যা ধৃতরাষ্ট্রের ঔর-
সে গাঙ্কারীর গর্ভে জন্মে। ইহাদের নামধেয়
আনুপূর্বিক কীর্তিত হইল। পুত্রগণ সক-
লেই অতিরথ, শূর, যুদ্ধবিদ্যাশিখারদ, বে-
দবেত্তা ও সর্বাঙ্গনিপুণ হইয়াছিল। রাজা
ধৃতরাষ্ট্র যথাকালে নানা দেশ হইতে পরী-
ক্ষিত পরম সুন্দরী কামিনীগণ আনাইয়া
তাহাদের সহিত নিজপুত্রগণের বিবাহ দি-
লেন; এবং চুঃশলাকন্যা সিন্ধু দেশাধিপতি
জয়দ্রথকে সম্প্রদান করিলেন।

অষ্টাদশাধিক শততম অধ্যায়।

জনমেজয় কহিলেন, হে তপোধন!
ব্যাসবরজনিত ধৃতরাষ্ট্রসন্তানগণের জন্ম
ও তাহাদের প্রত্যেকের নাম আনুপূর্বিক
আপনার নিকট শ্রবণ করিলাম; এক্ষণে
পাণ্ডবদিগের জন্ম বৃত্তান্ত কীর্তন করুন,
আপনি দেবগণের অংশাবতরণ বর্ণন স-
ময়ে কহিয়াছেন যে, ইন্দ্রসম পরাক্রান্ত
মহাত্মা পাণ্ডবগণ দেব অংশে জন্ম গ্রহণ
করেন, এক্ষণে সেই মহাত্মাদিগের জন্ম-
বৃত্তান্ত সবিশেষ কীর্তন করিয়া আমার অভি-
লাষ পূর্ণ করুন।

বৈশম্পায়ন কহিলেন, মহারাজ! শ্রবণ
করুন, একদা যুগয়াবিহারী মহীপথল পাণ্ডু
যুগব্যালসেবিত মহারণ্যমধ্যে ভ্রমণ করি-
তেছিলেন, এমত সময়ে দেখিতে পাইলেন,
এক যুগযুথপতি তথায় যুগীর সহিত ক্রীড়া-
রসে ব্যাপ্ত রহিয়াছে। তিনি যুগ ও যুগী-
কে এক বারে প্রমত্ত দেখিয়া তাহাদের উপর
উপর্যুপরি পাঁচ বধ নিষ্ফেপ করিলেন।
মহারাজ! ঐ যুগ প্রকৃত যুগ নহে, মহা-
ভেজাঃ এক ঋষিপুত্র; ঋষিতনয় ভার্য্যার
সহিত যুগরূপ পরিগ্রহ করিয়া পরম সুখে
ক্রীড়া করিতেছিলেন, পাণ্ডুর বজ্রসম শরা-
ঘাতে ব্যাকুলেঞ্জিয় হইয়া তৎক্ষণাৎ ধরা-

ত
কা
বৈন, মহারাজ
পাণ্ডুর
সন্ত
পরা
অকলঙ্ক কুলে জন্ম
করিলে। রাজা
নাশ হয় না, কিন্তু বিধি
হইয়া থাকে, অতএব বিধিবিরুদ্ধ কার্যো
হস্তক্ষেপ করা ভবাদৃশ প্রাজ্ঞ লোকের কর্তব্য
নহে। পাণ্ডু কহিলেন, রাজাদিগের শক্র-
বধ যেমন কর্তব্য, যুগবধও সেই রূপ ক-
র্তব্য; প্রচ্ছন্ন বা প্রকাশ্যই হউক, যুগ পাই-
লেই বধ করিবে। দেখ, মহর্ষি অগস্ত্য
যজ্ঞানুষ্ঠানজন্য যুগয়া করিয়াছিলেন।
যুগবসা দ্বারা তাঁহার হোমকার্য্য নিরূহ
হইয়াছিল; অতএব আমাকে আর বৃথা
তিরস্কার করিও না। যুগ কহিল, রাজন্!
যাহা কহিলেন, যথার্থ বটে, কিন্তু ব্যসন-
সময়ে শক্রের উপর শর নিষ্ফেপ করা
প্রাজ্ঞ লোকের কর্তব্য নহে; ন্যায়যুদ্ধেই
শক্র বধ করিবার বিধি প্রদান করিয়াছে-
ন। পাণ্ডু কহিলেন, মত্ত ভীত বা পলা-
য়িত শক্রকে বধ করাই অবিধেয়, কিন্তু
ভুবাদৃশ যুগ বধ করা কেমন ক্রমেই অবিধেয়
নহে। যুগ কহিল, মহারাজ! তুমি আমাকে
যে যুগক্রমে বধ করিয়াছ, তাহাতে তো-
মাকে দোষ দিতে কদাচ পারি না, কিন্তু
আমার বিহারবিরতিকাল প্রতীক্ষা করা
তোমার অবশ্যই উচিত ছিল। কেমন তদ্র
লোক অসময়ে ইন্দ্রিয়সক্ত যুগকে বধ
করিয়াছে? হে রাজেন্দ্র! আমি পুরুবার্ধ-
কললিন্দু হইয়া এই যুগীতে আসক্ত
হইয়া ছিলাম, -তুমি আমাকে তথিবরে
নিতান্ত নিরাশ ও একান্ত বঞ্চিত করিলে।
মহারাজ! তুমি অনিন্দ্যকর্মাঃ পৌরবদি-

গের নিপনতুলে কহিয়াছ, তোমার এতাদৃশ
নৃশংস, পোকবিপাকিত, অশুভা, অবশকর,
অধাশ্রিত কর্ম করা কোন ক্রমেই সম্ভব ও
উচিত হয় নাই। তুমি দাস্ত্রভ, ধর্মার্থত-
দ্রুত ও স্তম্ভিকোবিত; তোমার ঈদৃশ ছ-
কর্ম করা অত্যন্ত অবিধেয় হইয়াছে।
হে পার্শ্ববেত্র! নৃশংসচারী পাপপরায়ণ
ধর্মার্থকামবিহীন ছুরাচারগণের দণ্ড বিধান
করা তোমার কর্তব্য, তাহা না করিয়া এই
অসদনুষ্ঠানে প্রবৃত্ত হইয়া স্বয়ংই দণ্ডার্থ
হইলে। হেনরনধ! আমি ফলমূলাহারী
অরণ্যবাসী নিরপরাধ মুনি, মৃগবেশ ধারণ
করিয়া বিহার করিতেছিলাম, আমাকে
মারিয়া তুমি কি ছকর্ম করিলে। হেরাজন্!
তুমি যেমন আমাকে ভার্য্যার সহিত অপ-
বিত্র সময়ে বধ করিলে, আমিও শাপ দি-
তেছি, তোমারও ঈদৃশ অপবিত্র সময়ে
মৃত্যু হইবে। আমি তপোনিরত মুনি;
আমার নাম কিন্দম, আমি লোকলজ্জাতয়ে
মৃগরূপ ধারণপূর্বক গহনবনে আসিয়া এই
মৃগীতে আসক্ত হইয়াছিলাম, তুমি আ-
মাকে ব্রাহ্মণ বলিয়া জানিতে পার নাই।
মৃগভ্রমেই আমার উপর শর নিক্ষেপ করি-
য়াছ, এনিমিত্ত তোমার ব্রহ্মহত্যার পাপ
হইবে না, কিন্তু সংগমসময়ে আমাকে
বধ করাতে তোমার যে পাপ হইয়াছে,
তাহার ফল অবশ্যই তোমাকে ভোগ ক-
রিতে হইবে। তুমি যে সময়ে স্ত্রীসংসর্গ
করিবে, সেই সময়েই তোমার মৃত্যু হইবে।
তুমি যে পত্নীর সহিত সংসর্গ করিয়া কাল-
গ্রাসে পতিত হইবে, তিনি ভক্তভাবে
তোমার সহপামিনী হইবেন। হেরাজন্!
তুমি যেমন সুখের সময় আমাকে চুঃখিলে,
সেই রূপ তোমাকেও সুখকালে চুঃখ পা-
ইতে হইবে।

হেরাজন্! তুমি কখনোই আমাকে
বধকারী মুনি-পাণ্ডুকে এই প্রকার শাপ

প্রদান করিয়া গ্রাণ ত্যাগ করিলেন। নরপতি
পাণ্ডু তদর্শনে মাতিশয় চুঃখিত হইলেন।

উনবিংশত্যাধিক শততম অধ্যায় ।

বৈশম্পায়ন কহিলেন, মহারাজ! পাণ্ডু
স্বীয় বাহুবের ন্যায় সেই মৃগরূপী তপোধনকে
পরিত্যাগ করিয়া চুঃখিতচিত্তে ভার্য্যার স-
হিত নানাপ্রকার শিলাপাণ্ড ও পরিচাপ ক-
রিতে লাগিলেন। তৎকালে তাঁহার মনো-
মধ্যে উদয় হইল যে, যৎখেচ্ছাচারী ছুরাচারী
সদৃশে জন্ম গ্রহণ করিলেও আপন কর্মদোষে
অশেষবিধ দুর্গতি ভোগ করে। শুনিয়াছি,
আমার পিতা পরম ধর্মাত্মার গুরসে জন্ম-
গ্রহণ করিয়া ছিলেন, তিনি নিতান্ত কাম-
পরায়ণতাপ্রযুক্ত বাল্য কালেই কালগ্রাসে
পতিত হইয়াছেন। বাচংযম ভগবান্ কৃষ্ণ-
দ্বৈপায়ন সেই কামাত্মা নরপতির ক্ষেত্রে আ-
মাকে উৎপাদন করিয়াছেন। হায়! সেই
মহাত্মার পুত্র হইয়াও দুর্কর্মে অতি-
গর্হিত মৃগয়া ব্যসনের নিমিত্ত বনে বনে ভ্রমণ
করিতেছি। সম্প্রতি ব্যাসপ্রণীত স্মৃতির
অনুবর্তী হইয়া মোক্ষধর্ম আচরণ করিব,
যেহেতু সংসারবন্ধন অপেক্ষা ক্লেশকর আর
নাই। আমি অদ্যাবধি কঠোর তপস্যায়
মনোনিবেশ করিব। ভার্য্যা ও অন্যান্য ব-
ন্ধুবান্ধবগণ পরিত্যাগ করিয়া একাকী আ-
শ্রমে আশ্রমে পরিভ্রমণ করিব। ইষ্টানিষ্ট
পরিত্যাগপূর্বক ধূলিধূসরিত কলেবর হইয়া
শূন্যগৃহে বা বৃক্ষমূলে শয়ন করিয়া থাকিব।
কি শোক কি হর্ষ কি ছুরই বশমদ হইব না।
নিন্দা ও প্রশংসা উভয়কেই সমান জ্ঞান ক-
রিব। কাহারও আশীর্বাদ বা নমস্কার গ্রহ-
ণেচ্ছ হইব না। সুখদুঃখের বশীভূত হইব
না, কাহাকেও উপহাস বা ক্রকুটি প্রদর্শন
করিব না। সর্কমা প্রসন্নবদন ও সর্কভূতের
হিতকার্য্যে তৎপর থাকিব। কি স্থাবর কি
জঙ্গম কাহারও হিংসা করিব না। সকল
প্রাণিককে আপনায় সন্তানের ন্যায় দে-

ধিব । জীবন ধারণের নিষিদ্ধ বৃক্ষসকলের নিকট ভিক্ষা চাহিব । যদি তাহারা ভিক্ষা না দেয়, তবে এক কালে পাঁচ জন গৃহস্থের বা-
 টিতে উৎসর্গে দশ জনের গৃহে ভিক্ষা ক-
 রিব । তাহাতে যাহা প্রাপ্ত হইব, অতি অল্প
 হইলেও তাহারাই জীবন ধারণ করিব । অ-
 ধিক লাভের আশয়ে দশ গৃহের অধিক স্থলে
 ভিক্ষা করিব না । যে দিবস দশ গৃহে ভিক্ষা
 করিয়াও কিছুই পাইব না, সে দিন উপবাস
 করিয়া থাকিব । কৃতি ও ক্ষমত সমান জ্ঞান
 করিব । বাস্পয়ারি দ্বারা এক বাহু সিন্ধু
 করিব । অন্য বাহুতে চন্দন লেপন করিব ।
 কি মঙ্গল, কি অমঙ্গল কিছুই চিন্তা করিব
 না । কোন মাতুলিক জিয়ার অনুষ্ঠান ক-
 রিব না । ধর্মার্থলিপ্সা পরিত্যাগ করিব ।
 সকল পাপহইতে বিমুক্ত হইব । সমুদায়
 বন্ধন অতিক্রম করিব । কাহারও বশীভূত
 হইব না । স্বীয় অভিলাষ পূর্ণ করিবার নি-
 মিত্ত নিস্তেজ লোকের মত কাহারও সেবা
 করিব না, কারণ, উপাসনা দ্বারা বশীকৃত
 লোকের নিকটহইতে অতি সম্মানপূর্বক
 স্বাভিলাষিত দ্রব্য লাভ করিলেও শ্রুতি অ-
 বলহীন করা হয় । কলতঃ একগণে আমার
 এই স্থির নিশ্চয় যে, অতি অকিঞ্চিৎকর অ-
 চিরস্থায়ী বিবরতোগস্থখে এক কালে জ-
 লাঞ্জলি প্রদানপূর্বক মুক্তিপথ অবলম্বন ও
 মানসিক ভূমানন্দ অনুভব করিয়া চরমে
 মুক্তিপথ লাভ করিব ।

পাণ্ডু সাতিশর স্তম্ভখিতচক্রে এই প্র-
 কার বিলাপ করত কুন্তী ও মাদ্রীকে
 জাহিরা কহিলেন, তোমরা হস্তিনানগরে
 গমনপূর্বক কৌশল্যা, বিদুর, বকস্বয়-রাজা
 স্তম্ভরাজ, আর্ষা সত্যবতী, ভীষ্ম, রাজপুত্রো-
 বিজয়সিংহ, মোহনপারী পংসিত্ত্বত, বকরা
 ভ্রাতৃসকল, ও অশ্বখাণ্ডিত পৌত্রবর্জিতক
 লস্কর করিয়া এই কথা কহিবে, যে সাতশ
 রাজ্যসকল পরিভ্রম করিয়া পর্য্যায়সর্বপ্রথম

করিয়াছেন ; আর গৃহে আসিবেন না । স্বা-
 মীর বনবাসে একান্ত অতিলাষ জানিয়া
 কুন্তী ও মাদ্রী তৎকালোচ্চিত্ত ! বিনয়বচনে
 কহিলেন, মহাদ্রাজ ! সম্যাসাধ্রম ব্যতীত অ-
 ন্যান্য অনেক আশ্রম আছে, তাহাতে সস্ত্রীক
 হইয়াও ধর্ম্মাচরণ করিতে পারা যায় ; আ-
 পনি তাহার মধ্যে কোন আশ্রম আশ্রয় ক-
 রিয়া আমাদের সহিত তপস্বী করুন ; প-
 রিশেষে কল্বেবর পরিত্যাগ করিয়া স্বর্গে
 গমন করত তথায় আধিপত্য করিতে পা-
 রিবেন । আমরাও আপনার সহিত ইন্দ্রিয়-
 গ্রাম সংযমনপূর্বক ভোগাভিলাষে জলা-
 ঞ্জলি প্রদান পূর্বক তর্জলোক প্রাপ্ত্যাশয়ে
 কঠোর তপস্বী করিব । আর যদি আপনি
 তাহা না করিয়া নিতান্তই আমাদের প-
 রিত্যাগ করেন, তাহা হইলে অদ্যই আমরা
 প্রাণ পরিত্যাগ করিব, নন্দেহ নাই ।

পাণ্ডু কহিলেন, যদি তোমাদের আমার
 সঙ্গে বাস করিয়া তপস্বী করিতে নিতান্তই
 বাসনা হইয়া থাকে, তবে অদ্যাবধি গ্রাম্য-
 মুখ পরিত্যাগ, বস্ত্রল ধারণ, ফলমূল
 ভক্ষণ, উত্তর সন্ধ্যায় হোম ও স্নান, পরিমি-
 তাহার, চীর চর্ম্ম ও জটা ধারণ, শীতবাতাতপ-
 ক্লেশসহ, কুৎপিপাসায় অনবধান, ইন্দ্রিয়-
 সংরমন, এবং বন্য কল, জল ও মন্ত্রদ্বারা
 দেবগণ ও পিতৃগণের তর্পণ করত দুষ্কর
 তপোমুষ্ঠান দ্বারা শরীর শুষ্ক করিতে থাক ।
 কি বানপ্রস্থগণ, কি আশ্রয় ব্রাহ্মণগণ, কি
 অন্যান্য গ্রামবাসিনগণ, কাহারও সহিত
 সাক্ষাৎকার বা কাহার কোন অপ্রিয়চরণ
 করিবে না ; এইরূপে কঠোর আশ্রয় শাস্ত্র-
 বিধান অবলম্বনপূর্বক বাবজীবন কাল
 বাপন করিবে ।

মহারাজ পাণ্ডু সাতশবর্জকে এই কথা
 বলিয়া চতুর্মণি, মিত্র, অক্ষয়, কুণ্ডল, বহা-
 হুল্য বসন ও স্ত্রীবিহীন আশ্রয়প্রার্থিত স-
 হুবার প্রবেশ বিগ্রহগণকে প্রদানপূর্বক কহি-

লেন, আপনারা হস্তিনাপুরে গমন করিয়া
কহিবেন যে, পাণ্ডু বনে প্রত্যুত্থা গ্রহণ করি-
রাছেন, আর তথা হইতে প্রত্যাগমন করি-
বেন না । তাঁহাদিগকে এই প্রকার আদেশ
করিয়া নরপতি পাণ্ডু অর্ধ, কাম, রতি,
সুখপ্রভৃতি সমুদায় পরিত্যাগপূর্বক প-
ত্নীদ্বয় সমভিব্যাহারে লইয়া তথাহইতে
প্রস্থান করিলেন । অশুচর ও পরিচারকগণ
তাঁহার বিবিধ করুণ বাক্য শ্রবণে সাতিশয়
বিষন্ন হইয়া উচ্চৈঃস্বরে হাহাকার করিতে
লাগিল । পরে তৎপ্রদত্ত সমুদায় ধন গ্রহণ-
পূর্বক অশ্রুপূর্ণনয়নে হস্তিনানগরে গমন
করিয়া মহারাজ ধৃতরাষ্ট্রের সমীপে সমুদায়
বৃত্তান্ত আনুপূর্বিক বর্ণন করিল এবং তদন্ত
সমুদায় সম্পত্তি সমর্পণ করিল । ভূপতি ধৃত-
রাষ্ট্র তাহাদের মুখে পাণ্ডুর বনবাসবৃত্তান্ত
শ্রবণ করিয়া একান্তে বিষন্নমনাঃ হইয়া আ-
হার বিহার, শয়নপ্রভৃতি সমুদায় সুখ প-
রিত্যাগপূর্বক দিনযামিনী কেবল চিন্তা
মাগরে নিমগ্ন রহিলেন ।

এদিকে মহীপতি পাণ্ডু কেবল বন্য ফল-
মূলমাত্র আহার দ্বারা কথঞ্চিৎ জীবন ধারণ
করিয়া পত্নীদ্বয় সমভিব্যাহারে নাগশত নামা
পর্বতে উপস্থিত হইলেন । তৎপরে নাগশত-
হইতে চৈত্ররথ, তথাহইতে কালকুট, তথা-
হইতে হিমালয় ও হিমালয়হইতে গন্ধমাদন
পর্বতে গমন করিলেন । পাণ্ডু নৃপতি মহা-
ভূত, সিদ্ধ ও পরমর্ষিগণকর্তৃক রক্ষিত
হইয়া সমবিষমস্থলে বাস করত এক স্থান-
হইতে স্থানান্তরে গমন করিতে লাগিলেন ।
তদনন্তর তিনি গন্ধমাদনহইতে ইন্দ্রদ্বায়
নরোবরে ও তথাহইতে হংসকূটে গমন ক-
রিলেন । পরে, হংসকূট অতিক্রম করিয়া
শতশৃঙ্গ গমন করত তথায় অমর্যম্বনা হ-
ইয়া তপস্কর করিতে লাগিলেন ।

বিংশতমোঃ পাতালঃ ।

শতশৃঙ্গ গমন করত তথায় অমর্যম্বনা হইয়া

শতশৃঙ্গ, অনহরত, সংযতান্না ও জিতেন্দ্রিয়
হইয়া সেই শতশৃঙ্গপর্বতে কঠোর তপস্বী
করিতে আরম্ভ করিলেন । তিনি সিদ্ধচারণ-
গণের শ্রিয় পাত্র ও তপোবলে সশরীরে স্বর্গে
গমন করিতে সমর্থ হইলেন । শতশৃঙ্গবাসী
সিদ্ধচারণগণ, কেহ তাঁহাকে পরম স্তম্ভং,
কেহ বা সোমর ভ্রাতা, কেহ বা পুত্র বলিয়া
জ্ঞান করিতেন । পাণ্ডু এইরূপে তথায় বহু
কাল তপোমুষ্ঠান করিলেন, তপস্যাদ্বারা তাঁহার
সমস্ত পাপ বিনষ্ট হইল এবং তিনি মহাপ্র-
ভাবশালী ব্রহ্মর্ষির তুল্য হইয়া উঠিলেন ।

একদা শতশৃঙ্গবাসী শংসিতব্রত মহ-
র্ষিগণ একত্র হইয়া ভগবান্ ব্রহ্মাকে দর্শন
করিবার নিমিত্ত ব্রহ্মলোকে গমন করিতে-
ছিলেন, এমত সময়ে পাণ্ডু তাঁহাদিগের
নিকটে গিয়া কহিলেন, মহর্ষয়েরা কোথা
গমন করিতেছেন? মহর্ষিগণ কহিলেন,
অদ্য অমাবস্যা, ব্রহ্মলোকে দেবগণ, ঋষি-
গণ ও পিতৃগণের মহান্ সমবায় হইবে ;
আমরা সর্বলোকপিতামহ ভগবান্ ব্রহ্মাকে
দর্শন করিতে তথায় যাইতেছি । পাণ্ডু মহ-
র্ষিগণের বাক্য শ্রবণ করিষামাত্র তাঁহাদের
সহিত স্বর্গোপরি গমন করিবার নিমিত্ত সা-
তিশয় কৌতুহলাক্রান্ত হইয়া সুহসা গাত্রো-
থানপূর্বক পত্নীদ্বয়কে সমভিব্যাহারে ল-
ইয়া তাঁহাদের সহিত উত্তরমুখে গমন ক-
রিতে লাগিলেন ।

মহর্ষিগণ পাণ্ডুকে সুরলোকে গমনোন্মুখ
দেখিয়া কহিলেন, হে মহাত্মন । আমরা এই
পর্বতের উপর্যুপরি ক্রমিক উত্তরমুখে গমন
করিয়া দেখিয়াছি, ইহার কোন কোন স্থানে
অনেকানেক দুর্গ ও দেশসকল শোভা পাই-
তেছে । কোন কোন স্থলে দেবতা, গন্ধর্ভ ও
স্বপ্নাদিগের বিহারস্থি আছে ; কোথাও
বা শত শত বিহার সংস্থাপিত রহিয়াছে ;
কোন কোন স্থলেও সংগীতসাদৃশ্যা-
রসগায়কগণ বিরত বীণা, মণ্ডর, কুন্ড-

প্রভৃতি মধুর বঙ্গসকল সংবাদনপূর্বক গান করিতেছেন; কোথাও কুবেরোদ্যান, কোথাও মহানদী, কোথাও বা গিরিগঙ্গর-সকল বিরাজমান রহিয়াছে। এই পর্বতে স্থানে স্থানে দুর্গম গিরিগঙ্গর, স্থানে স্থানে বহুসংখ্যক দুর্গ আছে। মধ্যে মধ্যে এমত অনেকনেক প্রদেশ আছে, যাহাতে পশু পক্ষী বৃক্ষ লতাপ্রভৃতি কিছুই নাই। হে ভরতকুল প্রদীপো! এই সকল ভয়ানক প্রদেশে অন্যান্য জন্তুর কথা দূরে থাকুক, পক্ষীও যাইতে পারে না। কেবল বায়ু ও সিদ্ধ মহর্ষিগণই গমনাগমন করেন। এই স্কুমারাজী, অচুঃখোচিতা রাজপুত্রীরা কিপ্রকারে এই দুর্গম পর্বত অতিক্রম করিবেন। হে মহাজ্ঞান! নিরুত্ত হও, আমাদিগের সহিত গমন করিও না।

পাণ্ডু মহর্ষিগণের বাক্য শ্রবণে তাহাঁদের অভিপ্রায় বুঝিতে পারিয়া কহিলেন, হে মহাতাগগণ! অপত্যবিহীন লোকের স্বর্গে অধিকার নাই; আমি অনপত্য, পিতৃলোকের ঋণহইতে মুক্তহইতে পারি নাই, এনিমিত্ত আমার মন সর্বদা চুঃখানলে দগ্ধ হইতেছে; আমার জীবন বিভ্রম্না মাত্র। মনুষ্য জন্মিবামাত্র দেবঋণ ঋষিঋণ পিতৃঋণ ও মনুষ্যঋণ, এই চতুর্বিধ ঋণে ঋণবান হয়। এই সমস্ত ঋণ যথাকালে পরিশোধ করা কর্তব্য। স্বজ্ঞ দ্বারা দেবঋণহইতে, রেদাধ্যয়ন ও তপস্বী দ্বারা ঋষিঋণহইতে, পুত্রোৎপাদন ও প্রাক্ত তর্পণাদি দ্বারা পিতৃঋণ হইতে এবং অনুশংস্চরণ দ্বারা মনুষ্যঋণ হইতে বিনির্মুক্ত হয়। যে ব্যক্তি এই সকল ঋণ পরিশোধ করিতে অসম্মত হয়, তাহার সর্গাতি লাভ হয় না। হে তাপসগণ! আমি দেবঋণ, ঋষিঋণ ও মনুষ্যঋণ পরিশোধ করিরাছি, কিন্তু পিতৃঋণহইতে একটুপি মুক্ত হইতে পারি নাই। অতএব জিজ্ঞাসা করি, মহর্ষি বৃকধিপায়ন যে কালে

আমার পিতার ক্ষেত্রে আমাকে উৎপাদন করিয়াছেন, সেইকালে আমার ক্ষেত্রে কি অপত্য উৎপাদনের কোন উপায় আছে? তাপসগণ কহিলেন, হে ধর্মান্ধন! আমরা দিব্য চক্ষু দ্বারা দেখিতেছি, তোমার দেবতুল্য পরম সুন্দর পুত্র হইবে। তুমি পুত্রলাভার্থ প্রযত্ন কর, অবশ্যই তোমার ক্ষেত্রে অশেষ গুণসম্পন্ন অপত্য জন্মিবে।

পাণ্ডু তাপসগণের বাক্য শ্রবণানন্তর অপত্যোৎপাদনশক্তির বিনাশকর মৃগশাপ স্মরণ করিয়া সাতিশয় ব্যাকুল হইলেন। অনন্তর যশস্বিনী ধর্মপত্নী কুন্তীকে নির্জনে ডাকিয়া কহিলেন, হে কুন্তি! তুমি এই আপৎকালে অপত্যোৎপাদনে যত্নবতী হও। ধর্মবাদী পণ্ডিতগণ কহিয়াছেন, অপত্য বংশের প্রতিষ্ঠা; কি দান, কি তপঃ, কি বিনয়, অনপত্য ব্যক্তির কিছুই সকল হয়না, আমি সন্তান বিদীন, আমার শুভ লোক প্রাপ্তি হইবার কোন সম্ভাবনা নাই। হে চারুহাসিনি! তুমি জ্ঞাত আছ, যে মৃগশাপে আমার পুত্রোৎপাদনশক্তি প্রলম্ব হইয়াছে, সুতরাং অন্য উপায় দ্বারা অপত্যোৎপাদনে যত্ন করিতে হইবে। হে পুণ্ডে! ধর্মশাস্ত্রমতে ছয় প্রকার বন্ধুদায়াদ ও ছয় প্রকার অবন্ধুদায়াদ পুত্র আছে, স্বয়ংজাত, প্রণীত, পরিক্রীত, পৌনর্ভব, কানীন, ঐরিনীত, দত্ত, ক্রীত, কৃত্রিম, স্বয়মুপাগত, সোহোঢ়, জ্ঞাতি-রেতা এবং হীনযোনিভূত, এই দ্বাদশ প্রকার পুত্র। ইহার মধ্যে স্বয়ংজাতভাবে প্রণীত, তদভাবে পরিক্রীত, তদভাবে পৌনর্ভব ইত্যাদিক্রমে পূর্ব পূর্ব প্রকারের অভাবে পর পর প্রকার স্বীকার করা শাস্ত্র সম্মত। এতদ্বিধ আপৎকাল উপস্থিত হইলে দেবর দ্বারাও পুত্র উৎপাদন করিয়া লইতে পারা যায়। আর আরকুব মনু কহিয়াছেন, উরস পুত্র অপেক্ষা প্রণীত পুত্র জেষ্ঠ ও ধর্মকলম। হে কুন্তি! আমি বরং পুত্রোৎ

পাদনে অসমর্থ; অতএব তোমাকে তুলাজাতি ব! অপেক্ষাকৃত শ্রেষ্ঠজাতি দ্বারা পুত্রোৎপাদন করিতে অনুজ্ঞা করিতেছি। দেখ, পৃথক শরদশায়ন স্বীয় পত্নীকে পুত্রোৎপাদনে নিযুক্ত করিয়াছিলেন। তাঁহার পত্নী শারদাশায়নী স্নান সমাপন করিয়া বিচিত্র পুষ্পমালা ধারণপূর্বক রজনীযোগে চতুষ্পাথে উপস্থিত হইলেন। তথায় এক সিন্ধু দ্বিজবরকে বরণপুরঃসর অনলে পুংসবন হোম সম্পাদন করিলেন। হোমক্রিয়া সমাপ্ত হইলে ঐ বৃত্ত ব্রাহ্মণ দ্বারা তুর্জ্জয়াদি মহাবল পরাক্রান্ত মহারথ পুত্রত্রয় উৎপাদন করিয়া লইলেন। হে কল্যাণি! তুমিও আমার নিয়োগানুসারে তপঃস্বাধ্যায়সম্পন্ন ব্রাহ্মণ হইতে শীঘ্র অপত্যোৎপাদন করিতে যত্নবতী হও।

একবিংশত্যাধিক শততম অধ্যায়।

বৈশম্পায়ন কহিলেন, হে মহারাজ! কুরুকুলজিতলক পাণ্ডু মহীপতির এই উপদেশবাক্যে নিতান্ত ব্যথিত হইয়া পতিপ্রাণা কুন্তী কহিলেন, হে ধর্ম্মাজ্ঞান! আমি তোমার ধর্ম্মপত্নী, বিশেষতঃ তোমাতেই অমুরক্ত, অতএব তোমার আমাকে একপ অনুমতি করা অতীব অসম্ভব ও অনুচিত হইতেছে। হে মহাবাহো! তুমি স্বয়ং আমার গর্ভে অপত্যোৎপাদন করিতে পার, ধর্ম্মেরও অণুমাত্র হানি হয় না; অতএব হে কুরুবংশাবতংস! তুমি অপত্যোৎপাদনের নিমিত্ত আমার সহিত সহবাস কর, তাহা হইলে আমি তোমার সহিত স্বর্গে যাইতে পারিব। হে মহাজ্ঞান! আমি তোমাভিন্ন অন্য পুরুষকে কদাচ মনেও করি না, তোমা অপেক্ষা শ্রেষ্ঠ নর জগতীতলে আর কে আছে? হে মহাজ্ঞান! আমি এ বিষয়ে একটি পৌরাণিকী কথা উল্লেখ করিতেছি, অনুগ্রহ করিয়া তাহা শ্রবণ করুন।

পূর্ব কালে পুরুবংশীয় পরম ধার্ম্মিক

বুধিতাম্ব নামে এক নরপতি ছিলেন। মহাজ্ঞা বুধিতাম্ব যজ্ঞানুষ্ঠান করিলে ইন্দ্রাদি সমস্ত দেবগণ ও দেবর্ষিগণ আগমন করিয়া ছিলেন। ইন্দ্র সোমরসপানে মত্ত ও ব্রাহ্মণগণ দক্ষিণালাভে পরিতুষ্ট হন। দেবগণ ও ব্রহ্মর্ষিগণ স্বয়ং যজ্ঞকর্ম্ম করেন। ঐ যজ্ঞ অবসান হইলে মহারাজ বুধিতাম্ব গ্রীষ্ম কালের দিবাকরের ন্যায় প্রথরপ্রতাপশালী হইয়া উঠিলেন। তিনি ক্রমে ক্রমে প্রাচ্য, উদীয়, পাম্শ্চাত্য ও দাক্ষিণাত্য সমস্ত দেশ জয় করিয়া তত্রত্য ভূপতিগণকে আপনায় বশীভূত করিলেন, এবং ততদ্দেশাক্রান্ত নানাপ্রকার ধনসম্পত্তি দ্বারা পুনর্বার এক যজ্ঞের আয়োজন করিলেন। যজ্ঞ নির্বিঘ্নে সমাপ্ত হইল। তৎকালে বুধিতাম্ব দশ হস্তীর বল প্রাপ্ত হইলেন। এই রূপে রাজা মহাবল পরাক্রান্ত হইয়া নিজভুক্তবলে সঙ্গরাদি ধরা জয় করিয়া ঔরসবৎ প্রজাপালন, মহাযজ্ঞানুষ্ঠান, দ্বিজাতিদিগকে প্রার্থনাধিক দান ও যজ্ঞে সোমরসপান ইত্যাদি নানাবিধ ধর্ম্মকর্ম্মানুষ্ঠান করিতে লাগিলেন।

পরম রূপবতী ভদ্রানাম্নী কক্ষীবানের তনয়া বুধিতাম্বের মহিষী হইয়াছিলেন। তাঁহার অলৌকিক রূপলাবণ্যগুণে পরম বিজ্ঞ মহীপতি অল্প দিনেই এঁকান্ত বশীভূত হইলেন। এমন কি, রাজকার্য্য পর্য্যন্ত পরিত্যাগ করিয়া দিনযামিনী সেই কামিনীর সহিত অন্তঃপুরে বিহার করিতে লাগিলেন। অপরমিত ইন্দ্রিয়াসক্তিবশতঃ অল্পকালমধ্যেই যক্ষ্মারোগাক্রান্ত হইয়া ক্রান্তান্তর করাল কবলে নিপতিত হইলেন। রাজাকে পঞ্চত্বপ্রাপ্ত দেখিয়া অপুত্রাভদ্রা সাতিশয় চুঃখিত হইয়া করুণ স্বরে রোদন করিতে লাগিলেন, এবং নানাপ্রকার বিলাপসহকারে মৃত পাতিকে সস্বোধন করিয়া কহিলেন, হে ধর্ম্মজ্ঞ! পতি বিনা নারীর আর গত্যন্তর নাই; বিধবার জীবন ধারণ কেবল

বিড়ম্বনা মাত্র; মৃত্যু হইলেই মুক্তিপদ প্রাপ্তি হয়। হে নাথ! আমি তোমার সহ-গমন বাসনা করি; আমি তোমা বিনা এক ক্ষণও বাঁচিতে পারিব না; তুমি প্রসন্ন হইয়া আমাকে সমভিব্যাহারিণী কর। হে ক্ষত্রিয়শ্রেষ্ঠ! কি সম স্থলে কি বিষম স্থলে তুমি যেখানে গমন করিবে, আমি তোমার প্রিয়কারিণী ও বশবর্তিনী হইয়া ছায়ার ন্যায় অনুগমন করিব। হে রাজন্! অদ্যা-বধি হৃদয়শোষক মনোদুঃখ সাতিশয় প্র-বল হইয়া আমাকে যৎপরোনাস্তি কষ্ট প্রদান করিবে। হে নরনাথ! বোধ হয়, আমি পূর্বে জন্মে অনেকানেক প্রণয়িনীর প্রিয়বিচ্ছেদ করিয়াছিলাম, তন্মিমিত্তই এ-ক্ষণে তোমার সহিত আমার বিচ্ছেদ হইল। হে রাজন্! পতিবিহীন হইয়া নারীর মুহূ-র্তমাত্র মর্ত্য লোকে বাস নিতান্ত ক্লেশকর। না জানি, পূর্বে জন্মে আমি কতই দুঃক্ষম করিয়াছিলাম, তন্মিমিত্তই এক্ষণে আমাকে তোমার অনিবার্য বিয়োগানলে দক্ষ হইতে হইল। আমি অদ্যাবধি কুশসংস্করশায়িনী হইয়া ভবদীয় মোহন মূর্তি দর্শনমানসে অতি কষ্টেই কালাতিপাত করিব। হে নর-শ্রেষ্ঠ! এক বার অনুগ্রহ করিয়া এই অ-নাথা অশরণা বিলাপকারিণী দীনাকে দর্শন প্রদান কর।

ভদ্রা মৃত পতিকে আলিঙ্গন করিয়া পুনঃ পুনঃ এই রূপ বিলাপ করিতেছিলেন, এমন সময়ে আকাশবাণী শুনিতে পাইলেন, হে বরারোহে! বিলাপ করিওনা, গাত্ৰো-প্থান করিয়া গমন কর; হে চারুহাসিনি! আমি তোমাকে বর প্রদান করিতেছি, তুমি চতুর্দশী বা অষ্টমীতে ঋতুমান করিয়া আ-মার সঙ্গে নিজ শয্যায় শয়ান থাকিবে, তাহা হইলেই আমি স্বীয় শবে আবির্ভূত হইয়া তোমার গর্ভে সন্তান উৎপাদন করিব। এই অমৃতময় বচনপরম্পরা শ্রবণে পতি-

ভ্রতা ভদ্রা কিঞ্চিৎ সুস্থ হইয়া পুত্রকামনায় যথোক্ত কার্যের অনুরোধে তৎপর হইলেন এবং সেই শবসংসর্গে তিন জন শাল ও চা-রি জন মদ্র প্রসব করিলেন। হে ভরতশ্রেষ্ঠ! যেমন পরলোকগত বাষিভাশ্ব স্বীয় সহ-ধর্মিণীর করুণ বাক্য শ্রবণে দয়াদৃষ্টিত হই-য়া আপনার বংশ রক্ষার্থ তাঁহার গর্ভে সন্তানোৎপাদন করিয়াছিলেন, সেই রূপ তুমিও আমার গর্ভে আপনার মানসপুত্র সমুৎপন্ন করিয়া নিজ বংশ ও আমার সতীত্ব রক্ষা করিতে পার।

দ্বাবিংশত্যাধিক শততম অধ্যায়।

বৈশম্পায়ন কহিলেন, কুন্তী ধর্মজ্ঞ পা-শুকে বাষিভাশ্বরূতান্ত শ্রবণ করাইলে তিনি ধর্মযুক্ত বাক্যে তাঁহাকে সান্তনা করিয়া ক-হিলেন, হে কুন্তি! তুমি যাহা কহিলে তাহা যথার্থ বটে। রাজা বাষিভাশ্ব দেবতুল্য ম-নুষ্য ছিলেন। তাঁহাতে সকলই সম্ভবে। তাদৃশ অসম্ভব কার্য্য মাদৃশ লোক হইতে হওয়া অ-তীব দুর্ঘট। ধর্মবিৎ মহাত্মা মহর্ষিগণ যাহা প্রদর্শন করিয়া গিয়াছেন, এক্ষণে আমি সেই পুরাণ ধর্মতত্ত্ব তোমাকে কহিতেছি, শ্রবণ কর। হে বরাননে! হে চারুহাসিনি! পূ-র্বে কালে মহিলাগণ অনারত ছিল। তাহারা ইচ্ছামত গমন ও বিহার করিতে পারিত। তা-হাদিগকে কাহারও অধীনতায় কাল ক্ষেপ করিতে হইত না। কৌমারাবধি এক পুরুষ হইতে পুরুষান্তরে আসক্ত হইলেও তাহাদের অধর্ম হইত না। ফলতঃ, তৎকালে ঈদৃশ ব্য-বহার ধর্ম বলিয়া প্রচলিত হইয়াছিল। তি-র্ঘ্যগ্ণেয়ানিগত কামদেববিবর্জিত "প্রজাগণ অদ্যপি ঐ ধর্ম্যানুসারে কার্য্য করিয়া থাকে। তপঃস্বাধ্যায়সম্পন্ন মহর্ষিগণ এই প্রামাণিক ধর্মের প্রশংসা করিয়া থাকেন। উত্তরকুরুতে অদ্যপি এই ধর্ম প্রচলিত রহিয়াছে। হে চারুহাসিনি! এই অজ্ঞানমু-কুল নিত্য ধর্ম যে নিমিত্ত এই প্রদেশে রহিত

হইয়াছে, তদ্বিবরণ সবিশেষ বর্ণন করিতেছি, শ্রবণ কর ।

পূর্ব কালে উদ্দানক নামে এক মহর্ষি ছিলেন । তাঁহার পুত্রের নাম শ্বেতকেতু । একদা তিনি পিতামাতার নিকট বসিয়া আছেন, এমন সময়ে এক ব্রাহ্মণ আসিয়া তাঁহার জননীর হস্ত ধারণপূর্বক কহিলেন, আইস আমরা যাই । ঋষিপুত্র পিতার সমক্ষেই মাতাকে বলপূর্বক লইয়া যাইতে দেখিয়া সাতিশয় ক্রুদ্ধ হইলেন । মহর্ষি উদ্দানক পুত্রকে তদবস্থ দেখিয়া কহিলেন, বৎস ! ক্রোধ করিও না ; ইহা নিত্য ধর্ম, গাভীগণের ন্যায় স্ত্রীগণ সজাতীয় শত সহস্র পুরুষে আসক্ত হইলেও উহারা অধর্মলিপ্ত হয় না । ঋষিপুত্র পিতার বাক্য শ্রবণ করিয়াও ক্রান্ত হইলেন না, প্রত্যুত পূর্বাপেক্ষা অধিকতর ক্রুদ্ধ হইয়া মনুষ্যমধ্যে বলপূর্বক এই নিয়ম স্থাপন করিয়া দিলেন যে, অদ্যাবধি যে স্ত্রী পতিভিন্ন পুরুষান্তর সংসর্গ করিবে এবং যে পুরুষ কৌমারব্রহ্মচারিণী বা পতিব্রতা স্ত্রীকে পরিত্যাগ করিয়া অন্য স্ত্রীতে আসক্ত হইবে, ইহাদের উভয়কেই ভ্রূণহত্যাসদৃশ ঘোরতর পাপপঙ্কে লিপ্ত হইতে হইবে । আর স্বামী পুত্রোৎপাদনার্থে নিয়োগ করিলে যে স্ত্রী, তাঁহার আজ্ঞা লঙ্ঘন করিবে, তাহারও ঐ পাপ হইবে । হে ভীক ! পূর্ব কালে উদ্দানপুত্র শ্বেতকেতু এইপ্রকার ধর্মানপেত নিয়ম সংস্থাপন করিয়া গিয়াছেন । আরও দেখ ; কল্যাণপাদ রাজার পত্নী মদয়ন্তী, তর্কনিয়োগ প্রাপ্ত হইয়া মহর্ষি বশিষ্ঠদেবের নিকট গমনপূর্বক পতির প্রিয়কামনায় তাঁহার ঔরসে অশ্বকনামা পুত্র উৎপাদন করিয়া ছিলেন । হে কমললোচনে ! মহর্ষি বেদব্যাস কুরুবংশ রক্ষার্থ আমার পিতার ক্ষেত্রে যে আদিগকে উৎপাদন করিয়াছেন, তুমি তাহাও অবগত আছ । অতএব হে অনিন্দিত :

তুমি এই সমস্ত বিবেচনা করিয়া আমার বাক্য প্রতিপালন কর । হে 'রাজপুত্রি' বেদবিৎমহাশারা কহিয়া গিয়াছেন, যে ঋতুকালে পতি পরিত্যাগপূর্বক পুরুষান্তর সংসর্গ করিলেই স্ত্রীদিগের অধর্ম হয়, কিন্তু অন্য সময়ে তাহারা যথেষ্ট ব্যবহার করিতে পারে, তাহাতে তাহাদের কোন পাপ নাই । তাঁহারা আরও কহিয়া গিয়াছেন, যে ভর্তা স্ত্রীকে যাহা আজ্ঞা করিবেন, ধর্মই হউক বা অধর্মই হউক, নারীকে তাহা অবশ্যই প্রতিপালন করিতে হইবে । অতএব আমার আজ্ঞা লঙ্ঘন করা তোমার কদাচ কৰ্তব্য নহে । বিশেষতঃ আমি পুত্রমুখ দর্শনে নিতান্ত উৎসুক হইয়াছি, কিন্তু স্বয়ং সন্তানোৎপাদনে অসমর্থ ; হে স্তম্ভরি ! এজন্য আমি কৃতাজ্ঞলিপুটে তোমাকে কহিতেছি, তুমি প্রসন্ন হইয়া তপঃস্বাধ্যায়সম্পন্ন ব্রাহ্মণ হইতে অশেষ গুণসম্পন্ন পুত্রগণ উৎপাদন করিয়া লও, তাহা হইলেই আমি পুত্রবান্দিগের উৎকৃষ্ট গতি লাভ করিতে পারিব ।

পাণ্ডু আগ্রহসহকারে এই রূপে বুঝাইলে পতিহিতৈষণা কুন্তী তাঁহাকে সম্বোধন করিয়া কহিতে লাগিলেন, হে মহারাজ ! আমি বাল্যাবস্থায় পিতৃগৃহে অতিথিসৎকারে নিযুক্ত ছিলাম এবং শংসিতব্রত ব্রাহ্মণগণের সতত পরিচর্যা করিতাম । ঐদবযোগে এক দিন পরম ধার্মিক জিতেন্দ্রিয় মহর্ষি দুর্কস তথায় আগমন করিয়া আতিথ্য স্বীকার করেন । আমি সাতিশয় যত্নসহকারে ও পরমসমাদরপূর্বক তাঁহার পরিচর্যা করিলাম । মহর্ষি আমার ভক্তি দেখিয়া কহিলেন, বৎস ! আমি তোমার পরিচর্যায় পরম পরিভূক্ত হইয়াছি, এক্ষণে তোমাকে এক মহামন্ত্র প্রদান করিতেছি, গ্রহণ কর । তুমি এই মন্ত্র উচ্চারণপূর্বক যে যে দেবকে আহ্বান করিবে, তিনি অকামই হউন বা সকামই হউন, তৎক্ষণাৎ আসিয়া তোমার বশবর্তী হই-

বেন। তুমিও সেই সেই অমরপ্রসাদে পুত্রবতী হইবে। মহর্ষি এই বলিয়া আমাকে বর ও মন্ত্র প্রদানপূর্বক অন্তর্হিত হইলেন। হে নাথ! ব্রাহ্মণের বাক্য অব্যর্থ; দেখুন উক্ত মন্ত্র প্রয়োগের সময় উপস্থিত হইয়াছে; এক্ষণে আজ্ঞা করুন, মন্ত্র পাঠ করিয়া কোন দেবের আস্থান করিব। হেরাজর্ষে! আমি তোমার আদেশ প্রতীক্ষা করিতেছি। অনুমতি পাইলেই তোমারে অভিলষিত সন্তান উৎপাদন করি।

রাজর্ষি পাণ্ডু কুন্তীবাক্য শ্রবণে সাতিশয় আস্থাদিত হইয়া কহিলেন, সুন্দরি! দেবতাদিগের মধ্যে ধর্ম সর্বাংগে ক্ষেত্র, লোক-মধ্যে তিনিই প্রকৃত পুণ্যভাজন; তাঁহাকেই আস্থান কর, আমাদের ধর্ম কোনরূপে অধর্মের সহিত সংযুক্ত না হয়, লোকে ইহাই ধর্ম বলিয়া স্বীকার করে। ধর্ম দত্ত পুত্র অবশ্যই ধার্মিক হইবে সন্দেহ নাই, তাহার মন কদাচ অধর্মে প্রবৃত্ত হইবে না, অতএব ধর্ম পুরস্কারেই কর্ম করা আমাদের কর্তব্য; তুমি পরমসমাদরপূর্বক সর্বদেবাগ্রগণ্য ধর্মকে আস্থান করিয়া তাঁহা দ্বারা পুত্রোৎপাদন কর, পতিপরায়ণা কুন্তী, যে আজ্ঞা বলিয়া স্বামীর অনুমতি গ্রহণপূর্বক তৎক্ষণাৎ তাঁহার অভিলষিত কার্য সাধনে যত্নবতী হইলেন।

ত্রয়োবিংশত্যাধিক শততম অধ্যায়।

বৈশম্পায়ন কহিলেন, হে কুরুবংশাবতংস জনমেজয়! কুন্তী স্বামীর আদেশানুসারে মন্ত্র পাঠ করিয়া ধর্মকে আস্থান করিলেন। হে কুরুনন্দন! ধৃতরাষ্ট্রপত্নী গান্ধারী সেই সময়ে গর্ভবতী ছিলেন। যে দিবস কুন্তী ধর্মকে আস্থান করেন, ঐ দিন তাঁহার সম্বৎসর পুণ্য হয়। কুন্তী বিবিধোপচারে ধর্মের উদ্দেশে পূজা সাক্ষ করিয়া মহর্ষিকর্তৃক প্রদত্ত মহামন্ত্র জপ করিতে লাগিলেন। সুরশ্রেষ্ঠ ধর্ম হর্যোপম, জ্বলদনলসম্মিত

বিমানে আরোহণ করিয়া তাঁহার সমীপে সমুপস্থিত হইলেন এবং হাসিতে হাসিতে কুন্তীকে কহিলেন সুন্দরি! কি নিমিত্ত আমাকে আস্থান করিলে? বল, তোমাকে কি অভিক্ষ প্রদান করিব? কুন্তী তাঁহার বাক্য শ্রবণ করিয়া হৃৎচিন্তে কহিলেন, মহাত্মন! আপনি অনুগ্রহ করিয়া আমাকে এক সন্তান প্রদান করুন। ধর্ম তৎক্ষণাৎ স্বীকার করিয়া তাঁহার গর্ভে সর্বপ্রাণিহিতকর পরম যশস্বী এক পুত্র উৎপাদন করিলেন। ঐ পুত্র ইন্দ্রদৈবত চন্দ্রসংযুক্ত অভিজিৎ নামক অষ্টম মুহূর্ত্তে মধ্যাহ্ন সময়ে জন্ম গ্রহণ করিল। সন্তান জন্মিবামাত্র দৈববাণী হইল “এই যে পাণ্ডুর প্রথমজাত পুত্র, ইনি পরম ধার্মিক, বিক্রমশালী, সত্যবাদী, যশস্বী, তেজস্বী ও ব্রতচারী হইবেন এবং যুধিষ্ঠিরনামে ত্রিভুবনবিশ্রুত নরপতি হইয়া ঔরসবৎ প্রজাবর্গের প্রতিপালন করিবেন”।

রাজর্ষি পাণ্ডু সেই পরম ধার্মিক পুত্র প্রাপ্ত হইয়া পুনর্বার কুন্তীকে কহিলেন, প্রিয়ে! ক্ষত্রিয়কুলে বলবান ব্যক্তি অধিকতর প্রশংসনীয়; অতএব তুমি আর একটি অমিতবলশালী পুত্র উৎপাদন কর। কুন্তী স্বামীর আজ্ঞা প্রতিপালনার্থ মহর্ষিদত্ত মন্ত্র পাঠপূর্বক বায়ুকে আস্থান করিলেন। মহাবলপরাক্রান্ত বায়ু তৎক্ষণাৎ যুগারোহণপূর্বক তাঁহার সমীপে উপনীত হইলেন, এবং কহিলেন, কুন্তী! কি নিমিত্ত আমাকে আস্থান করিলে? তোমাকে কি অভিক্ষ প্রদান করিতে হইবে? লজ্জানগমুখী কুন্তী ঈষৎহাস্য করিয়া কহিলেন, হে সুরোত্তম! আপনি অনুকূল হইয়া আমাকে এক মহাবল পরাক্রান্ত মহাকায় দর্পবিনাশকারী পুত্র প্রদান করুন। বায়ু কুন্তীর প্রার্থনানুসারে তাঁহার গর্ভে উক্ত প্রকার পুত্র উৎপাদন করিলেন। এই পুত্রের নাম ভীম; ভীম জন্মিবামাত্র “বলবীর্ঘ্য সম্পন্ন দিগের অগ্রগণ্য

মহাবীর জন্ম গ্রহণ করিলেন ” এই দৈববাণী হইল। এই দৈববাণীর পর, আর এক আশ্চর্য্য ব্যাপার ঘটিয়াছিল। সদ্যঃপ্রসূত ভীমসেন স্বীয় জননীৰ উৎসঙ্গে নিদ্রিত ছিলেন, এমন সময়ে তাঁহার মাতা ব্যাত্ৰ-ভয়ে একপ ভীত হইলেন, যে ক্রোড়স্থিত ভীমসেনকে বিস্মৃত হইয়া পলায়নচেষ্টায় সহসা গাত্ৰোপ্থান করিলেন। জননী গাত্ৰোপ্থান করিলে ভীম তাঁহার ক্রোড়হইতে পৃষ্ঠের উপর নিপাতিত হইলেন। ভীমের বঙ্গসম শরীরাবাতে গিরিবর একে বারে চূর্ণ হইয়াগেল। পাণ্ডু তদর্শনে সাতিশয় বিস্ময়াপন্ন হইলেন। হে ভরতসন্তম ! ভীমের জন্মদিবসেই দুৰ্য্যোধন জন্ম গ্রহণ করেন।

মহাবীর বৃকোদরের জন্ম হইলে পর, পাণ্ডু পুনর্বার চিন্তা করিতে লাগিলেন, যে কি প্রকারে আমার এক সর্ষলোকশ্রেষ্ঠ পুত্র জন্মিবে। সমস্ত লোকই দৈব ও পুরুষকার অবলম্বন করিয়া চলে, তন্মধ্যে দৈবকে কালক্রমেই লাভ করিতে পারা যায়। শুনিয়াছি অমররাজ ইন্দ্র সর্ষদেবশ্রেষ্ঠ ও অপ্রমেয় বলবীৰ্য্যসম্পন্ন, আমি কায়মনোবাক্যে তপোন্মুঠান করিয়া তাঁহাকে সন্তুষ্ট করি। পরিশেষে, তাঁহার নিকটহইতে অমিতবলশালী পুত্র প্রার্থনা করিয়া লইব। ইন্দের বরে অবশুই আমার মহাবল পরাক্রান্ত পুত্র জন্মিবে এবং সেই পুত্র সংগ্রামে সুরাসুর নাগ নর গন্ধর্ষপ্রভৃতি সমস্ত প্রাণীকেই জয় করিতে পারিবে। রাজর্ষি পাণ্ডু মনে মনে এই রূপ সংকল্প করিয়া মহর্ষিগণের সহিত মন্ত্রণাপূর্ব্বক কুন্তীকে সাংঘর্ষিক ব্রতানুষ্ঠানের আদেশ প্রদান করিলেন এবং আপনিও একাগ্রচিত্তে প্রাতঃকালাবধি সায়ং কাল পর্য্যন্ত এক পদে দণ্ডায়মান থাকিয়া কঠোর তপস্যাচরণ ও দেবরাজের আরাধনা করিতে লাগিলেন।

এই রূপে পাণ্ডু পুত্রকামনায় বহু কাল কঠোর তপস্যার অনুষ্ঠান করিলেন। দেবরাজ তদীয় তপঃপ্রভাবে প্রসন্ন হইয়া তাঁহার সমীপে আগমনপূর্ব্বক কহিলেন, হে রাজর্ষে ! আমি তোমার তপোনিষ্ঠা দর্শনে সাতিশয় সন্তুষ্ট হইয়াছি, তোমাকে তোমার মনোমত্ত পুত্রবর প্রদান করিয়া যাইব, আমার অনুগ্রহে তোমার পুত্র জন্মিবে। ঐ পুত্র ত্রিশোকবিশ্রুত, গোত্রাক্ষগহিতকারী, সুরক্ষাগণের আনন্দবর্ধন ও শক্রদিগের হৃদয়বিদারণ হইবে। দেবরাজ ইহা বলিয়া অন্তর্হিত হইলেন ; রাজর্ষি পাণ্ডুও অতীষ্টসিদ্ধি হওয়ার পরম পরিতুষ্ট হইয়া কুন্তীর নিকট গমনপূর্ব্বক কহিলেন, কল্যাণি ! আমিদিগের মনোরথ পূর্ণ হইয়াছে, অমররাজ সুরপ্রসন্ন হইয়া অভিলাষানুরূপ, অতিমানুষকর্ষা, যশস্ব, অরাতিনিস্কন্দন, নীতিশাস্ত্রবিশারদ, মহাত্মা সূর্যাসম তেজস্বী, দুরাধর্ষ, ক্রিয়াবান্ অমৃতদর্শন পুত্র প্রদানের অঙ্গীকার করিয়াছেন ; এক্ষণে তুমি সেই ত্রিদশাধিপত্যিকে আহ্বান করিয়া তাঁহা হইতে পুত্র উৎপাদন করিয়া লও।

কুন্তী পতির আজ্ঞানুসারে মর্ষদত্ত মন্ত্র রূপ করিয়া ইন্দ্রদেবের আবাহন করিলেন। কুন্তীর আবাহনে দেবরাজ তৎক্ষণাৎ আগিয়া উপস্থিত হইলেন এবং তাঁহার গর্ভে পাণ্ডুর প্রার্থনানুরূপ পুত্র উৎপাদন করিলেন ; ঐ পুত্রের নাম অর্জুন। অর্জুন জন্মিবামাত্র মহাগভীরনির্ঘোষে আকাশবাণী হইল, বনবাণীগণ শ্রবণ করিয়া বিস্ময়াবিষ্ট হইলেন। নভোগুণলক্ষায়মান হইল। কুন্তী একাগ্রচিত্তে ছিলেন, শুনিলেন, “ হে পৃথ্বে ! তোমার এই পুত্র কার্তবীৰ্য্যোপম, শিবসম পরাক্রমশালী ও ইন্দ্রবৎ অজয়া হইয়া চতুর্দিকে যশোরাশি বিস্তার করিবেন। যেনন বিষ্ণুহইতে অদিতির প্রীতি বর্দ্ধিত হইয়াছিল, অর্জুন-

হইতে তোমরও সেই রূপ শ্রীতি লাভ হইবে। অর্জুন স্বীয় ভূজবলে করু, সোম, চেদি, কাশি, কঙ্কবপ্রভৃতি নানা জনপদ বশীভূত করিয়া করুকুলের শ্রীরুদ্ধি করিবেন। ইহার বাহুবলে ভগবান্ হুতাশন খাণ্ডববনে সর্বভূতের মেদ তক্ষণ করিয়া পরম পরিতুষ্ট হইবেন। এই মহাবল পরাক্রান্ত মহাবীর, গ্রাম্য মধীপালগণকে জয় করিয়া ভ্রাতৃগণের সহিত যজ্ঞত্রয় সম্পন্ন করিবেন। হে পুত্র! তোমার এই পুত্র পরশুরামসন তেজস্বী, বিষ্ণুতুল্য পরাক্রান্ত, বলবান্দিগের অগ্রগণ্য ও মহাবশস্বী হইবেন। ইনি সংগ্রামে দেবাদিদেব মহাদেবকে পরিতুষ্ট করিয়া তাঁহার নিকটহইতে পাশুপতনামে মহাস্ত্র প্রাপ্ত হইবেন। ইনি দেবরাজ ইন্দ্রের আজ্ঞানুসারে দেবগণের পরম শত্রু নিবাতকবচনামক দৈত্যসকলকে বিনাশ করিবেন। ইনি সমস্ত দিব্যাস্ত্র সংগ্রহ করিয়া বিনষ্ট রাজ্যের প্রত্নাকার করিবেন”।

হে ভরতবংশাবতঃস ! এই দৈববাণী শ্রবণে কুন্তী পরমাহ্লাদিত ও সাতিশয় আশ্চর্য্যান্বিত হইলেন। শতশৃঙ্গনিবাসী তপস্বীগণের ও ইন্দ্রাদি অমরান্দের আশ্লেদের আর পরিসামা রহিল না। পুষ্পরুচি পতিত হওয়ার দিগ্গাণ্ডল আচ্ছন্ন ও বাসিত হইল। আকাশে ছন্দুভিধনি হইতে লাগিল। সমস্ত দেবগণ একত্র হইয়া অর্জুনকে স্তব করিতে লাগিলেন। সর্পসমুদায়, বিহঙ্গমকুল, গন্ধর্ভগণ, অম্বরাসকল প্রজাপতিগণ, সপ্তর্ষিমণ্ডল, ভরদ্বাজ, কশ্যপ, গৌতম, বিশ্বামিত্র, জমদগ্ন, বশিষ্ঠ এবং ভগবান্ অত্রি তথায় আগমন করিলেন। মরীচি, অগ্নিরা, পুলস্ত্য, পুলহ, ক্রতু, দক্ষ প্রজাপতি এবং দিব্যমাল্যাস্বরধারী গন্ধর্ভগণ ও অম্বরাগণ অর্জুনসমীপে গান করিতে আরম্ভ করিলেন। অম্বরাগণ নৃত্য করিতে লাগিল। মহ-

ম্বিরা চতুর্দিকে তপস্তা করিতে লাগিলেন। ভীমসন, উগ্রসেন, উর্গায়ু, অনঘ, গোপতি ধৃতরাষ্ট্র, সূর্য্যবর্চাঃ, যুগপ, তৃণপ, কাঞ্চিনন্দি, চিত্ররথ, মালিনিরাঃ, পর্য্যান্য, কলি, নারদ, সত্ভারহস্ত্যাবৃদ্ধক, করাল, বহুগুণশালী ব্রহ্মচারী, সুবর্ণ, বিশ্বাবসু, সুমন্য, সূচন্দ্র, শরু এবং গীতমারুয়ামস্পন্ন সুবিখ্যাত ধৃতা ও ছল ইত্যাদি গন্ধর্ভগণ সমভিব্যাহারে শ্রীমান্ তুম্বকু আসিয়া অর্জুনসমীপে মধুরস্বরে গান করিতে লাগিলেন। নানালঙ্কারভূষিতা বিশদলনয়না, অনুচানা, অনবদা, গুণমুখা, শুবরা, অদ্রিকা, সোমা, মিত্রকেশী, অলয়না, মরীচি, শুচিকা, বিদ্যাৎপর্ণা, তিলোত্তমা, অগ্নিকা, লক্ষণা, ক্ষেমা, রত্না, মনোরমা, অসিতা, সুবাহু, সুপ্রিয়া, বপুঃ, পুণ্ডরীকা, সুগন্ধা, সুরসা, প্রমাথিনী, কামা, শারদ্বতী, মেনকা, সহজনা, কর্ণিকা, পুঞ্জিকস্থলা, ঋতুস্থলা, স্ততাচী, বিশ্বাণী, পূর্ব্বচিত্তি, উমোচা, প্রমোচা, উর্ধ্বশীপ্রভৃতি অম্বরাসকল পরমানন্দে নৃত্য ও গান করিতে লাগিলেন। ধাতা, অর্য্যামা, মিত্র, বরুণ, ভগ, ইন্দ্র, বিশ্বান্, পূবা, ত্বষ্টা, সবিতা, পর্য্যান্য ও বিষ্ণু, এই দ্বাদশ আদিত্য, ইঁদারা আকাশ থাকিয়া অর্জুনের মাহ্মা বর্জন করিতে লাগিলেন। মৃগায়াব, সর্প, নিশ্চাঁতি, অস্ত্রকপাদ, অহিত্রপ, পিনাকী, দহন, ঐশ্বর, কপালী, স্বাগু ও ভগবনু ভগ এই একাদশ রুদ্র তথায় অস্থান করিয়াছিলেন। অশ্বিনীকুমার, অষ্টবসু, মহাবল মরুদগণ, বিশ্বদেবগণ, ও স্রাধ্যগণ অর্জুনের চতুর্দিক্ বেষ্টিত করিরা রহিলেন। কর্কোটক, বাসুকি, কচ্ছপ, এবং কুণ্ড ও তক্ষক, ইত্যাদি মহাতপাঃ মহাবল পরাক্রান্ত মহাক্রোধশালী মহোরগগণ এবং তাক্কা, অরিস্টনেমি, গরুড়, আসতধ্বজ, অরুণ, আরুণ প্রভৃতি বৈনতেয়গণ তথায় আগমন করিলেন। বিমান ও গিরি-

শৃঙ্খের অগ্রগত এই সমস্ত সমভাগত দেব-
গণকে কেবল তপোবলসম্পন্ন সিদ্ধমহর্ষি-
গণই দেখিতে পাইলেন, অন্যান্য লোকে
নেত্রগোচর করিতে পারিল না। মহর্ষিগণ
সেই আশ্চর্য্য ব্যাপার অবলোকন করিয়া
সাতিশয় বিস্ময়াপন্ন হইলেন, এবং তদবধি
পাণ্ডবগণের প্রতি অধিকতর শ্রদ্ধা করিতে
লাগিলেন।

অর্জুনের জন্ম হইলে রাজর্ষি পাণ্ডু অপর
এক পুত্রের কামনায় কুন্তীর নিকট প্রার্থনা
করিলেন। কুন্তী তাঁহার আশয় বুঝিতে
পারিয়া কহিলেন, মহাজন্ম! আর আমা-
কে পুরুষানুসংসর্গের অনুরোধ করিবেন
না। শাস্ত্রকারেরা কহিয়া গিয়াছেন, যে
ত্রীলোক আপৎকাল উপস্থিত হইলে, তিন
বার পর্য্যন্ত পর পুরুষ দ্বারা সম্ভানোৎপা-
দন করিতে পারে, তিনবারের অধিক
কোন ক্রমেই পুরুষানুসংসর্গ করিতে
পারে না। যে নারী চারি বার পরপুরুষের
সহিত সংসর্গ করে, তাহাকে স্বৈরিনী
কহে; পাঁচ বার উক্ত প্রকার কার্য্যে লিপ্ত
হইলে বেশ্যাপদবাচ্য হইয়া থাকে; অত-
এব হে বিদ্বন্! তুমি ধর্ম্মজ্ঞ হইয়াও কি-
নিমিত্ত নিতান্ত উদ্ভ্রান্তচিত্তের ন্যায় আমা-
কে পুনর্বার অপত্যোৎপাদনের অনুমতি
করিতেছ?

চতুর্বিংশত্যাধিক শততম অধ্যায়।

বৈশম্পায়ন কহিলেন, কুন্তীপুত্রগণের
ও ধৃতরাষ্ট্রতনয়দিগের জন্ম হইলে মদ্ররাজ-
দুহিতা নিজ্জনে পাণ্ডুকে কহিলেন; মহা-
রাজ! দুর্ভাগ্যক্রমে আপনি ঋষিশাপে
সম্ভানোৎপাদনে বঞ্চিত হইয়াছেন, তা-
হাতে আমার কোন সম্ভাপ নাই, আমি
বরান্বিত হইয়াও দীনাবস্থায় রহিয়াছি, তা-
হাতেও আমার পরিতাপ নাই, কিংবা
গাঙ্গারী শত পুত্রের মাতা হইয়াছেন
বলিয়া আমার একমুহূর্ত্তের নিমিত্তও

ঈর্ষা হয় না; কিন্তু হে মহারাজ! আমার
অত্যন্ত দুঃখের বিষয় এই যে, কুন্তী
ও আমি এই দুই জনই আপনার ভার্য্যা,
উভয়েই সমান; কিন্তু কুন্তী পুত্রবতী হই-
লেন, আমি পুত্রমুখনিরীক্ণে বঞ্চিত রহি-
লাম। হে রাজন্! যদি কুন্তী আমার প্রতি
অনুগ্রহ করেন, তাহা হইলেই আমার পুত্র
হয়, আর আপনারও অধিক অশ্রুতা লাভ
দ্বারা মহৎ উপকার জন্মে। কিন্তু কুন্তী
আমার সপত্নী, আমি কোন ক্রমেই তাঁহার
নিকট প্রার্থনা করিতে পারিব না। তবে
যদি আপনি প্রসন্ন হইয়া তাঁহাকে অনুরোধ
করেন, তাহা হইলেই আমি চরিতার্থ হইতে
পারি। রাজর্ষি পাণ্ডু তাঁহার বাক্য শ্রবণ
করিয়া কহিলেন, প্রিয়ে! উত্তম বলিয়াছ,
ইহা আমার নিতান্ত অভিলষিত, কেবল
তোমার মত হয় কিনা এই সন্দেহ প্রযুক্ত
তোমাকে বলি নাই; অক্ষণে ইহা তোমার
অনুমোদিত জানিতে পারিয়াছি; অবশ্যই
আমি তোমার মনোরথ সিদ্ধির নিমিত্ত
কুন্তীকে এ বিষয়ে অনুরোধ করিবা। কুন্তী
কখনই আমার বাক্য উল্লেষন করিবেন না।

পাণ্ডু মাদ্রীকে এই কথা বলিয়া কুন্তীর
নিকট গমনপূর্ব্বক তাঁহাকে নিজ্জনে কহিতে
লাগিলেন, হে পৃথি! দেখ ইন্দ্র ত্রিদশাধি-
পত্য লাভ করিয়াও যশোলিপ্যায় যজ্ঞানু-
ষ্ঠান করেন; তপস্বীধারসম্পন্ন মন্ত্রবিৎ
ব্রাহ্মণগণ কেবল যশের নিমিত্তই গুরুকরণ
করিয়া থাকেন এবং রাজর্ষিগণ ও তপোধন
ব্রাহ্মণগণ যশোভিলাষে নানাবিধ সংকল্পের
অনুষ্ঠানে যত্নবান্ করেন; অতএব হে প্রিয়ে!
তুমি আমার বংশবৃদ্ধির নিমিত্ত, আমার ও
পূর্ব্বপুরুষগণের পিণ্ডরক্ষার নিমিত্ত, পতি-
র প্রিয়ানুষ্ঠানের নিমিত্ত, এবং আপনার
বশোবদ্ধনের নিমিত্ত এক বার মাদ্রীর প্রতি
অনুকম্পা করিয়া উহাকে পুত্রবতী কর। হে
পৃথি! পুত্রদান দ্বারা মাদ্রীকে পরিভ্রাণ কর,

ইহাতে তোমার যশোরুদ্ধি হইবে। কুন্তী পাণ্ডু নৃপতির বাক্য শ্রবণানন্তর মাদ্রীকে কহিলেন, তুমি কোন দেবতাকে আহ্বান কর, তাহা হইলে অচিরকাল মধ্যে তোমার অনুরূপ পুত্র লাভ হইবে, সন্দেহ নাই।

মাদ্রী কুন্তীর আদেশক্রমে ক্রিয়ৎক্ষণ মনে মনে বিচার করিয়া অশ্বিনীকুমারকে স্মরণ করিলেন। অশ্বিনীকুমার তৎক্ষণাৎ তথায় সমুপস্থিত হইয়া তাঁহার গর্ভে মমজ পুত্র উৎপাদন করিলেন। ঐ পুত্রদ্বয়ের নাম নকুল ও সহদেব। তাঁহারা ভূমিষ্ঠ হইবামাত্র দৈববাণী হইল, “হে কুমার হয়। তোমরা অশ্বিনীকুমার অপেক্ষা সমৃদ্ধিক সম্ভব সম্পন্ন, রূপবান, গুণশালী ও তেজস্বী হইয়া পরম সুখে কাল যাপন কর”। শতশৃঙ্গবাসী মহর্ষিগণ যথাবিধি আশীর্ষকেন বিধানপূর্বক প্রীতমনে তাঁহাদের নামকরণ করিলেন। কুন্তীর পুত্রদ্বয়ের মধ্যে জ্যেষ্ঠের নাম যুধিষ্ঠির, মধ্যমের নাম ভীম, কনিষ্ঠের নাম অর্জুন হইল। মাদ্রীর পুত্রদ্বয়ের মধ্যে পূর্বজের নাম নকুল, দ্বিতীয়ের নাম সহদেব হইল। পাণ্ডুপুত্রগণ প্রত্যেকে এক এক সংবৎসর অন্তর জন্ম গ্রহণ করিয়াছিলেন, তথাপি তাঁহাদিগকে সমবয়স্ক বোধ হইত। তাঁহারা সকলেই মহাসত্ত, মহাবীর্য, মহাবল ও পরাক্রান্ত ছিলেন। রাজর্ষি পাণ্ডু সেই দেবতুল্য রূপবান মহাতেজস্বী পুত্রগণকে দেখিয়া আহ্লাদসাগরে মগ্ন হইলেন। পাণ্ডুপুত্রগণ ক্রমে ক্রমে শতশৃঙ্গবাসী মুনি ও মুনিপত্নীগণের সান্তিশর প্রিয়পাত্র হইয়া উঠিলেন।

ক্রিয়দিনান্তর রাজর্ষি পাণ্ডু পুনর্বার মাদ্রীর গর্ভে স্তোত্রোৎপাদনের নিমিত্ত কুন্তীকে অনুরোধ করাতে তিনি কহিলেন, মহারাজ! মাদ্রী অতিশয় ধর্ষ; সে এক বার দেবতাহ্বান করিয়া ছুই পুত্র উৎপাদন করিয়াছে। আমি পূর্বে জানিতাম না যে, ছুই জনকে

একে বারে আহ্বান করিলে ছুই ফল লাভ হয়, তন্নিমিত্ত আমি ঐ ফলে বঞ্চিত হইলাম, অতএব হে মহারাজ! আমি কুতাঞ্জলিপুটে কহিতেছি, আর আমাকে ও বিষয়ে অনুরোধ করিবেন না। কুন্তীবাক্য শ্রবণ করিয়া রা জর্ষি পাণ্ডু অগত্যা তাহাতে সন্তুষ্ট হইয়া নিরস্ত রহিলেন। হে উরত বংশাবতংস জনমেজয়! এইরূপে দেবদত্ত পাণ্ডুপুত্রগণ হৈমবতপূর্বক্রেত্রে থাকিয়া ক্রিয়দিনের মধ্যে বীর্যবান, যশস্বী, শুভলক্ষণসম্পন্ন, চন্দ্রতুল্য প্রিয়দর্শন, সিংহের ন্যায় দর্পশালী, সর্কধনুর্ধরাগ্রগণ্য ও দেবতুল্য বিক্রমশালী হইয়া উঠিলেন। তত্রত্য মহর্ষিগণ তাঁহাদিগের লক্ষণ, পরাক্রম ও রূপলাবণ্য দর্শনে সান্তিশয় বিস্ময়াপন্ন হইলেন। এ দিকে ভূর্ষোধনপ্রভৃতি ধৃতরাষ্ট্রের পুত্রগণ অতি অস্পৃদ্যদিনের মধ্যে জলাশয়স্থ কমলের ন্যায় দিন দিন পরিবর্ধিত হইতে লাগিল।

পঞ্চবিংশতাব্দিক শততম অধ্যায়।

বৈশম্পায়ন কহিলেন, মহীপতি পাণ্ডু এইরূপে দেবতুল্য প্রিয়দর্শন পঞ্চ পুত্র লাভ করিয়া পরম সুখে ক্রিয়ৎ কাল অতিবাহিত করিলেন। ইতিমধ্যে সর্কভূতের সম্মোহনকারী ঋতুরাজ বসন্ত আবির্ভূত হইল। রাজা বনবিহার করিতে গমন করিলেন, মদ্ররাজ-তুহিতা দিব্যায়র পরিধানপূর্বক তাঁহার পশ্চাৎ পশ্চাৎ চলিলেন। ঐ বন পলাশ তিলক আম্ চম্পক পণরি তদ্রকপ্রভৃতি ফলপুষ্পসুশোভিত নানাবিধ রক্ষজালে সমাকীর্ণ, পদ্ম কুমুদ কহলারপ্রভৃতি জলজ পুষ্পদ্বারা সমারূত এবং বহুবিধ জলাশয়ে বাণ্ড ছিল। একে বসন্তকাল ও বনের অলৌকিক সৌন্দর্য্য, তাহাতে আবার অসামান্য রূপলাবণ্যসম্পন্ন রাজীবলোচনা মদ্রাধিপতনয়া একাকিনী সঙ্গে সঙ্গে ভ্রমণ করিতেছেন; এই সমস্ত দর্শন করিয়া রাজার অন্তঃকরণের চাঞ্চল্য হইয়া উঠিল। তিনি ক্রমে

ক্রমে অনঙ্গশরে অবশচিত্ত হইয়া বল-
পূৰ্বক মাদ্রীকে আলিঙ্গন করিলেন । মাদ্রী
বারংবার নিষেধ করিতে লাগিলেন, কিন্তু
রাজা কোন ক্রমেই নিবৃত্ত হইলেন না ।
তিনি কামশরে বিমোহিত হইয়া মৃগকপ-
ধারী ঋষিকুমারের শাপ এক বারে বিস্মৃত
হইয়া গিয়াছিলেন । দৈবনির্ভঙ্ক অখণ্ডনীর ;
রাজা বারংবার মাদ্রীকর্তৃক নিবারিত হইয়াও
কোন ক্রমে নিবৃত্ত হইলেন না ; স্মৃতরাং
অনুল্লঙ্ঘনীর মৃগশাপবশতঃ পঞ্চয় প্রাপ্ত
হইলেন । মাদ্রী তাঁহাকে তদবস্থ দেখিয়া
তাঁহার মৃত দেহ আলিঙ্গনপূৰ্বক উচ্চৈঃ-
স্বরে আৰ্ত্তনাদ করিতে লাগিলেন । কুন্তী
দূরহইতে সেই আৰ্ত্তনাদ শ্রবণ করিয়া
অতীব আকুলিতাচিন্তে স্বীয় পুত্রগণ ও
মাদ্রীকুমারদ্বয়কে সমভিব্যাহারে লইয়া শ-
কামুসারে গমন করিতে লাগিলেন । মাদ্রী,
অনতিদূরে কুন্তীকে কুমারগণ সমভিব্যাহারে
আসিতে দেখিয়া কাতরস্বরে কহিলেন,
ভদ্রে ! তুমি একাকিনী এই স্থানে আগ-
মন কর । বালকগণ ঐ স্থানেই থাকুক ।
কুন্তী মাদ্রীর বচনানুসারে কুমারগণকে রা-
খিয়া একাকিনী হা হতাস্মি বলিয়া রোদন
করিতে করিতে তথায় গমনপূৰ্বক দেখি-
লেন, মাদ্রী রাজার মৃত দেহ আলিঙ্গন ক-
রিয়া ভূমিতলে শয়ানা আছেন । তখন তিনি
শিরে করাঘাত করিয়া বিলাপ করিতে ক-
রিতে মাদ্রীকে সম্বোধন করিয়া কহিলেন ।
আমি রাজাকে সৰ্বদা রক্ষা করিতাম, ইনি
অতিশয় জিতেন্দ্রিয় ছিলেন ; তবে ইনি
মৃগশাপ জানিয়া শুনিয়াও কি নিমিত্ত তো-
মাকে বলাৎকার করিতে প্রবৃত্ত হইলেন ?
দেখ, আমি যেক্ষণ ইহঁাকে রক্ষা করিতাম,
তোমারও সেইরূপ করা কর্তব্য ছিল, তবে
কেন ইহঁাকে নিৰ্জ্জনে আনিয়া প্রলোভিত
করিলে? মৃগশাপবিঘরিনী চিন্তা ইহঁার হৃ-
দয়ে সৰ্বদা জাগরুক থাকিত, তন্নিমিত্ত নি-

য়তই যৎপরোনাস্তি চ্যুত থাকিতেন ;
অদ্য তোমাকে নিৰ্জ্জনে পাইয়া কি নিমিত্ত
ইহঁার মন চঞ্চল হইল ? মদ্ররাজনন্দিনি!
তুমি ধনা ও আমাহইতে অধিকতর সৌ-
ভাগ্যবতী, যেহেতু তুমি অদ্য মহারাজের
প্রসন্ন বদন দেখিয়াছ । মাদ্রী কুন্তীর এই
কপ পরিদেবনবাক্য শ্রবণ করিয়া কহিলেন,
দেবি! এবিষয়ে আমার কোন অপবাধ নাই ।
রাজর্ষি বলাৎকারে উদ্যত হইলে, আমি অ-
তিকরণস্বরে তাঁহাকে ডুরোভূয়ঃ নিষেধ
করিয়াছিলাম, কিন্তু তিনি আমাদের চূর-
দুষ্ট ক্রমেই হউক, বা ঋষিশাপের অনুল্ল-
ঙ্ঘনীয়তা প্রযুক্তই হউক, অথবা চূর্দান্ত মদ-
নের অনিবার্য্যতাবশতই হউক, আমার
বাক্যে একবার কর্ণপাতও করিলেন না ।

পতিব্রতা কুন্তী মাদ্রীর বচনাবসানে ক-
হিলেন, ভদ্রে! যাহা হইবার হইয়াছে ।
এক্ষণে তোমার নিকট এক প্রার্থনা করি,
শ্রবণ কর । আমি রাজর্ষির জ্যেষ্ঠা ধর্মপত্নী,
স্মৃতরাং শ্রেষ্ঠ ধর্মফল আমারই প্রাপ্য ;
অতএব আমি পরলোকগত ভর্তার সহগ-
মন করিব, তুমি এবিষয়ে আমাকে নিবারণ
করিও না । তুমি গাত্রোথান কর । অতি
সাবধানে এই সকল সম্মানগুলি প্রতিপালন
করিও । আমি মহারাজের মৃতদেহ লইয়া
চিতারোহণ করি । মাদ্রী কহিলেন, অর্ঘ্যো!
আমি স্বামিসহবাসে অদ্যাপি পরিতৃপ্ত
হই নাই, অতএব আমিই ইহঁার সহ-
গমন করিব । অনুগ্রহ করিয়া আমা-
কে এবিষয়ে অনুমতি করিতে হইবে ;
আরও দেখ, মহারাজ আমাতেই আসক্ত
হইয়া প্রাণত্যাগ করিয়াছেন, তন্নিমিত্ত যম-
ভবনে গমন করিয়া তাঁহার অভিজায় পরি-
পূর্ণ করা আমার প্রধান ধর্ম ও অত্যন্ত অ-
বশ্যকর্তব্য কর্ম । বিশেষতঃ যদি আমি জী-
বিত থাকিয়া আপনার পুত্রদ্বয়ের ন্যায়
তোমার পুত্রগণকে স্নেহ করিতে না পারি,

তাঁহা হইলে অবশ্যই আমাকে ইহ কালে লোকনিন্দায় ও পরকালে ঘোরতর নরকে নিপতিত হইতে হইবে। অতএব সহগমন করাই আমার পক্ষে শ্রেয়ঃকম্প। এক্ষণে তোমার নিকট আমার এই ভিক্ষা যে, মহারাজের মৃতদেহের সঙ্গিত আমার কলেবর শঙ্ক কর। আমার পুত্রদ্বয়কে আপনার পুত্রগণের ন্যায় স্নেহ ও অপ্রমত্তচিত্তে প্রতিপালন করিও, ইহা ব্যতীত আমার আর কিছুই বক্তব্য নাই। মদ্ররাজদুহিতা কুন্তীকে এই কথা বলিয়া রাজার মৃত দেহ আশ্রয়পূর্বক কলেবর পরিত্যাগ করিলেন।

ষাড়শতাব্দিক শততম অধ্যায়।

বৈশম্পায়ন কহিলেন, এইরূপে রাজর্ষি পাণ্ডু কলেবর পরিত্যাগ-পূর্বক লোকান্তর গমন করিলে দেবতুল্য মহর্ষিগণ ও মন্ত্রবিৎ ব্রাহ্মণগণ একত্র হইয়া মন্ত্রণা করিলেন, যে, “মহাশশা মহাত্মা মহারাজ পাণ্ডু রাজ্য পরিত্যাগ করিয়া এ স্থানে আমাদের শরণাগত হইয়া বহু দিবস তপোযুগল করিয়াছিলেন, এক্ষণে তিনি শিশু পুত্রগণ ও ভার্য্যাকে আমাদের নিকটে রাখিয়া সুরলোকে গমন করিয়াছেন, অতএব তাঁহার পুত্র, কলত্র ও মৃতদেহ লইয়া ভীষ্ম ও ধৃতরাষ্ট্রের নিকটে সমর্পণ করা আমাদের অবশ্যকর্তব্য।” মহর্ষিগণ এইরূপ পরামর্শ করিয়া কুন্তী, যুধিষ্ঠিরাদি পঞ্চ বালক এবং পাণ্ডু ও মাদ্রীর মৃত কলেবর লইয়া হস্তিনা নগরে গমন করিলেন। পুত্রবৎসলা কুন্তী পতিবিহীন হইয়াও পুত্রমুখ নিরীক্ষণে এবং স্বদেশগমনে নিতান্ত তুঃসুক্যপ্রযুক্ত সাতিশয় আনন্দিতা হইয়া সর্বত্র গমন করিতে লাগিলেন। তাঁহারা অতি অল্প দিনের মধ্যেই কুরুজাঙ্গলে উপনীত হইয়া রজনী প্রভাত হইয়ামাত্র রাজদ্বারে সমুপস্থিত হইলেন। তখন তাপসগণের বাক্যানুসারে দ্বারবান্ তৎক্ষণাৎ রাজসভায় গিয়া তাঁহা-

দের আগমনবার্তা নিবেদন করিল। হস্তিনাপুর নিবাসী ষাটতীয় ব্রাহ্মণ, ক্ষত্রিয়, বৈশ্য ও শূদ্রগণ তাপসদিগের আগমনবার্তা শ্রবণে সাতিশয় বিস্ময়াপন্ন হইলেন, এবং আপন আপন পুত্র ও কলত্রগণ সমভিব্যাহারে বিবিধ ষানে আরোহণ করিয়া তাঁহাদিগকে দর্শন করিতে চলিলেন। তাপসদর্শনার্থিনী জনতা রাজমার্গ আচ্ছন্ন করিয়া চলিল। তৎকালে তাঁহাদের সকলেরই অশ্রুঃকরণ ঈর্ষাসূন্য ও ধর্মপ্রবণ হইল। শান্তনুন্দন ভীষ্ম, মোমদত্ত, বাহ্লিক, রাজর্ষি ধৃতরাষ্ট্র, বিদুর, দেবী সত্যবতী, যশস্বিনী কৌশল্যা ও অন্যান্য রাজপত্নীগণে পরিবৃত্তা গান্ধারী এবং বিচিত্রাতরুণবিভূষিত চুর্যো-ধনপ্রভৃতি ধৃতরাষ্ট্রের দায়াদগণ তাপসদর্শনে ব্যগ্রচিত্ত হইয়া গমন করিতে লাগিলেন। তদনন্তর পুরোহিতসহিত কৌরবগণ ও অন্যান্য পৌর ও জ্ঞানপদগণ তপস্বীদিগকে দর্শন করিয়া দণ্ডবৎ প্রণিপাত করিলেন। পরে, সেই সকল লোক ঋষিদিগের আদেশানুসারে উপবেশন করিলে মহাত্মা ভীষ্ম সমস্ত দর্শনার্থিগণকে নিস্তব্ধ দেখিয়া মহর্ষিদিগকে পাদ্য অর্ঘ্য দ্বারা যথাবিধি পূজা করত সমস্ত রাজ্য সমর্পণ করিলেন। তখন তাপসগণের মধ্যে পরিণতবয়ঃ এক মহর্ষি গাত্ৰোপ্তান করিয়া অন্যান্য তপোধনের মতগ্রহণপূর্বক কহিতে লাগিলেন, “হে মান্যবরগণ! যে কৌরবদায়াদ পাণ্ডু নামক নরপতি সমস্ত ভোগসুখে জলাঞ্জলি প্রদানপূর্বক শতশৃঙ্গপর্বতে গমন করিয়া ব্রহ্মচর্য্যত্রত অবলম্বন করিয়াছিলেন, তাঁহার জ্যেষ্ঠা ধর্মপত্নী কুন্তীর গর্ভে সাক্ষাৎ ধর্মের ঔরসে এই যুধিষ্ঠিরনামা পুত্র জন্মিয়াছেন, ভগবান্ বামুহইতে এই মহাবল পরাক্রান্ত ভীমসেন সমুৎপন্ন হইয়াছেন এবং দেবরাজ ইন্দ্রের ঔরসে এই ধনঞ্জয় নামে পুত্র জন্ম গ্রহণ করিয়াছেন। অর্জুনের

যশোরাম্ণি সমস্ত মেদিনীমণ্ডলে বিস্তীর্ণ হইয়া অন্যান্য মহাধনুর্জর বীর পুরুষগণের কীর্তি বিলুপ্ত করিবে। আর, এই যে ছুই মহাধনুর্জর নরশ্রেষ্ঠকে দেখিতেছ, ইহারা সেই রাজর্ষির কনিষ্ঠা ধর্মপত্নী, মাদ্রীর গর্ভে অশ্বিনীকুমারের ঔরসে জন্ম গ্রহণ করিয়াছেন। হে কুরুকুলাত্রগণ্যগণ! এই রূপে পরম ধর্মাত্মা মধ্যযশস্বী পাণ্ডু মহীপাল বনে বাস করিয়া নষ্টপ্রায় পৈতামহ বংশের পুনরুদ্ধার করিয়াছেন। তোমরা এই পাণ্ডুপুত্রগণের বেদাধায়নের বিষয় জ্ঞাত হইয়া পরম পরিভুক্ত হইবে। সেই মনুজসত্তম রাজর্ষি পাণ্ডু অভিলষিত পুত্র লাভ করিয়া অদ্য সপ্তদশ দিবস হইল, পরলোকে গমন করিয়াছেন। পতিব্রতা মাদ্রীও পতির লোকান্তরপ্রাপ্তি দর্শনে সাতিশয় চুঃখিতা হইয়া তাঁহার মৃত দেহ আলিঙ্গনপূর্বক কলেবর পরিত্যাগ করিয়া পতিলোক প্রাপ্ত হইয়াছেন। তোমরা পাণ্ডু ও মাদ্রীর এই শবশরীরদ্বয় লইয়া কুন্তী ও যুধিষ্ঠিরাদি পঞ্চ ভ্রাতার সহিত তাঁহাদিগের অগ্নিচার্যা, শ্রেতাক্রিয়া এবং শ্রাদ্ধাদি সম্পাদন কর। কুরুগণকে এই কথা বলিয়া তাপসগণ দেখিতে দেখিতে গুহুকদিগের সহিত অহুর্হিত হইলেন। তাঁহাদের সমাগমে হস্তিনাপুর গন্ধর্বাধিষ্ঠিতের ন্যায় অপূর্ব শোভা ধারণ করিয়াছিল। এক্ষণে তাঁহারা অস্থধান করাতে পুরেব আর সেরূপ শোভা রহিল না। সমাগত পৌর ও জনপদগণ সিদ্ধ মহর্ষিগণ দর্শনে বিস্ময়গমন হইয়া স্বস্থ স্থানে প্রস্থান করিলেন।

সপ্তবিংশতাধিক শততম অধ্যায় ।

তদনন্তর ধৃতরাষ্ট্র বিছুরকে আহ্বান করিয়া কহিলেন, পাণ্ডু ও মাদ্রীর সমুদায় শ্রেতকার্য্য বাধাতে পরমসমারোহ-পূর্বক সূচাক্রমে সম্পন্ন হয় তদ্বিষয়ে তুমি যত্নবাহু হও এবং তাঁহাদের ছুই জনের যাব-

তীয় পশু, বস্ত্র, রত্ন ও ধন আছে, অর্ধিগণের প্রার্থনানুসারে তৎসমুদায় প্রদান কর। কুন্তী দ্বারা মাদ্রীর সংকার করাও। মাদ্রীকে একপ স্নানমৃত করিবে যে, অন্যের কথা দূরে থাকুক, যেন বায়ু বা সূর্য্যও তাঁহাকে দেখিতে না পান। মহারাজ পাণ্ডুর নিমিত্ত আর শোক করিবার আবশ্যকতা নাই, বরং তিনি অতিমাত্র প্রশংসনীয়, যেহেতু সেই মহাত্মা, মহাবল পরাক্রান্ত পঞ্চপুত্র রাখিয়া স্বর্গে গমন করিয়াছেন।

বৈশম্পায়ন কহিলেন, হে ভরতকুল-তিলক জনমেজয়! বিছুর ধৃতরাষ্ট্রের বাক্য শ্রবণানন্তর “যে আজ্ঞা” বলিয়া ভীষ্মকে সমভিব্যাহারে লইয়া অতি পবিত্র প্রদেশে পাণ্ডুর অগ্নিসংস্কার করিতে চলিলেন। কুরুপুরোহিতগণ পাণ্ডুরাজের আজ্যগন্ধ-পরিপূত প্রদীপ্ত জাতাধি লইয়া সত্বর গমন করিতে লাগিলেন। অমাত্য, জ্ঞাতি ও বান্ধবগণ একত্র হইয়া বিবিধ গন্ধদ্রব্য ও নানা-জাতীয় পুষ্পদ্বারা পাণ্ডু ও মাদ্রীর মৃত কলেবর বিভূষিত করিলেন। পরে, মহার্ঘ-বস্ত্রাচ্ছাদিত শিবিকার মধ্যে সেই ছুই মৃত শরীর সংস্থাপন করিয়া সকলে ক্ষক্ষে লইয়া চলিলেন। তৎকালে কেহ বা শ্বেতচ্ছত্র ধারণ কেহ বা চামর ব্যজন করিতে আরম্ভ করিল। চতুর্দিকে নানাপ্রকার বাদ্যোদ্যম হইতে লাগিল। শত শত ব্যক্তি পাণ্ডুর পূর্বসঞ্চিত বিবিধ ধনরত্ন লইয়া যাচকগণকে প্রদান করিতে লাগিল। শুক্লায়রধারী বাজকগণ প্রদীপ্ত হস্তাশনে আহুতি প্রদান করিতে করিতে তাঁহাদের অগ্রে অগ্রে গমন করিতে লাগিল। সহস্র সহস্র ব্রাহ্মণ, ক্ষত্রিয়, বৈশ্য ও শূদ্র “হায়! কি হইল! মহারাজ! আমাদিগকে অপার চুঃখার্গ্বে পরিত্যাগ করিয়া কোথায় চলিলেন” এই বলিয়া করুণস্বরে রোদন করিতে করিতে পশ্চাৎ পশ্চাৎ চলিলেন। তদনন্তর পাণ্ডু ও মাদ্রীর

শিবিকাবাচী পাণ্ডবগণ এবং ভীষ্ম ও বিজয় অশ্রুপূর্ণনয়নে বনোদ্দেশে রমণীয় ভাগীরথীতীরে সমুপস্থিত হইয়া স্কন্ধস্থিত শিবিকা অবতারণ করিলেন এবং তন্মধ্য হইতে মহারাজের মৃত কলেবর বহিষ্কৃত করিয়া তাহাতে কালাশুরু ও চন্দন-প্রভৃতি বিবিধ গন্ধদ্রব্য লেপনপূর্বক সূবর্ণ কলস দ্বারা জলসেচন করিতে লাগিলেন। তৎপরে সেই মৃতদেহে পুনর্বার নানাবিধ গন্ধদ্রব্য লেপন করিয়া স্বদেশীয় শুভ্র বস্ত্র পরিধান করা হইলেন। মহারাজ পাণ্ডু শুভ্রবসনাচ্ছন্ন ও চন্দনাদি বিবিধ স্নগন্ধ গন্ধদ্রব্যদ্বারা অনুলিপ্ত হওয়াতে জীবিতেরন্যায় পরম রমণীয় শোভা ধারণ করিলেন। তদনন্তর তাঁহার যাত্রকদিগের আজ্ঞানুসারে সমস্ত প্রেতকাৰ্য্য সুসম্পন্ন করণানন্তর মাদ্রীর সহিত রাজাকে স্তোত্রাভিষিক্ত করিয়া চন্দন-প্রভৃতি বহুবিধ স্নগন্ধি কাষ্ঠদ্বারা দাহ করিতে লাগিলেন। কৌশল্যা চিতাগ্নিস্থ পুত্র ও পুত্রবধূর মৃত কলেবর দর্শনে শোকে নিতান্ত অধীর হইয়া হা পুত্র! হা পুত্র! বলিয়া উচ্চৈঃশ্বরে রোদন করিতে করিতে ধরাতলে পতিত ও মূচ্ছিত হইলেন। তাঁহাকে ভূতলে পতিত দেখিয়া রাজভক্তি-পরায়ণ প্রজাগণ হায় 'কি হইল' 'কি হইল' বলিয়া করুণশ্বরে রোদন করিতে লাগিল। কুন্তী ধূলিধূসরিতকলেবর হইয়া কাতরশ্বরে আর্তনাদ করিতে লাগিলেন। তাঁহার ক্রন্দনধ্বনি শ্রবণে মন্বন্তোর কথা দূরে থাকুক, তির্ঘাণেয়ানিগত পশুপক্ষীরাও রোদন করিতে লাগিল। শান্তনুন্দন ভীষ্ম, মহামতি বিজয় ও কৌরবগণ সাতিশয় দুঃখিত হইয়া অশ্রু মোচন করিতে লাগিলেন। তদনন্তর ভীষ্ম, বিজয়, রাজা ধৃতরাষ্ট্র, যুধিষ্ঠিরাদি পঞ্চ ভ্রাতা ও অন্যান্য জ্ঞাতিবর্গ এবং সমস্ত কৌরববনিভাগণ একত্র হইয়া ক্রন্দন করিতে করিতে মহারাজ পাণ্ডুর

উদকক্রিয়া সম্পাদন করিলেন। উদককার্য্য সমাপন হইলে রাজ্যস্থ প্রজাগণ পিতৃশোক বিমূঢ়চিত্ত পাণ্ডবগণকে অশেষপ্রকারে সাহুনা করিতে লাগিল। পাণ্ডবগণ শোকে অধীর হইয়া সবাস্ত্রবে ভূতলে শয়ন করিলেন, নগরবাসী ব্রাহ্মণাদি বর্ণেরাও ভূমিশযায় শয়ান হইলেন। নগরবাসী আবাণ বৃদ্ধ বনিভাপ্রভৃতি সকলেই সেই দিবসাবধি দশ দিন নিতান্ত নিরানন্দ ও শোকমাগরে নিমগ্ন রহিল।

অষ্টাবিংশত্যাধিক শততম অধ্যায়।

বৈশম্পায়ন কহিলেন, তদনন্তর কুন্তী, রাজা ধৃতরাষ্ট্র ও ভীষ্ম, বন্ধুগণসমবেত হইয়া বেদবিধানানুসারে পাণ্ডুর ঔর্ধ্বেদেহিক ক্রিয়া সম্পাদন করিয়া সহস্র সহস্র ব্রাহ্মণ ও জ্ঞাতিবর্গকে ভোজন করাইলেন এবং প্রধান প্রধান বিপ্রগণকে প্রভূত রত্ন ও উত্তমোত্তম গ্রামসকল প্রদান করিলেন। পরে কুতশৌচ পাণ্ডবগণকে সমভিব্যাহারে লইয়া হস্তিনানগরে প্রবেশ করিলেন। পৌরবর্গ ও জানপদগণ পরলোকগত স্বকীয় বাহুবের ন্যায় রাজর্ষি পাণ্ডুকে স্মরণ করিয়া অশ্রুক্ষণ পরিতাপ করিতে লাগিল।

মহারাজ পাণ্ডুর শ্রাদ্ধ কার্য্য সমাপনানন্তর মহর্ষি কৃষ্ণদ্বৈপায়ন সেই সমস্ত লোকদিগকে দুঃখিত ও স্বীয় জননী সত্যবতীকে শোকসম্প্রপ্ত দেখিয়া তাঁহাকে কহিলেন, মাতঃ! সময় আতিশয় দারুণ হইয়া উঠিয়াছে, এক্ষণে স্নেহের লেশমাত্রও নাই; দিন দিন পাপ বৃদ্ধি হইতেছে; পৃথিবী শস্যশূন্যা ও ফলবিহীনা হইতেছে। বোধ হয়, লোকসকল কালক্রমে নানাবিধ মায়াজালে জড়িত ও নানাদোষসংকীর্ণ হইয়া উঠিবে। প্রায় সকলেই কুরুশ্মানুষ্ঠানে নিরত হইবে। ধর্ম কৰ্ম একবারে বিলুপ্ত হইয়া যাইবে। কুরুদিগের দুর্নীতিপ্রযুক্ত রাজকী তাহাদিগকে পরিত্যাগ করিবেন। তাহারা অতি

অল্প দিনের মধ্যেই সৎশ্রেণী কৃতান্তসদনে গমন করিবে ; অতএব আপনি স্বচক্ষে স্বীয় বংশের বিনাশ দেখিবার পরিবার্ত্তে বনে গমনপূর্ব্বক যোগামুষ্ঠানে যত্ন করুন ।

সত্যবতী ব্যাসের বাক্যে অনুমোদন করিয়া অন্তঃপুরে প্রবেশপূর্ব্বক স্বীয় পুত্রবধূ অম্বিকাকে কহিলেন, অম্বিকে ! শুনিতে পাইলাম, তোমার পৌত্রের অত্যাচারবশতঃ অল্প দিনের মধ্যেই আমাদিগের বংশ এক বারে উচ্ছিন্ন হইবে, অতএব যদি তোমার মত হয়, তবে চল, আমরা পুত্রশোকাক্তা কৌশল্যাাকে সমভিব্যাহারে লইয়া কাননে প্রস্থান করি । অম্বিকা স্বশ্রীর বাক্য শ্রবণ করিয়া “যে আজ্ঞা ” বলিয়া স্বীকার করিলেন । তখন সত্যবতী ভীমকে আমন্ত্রণপূর্ব্বক স্নানাদয়কে সমভিব্যাহারে লইয়া বনে গমন করিলেন । তথায় কঠোর তপস্বা করিতে করিতে কলেবর পরিত্যাগ করিয়া স্ব স্ব অতিলম্বিত মার্গে প্রস্থান করিলেন ।

এ দিকে যুধিষ্ঠিরাদি পঞ্চ পাণ্ডব, ঠৈপতুক ভবনে থাকিয়া বিবিধ রাজভোগ উপভোগ দ্বারা দিন দিন বৃদ্ধি পাইতে লাগিলেন । ক্রমে ক্রমে তাঁহাদের বেদোক্ত সংস্কারসকল সম্পাদিত হইল । তাঁহারা দুর্য্যোধনাদি শত ভ্রাতার সহিত সতত পরম স্নুখে ক্রীড়া করিতেন । সমস্ত বাল্যক্রীড়াতেই তাঁহাদের বিশেষ তেজস্বিতা প্রকাশ পাইত । স্পর্ধাপূর্ব্বক সবেগ গমন, লক্ষ্যাভিহরণ ও অন্যান্য ক্রীড়ায় ভীমসেন যাবতীয় খার্ত্তরাষ্ট্রগণকে পরাভূত করিতেন । যখন ধৃতরাষ্ট্রের পুত্রগণ পরমাঙ্ঘ্রাদে ক্রীড়া করিত, বৃকোদর তৎকালে তাহাদের পরস্পরের মস্তকে সংঘটন করিয়া দিতেন । খার্ত্তরাষ্ট্রেরা শত ভ্রাতা ও মহাবল পরাক্রম, ভীমসেন একাকী, তথাপি তাহাদের মস্তকে অনায়াসে নিঃসৃত করিতেন । তিনি কখন কখন তাঁহাদিগকে ভূতলে নিক্ষেপ করিয়া কেশধারণ

পূর্ব্বক এমন বেগে আকর্ষণ করিতেন যে তাহারা কেহ ক্ষতজানু, কেহ ক্ষতমস্তক, কেহ বা ক্ষতকক্ষ হইয়া প্রাণনাশভয়ে পরিভ্রাণার্থ আর্ন্তম্বরে চীৎকার করিত । জনকীড়ার সময়ে তিনি এক কালে তাঁহাদের দশ জনকে ধরিয়া জলে মগ্ন হইয়া থাকিতেন, পরিশেষে, তাঁহারা মৃতকল্প হইলে ছাড়িয়া দিতেন । যৎকালে তাঁহারা কলচয়নার্থ বৃক্ষে আরোহণ করিতেন, ভীমসেন সেই সময়ে পান্সঘাতে সেই বৃক্ষ কম্পিত করিতেন ; তাহারা প্রহারবেগ সহ্য করিতে নাপারিয়া ফলের সহিত বৃক্ষহইতে ভূতলে পতিত হইত । কলতঃ, খার্ত্তরাষ্ট্রেরা কি বাহুবল, কি বেগ, কি শস্ত্রাত্যাস, কিছুতেই ভীমকে পরাস্ত করিতে পারিত না । এই রূপে বৃকোদর সর্বদা সর্ববিষয়ে জয়ী হওয়াতে বাল্যকালাবধি তাঁহাদের অত্যন্ত অপ্রিয় হইয়া উঠিলেন ।

ধৃতরাষ্ট্রতনয়দিগের মধ্যে সর্ব্বজ্যেষ্ঠ দুর্য্যোধন সর্ব্বাপেক্ষা অধিকতর ক্রুর, দুর্মান্তি, পাপাচার ও ঐশ্বর্যলুক্ক ছিল । ঐ ছুরাষ্ট্রা ভীমসেনের অপরিমিত পরাক্রম দর্শনে সাতিশয় উদ্ভিগ্ন হইয়া মনে মনে চিন্তা করিল, কুস্তীর মধ্যম পুত্র-বৃকোদর বলবান, বিক্রমশালী ও শৌর্য্যযুক্ত ; এই ছুরাষ্ট্রা একাকী আমাদিগের শত ভ্রাতাকে অবলীলাক্রমে পরাজয় করে ; অতএব যখন ভীম পুরোধ্যানে নিমিত্ত থাকিবে, তখন ইহাকে ধরিয়া গঙ্গায় নিক্ষেপ করিব, তাহা হইলেই ইহার কনিষ্ঠ অর্জুন ও জ্যেষ্ঠ যুধিষ্ঠিরকে বন্ধ রাখিয়া অনায়াসেই সমাগরা পৃথিবী শাসন করিতে পারিব । পাপাষ্ট্রা দুর্য্যোধন মনে মনে এই রূপ দুই অভিপ্রায় করিয়া মহাষ্ট্রা ভীমসেনের রক্তাশ্রমে সর্বদা যত্ন করিতে লাগিল ।

কিয়দিনপরে দুর্মান্তি দুর্য্যোধন পুত্র দুর্ভীষ্মসহিত বিদ্রু করিবার আশয়ে অসাবিত্যার্থ গঙ্গাতীরে বসনবিরচিত ও কহল-

নির্মিত বিচিত্র গৃহসকল প্রস্তুত করাইল। ঐ সকল গৃহ অশেষবিধ ভোগ্যবস্তুদ্বারা পরিপূর্ণ ও অত্যুন্নত পতাকাসমূহে স্তম্ভোত্তিত করিল। তদনন্তর গঙ্গার পুলিনদেশে উদক ক্রীড়নকনামে একটি স্থান নির্দিষ্ট করিয়া পাককার্য্যানুপূর্ণ ব্যক্তাদিগকে নানাবিধ চর্কা, চোষা, লেছ, পেয় দ্বারা ঐস্থান পরিপূর্ণ করিতে আদেশ করিল। তাহারা তাঁহার আদেশানুসারে সমস্ত কার্য্য সুসম্পন্ন করিয়া সম্বাদ প্রদান করিলে দুর্গতি দুর্ভোগ্যাদন পাণ্ডবদিগের নিকটে গমনপূর্বক কহিল, চল আমরা সকল ভ্রাতায় একত্র হইয়া উদ্যানবনশোভিত গঙ্গায় জলক্রীড়া করি। সরলাস্ত্রংকরণ যুধিষ্ঠির তৎক্ষণাৎ তাহার বাক্যে সম্মত হইলেন। তখন অপরিমিত-শৌর্য্যশালী কোরবগণ ও পাণ্ডবগণ কেহ নগ্নরাকার রথে কেহ বা দেশজ অত্যুৎকৃষ্ট গজে আরোহণপূর্বক উদ্যানসমীপে সমুপস্থিত হইয়া, সিংহসমূহ যেমন গিরিগুহায় প্রবেশ করে, তদ্রূপ সেই উদ্যানবনमध्ये প্রবিষ্ট হইয়া উদ্যানশোভা নিরীক্ষণ করিতে লাগিলেন। ঐ উদ্যান সুধাধবলিত রাজযোগ্য গৃহ, বলভী, গবাক্ষ ও জলযজ্ঞসমূহে ব্যাপ্ত; সৌধকারগণ গৃহসকল সম্মার্জিত ও চিত্রকরেরা চিত্রিত করিয়াছে; সুশীতলজলপূর্ণ বৃহতী দীর্ঘিকা ও পুষ্করিণীসমূহ শোভা পাইতেছে। ঐ উদ্যানের সমুদায় জলভাগ স্বকোমল কমলসমূহে ব্যাপ্ত এবং স্থলভাগ বিবিধ স্থলজ গুপ্তে সমাকীর্ণ ছিল।

কোরব ও পাণ্ডবগণ কিয়ৎক্ষণ সেই উদ্যানের শোভা নিরীক্ষণ করিয়া তথায় উপবেশনপূর্বক তত্রস্থ ভোগ্য বস্তুসকল তক্ষণ করিতে আরম্ভ করিলেন। তাঁহারা সকৌতুকমনে আহার করিতে করিতে মিত্যম লইয়া পরস্পর পরস্পরের মুখে দিতে লাগিলেন। পাশাপাশি দুর্ভোগ্যাদন সেই অবস্থায়

ভীমসেনকে বধ করিবার আশয়ে মিত্যমে বিষ মিশ্রিত করিয়া স্বয়ং গাত্রোপধানপূর্বক ভ্রাতার ন্যায় পরম সুহৃদের ন্যায় মিত্যবাক্য কহিতে কহিতে ভীমের বস্ত্রে সেই বিষমিশ্রিত মিত্যম প্রদান করিল। সরলাহৃদয় ভীমসেন, ঐ খাদ্য যে বিষমিশ্রিত, তাহা না জানিতে পারিয়া সাতিশয় স্ত্রীতিপূর্বক সেই মিত্যম তক্ষণ করিলেন। দুর্ভোগ্যাদন তদর্শনে আপনাকে কৃতকৃত্য জ্ঞান করিয়া মনে মনে হাসিতে লাগিল। তদনন্তর যাবতীয় ধার্ত্তরাষ্ট্রগণ ও পাণ্ডবগণ একত্রিত হইয়া পরমাঙ্কাদে জলক্রীড়া করিতে লাগিলেন। ক্রমে ভগবান্ ভাস্কর অন্তাচলচূড়াবলয়ী হইলে, তাঁহারা সকলে সাতিশয় পরিশ্রান্ত হইয়া জলহইতে গাত্রোপধান করিলেন এবং বিহারগৃহে গমনপূর্বক ধৌত বস্ত্র পরিধান ও বিচিত্র অলঙ্কার ধারণ করিয়া বিশ্রাম করিতে লাগিলেন। কেবল একাকী ভীমসেন বিষতক্ষণ ও ব্যায়ামাধিক্যপ্রযুক্ত একান্ত ক্লান্ত হইয়া গঙ্গার কচ্ছ দেশে শয়ন করিবামাত্র নিদ্রায় অচেতন ও মৃতকম্প হইলেন। দুর্ভোগ্যাদন সেই অবস্থায় তাঁহাকে লতাপাশে বদ্ধ করিয়া স্থলহইতে জলে নিক্ষেপ করিল।

ভীমসেন কালকূটপ্রভাবে নিঃসংজ্ঞ হইয়াছিলেন। তিনি জলমগ্ন হইয়া ক্রমে ক্রমে নাগভবনে সমুপস্থিত ও নাগকুমারগণের উপর নিপতিত হইলেন। তদর্শনে তত্রস্থ তীত্রবিষ বিষধরগণ ক্রোধপরতন্ত্র হইয়া তাঁহাকে ভীষণদশনদ্বারা দংশন করিতে লাগিল। সর্পগণের জঙ্ঘমবিষদ্বারা ভীমশরীরস্থ স্থাবর কালকূট বিষের তেজ এক বায়ে বিলুপ্ত হইয়া গেল। সর্পগণের দংশনে ভীমের চূড়কলেবর ক্রম বিকৃত হইয়াছিল, কিন্তু তাঁহার হৃদয়ের বৃক্ এমনি কঠিন যে, উহাতে কিছুমাত্রও দশনচিহ্ন হইল না।

এইরূপে ভীমসেনের ভীমসেনের সর্পগণ

কর্কটক হওয়াতে কালকুট বিষ হইতে মুক্ত হইয়া সংজ্ঞা লাভপূর্বক সর্পগণকে সংহার করিতে লাগিলেন। উহাদের মধ্যে যাহারা ভীমের হস্তহইতে পলাইয়া আত্মরক্ষা করিতে পারিয়াছিল, তাহারা, বাসবতুল্য প্রভাষশালী নাগরাজ বাসুকির নিকটে সম্ভব গমন করিয়া ক্লতাঞ্জলিপুটে নিবেদন করিল, “হে ভ্রাতৃগণ! এক মহাবল পরাক্রান্ত মানব আমাদের পাতালপুরে আসিয়া মহা উপদ্রব করিতে আরম্ভ করিয়াছে, যখন ঐ ব্যক্তি এখানে সমুপস্থিত হয়, তখন হস্তপদে বদ্ধ ও অচেতন, বোধ হয় বিষ পান করিয়াছিল, এখানে আসিয়া আমাদের শিশু সম্ভবগণের উপর নিপতিত হওয়াতে আমরা ক্রুদ্ধ হইয়া উহাকে দংশন করিলাম, পরে সে চৈতন্য লাভ করিয়া স্বীয় হস্ত পদের বন্ধনচ্ছেদনপূর্বক আমাদের বিনাশ করিতে আরম্ভ করিল; ঐরূপ প্রায় আমাদের সকলকেই বিনাশ করিয়াছে, কেবল আমরা কয়েক জনমাত্র কৌশলক্রমে পলাইয়া আসিয়াছি, এক্ষণে আপনি গিয়া তাহার পরিচয় গ্রহণ করুন”।

নাগরাজ বাসুকি সর্পগণের বচনানুসারে তাহাদিগকে সমভিব্যাহারে লইয়া তথায় গমনপূর্বক মহাবাহু ভীমসেনকে দেখিতে পাইলেন। নাগরাজ দেখিবামাত্র তাহাকে স্বদৌহিত্র কুন্তিতোজের দৌহিত্র বলিয়া জানিতে পারিয়া প্রীতিপ্রসন্ন চিত্তে সাদর-সম্ভাষণপূর্বক আলিঙ্গন করিলেন, এবং তাহার উপর সান্তিশয় প্রসন্ন হইয়া প্রচুর ধন ও রত্ন প্রদান করিলেন। তখন কোন সর্প কহিল, হে ভ্রাতৃগণ! যদি ভীমের প্রতি অমুসন্ধান হইয়া থাকেন, তবে বে কুণ্ড রক্ষার নিমিত্ত মহাসম্ভব নাগসৈন্য প্রতীক্ষিত আছে, যেরূপ কুণ্ড হইতে তাহাকে উদ্ধারপূর্বক করিয়া অমৃতপান করিতে অমুসন্ধান করুন। নাগরাজ তাহা শুনিয়া সর্পগণের সহিত গেলেন। তখন

ভীমসেন অন্যান্য নাগগণের আলিঙ্গন-গ্রহণপূর্বক শুচি হইয়া পূর্বমুখে উপবেশনপূর্বক অমৃত পান করিতে আরম্ভ করিলেন। তিনি এক এক নিঃশ্বাসে এক এক কুণ্ড অমৃত পান করিতে লাগিলেন। এইরূপে ক্রমে ক্রমে আট কুণ্ড পান করিয়া ফেলিলেন। অমৃতপান সমাপ্ত হইলে মহাভূজ রুকোদর নাগদন্ত দিব্য শয্যায় শয়ন করিয়া পরম-স্বখে নিদ্রিত হইলেন।

উনত্রিংশদধিক শততম অধ্যায়।

বৈশম্পায়ন কহিলেন, এ দিকে কৌরব-গণ ও যুধিষ্ঠিরাদি ভ্রাতৃচতুষ্টয় ক্রীড়াশেষ করিয়া যৎকালে গৃহে প্রত্যাগমন করেন, তখন ভীমসেনকে দেখিতে পাইলেন না, তাহাতে এই বিবেচনা করিলেন, যে তিনি আমাদের অগ্রেই গিয়াছেন; ইহা স্থির করিয়া কেহ রথে কেহ গজে কেহ অশ্বে কেহ কেহ বা অন্যান্য যানবিশেষে আরোহণ-পূর্বক হস্তিনানগরে প্রস্থান করিলেন। পাশ্চাত্য দুর্ঘোষন রুকোদরের অদর্শনে সান্তিশয় সন্তুষ্ট হইয়া ভ্রাতৃগণের সহিত পুর প্রবেশ করিলেন। ধর্ম্মাত্মা যুধিষ্ঠির ছুরাত্মা দুর্ঘোষনরূত ব্যাপারের কিছুই জানিতেন না, সুতরাং ভীমের কোন অনিষ্টাশঙ্কা না করিয়াই পুরে প্রবেশ করিলেন। তিনি জননীসদনে উপস্থিত হইয়া অভিবাচনপূর্বক জিজ্ঞাসা করিলেন, মাতঃ! রুকোদর যে গৃহে আসিয়াছে! তাহাকে দেখিতেছি না কেন? তবে সে কোথায় গেল? আমরা তাহার নিমিত্ত উদ্যান ও বন তন্ন তন্ন করিয়া অন্বেষণ করিয়াছি। যখন অমুসন্ধান করিয়া তাহাকে নিতান্ত পাইলাম না, তখন আমাদের বোধ হইল যে, অগ্রেই গৃহে আসিয়াছে। এক্ষণে তাহাকে না দেখিয়া অস্তঃকরণ নিতান্ত ব্যাকুল হইতেছে। সে এখানে আসিয়া আর কোথাও গমন করে নাই? আপনি তাহাকে কোথাও পাইলেন নাই?

কুন্তী যুধিষ্ঠিরের মুখে এই বাক্য শ্রবণ করিয়া, হায়! কি হইল বলিয়া সস্তুমে যুধিষ্ঠিরকে কহিলেন, বৎস! আমি ভীমসেনকে দেখি নাই, সে এপর্যন্ত গৃহে আগমন করে নাই, তুমি তোমার অনুজ্ঞায় সঙ্গে লইয়া শীঘ্র তাহার অন্বেষণ কর। চঞ্চলচিত্তা ভোজরাজত্বহিতা জ্যেষ্ঠ পুত্রকে এইরূপ আদেশ দিয়া বিদুরকে সম্মিথানে আনয়নপূর্বক কহিতে লাগিলেন, কস্তঃ! অদ্য কুমারগণ একত্র হইয়া উল্লাসে বিহার করিতে গিয়াছিল, সকলেই ফিরিয়া আসিয়াছে, কেবল একাকী ভীম এপর্যন্ত প্রত্যাগমন করে নাই, সে যে কোথায় রহিয়াছে, কেহই তাহার অনুসন্ধান করিতে পারে নাই। তুম্বস্মতি ছুর্যোধন তাহাকে দেখিতে পারে না। ঐ ছুরাঙ্গা নিতান্ত ক্রুর, একান্ত ক্ষুদ্র, বিষম রাজ্যলুক ও সাতিশয় নির্লজ্জ; হয়ত ঐ পাপাঙ্গাই আমার ভীমকে বিনাশ করিয়াছে; এই ভাবিয়া আমার মন একান্ত ব্যাকুলিত হইতেছে।

মহামতি বিদুর কুন্তীর এই বাক্য শ্রবণ করিয়া কহিলেন, হে কল্যাণি! যদি পরিণামে আপনার মঙ্গল চাও, তবে ও কথা আর মুখে আনিও না, ছুরাঙ্গা ছুর্যোধন তোমার একধার স্ত্র শুনিতো পাইলে অতিশয় উপদ্রব করিবে। ভীমসেনের নিমিত্ত তোমার কিছুমাত্র চিন্তা নাই। মহামুনি বেদব্যাস কহিয়াছেন, তোমার পুত্রগণ দীর্ঘায়ুঃ হইবেন, তাঁহার কথা কখন মিথ্যা হইবার নহে। তুমি ভাবিত হইও না। ভীমসেন অবশ্যই প্রত্যাগমন করিয়া তোমার নয়নদ্বয়ের আনন্দ সম্পাদন করিবেন। বিদ্বান্ বিদুর এই কথা বলিয়া স্বকীর নিকেতনে গমন করিলেন, কুন্তী পুত্রগণসমভিব্যাহারে ভীমচিন্তায় একবারে মগ্নমান হইয়া রহিলেন।

ও দিকে ভীমসেন অষ্টমদিবসে জাগরিত হইয়া শব্যাহইতে গাত্রোপধান করিলেন।

ভুজঙ্গমগণ তাঁহার সম্মুখে উপস্থিত হইয়া তাঁহাকে সান্ত্বনাবাক্যে কহিতে লাগিলেন, হে মহাবাহো! তুমি যে বলোপধায়ক অমৃত পান করিয়াছ, তদ্বারা অযুতগণোপম-বলশালী ও যুদ্ধে অধ্যা হইবে; এক্ষণে এই দিব্য জলে স্নান করিয়া আপন ভবনে গমন কর; তোমার ভ্রাতৃগণ ও জননী তোমার অদর্শনে একান্ত ব্যগ্র হইয়া সাতিশয় ব্যাকুলিতচিত্তে কাল ক্ষেপ করিতেছেন। নাগগণের বাক্যবশানে মহাবলপরাক্রান্ত বৃকোদর স্নান সমাপ্তি করিয়া শুক্লাঙ্গুর পরিধান ও শুক্ল মালা ধারণপূর্বক বিবিধ বিষম সুরভি ঔষধ দ্বারা ক্রুতকৌতুকমঙ্গল হইয়া নাগদত্ত সুরস পরমাম্ন ভোজন করিলেন। মহাবলপরাক্রান্ত ভুজঙ্গমগণ তাঁহাকে কেহ বা পূজা কেহ বা আশীর্বাদ করিতে লাগিলেন। দিব্যাতরুণভূষিত ভীমসেন নাগগণকে আমন্ত্রণ করিয়া হৃষ্টচিত্তে নাগলোকহইতে স্বগৃহগমনমানসে গাত্রোপধান করিলেন। নাগেরা তাঁহাকে জলমধ্যহইতে উত্তোলন করিয়া সেই পূর্বোক্ত বনোদ্দেশে স্থাপন করিয়া দেখিতে দেখিতেই অন্তর্হিত হইলেন।

তখন মহাবল পরাক্রান্ত মহাবাহু ভীমসেন আর বিলহ না করিয়া বনোদ্দেশহইতে স্বভবনে গমনপূরণসর সর্বাগ্রেই জননীর সম্মিথানে সমুপস্থিত হইলেন, এবং অগ্রে মাতাকে, তৎপরে জ্যেষ্ঠ ভ্রাতা যুধিষ্ঠিরকে অভিবাদন করিয়া কনিষ্ঠভ্রাতাদিগের মস্তকান্ধ্রাণ করিলেন। পুত্রবৎসলা কুন্তী ও যুধিষ্ঠিরাদি ভ্রাতৃচতুষ্টয় পরম আনন্দিত হইয়া তাঁহাকে আলিঙ্গন করিলেন, এবং “ঐদৈব আশাদিগের প্রতি নিতান্ত অনুকূল, এই নিমিত্তই পুনর্বার তোমার সন্দর্শন পাইলাম” এই বলিয়া আনন্দাঞ্জ মোচন করিতে লাগিলেন। তৎপরে ভীমপরাক্রম ভীমসেন তাঁহাদের নিকটে ছুর্যোধনের চক্ৰচৌকিত অবধি আপনার পাতালপুরহইতে প্রত্যাগমন করিতে

তীর রক্তান্ত সর্ষিকীর্জন করিলেন । অসাধারণবুদ্ধিসম্পন্ন মহাত্মা যুধিষ্ঠির ভীমের নিকটে দুর্ব্যোধানরূত ছুট ব্যবহার শ্রবণ করিয়া কহিলেন, ত্রাতঃ ! একথা আমাদের নিকটে বাহা কহিলে, এই পর্য্যন্তই ভাল, আর কাহারও নিকটে মুখে আনিও না ; আমরা অদ্যাবধি পরস্পর পরস্পরের রক্ষণ-বিষয়ে সচেষ্ট থাকিব । ধর্মান্না যুধিষ্ঠির ভীমসেনকে ইহা বলিয়া তদবধি ত্রাতৃগণের সহিত সাবধান হইয়া চলিতে লাগিলেন । যে সময়ে পাণ্ডবগণ ক্রীড়াসক্ত থাকিতেন, তৎকালে রাজা ধৃতরাষ্ট্র, দুর্ব্যোধান, কর্ণ এবং শকুনি নানাবিধ উপায়দ্বারা তাঁহাদিগের হিংসা করিতে চেষ্টা পাইতেন, কিন্তু তাঁহারা সে সকল জানিতে পারিয়াও বিদুরের পরামর্শানুসারে কিছুমাত্র প্রকাশ করিতেন না ।

ত্রিংশদধিক শততম অধ্যায় ।

জনমেজয় কহিলেন, হে ব্রহ্মন ! আচার্য্য রূপ কিরূপে শরস্বত্বহইতে জন্ম গ্রহণ করিলেন, এবং কিরূপেই বা অঙ্গসমুদায় প্রাপ্ত হইলেন, অনুগ্রহ করিয়া তৎসমুদায় বর্ণন করুন ।

বৈশম্পায়ন কহিলেন, মহারাজ ! মহর্ষি গৌতমের গৌতম বলিয়া এক পুত্র জন্মেন । তিনি শরের সহিত জন্মিয়াছিলেন, এজন্য তাঁহার নাম শরদ্বান্ হইয়াছিল । ঐ পুত্র বেদাধ্যয়ন অপেক্ষা ধনুর্বিদ্যাভ্যাসে অধিকতর অতিলাষী ও যত্নবান্ ছিলেন । যেমন ব্রহ্মচারিগণ তপোমুষ্ঠানদ্বারা বেদাধ্যয়ন করিতেন, তিনি সেই রূপ তপস্বীচরণ করিয়া সমস্ত অস্ত্র লাভ করিয়াছিলেন । তিনি ধনুর্বেদানুশীলনে ও কঠোর তপোমুষ্ঠানে একপ যত্নালী ছিলেন, যে দেবরাজ ইন্দ্র তদর্শনে সন্তোষিত হইয়া জানপদী নামে দেবরাজকে প্রার্থনা করিয়া তাঁহার তপস্বীত্ব বিধি কহাইতে আদেশ প্রদান

করিলেন । জানপদী দেবরাজের আদেশানুসারে ধনুর্কোণধারী শরদ্বানের পরম রমণীয় আশ্রমে উপস্থিত হইয়া তাঁহার মোড় জন্মাইবার নিমিত্ত হাবভাব প্রকাশ করিতে লাগিলেন । অলৌকিক রূপলাবণ্যসম্পন্ন একমাত্রবসনা সেই ললনাকে নিরীক্ষণ করিবামাত্র মহাত্মা শরদ্বানের নয়নদ্বয় বিকসিত হইয়া উঠিল, হস্তহইতে ধনুর্কোণ ভূতলে পতিত হইল এবং বাতচালিত কদলীপত্রের ন্যায় সর্বত্র কাঁপিতে লাগিল । এই অসাধারণজ্ঞানসম্পন্ন তপস্বী উক্তপ্রকারে কুমুদশরাস্ত হইয়াও স্বীয় তপঃপ্রভাবে ধৈর্য্যাবলম্বন করিয়া রহিলেন, কিন্তু দুঃসহ মদনবিকারপ্রভাবে তাঁহার রেতঃস্বলন হইল, তিনি তাহা জানিতে পারিলেন না । তিনি সেই তপোমুষ্ঠায়ভূতা অঙ্গরার সন্নিধান পরিত্যাগ করিবার মানসে যেমন আশ্রম-হইতে প্রস্থান করিতেছিলেন, অমনি তাঁহার স্থলিত রেতঃ শরস্বত্রে নিপতিত হইল । বীর্ঘ্য পতিত হইবামাত্র ছুই খণ্ডে বিভক্ত হইল এবং তাহাতে এক পুত্র ও এক কন্যা জন্মিল । এই সময়ে মহারাজ শাস্ত্রনু স্বনে মৃগয়া করিতে গিয়াছিলেন । তাঁহার এক সৈনিক পুরুষ যদৃচ্ছাক্রমে ঐ স্থানে উপস্থিত হইয়া সেই সদ্যোজাত বিপ্রমিথুনকে দেখিতে পাইল । তথায় ধনুঃশর ও কৃষ্ণাজিন পতিত দেখিয়া কোন ধনুর্কোদপারগ ব্রাহ্মণের অপত্যযুগলবিবেচনায়, মহারাজকে আনিয়া দেখাইলে অবশ্য ইহাদের গত্যন্তর হইতে পারে ; স্থির করিয়া সে রাজাকে আনিয়া দেখাইল । রাজা সেই সদ্যোজাত মিথুন দর্শনে যৎপরোনাস্তি অনুকম্পাপন্ন হইয়া তাহাদিগকে গ্রহণ করিলেন এবং ইহার) আমার সন্তান হইল বলিয়া শরদ্বানের অপত্যযুগলকে আশ্রম গৃহে আনয়নপূর্বক অপত্যারির্কিণেবে প্রতিপালন করিতে লা-

ছিলেন। মহারাজ শাস্ত্র রূপা করিয়া তাহাদিগকে প্রতিপালন করিয়াছেন বলিয়া, পুত্রটির নাম রূপ ও কন্যাটির নাম রূপী রাখিলেন।

এ দিকে মহাজ্ঞা শরদ্বান্ আশ্রমাস্তুর নির্মাণ করিয়া তথায় ধনুর্বেদানুশীলন ও কঠোর তপোমুষ্ঠান দ্বারা এক জন অদ্বিতীয় ধনুর্ধর হইয়া উঠিলেন। তিনি একদা তপোবলে রূপরূপীর জন্মবৃত্তান্ত ও তাহার যথায় যে রূপ বর্জিত হইতেছে তৎসমস্ত জানিতে পারিলেন। তখন তিনি রাজত্ববনে আগমনপূর্বক স্বীয় পুত্র রূপকে তাঁহার গোত্রাদি বলিয়া দিলেন এবং তাঁহাকে চতুর্বিধ ধনুর্বেদ ও বিবিধ শাস্ত্র সম্পূর্ণরূপে অধ্যয়ন করাইয়া স্বস্থানে প্রস্থান করিলেন। এইরূপে রূপ অতি অল্প দিনের মধ্যেই এক জন উৎকৃষ্ট ধনুর্বেদাধ্যাপক হইয়া উঠিলেন। ধৃতরাষ্ট্র তনয়গণ, পাণ্ডবেরা, যাদবসকল বৃষ্ণিবর্গ ও নানা দিগেশাগত অন্যান্য ভূপতিসমস্ত তাঁহার নিকটে আসিয়া ধনুর্বেদ অধ্যয়ন করিতে লাগিলেন।

মহাজ্ঞা ভীষ্ম বিশেষরূপ বিনয়াধান ও শিক্ষা প্রদান করিবার নিমিত্ত এক জন বুদ্ধিমান নানাশাস্ত্রসম্পন্ন দেবতুলা মন্ত্রশালী অধ্যাপকের হস্তে পৌত্রদিগকে সমর্পণ করিবার মানস করিলেন। পরে বেদবেত্তা ধীমান্ ভরদ্বাজনন্দন জ্ঞোনাচার্যাকে স্বত্ববনে আনয়নপূর্বক পাদ্য অর্ঘ্যাদি দ্বারা তাঁহার বধোচিত সৎকার করিলেন, এবং শিক্ষা প্রদানার্থ পৌত্রদিগকে তাঁহার হস্তে সমর্পণ করিয়া দিলেন। অস্ত্রবিদ্যা বিশারদ মহাজ্ঞান জ্ঞোনাচার্য্য ভীষ্মের সাতিশ্বর আস্থা দর্শনে পরম পরিভুক্ত হইয়া কুমারগণকে শিষ্যরূপে পরিগ্রহ করিলেন, এবং সাতিশ্বর যত্র ও কুত্র মনোযোগ সহকারে তাহাদিগকে বিশেষরূপে ধনুর্বেদ অধ্যয়ন করাইতে লাগিলেন। ছাত্রেরা সকলেই

বুদ্ধিমান, অচির কালমধ্যেই সর্কাস্ত্র বিশারদ ও অপরিমিততেজস্বী হইয়া উঠিলেন। জনমেজয় কহিলেন, হে ব্রহ্ম! ধনুর্বেদপারগ জ্ঞোনাচার্য্য কিপ্রকারে অন্ন গ্রহণ করিলেন; কিপ্রকারে অস্ত্র বিদ্যায় সুনিপুণ হইলেন; কি নিমিত্ত কুরুদ্বিগের নিকটে আগমন করিয়াছিলেন; তিনি কাহার পুত্র এবং অশ্বখামানামে তাঁহার সর্কাস্ত্রবিৎ পুত্রই বা কি প্রকারে অন্ন গ্রহণ করিলেন, এই সকল শ্রবণ করিতে আমার নিতান্ত অভিলাষ হইয়াছে। অনুগ্রহ প্রদর্শন করিয়া সবিশেষ কীর্তন করুন।

বৈশম্পায়ন কহিলেন, হে মহারাজ! ভারতবর্ষের উত্তরসীমায় পৃথিবীর মানদণ্ড স্বরূপ হিমালয়নামে পূর্বত আছে, তথা হইতে ভগবতী ভাগীরথী নির্গত হইতেছেন। পূর্বকালে সেই স্থানে দৃঢ়ব্রত মহর্ষি ভরদ্বাজ তপস্বী করিতেন। তিনি যজ্ঞদীক্ষিত হইয়া একদা মহর্ষিগণসমভিব্যাহারে গঙ্গায় প্রাতঃস্নান করিতে গিয়াছিলেন। সেই সময়ে অপরোহগ্রগণ্য ঘৃতাচী, স্নান করিয়া তীরে উঠিতেছিল। দৈবাৎ বায়ুবেগে তাহার গাত্রবসন উড়তী হইল। মহর্ষি সেই সুরূপা নবযৌবনা মদদৃষ্টা অপরাকে বিবসনা দেখিয়া কামশরে ভূর্জরিতকলেবর হইলেন। ভূর্জর কুম্ভায়ুধের ত্রুণসহ প্রভাবে তপোধনের রেতঃ স্থলিত হইল। তিনি সেই রেতঃ এক জ্ঞোণ অর্থাৎ কলসের মধ্যে রাখিলেন। কিয়দিন পরে সেই বীৰ্য্য এক পুত্ররূপে পরিণত হইল। মহর্ষি ভরদ্বাজ, জ্ঞোণমধ্যে জাত বলিয়া ঐ পুত্রের নাম জ্ঞোণ রাখিলেন। জ্ঞোণ ক্রমে ক্রমে সমস্ত রেতঃ ও বেদাঙ্গ অধ্যয়ন করিতে লাগিলেন। পূর্বে প্রত্যশালী অস্ত্রবিদের অঙ্গণ্য মহাজ্ঞা শরদ্বাজ অমিতমুখ অধিবলগণ্য ভরদ্বাজের নিকট আগমন করিয়া সর্কাস্ত্রবিদ্যা শিক্ষা করিলেন।

ধন সেই অশ্বের অস্ত্র গুরুপুত্র জ্যোৎস্নকে প্রদান করিলেন ।

পৃথিবীনাথ্য নরপতি মহর্ষি তরুজ্যেষ্ঠের পরম নথী ছিলেন । তাঁহারও রূপদনামে এক সন্তান জন্মে । রূপদ প্রতিদিন তরুজ্যেষ্ঠের আশ্রমে গমন করিয়া জ্যোৎস্নের সহিত একত্র ক্রীড়া ও অধ্যয়ন করিতেন । কিয়দ্দিনান্তর নৃপতি পৃথিবী পরলোক প্রাপ্ত হইলে মহাবাহু রূপদ সমুদায় উত্তর পাঞ্চালের অধিপতি হইয়া রাজ্য শাসন করিতে লাগিলেন । মহর্ষি তরুজ্যেষ্ঠ ও কলেবর পরিভ্যাগ করিয়া স্বর্গারোহণ করিলে মহাজ্ঞা জ্যোৎস্ন সেই পৈতৃক আশ্রমে থাকিয়া উপস্থিত করিতে লাগিলেন । তিনি ক্রমে ক্রমে সমস্ত বেদ ও বেদাঙ্গ অধ্যয়ন করিলেন । তপো-নুষ্ঠান দ্বারা তাঁহার সমস্ত পাপ ধ্বংস হইয়া গেল । কিয়দ্দিন পরে জ্যোৎস্ন মহাশয় পিতৃ-নিয়োগানুসারে পুত্রলাভাকাঙ্ক্ষায় শরদ্বানের কন্যা রূপীকে বিবাহ করিলেন । এই কামিনী দমগুণযুক্তা, অগ্নিহোত্রনিরতা ও ধর্মপরায়ণা ছিলেন । ইহার গর্ভে জ্যোৎস্নাচার্যের অশ্বখামা নামে পুত্র জন্মে । ঐ পুত্র জাতমাত্র উচ্চৈঃশ্রবা অশ্বের ন্যায় ধনি করিল । ঐ ধনি শ্রবণানন্তর এই দৈববানী হইল “ এই পুত্র জন্মিবামাত্র অশ্বহেবার ন্যায় গভীরধনিদ্বারা দিগন্তসকল প্রতিধনিত করিল, অতএব ইহার নাম অশ্বখামা হইবে ” । মহাজ্ঞা জ্যোৎস্ন পুত্রলাভে পরম পরিতুষ্ট হইলেন ।

ঐ সময়ে অরতিতপস সর্বজ্ঞানসম্পন্ন সর্বাশ্রমিৎ মহাজ্ঞা জমদগ্নিনন্দন পরশুরাম ব্রাহ্মদিগকে সর্বস্ব প্রদান করিতে কৃত-সংকল্প হইয়াছিলেন । জ্যোৎস্ন উহা অবগত হইয়া রাখির নিকট হইতে ধনুর্বেদ, দিব্যাস্ত্রমুদায় ও নীতিশাস্ত্র গ্রহণ করিতে সাক্ষিক সঙ্কল্প হইলেন । অনন্তর তিনি ব্রহ্মারী কয়েকদিন পরিত্যক্ত হই-

ইয়া মহেন্দ্রপর্বতে গমনপূর্বক দেখিলেন যে, শক্রতাপী জমদগ্নিকুমার এক কালে সংসারস্থখে জলাঞ্জলি দিয়া উচ্ছ্রতা বনে অবস্থিতিপূর্বক কাশ ঘাপন করিতেছেন । তখন তরুজ্যেষ্ঠ শিষ্যগণসমিতিবাহারে তাঁহার সমীপে গমনপূর্বক তাঁহার পাদবন্দন করিলেন এবং কহিলেন, হে মহাজ্ঞন ! আমি মহর্ষি অঙ্গিরার কুলে সমুৎপন্ন, তরুজ্যেষ্ঠের পুত্র, অযোনিসত্ত্বত, আমার নাম জ্যোৎস্ন ; আমি ধনাকাঙ্ক্ষায় আপনার নিকট আসিয়াছি । জ্যোৎস্নের বাক্যবশনে ক্ষত্রিয়কুলকালান্তক ভগবান্ পরশুরাম তাঁহাকে সাদর সন্তাবণে স্বাগত প্রশ্ন জিজ্ঞাসা করিয়া কহিলেন, হে দ্বিজোত্তম ! তোমাকে কি ধন প্রদান করিতে হইবে ? জ্যোৎস্ন কহিলেন, ভগবন্ ! আমাকে বিবিধ অনন্ত ধন প্রদান করুন । রাম কহিলেন, হে তপোধন ! আমার যাবতীয় হিরণ্য ও অন্যান্য ধন ছিল, সমস্তই ব্রাহ্মদিগকে প্রদান করিয়াছি, এই সঙ্গারী পৃথ্বী স্ববাহুবলে জয় করিয়া মহর্ষি কশ্যপকে দিয়াছি ; এক্ষণে কেবল আমার শরীর ও বিবিধ মহর্ষি অস্ত্রশস্ত্রমাত্র অবশিষ্ট আছে, ইহার মধ্যে তোমার যাহা ইচ্ছা হয় সীত্ব প্রার্থনা কর, তাহাই প্রদান করিব । তখন জ্যোৎস্ন কহিলেন, হে বিপুলব্রত ভৃগুনন্দন ! যদি প্রসন্ন হইয়া থাকেন তবে প্রয়োগসংহারসমবেত আপনার অস্ত্রসমুদায় আমাকে প্রদান করুন । পরশুরাম তথাস্ত্র বলিয়া জ্যোৎস্নকে সমস্ত অস্ত্রশস্ত্র ও রহস্য সমবেত ধনুর্বেদ প্রদান করিলেন । বিজসত্তম জ্যোৎস্ন এইরূপে পরশুরামের নিকট হইতে অস্ত্রশস্ত্র গ্রহণ করিয়া পরমপ্রীতমনে প্রিরসখ রূপদ সমীপে গমন করিলেন ।

একত্রিংশদধিক শততম অধ্যায় ।

বৈশম্পায়ন কহিলেন, তদনন্তর মহাজ্ঞা প্রত্যগশালী তরুজ্যেষ্ঠের জ্যোৎস্ন, অশ্বারী কশ্যপের সমীপে সঙ্কল্পিত হইয়া ক-

হিলেন, রাজন! আমি তোমার সখা। ঐ-
শ্বর্যামদত্ত ক্রপদ রাজা দ্রোণের সেই বাক্য
শ্রবণ করিয়া তাঁহাকে কিছুমাত্র আস্থা প্রদ-
র্শন করিলেন না; প্রত্যুত রোষকবায়িত-
লোচনে অকুটী প্রদর্শন করিয়া কহিতে
লাগিলেন, ওহে ব্রাহ্মণ! তুমি হঠাৎ আ-
মাকে সখা বলিয়া নিতান্ত নির্বোধের কার্য্য
করিতেছ; ঐশ্বর্য্যশালী ভূপতিগণের সহিত
ভবাদৃশ ক্রীহীন নির্ধন লোকের বন্ধুতা হওয়া
নিতান্ত অসম্ভব; বাল্যাবস্থায় তোমার স-
হিত আমার সখা ছিল যথার্থ বটে, কিন্তু
এক্ষণে তোমার সহিত সেরূপ বন্ধুত্ব থাকে
কোন ক্রমেই উচিত নহে; কাহারও সঙ্ঘিত
চির কাল বন্ধুতা থাকে না; হয় সর্বসংহর্তা
কৃতান্ত উহা বিলুপ্ত করেন, নয় ক্রোধব-
শতঃ বিনষ্ট হইয়া যায়; অতএব তুমি সেই
পূর্বতন সৌহার্দ এক্ষণে দূরে পরিত্যাগ
কর। হে দ্বিজোত্তম! পূর্বে তোমার সহিত
আমার যে বন্ধুতা ছিল, তাহা কেবল অর্থ
নিবন্ধনমাত্র; যেমন পণ্ডিতের সহিত মু-
খের ও শূরের সহিত ক্রীবের বন্ধুতা কদাচ
হইবার নহে; তক্রপ ধনবানের সহিত দরি-
দ্রের সখা হওয়া নিতান্ত অসম্ভব; অতএব
তুমি কি নিমিত্ত পূর্বতন বন্ধুত্ব প্রাপ্ত হইতে
ইচ্ছুক হইতেছ? হে ব্রাহ্মণ! যাহারা ধনে
ও জ্ঞানে আপন্যর সদৃশ তাহাদিগেরই স-
হিত বৈবাহিক সম্বন্ধ ও সখ্যাসংস্থাপন করা
কর্তব্য; তদ্ব্যতীত উৎকৃষ্টের সহিত নি-
রুষ্কের বা নিরুষ্কের সহিত উৎকৃষ্টের
মৈত্রী বা বৈবাহিক সম্বন্ধ করা নিতান্ত অ-
সুচিত। হে বিপ্র! যেমন অশ্রোত্রিয়ের স-
হিত শ্রোত্রিয়ের ও অরথীর সহিত রথীর
বন্ধুতা হওয়া একান্ত অসম্ভব, সেইরূপ রা-
জার সহিত দরিদ্রের কখনই সখা হয় না;
তবে তুমি কি নিমিত্ত অদ্য পূর্বেকৃত্যর
আমার সহিত সখ্য করিতে ইচ্ছা করিয়া
হইতেছ?

মহাতেজাঃ দ্রোণ ক্রপদের এই কটাক্ষ
শ্রবণে মুহূর্তমাত্র চিন্তা করিয়া ক্রোধে
কম্পিতকলেবর হইলেন, এবং সেই ক্ষণেই
ক্রপদ রাজার প্রতি তাঁহার নিতান্ত বৈরভাব
জন্মিল। তিনি তৎক্ষণাৎ তথাহইতে বহি-
র্গত হইয়া হস্তিনানগরে আর্গমনপূর্বক
নিজ স্থালক রূপাচার্য্যের আবাসে প্রচ্ছন্ন-
রূপে বাস করিতে লাগিলেন। যখন রূপাচার্য্য
বালকগণকে শিক্ষা প্রদান করিয়া বিজ্ঞান
করিতেন সেইসময়ে দ্রোণের পুত্র অশ্বথামা
কুশীন্দনদিগকে পুনরায় শিক্ষা করাইতেন।
কেহই তাঁহাকে দ্রোণপুত্র বলিয়া চিনিতে
পারিত না। এইরূপে দ্রোণাচার্য্য পুত্রের
সহিত হস্তিনানগরে গৃঢ়রূপে বাস করিতে
লাগিলেন।

একদা হস্তিনাপুরস্থ বালকগণ নগরহইতে
বহির্গমনপূর্বক একত্র হইয়া লৌহগুলিকা-
দ্বারা ক্রীড়া করিতে ছিল, দৈবাৎ ঐ গুলিকা
এক জলশূন্য কুপমধ্যে নিপতিত হইল।
কুমারগণ কুপহইতে গুলিকা উদ্ধার করিবার
নিমিত্ত প্রাণপণে চেষ্টা করিতে লাগিল,
কিন্তু কিছুতেই কৃতকার্য্য হইল না। তখন
তাহারা সাতিশয় উৎকণ্ঠিত ও যৎপরো-
নাস্তি লজ্জিত হইয়া পরস্পর পরস্পরের
মুখাবলোকন করিতে লাগিল। ঐ সময়ে
দ্রোণাচার্য্য তাহাদিগের নিকট দিয়া গমন
করিতে ছিলেন। তাঁহার অঙ্গ রূশ ও শ্যাম-
বর্ণ, মস্তক পলিত এবং সমভিব্যাহারে অ-
গ্নিহোত্র রহিয়াছে। গুলিকোদ্ধরণে তদ্ব্যে-
সাহ কুমারগণ ঐ মহাত্মাকে দেখিয়া উহার
চতুর্দিকে দণ্ডায়মান হইল। দ্রোণ তাহা-
দিগকে দেখিয়া ঐশংহাস্ত করিয়া কহিলেন,
হে বালকবৃন্দ! তোমাদিগকে ষিক, তো-
মাদিগের ক্ষাত্র বলে ষিক, এবং তোমাদিগের
অস্ত্রশিক্ষারও ষিক, যে হেতু তোমরা জাত-
বংশে জন্ম গ্রহণ করিয়াও এই সমস্ত
কুপহইতে গুলিকা উদ্ধার করিতে পারিলে

না। আমি ঐ গোলিকার এবং এই অঙ্গুরীয়ক উভয়ই ঐষীকাধারা উদ্ধার করিব, তোমরা আমাকে ভোজন করাও। এই বলিয়া আপনার অঙ্গুরীয়ক ঐ নিকটক কুপমধ্যে নিক্ষেপ করিলেন। তখন যুধিষ্ঠির দ্রোণকে কহিলেন, মহাশয়! যদি আপনি কুপহইতে গুলিকা উদ্ধার করিতে পারেন, তাহা হইলে কুপাচার্য্যের অনুমতিক্রমে আপনি চির কাল ভিক্ষা পাইবেন। দ্রোণ তাঁহার বাক্য শ্রবণ করিয়া হাসিতে হাসিতে একমুষ্টি ঐষীকা হস্তে লইয়া কহিলেন, এই যে ঐষীকামুষ্টি দেখিতেছ, ইহার প্রভাব দেখ, ইহার একটি ঐষীকাধারা কুপমধ্যস্থিত সেই গুলিকা বিদ্ধ করিব, সেই ঐষীকা অপর একটিধারা এবং তাহা অন্য একটি ধারা বিদ্ধ করিব; এইরূপে ক্রমে ক্রমে একটিধারা অন্য ঐষীকা বিদ্ধ করিয়া ঐ গুলিকা উত্তোলন করিব।

দ্রোণাচার্য্য তাহাদিগকে এই কথা বলিয়া তৎক্ষণাৎ সেই ঐষীকামুষ্টিধারা স্বীয় প্রতিজ্ঞানুরূপ কুপহইতে গুলিকা উত্তোলন করিলেন। বালকেরা তদর্শনে চমৎকৃত হইয়া কহিল, বিপ্রর্ষে! আপনার অঙ্গুরীয়কটিও শীঘ্র উত্তোলন করুন। তখন মহাশয়ঃ দ্রোণাচার্য্য হস্তে ধনুঃশর লইয়া কুপমধ্যে বাণ নিক্ষেপ করিলেন, এবং তদ্বারা সেই অঙ্গুরীয়ক বিদ্ধ করিয়া উর্দ্ধে উত্তোলন করিয়া কুমারগণের সম্মুখে আনিয়া দিলেন। তাহারা অঙ্গুরীয়ক দর্শনে পূর্বাপেক্ষা অধিকতর বিস্ময়াপন্ন হইয়া কৃতাজলিপুটে কহিতে লাগিল, হে ব্রহ্মন্! আপনাকে অভিবাদন করি; আপনি যে রূপ ক্ষমতা প্রকাশ করিলেন, ইহা অন্যের সাধ্য নহে, অতএব মহাশয় আপনার পরিচয় প্রকাশ ও কর্তব্যবিধিরে আদেশ করিয়া তাহাদিগকে গণিতার করুন। দ্রোণাচার্য্য কুমারগণের বন্দন করণ করিয়া কহি-

লেন হে বালকগণ! তোমরা ভীষ্মের নিকটে যাইয়া আমার রূপ ও গুণ বিশেষরূপে বর্ণন করিয়া তাঁহাকে কহিবে যে, সেই মহাত্মজঃ এ স্থানে সমুপস্থিত হইয়াছেন। কুমারগণ দ্রোণের আদেশানুসারে ভীষ্মের নিকটে গমন করিয়া দ্রোণের রূপ ও আশ্চর্য্য কৰ্ম্ম সবিশেষ বর্ণন করিল। মহাত্মা ভীষ্ম কুমারগণের বাক্য শ্রবণ করিবামাত্র বুঝিতে পারিলেন যে, দ্রোণাচার্য্য আগমন করিয়াছেন। ইতিপূর্বেই তিনি এক জন সুশিক্ষকের হস্তে কুমারগণকে সমর্পণ করিবার মানস করিয়াছিলেন, এক্ষণে ধনুর্বিদ্যা-বিশারদ দ্রোণাচার্য্য স্বেচ্ছাক্রমে তাঁহাদিগের অধিকারে আগমন করিয়াছেন শুনিয়া যৎপরোনাস্তি সন্তুষ্ট হইলেন। তিনি স্বয়ং দ্রোণসমীপে গমন করিয়া তাঁহাকে স্বীয় ভবনে আনয়নপূর্বক যথোচিত সৎকার করিয়া সাদরসম্ভাষণে কৃশাস্ত্রাণ্ড ও আগমনের কারণ জিজ্ঞাসা করিলেন।

দ্রোণ ভীষ্মের বচনাবসানে কহিতে লাগিলেন, হে মহাশয়! পূর্বে আমি ধনুর্বেদ শিক্ষার্থে মহর্ষি অগ্নিবেশের নিকটে গমন করিয়া ছিলাম। তথায় গিয়া ব্রহ্মর্ষ্য গ্রহণ, আত্মসংযম ও জটাধারণপূর্বক গুরুসেবায় নিযুক্ত হইয়া বহু বৎসর বাস করিয়াছিলাম। হে ভীষ্ম! ঐ সময়ে পাঞ্চালদেশীয় রাজপুত্র মহাবল ক্রপদ ঐ অগ্নিবেশের নিকটে অস্ত্রবিদ্যাভ্যাসার্থ তদীয় আশ্রমে বাস করিত। এইরূপে বাল্যকালাবধি একত্র বাস ও এক গুরুর নিকটে বিদ্যাভ্যাস করাতে ক্রপদ ক্রমে ক্রমে আমার পরমোপকারী প্রিয় সখা হইয়া উঠিল। সে সর্বদা আমাকে প্রিয় বাক্য বলিত ও আমার প্রিয় কার্য্য করিত। একদা আমাকে কহিল, হে দ্রোণ! আমি প্রিতার প্রিয়তম পুত্র। তিনি যখন আমাকে পাঞ্চালরাজ্যে অতিবিত্ত করিবেন, আমি শরণ করিতেছি, তৎকালে আ-

মার স্বাভাবিক ভোগ, সম্পত্তি ও সুখ, সমস্তই তোমার অধীন হইবে। ক্রপদ আমাকে এই কথা কহিয়া কিয়দিনমধ্যে কৃতবিদ্য হইয়া আপনার নিকতনে গমন করিল। পক্ষ্মন-কালে আমি তাহাকে সমুচিত সম্মান প্রদর্শন করিয়া বিদায় দিলাম। কিন্তু তদবধি তাহার ঐ বাক্য আমার হৃদয়মন্দিরে সর্বদা জাগরুক রহিল।

হে শান্তনুতনয় ! কিছুদিনপরে আমি পিতৃনিয়োগানুসারে পুত্রলাতাকাকায় গো-তমন্দিরী রূপীকে বিবাহ করিলাম। ঐ কামিনী অনতিদীর্ঘকেশা, পরমপ্রজ্ঞা, মহাত্মতা এবং অগ্নিহোত্র, যজ্ঞ ও দমণ্ডনে সর্বদা নিরতা। কিয়দিনান্তর রূপীর গর্ভে আমার অশ্বখামানামে মহাবিক্রমশালী আদিত্য-সমভেজা এক পুত্র জন্মিল। পিতা যেমন আমাকে পাইয়া প্রাত হইয়াছিলেন, আমিও অশ্বখামাকে প্রাপ্ত হইয়া সেইরূপ অর্থাৎ আনন্দিত হইলাম। একদা অশ্বখামা ধনিকদিগের পুত্রগণকে দুগ্ধ পান করিতে দেখিয়া আমার নিকটে আসিয়া রোদন করিতে লাগিল; তদর্শনে আমার মন নিতান্ত চঞ্চল হইল। তখন আমি ধর্ম্মানপেত প্রতি-এহ করিবার বাসনায় বহুতর স্থলে ভ্রমণ করিলাম, কিন্তু কোত্রাপি দুগ্ধবতী গাভী দেখিতে পাইলাম না, পরিশেষে বিষণ্ণমনে নিজ নিকতনে প্রত্যাবর্তন করিলাম। তথায় আসিয়া দেখিলাম, বালকগণ পিকৌদক আনয়ন করিয়া “এই দুগ্ধ, ইহা পান কর” বলিয়া অশ্বখামাকে লোভ দেখাইতেছে। বালস্বভাব অশ্বখামাও উহা পান করিয়া দুগ্ধ পান করিলাম বলিয়া পরমানন্দে নৃত্য করিতেছে। বালকগণ “ধনহীন জ্রোণকে দিক্, বাহার সম্ভার পিকৌদক পান করিয়া দুগ্ধ খাইলাম বলিয়া নৃত্য করিতেছে” এই বলিয়া তাহাকে হারহার উপহাস করিতেছে। হে শান্তনুতনয় !

এবং অন্যান্য বালকগণের ঐ পরিহাসের শ্রবণে আমার মন দুঃখানলে এক বাক্য রূপ হইয়া গেল। আমি মনে মনে আপনাকে তিরস্কার করিয়া চিন্তা করিলাম, আমি ইতিপূর্বে নিধনভাজন্য ব্রাহ্মণগণকর্তৃক মিন্দিত ও পরিত্যক্ত হইয়া উপবাসে কাল ক্ষেপ করিয়াছি, তথাপি ধনলিপ্সায় কখন পাপজনক পরসেবায় আসক্ত হই নাই। হে ভীষ্ম ! মনে মনে এইরূপ চিন্তা করিয়া ক্রপদের পূর্বে স্নেহানুসারে পুত্রকলত্রসমভিব্যাহারে পাঞ্চালরাজ্যে গমন করিলাম। পথিমধ্যে শুনিলাম, ক্রপদ পিতৃরাজ্যে অভিষিক্ত হইয়াছেন। তৎশ্রবণে প্রিয় বাস্তুবের সহবাস ও প্রতিশ্রুত বাক্য স্মরণ করিয়া আমি কৃতার্থম্ভ্য হইলাম। পরে অবিলম্বে তাঁহার সমীপে গমনপূর্বক পূর্বতন সখ্য স্মরণ করিয়া কহিলাম, হে পুরুষশ্রেষ্ঠ ! আমি তোমার সখ্য, তুমি পূর্বে প্রতিজ্ঞা করিয়াছিলে যে, আমার সহিত একত্র রাজ্য ভোগ করিবে, আমি তদনুসারে তোমার নিকটে আসিয়াছি। ক্রপদ আমার সেই কথায় কিছুমাত্র আস্থা প্রদর্শন করিল না, প্রত্যুত, আমাকে হীন লোকের ন্যায় অবজ্ঞা করিয়া কহিল, হে ব্রহ্মন্ ! তুমি আসিয়া হঠাৎ আমাকে সখ্য বলিয়া স্মৃষ্টির কার্য কর নাই; পূর্বে তোমার সহিত আমার সখ্য ছিল স্বার্থ বটে, কিন্তু এক্ষণে আর তুমি আমার বন্ধুর উপযুক্ত নও; অশ্রোত্রিয় কখন শ্রোত্রিয়ের সখ্য হইতে পারে না; অরথায় সহিত রথীর সখ্য হওয়া নিতান্ত অসম্ভব; সমানে সমানে বন্ধুতা হওয়াই উচিত; অসমানের সহিত বন্ধুতা করা অবিধেয়। সখ্য হির কাল সমভাবে থাকিবার নহে। হর কাল, নক্ষত্র পরস্পরের জোখ, উহাকে বিনাম করবে। তুমি সেই পুরাতন বন্ধুতা হুরে পরিভ্রাণ কর। পূর্বে তোমার সহিত আমার সখ্য ছিল, সে কেবল আমার স্বার্থকিয়মনবাসিন্যের সমান

পূর্বের সহিত বিধানের ও স্ত্রীবেশ সহিত স্ত্রী-
বেশের সহিত হয় না, উক্তাংশ বিধানের সহিত ধনবা-
নের বন্ধুতা হওয়া নিতান্ত কুর্ষটী । অতএব
কেম তুমি আমার সহিত পূর্বের ন্যায় বন্ধুতা
করিতে আসিয়াছ । হা মন্দাঙ্গন ! ভবাদৃশ
ধনবিহীন হীন লোকের সহিত অতুলধনসম্প-
ত্তিসম্পন্ন মহারাজদিগের বন্ধুতা হওয়া যে
নিতান্ত অসম্ভব তাহা কি তুমি জান না ?
তবে তুমি কি নিমিত্ত পূর্বের ন্যায় আমার
সহিত বন্ধুত্ব করিতে বাসনা করিতেছ । তুমি
কহিতেছ, আমি তোমার সহিত একত্র রা-
জ্য ভোগ করিব বলিয়া প্রতিজ্ঞা করিয়াছি,
কিন্তু তাহার বিম্ভুমাত্রও আমার স্মরণ হ-
ইতেছে না, এক্ষণে কেবল এক রাত্রির নি-
মিত্ত তোমাকে ভোজন প্রদান করিতে পারি ।

হে শাস্ত্রমুতনয় ! ঋপদেব মুখে এই-
প্রকার কটুক্তি শ্রবণে আমার মন ক্রোধ-
নলে দক্ষ হইতে লাগিল । আমি অবিলম্বে
তথাহইতে প্রস্থান করিলাম । হে ভীষ্ম !
আগমন কালে আমি যেরূপ প্রতিজ্ঞা করি-
য়াছি, তাহা অতি ত্বরায় সম্পন্ন করিব, এই
মানসে গুণবান্ শিষ্যগণ সমভিব্যাহারে
কুরুদিগের অধিকারে আসিলাম । এক্ষণে
তোমাকে সন্মর্জন করিতে এই স্মরণ্য হস্তি-
নানগরে আসিয়াছি । বল তোমার কি প্রি-
য় কার্য্য করিতে হইবে ? মহাত্মা ভীষ্ম দ্রো-
ণের এই বাক্য শ্রবণ করিয়া কহিলেন, হে
মহাঙ্গন ! শরাসনের গুণ মোচন করুন ;
আপনি অনুগ্রহ করিয়া বালকগণকে সম্যক-
রূপে অস্ত্র শিক্ষা করান ; এবং সতত পূজিত
হইয়া প্রীতিপ্রসন্নমনে পরম সুখ ভোগ
করুন । কুরুদিগের বাহিতীর ধন ও রাজ্য,
সমস্তই আপনার অধীন হইবে । আপনিই
রাজ্য করুন । আপনারই আজ্ঞাবহ হই-
বে । হে ঋষি ! আপনি যখন বাহা
কহিলেন, তখনই তাহা প্রাপ্ত হইলেন ।
হে বিদ্বান্ ! আপনিই আমার স্মরণ্য মৌ-

ভাগবতশতঃ বদ্বন্দ্বাক্রমে এখানে আগমন
করিয়া বৎপয়োনাস্তি অনুগ্রহ প্রকাশ
করিয়াছেন ।

• ষাট্টিংশদধিক শততম অধ্যায় ।

বৈশম্পায়ন কহিলেন, মহারাজ ! অন-
ন্তর দ্রোণাচার্য্য, মহামুভব ভীষ্মকর্তৃক সং-
কৃত হইয়া পরম সমাদরে কুরুগৃহে বিজ্ঞান
করিতে লাগিলেন । তিনি বিশ্রান্ত হইলে
ভীষ্মদেব প্রীত ও প্রসন্ন হইয়া প্রচুর অর্ধের
সহিত পৌত্রদিগকে শিষ্যরূপে তাঁহার হস্তে
সমর্পণ করিলেন । এবং তাঁহার বাসের
নিমিত্ত পরিচ্ছন্ন ও ধনধান্যসম্পন্ন এক
গৃহ নির্দেশ করিয়া দিলেন । তৎপরে
কৌরব, পাণ্ডব ও ধার্ম্মরাত্নেরা আচার্য্য দ্রো-
ণকে অভিবাদন করিলে তিনি সন্তুষ্টচিত্তে
তাঁহাদিগকে অশ্বেবাশী বলিয়া স্বীকার ক-
রিয়া নির্জর্জনে কহিলেন, হে শিষ্যগণ ! আমি
উত্তমরূপে অস্ত্রশিক্ষা প্রদান করিব, কিন্তু
পরিশেষে তোমাদিগকে আমার একটি
অভিলষিত সম্পাদন করিতে হইবে, এক্ষণে
তাহা অঙ্গীকার কর । তাহা শুনিয়া চূর্ব্যো-
ধনপ্রভৃতি কুরুনন্দন সকলেই মৌনভাবে
অবলম্বন করিয়া রহিলেন, কেবল অর্জুন
তাঁহার বাক্য স্বীকার করিয়া কহিলেন, ম-
হাশয় ! আপনি বাহা আদেশ করিবেন,
আমি তাহা পালন করিব, সন্দেহ নাই ।
আচার্য্য দ্রোণ অর্জুনের অঙ্গীকারবাক্য
শ্রবণ করিয়া প্রীতিপ্রকুলমনে তাঁহাকে
আলিঙ্গন ও বারংবার তাঁহার মস্তক আচ্ছাদন
করিতে লাগিলেন । তৎকালে তাঁহার নরন-
যুগলহইতে অবিরল আনন্দাশ্রু নির্গত
হইতে লাগিল ।

অনন্তর মহাবীৰ্য্য আচার্য্য দ্রোণ পাণ্ডু-
পুত্রদিগকে দিবা ও মাহুবে বিবিধ অস্ত্রশস্ত্রে
শিক্ষা দান করিতে লাগিলেন । এই সময়
অবশ্যে অশ্বেবাশীর রাজ্য ও স্ত্রীপুত্র ভ্রম
এবং অশ্বেবাশীর রাজ্য ও স্ত্রীপুত্র ভ্রম

দেখাশেষান্তরহইতে দ্রোণের নিকটে প্রাপ-
 য়ন করিলেন। কর্ণ অর্জুনের সহিত স্পর্ধা
 করিয়া তুর্যোধনের সাহায্যে পাণ্ডবদিগকে
 নান্যপ্রকার অবমাননা করিতে লাগিলেন,
 কিন্তু সমাগত সমস্ত শিষ্যমণ্ডলীমধ্যে অর্জুন
 ভুক্তবলে, উদ্যোগে ও ধনুর্বেদশিক্ষায় দ্রো-
 ণের সমকক্ষ হইয়া উঠিলেন। দ্রোণাচার্য্য
 ইন্দ্রপুত্র অর্জুনকে অস্ত্রবিদ্যায় অনুরাগ,
 প্রয়োগ, লাঘব ও কেশলে সর্বাপেক্ষা উৎ-
 কৃষ্ট জানিয়া সর্বিশেষ উপদেশ দিতে অ-
 রম্ভ করিলেন। তিনি রাজকুমারদিগের
 পরিতোষার্থ শাণিত বণ, ও বিলয়ে জল-
 পূর্ণ হইবে এমত এক এক ক্ষুদ্রমুখ কমণ্ডলু
 প্রদান করিলেন; কিন্তু অবিলয়ে জলপূর্ণ
 হইবে এই মানসে নিজ পুত্র অশ্বখা-
 মাকে বিস্তীর্ণমুখ একটি কলস দিলেন।
 মহামতি দ্রোণ, রাজপুত্রগণ না আসিতে
 আসিতে অশ্বখামাকে বিশেষ বিশেষ অস্ত্র
 উপদেশ দিতেন। অর্জুন তাহা বুঝিতে
 পারিয়া বারুণাজ্ঞাধারা কমণ্ডলু পরিপূর্ণ ক-
 রিয়া গুরুপুত্র অশ্বখামার সহিত সমকালে
 গুরুসম্মিধানে সমাগত হইতেন। সূমহান
 অস্ত্রজ্ঞ পার্থ অশ্বখামার সহিত সমকালে
 আগমন করিতেন বলিয়া, তাঁহা অপেক্ষা
 কোন অংশেই ত্যান হইলেন না। তিনি
 ভক্তি ও প্রকাসহকরে গুরুর আরাধনা ক-
 রিতে তৎপর ছিলেন, এবং অস্ত্রশিক্ষায়
 সর্বিশেষ মনোনিবেশ করিতেন। এইরূপে
 অর্জুন ক্রমশঃ দ্রোণের অতিশয় প্রিয়পাত্র
 হইয়া উঠিলেন।

অনন্তর আচার্য্য দ্রোণ অস্ত্রশিক্ষাবিষয়ে
 অর্জুনকে উৎসাহসম্পন্ন দেখিয়া সুপকা-
 রিণীকে আচ্ছানপূর্বক নিরুদ্ধনে কহিলেন,
 হে বিজয়ে! তুমি অর্জুনকে অজ্ঞকারে অম
 উপযোগ করিতে দিও না এবং আমি তো-
 মাকে প্রবিশেষ করিয়াই ইহা কদাচ অ-
 র্জুনের নিকটে প্রকাশ করিব না। একদিন

অর্জুন ভোজন করিতেছেন, এই অবসরে
 প্রবল বেগে ব্যত্যা উখিত হইলে দীপ্যমান
 দীপশিখা সহসা নির্ঝাপিত হইল। দীপ
 নির্ঝাণ হইলে তাঁহার হস্ত অভ্যাসবশতঃ
 আশ্চর্য্যেই সংলগ্ন হইতে লাগিল। তখন
 তিনি মনে করিলেন, যাহা অভ্যাস করা
 যায়, তাহাই বলবৎ হইয়া উঠে। এইরূপ
 সিদ্ধান্ত করিয়া রাত্ৰিকালে ধনুর্বেদ অমু-
 শীলন করিবার নিমিত্ত শরাসনে জ্যাংগোপণ
 করিয়া বারংবার টঙ্কার করিতে লাগিলেন।
 তাঁহার জ্যা নির্ঘোষ শ্রবণে দ্রোণ বিস্মিত
 হইয়া সহসা তথায় আগমন ও তাঁহাকে
 আলিঙ্গন করিয়া কহিলেন, বৎস! আমি
 সত্য কহিতেছি, এই ধরাধামে তোমার
 তুল্য দ্বিতীয় ধনুর্ধর বাহ্যতে প্রখ্যাত না
 হয়, এইরূপ বিধান করিব, এই বলিয়া
 দ্রোণাচার্য্য অর্জুনকে হস্তী অশ্ব ও রথে
 আকট এবং ভূতলে অবতীর্ণ হইয়া কি
 রূপে সংগ্রাম করিতে হয় তদ্বিষয়ে পুনর্বার
 সর্বিশেষ শিক্ষা দান করিতে লাগিলেন, এবং
 গদাযুদ্ধ, অসিচর্যা, তোমর, প্রাস ও শক্তি
 প্রয়োগ এবং সক্ষীর্ণ যুদ্ধে কৌশলসম্পন্ন করি-
 লেন। দ্রোণের সংগ্রামনৈপুণ্য শ্রবণ করিয়া
 শত সহস্র রাজা ও রাজকুমার ধনুর্বেদ শিক্ষা
 করিবার নিমিত্ত দিগ্দিগন্ত হইতে তথায়
 আগমন করিতে লাগিলেন। একদা নিবাদ-
 রাজ হিরণ্যধনুর পুত্র একলব্য, দ্রোণস-
 ম্মিধানে সমাগত হইল; কিন্তু সে অস্পৃশ্য
 মুচ্ছ জাতি, সাধারণের সতীর্ষ ও সমতুল্য
 হয় ইহা নিতান্ত অনতিশ্রেত; এই বিবে-
 চনা করিয়া দ্রোণ তাহাকে ধনুর্বেদে দী-
 ক্ষিত করিলেন না। তখন নিবাদরাজতমর
 বিষাদমগ্ন হইয়া দ্রোণের পাদপ্রোঙ্গনপূর্বক
 অরণ্যে প্রবেশ করিল এবং তথায় বৃদ্ধ
 এক দ্রোণ নির্ঝাণ ও তাঁহারই আচার্য্যতান
 সংস্থাপন করিয়া এক ধানুর্ধরক
 শিক্ষা আরাধন করিয়া এইরূপে সে

কালমধ্যে অস্ত্রের প্রয়োগ, সংহার ও সন্ধা-
নবিষয়ে কৃতকার্য্য হইয়া উঠিল।

একদা কৌরব ও পাণ্ডবগণ দ্রোণকর্তৃক
অনুজ্ঞাত হইয়া রথারোহণে রাজধানীহ-
ইতে যুগধার্ম্ম নির্গত হইলেন। এক জন
আপনার কুকুর ও বাগুরা লইয়া যদৃচ্ছা-
ক্রমে তাঁহাদিগের অনুগমন করিল। কৌরব
ও পাণ্ডবগণ অরণ্যে প্রবেশ করিয়া ইতস্ততঃ
সঞ্চরণ করিতেছেন, এই অবসরে সেই
কুকুর যুগের অনুসরণক্রমে সহসা নিষা-
দ-রাজতনয়ের সন্নিধানে সমুপস্থিত হইল।
সেই কুকুর মলিনকলেবর, রুক্ষাজিন-জটা-
ধারী নিষাদরাজকুমার একলব্যকে নিরীক্ষণ
করিয়া উঠেঃস্বরে চীৎকার করিতে লাগি-
ল। একলব্য আপনার অস্ত্রপ্রয়োগের লঘু-
তার পরীক্ষার্থ তাহার মুখবিবরে এক-
কালে সাতটি শর নিক্ষেপ করিল। কুকুর
আশ্চর্য্যবিবরে শরপূরিত হইয়া দ্রুতগমনে
পাণ্ডবসন্নিধানে আগমন করিল। পাণ্ড-
বেরা কুকুরের মুখমধ্যে প্রবিষ্ট সাতটি
শর নিরীক্ষণ করিয়া অতিশয় বিস্ময়াবিষ্ট
হইলেন, এবং শরের লঘুত্ব ও শব্দবেধিত্ব
দর্শনে সকলেই আপনাদিগকে অপেক্ষাকৃত
নিকৃষ্ট বোধে লজ্জিত হইয়া প্রয়োগকর্তার
প্রশংসা করিতে লাগিলেন। পরে পাণ্ডবেরা
বনে বনে অনুসন্ধান করিয়া পরিশেষে
বনবাসী এক মনুষ্যকে নিরবচ্ছিন্ন শর বর্ষণ
করিতে দেখিলেন। পাণ্ডবেরা ঐ বিকৃত-
দর্শন পুরুষকে তৎকালে চিনিতে না পা-
রিয়া জিজ্ঞাসিলেন, হে বীরবর ! তুমিকে ?
কাহার পুত্র ? একলব্য প্রত্যুত্তর করিল,
আমি নিষাদাধিপতি হিরণ্যধর্ম্মুর পুত্র, দ্রো-
ণের শিষ্য, এই আশ্রমে একাকী ধনু-
র্বেদ অধ্যয়ন করিতেছি।

তখন পাণ্ডবেরা তাহার বর্ষাধর্ম্ম পরিচয়
লইয়া পুনর্বার নিজ রাজধানীতে প্রত্যাগমন
করিয়া দ্রোণসন্নিধানে এই অন্ততঃ কৃত্য

আঘোপান্ত সমুদায় নিবেদন করিলেন।
তৎপরে কুন্তীমন্দন অর্জুন বিমীতবচনে
নির্জনে দ্রোণকে কহিলেন, গুরো ! আ-
পনি অঙ্গীকার করিয়াছিলেন যে, তোমা
অপেক্ষা আমার অন্য কোন শিষ্যই উৎ-
কৃষ্ট হইবে না, কিন্তু এক্ষণে তাহার অন্য-
থা দেখা যাইতেছে। নিষাদাধিপতির পুত্র
মহাবল একলব্য আপনার এক শিষ্য, সে
ধনুর্বেদে আমা অপেক্ষাও সমধিক উৎকর্ষ
লাভ করিয়াছে। তখন অর্জুনমুখে এই
সম্বাদ শ্রবণ করিয়া দ্রোণ মুহূর্ত্তকাল চিন্তা
করিয়া ইহার বিশেষ কারণ কিছুই অনু-
ধাবন করিতে পারিলেন না। পরিশেষে
অর্জুন সমভিব্যাহারে অরণ্যপ্রদেশে উপ-
স্থিত হইয়া দেখিলেন, জটাধারী মলিন-
কলেবর নিষাদরাজকুমার একলব্য, শরাসন
আকর্ষণ করিয়া বারংবার বাণ বর্ষণ করি-
তেছে। এই অবসরে দ্রোণ তাহার সম্মু-
খীন হইলেন। সে সহসা দ্রোণকে সমাগত
দেখিয়া তাঁহার প্রত্যুদ্যমন ও পাদবন্দন-
পূর্ব্বক আপনাকে তাঁহার শিষ্যবলিয়া পরি-
চয় দিল, এবং বিধানানুসারে তাঁহার পূজা
ও উপবেশনার্থ আসন প্রদান করিয়া কৃত্য-
ঞ্জলিপুটে সম্মুখে দণ্ডায়মান রহিল। তখন
দ্রোণ কহিলেন, হে বীর ! যদি তুমি যথার্থই
আমার শিষ্য হইয়া থাক, তবে এক্ষণে
গুরুদক্ষিণা প্রদান কর। তাহা শুনিয়া এক-
লব্য প্রীতবাক্যে কহিল, ভগবন ! গুরুকে
অদেষ কিছুই নাই, এক্ষণে কিরূপ দক্ষিণা
আহরণ করিব, আঞ্জা করুন। তখন দ্রোণ
কহিলেন, হে বীর ! যদি সম্মত হইয়া থাক,
তবে দক্ষিণ হস্তের একটি অঙ্গুলি ছেদন ক-
রিয়া দক্ষিণাশ্বরূপ আমাকে সম্প্রদান কর।
সত্যবাক্ একলব্য দ্রোণের এইরূপ মিদা-
রূণ বাক্য শ্রবণ করিয়া আপনীর প্রতিজ্ঞা
প্রতিপালনার্থে প্রকৃত্তমসে ও হৃৎকবলে দ-
ক্ষিণহস্তের অঙ্গুলি ছেদন করিয়া অসমুচিত-

চিত্তে তৎক্ষণাৎ গুরুদক্ষিণা প্রদান করিল।
তৎপরে অপর অঙ্কুরী দ্বারা শর কেপ করি-
য়া দেখিল, পূর্বাপেক্ষা শরের লঘুতা হান
হইয়াছে।

অর্জুন এইকপ অস্তুত ব্যাপার অব-
লোকন করিয়া অতিশয় ক্রীত ও প্রসন্ন হ-
ইলেন। তখন তাঁহার অপকর্ষবিষয়ক আ-
শঙ্কা তিরোহিত হইল। এই ধরাধামে অ-
র্জুনকে কেহই পরাভব করিতে পারিবেক
না, জ্ঞোণাচার্যের এই অঙ্গীকার বাক্যও
রক্ষা হইল। ক্রোধপরায়ণ চুর্যোধান ও
ভীম এই উভয়ে জ্ঞোণের নিকটে গদাযুদ্ধ
অভ্যাস করিতেন। অশ্বখামা সর্ব রহস্যে
পারদর্শী হইয়া অপেক্ষাকৃত উৎকর্ষ লাভ
করিয়াছিলেন। নকুল ও সহদেব ইহারা
অসিচর্যায় কুশলী হইলেন। ধর্মরাজ যু-
ধিষ্ঠির এক উৎকৃষ্ট রথী হইলেন। অর্জুন
বুদ্ধিবোধ, বল ও উৎসাহে এই সমাগরা
পৃথিবীমধ্যে প্রখ্যাত হইলেন, অর্জুনই আ-
চার্য জ্ঞোণের প্রতি অসাধারণ অনুরাগ
প্রদর্শন করিতেন এবং অর্জুনই সমাগত
রাজকুমারদিগের মধ্যে অদ্বিতীয় ধনুর্ধর
হইয়া উঠিলেন। চুরাঙ্গা ধার্ত্তরাষ্ট্রেরা বলা-
ধিক ভীমসেন ও কৃতবিদ্য অর্জুনকে দে-
খিয়া নিতান্ত দীর্ষাপরবশ হইল।

একদা জ্ঞোণাচার্য্য শিষ্যগণের অস্ত্রশিক্ষার
পরীক্ষার্থ কুমারগণের অসমক্ষে শিগ্গিছারা
একটি কৃত্রিম নীলপক্ষ পক্ষী নির্মাণ করাইয়া
বৃক্কের অগ্রশাখায় আরোপিত করিলেন। প-
রে সমবেত রাজকুমারদিগকে সন্বেদন করি-
য়া কহিলেন, হে রাজপুত্রগণ! সকলে শীঘ্র
শরাননে শর সঙ্কান করিয়া আমার আদেশ-
বাক্য অপেক্ষা করিয়া থাক, আমি তোমা-
দিগকে একে একে নিরোংগ করিতেছি, মহীর
বাক্য অবশ্যই না হইতে হইতেই এই লক্ষ্য-
র শিরশেছদন করিয়া সূতকে পাতিত কর,
এই হইল জ্ঞোণ প্রথমতঃ ধর্মরাজ যুধি-

ষ্ঠিরকে আদেশ করিলেন, হে চুর্য্য ! তুমি
শর সঙ্কান করিয়া আমার বাক্যের সমকালে
বাণ ত্যাগ কর। তখন যুধিষ্ঠির জ্ঞোণের নি-
দেশানুসারে ধনু গ্রহণ পূর্বক লক্ষ্যকে উ-
দ্দেশ করিয়া দণ্ডায়মান রহিলেন। তৎপরে
আচার্য্য জ্ঞোণ কুরুনন্দন যুধিষ্ঠিরকে মুহূর্ত্ত-
কালমধ্যে কহিলেন, তুমি বৃক্কের শিখর-
দেশে ঐ শকুন্তকে নিরীক্ষণ কর। যুধিষ্ঠির
প্রত্যুত্তর করিলেন, হাঁ আমি দেখিতেছি।
জ্ঞোণ পুনর্বার কহিলেন, হে ধর্মনন্দন!
তুমি এই বৃক্ককে, আমাকে বা আপন জা-
তৃগণকে দেখিতেছ? যুধিষ্ঠির উত্তর করি-
লেন ভগবন! আমি এই বৃক্ককে, আপ-
নাকে জাতৃগণকে ও বৃক্কস্থিত পক্ষীকে বা-
রংবার নিরীক্ষণ করিতেছি। তখন জ্ঞোণ
অপ্রসন্নমনে যুধিষ্ঠিরকে কহিলেন, তুমি
এই লক্ষ্য বিদ্ধ করিতে পারিবে না, এস্থান
হইতে অপস্থত হও। এইরূপে যুধিষ্ঠি-
রকে তিরস্কার করিয়া জ্ঞোণ ধৃতরাষ্ট্র-
নন্দন চুর্যোধানপ্রভৃতি সকলকেই পর্য্যায়ক্রমে
পূর্বোক্ত প্রকারে জিজ্ঞাসা করিলেন, কিন্তু
কেহই তাঁহার মনোগত উত্তর প্রদান করি-
তে পারিলেন না বলিয়া সকলেই তিরস্কৃত
হইলেন।

ত্রয়স্ত্রিংশদধিক শততম অধ্যায়।

বৈশম্পায়ন কহিলেন, মহারাজ! অন-
ন্তর জ্ঞোণ হস্তমুখে অর্জুনকে কহিলেন,
বৎস! এই বাণে তোমাকেই এই লক্ষ্য
বিদ্ধ করিতে হইবে, অতএব ধনুকে গুণ
রোপণপূর্বক মুহূর্ত্তকাল অপেক্ষা কর।
আমার বাক্যাবসান না হইতে হইতে তুমি
এই লক্ষ্যে অস্ত্র কেপ কর। অর্জুন গুরু-
বাক্যানুসারে শরাননে শরসঙ্কানপূর্বক
অগ্রশাখায় পক্ষীকে লক্ষ্য করিয়া রহিলেন।
তখন জ্ঞোণ মুহূর্ত্তকালমধ্যে পূর্বোক্ত প্র-
কারে অর্জুনকে জিজ্ঞাসা করিলেন, বৎস!
বৃক্ককে, বৃক্কস্থিত পক্ষীকে, আমাকে বা জাতৃ-

গণকে নিরীক্ষণ করিতেছ? তাহা শুনিয়া অর্জুন প্রত্যুত্তর করিলেন, ভগবন্! আমি বৃক্ষ বা আপনাকে নিরীক্ষণ করিতেছি না, কেবল শকুন্তকে অবলোকন করিতেছি । অনন্তর দ্রোণ প্রীতমনে পুনর্বার জিজ্ঞাসিলেন বৎস! শকুন্তকে সম্যক্রূপে নিরীক্ষণ করিতেছ? অর্জুন প্রত্যুত্তর করিলেন, না, আমি শকুন্তের অবশিষ্ট কলেবর কিছুই অবলোকন করিতেছি না, কেবল উহার মস্তকটি দেখিতেছি । তখন দ্রোণাচার্য্য অর্জুনের এইরূপ বাক্যাতুরী দর্শনে সন্তুষ্ট হইয়া কহিলেন, বৎস! তবে লক্ষ্য বেধ কর, এই কথা বলিলামাত্র অর্জুন কিছুমাত্র বিবেচনা না করিয়া লক্ষ্যে অস্ত্র ক্লেপ করিলেন এবং বৃক্ষশিখরস্থিত পক্ষী অর্জুনের ধরদার অস্ত্র দ্বারা ছিন্নমস্তক হইয়া ভূতলে নিপতিত হইল । তাদৃশ অসাধারণ কর্ম সমাধানান্তে দ্রোণ অর্জুনকে আলিঙ্গন করিয়া রূপদ রাজাকে সংগ্রামে পরাজিত করিয়াছি বলিয়া মানিলেন ।

কিয়ৎকাল অতীত হইলে একদা শিষ্যগণ সমভিব্যাহারে দ্রোণ স্নানার্থ ভাগীরথীর উপকূলে গমন করিলেন । তথার সমুপস্থিত হইয়া অবগাহনপূর্বক স্নান করিতেছেন, এই অবসরে এক ভয়ঙ্কর কুণ্ডীর কালপ্রেরিত হইয়া দ্রোণের জ্ঞানদেশ গ্রহণ করিল । তিনি স্ববীর্য্যপ্রভাবে কুণ্ডীর হস্তহইতে জ্ঞান মোচন করিয়া আশ্রয়লাভ করিতে পারিতেন, কিন্তু তিনি তাহা না করিয়া পরীক্ষার্থে শিষ্যদিগকে সমস্ত্রমে আদেশ করিলেন, হে শিষ্যগণ! তোমরা কুণ্ডীর হিমাশ করিয়া আমাকে পরিজ্ঞান কর । তাহার আদেশ প্রাপ্তিমাতেই অর্জুন চূর্ণিবার ও ধরদার পাঁচটি শর দ্বা রাজলময় কুণ্ডীরকে প্রহার করিলেন এবং অন্যান্য সমস্ত রাজকুমার ইতিকর্তব্যতা বিহীন হইয়া বধাধানে চিত্তচর্পণের ন্যায় সপ্তাধ-

মান রহিলেন । তখন দ্রোণাচার্য্য অর্জুনকে ক্লতকার্য্য দেখিয়া অতিশয় সন্তুষ্ট হইলেন এবং শিষ্যগণসমূহে তাহাকেই সর্বোৎকৃষ্ট বিবেচনা করিলেন ।

কুণ্ডীর অর্জুনের শরপ্রহারে ধ্বংসকলেবর হইয়া দ্রোণের জ্ঞান পরিভ্যাগপূর্বক পঞ্চদ্ব প্রাপ্ত হইল । অনন্তর তারদ্বাজ দ্রোণ, মহারথ অর্জুনকে কহিলেন, হে মহাবাহো! আমি প্রয়োগ ও সংহার, সহিত ব্রহ্মশিরা নামে এই অনিবার্য্য অস্ত্র প্রদান করিতেছি, তুমি গ্রহণ কর, কিন্তু বৎস! মনুষ্যের প্রতি ইহা কদাচ প্রয়োগ করিও না, কারণ অপতেজস্ক মনুষ্যে নিক্ষিপ্ত হইলে ইহা নিশ্চয়ই এই চরাচর বিশ্বকে ভস্মসাৎ করিবে, এই অস্ত্র সামান্য অস্ত্র নহে; অতএব সাবধানে এই অস্ত্র ধারণ কর । দেখিও, আমি বাহা কহিলাম, যেন তাহার অন্যথা না হয় । হে বীর! যদি কোন অমানুষ শত্রু সংগ্রামে সহসা তোমাকে আক্রমণ করে, তাহার সংহারার্থে তৎকালে তুমি এই ব্রহ্মশিরা অস্ত্র প্রয়োগ করিবে । অর্জুন তাহাই হইবে বলিয়া তাহার বাক্য স্বীকার করিয়া ক্লতাজলিপুটে দিব্যাস্ত্র গ্রহণ করিলেন । তখন আচার্য্য দ্রোণ পুনর্বার কহিলেন, বৎস! এই জীবলোকে তোমার তুল্য ধর্ম্মধর আর কেহই জন্মিবে না ।

চতুস্ত্রিংশদধিক শততম অধ্যায় ।

বৈশম্পায়ন কহিলেন, মহারাজ! এই রূপে ধৃতরাষ্ট্রস্বয়ংগণ ও পাণ্ডবেরা অস্ত্র শিক্ষা করিলে একদা দ্রোণ রূপ, সোমদত্ত, বাহ্লীক, ভীষ্ম, ব্যাস ও বিক্রমের সম্মুখানে ধৃতরাষ্ট্রকে কহিলেন, মহারাজ! কুমারেরা সকলেই ধর্ম্মব্রত ক্লতবিদ্যা হইয়াছেন । অসুখতি হইলে আপন আপন অস্ত্রশিক্ষার পরিচর দেয় । ধৃতরাষ্ট্র দ্রোণবাক্যে পরম পরিতুষ্ট হইয়া কহিলেন, হে বিজ্ঞেয় ভারদ্বাজ! আপনি আমাদিগের এক মহৎ কর্ম সাধন

করিলেন। মহাশয়! এ সময় অস্ত্রশিক্ষা দর্শনবিধায়িনী রক্তভূমি যে স্থানে যে প্রকারে নির্মাণ করা আবশ্যক বোধ করেন, তাহা আজ্ঞা করুন; কদাচ আপনকার আদেশের অন্যথা হইবে না। আজ আমার অজ্ঞতানিবন্ধন নির্বেদনের উদয় হইল। আমি অন্ধ, যাহা হউক কুমারেরা যে সকল চক্রদ্বান্ব্যক্তিদিগের সমক্ষে আপন আপন অস্ত্রশিক্ষার সবিশেষ পরিচয় প্রদান করিবে, আমি তাঁহাদের সামিধ্য লাভের একান্ত অভিলাষ করি, এই বলিয়া মহারাজ ধৃতরাষ্ট্র সম্মুখোপবিষ্ট বিচুরকে কহিলেন, হে ধর্ম বৎসল! আচার্য্য দ্রোণ আমাদিগের মহোপকার সাধন করিয়াছেন। এক্ষণে যাহা আদেশ করেন, তুমি সত্বর হইয়া অবিলম্বে তাহা সম্পাদন কর। বিচুর রাজাজ্ঞা শিরোধার্য্য করিয়া কর্তব্যানুষ্ঠানে প্রস্থান করিলেন, এদিকে প্রাজ্ঞবর দ্রোণাচার্য্য সমতল ভূতলে রক্তভূমির সীমা পরিমাণ করিলেন। ঐ স্থান তরু গুলুবিহীন, সুপরিচ্ছন্ন এবং স্থানে স্থানে প্রস্রবণ ও জলাশয়ে অতীব রমণীয় হইয়াছিল। আচার্য্য দ্রোণ শুভ নক্ষত্রযোগ সম্পন্ন তিথি বিশেষে বীরসমাজে ডিণ্ডিম-প্রচার করত ঐ স্থলে পূজোপহার প্রদান করিলেন। রাজশিল্পীরা সেই রক্তভূমির মধ্যে শাস্ত্রানুসারে অস্ত্র শস্ত্রপরিপূর্ণ অতিবিস্তীর্ণ এক এক দর্শনাগার এবং স্ত্রীলোকদিগের অবলোকনার্থ সুরম্য গৃহসকল নির্মাণ করিল। পুরবাসীরা তথায় অত্যন্ত মগ্ন ও মহামূল্য শিবিকাসকল প্রস্তুত ও সুসজ্জিত করিতে লাগিল।

অনন্তর মহারাজ ধৃতরাষ্ট্র নির্দিষ্ট দিন উপস্থিত হইলে মন্ত্রিগণ-সমভিব্যাহারে রূপাচার্য্য ও ভীষ্মকে সম্বোধন করিয়া সুভ্রাজ্যে অলঙ্কৃত বৈভূর্য্যমণিশোভিত সুবর্ণময় রমণীয় দর্শনাগারে গমন করিলেন। মহাভাগা গান্ধারী, কুন্তী ও অন্যান্য রাজ

মহিষীরা সুপরিচ্ছন্ন পরিচ্ছদ পরিধান করিয়া দাসীগণ সমভিব্যাহারে হর্ষোৎফুল্ললোচনে তথায় গমন করিলেন, ব্রাহ্মণ ক্ষত্রিয়প্রভৃতি চাতুর্বর্ণ্য লোক রাজকুমারদিগের অস্ত্রশিক্ষা-দর্শনার্থী হইয়া রাজধানী হইতে দ্রুত-গমনে তথায় আগমন করিতে লাগিলেন। ক্ষণকাল মধ্যে রক্তভূমিতে প্রবেশার্থী বহুতর দর্শকবর্গের সমাগম হইল; তৎপরে বাদ্যকরেরা মৃচ্ছমধুর রবে বাদ্য করিয়া দর্শকমণ্ডলীর কৌতু হল উৎপাদন করিতে লাগিল। অভ্যাগত লোকের কোলাহলে সেই সমাজমন্দির উচ্ছলিত মহাসমুদ্রের ন্যায় বা-রংবার প্রতিধনিত হইতে লাগিল। এই অবসরে শুক্রাশ্বরধারী শুক্রকেশ শুক্র যজ্ঞোপবীতসম্পন্ন শুক্রশ্মশ্রু শুক্র-চন্দনানুলিপ্ত-কলেবর মহামুভব দ্রোণাচার্য্য গলদেশে শুক্র মাণ্য ধারণ করিয়া স্বপুত্র অশ্বখামার সহিত জলধরোপরোধ-শূন্য গগনে সভৌম শশধরের ন্যায় রক্তমধ্যে প্রবেশ করিলেন, এবং ষথানির্দিষ্ট সময়ে বলি প্রদান-পূর্বক বিজ্ঞ ও মন্ত্রজ্ঞ ব্রাহ্মণগণ-কর্তৃক মাজ্জলিক ক্রিয়ার অনুষ্ঠান করাইলেন। পুণ্য কর্ম সমাধানান্তে অনুচরেরা অস্ত্র শস্ত্র গ্রহণ করিয়া রক্তমধ্যে প্রবেশ করিল।

অনন্তর মহাবীর্য্য মহারথ রাজপুত্রগণ অঙ্গুলীতে অঙ্গুলিত্র বন্ধনপূর্বক বন্ধুত্ব ও বন্ধুপরিকর হইয়া সর্বজ্যেষ্ঠ যুধিষ্ঠিরকে অগ্রে করত হস্তে ধনুর্বাণ লইয়া জ্যেষ্ঠ কনিষ্ঠক্রমে রক্তস্থলে প্রবেশ করিলেন। পরে অত্যাশ্চর্য্য অস্ত্রশস্ত্র সমুদায় নিক্ষেপ করিতে লাগিলেন। কেহু শরপতনভয়ে মস্তক অবনত করিতে লাগিল, কেহ বা অস্তুত-বীর্য্য অর্জুনকে দেখিয়া অতিশয় বিস্মিত হইল। রাজকুমারেরা বেগবিন্ তুরঙ্গবানে আরোহণ করিয়া স্বনামাঙ্কিত বাণ দ্বারা লক্ষ্য ভেদ করিলেন। তখন দর্শকমণ্ডলী শর কার্য্যকথারী অস্ত্র ভঙ্গ কুমারসেনা সন্দ-

শ্রম করিয়া বিশ্বযোৎফুল্ললোচনে শত সহস্র সাধুবাদ প্রদান করিতে লাগিলেন। মহাবল কুমারবল তৎকালে কাশ্মুকদ্বারা অস্থির লক্ষ্যপাত প্রভৃতি অত্যাশ্চর্য ব্যাপার সকল সমাধানপূর্বক রথে আরোহণ করিয়া রঞ্জমধ্যে বারংবার মণ্ডলাকারে ভ্রমণ ও প্রদক্ষিণ করিতে লাগিলেন, খড়্গ চর্ম গ্রহণপূর্বক কখন গজে কখন বা অশ্বে অধিকৃত হইয়া বাহ্যুদ্ব সমাধানান্তে পরস্পর প্রহার করিতে লাগিলেন। তাঁহারা এক মাত্র খড়্গ দ্বারা কৌশলক্রমে অনেকান্ত নিবারণ করিলেন। নিরবচ্ছিন্ন ভ্রাম্যমান খড়্গের অংশুমণ্ডল ইতস্ততঃ বিস্তীর্ণ হইয়া এক অপূর্ব শোভা ধারণ করিল। এইরূপ অসিচর্য্যায় বীর পুরুষদিগের নির্ভীকতা প্রকাশ পাইল। তাঁহাদিগের হস্ত খড়্গমুক্তি হইতে একবারও স্থলিত হইল না; তাঁহারা অসিপ্রয়োগে বিলক্ষণ কুশলী ছিলেন; এই সমস্ত দেখিয়া রঞ্জস্থ লোকসমুদায় বিশ্বয়াবেশ প্রকাশ করিতে লাগিল। অনন্তর মহাবল পরাক্রান্ত দুর্ঘোষন ও ভীম উভয়ে বদ্ধপরিকর হইয়া গদাহস্তে একগুঞ্জ অভ্যুত্থ শৈলের ন্যায় রঞ্জস্থলে অবতীর্ণ হইলেন। মদমত্ত কুঞ্জর যেমন করিবার নিমিত্ত চীৎকার করিতে থাকে এবং নভোমণ্ডলে জলধর যেমন গভীর গর্জ্জন করে, সেই উভয় বীর পুরুষ পৌরুষ প্রকাশার্থ রঞ্জমধ্যে তাদৃশ সিংহনাদ করিতে লাগিলেন। তৎপরে তাঁহারা গদাহস্তে বাম ভাগ অবলম্বন করিয়া মণ্ডলাকারে ভ্রমণ করিতে লাগিলেন। বিদুর ও কুম্ভী, ধতরাষ্ট্র ও রাজমহিষী গা ক্রীরী সন্নিধানে রাজকুমারদিগের এই সমস্ত রূক্তান্ত নিবেদন করিলেন।

পঞ্চত্রিংশদধিক শততম অধ্যায়।

বৈশম্পায়ন কহিলেন, মহারাজ! দুর্ঘোষন ও ভীমসেন উভয়ে রঞ্জস্থলে প্রবেশ করিলে উভয় পক্ষীয় দর্শকমণ্ডলী দুই ভাগে বিভক্ত হইয়া দণ্ডায়মান হইল। তৎপরে

দর্শকেরা হা বীর কুরুরাজ! হা ভীম! এই বলিয়া মহান্ কোলাহল করিতে লাগিল। ধীমান্ দ্রোণ সেই রঞ্জস্থলে তরঙ্গসঙ্কুল সাগরের ন্যায় অবলোকন করিয়া প্রিয় পুত্র অশ্বখামাকে সম্বোধন করিয়া কহিলেন, বৎস! মহাবীৰ্য্য ও সুশিক্ষিত বীরদ্বয়কে গদায়ুদ্ধ হইতে নিবারণ কর, দেখিও, যেন ভীম ও দুর্ঘোষনের ক্রোধ উদ্রেক না হয়। অশ্বখামা পিতার অনুমতি পাইবামাত্র মহাবেগে ও যুগান্তানিল-সঙ্কুল অস্ত্রোনিধির ন্যায় গদা যুদ্ধোদ্যত বীরদ্বয়কে তৎক্ষণাৎ নিরস্ত করিলেন। তৎপরে দ্রোণাচার্য্য রঞ্জপ্রাঙ্গনে দণ্ডায়মান হইয়া মহামেঘনির্ঘোষ-সদৃশ বাদ্যধনি নিবারণপূর্বক কহিলেন, মদীয় শিষ্য অর্জুন আমার পুত্র হইতেও প্রিয়তর, সর্বশস্ত্র-বিশারদ ও উপেন্দ্রতুলা মহাবীর; হে দর্শকগণ! তোমরা ইহাকে দর্শন কর। তখন অর্জুন আচার্য্যের আদেশক্রমে গোখালতার অঙ্কলিত্রাণ ও কাঞ্চনময় কবচ ধারণপূর্বক ধনুর্ধার হস্তে করিয়া সূর্য্যসন্নিহিত ইন্দ্রায়ুধালঙ্কৃত সন্ধ্যাকালীন মেঘের ন্যায় রঞ্জমধ্যে পরিদৃশ্যমান হইলেন, তদর্শনে রঞ্জস্থ লোকের চিত্ত প্রফুল্ল হইয়া উঠিল। এই অবসরে চতুর্দিকে শঙ্খধনি ও বাদ্যোদ্যম হইতে লাগিল। অনন্তর “ইনি শ্রীমান্ কুম্ভীনন্দন” “ইনি পাণ্ডবদিগের তৃতীয়” ইনিই দেবরাজ ইন্দ্রের পুত্র” “ইনিই কৌরবগণের রক্ষক” “ইনি অস্ত্রবেত্তাদিগের মধ্যে শ্রেষ্ঠ” “ইনি পরম ধার্মিক” “ইনি অতিশয় স্তম্ভীল” দর্শকগণকৃত এইরূপ প্রশংসাবাদ রঞ্জমধ্যে সর্বত্রই শ্রুত হইতে লাগিল। পুত্রের প্রশংসা শুনিয়া সবাষ্প স্তন্য দ্বারা পুত্রবৎসলা কুম্ভীর উরস্থল সিক্ত হইতে লাগিল।

রঞ্জভূমির সেই সকল শব্দ মহারাজ ধতরাষ্ট্রের শ্রবণগোচর হইলে তিনি হৃষ্টমনে বিদুরকে জিজ্ঞাসা করিলেন, হে বিদুর!

উচ্ছলিত মহাসাগরের ন্যায় এই তুমুল কোলাহল কি নিমিত্ত সহসা রঙ্গভূমি হইতে উত্থিত হইয়া নভোমণ্ডল বিদীর্ণ করিতেছে? বিদুর কহিলেন, মহারাজ! পাণ্ডুনন্দন অর্জুন সাংগ্রামিকবেশে রঙ্গস্থলে অবতীর্ণ হইলে লোকে তাহার ভূয়সী প্রশংসা করিতেছে, এই কারণে এতাদৃশ কোলাহল উত্থিত হইল। তখন ধৃতরাষ্ট্র কহিলেন, হে বিদুর! আমি কুন্তীগর্ভসম্ভূত পাণ্ডবত্রয় দ্বারা ধন্য, অনুগৃহীত ও রক্ষিত হইলাম।

অনন্তর সেই কোলাহল নিরস্ত ও রঙ্গস্থলোকসকল সম্ভূত হইলে মহাবীর অর্জুন আচার্য্য দ্রোণ সন্নিধানে আপনার অস্ত্রকৌশল প্রদর্শন করিতে লাগিলেন। প্রথমতঃ আগ্নেয়াস্ত্র পরিত্যাগ-পূর্বক অগ্নি সৃষ্টি করিয়া বারুণাস্ত্র প্রয়োগপূর্বক জল সৃষ্টি করিলেন। তৎপরে বায়বাস্ত্র দ্বারা বাত্যা উত্থাপিত করিয়া পার্জ্বল্যাস্ত্র দ্বারা নভোমণ্ডলে মেঘ সৃষ্টি করিলেন। ভৌমাস্ত্র দ্বারা ভূগর্ভে প্রবেশ করিয়া পার্শ্বতাস্ত্র দ্বারা পর্বত সৃষ্টি করিলেন। অন্তর্দ্বানাস্ত্র দ্বারা অন্তর্হিত হইলেন। তৎপরে শিক্ষাকৌশলে কখন দীর্ঘ কখন হ্রস্ব কখন রথসম্মুখে কখন রথমধ্যে অবস্থান করিতে লাগিলেন। এবং অবিলম্বেই ভূতলে অবতীর্ণ হইলেন। অনন্তর গুরুপ্রিয় অর্জুন বিবিধ বাণ দ্বারা সুকুমার, স্থূল ও সূক্ষ্ম লক্ষ্যসকল অনায়াসে বিদ্ধ করিতে লাগিলেন। তিনি ভ্রমণশীল লৌহময় বরাহের মুখে এক কালে অসঙ্কীর্ণরূপে পঞ্চ শর এক শরের ন্যায় নিক্ষেপ করিলেন। তৎপরে কেশময় রঞ্জু দ্বারা লম্বিত গোবিষাণ-কোষে একবিংশতি বাণ বিদ্ধ করিলেন। এইরূপে অসিচর্য্যা ধনু ও গদাশিক্ষায় আপনার বিবিধ কৌশল প্রকাশ করিতে লাগিলেন।

এই অদ্ভুত ব্যাপার সমাধানান্তে অধিকাংশ লোক সমাজ হইতে নির্গত ও বাদ্যকোলাহল নিস্তকপ্রায় হইল। এই অবসরে

বজ্র নির্যোষসদৃশ বাহ্মাস্কোটন দ্বারদেশ হইতে উত্থিত ও শ্রুত হইতেলাগিল, ঐ শব্দ কর্ণগোচর করিয়া রঙ্গস্থলোকে, “ইহা কি বিদীর্ণ পর্বতের? না দলিত ভূতলের? বা মেবাচ্ছন্ন নভোমণ্ডলের যোর রব শ্রুত হইতেছে,” এইরূপ অনুমান করিয়া সত্বর সকলেই দ্বারদেশাতিমুখে গমন করিল। ছুর্যোধান গদামাত্রসহায় ও ভ্রাতৃশত দ্বারা পরিবৃত হইয়া, পূর্ব কালে অস্তুর সংগ্রামে দেবগণ কর্তৃক পরিবেষ্টিত দেবরাজ ইন্দ্রের ন্যায় শোভমান হইলেন। সেই সময়ে পঞ্চ তারা গ্রীষ্মিত হস্তা সংযুক্ত চন্দ্রের ন্যায় পঞ্চপাণ্ডব-পরিবৃত দ্রোণাচার্য্য দীপ্তি পাইতেছিলেন। তিনি অশ্বখামা ও ভ্রাতৃশত সমভিব্যাহারে উত্থিত ছুর্যোধানকে নিবারণ করিলেন।

ষট্‌ত্রিংশদধিক শততম অধ্যায়।

বৈশম্পায়ন কহিলেন, মহারাজ! তৎপরে লোকে অবকাশ প্রদান করিলে মহাবল পরাক্রান্ত অঙ্গরাজ কর্ণ বিন্ময়োৎকুল্ললোচনে বিস্তীর্ণ রঙ্গস্থলে প্রবেশ করিলেন। তদীয় মুখমণ্ডল কুণ্ডলদ্বয়ে অলঙ্কৃত। তিনি সহজাত কবচ ধারণ ও কটিদেশে খড়্গ বন্ধন করিয়া পাদচারী পর্বতের ন্যায় শোভা পাইতে লাগিলেন। তিনি সুর্য্যের ঔরসে কুমারী কুন্তীর গর্ভে জন্ম গ্রহণ করেন। তাঁহার যশের পরিসীমা ছিল না। দীপ্তি, কান্তি ও ছাতি দ্বারা তিনি চন্দ্র, সূর্য্য ও অনলের তুল্য ছিলেন। তিনি মৃগরাজ সিংহ ও হস্তিসমূহের বল একাকী ধারণ করিতেন। তিনি উন্নতকায় ও সর্বাঙ্গসুন্দর ছিলেন। সেই মহাবল কর্ণ রঙ্গস্থলে ইতস্ততঃ অবলোকন করিয়া অনতিভক্তি-সহকারে দ্রোণ ও কৃপাচার্য্যাকে প্রণাম করিলেন। রঙ্গস্থলোকে তাঁহাকে নিরীক্ষণ করিয়া নিশ্চল ও স্থিরলোচন হইল, এবং “ইনি কে” ইহা সবিশেষ জানিবার নিমিত্ত একান্ত কৌতূহলাক্রান্ত হইল।

তখন সূৰ্য্যতনয় কৰ্ণ অজ্ঞাত ভ্রাতা অৰ্জুনকে জলধর-গভীরস্বরে কহিলেন, হে পার্থ ! তুমি যেকৰূপ কৰ্ম্ম করিয়াছ সৰ্বসমক্ষে আমিও বিশেষৰূপে সেই কাৰ্য্য সম্পাদন করিব, তুমি বিস্মিত হইও না ।

তাঁহার বাক্যাবসান না হইতেই চতুর্দিক-হইতে দৰ্শকেরা যজ্ঞোৎক্ষিপ্তের ন্যায় সম্ভর উৎখিত হইল। কৰ্ণের তাদৃশ উৎসাহবাক্যে ছুর্য্যোধনের প্রীতি ও অৰ্জুনের লজ্জা ও ক্রোধের উদ্বেক হইল। তৎপরে দ্রোণের নিদেশানুসারে সংগ্রামপ্রিয় কৰ্ণ, অৰ্জুন যেকৰূপ অনুষ্ঠান করিয়া ছিলেন, তিনিও তদনুরূপ কাৰ্য্য করিলেন। তখন ছুর্য্যোধন ভ্রাতৃগণ সমাভিব্যাহারে মহাবীর কৰ্ণকে আলিঙ্গন করিয়া প্রকুল্লমনে ও সাদরবচনে কহিলেন, হে মহাবাহো ! আমাদিগের সৌভাগ্যক্রমে তুমি এস্থলে উপস্থিত হইয়াছ। এক্ষণে স্বেচ্ছানুসারে কুরুরাজ্য উপভোগ কর। তদীয় এতাদৃশ বাক্য কৰ্ণগোচর করিয়া কৰ্ণ কহিলেন, প্রভো ! বোধ হয়, আমি আমার কৰ্ত্তব্য কৰ্ম্ম সমুদায়ই সমাধা করিয়াছি, এক্ষণে তোমার সহিত বন্ধুতা করিতে এবং অৰ্জুনের সহিত ঘৃণা যুদ্ধ করিতে বাসনা করি। তখন ছুর্য্যোধন কহিলেন, ভাল এক্ষণে আমার সহিত বন্ধুতা করিয়া বিষয়ভোগ-বাসনা চরিতার্থ কর, পরে বিপক্ষ পক্ষের মস্তকে পদার্পণ করিয়া পরম সূখে কালাতিপাত করিও। ছুর্য্যোধনের এইরূপ উদ্ধত বাক্যে উত্তেজিত ও ক্ষিপ্তপ্রায় হইয়া অৰ্জুন ভ্রাতৃমধ্যে উন্নত ভূধরের ন্যায় অবস্থিত কৰ্ণকে কহিলেন, রে কৰ্ণ ! যাহারা অনাহত হইয়া উপদেশ প্রদান করে, ও যাহারা অনাহত হইয়া কথা কহে, তাহারা যে লোকে গমন করে, অদ্য তোর প্রাণ সংহার করিয়া তথায় প্রেরণ করিব। তখন কৰ্ণ প্রত্যুত্তর করিলেন, হে অৰ্জুন। দেখ, এই রঞ্জভূমি সাধারণের অধিকৃত; সূতরাং ইহার মধ্যে তোমার বিশেষ কোন

প্রভুতা নাই। অভ্যাগত ভূপালগণ সকলেই পরাক্রান্ত, এবং ধৰ্ম্ম ও পরাক্রমের অনুসরণ করিয়া থাকেন। অধিক কি বলিব, যাবৎ গুরুজন-সমক্ষে শর দ্বারা তোমার শিরশ্ছেদন না করিতেছি, তাবৎ আর বিফল শর ক্ষেপের আবশ্যকতা নাই।

অনন্তর অৰ্জুন আচাৰ্য্য দ্রোণকর্তৃক আদিষ্ট ও ভ্রাতৃগণ কর্তৃক আলিষ্ট হইয়া সংগ্রামার্থ কৰ্ণের সম্মুখে গমন করিলেন। সমরপ্রিয় কৰ্ণ, ছুর্য্যোধন ও তদীয় ভ্রাতৃগণ-কর্তৃক আলিঙ্গিত হইয়া ধনুর্বাণ ধারণপূৰ্ব্বক সমরাক্রমে অবতীর্ণ হইলেন। তদনন্তর ইন্দ্রায়ুধালঙ্কৃত, সৌদামনী-পরিবেষ্টিত, বলাকা-শোভিনী মেঘমালা নভোমণ্ডল আচ্ছন্ন করিয়া ঘোর রবে গজ্জন করিতে লাগিল। তাহার পর ভগবান্ভাস্কর পুত্রবৎসল দেবরাজকে রঞ্জস্থল অবলোকন করিতে দেখিয়া সন্নিহিত মেঘমণ্ডলী অপসারিত করিলেন। অৰ্জুন মেঘের স্তম্ভীতলচ্ছায়ায় আচ্ছন্ন এবং কৰ্ণ আতপতাপে সম্ভ্রু হইতে লাগিলেন। যেদিকে কৰ্ণ, সেই দিকে ধাৰ্ত্তরাষ্ট্রেরা, যে দিকে অৰ্জুন তথায় দ্রোণ, কৰ্ণ ও ভীষ্মপ্রভৃতি অবস্থান করিতে লাগিলেন। এইরূপে রঞ্জস্থ সমস্ত লোক ও মহিলাগণ দুই ভাগে বিভক্ত হইয়া এক এক পক্ষে পক্ষপাত করিতে লাগিল। এই সম্বাদ শ্রবণ করিয়া ভোজরাজছহিতা কুন্তী বিমুগ্ধা হইলেন। সৰ্ব ধৰ্ম্ম বেস্তা বিছুর তাঁহাকে মুচ্ছিতা দেখিয়া পরিচারিকাদিগকে স্তম্ভীতল জলসেচন দ্বারা পরিচর্যা করিতে আদেশ দিয়া কুন্তীকে আশ্বস্ত করিলেন। কুন্তী সংজ্ঞা লাভ করিয়া পুত্রদ্বয়কে দর্শন করত ইতি কৰ্ত্তব্যতা-বিমুঢ় ও অত্যন্ত সম্ভ্রান্ত হইলেন। তখন ঘৃণা-যুদ্ধকুশলী রূপ উভয়কে ধনুর্ধারণ করিতে দেখিয়া কৰ্ণকে কহিলেন, কুন্তীগর্ভ-সম্ভূত মহারাজ পাণ্ডুর তৃতীয় পুত্র অৰ্জুন তোমার সহিত ঘৃণা যুদ্ধ করিবেন। হে ম-

হাবাহো ! এক্ষণে ভূমি আপনার মাতা ও পিতার নামোল্লেখ কর এবং কোন্‌কূলে জন্ম গ্রহণ করিয়াছ ও কোন্‌রাজর্ষিবংশ অলঙ্কৃত করিয়াছ ? তাহাও সবিশেষ বল । তোমার পরিচয় প্রাপ্ত হইলে অর্জুন প্রতিদ্বন্দ্বী হইতে পারেন, নচেৎ তোমার সহিত যুদ্ধ করিবেন না, কারণ রাজকুমারেরা অজ্ঞাত-কুলশীল ব্যক্তির সহিত সংগ্রামে প্রবৃত্ত হইবেন না ।

এইরূপ অভিহিত হইলে কর্ণ লজ্জায় অধোমুখ হইয়া রহিলেন । তৎকালে তাঁহার মুখমণ্ডল বর্ষানীর-পরিষ্কৃষ্ট স্নুকোমল পদ্মের ন্যায় শোভা পাইতে লাগিল । তাহা দেখিয়া দুর্ব্যোধন দ্রোণকে সম্বোধিয়া কহিলেন, হে আচার্য্য ! শাস্ত্রে কথিত আছে, যিনি সংকূলে সমুদ্ভূত, বীর, ও সৈন্যচালন-সমর্থ, তাঁহার সহিত যুদ্ধ করা যায় । তথাচ যদি অর্জুন রাজা ব্যতিরেকে অন্যের সহিত যুদ্ধ না করেন, তবে আমি এই মুহূর্ত্তেই কর্ণকে অঙ্গরাজ্যে অভিষিক্ত করিতেছি ।

অনন্তর দুর্ব্যোধন মহারথ কর্ণকে কাঞ্চনময় পীঠোপরি সংস্থাপনপূর্বক মন্ত্রবিদ ব্রাহ্মণগণকে আহ্বান করিয়া লাজ, কুম্ভ ও সুবর্ণ দ্বারা অঙ্গরাজ্যে অভিষিক্ত করিলেন । মহাবল কর্ণ অঙ্গরাজ্যে অভিষিক্ত হইলে তাঁহার মন্তকোপরি ছত্র ধারণ করিল, উভয় পাশ্বে চামরব্যাজন, এবং বন্দিগণ জয়ধ্বনি করিতে লাগিল । তখন অঙ্গরাজ কর্ণ সাদর সন্মিতি পূর্বক দুর্ব্যোধনকে কহিলেন, হে মহারাজ ! তোমাকে রাজ্যদানের সমুচিত কি প্রতিদান করিব ? বল, এক্ষণে আমার প্রত্যাশ করিবার ক্ষমতা আছে । দুর্ব্যোধন কর্ণের এইরূপ মধুর বাক্য কর্ণগোচর করিয়া কহিলেন, হে কর্ণ এক্ষণে তোমার সহিত সখ্য সংস্থাপন করিবার বাসনা করি । কর্ণ “তথাস্তু” বলিয়া তাঁহার বাক্য স্বীকার করিলেন, এবং হর্ষোৎফুল্ললোচনে

পরস্পর আলিঙ্গন করিয়া অতিশয় সন্তুষ্ট হইলেন ।

সপ্তত্রিংশদধিক শততম অধ্যায় ।

বৈশম্পায়ন কহিলেন, মহারাজ ! অনন্তর কর্ণের জনক অধিরথ সূত বস্মাত্তকলেবর ও স্থলিতোত্তরচ্ছদ হইয়া কম্পিত-কলেবরে সহসারঙ্গমধ্যে প্রবেশ করিলেন । মহাবীর কর্ণ পিতাকে নিরীক্ষণ করিয়া শরাসন পরিত্যাগ-পূর্বক তদীয় গৌরব রক্ষার্থে অভিষেকাদ্র মস্তক দ্বারা তাঁহাকে প্রণাম করিলেন । পুত্রবৎসল সারথি সমস্তমে বস্ত্র দ্বারা চরণদ্বয় আচ্ছাদন করিয়া কর্ণকে পুত্র বলিয়া সম্বোধন ও আলিঙ্গন করিলেন, এবং অভিষেক-জল-ক্ষালিত তদীয় মস্তক পুনর্বার আনন্দাশ্রু দ্বারা অভিষিক্ত করিলেন । তাহা অবলোকন করিয়া ভীমসেন কর্ণকে সূতপুত্র বিবেচনা করিয়া হাশ্মমুখে কহিতে লাগিলেন, রে সূত-নন্দন ! রণে অর্জুন হস্তে প্রাণ বিসর্জন করি তোমার পক্ষে কোন রূপে শ্রেয়স্কর নহে । বরং শীঘ্রই কুলোচিত বর্ণা গ্রহণ কর । রে নরাধম ! ছত্ৰাশন-সন্নিহিত যজ্ঞীর হবিঃ যেমন কুকুরের অবলেহন-যোগ্য নহে, তদ্রূপ তুই-ও অঙ্গরাজ্য উপভোগ করিবার উপযুক্ত নহিস । তদীয় এতাদৃশ উদ্ধত বাক্যে কর্ণের অধর ক্রোধে কম্পিত হইতে লাগিল, এবং বারংবার দীর্ঘ নিশ্বাস পরিত্যাগ-পূর্বক তিনি নভোমণ্ডলস্থ সূর্য্যাকে নিরীক্ষণ করিতে লাগিলেন ।

অনন্তর মহাবল দুর্ব্যোধন মদমত্ত কুঞ্জরের ন্যায় ক্রোধে অধীর হইয়া ভ্রাতৃমধ্য হইতে সহসা উৎখিত হইলেন এবং সম্মুখে আসীন ভীমকর্মা ভীমসেনকে কহিতে লাগিলেন, হে ভীম ! কর্ণের প্রতি এক্ষণে কটুক্তি প্রয়োগ করা তোমার সমুচিত নহে । ক্ষত্রিয়দিগের বলই শ্রেষ্ঠ এবং ক্ষত্রিয়েরই সহিত যুদ্ধ করিবে ; শূরদিগের ও নদীকলাপের প্রভব নিতান্ত দুর্জয় । দেখ ভগবান্

জ্বলন, জলরাশি হইতে উৎপিত হইয়া এই চরাচর বিশ্বে ব্যাপ্ত রহিয়াছেন। মহর্ষি দ্বীচির অগ্নি হইতে অশ্বরকুল-নাশক বজ্র উদ্ভূত হইয়াছে। অগ্নি, রুদ্র, গঙ্গা ও কৃত্তিকা, ইহাদিগের পুত্র কার্তিকের অসাধারণ পরাক্রমশালী। ষাঁহার ক্রিয় কুলোদ্ভব, কালক্রমে তাঁহারও ত্রাক্রম হইয়াছেন; বিশ্বামিত্র প্রভৃতি ক্রিয় হইয়াও অক্ষয় ব্রহ্ম লাভ করিয়াছিলেন। মহামুভব দ্রোণাচার্য্য কুম্ভসম্ভব হইয়াও অদ্বিতীয় শস্ত্রধারী হইয়াছেন। গৌতমবংশে শরসম্ভ হইতে গৌতম উৎপন্ন হইলেন। আর তোমাদিগের যেকোপে জন্ম লাভ হইয়াছে তাহা আমাদিগের অগোচর নাই; যেমন মৃগীর্গে ব্যাসের উদ্ভব হওয়া নিতান্ত অসম্ভব, কবচ ও কুণ্ডলধারী, সর্ষপ-ক্ষণ-সংযুক্ত সূর্যাসন্ধা মহাবীর কর্ণও তক্রপ সামান্য ব্যক্তি হইতে উৎপন্ন নহেন। কর্ণ অঙ্গরাজ্যের অধীশ্বর হইয়াছেন, ইহা অতি সামান্য বিষয়, ইনি মনে করিলে নিজ ভুজবলে ও মদীয় সাহায্যে সমস্ত পৃথিবী অধিকার করিতে পারেন। কর্ণের রাজ্যলাভ বিষয়ে ষাঁহার বিদেহ থাকে, তিনি সংগ্রামে প্রবৃত্ত হইউন।

অনন্তর রঙ্গমধ্যে সহসা সাধুবাদনকৃত হাহাকার ধ্বনি উৎপিত হইল। এই অবসরে সূর্য্যও অস্তাচলে প্রস্থান করিলেন। তৎপরে মহারাজ দুর্যোধন কর্ণের কর গ্রহণপূর্ব্বক রঙ্গ হইতে নিষ্কাশিত হইলেন। এদিকে পাণ্ডবেরা দ্রোণ, কৃপ ও ভীষ্ম সমভিব্যাহারে স্ব স্ব নিকেতনে প্রস্থান করিলেন। দর্শকমধ্যে কোন ব্যক্তি অর্জুনের, কোন ব্যক্তি কর্ণের, কোন ব্যক্তি দুর্যোধনের পরাক্রমের প্রশংসা করিতে করিতে আপনাপন আবাসে প্রস্থান করিল। এই অবসরে দিব্যসক্ষণ-লক্ষিত অঙ্গরাজ কর্ণকে গর্ভজাত পুত্র বোধে ভোজ্য চুহিতা কুন্তীর অস্তঃকরণে স্নেহের সঞ্চার হইতে লাগিল।

কর্ণের সহায়তা লাভ করিয়া দুর্যোধনের অর্জুন ভয়তিরোহিত হইল। ধনুর্বেদবেত্তা কর্ণও দুর্যোধনকে সান্তনাবাক্যে আশ্বস্ত করিলেন। যুদ্ধির কর্ণকে অদ্বিতীয় ধনুর্ধর বলিয়া স্থির করিলেন।

অষ্টত্রিংশদধিক শততম অধ্যায়।

বৈশম্পায়ন কহিলেন, মহারাজ! দ্রোণাচার্য্য পাণ্ডব ও ধৃতরাষ্ট্রকনয়দিগকে ধনুর্বেদে অদ্বিতীয় দেখিয়া গুরুদক্ষিণ! গ্রহণ করিবার বাসনা করিলেন। পরে শিষ্যগণকে সম্মুখে আনয়ন করিয়া কহিলেন, হে শিষ্যগণ! তোমরা পাঞ্চালরাজ দ্রুপদকে রণক্ষেত্র হইতে গ্রহণ করিয়া আনয়ন কর, উহাই তোমাদিগের গুরুদক্ষিণাস্বরূপ হইবে। শিষ্যগণ “তথাস্তু” বলিয়া গুরুবাক্যে অঙ্গীকার করত তৎক্ষণেই দক্ষিণা দানার্থ আচার্য্য দ্রোণ সমভিব্যাহারে অস্ত্র শস্ত্র গ্রহণ করিয়া সম্মুখে রাজধানী হইতে নির্গত হইলেন। অনতিবিলম্বে তথায় উপনীত হইয়া পাঞ্চালদেশ আক্রমণ-পূর্ব্বক সমরানল প্রজ্বলিত করিয়া বহুসংখ্যক সৈন্য সামন্ত নষ্ট করিলেন এবং মহাতেজা দ্রুপদরাজের রাজধানী উৎপীড়িত করিতে লাগিলেন। দুর্যোধন, কর্ণ, মহাবল যুযুৎসু, দুঃশাসন, বিকর্ণ, জলগন্ধ, সুলোচন, ইহারা ও অন্যান্য অনেকানেক রাজকুমারেরা ব্যগ্রতা সহকারে ‘আমিই অথ্যে যুদ্ধে প্রবৃত্ত হইব বলিয়া’ আক্ষালন করিতে লাগিলেন। তৎপরে রাজকুমারেরা রথারোহণ-পূর্ব্বক সারথি সমভিব্যাহারে নগরীমধ্যে প্রবেশ করিয়া রাজমার্গে প্রবিষ্ট হইলেন। তখন পাঞ্চালরাজ দ্রুপদ সেই অসংখ্য সৈন্য সন্দর্শন ও তাহাদিগের ভূমূল কলরব শ্রবণ করিয়া ভ্রাতৃগণ সমভিব্যাহারে প্রাসাদ হইতে নির্গত হইলেন। তৎপরে মহারাজ যজ্ঞসেন বর্ম্ম পরিধান করিয়া যুদ্ধার্থে যাত্রা করিলেন। বীর পুরুষেরা রণক্ষেত্রে অবতীর্ণ হইয়া অনবরত শর ক্রোপ

ও সিংহনাদ করিতে লাগিলেন। যজ্ঞসেন শুভ্রবর্ণ রথে আরোহণ-পূর্বক যুদ্ধক্ষেত্রে কৌরবদিগকে লক্ষ্য করিয়া ঘোর কপেশর পরিত্যাগ করিতে আরম্ভ করিলেন।

অনন্তর মহাবীর অর্জুন রাজকুমারদিগের দর্পোদ্বেগ দর্শনে পূর্বেই বিবেচনা করিয়া দ্রোণকে কহিলেন, হে দ্বিজেন্দ্র! কুমারগণ আত্মানুরূপ-পরাক্রম প্রদর্শন করুক, পশ্চাৎ আমরা সাহস প্রকাশ করিব, আমার নিশ্চয় বোধ হইতেছে, ইহারা দ্রুপদরাজকে রণে পরাজয় করিতে পরিবে না, এই বলিয়া অর্জুন ভ্রাতৃগণ সমভিব্যাহারে নগরীর বহির্ভাগে অর্ধক্রোশ অন্তরে অবস্থান করিতে লাগিলেন। এদিকে দ্রুপদরাজ কৌরবদিগকে লক্ষ্য করিয়া চতুর্দিকে আক্রমণ করিলেন এবং শরজাল বিস্তীর্ণ করিয়া কৌরবী সেনাকে মোহাবিষ্ট করিলেন। কৌরবগণ, রথারোহণ-পূর্বক যুদ্ধোদ্যত লঘুহস্ত একমাত্র দ্রুপদরাজকে ভয়প্রযুক্ত বহু বোধ করিলেন। দ্রুপদের সূতীক্ষু শর চতুর্দিকে প্রবলবেগে ভ্রমণ করিতে লাগিল। ইত্যবসরে স্কন্দাবার হইতে সিংহনাদ সদৃশ শঙ্খ ধনি এবং তেরী মৃদঙ্গ প্রভৃতি অতি সুমধুর বাদ্য বাবংবার ধনিত হইতে লাগিল। তাঁহাদিগের শরাসনধনি নভোমণ্ডল বিদীর্ণ করিয়া উথিত হইল। ছুর্যোধন, বিকর্ণ, সুবাহু, দীর্ঘলোচন ও ছুঃশাসন ইহারা রৌষ-পরবশ হইয়া শর বর্ষণ করিতে লাগিলেন। ছুর্জয় দ্রুপদরাজ পার্শ্বদেশে বাণবিদ্ধ হইয়া তৎক্ষণাৎ প্রতিপক্ষ সেনাগণকে দক্ষ-প্রায় করিলেন এবং ছুর্যোধন, বিকর্ণ, মহাবল কর্ণ ও অনেকে অনেক প্রথিত মহাবীর রাজকুমারদিগকে জর্জরিত করিলেন। তৎপরে গৌরগণ কৌরবদিগকে মুঘল ও যষ্টি দ্বারা প্রহার করিতে আরম্ভ করিল। তখন নগরবাসী আবাল বৃদ্ধগণ সেই তুমুল যুদ্ধকোলাহল শ্রবণ করিয়া কৌরবদিগের প্রতি ধা-

বমান হইল এবং পাণ্ডবগণের প্রতি আক্রোশ প্রকাশ পূর্বক সিংহনাদ করিতে লাগিল।

অনন্তর পাণ্ডবেরা তাদৃশ ভীষণ ও লোমহর্ষণ কলরব শ্রবণ করিয়া আচার্য্য দ্রোণকে অভিবাদনপূর্বক রথে আরোহণ করিলেন। অর্জুন যুধিষ্ঠিরকে যুদ্ধ করিতে নিষেধ করিয়া মাদ্রীস্নাত নকুল মহদেবকে চক্রব্যূহ রক্ষায় নিয়োগ করিলেন। ভীমসেন গদা ধারণ করিয়া সর্ষদা সেনামুখে সঞ্চরণ করিতে লাগিলেন। কুন্তীনন্দন অর্জুন ভ্রাতৃগণ সমভিব্যাহারে রথারোহণপূর্বক তদীর নির্ঘোষে দিগ্ভ্রমণ ধনিত করিয়া বায়ুবেগে রণস্থলে আগমন করিলেন। তৎপরে ভীমসেন পাঞ্চালরাজের উচ্ছলিত-সাগরসম শঙ্কায়মান সেনাসাগর মধ্যে দণ্ডধারী অন্তকের ন্যায় প্রবিষ্ট হইয়া গদা গ্রহণপূর্বক কুঞ্জরবলচূর্ণ করিতে ধাবমান হইলেন। অস্ত্রতবীর্ঘ্য অর্জুনও সাক্ষাৎ কালান্তক যমের ন্যায় গদা হস্তে লইয়া হস্তিদল সংহার করিতে লাগিলেন। উত্তুকশৈল-শৃঙ্গকম্প কুঞ্জরবল ভীমের গদাঘাতে ভগ্নমস্তক হইয়া রুধির বমন করিতে করিতে বজ্রাহত পর্বতের ন্যায় ভূতলে পতিত হইতে লাগিল। এইরূপে ভীম হস্তী, অশ্ব, রথ ও পদাতি, সমুদায় ভূমিসাৎ করিলেন। যেমন বনমধ্যে গোপাল বালকেরা পশুগণকে দণ্ড দ্বারা ইতস্ততঃ সঞ্চালন করে, বৃকোদর সেইরূপে রথ ও নাগবল চালনা করিতে লাগিলেন।

যুগান্তানলকম্প মহাবীর্ঘ্য অর্জুন দ্রোণাচার্য্যের প্রিয় কার্য্য সম্পাদনার্থ শরজাল দ্বারা দ্রুপদকলেবর ক্ষত বিক্ষত করিয়া রণক্ষেত্রে লক্ষ লক্ষ হস্তী, অশ্ব, রথ ও পদাতি চূর্ণ করিলেন। অনন্তর পাঞ্চাল ও সঞ্জয়দেশীয় বীরপুরুষেরা সাতিশয় আঘাত প্রাপ্ত হইয়া চতুর্দিক হইতে নানাবিধ

বাণদ্বারা অর্জুনকে আচ্ছন্ন করিল এবং সিংহনাদ করত অর্জুনের সহিত ঘোরতর সংগ্রাম করিতে লাগিল। কলতঃ এই যুদ্ধ দেখিতে অতি অসুস্থ ও ভয়ঙ্কর হইয়াছিল। বীরগণের সিংহনাদ দেবরাজ ইন্দ্রেরও নিতান্ত চুঃসহ হইয়া উঠিল। অর্জুন শর-জালে সকলকে আচ্ছন্ন ও বিমুক্ত করিয়া পাঞ্চালদিগের প্রতি ধাবমান হইলেন। তিনি উপযুপরি শর বর্ষণ করিতে লাগিলেন, স্নাতরাং বিপক্ষেরা তাঁহার গাত্রে আঘাত করিতে নিতান্ত অক্ষম হইল। এই অবসরে সিংহনাদ-সহকৃত সাধুবাদ উথিত হইল। তৎপরে শয়রাসুর যেমন ইন্দ্রের প্রতি ধাবমান হইয়াছিল, সেই প্রকার পাঞ্চালরাজ দ্রুপদ সত্যজিতের সহিত অতিসত্বরে অর্জুনের প্রতি ধাবমান হইলেন। অর্জুন শর বর্ষণ দ্বারা পাঞ্চালরাজ দ্রুপদকে আচ্ছন্ন করিলেন। অনন্তর পাঞ্চাল সৈন্যমধ্যে তুমুল কোলাহল উথিত হইল। ভৃগুরাজ সিংহ যেমন অরণ্যমধ্যে যুথপতি হস্তীকে শীকার করিতে উদ্যত হয়, সত্যবিক্রম সত্যজিৎ অর্জুনকে সম্মুখে আসিতে দেখিয়া সেইরূপে পরাক্রম প্রকাশ করিতে লাগিলেন। এবং পাঞ্চালরাজ দ্রুপদকে রক্ষা করিবার নিমিত্ত অর্জুনের প্রতি ধাবমান হইলেন। তৎপরে পাঞ্চালরাজ একশত শরদ্বারা অর্জুনকে আচ্ছন্ন করিলেন। মহারথ অর্জুন বাণ দ্বারা ক্ষত বিক্ষত হইয়াও মহাবেগে শরাসন আকর্ষণপূর্বক সত্যজিতের ধনুর্জ্যা ছেদন করিয়া দ্রুপদের প্রতি অভিগমন করিলেন। অনন্তর সত্যজিৎ অপর এক ধনু গ্রহণ করিয়া অশ্ব রথ ও সারথির সহিত সত্বরে অর্জুনকে বিদ্ধ করিলেন। তাঁহাকে এইরূপ পরাক্রম প্রকাশ করিতে দেখিয়া অর্জুনের অন্তঃকরণে ঈর্ষার সঞ্চার হইল। তৎপরে অর্জুন তাঁহার প্রাণ সংহারার্থ সত্ত্বর শর পরিত্যাগ করিলেন।

অর্জুনের স্ততঃ শরদ্বারা তদীয় অশ্ব, ধজ, ধনু, পাশি ও সারথি ছিন্ন ভিন্ন হইয়াগেল। ধনু ছিন্ন হইলে সত্যজিৎ অপর এক ধনু-গ্রহণ করিলেন এবং রথে পুনর্বার অশ্ব যোজনা করিলেন, কিন্তু তিনি অর্জুনের সম্মুখে যাইতে সাহস করিতে পারিলেন না। দ্রুপদ তাঁহাকে যুদ্ধে পরাভূত দেখিয়া প্রবল বেগে অর্জুনের উপর শর বর্ষণ করিতে লাগিলেন। অর্জুনও দ্রুপদের সহিত ঘোরতর সংগ্রাম আরম্ভ করিলেন। পরে অর্জুন দ্রুপদের ধনু ও ধজ ছেদনপূর্বক ভূতলে পাতিত করিয়া পাঁচ বাণ দ্বারা তদীয় অশ্ব ও সারথিকে বিদ্ধ করিলেন। তৎপরে ধনুর্বাণ পরিত্যাগ করিয়া করে করবাল ধারণপূর্বক সিংহনাদ করিতে লাগিলেন এবং অকুতোভয়ে স্বীয় রথ হইতে লক্ষ্য প্রদানপূর্বক পাঞ্চালরাজ দ্রুপদের রথে আরোহণ ও তাঁহাকে আক্রমণ করিলেন।

পাঞ্চালদেশীয় বীরপুরুষেরা দশ দিকে পলায়ন করিতে লাগিল। অর্জুন সৈন্যমধ্যে আপনার বাহুবল প্রদর্শন করিয়া সিংহনাদ পরিত্যাগপূর্বক তথা হইতে নিষ্ক্রান্ত হইলেন। রাজকুমারেরা অর্জুনকে সমাগত দেখিয়া সকলে সমবেত হইয়া দ্রুপদনগরী মর্দন করিতে আরম্ভ করিলেন। তখন অর্জুন ভীমকে সম্বোধন করিয়া কহিলেন, আর্ঘ্য! রাজসত্তম দ্রুপদ কুরুবীরদিগের আর্ঘ্য, তাঁহার সৈন্য সংহার না করিয়া গুরুদক্ষিণা প্রদানের চেষ্টা করুন। মহাবল ভীম সেন এইরূপে নিবারিত হইয়া সৈন্যাবমর্দে ক্লান্ত হইলেন। কিন্তু উপস্থিত যুদ্ধে কিঞ্চিৎ আত্ম ভৃশি লাভ করিতে পারিলেন না। পরিশেষে তাঁহার রণস্থল হইতে দ্রুপদরাজ ও তাহার সচিব উভয়কে গ্রহণ করিয়া আচাৰ্য্য দ্রোণের নিকটে উপহার প্রদান করিলেন। দ্রোণাচাৰ্য্য দ্রুপদরাজকে ভ্রমদর্প, হতসর্ভশ্ব ও বশতাপন্ন দেখিয়া পূর্ব-

বৈর স্বরণপূর্বক কহিলেন, হে দ্রুপদরাজ ! আমার আদেশানুসারে তোমার রাষ্ট্র ও-নগরী বিমর্দিত হইয়াছে এবং তোমার জীবনও বিপক্ষপক্ষের হস্তগত দেখ, এক্ষণে তুমি সখ্যতা সহকারে কি বাসনা কর ? আমি তাহা সকল করিব । এই কথা কহিয়া দ্রোণ হ্যাস্যমুখে পুনর্বার কহিলেন, হে বীর ! তুমি প্রাণনাশের আশঙ্কা করিও না আমরা ক্রমাশীল ব্রাহ্মণ, বিশেষতঃ শৈশবাবস্থায় তোমার সহিত এক আশ্রমে ক্রীড়া করিয়াছিলাম । সেই কারণে তোমার প্রতি আমার অস্বঃকরণে স্নেহ ও প্রীতি সঞ্চারিত হইয়া আছে । হে মহারাজ ! তোমার সহিত পুনরায় সখ্যভাব সংস্থাপন করিবার বাসনা করি । এজন্য তোমাকে বর প্রদান করিতেছি, আমার বরপ্রভাবে পুনর্বার রাজ্যার্জ লাভ করিবে । তুমি পূর্বে কহিয়া ছিলে যে, যে ব্যক্তি রাজা নহে, সে রাজার সখা হইতে পারেনা । হে বজ্রসেন ! এই কারণে তোমাকে পুনরায় রাজ্যার্জ প্রদান করিলাম । এক্ষণে তুমি ভাগীরথীর দক্ষিণ কুলের অধিপতি হইলে এবং আমিও উত্তর কুল শাসনে প্রবৃত্ত হইলাম, যদি তোমার ইহাতে প্রবৃত্তি হয়, তবে আমার সহিত সখ্যতা কর । তদীয় বাক্য শ্রবণ করিয়া দ্রুপদ কহিলেন, হে ব্রহ্মন্ ! প্রবল পরাক্রান্ত মহাত্মা ব্যক্তি যে একপ আচরণ করেন, ইহা নিতান্ত দিম্বয়কর নহে । আমি মহাশয়ের বাক্যে পরম প্রীত হইলাম, অদ্যাবধি আমি নিত্য কাল আপনকার প্রসন্নতালাভের বাসনা করি ।

অনন্তর দ্রোণাচার্য্য দ্রুপদবাক্যে তুষ্ট হইয়া তৎক্ষণাৎ তাঁহাকে মোচন করিয়া দিলেন এবং প্রসন্নমনে তাঁহাকে সংকার করিয়া রাজ্যার্জ প্রদান করিলেন । দ্রুপদ বিষন্নমনে গঙ্গার উপকূলে জনপদ-সম্পন্ন মাকন্দীনগরী ও কাঞ্চাল্যাপুরী শাসন ক-

রিতে লাগিলেন । দ্রোণাচার্য্য এইরূপে দ্রুপদকে পরাভব করিয়া চর্ম্মগতী নদী পর্য্যন্ত দক্ষিণ পাঞ্চালদেশ আপন অধিকারে আনিলেন । দ্রুপদ পরাভূত হইয়া আপনাকে অপেক্ষাকৃত নিতান্ত হীনবল বলিয়া বিবেচনা করিলেন এবং স্থীয় বলবীর্য্যে আচার্য্য দ্রোণকে পরাজয় করা দুঃসাধ্য নিশ্চয় করিয়া অলৌকিক ব্রাহ্মবলে পুত্র লাভ করিবার বাসনায় পৃথিবী পর্য্যটন করিতে লাগিলেন । এদিকে দ্রোণাচার্য্য অ-হিচ্ছত্রানগরীর অধীশ্বর হইয়া রাজ্য শাসন ও প্রজা পালনে প্রবৃত্ত হইলেন । হে মহারাজ ! এইরূপে অর্জুন জনপদসম্পন্ন অহিচ্ছত্রা পুরী জয় করিয়া দ্রোণাচার্য্যকে প্রদান করিয়াছিলেন ।

একোনচত্বারিংশদধিক শততম অধ্যায় ।

বৈশম্পায়ন কহিলেন, মহারাজ ! অনন্তর সম্বৎসর অতীত হইলে মহারাজ ধতরাষ্ট্র পাণ্ডুনন্দন যুধিষ্ঠিরকে যৌবরাজ্যে অভিষিক্ত করিলেন । যুধিষ্ঠির রাজ্য লাভ করিয়া স্বকীয় অসাধারণ বৈর্য্য, ঐশ্বর্য্য, সহিষ্ণুতা, ঋজুতা, অনুশংস্চার, ভৃত্যানুকম্পা, স্থির-সৌহার্দ প্রভৃতি সদগুণদ্বারা অনতিদীর্ঘ কাল-মধ্যে নিজ পিতার মহীয়সী কীর্ত্তি এক কালে তিরোহিত করিলেন । ভীমপরাক্রম ভীমসেন ভগবান্ বলদেব হইতে অসিচর্য্যা, গদা-যুদ্ধ ও রথযুদ্ধ প্রভৃতি বিবিধ বিষয়ের জ্ঞান লাভ করিয়া ভ্রাতৃগণের একান্ত বশস্বদ হইয়া রহিলেন । অর্জুন প্রগাঢ় দৃঢ়মুষ্টি ছিলেন । লক্ষ্যবেধে তাঁহার বিলক্ষণ পটুতা ছিল, তিনি কুরপ্র নারাচ, ভল্ল, বিপাটন প্রভৃতি বহুবিধ অস্ত্রশস্ত্রে বিশেষ পারদর্শী হইয়াছিলেন । তাঁহার ঐ সকল অস্ত্রশস্ত্র নিক্ষেপ বিষয়ে সম্যক্ লাঘব ও সৌষ্ঠব জন্মিয়াছিল । জীবলোকে অর্জুনের তুল্য বলবান্ আর কেহই নাই, দ্রোণাচার্য্য এই নিমিত্ত সর্বদাই তাঁহার ভূয়সী প্রশংসা করিতেন ।

একদা জ্যোৎস্না কোরবী সত্য অর্জুনকে লক্ষ্য করিয়া কহিলেন, বৎস ! আমার গুরু অগ্নিবেশ, অগস্ত্যের নিকটে ধনুর্বেদ শিক্ষা করিয়াছিলেন, এক সময়ে তিনি আমাকে আদ্বৈত করিয়া কহেন, বৎস ! আমি তপোবলে ব্রহ্মশিরা নামে যে অমোঘ অস্ত্র প্রাপ্ত হইয়াছি, এক্ষণে তাহা শিষ্যপরম্পরায় প্রদান করিতে ইচ্ছা করি, ইহার প্রভাবে পৃথিবী দক্ষ হইতে পারে। গুরুদেব অস্ত্রগুণ এইরূপ কীর্তন করিয়া প্রদানকালে আমাকে এই বলিয়া নিষেধ করেন, “বৎস ! তুমি এই অস্ত্র কদাচ মনুষ্যের ও ক্ষীণবীর্য্য জীবের উপর প্রয়োগ করিও না” এক্ষণে এই দিব্যাস্ত্র প্রদানের তুমিই উপযুক্ত পাত্র ; আর কাহাকেও ইহার যোগ্য দেখিতেছি না ; কিন্তু বৎস ! মুনি যেরূপ নিয়ম নির্দ্ধারিত করিয়া দিয়াছেন ; সাবধান, যেন তাহার অন্যথা না হয়। জ্ঞাতিসম্প্রদায়-সমক্ষে তোমাকে আরও কিছু গুরুদক্ষিণা প্রদান করিতে হইবে। অর্জুন তৎক্ষণাৎ তাহা স্বীকার করিলেন। তৎপরে আচার্য্য পুনর্বার কহিলেন, হে অর্জুন ! রণস্থলে তুমি আমার প্রতিষেক্তা হইবে, ইহাও অঙ্গীকার কর। অর্জুন যে আজ্ঞা বলিয়া তাঁহার চরণ গ্রহণ-পূর্ব্বক উত্তরাভিমুখে প্রস্থান করিলেন। জীবলোকে অর্জুনের তুল্য আর দ্বিতীয় ধনুর্ধর নাই, এই প্রশংসাবাদ সর্বত্র উথিত হইল। কলতঃ অর্জুন গদাযুদ্ধ, অসিচর্যা, রথ ও ধনুযুদ্ধে অদ্বিতীয় হইয়াছিলেন। ন্যায়পর হৃদেব উশনা-প্রণীত নীতিশাস্ত্রে সম্যক ব্যুৎপত্তি লাভ করিয়া জাতুগণের একান্ত বশব্দ হইয়া রহিলেন। জাতুচতুষ্করের প্রীতিভাজন নকুল জ্যোৎস্নাচার্য্যোপদেশে বিবিধ শিক্ষায় সুশিক্ষিত হইয়া বিচিত্র যোদ্ধা ও অতিরথ বলিয়া সর্বত্র প্রসিদ্ধ হইয়াছিলেন। পাণ্ডবেরা গর্জরদিগের উপলব্ধকালে রণস্থলে যখন রাজ্য সৌবীরকে সংহার করি-

লেন। সৌবীর বৎসরত্রয়-ব্যাপী এক স্বজ্ঞ অনুষ্ঠান করিয়াছিলেন। সর্বদা কুরুদিগের প্রতি ঘেঘতা প্রকাশ করিতেন। বিচিত্রবীর্য্য এবং মহারাজ পাণ্ডু যাহাকে বশীভূত করিতে পারেন নাই, মহাবীর অর্জুন নিজ বাহুবলে সেই বিভলনামা সৌবীরকে শাসন করিলেন। তাঁহার শরণপ্রহারে সংগ্রাম-প্রিয় দস্তামিত্র বলিয়া বিখ্যাত স্তমিত্রনামা সৌবীরক শাসিত হইয়াছিল। অর্জুন ভীমসেনের সাহায্যে এক রথেই অযুতরথ ও পশ্চিমদেশ-বাসীদিগকে পরাজয় করেন। তৎপরে সেই রথেই আরোহণ করিয়া দক্ষিণ দিক্ ও জয় করিলেন, এবং পরাজিত রাজ-মণ্ডলীর নিকট হইতে প্রচুর অর্থ সংগ্রহ করিয়া কুরুরাজ্যে আনয়ন করিতে লাগিলেন। পূর্ব্ব কালে মহামুভব পাণ্ডবেরা এইরূপে অনেকানেক ভূপালগণকে রাজ্যচ্যুত করিয়া স্বীয় রাজ্যের সীমা বিস্তার করেন। পাণ্ডবদিগের বাহুবল অলৌকিক বিবেচনা করিয়া মহারাজ ধৃতরাষ্ট্রের মনোগত সন্দেহ সাধুভাব নিতান্ত দূষিত হইল। তিনি তদ্বিষয়িনী বলবতী চিন্তায় একান্ত নিমগ্ন হইয়া রাত্রিকালে স্বর্থে নিদ্রা যাইতে পারিতেন না।

চত্বারিংশদধিক শততম অধ্যায় ।

বৈশম্পায়ন কহিলেন, মহারাজ ! মহীপাল ধৃতরাষ্ট্র মহাবীর পাণ্ডুপুত্রদিগকে বলমদোম্মাদিত দেখিয়া অত্যন্ত কাতর ও একান্ত চিন্তান্বিত হইলেন। তৎপরে মন্ত্রজ্ঞ নীতিনিপুণ মন্ত্রিবর কণিককে আহ্বান করিয়া কহিলেন, হে দ্বিজোত্তম ! পাণ্ডবেরা নিত্য উৎসিক্ত, এই নিমিত্ত আমি সাতিশয় অস্ত্রস্বাপরবশ হইতেছি ; অতএব তাহাদিগের সহিত সন্ধি বিগ্রহের অন্যতর কি ব্যবহার করিব ? তুমি নিশ্চয় করিয়া বল, আমি তোমার কথার অন্যথা করিব না। প্রসন্নমনা নীতিশাস্ত্র-বিশারদ

মন্ত্রিবর ভূপালের আদেশ পাইয়া নীতিশাস্ত্রানুসারে কহিলেন, মহারাজ! আমি যাহা কহি তাহা অমহিত হইয়া শ্রবণ করুন, কিন্তু মহারাজ! আমার বাক্য নিতান্ত অপ্রিয় হইলেও রোষ বা অসন্তোষ প্রকাশ করিবেন না। রাজার, নিরবচ্ছিন্ন দণ্ড বা নিয়ত পৌরুষ প্রকাশ করা উচিত নহে। যাহাতে প্রতিপক্ষের কোষ বলাদির কোন অনুসন্ধান লইতে না পারে, এমন বিষয়ে তাঁহার সতত সাবধান থাকা আবশ্যিক। তিনি সাধ্যানুসারে বিপক্ষের রক্ষাস্থেবণে তৎপর হইবেন, এবং জনগণের জগৎহত্যাপ্রভৃতি পাপের নিয়ত অনুসন্ধান করিবেন। রাজা প্রতিনিয়ত উদ্যতদণ্ড হইলে লোকে ভীত হইয়া গর্হিত কর্মের প্রবৃত্তি পরিত্যাগ করে, এই কারণে তিনি দণ্ড দ্বারা সর্ব কার্যের সমাধা করিবেন। রাজার আশ্চর্য গোপন ও পরচ্ছিন্নের অনুসরণ করা অবশ্য কর্তব্য এবং তাঁহার সহায়, সাধন ও উপায় প্রভৃতি রাজ্যাক্ষের গোপন ও আশ্রুত নিন্দিত ব্যাপারের স্মরণ করা একান্ত বিধেয়। কোম কার্য আরম্ভ করিয়া নিঃশেষে তাহার সমাধা করা রাজার পক্ষে অতীব কর্তব্য, কারণ অসম্যক-উচ্ছিন্ন সামান্য কণ্টকও কালক্রমে ত্রণকর হইয়া উঠে। অপকারী শত্রুকে বধ করাই সর্বতোভাবে প্রশংসনীয়। আপৎকাল উপস্থিত হইলে অসংশয়িতচিত্তে যুদ্ধ বিক্রম প্রকাশ বা পলায়ন, যাহাতে আপনার সুবিধা হয়, তাহাই করিবেন। শত্রু দুর্বল হইলেও কোন ক্রমে অবজ্ঞেয় নহে। কারণ সামান্য অগ্নিকণাও সমুদায় বন ভস্মসাৎ করিতে পারে। সময়বিশেষে রাজা শত্রুর অন্ত্যাচারে দৃষ্টিপাত ও কর্ণপাত না করিয়া অন্ধ ও বধির হইয়া থাকিবেন। শরাসন ভূগভূলা অসার বিবেচনা করিয়া পরিত্যগ করিবেন, এবং মৃগের ন্যায় সাবধান হইয়া

আশ্রয়কা বিষয়ে যত্নশালী হইবেন। তৎপরে সামাদি উপায় দ্বারা শত্রুকে বশে আনিয়া তাহাকে বিনাশ করিবেন। কিন্তু সে যদি শরণাপন্ন হয়, তথাচ তাহার প্রতি কদাচ অনুকম্পা প্রদর্শন করিবেন না। পরিচারকদিগকে প্রার্থনাধিক অর্থ দান-পূর্বক পরিতুষ্ট করিয়া শত্রু ও পূর্বাপকারীকে বিনষ্ট করিবেন। শত্রু সংহার করিতে পারিলে নির্ভীক ও নিরুদ্ধি হওয়া যায়। শত্রুপক্ষীয়দিগকে যত বিনষ্ট করিতে পারেন, তদ্বিষয়ে কদাচ ক্রটি করিবেন না। প্রথমতঃ যাহাতে প্রত্যহ প্রতিপক্ষের মূলোচ্ছেদন হয়, এমন চেষ্টা পাইবেন। পরে তাহার সহায় ও তৎপক্ষদিগকে বিনাশ করিবেন। সমূলোচ্ছেদন হইলে তছুপজীবী সকলে অনায়াসে বিনাশিত হয়। মহারাজ! বনম্পতি সমূলে উত্থলিত হইলে তাহার শাখা, পল্লব বা পত্রসকল কি আর পূর্বাবস্থায় অবস্থিত থাকিতে পারে? রাজা একাগ্রচিত্তে নিজাভিসন্ধি গোপন করিয়া সর্বদা পরচ্ছিন্ন দর্শনে তৎপর হইবেন। নিত্যোদ্বিগ্ন হইয়া শত্রুর প্রতি সম্যক ব্যবহার করিবেন। অগ্ন্যাধান, যজ্ঞানুষ্ঠান, কাষায় বস্ত্র পরিধান ও জটাজিন দ্বারা লোকদিগকে বিশ্বাসিত করিয়া পরে বৃকের ন্যায় স্বার্থসাধনে প্রবৃত্ত হইবেন। অর্ধসংগ্রহ বিষয়ে শৌচই অক্ষুশস্বরূপ হয়, তদ্বারা কলবতী শাখা আনমিত করিয়া সুপক কল গ্রহণ করিবেন, কারণ পণ্ডিতেরা কহিয়াছেন, যদবধি সময় আগত না হয়, তৎকালপর্যন্ত শত্রুকে কক্ষে বহন করিবে। অনন্তর নির্দিষ্ট কাল উপস্থিত হইলে, ষাটশ, স্তম্ভয় ঘটকে প্রস্তরোপরি নিক্ষেপ করিলে চূর্ণ করা যায়, তাদৃশ, অপকারী শত্রুকে বিনাশ করিবে। বহুভাবী ও রূপণ শত্রুকেও পরিত্যাগ করিবে না এবং তাহার প্রতি প্রসন্নভাবে প্রদর্শন করাও নিতান্ত নিবিক; প্রভূত, যে

কপে হউক তাহাকে বিনষ্ট করিবে ; অধিক কি, সন্ধি, দান, ভেদ ও দণ্ড এই সমস্ত উপায় দ্বারাও শত্রু সংহার করা বিধেয়, তাহা হইলে সকল বিষয়ে শান্তি লাভ হয় ।

এই কথা শ্রবণ করিয়া ধৃতরাষ্ট্র কহিলেন, হে কণিক ! সন্ধি, দান, ভেদ ও দণ্ডদ্বারা কি প্রকারে শত্রু সংহার করা যাইতে পারে। তুমি আমার নিকটে আনুপূর্বিক সমুদায় বল । কণিক কহিলেন, মহারাজ ! পূর্ব কালে নীতিশাস্ত্র-বিশারদ অরণ্যবাসী জম্বুকের যেরূপ ঘটিয়াছিল তাহা আনুপূর্বিক সমুদায় বর্ণন করিতেছি, শ্রবণ করুন ।

কোন বনে এক শৃগাল ব্যাঘ্র, উন্মূর, বৃক ও নকুল এই চারি বন্ধুর সহিত একত্র বাস করিত। জম্বুক অতিশয় ধূর্ত, বুদ্ধিমান ও স্বার্থপরায়ণ ছিল। তাহার একদা বন-মধ্যে যুথপতি এক মৃগকে লক্ষ্য করিয়া বলপূর্বক আক্রমণ করিবার নিমিত্ত চেষ্টা করিতে লাগিল। কিন্তু মৃগ অতিশয় বলবান, এই নিমিত্ত তাহার সহসা আপন অভীষ্ট-সাধনে নিতান্ত অশক্ত হইলে পরিশেষে জম্বুক কহিল, হে ব্যাঘ্র ! এই মৃগ অতিশয় বুদ্ধিশালী, যুবা ও বেগবান ; সুতরাং তুমি বারংবার যত্ন করিলেও ইহাকে সহসা আক্রমণ করিতে পারিবে না ; অতএব যে সময়ে ঐ মৃগ শয়ন করিয়া থাকিবে, সেই অবসরে মুষিক গিয়া ঐ হরিণের পদদ্বয় ভক্ষণ করুক, তাহা হইলে ব্যাঘ্র অনায়াসে উহাকে গ্রহণ করিতে পারিবে। তৎপরে আমরা সকলে সমবেত হইয়া প্রফুল্লমনে ভক্ষণ করিব। তাহার সকলে একতানমনে জম্বুকের পরামর্শে সন্মত হইল। অনন্তর তাহাদিগের আদেশানুসারে মুষিক গিয়া মৃগের পদদ্বয় ভক্ষণ করিলে ব্যাঘ্র তাহাকে বধ করিল। তখন জম্বুক মৃগ কলেবর অধনীভূলে বিচ্যেতমান দেখিয়া কহিল, অহে ! তোমরা সকলে স্নান করিয়া

আইস, আমিই ইহা রক্ষা করিতেছি। তাহার শৃগালের বাক্যানুসারে স্নানার্থ নদীতীরে গমন করিল। শৃগালও চিন্তাকুল হইয়া তথায় অবস্থিতি করিতে লাগিল। অনন্তর মহাবল ব্যাঘ্র সর্বাগ্রে স্নান করিয়া আগমন করিল এবং শৃগালকে চিন্তাক্রান্ত দেখিয়া কহিল, হে জম্বুক ! তাই আমাদের মধ্যে তুমিই একমাত্র বুদ্ধিজীবী, তুমি কি কারণে শোক করিতেছ? আইস আমরা মৃগমাংস ভক্ষণ করিয়া বিহার করি। তখন জম্বুক কহিল, হে মহাবাহো ! মুষিক যাহা কহিয়াছে, বলিতেছি শ্রবণ কর। তুমি স্নান করিতে গেলে সে অহংকার-পরতন্ত্র হইয়া আমাকে কহিল, আমিই অদ্য এই মৃগকে বধ করিয়াছি, ব্যাঘ্রের বলবিক্রমে ধিক, আজ আমারই ভুজবলে তোমাদিগের তৃপ্তি সাধন হইবে। বলিতে কি, সে গর্ভপূর্বক এইরূপ তর্জ্জন গর্জ্জন করিতেছিল ; এই কারণে মৃগমাংস ভক্ষণে আমার আর তাদৃশ প্রীতি নাই। তখন ব্যাঘ্র ক্রোধভরে কহিল, হে জম্বুক ! যদি সত্যই সে এইরূপ কহিয়া থাকে, ভাল, তুমি যথাকালে আমাকে প্রবোধিত করিয়াছ। আমি অদ্য বাহুবলে বনচরদিগকে বিনাশ করিব। চলিলাম, তুমি তথায় পর্যাপ্ত মাংস ভক্ষণ করিবে ; এই বলিয়া ব্যাঘ্র বনমধ্যে প্রস্থান করিল।

এই অবসরে মুষিক সহসা উপস্থিত হইল। শৃগাল তাহাকে আগত দেখিয়া কহিল, হে মুষিক ! তোমার মঙ্গল ত ? বৃক যাহা কহিয়াছে, শুন, তুমি স্নান করিতে গেলে সে কহিল, এই মৃগমাংস ভক্ষণ করিতে আমার অভিরুচি নাই, এক্ষণে আমার এই মাংস বিষ বলিয়া বোধ হইতেছে, তোমার মত হইলে আমি এখনই মুষিককে গিয়া ভক্ষণ করি, এই কথা শুনিবামাত্র মুষিক অতিমাত্র ব্যস্তসমস্ত হইয়া প্রাণভয়ে

সত্বরে বিবরমধ্যে প্রবেশ করিল। কিছুকালপরে বৃক স্নান করিয়া তথায় আগত হইল। জম্বুক তাহাকে দেখিয়া কহিল, ভাই! ব্যাঘ্র তোমার উপর অতিশয় রোষাবিষ্ট হইয়াছেন, সুতরাং তোমার অনিষ্ট ঘটবার বিলক্ষণ সম্ভাবনা; তিনি কলত্রসহকারে সত্বরে এখানে আসিতেছেন; এক্ষণে বাহা কর্তব্য হয় কর। তখন পিশিতাশন বৃক শৃগালের এইরূপ কথা শুনিয়া ভীত ও সঙ্কুচিত হইয়া পলায়ন করিল। এই অবসরে নকুল কৃতস্নান হইয়া তথায় আগমন করিল। জম্বুক তাহাকে আগত দেখিয়া কহিল, অহে নকুল! আমি নিজ ভুজ্বলে সকলকে পরাজয় করিয়াছি। পরাজিত হইয়া তাহার স্ব স্ব স্থানে প্রস্থান করিল। এক্ষণে আমার সহিত যদি যুদ্ধে জয় লাভ করিতে পার, তাহা হইলে তুমি ইচ্ছামত মৃগমাংস ভক্ষণ করিতে পাইবে। তখন নকুল কহিল, হে জম্বুক! ব্যাঘ্র, বৃক ও বুদ্ধিমান মুষিক যখন তোমার নিকটে পরাজিত হইয়াছে, সুতরাং তুমি সর্বাপেক্ষা বলবান, সন্দেহ নাই। অতএব তোমার সহিত সংগ্রামে প্রবৃত্ত হইতে আমার আর উৎসাহ নাই; চলিলাম, এই বলিয়া নকুলও পলায়ন করিল। এইরূপে জম্বুক অসাধারণ বুদ্ধিবলে সকলকে বিদায় করিয়া পরম সুখে মৃগমাংস ভক্ষণ করিয়াছিল। যে রাজা এইপ্রকার আচরণ করেন, তিনি চিরকাল সুখ ভোগ করিয়া থাকেন। ভীত ব্যক্তিকে ভয় প্রদর্শন, বীরের নিকটে বিনয়ভাব, লুপ্তকে অর্ধদান, সম্ভবা ন্যূন ব্যক্তিকে বল প্রকাশ করিয়া বশীভূত করিবে। মহারাজ! আরও কহিতেছি, শ্রবণ করুন; পুত্র, সখা, জ্ঞাতা, পিতা এবং গুরুও যদি শত্রুর ন্যায় বিদ্রোহচরণে প্রবৃত্ত হইয়েন, তাহা হইলে তৎক্ষণেই তাঁহাদিগকে বিনষ্ট করিবে। শত্রুকে শপথ, অর্ধদান, বিষপ্রয়োগ বা মর্দিপ্রকাশ ক-

রিয়া বিনাশ করা বিধেয়, কদাচ উপেক্ষা করিবে না। কিন্তু যদি জিগীষাসম্পন্ন উত্তরপক্ষই তুল্য বল ও তুল্য উপায় বশত: সন্দেহান হইয়া থাকেন, তাহা হইলে যিনি তন্মধ্যে গাঢ়তর-অধ্যবসায়-সহকারে জয়-শ্রী-লাভের প্রত্যাশা করেন, তাঁহারই অভ্যুদয় জানিবেন। আর যদি গুরুও অবলিপ্ত কার্য্যাকার্য্য-জ্ঞানশূন্য নিতান্ত নিম্ননীর ও কুপথগামী হন, তাহা হইলে তাঁহারও শাসন করা ন্যায়বিরুদ্ধ নহে। ক্রোধোদ্ভেক হইলেও কদাচ ক্রুদ্ধ হইবে না, সর্বদা সহাস্ত আশ্তে সকলকে সাদর সম্ভাষণ করিবে। কোপক্রান্ত হইয়া কখন অন্যের অপকারে প্রবৃত্ত হইবে না। প্রহারোদ্দেশে বা প্রহারকালে লোকের প্রতি প্রীতিবাক্য প্রয়োগ করিবে। প্রহার করিয়া রূপা প্রদর্শন এবং প্রহারবেগে প্রস্তুতব্যক্তি কাতরোক্তি দ্বারা শোক বা রোদন করিলে বিলাপ ও পরিতাপ করা বিধেয়। শাস্তবাক্য, ধর্মোপদেশ ও সম্বাবহার দ্বারা শত্রুকে আশ্বস্ত করিবে। এইরূপ অনুকম্পা প্রদর্শন করিলেও যদি পথিমধ্যে শত্রু সদাচারের অন্যথাচরণ করে, তাহা হইলে অবসর বুঝিয়া তৎক্ষণে তাহাকে প্রহার করিবে; ইহাতে অধর্ম সম্পর্শিবেক না। যেমন কৃষ্ণবর্ণ মেঘ উন্নত মহীধরকে আচ্ছন্ন করিয়া রাখে, সেইরূপ নিরবচ্ছিন্ন ধর্মামুষ্ঠানকারী ব্যক্তি ধর্মবলে পরিবৃত্ত হইয়া থাকে; ঘোরতর অপরাধী হইলেও দোষী বলিয়া পরিগণিত ও পরিগৃহীত হইতে পারেন না। বাহার পক্ষে বধ অবধারিত হইয়াছে, তাহার গৃহে অগ্নি প্রদান করিবে; আর নির্ধন, নাস্তিক ও চৌরগণকে দেশ হইতে নির্বাসিত করিবে। অশক্তিত ও শক্তিত উভয় হইতেই সর্বদা শঙ্কা করা উচিত কিন্তু অশক্তিত হইতে ভয় উৎপন্ন হইলে মূলপর্য্যন্ত উচ্ছিন্ন হইতে পারে। অবিদ্বস্ত ব্যক্তিকে কদাচ বিশ্বাস করিবে না,

এবং বিশ্বস্ত ব্যক্তিকেও অতি বিশ্বাস করি-
বেনা, যেহেতু বিশ্বস্ত হইতে ভয় উৎপন্ন হইলে
মূল পর্য্যন্ত উচ্ছিন্ন হইতে পারে। আপনার
ও অন্যের বিধানানুসারে চর নিযুক্ত ক-
রিবে। পাষণ্ড ও তাপস প্রভৃতিকে বিশ্বস্তের
রাজধানীতে প্রেরণ করা বিধেয়। উদ্যান,
বিহারস্থান, দেবতায়তন, পানাগার পথ,
সর্ব তীর্থ, চত্বর, কূপ, পর্বত, বন, সর্ব স-
মবায় ও নদীতীরে মন্ত্রণা করিবে। হৃদয়ে
ক্ষুরধার রাখিয়াও সর্বদা সহাস্যমুখে, মিষ্ট
বাক্যে, বিনোদভাবে সস্ত্রাষণ করিবে; কিন্তু
কদাচ কোন ভয়াবহ কার্যের অনুষ্ঠান ক-
রিবে না। যিনি ঐহিক সম্পত্তির প্রত্যাশা
করেন, তিনি দানশীল ভূপতির নিকটে
করপুটে প্রার্থনা, শপথ, সান্ত্ববাদ, পাদ বন্দন
ও আশা করিবেন। কেহ কোন বিষয়
প্রার্থনা করিলে অগ্রে বাক্যেতে তাহাকে
নিরাশ করিবে না, কিন্তু প্রদানকালে
নানাপ্রকারে বিঘ্নানুষ্ঠান করিবে। প্রার্থীকে
নানাপ্রকারে আশা প্রদান করিবে, কিন্তু
কখন প্রার্থনা পরিপূর্ণ করিবে না। যদি কখন
তাহার অভীষ্ট সিদ্ধ কর, তাহাও সম্বরে করা
অবিধেয়। ত্রিবিধ পীড়া ও ফলসিদ্ধি আছে,
তন্মধ্যে ফল শুভ ও পীড়া অশুভ; অতএব,
পীড়া পরিত্যাগ করিবে। ধর্মপরায়ণ পুরু-
ষের অর্থ ও কাম দ্বারা চিত্তবৈকল্য জন্মে,
অর্থলোভীর ধর্ম ও কাম দ্বারা এবং কামা-
সক্তের অর্থ ও ধর্ম দ্বারা পীড়া জন্মে। নির-
হঙ্কার, অভিনিবিষ্ট বিশুদ্ধস্বভাব ও অসূ-
য়াশূন্য হইয়া সান্ত্ববাদ প্রয়োগ ও সর্ববি-
ষয়ের অনুসন্ধান-পূর্বক ব্রাহ্মণগণের সহিত
মন্ত্রণা করিবে। যাহা করিলে আপনার দীন-
ভাব মোচন হয়, মুছই হউক আর দারুণই
হউক, তাহা অবশ্য করিবে এবং সমর্থ
হইয়া ধর্মাচরণ করিবে। সংশয়াকট না
হইলে শুভলাভের প্রত্যাশা নাই; সংশয়া-
কট হইয়া যদি জীবিত থাকে, তাহা হই-

লে অবশ্যই শ্রেয়োলাভ হয়। শোক, সন্তাপ
দ্বারা যাহার বুদ্ধিবৃত্তি কলুষিত হইবে, নল ও
রামাদির উপাখ্যান কখন দ্বারা তাহাকে
সান্ত্বনা করিবে; নিতান্ত নিরোধ ব্যক্তিকে
ভার্বী মন্ত্রের প্রত্যাশা প্রদর্শন ও পণ্ডিতকে
খন দানাদি দ্বারা সান্ত্বনা করিবে। যিনি
শক্রের সহিত সন্ধি স্থাপন-পূর্বক কৃতকায়ের
ন্যায় নিতান্ত নিশ্চিত হইয়া থাকেন, তিনি
বৃক্ষাগ্রে প্রসুপ্ত ব্যক্তির ন্যায় পতিত ও প্র-
তিবুদ্ধ হইবেন। অসুরাপরবশ না হইয়া যত্ন-
পূর্বক নিজ মন্ত্রণা গোপন করিয়া রাখিবে
এবং রোষাবেশ সম্বরণ করিয়া চর দ্বারা স-
র্ব বিষয় অবধারণ করিবে। পর মর্শ্ব বিদারণ,
দারুণ কর্ম সম্পাদন ও শত শত শত্রু সংহার
না করিয়া মনুষ্য কখনই মহতী শ্রী লাভ ক-
রিতে পারে না। শক্রসৈন্য কার্ষিত, ব্যাধিত,
ক্লিন্ন, অন্তর্পান-বিবর্জিত, বিশ্বস্ত ও মন্দ হু-
ইলেও প্রহার করিবে। অর্থী অর্থীর নিকটে
উপস্থিত হয় না। যদিও তাহাদের অভিলাষ
সফল হয়, তথাচ উভয়ের মধ্য সংস্থাপন
হওয়া নিতান্ত সুকঠিন। সহায় সংগ্রহ ও
শত্রুর সহিত বিগ্রহ করিতে যত্ন করিবে।
সম্পদ লাভের ইচ্ছা ও তদ্বিষয়ে প্রভূত উৎ-
সাহ প্রদর্শন করা বিধেয়। এইরূপ লোকের
কার্য কি শত্রু কি মিত্র কেহই কিছুমাত্র অব-
ধারণ করিতে পারে না, কেবল কার্যের
উদ্যোগ ও পর্য্যবসান মাত্র প্রত্যক্ষ করে।
যদবধি ভয় উপস্থিত না হয় তদবধি ভয়কে
ভয় করিবে; কিন্তু ভয় আগত হইলে স্থির-
চিত্তে প্রতীকার করিতে চেষ্টা করিবে। দণ্ডা-
য়ন্ত শত্রুকে যে রাজা ধন মানাদি প্রদানপূ-
র্বক অনুগ্রহ করেন, তিনি আপনার মৃত্যু
সংগ্রহ করিয়া রাখেন।

অনাগত কার্যকেও অচিরাগত বিবেচনা
করিয়া বুদ্ধিপূর্বক তাঁহার অনুসরণ করিবে,
কিন্তু বুদ্ধিজ্ঞানবশতঃ আপনার উদ্দেশ্য
সাধনে কদাচ উপেক্ষা বা অনাদর প্রদর্শন

করা বিধেয় নহে। সম্পদ লাভার্থে যত্নপূর্বক স্বীয় উৎসাহ বর্জন করিবে ও দেশ, কাল বিভাগ করিয়া পারলৌকিক কর্ম, এবং ধর্ম, অর্থ ও কাম এই ত্রিবর্গ, পর্যায়ক্রমে সেবা করিবে, কারণ দেশকাল বিবেচনা না করিলে ঐশ্বরোলাভ হওয়া দুষ্কর। শত্রুপক্ষ সংখ্যায় অল্প হইলেও কদাচ উপেক্ষা করিবে না, কারণ তাহারাই আবার কালক্রমে শত্রুভাব বদ্ধমূল করিতে পারে। যেমন বনমধ্যে বৃষ্টি নির্ক্ষিপ্ত হইলে তাঁহা ক্রমশঃ পরিবর্দ্ধিত হইয়া থাকে, সেইরূপ শত্রুপক্ষ সংখ্যায় অল্প হইলেও কালসহকারে তাহাদিগের দলপুষ্টি হইবার বিলক্ষণ সম্ভাবনা। যিনি অগ্নিস্কুলিঙ্গের ন্যায় আপনাকে সম্বুদ্ধিত ও উত্তেজিত করেন, তিনি ক্রমশঃ পরিবর্দ্ধিত হইয়া সমূহ শত্রুকে এক কালে বিনাশ করিতে পারেন। প্রথমতঃ অর্ধীকে বহুকাল-ব্যাপিনী আশা প্রদান করিবে, কাল উপস্থিত হইলে বিশ্বের কথা উত্থাপন করিবে ; নিমিত্ত দ্বারা বিশ্ব ও হেতু দ্বারা নিমিত্ত প্রকাশ করিবে। শত্রুসংহারকারী রক্ষানুসারী অতি দারুণ সহায়-সংগ্রাহী ছদ্মবেশী রাজা কুরের ন্যায় শত্রুর প্রাণ সংহার করিয়া থাকেন, অতএব মহারাজ ! পাণ্ডব বা অন্য যেকোনো হটুক না কেন, তাঁহাদিগের সহিত ন্যায়ানুগত ব্যবহার করিলে আপনি কখনই বিপদে পড়িবেন না এবং নির্ঝিবাদে আপনার কার্য সাধন করিতে পারিবেন। বিশেষতঃ আপনি সর্বকল্যাণ-সম্পন্ন ও কুলশীল-বিশিষ্ট, অতএব পাণ্ডুনন্দন হইতে আপনাকে রক্ষা করুন। এক্ষণে যাহা কর্তব্য তাহা কহিলাম, আপনি পুত্র সমভিব্যাহারে পরামর্শ করিয়া যাহা ঐশ্বর্যকল্প হয়, করুন। মহারাজ ধৃতরাষ্ট্রকে এইরূপ উপদেশ দিয়া কণিক স্বগৃহে প্রত্যাগমন করিলেন, এবং ধৃতরাষ্ট্রও তদবধি নিতান্ত শোকাবুল হইলেন।

স্বপর্কাদ্যায় সমাপ্ত।

জতুগৃহপর্কাদ্যায়।

একচত্বারিংশদধিক শততম অধ্যায়।

বৈশম্পায়ন কহিলেন, তদনন্তর সুবলনন্দন শকুনি, দুর্ব্যোধান, দুঃশাসন ও কণ দুষ্ক মন্ত্রণা করিয়া ধৃতরাষ্ট্রের নিকটে গমন করিল এবং তাঁহার সহিত পরামর্শ করিয়া কুন্তী ও যুধিষ্ঠিরাদি পঞ্চ ভ্রাতাকে দক্ষ করিতে মনস্থ করিল। তত্ত্বদর্শী মহাত্মা বিদুর আকার ও ইঙ্গিত দ্বারা ঐ পামরগণের দুষ্কাতিসন্ধি বুঝিতে পারিলেন। ঐ মহাত্মা পাণ্ডবগণের একান্ত হিতাকাঙ্ক্ষী ছিলেন। কুন্তী কুমারগণ সমভিব্যাহারে অনায়াসে পলায়ন করুন, এই অভিপ্রায়ে তিনি এক খানি নৌকা প্রস্তুত করাইলেন। ঐ তরণী বাতসহ, যন্ত্রযুক্ত, পতাকা-সুশোভিত ও সুদৃঢ়, বায়ুবেগোপিত প্রবল সমুদ্রতরঙ্গও উহাকে হঠাৎ মগ্ন করিতে পারে না। নৌকা প্রস্তুত হইলে বিদুর কুন্তীর নিকটে গমন করিয়া কহিলেন, হে শুভে ! কুরুকুলের কীর্তিনাশক বিপরীতবুদ্ধি-দুরাত্মা ধৃতরাষ্ট্র নিত্যধর্ম পরিত্যাগ করিতে উদ্যত হইয়াছেন, অতএব তুমি এই উত্তাল-তরঙ্গবেগসহা তরণী আরোহণ করিয়া সম্ভানগণ সমভিব্যাহারে স্বরায় পলায়ন কর, তাহা হইলেই তোমাদিগের প্রাণ রক্ষা হইবে, নচেৎ আশ্রয় নাই। কুন্তী বিদুরের বাক্য শ্রবণ করিয়া সান্ত্বিত্য ব্যথিত হইলেন, এবং তৎক্ষণাৎ কুমারগণ সমভিব্যাহারে নৌকারোহণ করিয়া গঙ্গা পার হইলেন। পরে বিদুরদত্ত ধনসম্পত্তি গ্রহণপূর্বক ভীরে উত্তীর্ণ হইয়া নির্ঝিয়ে পরম রমণীয় কাননে প্রবেশ করিলেন। এদিকে নিষাদী পঞ্চপুত্র সমভিব্যাহারে পুরোচন-নির্মিত জতুগৃহে শয়না ছিল। ঐ রজনীতে পুরোচন সেই জতুগৃহে বহি প্রদান করিল, সুতরাং উহারা ছয় জন উন্মত্ত হইয়া গেল এবং দুর্মতি মেচ্ছাধম পুরো-

চনও তস্মাবশেষ হইল । নিষাদী ও তাহার পঞ্চ পুত্র ভস্মীভূত হওয়াতে ধার্ত্তরাষ্ট্রেরা বোধ করিল, কুলী পঞ্চ পুত্র সমভিব্যাহারে অগ্নিতে প্রাণ ত্যাগ করিয়াছেন, কিন্তু তাঁহারা যে বিছরের পরামর্শানুসারে স্বেচ্ছান হইতে প্রস্থান করিয়া প্রাণ রক্ষা করিয়াছেন, তাহার বিষ্ণুবিসর্গও জানিতে পারিল না । যাহা হউক বারণাবতস্থ লোকেরা জতুগৃহ দক্ষ হইয়াছে দেখিয়া, পাণ্ডবগণের গুণরাশি স্মরণ করিয়া যৎপরোনাস্তি শোক করিতে লাগিল । পরে রাজা ধৃতরাষ্ট্রের সমীপে এই সমাচার পাঠাইল, হে কৌরব্য ! তোমার মনোবাঞ্ছা পূর্ণ হইয়াছে, আর ভয় নাই, তুমি পাণ্ডবগণকে দক্ষ করিয়াছ ; এক্ষণে পুত্রগণ সমভিব্যাহারে নিঃশঙ্কচিত্তে রাজ্য ভোগ কর । ধৃতরাষ্ট্র, জননীসমবেত পাণ্ডবগণের মৃত্যুবর্ত্তা শ্রবণ করিয়া পুত্রগণ সমভিব্যাহারে কৃত্রিম শোক প্রকাশ করিতে লাগিলেন, এবং তদনন্তর ভীষ্ম ও বিষ্ণুবন্ধুবান্ধবগণ সমভিব্যাহারে তাঁহাদিগের প্রেত-কার্য্য সম্পাদন করিলেন ।

জনমেজয় কহিলেন, হে দ্বিজোত্তম ! জতুগৃহ দাহ ও তাহা হইতে পাণ্ডবগণের পরিভ্রাণরূপান্তর বিস্তারিতরূপে শ্রবণ করিতে বাসনা করি । হে ব্রহ্মন্ ! জতুগৃহদাহ অতিশয় দুষ্কর্ম ও নিতান্ত নৃশংস ব্যাপার ; উহা শুনিতে আমার অত্যন্ত কৌতূহল হইতেছে, আপনি অনুগ্রহ করিয়া সবিশেষ বর্ণন করুন ।

বৈশম্পায়ন কহিলেন, হে রাজন্ ! যেক্ষণে জতুগৃহ দক্ষ হয় এবং পাণ্ডবগণ তাহা হইতে মুক্ত হন, তৎসমুদায় সবিস্তর বর্ণন করিতেছি, শ্রবণ কর । দুর্ষমতি দুর্ব্যোধন ভীমসেনকে মহাবল পরাক্রান্ত ও অর্জুনকে কৃতবিদ্য দেখিয়া সাতিশয় পরিতাপযুক্ত হইল । দুর্মান্না কর্ণ ও শকুনি নানাবিধ উপায় দ্বারা পাণ্ডবগণের হিংসা করিতে লাগিল । পাণ্ডবেরাও বিষ্ণুরের মতানুসারে

উহার উদ্ভাবন করিতেন না, কেবল যখন যে দুর্নটনা উপস্থিত হইত, যথাসাধ্য তাহারপ্র-তীকার করিতেন । এদিকে ষাবতীয় পুরবাসীরা পাণ্ডবগণকে অশেষগুণসম্পন্ন দেখিয়া সভামধ্যে তাঁহাদিগের গুণগ্রাম বর্ণন করিতে আরম্ভ করিল । তাহারা কি সভাম-ণ্ডলে কি চত্বরে, একত্র হইলেই কহে যে, মহাত্মা পাণ্ডুর জ্যেষ্ঠতনয় যুধিষ্ঠির রাজ্য পাইবার উপযুক্ত পাত্র । প্রজ্ঞাচক্ষু রাজা ধৃতরাষ্ট্র জন্মান্ত বলিয়া পূর্বে রাজ্য প্রাপ্ত হইয়েন নাই, তবে তিনি কি বলিয়া এক্ষণে ভূপতি হইবেন । সত্যপ্রতিজ্ঞ মহাত্ম শান্তনুন্দন ভীষ্ম রাজ্য লইবেন না বলিয়া পূর্বে প্রতিজ্ঞা করিয়াছেন, সুতরাং তিনিও রাজ্যভার বহন করিবেন না, অতএব আমরা যুদ্ধবিদ্যা বিশারদ তরুণবয়স্ক ধর্ম্মাত্মা পাণ্ডবজ্যেষ্ঠকে রাজ্যে অভিষেক করিব । সেই ধর্ম্মাত্মা সত্যশীল, কারুণ্যসম্পন্ন ও বেদবেত্তা ; তিনি অবশ্যই শান্তনুতনয় ভীষ্ম ও পুত্রগণসমবেত ধৃতরাষ্ট্রকে যথোচিত পূজা করিবেন এবং তাঁহাদিগকে বিবিধ রাজ্যভোগ প্রদান করিবেন । মুচমতি দুর্ব্যোধন যুধিষ্ঠিরানুরক্ত পৌরগণের সেই বাক্য শ্রবণ করিয়া যৎপরোনাস্তি পরিতপ্ত ও ইর্ষান্বিত হইল । এবং সহরে স্বীয় পিতা ধৃতরাষ্ট্রের সমীপে গমনপূর্বক তাঁহাকে একাকী দেখিয়া পাদবন্দনপূর্বক কহিতে লাগিল, হে পিতঃ ! পৌরগণ আপনাকে ও ভীষ্মকে পরিত্যাগ করিয়া যুধিষ্ঠিরকে রাজ্য করিতে চাহে, রাজ্যভোগপরাস্থ খ ভীষ্মেরও উহাতে সম্পূর্ণ মত আছে । হে নরনাথ ! পৌরবর্গের মুখে এই অশ্রেয়স্কর বাক্য শ্রবণ করিয়া আমার অত্যন্ত মনোব্যথা হইতেছে ; দেখুন পূর্বে মহারাজ পাণ্ডু গুণবান্ বলিয়া পিতৃরাজ্য পাইয়াছিলেন, আপনি জন্মান্ত-প্রযুক্ত জ্যেষ্ঠ হইয়াও রাজ্য লাভ করিতে পারেন নাই । এক্ষণেও যদি পাণ্ডু পুত্র যু-

ধিত্তির পৈতৃক রাজ্য প্রাপ্ত হন, তাহা হইলে তৎপরে তৎপুত্র, তদনন্তর তদীয় পৌত্র, এই-রূপে ক্রমশঃ পাণ্ডুবংশীয়েরাই সুখসাম্রাজ্য ভোগ করিতে রহিল; আমরা পুত্রপৌত্রাদিক্রমে রাজবংশে থাকিয়া জনগণের নিকটে হীন ও অবজ্ঞাত হইয়া রহিব। পরপিণ্ডোপ-জীবী লোকেরা সর্বদা নরক ভোগ করে, অতএব হে রাজন! যাহাতে আমরা ঐ নরক হইতে মুক্ত হইতে পারি একপ কোন পরামর্শ করুন। হে মহারাজ! যদি আপনি পূর্বে এই রাজ্য প্রাপ্ত হইতেন, তাহা হইলে প্রজাগণ যতই অবশ হউক না কেন, আমরা অবশ্যই রাজত্ব লাভ করিতে পারিতাম।

দ্বিচত্বারিংশদধিক শততম অধ্যায়।

বৈশম্পায়ন কহিলেন, প্রজ্ঞাচক্ষুঃ নরাধিপ ধৃতরাষ্ট্র দুর্যোধনের এবং কর্ণিকের বাক্য শ্রবণ করিয়া দোলাচলচিত্ত ও যৎপরোনাস্তি শোকাক্ত হইলেন। দুর্যোধন, কর্ণ, শকুনি ও দুঃশাসন কয়েক জনে একত্র বসিয়া পরামর্শ করিতে লাগিলেন। মন্ত্রণা সমাপ্ত হইলে দুর্যোধন ধৃতরাষ্ট্রকে কহিল, হে তাত! যদি আপনি স্ননিপুণ কোন কৌশল দ্বারা পাণ্ডবগণকে এখান হইতে নির্বাসিত করিয়া বারণাবতনগরে পাঠাইতে পারেন, তাহা হইলে আর তাহাদিগের হইতে কিছুমাত্র ভয়ের সম্ভাবনা থাকে না।

ধৃতরাষ্ট্র তদীয় বাক্য শ্রবণে ক্ষণকাল চিন্তা করিয়া কহিতে লাগিলেন। ধর্মপরা-য়ণ পাণ্ডু সমস্ত জ্ঞাতিবর্গের বিশেষতঃ আমার প্রতি সর্বদা ধর্মানুযায়ী ব্যবহার করিতেন। তিনি আপনার ভোজনাদি কার্যেও কিছুমাত্র মনোযোগ করিতেন না এবং প্রত্যহ আমার নিকটে রাজ্যসংক্রান্ত বৃত্তান্তসকল নিবেদন করিতেন। তাঁহার পুত্র যুধিত্তিরও তাঁহার ন্যায় ধর্মপরায়ণ, গুণবান, লোকবিখ্যাত এবং পৌরবর্গের প্রিয়। এই রাজ্য তাঁহার পৈতৃক, বিশেষতঃ তিনি সহায়-

সম্পন্ন; আমি কি প্রকারে তাঁহাকে এখান হইতে বিদায় করিতে পারিব। পাণ্ডু পূর্বে অমাত্যবর্গ, সৈন্যগণ এবং তাহাদিগের পুত্র-পৌত্র সকলকে পরম-যত্ন-সহকারে প্রতিপালন করিয়াছেন, এক্ষণে তাহারা সেই পাণ্ডুকৃত পূর্বোপকার স্মরণ করিয়া যুধিত্তিরের হিত সাধনার্থে আমাদিগকে সবংশে অবশ্যই বিনাশ করিবে।

দুর্যোধন কহিল, হে পিতঃ! আপনি যাহা কহিলেন, যথার্থ বটে, কিন্তু তাহাদিগকে ধন ও সম্মুচিত সম্মান প্রদান দ্বারা পরিতুষ্ট করিলে তাহারা অবশ্যই আমাদিগের সহায় হইবে। এক্ষণে সমুদায় ধন ও অমাত্যবর্গ আমারই অধীন; অতএব আপনি কোন সহজ কৌশল দ্বারা কুন্তী ও পাণ্ডবগণকে স্বরায় বারণাবতনগরে প্রেরণ করুন। পরে আমরা সমুদায় সম্রাজ্য হস্ত-গত করিলে পর কুন্তী পুত্রগণসমভিব্যাহারে পুনর্বার এস্থানে আগমন করিবে।

ধৃতরাষ্ট্র কহিলেন, হে দুর্যোধন! তুমি যাহা কহিলে তাহা আমারও অভিপ্রেত বটে, কিন্তু বৎস! এই অভিপ্রায় নিতান্ত পাপপূর্ণ বলিয়া আমি এতাবৎকাল-মধ্যে প্রকাশ করিতে পারি নাই। আর ভীষ্ম, দ্রোণ, বিদুর ও রূপ ইহঁরাও কেহ পাণ্ডবগণের নির্বাসনে কদাচ সম্মত হইবেন না। ধর্মশীল কুরুবংশীয়গণ আমাদিগকে ও পাণ্ডবগণকে সমান জ্ঞান করেন; তাহারা কখনই পাণ্ডবগণের প্রতি অত্যাচার করিলে সহ্য করিবেন না, অতএব যদি আমরা বিনাপরাধে পাণ্ডবগণকে তাহাদের পৈতৃক রাজ্য হইতে নির্বাসিত করি, তাহা হইলে মনস্বী কৌরবেয়গণ ও ভীষ্মাদি ধর্মাত্মারা কেহই আমাদিগকে সমূলে উন্মূলন করিতে পরাধ্যুথ হইবেন?

দুর্যোধন কহিলেন, হে তাত! পিতা-মহ ভীষ্ম আমাদের উত্তমপক্ষেই সমপ-

ক্ষমাণী। দ্রোণপুত্র অশ্বখামা আমার অনুগত, সূতরাং দ্রোণাচার্য্যও পুত্রের বিপক্ষ হইতে না পারিয়া আমারই পক্ষে থাকিবেন। মহাত্মা রূপাচার্য্য স্বীয় ভগিনীপতি দ্রোণ ও ভাগিনেয় অশ্বখামাকে কখনই পরিভাগ করিতে পারিবেন না, সূতরাং তিনিও আমার পক্ষ হইবেন। ক্ষত বিচুর আমাদিগের অর্থবন্ধ, কিন্তু বিপক্ষের। গোপনে তাঁহাকে বশীভূত করিয়াছে, যাহা হউক, তিনি একাকী কখনই আমাদিগের অনিষ্ট করিতে পারিবেন না; অতএব মহাশয়! যাহাতে পাণ্ডুনন্দনগণ মাতৃসমভিব্যাহারে অদ্যই বারণাবতনগরে গমন করে, নিঃশঙ্কচিত্তে শীঘ্র তাহার উপায় করুন। হে রাজন্! পাণ্ডবগণের নিমিত্ত দিবা রাত্রির মধ্যে একবারও নিদ্রা হয় না; তাহারা আমার হৃদয়ে অর্পিত শল্যের ন্যায় ঘোরতর শোকাগ্নি প্রজ্বলিত করিয়াছে; আপনি তাহাদিগকে নির্ঝামিত করিয়া আমার শোকানল নির্ঝাণ করুন।

ত্রিচত্বারিংশদধিক শততম অধ্যায় ।

বৈশম্পায়ন কহিলেন, অনন্তর অনুজগণ-সমবেত চুর্যোধন ধন ও সমুচিত সম্মান প্রদান দ্বারা ক্রমে ক্রমে সমুদায় প্রজাগণকে বশীভূত করিল। একদা মন্ত্রণাকুশল মন্ত্রিগণ ধৃতরাষ্ট্রের পরামর্শানুসারে সভায় বসিয়া কহিল, বারণাবত নগর অতি মহৎ ও পরম রমণীয়; তাহাতে ভগবান্ ভূতভাবন ভবানীপতি সর্বদা বিরাজমান আছেন। এই সময়ে তাঁহার পূজনার্থে নানা দিগেশ হইতে জনগণ সর্বরত্ন-সমাকীর্ণ সুরম্য বারণাবতে সমুপস্থিত হইয়াছে। দৈবচুর্কিপাক অখণ্ডনীয়! মন্ত্রিগণের মুখে বারণাবত নগরের প্রশংসা শুনে পাণ্ডুপুত্রগণের মনে তথায় গমন করিবার সাত্বিশয় বাসনা জন্মিল। রাজা ধৃতরাষ্ট্র পাণ্ডবগণকে বারণাবত গম-

নের নিমিত্ত একান্ত কৌতুহলাক্রান্ত জানিয়া কহিতে লাগিলেন, হে বৎসগণ! সকলে প্রত্যহ আমার নিকটে কহে যে, পৃথিবীর মধ্যে যত স্থান আছে, বারণাবত নগর সর্বাপেক্ষা রমণীয়; অতএব যদি তোমাদিগের তথায় গিয়া আমোদপ্রমোদ করিবার বাসনা থাকে, তবে সবাঙ্কবে ও সপরিবারে গমন করিয়া অমরগণের ন্যায় বিহার এবং ব্রাহ্মণ ও গায়কগণকে যথাভিলষিত অর্থ প্রদান কর। কিছুদিন পরম সুখে তথায় বাস করিয়া পুনর্বার এই হস্তিনা নগরে প্রত্যাগমন করিও।

• ধীমান্ যুধিষ্ঠির ধৃতরাষ্ট্রের বাক্য শুনিয়া তাঁহার চুফাতিপ্রায় বুদ্ধিতে পারিলেন, কিন্তু কি করেন, আপনাকে অসহায় ভাবিয়া অগত্যা “যে আজ্ঞা মহাশয়” বলিয়া তাঁহার আদেশ প্রতিপালনে অঙ্গীকার করিলেন। অনন্তর তিনি শান্তনুনন্দন ভীষ্ম, মহামতি বিচুর, আচার্য্য দ্রোণ, বাহ্লিক, সোমদত্ত, রূপাচার্য্য, অশ্বখামা, ভূরিশ্রবাঃ, যশস্বিনী গাঙ্গারী, মাননীয় অমাত্যগণ, ব্রাহ্মণবর্গ, তপোধন, পুরোহিত ও পৌরবদিগের নিকটে গমন করিয়া দীনভাবে ও মৃচ্ছস্বরে কহিতে লাগিলেন, আমরা, পরম পূজ্য পিতৃব্য ধৃতরাষ্ট্রের আজ্ঞানুসারে সপরিবারে জনাকীর্ণ ও পরম রমণীয় বারণাবত নগরে চলিলাম, আপনারা প্রসন্নমনে আশীর্বাদ করুন; আপনারদের আশীর্বাদ-প্রভাবে কদাচ কোন অমঙ্গল আমাদিগকে স্পর্শ করিতে পারিবে না। তাঁহারা যুধিষ্ঠিরের বাক্য শ্রবণ করিয়া প্রসন্নবদনে তাঁহার অনুবর্তী হইলেন, এবং কহিতে লাগিলেন, হে পাণ্ডুনন্দন! তোমাদের মঙ্গল হউক, পথে যেন কোন হিংস্র প্রাণী হইতে তোমাদের অমঙ্গল না ঘটে। পাণ্ডুপুত্রেরা গুরুজনের এইরূপ আশীর্বাদে পরিভূক্ত হইয়া রাজ্য প্রাপ্তির নিমিত্ত যাব-

তীরশুভ কৰ্ম সমাধা করিয়া বারণাবত নগরে
প্রস্থান করিলেন।

চতুঃশতাব্দিশদধিক শততম অধ্যায়।

বৈশম্পায়ন কহিলেন, মহারাজ! ধৃত-
রাষ্ট্র পাণ্ডুপুত্রগণকে বারণাবত নগরে গমন
করিতে আদেশ করিলে ছুরাজ্ঞা ছুর্যোধনের
আনন্দের আর পরিসীমা রহিল না। ঐ
ছুর্মতি পুরোধননামা সচিবকে নিঃস্বপ্নে
আহ্বান করিয়া তাহার দক্ষিণ হস্ত ধারণ-
পূর্বক কহিতে লাগিল, হে পুরোধন! ধন-
সম্পত্তিসম্পন্ন এই বিপুল রাজ্য কেবল
আমারই নহে, ইহাতে তোমারও অধি-
কার আছে; অতএব ইহা রক্ষা করা অবশ্য
কর্তব্য। দেখ, যাহার সহিত মিলিত হইয়া
অসন্ধিচ্চিত্তে মন্ত্রণা করি, তোমাভিন্ন আ-
মার এমন বিশ্বস্ত সহায় আর কেহই নাই;
অতএব হে তাত! তোমার সহিত যে ম-
ন্ত্রণা করিতেছি, তুমি তাহা কদাচ প্রকাশ
করিও না। স্ননিপুণ উপায় দ্বারা আমার
শত্রুদিগকে বিনাশ কর; যাহা বলিতেছি,
কোনক্রমে যেন তাহার অন্যথা না হয়।
অদ্য পাণ্ডবগণ পিতার আদেশানুসারে
বিহারার্থ বারণাবত নগরে গমন করিবে।
তুমি দ্রুতগামী অশ্বতরযোজিত রথে আ-
রোহণ করিয়া যাহাতে অদ্যই তথায় গমন
করিতে পার, তাহার বিশেষ চেষ্টা
পাও। নগরে উপস্থিত হইয়া উহার প্রাস্ত
দেশে স্নসংবৃত ও মহাধন এক চতুঃশাল
গৃহ নিৰ্মাণ করাইয়া রাখিবে; তাহাতে শণ
ও সর্জরসপ্রভৃতি যাবতীয় বহ্নিভোজ্য দ্রব্য
প্রদান করাইবে। মৃত্তিকাতে প্রচুরপরি-
মাণে ঘৃত, তৈল, বসা ও লাক্ষাদি মিশ্রিত
করিয়া তদ্বারা ঐ গৃহের প্রাচীরে লেপ
দেওয়াইবে। চতুর্দিকে শণ, তৈল, ঘৃত,
জড়, ও কাষ্ঠপ্রভৃতি আগ্নেয় দ্রব্যসমুদায়
রক্ষা করিবে; কিন্তু এই সমস্ত বস্তু এমন
গোপনীয়ভাবে স্থাপন করিয়া রাখিবে

যে পাণ্ডবগণ বা অন্য ব্যক্তি বিশেষরূপে
অনুসন্ধান করিলেও যেন সেই গৃহ আগ্নেয়
বলিয়া কোনক্রমে বুঝিতে না পারে। গৃহ নি-
ৰ্মিত হইলে স্নসংবৃত-সমবেত পাণ্ডবদিগকে
ও কুন্তীকে পরম সমাদরে সম্মানপূর্বক
লইয়া গিয়া উহার মধ্যে বাস করিতে দিবে।
উহাদিগকে একপ দিব্য আসন, যান ও শয্যা-
প্রদান করিবে যে পিতা যেন তাহাতে
পরম পরিতুষ্ট হন। কিন্তুদিন অতীত
হইলে যখন পাণ্ডবেরা বিশ্বস্ত হইয়া অ-
কৃতোত্তরে গৃহমধ্যে শয়ান থাকিবে, সেই
সময়ে তুমি উহার দ্বারদেশে অগ্নি প্র-
দান করিবে। তৎপরে ঐ অগ্নিদ্বারা বার-
ণাবতনগরস্থ লোকদিগের গৃহ দক্ষ হইতে
আরম্ভ হইলে তাহার প্রবুদ্ধ হইয়া মনে
করিবে যে অকস্মাৎ অগ্নি লাগিয়া নগর দক্ষ
হইতেছে। হে ধীমন্! তাহা হইলে আ-
মাদিগকে কখনই মাতৃসমবেত পাণ্ডবগণের
বধজনিত কলঙ্কে কলুষিত হইতে হইবে না।

পাণ্ডা পুরোধন ছুর্যোধনের মন্ত্রণা
শ্রবণ করিয়া যে আজ্ঞা বলিয়া স্বীকারপূ-
র্বক শীঘ্রগামী অশ্বতরযোজিত রথে আ-
রোহণ করিয়া বারণাবত নগরে গমন করিল
এবং তথায় ছুর্মতি ছুর্যোধনের আদেশানু-
ক্রম গৃহ নিৰ্মাণ করাইতে লাগিল।

পঞ্চত্রিংশদধিক শততম অধ্যায়।

বৈশম্পায়ন কহিলেন, হে মহারাজ! এ-
দিকে পাণ্ডবগণ বারণাবত নগরে গমন-
জন্য বায়ুবগগামী সদশ্বযুক্ত রথে আরোহণ-
সময়ে পিতামহ ভীষ্ম, রাজা ধৃতরাষ্ট্র,
মহাত্মা দ্রোণ, কৃপ, ও বিদুরপ্রভৃতি সমুদায়
কুরুবংশীয় ও অন্যান্য বৃদ্ধগণকে প্রণাম
করিলেন। সমকক্ষ ব্যক্তিদিগকে আলিঙ্গন
করিলেন; বালকগণ তাঁহাদিগকে অভি-
বাদন করিল। তদনন্তর তাহার সমস্ত
মাতৃগণকে প্রদক্ষিণ করিয়া তাঁহাদের অনু-
মতি গ্রহণ করিলেন, এবং সমুদায় প্রজা-

গণকে বিময়-নব্রবচনেনাদর সম্ভাবণ করিয়া
 রথে আরোহণ-পূর্বক বারণাবত নগরে যাত্রা
 করিলেন। মহাপ্রাজ্ঞ বিছুর-প্রভৃতি কতক-
 গুলি কুরুবংশীয় ও পৌরবর্গ শোকাকুলিত-
 চিত্তে তাঁহাদের পশ্চাৎ পশ্চাৎ গমন ক-
 রিতে লাগিলেন। তন্মধ্যে কতিপয় সাহ-
 সিক ব্রাহ্মণ পাণ্ডুনন্দনগণের ছুঃখে যৎ-
 পরোঁনাস্তি ছুঃখিত হইয়া নির্ভয়চিত্তে
 কহিতে লাগিলেন “কুরুকুল-কলকী মন্দবুদ্ধি
 ধৃতরাষ্ট্র কেন একপ অধর্মামুষ্ঠান করিতে উ-
 দ্যত হইয়াছেন। দেখ, মহাত্মা মাদ্রীনন্দনদ্বয়,
 পুণ্যশীল যুধিষ্ঠির, মহাবল পরাক্রান্ত ভীমসেন,
 ও ধনঞ্জয় ইহারা কখনই ধৃতরাষ্ট্রের অনি-
 ষ্টাচরণে প্রবৃত্ত হয়েন নাই; তথাপি তিনি
 ইহাদিগকে স্বীয় পিতৃব্রাজ্যে অধিকার প্র-
 দান করিলেন না। মহাত্মা ভীষ্মই বা কি-
 প্রকারে পাণ্ডবগণের নির্বাসনরূপ নিতান্ত
 অধর্ম্য ও একান্ত অপ্রদেয় বিষয়ে অনুমো-
 দন করিলেন। পূর্বের শাস্ত্রনুন্দন নরপতি
 বিচিত্রবীর্য্য, তৎপরে তাঁহার পুত্র রাজর্ষি
 পাণ্ডু পিতার ন্যায় আমাদিগকে প্রতিপা-
 লন করিতেন। সেই পুরুষশ্রেষ্ঠ পাণ্ডু সূ-
 রলোকে গমন করিয়াছেন। সম্প্রতি ছুরা
 ধৃতরাষ্ট্র তাঁহার পুত্রগণের সহিত নৃশংস
 ব্যবহার করিতেছে; অতএব চল, আমরা
 এই বিষয়ে অনিচ্ছা প্রকাশ করিয়া আপন
 আপন গৃহ পরিত্যাগ-পূর্বক এই রম্য হস্তি-
 না নগর হইতে ধর্ম্মাত্মা যুধিষ্ঠিরের অনুগামী
 হই”। ধর্ম্মরাজ যুধিষ্ঠির শোকাকুল ব্রাহ্মণ-
 গণের বাক্যশ্রবণে ও পৌরগণের ছুঃখদ-
 র্শনে ছুঃখিত হইয়া ক্ষণকাল মনে মনে
 চিন্তা করিয়া ক্লিষ্টলেন, নরপতি ধৃতরাষ্ট্র
 আমাদিগের পিতৃভুল্য; তিনি যাহা আজ্ঞা
 করিয়াছেন, তাহা অশঙ্কচিত্তে প্রতী-
 পালন করা আমাদিগের অবশ্য কর্তব্য।
 আপনারা আমাদিগের পরম সুহৃৎ, এ-
 ক্ষণে আমাদিগকে আশীর্বাদ করিয়া য য

গৃহে প্রতিনিবৃত্ত হউন; কার্য্যকাল উপ-
 স্থিত হইলে আমাদের প্রিয় ও হিতসা-
 ধন করিবেন। তাঁহারা যুধিষ্ঠিরের বাক্য
 শ্রবণানন্তর তথাস্ত বলিয়া পাণ্ডবগণকে
 প্রদক্ষিণ-পূর্বক আশীর্বাদ করিয়া হস্তিনা-
 ত্তিমুখে গমন করিতে লাগিলেন। পৌরগণ
 প্রতিনিবৃত্ত হইলে সূচতুর, ধৃতরাষ্ট্রের কৌ-
 শলজ্ঞ, সর্বধর্ম্মবিৎ, ও প্রাজ্ঞ বিছুর সঙ্কেত
 দ্বারা পাণ্ডবশ্রেষ্ঠ ধর্ম্মরাজ যুধিষ্ঠিরের নিকটে
 ছুর্যোধনরূত মন্ত্রণার মর্ম্মোদ্ঘাটন-পূর্বক
 এই প্রকার কহিতে লাগিলেন, “যে ব্যক্তি
 নীতিশাস্ত্রানুসারিণী পরমতির অভিজ্ঞ হয়,
 তাঁহার উচিত এই যে, যাহাতে আপদ্ হ-
 ইতে নিস্তার পাওয়া যায়, সর্বদা একপ
 চেষ্টা করেন। তুণরাশির মধ্যে বিবর খনন
 করিয়া অবস্থিতি করিলে তুণদাহক ও শৈ-
 ত্যনাশক ছতাশন কখনই দক্ষ করিতে
 পারে না, যে ব্যক্তি ইহা জানে সে আ-
 স্রক্ষা করিতে পারে। শক্রদিগের কুম-
 ত্রণারূপ অস্ত্র লৌহনির্ম্মিত নহে, অথচ শরীর
 ছেদন করে; যিনি ইহা জানেন, শক্র-
 বর্গ তাঁহাকে কখনই নষ্ট করিতে পারে
 না। যে ব্যক্তি অন্ধ সে পথ বা দিক্‌নির্গম
 করিতে পারে না, ও অধীর লোকের বু-
 দ্ধিষ্টের্য্য থাকে না, আমি এই কথা মাত্র
 বলিলাম, বুঝিয়া লও। সর্বদা ভ্রমণ করিলে
 পথ জানিতে পারা যায়, নক্ষত্রদ্বারা দিক্‌নি-
 র্গম হইতে পারে, এবং যে ব্যক্তি আপনার
 পক্ষেন্দ্রিয় বশীভূত রাখিতে পারে, সে অব-
 সম হয় না।

ধর্ম্মরাজ যুধিষ্ঠির, স্তুবিদ্বান্ বিছুরের
 এই কথা শুনিয়া “বুঝিলাম” এই মাত্র
 উত্তর প্রদান করিলেন। মহাত্মা বিছুর এই-
 রূপে যুধিষ্ঠিরকে উপদেশ প্রদান করিয়া পাণ্ড-
 বগণের অনুজ্ঞা গ্রহণ-পূর্বক সবিবাদচিত্তে
 নিজ গৃহে গমন করিলেন। পরে ভীষ্ম,
 বিছুর ও পুরবাসিগণ প্রতিনিবৃত্ত হইলে

পর, কুন্তী যুধিষ্ঠিরের সন্নিকটে গমন করিয়া কহিলেন, বৎস! কস্তা জনতামধ্যে গোপনীয়ভাবে তোমাকে যাহা কহিলেন, এবং তুমি ও তাঁহাকে “বুঝিলাম” বলিয়া উত্তর প্রদান করিলে, কিন্তু আমরা ত তাহার কিছুমাত্র বুঝিতে পারিলাম না; যদি উহা প্রকাশ করিলে কোন হানি না হয়, তবে আমাদিগকে সবিস্তর প্রকাশ করিয়া বল, শুনিত্তে নিতান্ত বাসনা হইতেছে। যুধিষ্ঠির মাতার কচন শ্রবণানন্তর অতি বিনীত বচনে কহিলেন, মাতঃ! বিচুর আমাকে কহিলেন যে, দুর্যোধন তোমাদিগকে দক্ষ করিবার মানসে জতুগৃহ নির্মাণ করিয়াছে, তোমরা অত্যন্ত সাবধানে বিচরণ করিবে, সমুদায় পথ উত্তম রূপে চিনিয়া রাখিবে ও সর্বদা জিতেন্দ্রিয় হইয়া থাকিবে, তাহা হইলেই অচিরাৎ রাজ্য লাভ করিতে পারিবে। আমি তাঁহার ঐ উপদেশবাক্য শ্রবণানন্তর, বুঝিয়াছি বলিয়া তাঁহাকে বিদায় করিলাম। হে নৃপতিসন্তম জনমেজয়! তদনন্তর মাতৃসমবেত পাণ্ডবগণ ফাল্গুনমাসীয় অষ্টম দিবসে রোহিণী নক্ষত্রে বারণাবত নগরে সমুভীর্ণ হইলেন।

ষট্ চত্বারিংশদধিক শততম অধ্যায়।

বৈশম্পায়ন কহিলেন, অনন্তর বারণাবতবাসী প্রজারা পাণ্ডুপুত্রগণের শুভাগমনবার্তা শ্রবণে পরমশ্রীত হইয়া দর্শনমানসে হস্ত্যশ্রথ-প্রভৃতি নানা যানে আরোহণ করিয়া আগমন করিতে লাগিল। ক্রমে সকলে রাজকুমারদিগের নিকটে উপস্থিত হইয়া জয়াশীর্ষাদ প্রয়োগ-পুরঃসর তাঁহাদের চতুর্দিকে দণ্ডায়মান হইল। নরশ্রেষ্ঠ ধর্মরাজ যুধিষ্ঠির বারণাবতবাসী জনগণে পরিবৃত হইয়া অমরসমাজ-মধ্যবর্তী সুররাজের ন্যায় শোভা পাইতে লাগিলেন। পৌরবর্গ পাণ্ডবগণের সমুচিত সম্মান ও সৎকার করিল। তাঁহারাও তাহাদিগকে য-

থোচিত ক্রিয়-সম্ভাষণে পরিভূত “কারুণ্য পরম রমণীয় জনাকীর্ণ বারণাবত নগরে প্রবেশ করিলেন। পুর-প্রবেশানন্তর তাঁহারা প্রথমতঃ স্বকার্য্য-নিরত ব্রাহ্মণগণের নিকেতনে, পরে নগরাধিকারিদিগের ভবনে, তৎপরে রথিদিগের নিলয়ে, পরিশেষে বৈশ্য ও শূদ্রগণের গৃহে গমন করিলেন। তাঁহারা সকলেই পাণ্ডবগণকে যথোচিত সমাদর-পুরঃসর পূজা করিলেন। তখন মাতৃসমবেত পাণ্ডুনন্দনগণ পুরোচন-সমভিব্যাহারে বাসোপযোগী নির্দিষ্ট সুরম্য হস্ত্যে গমন করিলেন। পুরোচন তাঁহাদিগকে অভ্যুৎকৃষ্ট ভক্ষ্য, পেয়, আসন ও শয্যা-প্রভৃতি সমুদায় রাজভোগ্য দ্রব্য প্রদান করিল। এইরূপে পুরোচনকর্তৃক সংকৃত হইয়া সমাতৃক পাণ্ডবগণ দশ দিন তথায় বাস করিলেন। পৌরবর্গ প্রত্যহ তাঁহাদিগকে উপাসনা এবং পরিচর্য্যায় শ্রীত ও প্রসন্ন করিল।

একাদশ দিনে পাপাত্মা পুরোচন স্বীয় অভিপ্রায় সিদ্ধ করিবার মানসে কৌতুকোৎপাদন করিয়া পাণ্ডবগণকে স্থনির্মিত জতুগৃহে লইয়া তথায় বাস করিবার অনুরোধ করিল। ঐ অশিব-বিধায়ক গৃহের নাম শিব রাখিয়া ছিল। মাতৃসমভিব্যাহারী পাণ্ডবগণ পুরোচনের বচনানুসারে উহার মধ্যে প্রবেশ করিলেন। ধর্মাত্মা যুধিষ্ঠির গৃহ-প্রবেশপূর্ব্বক ভীমসেনকে সন্মোদন করিয়া কহিলেন, দেখ তাই! এই গৃহ ঘৃত ও জতুমিশ্রিত বসাগন্ধে পরিপূর্ণ; আমার স্পষ্ট বোধ হইতেছে, ইহা আগ্নেয়। গৃহনির্মাণ-দক্ষ বিপক্ষের পক্ষে বিশ্বস্ত শিপিগণ শণ, সর্জরস এবং ঘৃতাক্ত মুগ্ধ, বলজ ও বংশ-প্রভৃতি উপাদানে ইহা নির্মাণ করিয়াছে। দুর্যোধন-বশবর্তী চুরাত্মা পুরোচন ভুক্তিকর ব্যবহার দ্বারা বিশ্বাস জন্মাইয়া দক্ষ করিবার বাসনায় আমাদিগকে এই বিষম আগ্নেয় গৃহে আনয়ন করিয়াছে। অসাধারণ-ধীশক্তি-

সম্পন্ন পিতৃব্য বিছুর শক্রগণের আকরে-
ক্রিত দ্বারা তাহাদের দুর্ভাগ্যসিদ্ধি বুকি-
তে পারিয়াছিলেন।

ভীমসেন যুধিষ্ঠিরের বাক্য শ্রবণ করিয়া
কহিলেন, মহাশয়! যদি এই গৃহ আশ্রয়
বলিয়া স্পষ্ট বোধ হইয়া থাকে, তবে আ-
মুন, আমরা যেখানে ছিলাম, এক্ষণে সেই
স্থানেই গমন করিয়া বাস করি। যুধিষ্ঠির
কহিলেন, ভ্রাতঃ! উত্তমরূপ বিবেচনা করিয়া
দেখিলে আমাদের এই খানেই বাস করা
কর্তব্য, কিন্তু আমরা অব্যক্তাকার ও অপ্র-
মত্ত হইয়া এস্থান হইতে পলায়ন করিবার
নিমিত্ত সর্বদা যত্নবান থাকিব; নচেৎ যদি
পুরোচন অনুপরিমাণেও আমাদের ইচ্ছিত
বুকিতে পারে, তাহা হইলে অতি শীঘ্রই আ-
মাদিগকে তস্মসাৎ করিবে। ঐ পাপাত্মা,
পাপিষ্ঠ দুর্গোপধমের বশবর্তী; ও কি অধর্ম,
কি লোক বিন্দা, কি ছুতেই ভীত নহে। হে
বৃকোদর! দেখ এই শক্রনির্মিত জতুগৃহ
দক্ষ হইলে পর পিতামহ, ভীষ্ম ও অন্যান্য
কুরুবংশীয় মহাত্মারা, “এই অধর্ম অস্বর্গ্য
কর্ম কে করিল? এবং কি নিমিত্তই বা এ-
ঘটনা ঘটিল” বলিয়া অবশ্যই সাতিশয় ক্রো-
ধান্বিত হইবেন; কিন্তু যদি আমরা দাহভয়ে
ভীত হইয়া এস্থান পরিত্যাগ করিয়া হস্তি-
নাপুরে পুনর্বার প্রস্থান করি, তাহা হইলে
রাজ্যলুক ছুরাঙ্গা চুর্যোধন বলপূর্বক আ-
মাদিগকে সংহার করিবে, সন্দেহ নাই। এ-
ক্ষণে সেই ছুরাঙ্গা পদস্থ, আমরা অপদস্থ;
সে সহায়বান্, আমরা অসহায়; সে ধনবান্,
অমরা নির্ধন; সে মনে করিলেই কোন না
কোন উপায় দ্বারা আমাদিগকে বধ করিতে
পারিবে; অতএব আমরা ছুরাঙ্গা চুর্যোধন
ও পুরোচনকে বঞ্চনা করিয়া, এস্থান হইতে
গোপনীয়ভাবে পলায়ন করিয়া প্রচ্ছন্নরূপে
ইতস্ততঃ বাস করিব। সম্প্রতি যুগযুদ্ধে
নাশন দেশ ভ্রমণ করিলে পলায়নকালে কোন

পথই আমাদের অবিদিত থাকিবে না।
আমরা অদ্যাবধি এই গৃহমধ্যে এক গহ্বর
প্রস্তুত করিয়া তন্মধ্যে গুটোচ্ছাস হইয়া বাস
করিব, তথায় প্রদীপ্ত ছতাশন কখনই আ-
মাদিগকে স্পর্শ করিতে পারিবে না। ঐ
গর্ভমধ্যে একপ গোপনীয়ভাবে আমাদি-
গকে থাকিতে হইবে, যেন পাপাত্মা পুরো-
চন বা অত্রস্থ অন্য কেহ জানিতে না পারে।

সপ্তচত্বারিংশদধিক শততম অধ্যায়।

বৈশম্পায়ন কহিলেন, হে রাজন্! ইতি-
মধ্যে এক দিবস বিছুরের সখা এক জন
খনক পাণ্ডবগণের নিকটে সমুপস্থিত হইয়া
নিষ্কর্ণনে নিবেদন করিল, হে মহাত্মগণ!
আমি খমক, পরম হিতৈষী বিছুর প্রাণপণে
পাণ্ডবগণের প্রিয় কার্য্য অনুষ্ঠান ও হিত
সাধন করিতে আমাকে এস্থানে পাঠাইয়া-
ছেন, এক্ষণে অনুমতি করুন, আপনাদের কি
প্রিয় অনুষ্ঠান করিব? ছুরাঙ্গাপুরোচন কুরুপ-
ক্ষীয় চতুর্দশীতে রজনীযোগে গৃহদ্বারে অগ্নি
প্রদান করিবে। দুর্মতি চুর্যোধন আপনা-
দিগকে মাতৃসমভিব্যাহারে দক্ষ করিবার মা-
নসৈ পুরোচনকে কুমন্ত্রণা প্রদান করিয়াছে।
আমার কথার বিশ্বাস জন্মাইবার জন্য
আপনাকে মহাত্মা বিছুর এই কথা কহিতে
বলিয়াছেন, যে “তিনি আগমনকালে
মোচ্ছভাষায় আপনাকে কিছু বলিয়াছিলেন,
আপনিও বুলিলাম বলিয়া তাহাকে উত্তর
দিয়াছিলেন।”

সত্যপুরায়ণ বৃন্দীন্দ্রন যুধিষ্ঠির খন-
কের বাক্য শ্রবণ করিয়া তাহাকে কহিলেন,
সৌম্য! আমি তোমাকে দেখিয়াই দৃঢ়-
ভক্তিশালী, বিশুদ্ধাস্তঃকরণ, মহাত্মা বি-
ছুরের প্রিয় বন্ধু বলিয়া বুকিতে পারিয়াছি।
তিনি সর্বজ্ঞ; সর্বজ্ঞ ব্যক্তির কিছুই অবি-
জ্ঞাত থাকে না। তুমি বিছুরের ন্যায় আ-
মাদেরও পরম সুহৃৎ; সেই ধর্মাত্মা বিছুর
যেমন আমাদিগকে রক্ষা করেন, সেইরূপ

তুমিও আমাদের রক্ষা কর। ছুরাঙ্গা পুরোচন দুর্ঘ্যোধনের আদেশানুসারে আমাদেরিগকে দক্ষ করিবার জন্য এই আশ্রয়ে গৃহ নির্মাণ করিয়াছে। দুর্ঘ্যোধন ধনবান্ ও সহায়বান্ ; সে চিরকাল আমাদেরিগের হিংসা করে; আমরা নিহত হইলেই তাহার মনোবাঞ্ছা পরিপূর্ণ হয়। তুমি অনুগ্রহ করিয়া এই দারুণ অগ্নিভয় হইতে আমাদেরিগকে পরিত্রাণ কর। ছুরাঙ্গা দুর্ঘ্যোধন এই জুতুগৃহের রক্ষামধ্যে অস্ত্রশস্ত্র একপ কৌশলে রাখিয়াছে, যে আমরা এই গৃহে থাকিয়া কোন ক্রমে অগ্নিহইতে যদিও মুক্ত হইতে পারি, অস্ত্র হইতে কোন মতেই পরিত্রাণ পাইতে পারিব না। ধর্মশীল বিদুর দুর্ঘ্যোধনের এই কুমন্ত্রণা জানিতে পারিয়া সঙ্কটে আমার নিকটে ব্যক্ত করিয়াছিলেম। হে সৌম্য! এক্ষণে আমরা এই বিপদগ্রস্ত হইয়াছি; তুমি পুরোচনের অজ্ঞাতসারে এই আপদ হইতে আমাদেরিগকে উদ্ধার কর।

খনক যুধিষ্ঠিরের বচনান্তে তথাস্ত্ব বলিয়া স্বীকার করিয়া বহু যত্ন সহকারে পরিখা খননকালে সেই গৃহের মধ্যে এক মহাগর্ভ প্রস্তুত করিল। গর্ভ প্রস্তুত হইলে পর পাছে পুরোচন উহা বুঝিতে পারে, এই ভয়ে কবাটদ্বারা উহার মুখ রুদ্ধ করিয়া তাহার উপরিভাগে মৃত্তিকা দিয়া একপ সমতল করিয়া রাখিয়াছিল যে, সহসা সন্দর্শন করিলে উহার নিম্ন ভাগে গর্ভ আছে বলিয়া বুঝিতে পারা নিতান্ত দুঃসাধ্য।

পাণ্ডবগণ পুরোচনকে বধনা করিবার মানসে বিশ্বস্তের ন্যায় দিবাভাগে মৃগয়া-কালে ইতস্ততঃ ভ্রমণ করিতেন, রজনীঘোঁসে খনককৃত গহ্বরে শয়ন করিয়া শঙ্কিতচিত্তে সর্বদা অপ্রমত্ত হইয়া কাল যাপন করিতেন। পাণ্ডবগণের ঐ গোপনীয় ব্যাপার বিদুরের পরম স্নেহে সেই খনকসত্তম ব্যতীত অন্য কেহই জানিতে পারে নাই।

অষ্টচত্বারিংশদধিক শততম অধ্যায়।
বৈশম্পায়ন কহিলেন, পাণ্ডবগণের বারণাবত নগরে সপ্তমসর পূর্ণ হইলে, দুর্ঘ্যোধন পুরোচন তাঁহাদিগকে একান্ত বিশ্বস্ত জ্ঞান করিয়া মনে মনে পরম সন্তুষ্ট হইল। ধর্মাত্মা যুধিষ্ঠির তাহাকে পরিতুষ্ট দেখিয়া স্বীয় ভ্রাতৃচতুষ্টয়কে সম্বোধন করিয়া কহিলেন, হে ভ্রাতৃগণ! পাণ্ডব পুরোচন আমাদেরিগকে বিশ্বস্ত জ্ঞান করিয়াছে; আমরা কপট ব্যবহার দ্বারা ছুরাঙ্গাকে বঞ্চিত করিয়াছি; সম্প্রতি আমাদের পলায়নের সময় উপস্থিত হইয়াছে; অদ্য আশ্রুধাণ্ডারে অগ্নি প্রদানপূর্বক পুরোচনকে ভস্মসাৎ করিয়া ছয় জনকে এখানে রাখিয়া অলঙ্কিতরূপে পলায়ন করিব।

বৈশম্পায়ন কহিলেন, যেদিন যুধিষ্ঠির ভ্রাতৃগণের সহিত এই পরামর্শ করেন, সেই দিবস রাত্রিকালে ভোজরাজনন্দিনী দানপ্রসঙ্গে ব্রাহ্মণদিগকে ভোজন করান, স্ত্রীলোকেরাও তথায় উপস্থিত হয়। তাহারা ইতস্ততঃ বিচরণপূর্বক অভিমত পানভোজন সমাধান করিয়া কুন্তীর নিকটে বিদায় লইয়া স্ব স্ব নিকেতনে প্রতিগমন করিল। কুধাতুরা এক নিষাদী কালপ্রেরিত হইয়া অম্ললাভ-প্রত্যাশায় পঞ্চ পুত্র সমভিব্যাহারে তথায় উপস্থিত হইয়াছিল। কুন্তীভোজ্য ছুহিতা দয়ার্জচিত্তে উত্তমরূপে তাহাদিগকে পানভোজন করাইলেন। নিষাদী পুত্রগণ সমভিব্যাহারে প্রচুরপরিমাণে মদ্য পান করিয়া হতজ্ঞান ও মৃতকম্প হইয়া সেই স্থানেই অবস্থান করিল। এদিকে ক্রমে রজনী অধিকা হইল; নগরস্থ সমস্ত লোক নিদ্রায় অভিভূত; তৎকালে ভগবান্ সমীরণ নিরপরাধ পাণ্ডবগণের প্রতি সদয় হইয়াই যেন তাঁহাদের সাহায্য করিবার মানসে প্রবল বেগে বহিতে লাগিলেন। ঐ সময়ে মহাবল পরাক্রান্ত ভীমসেন উত্তম সুর্যোগ বুঝিতে পারিয়া

অগ্নে পুরোচনের গৃহে, পরে জতুগৃহের দ্বারে, তৎপরে সেই বাটীর চতুর্দিকে অগ্নি প্রদান করিয়া যখন বুঝিতে পারিলেন, যে অগ্নি সর্বতঃ প্রদীপ্ত হইয়াছে, তখন ভ্রাতৃগণ ও মাতার সহিত খনকনির্মিত গহ্বরমধ্যে প্রবেশ করিলেন । ক্রমে অগ্নির উত্তাপ ও শব্দ প্রবল হইয়া উঠিল । হতাশনের উগ্র তাপ ও কঠোর শব্দপ্রভাবে পৌরগণ জাগরিত হইল । তাহারা পাণ্ডবগণের আবাস দক্ষ হইতেছে দেখিয়া, সাতিশয় দুঃখিত হইয়া পরস্পর কহিতে লাগিল, দেখ ! ছুরায়া পুরোচন, পাণ্ডবদেবী কুরুকুলকলঙ্ক পাপায়া দুর্ঘোষনের আদেশানুসারে নিরপরাধ সুবিশ্বস্ত সমাতৃক পাণ্ডবগণকে দক্ষ করিবার মানসে এই গৃহ নিৰ্মাণ করিয়াছিল; এক্ষণে ইহাতে অগ্নি প্রদান করিয়া স্বীয় মনস্কামনা সিদ্ধ করিল। ধর্মের কি অনির্কচনীয় মহিমা ! ছুরায়া আপনিও এই প্রদীপ্ত হতাশনে দক্ষ হইয়াছে; পাপায়া ধতরাষ্ট্রকে দিক, উহার কি দুর্বুদ্ধি ! ঐ ছুরায়া পরমাত্মীয় স্বীয় ভ্রাতৃগণকে শত্রুর ন্যায় অনারাসে দক্ষ করাইল । বারণাবতনগরস্থ লোকগণ দহমান জতুগৃহের চতুর্দিক পরিবেষ্টন করিয়া এইরূপে বিলাপ ও পরিতাপ করিতে লাগিল ।

এদিকে মাতৃসমবেত পাণ্ডবেরা গর্ভদিয়া অতিক্রমে বহির্গত হইয়া দ্রুত বেগে পলায়ন করিতে লাগিলেন । একে রজনীজাগরণ তাহাতে আবার গৃহদাহভয় । ভীম ব্যতীত সকলেই দ্রুতগমনে অসক্ত হইয়া পদে পদে স্থলিত হইতে লাগিলেন । তখন মহাবলপরাক্রান্ত বৃকোদর মাতাকে স্কন্ধদেশে, নকুল ও সহদেবকে ক্রোড়ে করিয়া লইলেন এবং যুধিষ্ঠির ও অর্জুনকে হস্তদ্বয়ে ধরিয়া বায়ুবেগে গমন করিতে লাগিলেন । তাঁহার বন্ধের আঘাতে বনরাজি ও তরুগণ ভগ্ন ও পদাঘাতে ধরাতল বিদীর্ণ হইতে লাগিল ।

উনপঞ্চাশদধিক শততম অধ্যায় ।

বৈশম্পায়ন কহিলেন, হে ভরতকুল-প্র-
 ● ! পাণ্ডবগণ বারণাবতনগর হইতে বনে পলায়ন করিলে, মহাত্মা বিদুর এক জন সুবিশ্বস্ত পুরুষকে তাঁহাদের নিকটে পাঠাইয়া দিলেন । সেব্যক্তি তাঁহাদের অনুসরণ করিতে করিতে দেখিল যে, মাতৃসমবেত পাণ্ডবগণ নদীকূলে দণ্ডায়মান হইয়া উহার জল পরিমাণ করিতেছেন । অলৌকিক-ধী-শক্তিসম্পন্ন মহাত্মা বিদুর অগ্রেই ছুরায়া দুর্ঘোষনের দুর্ঘট চেষ্টিত বুঝিতে পারেন, পরে তাঁহার চরও তাহা বুঝিতে পারে, একারণ সে প্রিয় হয়; কিন্তু বিদুর তাহাকেই পাণ্ডবদিগের নিকটে পাঠাইয়া দিলেন । সে ব্যক্তি পবিত্র ভাগীরথাকূলে মনোমারুতগামিনী চন্দ্রপতাকাশালিনী বাতসহা নৌকা লইয়া পাণ্ডবদিগের নিকটে উপস্থিত করিল এবং তাঁহাদের বারণাবতে আসিবার সময়ে বিদুর যাহা বলিয়া দিয়াছিলেন, সেই সাক্ষেতিক বাক্যে প্রতীতি জন্মাইয়া কহিল, হে মহাত্মন ! সর্কার্থবেত্তা মহাত্মা বিদুর তোমাদিগকে কহিয়া দিয়াছেন, যে তোমরা কর্ণ, ভ্রাতৃগণ সমবেত দুর্ঘোষন ও শকুনিকে সংগ্রামে পরাজয় করিবে । হে মহাত্মন ! এক্ষণে এই তরঙ্গসহা সুখগামিনী তরণী উপস্থিত, ইহার দ্বারা আপনারা নিঃসন্দেহ এই সমস্ত দেশ অতিক্রম করিতে পারিবেন ।

অনন্তর নাবিক মাতৃসমবেত পাণ্ডব-
 ন্দনগণকে সাতিশয় ব্যথিত দেখিয়া তাঁহাদিগকে নৌকায় আরোহণ করাইয়া নৌকা বাহিয়া চলিল । গমনকালে নাবিক কহিল, মহাত্মা বিদুর উদ্দেশে আপনাদিগকে আলিঙ্গন ও মস্তকাত্মাণ করিয়া কহিয়াছেন, যে গমনকালে পথে যেন কোন বিপদ না ঘটে । বিদুরপ্রেষিত নাবিক এই কথা বলিয়া তাঁহাদিগকে নির্ঝিলে ভাগীরথীর অপর পারে উত্তীর্ণ করিয়া জয়াশীর্বাদ প্রয়ো-

গপুরঃসর বিদায় প্রার্থনা করিল। তখন পাণ্ডবগণ বিছুরকে আপনাদিগের প্রণাম জানাইতে কহিয়া নাবিককে বিদায় দিলেন। নাবিক স্বস্থানে প্রস্থান করিল, পাণ্ডবগণও মাতৃ-সমভিব্যাহারে অতি স্নহরে তথা হইতে গমন করিতে লাগিলেন।

পঞ্চাশদধিক শততম অধ্যায়।

বৈশম্পায়ন কহিলেন, রজনী প্রভাত হইলে পৌরগণ পাণ্ডু নন্দনদিগকে দেখিবার নিমিত্ত তথায় আগমন করিয়া অগ্নি নির্বাণানস্তর দেখিল যে, জতুগৃহ দগ্ধ হইয়াছে, এবং অমাত্য পুরোচন ভস্মসাৎ হইয়াছে। তখন তাহারা যৎপরোনাস্তি শোকার্ত হইয়া রোদন করিতে করিতে কহিতে লাগিল “হায়! পাপকর্মা চুর্যোধনই পাণ্ডবগণকে বিনাশ করিবার নিমিত্ত এই গর্হিত কার্য্য করিয়াছে। এই কৰ্ম্ম অবশ্যই ধৃতরাষ্ট্রের জ্ঞাতসারে হইয়াছে। তিনিও স্বীয় পুত্রকে এই গর্হিতানুষ্ঠান হইতে নিবৃত্ত করেন নাই, মহাত্মা ভীষ্ম, দ্রোণ, বিছুর ও রুপই হারাই বা কি বলিয়া এই নৃশংস কার্য্যানুষ্ঠানে অনুমোদন করিলেন। যাহা হউক আইস আমরা ছুরাচার ধৃতরাষ্ট্রের নিকট “তোমার মনস্কামনা সিদ্ধ হইয়াছে, তুমি পাণ্ডবগণকে দগ্ধ করিয়াছ” বলিয়া সংবাদ পাঠাই।

তদনস্তর পৌরগণ পাণ্ডবগণের অব্বেষণার্থে অগ্নি নির্বাণ করিতে করিতে ভস্মীভূত নিরপরাধ নিষাদী ও তাহার পঞ্চ পুত্রকে দেখিতে পাইলেন; তাহারা উহাদিগকেই পঞ্চ পুত্র সমবেত কুন্তী বলিয়া স্থির করিল। খনক জতুগৃহ পরিষ্কার করিবার ছলে অরুত গহ্বর পাংশুদ্বারা একপ পুরাইয়া দিল যে, কেহই উহারবিন্দুবিসর্গমাত্রও অনুসন্ধান পাইল না। তৎপরে পৌরগণ, গৃহদাহে মাতৃসমবেত পাণ্ডবগণ ও অমাত্য পুরোচন দগ্ধ হইয়াছে, এই সংবাদ ধৃতরা-

ষ্ট্রের নমীপে পাঠাইল। মহারাজ ধৃতরাষ্ট্র পাণ্ডবগণের বিনাশ বার্তা শ্রবণে সাতিশয় চুঃখিত হইয়া বিলাপ করিতে করিতে কহিলেন “হায়! মাতৃসমবেত যুধিষ্ঠিরা-দি বীরগণ বিনষ্ট হওয়াতে এত দিনের পর আমার ভ্রাতা পাণ্ডু যুত হইলেন। মদীয় অধিকৃত পুরুষেরা অতি দুরায় বারণাবত নগরে গমন করিয়া পাণ্ডবদিগের ও কুন্তী-রাজপুত্রী কুন্তীর সংকার করুক এবং তাঁহাদিগের স্বর্গার্থে তথায় বৃহৎ বৃহৎ কৃত্রিম নদী প্রস্তুত করুক। আর যাহারা এই স্থানে মরিয়াছে তাহাদের স্মৃৎস্বর্গও তথায় গমন করুক। যাহা হইবার হইয়া গিয়াছে এক্ষণে ধনবায় দ্বারা কুন্তী ও পাণ্ডবগণের পারিত্রিক হিতসাধন যতদূর হইতে পারে তাহাতে যেন কোন প্রকারে ক্রটি না হয়।”

অশ্বিকানন্দন ধৃতরাষ্ট্র এইরূপ পরিদেবনানস্তর জ্ঞাতিবর্গ সমভিব্যাহারে সমাভূক পাণ্ডুনন্দনগণের উদকক্রিয়া সম্পন্ন করিলেন। সকলেই শোকপরবশ হইয়া রোদন করিতে লাগিলেন। কেহ কেহ হা যুধিষ্ঠির! হা ভীষ্মেন! হা অর্জুন! হা নকুল! হা মহদেব! এবং হা কুন্তী! বলিয়া শোক করিতে লাগিল। এইরূপে সমস্ত পৌরবর্গ পাণ্ডবগণের নাম করিয়া যৎপরোনাস্তি অনুতাপ করিতে লাগিল। কেবল সর্ব্বরক্তান্তজ বিছুর লোক প্রত্যয়ের নিমিত্ত অতি অপমাত্র কৃত্রিম শোক প্রকাশ করিলেন।

এদিকে পাণ্ডবগণ মাতৃসমভিব্যাহারে রজনীষোণে বারণাবতনগর হইতে বহির্গমনানস্তর নৌকারোহণ পূর্ব্বক নাবিকগণের ভূজবল, নদীর শ্রোতোবেগ ও বায়ুর অনুকূলতাবশতঃ অতি দুরায় গঙ্গা পার হইলেন। পরে নক্ষত্রদ্বারা দিগ্ভিকরণ করিয়া স্থলপথে ক্রমাগত দক্ষিণ দিকে গমন করিতে লাগিলেন। তাঁহারা পশ্চিমধ্যে এক মহারণ্যে প্রবেশ করিয়া একান্ত পরিশ্রান্ত ও মিতান্ত

পিপাসার্ত্ত এবং নিদ্রাক্ত হইয়া ভীমসেনকে কহিলেন, দেখ এই নিবিড় অরণ্যানীমধ্যে আমাদের সাতিশয় কষ্ট হইতেছে ; আমরা কোন প্রকারেই দিগ্ভির্গয় করিতে পারিতেছি না ; চলিতে নিতান্ত অসমর্থ হইতেছি, সেই ছুরাঙ্গা পুরোচন দক্ষ হইয়াছে কিনা তাহাও জানিতে পারিলাম না, এক্ষণে কিরূপে এই বিষম ভয় হইতে বিমুক্ত হই। তুমি আমাদের সৰ্ব্বাপেক্ষা বলবান্, অতএব তুমিই পূৰ্ব্বের ন্যায় আমাদিগকে লইয়া চল। মহাবল পরাক্রান্ত ভীমসেন, ধৰ্ম্মরাজ যুধিষ্ঠিরের বাক্যে স্বীয় জননী কুন্তী ও ভ্রাতৃগণকে পূৰ্ব্বের ন্যায় লইয়া বায়ুবেগে গমন করিতে লাগিলেন।

একপঞ্চাশদধিক শততম অধ্যায়।

মহাবল পরাক্রান্ত ভীমসেনের গমন কালে তদীয় উরুবেগে বনস্থ বৃক্ষসকল শাখা প্রশাখার সহিত কম্পমান হইতে লাগিল। তাঁহার জজ্ঞাপবনে পার্শ্বস্থ বৃক্ষ ও লতাসকল ভূতলশায়ী হইল, তিনি সমীপস্থ কল পুস্পাবনত বৃক্ষসমুদায় ভগ্ন করত গমন করিয়া ক্রোধান্বিত তেজস্বী মদস্রাবী ষষ্ঠিবর্ষবয়স্ক মাতঙ্গের ন্যায় শোভা পাইতে লাগিলেন। অন্যান্য পাণ্ডবগণ ভীমের গমনবেগ সহ করিতে না পারিয়া মুচ্ছিত প্রায় হইলেন। ভীমসেন উন্নত ও বিষম প্রদেশে স্বীয় জননী কুন্তীকে অতি সাবধানে পৃষ্ঠে করিয়া বহন করিতে লাগিলেন। এইরূপে তাঁহার অতিকষ্টে অনেক বন অতিক্রম করিয়াও ছুরাঙ্গা চুর্যোধনের ভয়ে প্রচ্ছন্নবেশে থাকিতে লাগিলেন। ক্রমে সায়ং কাল উপস্থিত হইল, ঐ সময়ে তাঁহার আর এক নিবিড় অরণ্যানীমধ্যে প্রবেশ করিলেন। ঐ অরণ্যে জল বা কোন প্রকার কলমূল কিছুই নাই। উহার চতুর্দিকে হিংস্র জন্তু ও ক্রুর পক্ষিগণ জমণ করিতেছে। ক্রমে ক্রমে ঘোরস্তর অন্ধকার সমুপস্থিত হইল, অকস্মাৎ প্রবল

বায়ুধারা বৃক্ষের কলপত্র পতিত, বৃক্ষশুল্কাদি উৎপাটিত ও অবনামিত হইয়া দশ দিক্ একে বায়ে আচ্ছন্ন হইয়া গেল।

পাণ্ডবগণ পরিশ্রান্ত, পিপাসার্ত্ত ও নিতান্ত নিদ্রাতুর হইয়া গমনে অসমর্থ হইলেন। তাঁহার। সেই আহারদ্রব্যশূন্য বনে অবস্থিতি করিলেন। তাহার পর কুন্তী নিতান্ত তৃষাতুর হইয়া স্বকীয় পুত্রদিগকে কহিলেন, হায়! আমি পাণ্ডবগণের মাতা হইয়া এবং তাঁহাদিগের মধ্যে অবস্থিতি করিয়াও পিপাসায় শুষ্ককাষ্ঠ হইলাম। ভোজরাজনন্দিনীর ঐ প্রকার কাতরোক্তি শ্রবণে মাতৃভক্তি-পরায়ণ ভীমসেনের মন কারুণ্যরসে পরিপূর্ণ হইল। তিনি কিঞ্চিৎক্ষণ বিলম্ব না করিয়া মাতা ও ভ্রাতৃচতুষ্টয়কে পূৰ্ব্ববৎ গ্রহণ করিয়া আর এক পরম রমণীয় কাননে উপস্থিত হইলেন। তথায় গিয়া এক বৃহৎ বট বৃক্ষ দেখিতে পাইলেন। তখন তিনি সেই বিপুল নাগ্ৰোধ পাদপমূলে মাতা ও ভ্রাতৃগণকে রাখিয়া তাঁহাদিগকে কহিলেন, তোমরা এই স্থানে ক্ষণেক বিশ্রাম কর, আমি জল অন্বেষণার্থে গমন করি; ঐ দেখ, জলচারী সারসগণ কলস্বরে ধনি করিতেছে। বোধ হয়, অনতিদূরেই অতিরূহৎ জলাশয় আছে। তাঁহাদিগকে এই কথা কহিয়া জ্যেষ্ঠ ভ্রাতা যুধিষ্ঠিরের অনুজ্ঞা গ্রহণপূৰ্ব্বক সারসগণের কলরবামুসারে ক্রোশদ্বয় গমন করিয়া এক মহৎ সরোবর দেখিতে পাইলেন। তখন তিনি ঐ সরোবরে অবগাহনপূৰ্ব্বক স্নান ও জলপান করণান্তর মাতা ও ভ্রাতাদিগের নিমিত্ত স্বীয় উত্তরীয় বস্ত্রে করিয়া জল গ্রহণপূৰ্ব্বক মুহূর্ত্তমধ্যে তাঁহাদের সমীপে সমাগত হইলেন। আশির্ষ্য দেখিলেন, মাতৃসমবেত ভ্রাতৃচতুষ্টয় ধরণীতলে শয়ন করিয়া নিদ্রাভিভূত হইয়াছেন।

তাঁহাদিগের সেই অবস্থা দর্শনে ভীমসেনের শোকের আর পরিমীমাংসারহিল না।

তিনি বিলাপ করিতে করিতে কহিলেন, হায়! কি কষ্ট! আমার কি ছুরদৃষ্ট! আজি ভ্রাতাদিগকে ধরাতলে নিদ্রিত দেখিতে হইল! বারণাবত নগরে দুঃখকেন্দ্র-সম্ভিত শযায় শয়ন করিয়াও যাহাদের নিদ্রা হইত না, এক্ষণে তাহারা ভূমিশযায় শয়ান হইয়া অনায়াসে সুশুপ্ত হইয়াছেন! হায়! কি পরিতাপের বিষয়! যিনি শক্রঘাতী ব-সুদেবের ভগিনী, যিনি কুশিরাজের পুত্রী, যিনি সর্ষলক্ষণসম্পন্ন, যিনি মহারাজ বিচিত্রবীর্যের স্ত্রী, যিনি মহাত্মা পাণ্ডুর পত্নী, যিনি আমাদিগের জননী, যিনি প্রফুল্ল পুণ্ড-রীকের ন্যায় প্রভাশালিনী, এবং যিনি ধর্ম, ইন্দ্র ও বায়ু হইতে এই সকল সন্তান প্রসব করিয়াছেন, অদ্য সেই সুকুমারী মহাই শয়নোচিতা কুন্তীকে ভূতলশায়িনী দেখিতে হইল! ইহা অপেক্ষা আর দুঃখের বিষয় কি আছে! যে ধর্মপরায়ণ যুধিষ্ঠির ত্রিলোকীরাজের আধিপত্য পাইতে পারেন, তিনি পরিশ্রান্ত হইয়া ভূতলে শয়ন করিয়া আছেন। নবীন জলধরের ন্যায় শ্যামলবর্ণ অলোকসামান্য অর্জুন প্রাকৃত লোকের ন্যায় ভূমি শযায় শয়ন করিয়া আছেন! ইহা কি সামান্য দুঃখের কথা! যে মাত্রীনন্দনদ্বয় অশ্বিনীতনয়ের ন্যায় রূপবান্ ইহারা প্রাকৃত মনুষ্যের ন্যায় ধরাতলে শয়ন করিয়া অনায়াসে নিদ্রা যাইতেছেন। ইহার পর আর দুঃখ কি আছে? বাহার কুলকলকস্বরূপ বিষম জাতিবর্গ নাই; সে পরম সুখে কাল যাপন করে। গ্রামে একটা মাত্র বৃক্ষ থাকিলে সে পুষ্প-কলোপশোভিত হইয়। চৈত্যা নামে খ্যাত ও সকলের পূজিত হয়। যাহাদের বলবান্ পরম ধার্মিক জাতিসকল থাকে, তাহারা নির্বিশেষে পরম সুখে বাস করে। আমাদের এমনই ছুরদৃষ্ট যে পরম সুখে ধৃতরাষ্ট্র পুত্রের পরামর্শানুসারে আমাদিগকে দক্ষ

করিবার মানসে দেশ হইতে নির্বাসিত করিয়াছে, কেবল দৈবের অনুকুলতায় এ কাল পর্য্যন্ত জীবিত আছি! দারুণ অ-গ্নিভয় হইতে পরিত্রাণ পাইয়াছি বটে, কিন্তু এক্ষণেও এই নিবিড় অরণ্যে প্রবেশ করিয়া কোন্ দিকে যাইব বা কি করিব কিছুই বুঝিতে পারিতেছিলাম। হা ছুরাঙ্গন-কুলকুলকলক দুর্ঘোষন! তুই এত দিনের পর কৃতার্থ হইলি। নিশ্চয় জানিলাম, তোর দৈব স্প্রম, তন্নিমিত্তই ধর্মাত্মা যুধিষ্ঠির কু-পিত হইয়া আমাকে আজ্ঞা প্রদান করেন না। যদি পাণ্ডবশ্রেষ্ঠ একবার ইচ্ছিতে আমাকে অনুজ্ঞা করেন, তাহা হইলে আমি অদ্যই তোমাকে অমাত্য, সহোদর, বর্গ ও শকুনি সমভিব্যাহারে শমনভবনে পাঠাই। মহাবল পরাক্রান্ত ভীমসেন কহিতে কহিতে ক্রোধে কম্পিতকলেবর হইয়া দীর্ঘ-নিশ্বাস পরিত্যাগ পূর্বক করে করে মর্দন করিতে লাগিলেন। তিনি ক্ষণকাল পরে নি-র্বাণে মুখ ছতাশনের ন্যায় ক্রমে ক্রোধশূন্য হইয়া সেই স্থানে উপবেশনপূর্বক ইতরের ন্যায় মদীতলে সুশুপ্ত মাতা ও ভ্রাতাদিগকে নিরীক্ষণ করিতে করিতে কহিলেন, বোধ হয়, এই বনের অনতিদূরেই নগর আছে। এক্ষণে ইহাদের জাগরণ সময় কিন্তু ইহারা স্বচ্ছন্দে নিদ্রা যাইতেছেন, কি করি, আমিই জাগিয়া থাকি, ইহারা নিদ্রাস্তে গা-ত্রোধান করিয়া জল পান করিবেন। এই বলিয়া ভীমসেন তথায় অপ্রমত্তভাবে জা-গরিত হইয়া রহিলেন।

জতুগৃহদাহ পর্ব সমাপ্ত ।

হিড়িম্ববধ পর্বাধ্যায় ।

দ্বিপঞ্চাশদধিক শততম অধ্যায় ।

বৈশম্পায়ন কহিলেন, হে মহারাজ! এ

বনের অনতিদূরবর্তী বিশাল এক শাল বৃক্ষ ছিল। তদুপরি মহাবলপরাক্রান্ত নরমাংসাসী হিড়িম্বনামা রাক্ষস বাস করিত। ঐ ছুরাঙ্গা অত্যন্ত ক্রুর ও জলদকালের জলধরের ন্যায় ক্লম্ববর্ণ ছিল। উহার শরীর স্তূদ্রুত, চক্ষুদ্বয় পিক্লম্ববর্ণ, মুখ অতি ভীষণ, দন্তজাল বিশাল, জজ্ঞামূল ও জঠর লয়মান, শ্মশ্রু ও শিরোরুহ তাম্ববর্ণ, ক্লম্ব প্রকাণ্ড বৃক্ষকাণ্ডসদৃশ ও কণদ্বয় রাসভ-শ্রবণোপম ছিল। রাক্ষস বৃক্ষে বসিয়া মাতৃসমবেত পাণ্ডবদিগকে নিদ্রিত দেখিতে পাইল। ছুরাঙ্গা বহুদিবসাবধি মনুষ্য শোণিত পান করে নাই, বিশেষতঃ তৎকালে সাতিশয় ক্ষুধার্ত হইয়াছিল; মনুষ্যগন্ধ আশ্রাণে ও পাণ্ডবদিগের দর্শনে যৎপরোনাস্তি পরিতুষ্ট হইল; পরে উর্দ্ধাঙ্গুলি দ্বারা শিরঃকণ্ঠিত করিতে করিতে মুখব্যাদান-পূর্বক জন্তনচ্ছলে বারংবার তাঁহাদিগকে নিরীক্ষণ করিতে লাগিল। হিড়িম্ব পাণ্ডবগণের মাংস ভক্ষণ ও রুধির পান করিবার নিমিত্ত সাতিশয় ব্যগ্র হইয়া স্বীয় ভগিনী হিড়িম্বাকে আহ্বান করিয়া কহিল, ঐ দেখ বহু দিনের পর আমার পরম ভক্ষ্যসকল স্বয়ং সমুপস্থিত হইয়াছে, উহাদিগের দর্শনে আমার জিহ্বা হইতে জল নিঃসৃত ও মুখ বিচলিত হইতেছে। অদ্য আমি বহু দিনের পর স্নকোমলমাংসযুক্ত মনুষ্যদেহে স্তূতীক্ক বিশাল দশন নিমগ্ন করিব, মনুষ্যকণ্ঠ আক্রমণ ও ধমনীচ্ছেদন পূর্বক অভিনব কবোক্ষ কেনিল রুধির পান করিয়া চরিতার্থ হইব। তুমি শীঘ্র গিয়া জান, উহারা কে? উহাদের গন্ধ আশ্রাণ করিয়া আমার পরম পরিতোষ হইতেছে। শীঘ্র যাও উহাদের সকলকে বধ করিয়া আমার নিকট আনয়ন কর। উহারা আমার অধিকারে নিদ্রিত রহিয়াছে, ভয় করিও না। যাও, ত্বরায় উহাদিগকে মারিয়া আন। আমরা দুই জনে একত্র হইয়া নরমাংস ভক্ষণে উদর পূর্ণ

ও পরম পরিতোষে তাল প্রদান-পূর্বক নৃত্য করিব।

হিড়িম্বা রাক্ষসী ভ্রাতৃব্যাক্য শ্রবণ করিয়া সত্বরে পাণ্ডবগণের সমীপে উপস্থিত হইয়া দেখিল, মাতৃসমবেত পাণ্ডব চতুষ্কয় নিদ্রিত আছেন, কেবল একাকী ভীমসেন জাগরিত হইয়া প্রহরীর কার্য্য করিতেছেন। রাক্ষসী বিশাল শাল বৃক্ষ সদৃশ মহাবল পরাক্রান্ত ভীমসেনের অলোকসামান্য রূপলাবণ্য দর্শনে সাতিশয় কামার্ভ হইয়া মনে মনে স্থির করিল যে, এই মহাবাহু, সিংহক্লম্ব, কমুগ্রীব, কমলনয়ন, সুরূপ, যুবা পুরুষকে আমি পতিত্বে বরণ করিব। আমি কখনই ভ্রাতার ক্রুর ব্যক্ত্যানুসারে কার্য্য করিব না। পতিত্বেই সোদরস্নেহ অপেক্ষা বলবান্; বিশেষতঃ আমি ইহাদিগকে বধ করিয়া ভ্রাতৃসম্মিধানে উপস্থিত করিলে মাংস ভক্ষণ ও রুধির পান দ্বারা আমার ক্ষণকাল মাত্র তৃপ্তি হইবে, কিন্তু যদি তাহা না করিয়া এই যুবা পুরুষকে পতিত্বে বরণ করি, তাহা হইলে আমি চির কাল পরম সুখভোগে কাল হরণ করিতে পারিব। কামরূপিণী হিড়িম্বা মনে মনে এইরূপ সংকল্প করিয়া মুহূর্ত্তমধ্যে দিব্যাতরণ-ভূষিতা ষোড়শবর্ষদেশীয়া কামিনীর বেশ ধারণ পূর্বক মৃদুমন্দ গমনে ভীমসেনের সম্মিধানে উপস্থিত হইল এবং লঙ্কাবনত সহায়্য বদনে, গদগদস্বরে তাঁহাকে কহিতে লাগিল, হে পুরুষ শ্রেষ্ঠ! তুমি কে? কোথা হইতে আসিয়াছ? এই যে দেবরূপা পুরুষগণ ধরাতলে শয়ান রহিয়াছেন, ইহারা তোমার কে? আর এই যে তপ্তকাক্ষনসম্মিত রূপশালিনী সুরুমারী আপনার গৃহের ন্যায় এই নির্জন বনে বিশ্বস্তচিত্তে নিদ্রা ঘাইতেছেন, ইনিই বা তোমার কে? শুনিতে ইচ্ছা করি, তোমারা কি জাননা যে এই গহনবন রাক্ষসগণের আবাসস্থান? ইহাতে হিড়িম্ব নামে এক পাপাঙ্গা রাক্ষস বাস

করে। সেই ছুরাঙ্গা আমার ভ্রাতা; সে তো-
মাদিগের মাংস ভক্ষণে ও রুধির পানে লো-
লুপ হইয়া তোমাদিগের বধ সাধনার্থ আ-
মাকে পাঠাইয়াছে। যাহা হউক, আমি
তোমার রূপসাবণ্য দর্শনে মোহিত হইয়া
তোমাকে পতিত্বে বরণ করিতে ইচ্ছা করি,
হে ধর্মাত্মন! এক্ষণে যাহা তোমার উচিত
হয় কর। আমি কামাতুরা হইয়া স্বয়ং তো-
মাকে বরণ করিবার প্রার্থনা করিতেছি, হে
মহাত্মন! বিবাহ করিয়া আমার মনো-
রথ সকল কর। হে মহাবাহো! আমি স্বীকার
করিতেছি, ছুরস্ত রাক্ষসভয় হইতে তোমাকে
পরিভ্রাণ করিব। আমি কি জল কি স্থল কি
অন্নরতল সর্বত্র ভ্রমণ করিতে পারি, তো-
মাকে লইয়া গিরিছূর্গমধ্যে বাস করিব;
তুমি আমার সহিত একত্র থাকিলে পরমা-
হ্লাদে কাল যাপন করিতে পারিবে; অতএব
অনুগ্রহ করিয়া অধীনীর মনোবাঞ্ছা পরি-
পূর্ণ কর।

মহাত্মা ভীমসেন হিড়িম্বার বাক্য শ্র-
বণ করিয়া তাহাকে কহিলেন, হে রাক্ষসি!
আমি তোমার কথায় কিরূপে এই গহন কা-
নন মধ্যে মাতা, জ্যেষ্ঠ সহোদর ও অমুজ-
গণকে পরিত্যাগ করিয়া গমন করি! মন্দিধ
লোক কি কাঁমার্ত হইয়া এই সমস্ত সুখপ্র-
সুখ মাতৃসমবেত ভ্রাতৃগণকে রাক্ষসমুখে
প্রদান করিয়া স্বচ্ছন্দে গমন করিতে পারে?
হিড়িম্বা কহিল, হে ধর্মাত্মন! তোমার যা-
হাতে প্রীতি জন্মে আমি তদমুষ্ঠানে কখনই
পরাস্থ হইব না। তুমি ইহাদিগকে জাগ-
রিত কর; আমি সকলকেই নরমাংসাদ রা-
ক্ষসের হস্ত হইতে পরিভ্রাণ করিব। ভীমসেন
কহিলেন, হে রাক্ষসি! আমি তোমার ছু-
রাত্মা ভ্রাতার ভয়ে সুখপ্রসুখ জননী ও
ভ্রাতৃগণকে কখনই প্রবোধিত করিতে পারি-
বনা। হে ভীক! কি রাক্ষস কি মানব কি
গন্ধর্ভ কেহই আমার পরাক্রম সহ্য করিতে

সমর্থ নহে, আমি কাহাকেও ভয় করি না;
অতএব তুমি এই স্থানেই থাক বা এখান
হইতে গমন করিয়া তোমার ভ্রাতাকে পা-
ঠাইয়া দাও; যাহা ইচ্ছা হয় কর, আমি স-
কল বিষয়েই সম্মত আছি, কিছুতেই কিছু-
মাত্র ক্ষতি বোধ করি না।

ত্রিপঞ্চাশদধিক শততম অধ্যায়।

বৈশম্পায়ন কহিলেন, হে রাজন্! এদিকে
উর্দ্ধকেশ, মহাবাহু, নিবিড় কাদম্বিনী তুল্য
কলেবর, লোহিত নয়ন, বিকটদশন ভয়ঙ্কর-
বদন ছুরাঙ্গা হিড়িম্ব স্বীয় ভগিনী হিড়িম্বার
বিলম্ব দেখিয়া বৃদ্ধ হইতে অবতরণপূর্বক
স্বয়ং পাণ্ডবগণসমীপে গমন করিতে লা-
গিল। হিড়িম্বা তদর্শনে সাতিশয় ভীত
হইয়া ভীমসেনকে কহিল, হে মহাত্মন! ঐ
দেখুন নরমাংস লোলুপ মদীয় সহোদর দু-
রাঙ্গা হিড়িম্ব ক্রুদ্ধ হইয়া আসিতেছে, আর
নিস্তার নাই; এক্ষণে বিনয় করিয়া কহিতেছি,
দাসীর বাক্য গ্রহণ করুন; সকলকে জাগ-
রিত করিয়া ত্বরায় আমার নিতম্বদেশে
আকট হউন, আমি আপনাদিগকে লইয়া
আকাশমার্গে উড়্‌ডীন হই। ভীমসেন কহি-
লেন, হে পৃথুশ্রেণি! কিছুমাত্র ভয় করিও
না, স্থির হও, দেখ, তোমার সমক্ষেই ছুরা-
ঙ্গাকে এখনই বধ করিব; এই একাকী রা-
ক্ষসাধমের কথা দূরে থাকুক, সমস্ত রাক্ষস-
কুল একত্র হইয়া আসিলেও আমি পরা-
জিত করিতে পারিব; আমার করিশৃণ্ডস-
ন্নিভ এই ভুজযুগল, পরিঘতুল্য এই উরুহস্ত
ও বিশাল এই বক্ষঃস্থল দর্শন কর; আর
ইন্দ্রসদৃশ মদীয় অভুল পরাক্রমও অচিরে
দেখিতে পাইবে; হে পৃথুনিতম্বিনি! মনুষ্য
বলিয়া আমাকে অবজ্ঞা করিও না। হি-
ড়িম্বা কহিল, হে দেবরূপ নরশ্রেষ্ঠ! আমি
তোমাকে অবজ্ঞা করিতেছি না; এই ছু-
রাঙ্গা সর্বদাই মানবদিগকে অনায়াসে প-
রাজয় করে; এই নিমিত্ত ভীত হইয়া তো-

মাতিগকে লইয়া পলায়নে উদ্যত হইয়া-
ছিলাম ।

রাক্ষস দূর হইতে ভীমসেনের কথাসমস্ত
শুনিতে পাইয়া ক্রোধকম্পিত-কলেবরে
অগ্রসর হইয়া দেখিল, যে হিড়িম্বা মা-
নুষীর বেশ ধারণ করিয়াছে ; তাহার বদন
পূর্ণশশিসম, কবরী পুষ্পমালায় পরিবে-
ষ্টিত, ভ্রু, চক্ষু ও কেশান্ত একান্ত মনোহর,
সর্বাঙ্গ বিচিত্রভরণ-ভূষিত ও পরিধান
সুক্ষম বস্ত্র । হিড়িম্ব তাহাকে তাদৃশভাবে পন্ন
দেখিয়া কামুকী বলিয়া নিশ্চয় বুঝিতে পা-
রিল । তখন সে পূর্বাপেক্ষা অধিকতর
ক্রোধান্বিত হইয়া বিপুল নেত্রদ্বয় বিস্ফারণ-
পূর্বক ভগিনীকে ভৎসনা করিয়া কহিতে
লাগিল, অরে বিপ্রিয়কারিণি হিড়িম্ব !
তুই আমার ভোজনে বিস্ম উৎপাদন ক-
রিতে উদ্যত হইয়াছিস্? আমার ক্রোধ কি
একবারে বিস্মৃত হইলি? রে রাক্ষসকুল-
কলঙ্কিনি পরপুরুষাভিলাষিণি অসতি!
তোকে ধিক! তুই যাহার আশ্রয়বলে
আমার এই মহৎ অপ্রিয়ানুষ্ঠান করিলি,
আমি তাহাকে তোর সমক্ষে এখনই বধ
করিতেছি । হিড়িম্ব, ভগিনীর উপর এই
প্রকার তর্জনগর্জন করিয়া রোষকষায়িত
লোচনে দৃঢ়তরুপে দশনে দশন নিস্পীড়ন-
পূর্বক পাণ্ডবগণকে বিনাশ করিতে চলিল ।

ভীমপরাক্রম ভীমসেন, রাক্ষসকে ভ-
গিনীর প্রতি ক্রুদ্ধ ও ধাবমান দেখিয়া, রে
ছুরাঙ্গন! তিষ্ঠ তিষ্ঠ বলিয়া তাহাকে
ভৎসনা করিতে লাগিলেন এবং উপহাস ক-
রিয়া কহিলেন, অরে হিড়িম্ব! তুই কি
নিমিত্ত রূথা গর্জন করিয়া এই সুখপ্রসুপ্ত
জনগণের নিদ্রা ভঙ্গ করিতেছিস? আর
কিনিমিত্তই বা স্বীয় ভগিনীকে বধ করিতে
উদ্যত হইতেছিস? ক্ষমতা থাকে আর,
আমার সঙ্গে যুদ্ধ কর । তোমার ভগিনীর
অপরাধ কি? শরীরান্তকারী অনঙ্গই অপ-

রাধী, তাহারই চূর্জয় কুমুম শরে জর্জ-
রিত হইয়া হিড়িম্বা আমাকে অভিলাষ
করিয়াছে । ইহার কিছুমাত্র অপরাধ নাই;
জানিস না, তুই স্বয়ং ইহাকে আমার নি-
কটে পাঠাইয়াছিস্, এ এখানে আগমন
করিয়াই আমার রূপলাবণ্য দর্শনে কন্দর্প-
বাণে মোহিত হইয়া যখন আমাকে পতিত্বে
বরণ করিয়াছে, তখন ও অবশ্যই আমার
রক্ষণীয় । রে রাক্ষসকুলকলঙ্ক চূটা-
ঙ্গন! তুই কি সাহসে আমি জীষিত ধা-
কিতে আমার স্ত্রীর প্রাণ নাশে উদ্যত হই-
য়াছিস্? যোগ্যতা থাকে আসিয়া আমার
সঙ্গে সংগ্রাম কর; আমি এইক্ষণেই তো-
কে শমনসদনে প্রেরণ করিব । রে নরমাংস-
লোলুপ চূর্ভুক্ত রাক্ষস! আমি আজ
তোর মস্তক চূর্ণ করিব; শ্বেন, কক্ক,
গোমায়ুপ্রভৃতি জন্তুগণ পরমাচ্ছাদ-পূর্বক
তোর ধরনীলুচিত মৃত দেহ আকর্ষণ করি-
বে । রে রাক্ষসাদম! তুই নিত্য নিত্য
নরহত্যা করাতে এই বন পাপে পরিপূর্ণ
হইয়াছে; আমি অদ্য মুহূর্ত্ত-কালমধ্যে
ইহা রাক্ষসশূন্য করিব । যেমন সিংহ মহা-
গজকে আকর্ষণ করে, সেই রূপ অদ্য তোর
ভগিনীর সমক্ষে তোকে আকর্ষণ করিব ।
রে রাক্ষসকুলাকার! অদ্য আমার হস্তে
তোর মৃত্যু হইলে অরণ্যচারী পুরুষগণ
নিঃশঙ্কচিত্তে এই বনে বিচরণ করিবে ।
হিড়িম্ব কহিল, রে নরাপসদ! তুই কেন
অকারণ গর্জন করিতেছিস্? অগ্রে স্বীয়
প্রতিজ্ঞানুরূপ কার্য্যানুষ্ঠান কর, পরে আত্ম-
জ্ঞাঘা করিস্ । আমি অপেক্ষা বলবান্
বলিয়া মনে মনে যে তোর অহঙ্কার হই-
য়াছে, অবিলম্বে তাহা চূর্ণ করিব । আমি
এই নিদ্রিত ব্যক্তিদিগকে এখন কিছুই
বলিব না । ইহারা সঙ্ঘন্দে নিদ্রা বাউক;
অগ্রে তোকে বধ করিয়া তোর রক্ত পাম
করি, পরে এই নিদ্রিতদিগকে, তৎপরে

এই অপ্রিয়কারিণী পাপীয়সী ভগিনীকে সংহার করিব।

রাক্ষস এইরূপ তর্জনগর্জন করিয়া বাহু প্রসারণপূর্বক ক্রোধভরে ভীমসেনের প্রতি ধাবমান হইল। মহাবলপরাক্রান্ত ভীম রাক্ষসকে সম্মুখাগত দেখিয়া হাসিতে হাসিতে তাহার বাহুযুগল ধারণ করিলেন, এবং যেমন সিংহ ক্ষুদ্র মৃগকে অনায়াসে টানিয়া লইয়া যায়, সেইরূপ তাহাকে সে স্থান হইতে অর্ধ মনু অন্তরে লইয়া গেলেন। রাক্ষস ভীমসেনের পরাক্রম দর্শনে সাতিশয় ক্রুদ্ধ হইয়া ভীমকে ধারণ করিয়া গর্জন করিতে লাগিল। তখন বৃকোদর জননীসমবেত নিদ্রিত ভ্রাতৃগণের নিদ্রাভঙ্গভয়ে পুনর্বার তাহাকে বলপূর্বক আকর্ষণ করিয়া অপেক্ষাকৃত দূরে লইয়া গেলেন। তদনন্তর তাঁহারা দুই জনে পরস্পর পরস্পরকে আকর্ষণ ও স্ব স্ব বিক্রম প্রকাশ করিতে লাগিলেন এবং ষষ্টিবর্ষব্যয়ক ক্রোধান্বিত মত্ত মাতঙ্গবয়ের ন্যায় রুহৎ রুহৎ রক্ষ ভঞ্জন ও লতাকর্ষণ করিতে আরম্ভ করিলেন। তাঁহাদের ভীষণ গর্জনে মাতৃসমবেত পাণ্ডবচতুষ্টয় জাগরিত হইয়া সম্মুখস্থিতা হিড়িম্বাকে দেখিতে পাইলেন।

চতুঃপঞ্চাশদধিক শততম অধ্যায়।

বৈশম্পায়ন কহিলেন, মহারাজ! এদিকে কুন্তী পুত্রচতুষ্টয়ের সহিত জাগরিত হইয়া সমীপস্থিতা হিড়িম্বার অতিমানুষ রূপ দর্শনে সাতিশয় বিস্ময়াপন্ন হইয়া সাত্ত্ববাদপূর্বক হিড়িম্বাকে সম্বোধন করিয়া সুমধুরশ্বরে জিজ্ঞাসা করিলেন, হে বরবর্গিণি! তুমি কে? কাহার পত্নী? কি নিমিত্ত এই স্থানে আসিয়াছ? হে দেবগর্ভাতে! তুমি কি এই বনের অধিষ্ঠাত্রী দেবী? কি কোম অন্তরা? আর কি জন্যই বা এখানে রহিয়াছ? সবিশেষ ব্যক্ত করিয়া বল। হিড়িম্বা কহিল, হে দেবি! এই

বে গগনস্পর্শী-বৃকরাজী-সমাকুল জননীল জলধরসদৃশ শ্যামল অবগ্যানী নিরীক্ষণ করিতেছ, ইহা রাক্ষসেন্দ্র হিড়িম্ব ও আমার আবাসস্থান। ঐ রাক্ষসরাজ আমার সহোদর; সে তোমাকে ও তোমার পুত্রদিগকে সংহার করিবার মানসে এই স্থানে আমাকে পাঠাইয়াছিল। আমি সেই ক্রুরবুদ্ধির বচনানুসারে এখানে আসিরা তপ্তকোষনসদৃশ-কলেবর, মহাবল-পরাক্রান্ত তোমার পুত্রকে নিরীক্ষণ করিলাম। হে শুভে! তাঁহাকে দেখিবামাত্র আমি সর্বভূত-চিন্তচারীভগবান কুসুমচাপের শরসঙ্কানের বশবর্তিনী হইয়া তাঁহাকে পতিভ্বে বরণ করিলাম, আমি তোমাদিগকে লইয়া এস্থান হইতে পলায়ন করিবার অনেক চেষ্টা পাইয়াছিলাম, কিন্তু তোমার পুত্র কোন মতেই আমার বাক্যে সম্মত হইলেন না! হে ভদ্রে! এ স্থানে আমার অনেক বিলম্ব হওয়াতে আমার ভ্রাতা তোমাদিগকে সংহার করিবার নিমিত্ত স্বয়ং আসিয়াছিল। এক্ষণে তোমার সেই পুত্র বলপূর্বক এস্থান হইতে তাহাকে লইয়া গিয়াছেন। ঐ দেখ, তাঁহারা দুজনে পরস্পর গর্জন ও বিক্রম প্রকাশপূর্বক যুদ্ধ করিতেছেন।

হিড়িম্বার বচন শ্রবণমাত্র মহাবীর্ঘ্য যুধিষ্ঠির, অর্জুন, নকুল ও সহদেব সঙ্করে ভীমসমীপে সমুপস্থিত হইলেন এবং দেখিলেন ভীমপরাক্রম ভীমসেন ও রাক্ষস পরস্পর জয়াশা করিয়া মহাবল-পরাক্রান্ত সিংহজয়ের ন্যায় ঘোরতর সংগ্রাম করিতেছেন। তাহাদিগের চরণাঘাতে পার্থিব-ধূলিপটল গগনমণ্ডলে সমুপস্থিত হইয়া দাবাগ্নিধূমের শোভা ধারণ করিয়াছে। তাঁহারা বসুধারেণু-পরিবীতাক হইয়া নীহারমণ্ডিত শৈলরাজবরের ন্যায় শোভা পাইতেছেন। তখন মহাবলশালী অর্জুন ভীমসেনকে রাক্ষসের যুদ্ধে ব্যাধিতপ্রায় দেখিয়া ঐবৎ হাস্য করিতে করি-

তে কহিতে লাগিলেন, হে মহাবাহু ভীমসেন !
তুমি কি এই ছুর্কৃত রাক্ষসের সহিত যুদ্ধ
করিয়া সাতিশয় পরিজ্ঞাত হইয়াছ? তব
নাই, আমি তোমার সহায়তা করিতেছি ;
নকুলও সহদেব মাতাকে রক্ষা করুক । ভীম
কহিলেন, জ্ঞাতঃ! কিছুমাত্র শঙ্কা করিওনা ;
নিরুদ্ভিগ্ধচিত্তে যুদ্ধ দর্শন কর ; এই ছুরাঙ্গা
আমার হস্তগত হইয়াছে, আর ইহার নি-
স্তার নাই । অর্জুন কহিলেন, হে ভীম !
আর বিলম্ব করিও না ; পাপাত্মা রাক্ষসকে
শীঘ্রই নিপাত কর ; আমাদের এ স্থান
হইতে অতি ত্বরায় প্রস্থান করা কর্তব্য ;
ঐ দেখ পূর্বদিক রক্তবর্ণ হইয়াছে ; অতি
শীঘ্রই প্রভাত হইবে ; দিবাভাগে রাক্ষস-
গণ অধিকতর প্রবল হইয়া উঠে ; হে বৃকো-
দর ! সত্বর হও ; আর রুখা ক্রাড়া করিও
না ; উহাকে শীঘ্র বধ কর ; কিঞ্চিৎ বি-
লম্বেই ঐ ছুরাঙ্গা মায়া প্রকাশ করিবে ।

মহাবল পরাক্রান্ত ভীমসেন অর্জুনের
বচন শ্রবণে পূর্বাপেক্ষা অধিকতর ক্রোধ-
স্থিত হইয়া স্বীয় জনক বামুকে আস্থান করত
তদীয় জগৎসংহারক বল গ্রহণ করিলেন
এবং সেই নীলায়ুদশাখমল রাক্ষসের প্র-
কাণ্ড দেখ উর্ধ্বে উত্তোলনপূর্বক মহাবেগে
বিঘর্ণিত করিতে করিতে কহিলেন, অরে
ছুর্ক নিশাচর ! তুই রুখা এত কাল মাংস
ভক্ষণ করিয়া বর্জিত হইয়াছিস, তোকে
ধিক্ ; অতএব তোকে এক্ষণেই অপঘাতে
সংহার করিয়া এই বন নিষ্কণ্টক ও মঙ্গল-
যুক্ত করিব । আর তুই নর হত্যা করিয়া
ভক্ষণ করিতে পারিবি না । অর্জুন কহি-
লেন, হে ভীমসেন ! যদি এই রাক্ষসকে
তোমার ভার বোধ হইয়া থাকে, তবে বল ?
আমি তোমার সাহায্য করিতেছি । ইহা-
কে শীঘ্র সংহার কর, অথবা আমিই ইহা-
কে বিনাশ করিতেছি । তুমি অনেক পরি-
জ্ঞান করিয়াছ, কণকাল বিজ্ঞান কর ।

অর্জুনের এই বাক্য শ্রবণে ভীমসেনের
ক্রোধ বিগুণিত হইয়া উঠিল । তখন তিনি
আর কিছুমাত্র বিলম্ব না করিয়া রাক্ষসকে
বলপূর্বক ভূতলে নিক্ষেপ করত পশুর
ন্যায় বধ করিলেন । হিড়ম্ব মরণকালে
ভয়ঙ্করস্বরে চীৎকার করিতে লাগিল ।
তাহার গভীর গর্জনন দ্বারা সেই মহারণ্য
পরিপূর্ণ হইল । তৎপরে বৃকোদর রাক্ষস-
কে বলপূর্বক ধারণ করিয়া তাহার মধ্যদেশ
ভগ্ন করিয়া ফেলিলেন । রাক্ষস নিহত হই-
য়াছে দেখিয়া, পাণ্ডবচতুষ্টয়ের আত্মাদেব
পরিমীমা রহিল না । তাঁহারা পরম-সমা-
দরপূর্বক ভীমসেনকে ধন্যবাদ প্রদান
ও আলিঙ্গন করিলেন । তখন অর্জুন পরম
অজ্ঞানদে অরাতিবিনাশন বৃকোদরকে
পূজা করিয়া কহিলেন, হে মহাঅনু ! বোধ
হয় এই বনের অনতিদূরেই নগর আছে,
চল আমরা ত্বরায় এস্থান হইতে প্রস্থান
করি ; কি জানি ছুরাঙ্গা ত্বর্যোধন কোন না
কোন উপায়দ্বারা আমাদের অনুসন্ধান
পাইলেও পাইতে পারে । তাঁহারা সকলেই
অর্জুনের বাক্যে অনুমোদন করিয়া তথা
হইতে গমন করিতে লাগিলেন । রাক্ষসী
হিড়ম্বাও তাঁহাদের সমভিব্যাহারে চলিল ।

পঞ্চপঞ্চাশদধিক শততম অধ্যায় ।

বৈশম্পায়ন কহিলেন, হে রাজন্ ! ভীম-
পরাক্রম ভীমসেন হিড়ম্বাকে আপনাদিগের
সমভিব্যাহারে আসিতে দেখিয়া তাহাকে
কহিলেন, রাক্ষসগণ মোহিনী মায়া বিস্তার
করিয়া তৈর নির্ঘাতন করে ; অতএব রে নি-
শাচরি ! তোর আর আমাদের সঙ্গে থাকা
উচিত নহে, তুইও স্বীয় সহোদরের পশ্চাৎ
পশ্চাৎ শমনভবনে যাত্রা কর । ধর্মাত্মা
যুধিষ্ঠির ভীমসেনকে ক্রুদ্ধ দেখিয়া তাঁহাকে
সান্তনা করত কহিলেন, হে পুরুবশেষ্ঠ !
ক্রীড়তা করিও না ; হে পাণ্ডব ! শরীর রক্ষা
অপেক্ষা ধর্মরক্ষা শ্রেষ্ঠ । সেই ছুরাঙ্গা হিড়-

যই আমাদিগকে বধ করিবার মানসে আসিয়াছিল, তাহাকে ত তুমি বিনষ্ট করিয়াছ, এ তাহার ভগিনী; এ ক্রুদ্ধ হইলেই বা আমাদের কি করিতে পারিবে।

হিড়িম্বা ভীমের ক্রোধ দর্শনে সাতিশয় বিষম হইয়া যুধিষ্ঠিরসমক্ষে কুন্তীকে কৃত-ঞ্জলিপুটে অভিবাদনপূর্বক কহিতে লাগিল, আর্যো! অবলাঙ্গন অনঙ্গশরে জঙ্ঘরিত হইলে কিরূপ দুঃখ ভোগ করে, তাহা আপনি সবিশেষ অবগত আছেন; হে মাতঃ! আমি ভীমসেনকে নিরীক্ষণ করিয়া অবধি সেই যন্ত্রণা ভোগ করিতেছি। আমি স্মৃথপ্রত্যাশায় এত ক্ষণ অপেক্ষা করিয়াছিলাম; এক্ষণে আমার সেই স্মৃথ সন্তোষের সময় সমুপস্থিত হইয়াছে, এখন আমাকে বঞ্চিত করা নিতান্ত অবিধেয়; আরও দেখ, আমি স্বকীয় পাতিব্রত্যা ধর্ম ও বন্ধুবান্ধবপ্রভৃতি সমুদায় পরিত্যাগ করিয়া আপনার পুত্রকে পতিত্রে বরণ করত তাঁহার শরণাপন্ন হইয়াছি। হে যশস্বিনি! যদি সেই মহাবল-পরাক্রান্ত পুরুষশ্রেষ্ঠ কিংবা আপনি আমাকে প্রত্যাখ্যান করেন, তাহা হইলে নিশ্চয়ই প্রাণত্যাগ করিব, অতএব আপনি আমাকে মুঢ়া বলিয়া হউক, বা তস্ত বলিয়া হউক; কিংবা অনুগত বলিয়াই হউক, অনুগ্রহ করিয়া যাহাতে ভীমসেন আমার পাণিগ্রহণ করেন, তাহা বিধান করুন। আমি সেই দেবরূপী রুকোদরকে লইয়া যথেষ্টা গমন করিব এবং পুনরায় আপনাদিগের সমীপে আনয়ন করিয়া দিব। আপৎকালে আপনারা আমাকে স্মরণ করিলে আমি তদগ্বে আসিয়া উপস্থিত হইব এবং আপনাদিগকে বিপদ হইতে পরিত্রাণ করিব। আপনারা শীঘ্র গমনে অভিলাষ করিলে আমি স্বীয় পুঠে করিয়া আপনাদিগকে লইয়া যাইব। আপনারা অনুগ্রহ করিয়া ভীমের সহিত আমার মিলন করিয়া

দিন। আপদ হইতে পরিত্রাণ পাইবার নিমিত্ত যে কোনপ্রকারে হউক প্রাণধারণ করা কর্তব্য, কিন্তু ধার্মিক ব্যক্তি কি বিপদ কি সম্পদ সর্বকালেই স্বকৃত অঙ্গীকার প্রতিপালন করিয়া থাকেন; আপৎকালেই ধার্মিকগণের ধর্মের বিশ্ব হইবার সম্পূর্ণ সম্ভাবনা; অতএব যিনি আপৎসময়েও স্বীয় ধর্ম পরিত্যাগ না করেন, তিনিই যথার্থ ধার্মিক; লোকে পুণ্যবলেই জীবিত থাকে; পুণ্যই প্রাণধারণের একমাত্র উপায়; যে কার্য করিলে ধর্ম্যানুষ্ঠান করা হয়, তাহা কাহারও পক্ষে দূষণাবহ নহে।

ধর্ম্মাত্মা যুধিষ্ঠির হিড়িম্বার বাক্য শ্রবণানন্তর তাহাকে কহিলেন, হে স্মৃমধ্যমে! তুমি যাহা কহিলে ইহা যথার্থ বটে, তুমি সূর্য্যাস্তের প্রাক্কালে কৃতস্নানাহ্নিক ও কৃতকৌতুকমঙ্গল ভীমসেনকে ভজনা করিও; দিবাভাগে উহাকে লইয়া যথেষ্টা গমন করত স্বচ্ছন্দে বিহারাদি করিও; কিন্তু রজনীযোগে আমাদের সমীপে আনয়ন করিয়া দিতে হইবে। রুকোদর যুধিষ্ঠিরের বাক্য শ্রবণানন্তর তথাস্ত বলিয়া অনুমোদন করিলেন, এবং হিড়িম্বাকে কহিলেন, হে রাক্ষসি! আমি জ্যেষ্ঠ ভ্রাতার আজ্ঞানুসারে তোমার পাণিগ্রহণ করিব যথার্থ বটে, কিন্তু যত দিন পর্য্যন্ত তোমার গর্ভে সন্তান না জন্মিবে, তত দিন তোমার সহবাস করিব।

মনোবেগগামিনী হিড়িম্বা ভীমের বাক্য শ্রবণ করিয়া যে আজ্ঞা বলিয়া স্বীকার করিল এবং তাঁহাকে লইয়া আকাশমার্গে গমন করিল। সে পরমরমণীয় রূপলাবণ্য প্রদর্শন ও স্মৃমধুর বাক্য দ্বারা তাঁহার মনোহরণপূর্বক কখন বা দেবগণের আবাসস্থান মৃগপাকসংকীর্ণ রমণীয় শৈলশৃঙ্গে; কখন স্নপুষ্টিতক্রম-সমাকীর্ণ বনদুর্গে; কখন প্রফুল্ল কমলবনযুক্ত মনোহর সরোবরে; কখন বৈতুর্ধ্যাসিকতাময় দ্বীপসমূহে; কখন

কানন-সুশোভিত সুশীতল-জলপরিপূর্ণ গি-
রিনদীতে, কখন পুষ্পিত ক্রমলতাচ্ছাদিত
কোকিল-কুলকুঞ্জিত কাননকুঞ্জে, কখন
মণিকাঞ্চনাঢ্য সাগরপ্রদেশে, কখন পবিত্র
দেবারণ্যে, কখন গুহ্যকর্ণের নিবাসস্থানে,
কখন বা তাপসদিগের আশ্রমে, স্বচ্ছন্দে
বিহার করিতে লাগিল। কিয়দিন এই-
রূপ বিহার করিতে করিতে ভীমের সহ-
যোগে হিড়িম্বা গর্ভবতী হইল। রাক্ষসীরা
গর্ভ ধারণমাত্রই সম্ভান প্রসব করে। হি-
ড়িম্বা গর্ভ ধারণ করিয়াই এক বিক্রপাক্ষ
মহাবল-পরাক্রান্ত মহাভূজ মহাধনুর্ধর অ-
মানুষ পুত্র প্রসব করিল। ঐ পুত্রের মুখ
অতি বিশাল, কর্ণ গর্দভকর্ণের ন্যায় দীর্ঘ,
ওষ্ঠদ্বয় তাগ্রবর্ণ, দশনসকল স্নাতীক্ষু, না-
সিকা দীর্ঘ ও বক্ষঃস্থল স্নবিস্তীর্ণ। পুত্র মাতৃ-
গর্ভ হইতে বিনির্গত হইবামাত্র যৌবন
প্রাপ্ত ও সর্কাস্ত্রবিশারদ হইল এবং সত্ব-
রে পিতামাতাকে প্রণাম করত তাঁহাদের
পাদ গ্রহণ করিল। তাঁহার পুত্রের নাম
ঘটোৎকচ রাখিলেন। ঘট শব্দের অর্থ
করিমস্কক ও উৎকচ শব্দের অর্থ কেশশূন্য;
উহার মস্তক করিমুণ্ডের ন্যায় কেশশূন্য
ছিল বলিয়া ঐ প্রকার নামধেয় হইল।
ঘটোৎকচ পাণ্ডবদিগের প্রতি নিতান্ত অনু-
রক্ত ও একান্ত ভক্তিমান ছিলেন; তাঁহার ও
তাঁহার প্রতি যৎপরোনাস্তি স্নেহ প্রকাশ
করিতেন। নিশাচরী হিড়িম্বা আপনার স্বামি-
সহবাসের সময় অতীত বুঝিয়া মাতৃসমবেত
পাণ্ডবগণকে সন্ত্রাষণপূর্বক স্বস্থানে প্রস্থান
করিল। মহাবীর ঘটোৎকচ ও প্রস্থান কালে
বিনয়গর্ভ বচনে “ ভৃত্য আপনাদের কার্য-
কালে উপস্থিত হইবে ” বলিয়া গুরুজনের
নিকটে বিদায় লইয়া উত্তর দিকে গমন করি-
লেন। মহারথ ঘটোৎকচ, অপ্রতিমবীর্য্য
কর্ণের সহিত সংগ্রামনিমিত্ত ইন্দ্রের অংশে
পাণ্ডবংশে জন্ম গ্রহণ করেন।

ষট্‌পঞ্চাশদধিক শততম অধ্যায় ।

বৈশম্পায়ন কহিলেন, হে রাজন ! অন-
ন্তর মাতৃসমবেত পাণ্ডবগণ বক্ষলাজিন
পরিধান ও অটাবন্ধনপ্রভৃতি তাপসবেশ
ধারণপূর্বক বনে বনে ভ্রমণ করত মৎস্য,
ত্রিগর্ভ, পাঞ্চাল, কীচকপ্রভৃতি নানাদেশ-
মধ্যবর্তী পরম রমণীয় কাননপরম্পরা ও
মনোহারিণী সরসিজ্জশালিনী সরসী নিরীক্ষণ
করিয়া বলপূর্বক বহুবিধ মৃগ বধ করিতে
করিতে সত্বর গমনে চলিলেন। তাঁহার
শীঘ্র গমন করিবার নিমিত্ত স্থানবি-
শেষে জননীকে নিজ পৃষ্ঠদেশে বহন ক-
রিতে লাগিলেন। গমনকালে তাঁহার উপ-
নিষৎ, সমস্ত বেদাঙ্গ এবং নীতিশাস্ত্র
অধ্যয়ন করিতেন। এইরূপে তাঁহার গমন
করিতে করিতে একদা পিতামহ ব্যাস-
দেবকে দেখিতে পাইলেন। তখন তাঁহার
মাতৃ সমভিব্যাহারে ভগবান্ কৃষ্ণদ্বৈপায়-
নকে অভিবাদনপূর্বক কৃতাজলিপুটে তাঁ-
হার সম্মুখে দণ্ডায়মান হইলেন। ব্যাসদেব
পৌত্রদিগের তাদৃশী ছুরবস্থা দেখিয়া সান্দ্রনা-
বাক্যে কহিলেন, হে ভরত-বংশাবতংসগণ !
ধৃতরাষ্ট্রতনয়েরা অধর্ম্মানুষ্ঠান দ্বারা তোমা-
দিগকে যে ঐদৃশ ছুরবস্থা প্রাপ্ত করিয়াছে, তাহা
আমি ইতিপূর্বে বুঝিতে পারিয়াছি এবং
তন্নিমিত্ত তোমাদের হিতসাধনমানসে এ-
স্থানে উপস্থিত হইলাম; হে বৎসগণ ! বি-
বল হইও না; তোমরা পরিণামে পরম সুখী
হইবে। যদিও ধার্ত্তরাষ্ট্রগণ ও তোমরা আ-
মার পক্ষে উভয়ই সমান, কিন্তু আমি এখন
তোমাদিগকে ধৃতরাষ্ট্রসস্থান অপেক্ষা অ-
ধিক স্নেহ করি; কারণ দীনগণ ও শিশুজন
বথার্থ স্নেহের পাত্র। আমি স্নেহবলে তো-
মাদের হিতসাধনে উদ্যত হইয়াছি। এক্ষণে
তোমরা এই অনতিদূরবর্তী নগরে বাস ক-
রিয়া আমার পুনরাগমন প্রতীক্ষা কর।

সত্যবতীনন্দন পাণ্ডবগণকে এইরূপ আ-

শাস প্রদানপূর্বক তাঁহাদিগকে সমভিব্যাহারে লইয়া একচক্রা নগরীতে গমন করিলেন এবং তথায় উপস্থিত হইয়া কুন্তীকে আশ্বাস দিয়া কহিতে লাগিলেন, হে জীবৎপুত্রি ! এই তোমার জ্যেষ্ঠ পুত্র পুরুষশ্রেষ্ঠ যুধিষ্ঠির অসাধারণ ধর্মপরায়ণ; ইনি স্বীয় ধর্মবলে ও ভীমার্জুনের ভুজবলে সসাগরা ধরা জয় করিয়া যাবতীয় নৃপতিগণকে শাসন করিবেন। ইহাঁরা পঞ্চভ্রাতাই মহাবল-পরাক্রান্ত এবং সুস্থ মনে ও স্বচ্ছন্দে স্বরাজ্যে সর্বদা বিরাজমান হইবেন, ভুজবলে সমস্ত পৃথিবী জয় করিয়া বহুদক্ষিণ রাজসুয় ও অশ্বমেধপ্রভৃতি যজ্ঞানুষ্ঠান করিবেন, এবং ভোগ সাধন দ্বারা সুহৃদগণকে সুখী করিয়া পরম সুখে স্বীয় পিতৃপৈতামহ রাজ্য ভোগ করিবেন, কদাচ ইহঁর অন্যথা হইবে না।

ভগবান রুঞ্চৈষায়ন কুন্তীকে এইরূপ আশ্বাস দিয়া এক ব্রাহ্মণের আশ্রয়ে তাঁহাদিগকে স্থাপনপূর্বক যুধিষ্ঠিরকে কহিতে লাগিলেন, হে ধর্মাত্মন ! তুমি মাতৃ ভ্রাতৃ সমভিব্যাহারে দেশকালানুসারে কার্য্য করিয়া এক মাস এইস্থানে পরম সুখে বাস কর; মাস পূর্ণ হইলে আমি পুনরায় এখানে আগমন করিব। তাঁহারা সকলেই বন্ধাজলি হইয়া যে আজ্ঞা মহাশয় বলিয়া তাঁহার উপদেশ বাক্য স্বীকার করিলেন। ভগবান্ ব্যাসদেবও স্বস্থানে প্রস্থান করিলেন।

হিড়িম্বধ পর্ব সমাপ্ত।



বকবধ পর্বাধ্যায়।

সপ্তপঞ্চাশদধিক শততম অধ্যায়।

জনমেজয় কহিলেন, হে দ্বিজোত্তম ! মহারথ পাণ্ডুন্দনগণ একচক্রায় বাস করিয়া কি কি কর্ম করিলেন, সবিশেষ কীর্ত্তম করুন।

বৈশম্পায়ন কহিলেন, হে নরনাথ ! পাণ্ডুবগণ একচক্রায় ব্রাহ্মণনিকেতনে দিবসের অল্প ভাগমাত্র বাস করিতেন। অধিকাংশ সময় অমেকানেক সরিৎ, সরোবর, কানন ও অন্যান্য প্রদেশসকল নিরীক্ষণপূর্বক ভিক্ষা করিয়া উদর পূর্ত্তি করিতেন, এইরূপে তাঁহারা স্বীয় স্বীয় গুণগ্রাম দ্বারা ক্রমে ক্রমে নগরবাসী সমুদায় জনগণের পরম প্রিয় হইয়া উঠিলেন। পঞ্চভ্রাতা দিবাভাগে ভিক্ষা করিয়া সন্ধ্যাসময়ে জননী নিকেটে সমুদায় ভিক্ষালব্ধ দ্রব্য সমর্পণ করিতেন। ভোজরাজহুহিতা সমস্ত উক্ষ্য বস্ত্র প্রথমতঃ ভাগদ্বয়ে বিভক্ত করিয়া এক ভাগ ভীমসেনকে প্রদান করিতেন, এবং অন্য ভাগ পঞ্চ করিয়া পাঁচ অংশে বিভাগপূর্বক চারি ভাগ অপর পুত্রচতুষ্টয়কে প্রদান ও স্বয়ং এক ভাগ গ্রহণ করিতেন। এইরূপে মহাত্মা পাণ্ডুবগণ তথায় বাস করিতে লাগিলেন।

একদা যুধিষ্ঠির, অর্জুন ও মাজীনন্দনদ্বয় ভিক্ষার্থে গমন করিলেন, ঘটনাক্রমে রুকোদর জননী সমভিব্যাহারে আവാগে রহিলেন। তাঁহারা মাতাপুত্রে ব্রাহ্মণের নিকেতনে উপবিষ্ট আছেন, এমন সময়ে ব্রাহ্মণের অন্তঃপুর মধ্যে ঘোরতর ক্রন্দনধনি সমুপ্ত হইল। সরলহৃদয়া দয়াজ্জিহ্বা ভোজরাজহুহিতা সেই করণরসোদ্দীপক ক্রন্দন শব্দ শ্রবণে সাতিশয় ছুঃখিত হইয়া ভীমসেনকে কহিলেন, হে পুত্র ! আমরা পাণ্ডা চুর্যোধনের অজ্ঞাতসারে এই ব্রাহ্মণ-নিকেতনে পরম সুখে বাস করিতেছি; ব্রাহ্মণ আমাদের যৎপরোনাস্তি স্নেহ ও সমাদর করেন; তন্নিমিত্ত আমি ব্রাহ্মণের উপকার কি প্রকারে করিব, অমুক্ণ এই চিন্তা করি। যে পুরুষ উপকারী ব্যক্তির প্রতাপকার করে এবং যে পুরুষ, অন্যে যে পরিমাণে উপকার করে

তদপেক্ষা অধিকপরিমাণে উপকার করিয়া তাহার প্রতিশোধ দেয়, সেই বধার্থ পুরুষ, এক্ষণে স্পর্ধাই বোধ হইতেছে, যে ব্রাহ্মণের কোন মহৎ চুঃখ উপস্থিত হইয়াছে, এই সময়ে উহার সাহায্য করিলে যথেষ্ট উপকার করা হয়। ভীমসেন কহিলেন, মাতঃ! ব্রাহ্মণের কি চুঃখ উপস্থিত হইয়াছে, এবং ঐ চুঃখের কারণই বা কি সর্বিশেষ জানিয়া আইস; যাহাতে ব্রাহ্মণের উপকার হয়, অতি স্নেহ কর হইলেও আমি তাহা সাধন করিব।

তুই জনে এইরূপ কথোপকথন করিতেছেন এমন সময়ে পুনর্বার ব্রাহ্মণ ও ব্রাহ্মণপত্নীর ক্রন্দনধ্বনি তাঁহাদের কর্ণকুহরে প্রবিষ্ট হইল। তখন কুন্তী বজ্রবৎসা সৌরভেরীর ন্যায় দ্রুতবেগে ব্রাহ্মণের অন্তঃপুরে প্রবিষ্ট হইলেন এবং দেখিলেন যে, ব্রাহ্মণ স্বীয় পত্নী, ছহিতা ও পুত্র সমভিব্যাহারে অধোবদনে উপবেশন করিয়া বিলাপ করিতে করিতে কহিতেছেন, হায়! আমার এই পরাধীন জীবনে ধিক্! ইহা নিতান্ত অসার, অনর্থক ও চুঃখের নিদানভূত! এত দিনের পর বুঝিলাম জীবিত থাকিয়া কিছুমাত্র সুখ নাই; প্রত্যুত, যৎপরোনাস্তি চুঃখ ভোগ করিতে হয়। দেখ আত্মাই ধর্ম, অর্থ ও কাম এই ত্রিবর্গ ভোগ করেন। এই তিনের অভাবেই অনন্ত চুঃখ ঘটে। কেহ কেহ এই ত্রিবর্গের অভাবের নাম মোক্ষ কহেন। আমার সেই মোক্ষ লাভ করিবার কিছুমাত্র সম্ভাবনা নাই। অর্থ-প্রাপ্তি নরক্ষ ভোগের প্রধান কারণ। অর্থ লাভাকাঙ্ক্ষার যৎপরোনাস্তি চুঃখ আছে, অর্থলাভ তদপেক্ষাও চুঃখ দায়ক, আর যদি অর্থের উপর এক বার স্নেহ জন্মে, তাহা হইলে অর্থনাশে চুঃখের আর পরিসীমা থাকে না। যাহা হউক, এখন কি করিয়া এই আপদ হইতে উদ্ধার হইব, পুত্রকলত্র সমভি-

ব্যাহারে পলায়ন করিয়া নিঃশব্দ প্রদেশে বাস করি। প্রিয়ে! তুমি জান? আমি ইতিপূর্বেই এই ভয়ে এস্থান পরিত্যাগ করিতে উদ্যত হইয়াছিলাম; তুমি তাহাতে অসম্মত হইলে; আমি পলায়ন করিবার জন্য তোমাকে বারংবার কহিলাম; তুমি কোন মতেই আমার কথা শুনিলেনা; তখন তুমি কহিলে যে, ইহা আমার পৈতৃক স্থান, ইহাতে আমার পিতা ও আমি জন্ম গ্রহণ করিয়া বর্জিত হইয়াছি। হে চুরা-গ্রহে! তোমার পিতা বহু কাল বৃদ্ধ হইয়া স্বর্গে গমন করিয়াছেন, অন্যান্য বান্ধবগণও পর লোক প্রাপ্ত হইয়াছেন, তবে আর এখানে বাস করিয়া এ যজ্ঞনা ভোগ করিবার আবশ্যিকতা কি? তুমি তৎকালে বন্ধু পরিত্যাগের ভয়ে আমার কথা শুনিলেনা, কিন্তু এক্ষণে এই সাতিশয় চুঃখকর বন্ধু-বিনাশ সমুপস্থিত হইয়াছে, এখন কি করিবে? অথবা আমারই বিনাশ উপস্থিত হইয়াছে, যে হেতু আমি স্বয়ং জীবিত থাকিয়া কি প্রকারে নৃশংসের ন্যায় স্বচক্ষে আত্মীয় বিনাশ দেখিব। দেখ, তুমি আমার সহধর্মিণী; তুমি দমশুণসম্পন্ন, স্নেহ শালিনী ও পরম বন্ধু। আমার পিতামাতা তোমাকে আমার গার্হস্থ্যভাগিনী করিয়াছেন। আমি বেদ-বিধানানুসারে মন্ত্রোচ্চারণপূর্বক তোমার পাণিগ্রহণ করিয়াছি; তুমি কুলশীলসম্পন্ন, বিশেষতঃ অপত্য প্রসব করিয়াছ; আমি কি বলিয়া আপনার জীবন রক্ষার্থে তোমাকে পরিত্যাগ করিব। আর এই অপ্রাপ্তবয়স্ক, অজাত-শ্রদ্ধ, বালক পুত্রকেও আমি কোম মতে পরিত্যাগ করিতে পারিব না। আরও দেখ, ভগবান্ বিধাতা যে মদীর কন্যাকে তর্কুলাভার্থ আমার নিকটে ন্যাস করিয়া রাখিয়াছেন, যদ্বারা আমি পিতৃগণ সমভিব্যাহারে দৌহিত্রজ লোক লাভ করিবার

প্রত্যাশা করিতেছি ; সেই কন্যাকে আমি স্বয়ং উৎপাদন করিয়া কি প্রকারে পরিত্যাগ করিব। কেহ কেহ কন্যা অপেক্ষা পুত্রকে অধিক স্নেহ করিয়া থাকে, কাহারও বা পুত্র অপেক্ষা কন্যাতে অধিক স্নেহ জন্মে, কিন্তু আমি পুত্র কন্যা উভয়কেই সমান স্নেহ করিয়া থাকি। কন্যা প্রসব দ্বারা জগৎ রক্ষা করে, অতএব আমি কি করিয়া আপনার প্রাণ রক্ষার নিমিত্ত সেই অপাপা বালাকে পরিত্যাগ করিব। আমি স্বয়ং প্রাণ পরিত্যাগ করিলেও পরলোকে অনুতাপ করিতে হইবে, যে হেতু আমি ইহাদিগকে পরিত্যাগ করিলে পর অবশ্যই ইহার মৃত্যুগ্রাসে পতিত হইবে। আমি উভয় সঙ্কটে পতিত হইয়াছি। দেখ, যদি ইহাদিগের এক জনকে পরিত্যাগ করি, তাহা হইলে নিতান্ত নিষ্ঠুরের কার্য্য করা হয়, আর যদি স্বয়ং প্রাণ ত্যাগ করি, তাহা হইলেও আমা ব্যতিরেকে ইহার সকলেই কালগ্রাসে পতিত হইবে। হায়! কি কষ্ট! অদ্য আমি সবাঙ্কবে কি দুর্দশাগ্রস্ত হইলাম! আমাকে ধিক! ইহাদের সমভিব্যাহারে প্রাণ ত্যাগ করাই আমার পক্ষে শ্রেয়ঃ, জীবিত থাকিয়া কিছুমাত্র লাভ নাই।

অষ্টপঞ্চাশদধিক শততম অধ্যায়।

বৈশম্পায়ন কহিলেন, হে রাজন! ব্রাহ্মণের এইরূপ বিলাপ বাক্য শ্রবণ করিয়া ব্রাহ্মণী তাঁহাকে সান্ত্বনা করত কহিতে লাগিলেন, মহাশয়! আপনি বিদ্বান্ হইয়াও কি নিমিত্ত প্রাকৃত লোকের ন্যায় অনুতাপ করিতেছেন? দেখুন যে সমস্ত মানবগণ ধরাতলে জন্ম গ্রহণ করিয়াছে, সকলকেই এক বীর মৃত্যুগ্রাসে পতিত হইতে হইবে, সন্দেহ নাই; অতএব যাহা অবশ্যাস্তাবী, কোন মতে খণ্ডিবার নহে, তদ্বিময়ে সন্তাপ করা কর্তব্য হয় না। হে বিদ্বন! শাস্ত্রকারেরা কহেন, কি ভার্য্যা, কি পুত্র, কি ছুহিতা,

সকলই আপনার নিমিত্ত; অতএব আপনি আমাকে পরিত্যাগ করিয়া আত্মরক্ষা করুন। আমি স্বয়ং তথায় যাইব, কারণ প্রাণ পর্য্যন্ত পরিত্যাগ করিয়া পতির হিত সাধন করাই সাধী স্ত্রীর প্রধান ধর্ম ও অবশ্যকর্তব্য কর্ম। বিশেষতঃ আমি তোমার নিমিত্ত অকিঞ্চিৎকর ক্ষণভঙ্গুর দেহ ত্যাগরূপ এই কর্ম করিলে পরলোকে অক্ষয় সঙ্গতি ও ইহ লোকে অপরিমিত যশোরাশি লাভ করিতে পারিব। আমি আপনাকে যাহা কহিতেছি, ইহাতে আপনার প্রচুরপরিমাণে অর্থ ও ধর্ম লাভ হইবে। দেখুন, লোকে যে নিমিত্ত পত্নী কামনা করে, আপনার তাহা হইয়াছে; আপনি আমাতে এক কন্যা ও এক পুত্র উৎপন্ন করিয়াছেন। আমি অনূণা হইয়াছি; আমার পরলোক প্রাপ্তি হইলে পর আপনি অনায়াসে ইহাদিগকে প্রতিপালন করিতে পারিবেন; কিন্তু আপনি না থাকিলে আমাদের দুর্দশার আর পরিসীমা থাকিবেনা। আমি বিধবা, অনাথা ও অসহারা হইয়া কিরূপে সংপথ্যবলয়নপূর্বক এই শিশু কুমার ও কুমারীকে বাঁচাইতে পারিব? সাতিশয় অহঙ্কৃত ও অনুপযুক্ত ব্যক্তিরও এই কন্যাকে প্রার্থনা করিলে আমি কোন মতেই রক্ষা করিতে পারিব না। যেমন পক্ষিগণ ভূমিনিহিত আমিষখণ্ড গ্রহণে সাতিশয় লোলুপ হয়, সেইরূপ অধার্মিক লোকেরা পতিবিহীনা কামিনীকে কাসনা করে; অতএব হে দ্বিজোত্তম! যখন ছুরাঙ্গগণ অনাথা দেখিয়া আমাকে আক্রমণ করিতে উদ্যত হইবে, তখন আমি কিরূপে আপনার ধর্ম রক্ষা করিব। আর আপনার কুলরক্ষার এক হেতু এই কন্যাকেই বা কিরূপে পিতৃপিতামহ-সেবিত পথে নিযুক্ত করিতে পারিব। আপনি ধর্ম-তত্ত্ববেত্তা; আপনি এই বালককে যেক্ষপ বিদ্যা শিক্ষা করাইতে পারিবেন, আমি কোন মতেই সেরূপ পারিব না। ইহার পর আর দুঃ-

খের বিষয় কি যে, অনুপযুক্ত ব্যক্তির।
বেদক্রতি-গ্রহণে ক্ষু শূদ্রদিগের ন্যায় আপ-
নার এই কন্যা প্রার্থনা করিবে । আমি যদি
তাঁহাতে অস্বীকার করি, তাহা হইলে যেমন
কাকগণ যজ্ঞ হইতে যজ্ঞীয় দ্রব্য অপহরণ
করিয়া পলায়ন করে ; ছুরাঙ্গারা সেইরূপ
অত্যাচার করিয়া বলপূর্বক কন্যাকে হরণ
করিয়া লইবে, সন্দেহ নাই । হে ব্রহ্মন্ !
আমি এই পুত্রকে তোমার অননুরূপ গুণ-
সম্পন্ন, এই কন্যাকে অনুপযুক্ত পাত্রের হস্ত-
গত এবং আপনাকে অহঙ্কৃত জনগণ-কর্তৃক
অবজ্ঞাত দেখিরা কখনই জীবন ধারণ ক-
রিতে পারিব না । আমি মরিলে এই বালক
ও বালিকা অবশ্য প্রাণ ত্যাগ করিবে, জল-
ক্ষয় হইলে মৎস্য অবশ্যই বিনষ্ট হয় । হে
নাথ ! এইরূপে আপনকার মরণে আমা-
দের তিন জনেরই মৃত্যু হইবে, নিশ্চয় জানি-
বেন ; অতএব তাহা না করিয়া কেবল
আমাকেই পরিত্যাগ করুন । পুত্রবতী রম-
ণীর, পতির অগ্রে পর লোক যাত্রা পরম
সৌভাগ্যের বিষয় । আমি আপনার নিমিত্ত
এই পুত্র, দুহিতা, বান্ধব ও স্বীয় প্রাণ পরি-
ত্যাগ করিতে অভিলাষ করিয়াছি । পতি-
পরায়ণা স্ত্রী পতির হিত সাধন করিয়া যাদৃশ
ফল প্রাপ্ত হয়, যজ্ঞ, তপ, দান নিয়মাদি
দ্বারা কদাচ তাদৃশ ফল লাভ করিতে পারে
না ; আমি যে ধর্মু অনুষ্ঠানে উদ্যত হই-
য়াছি, ইহা আপনার ও আপনার কুলের
ইচ্ছা ও হিতকর । সজ্জনেরা কহেন যে ইচ্ছা
অপত্য, অভিলষিত দ্রব্য, প্রিয় বন্ধু ও প্রণ-
য়িনী ভার্য্যা, এই সমস্ত আপদ্ নিবারণের
নিমিত্ত হয় । প্রাচীন পণ্ডিতগণের এই
উপদেশবাক্য আছে যে, আপদ্ নিবারণের
নিমিত্ত ধন সঞ্চয় করিয়া রাখিবে, সেই ধন
দ্বারা ভার্য্যা রক্ষা করিবে, এবং কি ভার্য্যা
কি ধন যাহা দ্বারা হট্টক, আত্মরক্ষণে সর্বথা
যত্নবান্ হইবে । ভার্য্যা, পুত্র, ধন ও গৃহ

এই চতুর্দশ দৃষ্টাদৃষ্ট ফল লাভের নিমিত্ত হয় ;
অতএব এই সমস্ত দ্বারা দৃষ্ট ফল ও অদৃষ্ট
ফল সাধন করিবে । আরও তাঁহারা কহি-
য়াছেন যে, সমস্ত কুল ক্ষয় করিয়াও যদি
আত্মরক্ষা করিতে হয়, তাহাও মনুষ্যের
পক্ষে কর্তব্য ; কারণ আত্মার সমান আর
কেহই নাই ; অতএব আপনি আমাকে
এই পরম হিতকর কার্য্যানুষ্ঠানে অনুমতি
প্রদান করুন । হে মহাশয় ! ধর্মজ্ঞ ব্যক্তি-
গণ ধর্ম নিগমস্থলে কহিয়াছেন, স্ত্রীলোক
সকলের অবধ্য, রাক্ষসগণ ধর্মান্বিত ; বোধ
হয়, সে রাক্ষস আমাকে স্ত্রীলোক দেখি-
য়া বধ করিবে না ; অতএব যখন পুরুষের
বধে নিশ্চয় ও স্ত্রীলোকের বধে সংশয় রহিল,
তখন আমাকে সে স্থানে প্রেরণ করা আপ-
নার অবশ্য কর্তব্য । আমি উত্তমোত্তম দ্রব্য
ভোগ করিয়াছি, অভিলষিত দ্রব্যসকল
প্রাপ্ত হইয়াছি, আমার ধর্মানুষ্ঠান হইয়াছে
এবং আপনাইহতে এই অপত্যদ্বয় লাভ
করিয়াছি ; এক্ষণে আমার মরণে কিছুমাত্র
দুঃখ নাই । আমি পুত্রবতী, বিশেষতঃ বৃদ্ধা
হইয়াছি ; অধিকন্তু এই কার্য্য করিলে আপ-
নার হিতানুষ্ঠান করা হয় ; এই সকল ভা-
বিয়া আমি ইহাতে প্রবৃত্ত হইয়াছি । আর
দেখুন, আমি মরিলে আপনি অন্য স্ত্রী গ্রহণ
করিয়া গার্হস্থ্য ধর্মানুষ্ঠান করিতে পারিবেন ।
হে নাথ ! পুরুষদিগের বহু বিবাহ দোষা-
বহু নহে, কিন্তু নারীগণের পত্যস্তর স্বীকারে
মহান্ অধর্ম জন্মে ; অতএব আপনি এই
সমস্ত এবং আত্মত্যাগের দোষ বিবেচনা
করিয়া আমাকে ত্যাগ করুন ; তাহা হইলে
আপনার কুল ও এই শিশু সন্তানদ্বয়ের রক্ষা
হইতে পারে । হে ভরত বংশাবতংস জন-
মেজয় ! ব্রাহ্মণ পতিহিতৈষিনী ভার্য্যার
এই সমস্ত বাক্য শ্রবণে যৎপরোনাস্তি দুঃ-
খিত হইয়া তাঁহাকে আলিঙ্গন করত তাঁহার
সহিত বাস্প মোচন করিতে লাগিলেন ।

ঊনষষ্ঠ্যাধিক শততম অধ্যায়।

বৈশম্পায়ন কহিলেন, সেই ব্রাহ্মণের কন্যা স্বীয় পিতা মাতার বিলাপ বাক্য শ্রবণে সাতিশয় দুঃখিত হইয়া তাঁহাদিগকে কহিতে লাগিলেন, হে তাত ! হে মাতঃ ! তোমরা কি নিমিত্ত অনাথের ন্যায় রোদন করিতেছ? আমি যাহা কহিতেছি, তদনুসারে কার্য্য করিলে আপনাদিগের মঙ্গল হইবে। আমাকে কিছু দিন পরে অবশ্যই পর গৃহে পরিভ্রমণ করিতে হইবে; অতএব তৎপরিবর্তে এক্ষণেই আমাকে পরিত্যাগ করিয়া সকলের পরিভ্রাণ করুন। “সন্তান বিপদ হইতে পরিভ্রাণ করিবে” এই ভাবিয়াই লোকে অপত্য কামনা করিয়া থাকে; এক্ষণে আপনাদের এই বিপদ সময় উপস্থিত হইয়াছে, অতএব আমাকে পরিত্যাগ করিয়া এই দুস্তর দুঃখসমুদ্র উত্তীর্ণ হউন। ইহ কালে ও পরকালে পরিভ্রাণ করে বলিয়া পণ্ডিতগণ পুত্রের পুত্র নাম দিয়াছেন। পিতামহগণ, আমার গর্ভে দৌহিত্র উৎপন্ন হইবে, এই অভিলাষ করেন; কারণ তাহা হইলে পিণ্ডলোপের ভয় হইতে পরিভ্রাণ হয়। আমি স্বীয় পিতার জীবন রক্ষা করিয়া তাঁহাদিগকে সে ভয় হইতে মুক্ত করিতেছি। হে পিতঃ ! যদি তুমি স্বয়ং তথায় গমন করিয়া প্রাণ ত্যাগ কর, তাহা হইলে তোমার বিরহে অল্প দিনের মধ্যেই আমার এই অল্পবয়স্ক ভ্রাতৃগণ বিনষ্ট হইবে, সন্দেহ নাই। তুমি ও প্রাণাধিক সহোদর মানবলীলা সম্বরণ করিলে পিতৃলোকের পিণ্ডোচ্ছেদ হইবে এবং আমিও তোমাদের বিনাশে যৎপরোনাস্তি শোকসন্তপ্ত হইয়া প্রাণ ত্যাগ করিব। কিন্তু যদি আপনি কেবল আমাকে পরিত্যাগ করিয়া এই ঘোর বিপদ হইতে মুক্ত হইয়েন, তাহা হইলে আমার মাতা ও শিশু ভ্রাতার রক্ষা পাইবে এবং এই বংশের সমৃদ্ধি ও পিণ্ড অবিকলিতভাবেই

ধাকিবে। আর দেখুন, শাস্ত্রকারেরা কহিয়া গিয়াছেন যে, পুত্র আত্মার স্বরূপ, ভার্য্যা সখিস্বরূপ এবং কন্যা কুলস্বরূপ হয়; অতএব আপনি আমাকে পরিত্যাগ করিয়া কুল হইতে বিমুক্ত হউন। হে তাত ! তুমি না থাকিলে আমার কষ্টের সীমা থাকিবে না ! আমি অনাথা ও দীনা হইয়া যথা তথা ভ্রমণ করিব। যদি আমি রাক্ষসসমীপে আজ্ঞ-প্রদানরূপ কৰ্ম্ম করি, তাহা হইলে পিতৃলোকের বংশ রক্ষা ও আমার মরণ সকল হয়, আর যদি আপনি আমাকে পরিত্যাগ না করিয়া পর লোক যাত্রা করেন, তাহা হইলে আমাকে যৎপরোনাস্তি ক্লেশ পাইতে হইবে; অতএব আমার প্রতি অনুকম্পা প্রকাশ করুন এবং উভয় পক্ষ বিবেচনা করিয়া আমার ক্লেশবসান নিমিত্ত, ধর্ম্ম রক্ষার নিমিত্ত, ও কুল-সমৃদ্ধির অবিচ্ছেদের নিমিত্ত, অবশ্য পরিত্যাগ্যাকে অবিলম্বে ত্যাগ করিয়া আপনার প্রাণ রক্ষা করুন। হে তাত ! অবশ্য কর্তব্য বিষয়ে বিমুখ হইবেন না; দেখুন, ইহার পর আর দুঃখের বিষয় কি, যে, তুমি স্বর্গ প্রাপ্ত হইলে পর আমরা কুকুরের ন্যায় দ্বারে দ্বারে ভ্রমণ করিয়া ভ্রমণ করিব। আর যদি আপনি কেবল আমাকে পরিত্যাগ করিয়া সবাক্ষবে পরিভ্রাণ পাইতে পারেন, তাহা হইলে আমি পর লোকে গমন করিয়াও জীবিতার ন্যায় পরম সুখে বাস করিব। হে পিতঃ ! আপনি আমাকে রাক্ষসের মুখে ত্যাগ করিলে দেবগণ ও পিতৃগণ স্বদন্ত তেঁয়ে পরমপরিভূষ্ট হইয়া আপনাদের হিত সাধনে তৎপর রহিবেন।

ব্রাহ্মণ ও ব্রাহ্মণী কন্যার এইরূপ পরিদেবন বাক্য শ্রবণ করিয়া তাহার সম্ভিব্যাহারে রোদন করিতে লাগিলেন। তাঁহাদের তিন জনকে এইরূপ ক্রন্দন করিতে দেখিয়া ব্রাহ্মণের শিশু সন্তান প্রত্যেকের নিকটে গমন করিয়া উৎকললোচনে, অকুট

মধুর-স্বরে কহিতে লাগিল, হে তাত ! হে মাতঃ ! হে তগিনি ! তোমরা ক্রন্দন করি-ওনা, স্থির হও, আমার হস্তে এই বে তুণ্টি দেখিতেছ, আমি ইহার আঘাতে সেই ছুরাঙ্গা রাক্ষসের প্রাণ নাশ করিব । তাঁহার। তিন জনে যৎপরোনাস্তি বিষন্ন ছিলেন, কিন্তু বালকের মুখে-মুহু মধুর এই কথা শ্রবণে প-রম আনন্দিত হইলেন । কুন্তী এতাবৎকাল দগ্ধমান ছিলেন, এক্ষণে অবসর বুঝিয়া তাহাদের দুঃখের কারণ জিজ্ঞাসা করিবার নিমিত্ত সমীপবর্তিনী হইলেন ।

বহুাধিক শততম অধ্যায় ।

বৈশম্পায়ন কহিলেন, হে রাজন্ ! কুন্তী তাঁহাদের সম্মিহিত হইয়া অমৃতময় বাক্যে সাস্তু না করিয়া কহিতে লাগিলেন, আপ-নার। কি নিমিত্ত রোদন করিতেছেন ? আ-পনাদের এই দুঃখের কারণ কি ? সবিশেষ বলুন ; যদি আমাদের সাধ্য হয়, তবে অ-বশ্ত তোমাদের দুঃখ মোচন করিব । ব্রাহ্মণ কুন্তীর এই মধুময় বাক্য শ্রবণ করিয়া তাঁ-হাকে কহিলেন, হে তপোধনে ! দুঃখিত ব্যক্তির দুঃখ মোচন করা তদ্র লোকের ক-র্তব্য যথার্থ বটে, কিন্তু আমার যে দুঃখ উপস্থিত হইয়াছে, তাহা নিরাকরণ করা মনুষ্যের সাধ্য নহে । হে মনস্বিনি ! এই নগরের সমীপে বক নামে এক রাক্ষস বাস করে । মহাবলপরাক্রান্ত দুর্দান্ত নরমাংসাশী সেই ছুরাঙ্গাই এই নগরের অধিপতি ; সে নিজ ভুজবলে এই জনপদ, নগর ও সমস্ত দেশ রক্ষা করে । তাহার প্রভাবে পর চক্র বা অন্যান্য হিংস্র প্রাণী হইতে আমরা কিছুমাত্র ভয় পাই না । ঐ রাক্ষস আপনার আহারের নিমিত্ত এই গ্রামে এক নিয়ম সংস্থাপন করিয়াছে, যে প্রতিদিন পর্যায়-ক্রমে এক এক গৃহস্থের ভবন হইতে এক জন মনুষ্য বিংশতি-ধারি-পরিমিত তণ্ডুল ও দুইটা মহিষ লইয়া তাহার নিকটে গমন

করিবে । রাক্ষস উপনীত সেই সমস্ত বস্তু ও উপস্থিত ব্যক্তিকে তক্ষণ করিয়া আজ-জীবিকা নির্বাহ করিবে । হে তদ্রে ! বহুদি-বসাবধি এই নিয়ম প্রচলিত থাকিতে অত্র-ত্য সমস্ত লোকই বিরক্ত হইয়াছে । যাহা হউক, যে ব্যক্তি তাহার এই নিয়ম রহিত করিতে উদ্যোগী হয়, ছুরাঙ্গা রাক্ষস অবি-লম্বে তাহাকে পুত্র-কলত্র-সমভিব্যাহারে ধংস করিয়া স্বীয় অভ্যর্থনার-কার্য সম্পাদন করে । এই প্রদেশের অনতিদূরবর্তী বেত্র-কীয়-গৃহ-নামক স্থানে নয়ানভিজ্ঞ এক রাজা আছেন । তিনি নিতান্ত অবোধ, এই নগরের উপর তাঁহার কিছুমাত্র যত্ন নাই । যাহাতে আমাদের ভাল হয়, কদাচ এমন কোন চেষ্টাই করেন না । আমরা অনাম-য়ের প্রকৃত পাত্র ; কিন্তু অকর্মণ্য ও দুর্বল রাজার রাজ্যে বাস করিয়া আমাদেরকে সর্বদা উদ্বিগ্ন থাকিতে হইয়াছে ; নতুবা ব্রাহ্মণদিগকে কি কাহারও কথা শুনিতে হয়, না কাহারও অভিপ্রায়ানুবর্তী হইয়া চলিতে হয় ? ইহার। নিঃশুণ-গ্রামে কামগ পক্ষীর মত যথায় ইচ্ছা তথায় বাস করিতে পারেন । হে তদ্রে ! লোক প্রথমে রাজার আশ্রয় গ্রহণ করিবে, পরে ভাৰ্য্যা গ্রহণ, তৎপরে ধন সঞ্চয় করিবে ; কারণ এই তিন প্রকার সমৃদ্ধি দ্বারা জ্ঞাতিদিগকে ও পুত্র সকলকে রক্ষা করিতে পারে । ভাগ্যক্রমে আমার এই তিনই বিপরীতরূপে সংগ্রহ করা হইয়াছে, তন্নিমিত্ত আমি এইপ্রকার বিপদগ্স্ত হইয়া তাপিত হইতেছি । হে তপোধনে ! অদ্য আমার পর্যায় উপস্থিত ; অবশ্তই আমাকে সেই রাক্ষসসমীপে তা-হার ভোজনীয় তণ্ডুলাদি ও এক জন মনুষ্য পাঠাইতে হইবে । আমার এমন অর্থ নাই যে, এক জন মনুষ্য ক্রয় করি ; স্বীয় সুহৃদ-নকে প্রদান করাও কোন মতে বিধেয় নহে । এক্ষণে কি করি ! কিরূপে রাক্ষস-হস্ত

হইতে পরিজ্ঞান পাই! তাহার কোন উপায়ই দেখিতেছি না; এই নিমিত্ত চুঃখ-মাগরে মগ্ন হইয়াছি। এক্ষণে স্থির করিয়াছি যে, সবাক্ষবে সেই ছুরাঙ্গা রাক্ষসের সমীপে গমন করিব যে সে আমাদিগের সকলকে এক কালে ভক্ষণ করিয়া এই বিষম চুঃখ হইতে মোচন করিবে।

একষষ্ঠ্যাধিক শততম অধ্যায়।

কুষ্ঠী কহিলেন, হে ব্রাহ্মণ! আপনি সেই রাক্ষসের ভয়ে আর বিবাদ করিবেন না; যাহাতে সেই ছুরাঙ্গার হস্ত হইতে পরিজ্ঞান পাইতে পারেন, এমন এক উপায় স্থির করিয়াছি। আপনার এক সন্তান, সেও অতি শিশু, কন্যাও একটির অধিক নাই, সেও অতি সুশীলা, অতএব উহাদের অন্যতরের কিংবা আপনার বা আপনার সহধর্মিণীর তথায় গমন করা বিধেয় নহে। আমার পাঁচ পুত্র; তাহাদের মধ্যে এক জন আপনার হিতার্থে বলি লইয়া রাক্ষস সমীপে গমন করিবে।

ব্রাহ্মণ কহিলেন, হে শুভে! একে আপনার ব্রাহ্মণ, তাহাতে আবার অতিথি; অতি অভদ্র অধার্মিক লোকেরাও স্বীয় প্রাণ রক্ষার্থে অতিথি ব্রাহ্মণের প্রাণ নাশ করে না। হে তপোধনে! ব্রাহ্মণের নিমিত্ত আপনার প্রাণ বা তদপেক্ষা শ্রেষ্ঠ স্বীয় আত্মজ পরিত্যাগ করা কর্তব্য। আমি কি করিয়া তাহার বিপরীত কার্যের অনুষ্ঠান করিব? ব্রাহ্মণ-বধ ও আত্ম-ত্যাগ এই উভয়ের মধ্যে আমার মতে আত্মত্যাগই শ্রেয়ঃ; কারণ অজ্ঞানতঃ ব্রহ্মহত্যা করিলেও উহার পাতক হইতে নিষ্কৃতি নাই। হে শুভে! যদি আমি স্বয়ং রাক্ষসসমীপে গমন করিয়া তৎকর্তৃক বিনষ্ট হই, তাহা হইলে আমার আত্মহত্যার পাপ হইবে না; যেহেতু আমি অগত্যা এই বিষয়ে প্রবৃত্ত হইতেছি। আর যদি তাহা না করিয়া ভো-

মার পুত্রকে সে স্থানে পাঠাই, তাহা হইলে আমি অভিসন্ধিকৃত ব্রাহ্মণবধ-জন্য দারুণ পাতক হইতে কখনই পরিজ্ঞান পাইতে পারিব না। হে শুভে! পণ্ডিতগণ গৃহাগত, শরণাগত ও ভিক্ষার্থী ব্যক্তির বধ নিতান্ত নৃশংস বলিয়া নিন্দা করিয়া থাকেন। আপদক্ষমবিৎ প্রাচীন মহাত্মারা কহিয়াছেন, নৃশংস বা নিন্দিত কৰ্ম্ম কদাচ করিবে না; অতএব অদ্য আমি প্রণয়িনী-সমভিব্যাহারে রাক্ষসহস্তে প্রাণ ত্যাগ করিব; ব্রাহ্মণ-বধে কদাপি সম্মত হইব না।

কুষ্ঠী কহিলেন, হে ব্রাহ্মণ! আপনি যাহা কহিলেন, উহা আমারও অভিমত, ব্রাহ্মণ অবশ্য রক্ষণীয়। বিশেষতঃ শত পুত্র থাকিলেও পুত্রের প্রতি মাতা পিতার বিরক্তি জন্মেনা, তবে যে আমি স্বীয় পুত্রকে রাক্ষস-সমীপে প্রেরণ করিতে সম্মুদ্যত হইতেছি, তাহার কারণ আমি বিশেষরূপে জানি। রাক্ষস কখনই আমার সেই পুত্রকে বিনাশ করিতে পারিবে না। আমার পুত্র নাতিশয় বলবান, তেজস্বী ও মন্ত্রসিদ্ধ। সে রাক্ষস-সমীপে তাহার ভোজ্য দ্রব্য সমুদায় লইয়া যাইবে এবং তাহার হস্ত হইতে অনায়াসে আত্মরক্ষা করিয়া প্রত্যাবর্তন করিবে, সন্দেহ নাই; আমি স্বচক্ষে দেখিয়াছি, ইতিপূর্বে অনেক মহাবল-পরাক্রান্ত মহাকায় রাক্ষস আমার সেই পুত্রের সহিত সংগ্রাম করিয়া সমরশায়ী হইয়াছে। হে ব্রাহ্মণ! আপনি এ কথা আর কাহাকেও বলিবেন না; কি জানি, তাহা হইলে পাছে বিদ্যার্থীগণ এই বার্তা শ্রবণে কুতূহলাক্রান্ত হইয়া আমার পুত্রগণকে বিরক্ত করে।

ব্রাহ্মণ কুষ্ঠীর এই অমৃতোপম বাক্য শ্রবণে যৎপরোনাস্তি আত্মাদিত হইয়া ভার্য্যা সমভিব্যাহারে তাঁহাকে পূজা করিতে লাগিলেন। তখন কুষ্ঠী ও ব্রাহ্মণ উভয়ে ভীমসেনের সমীপে সমুপস্থিত হইয়া

উঁহাকে রাক্ষসবধার্থে গমন করিতে অনু-
মতি দিলেন ; ভীম যে আঞ্জা বলিয়া উঁ-
হাদের অভিলষিত সম্পাদনে স্বীকার ক-
রিলেন ।

দ্বিষষ্ঠাধিক শততম অধ্যায় ।

বৈশম্পায়ন কহিলেন, হে রাজন্! ভীম-
পরাক্রম ভীমসেন ব্রাহ্মণের হিতানুষ্ঠান
করিতে প্রতিজ্ঞাকৃত হইলে যুধিষ্ঠিরাদি অ-
পর ভ্রাতৃচতুষ্টয় তিষ্ঠা করিয়া গৃহে প্রত্যা-
গমন করিলেন । পাণ্ডুনন্দন যুধিষ্ঠির স্বীয়
মাতা কুন্তী, ব্রাহ্মণ ও ভীমসেনের আকার
প্রকার দ্বারা সমস্ত বৃত্তান্ত বুঝিতে পারিয়া
স্বীয় জননীকে একান্তে লইয়া গিয়া কহিলেন,
মাতঃ! মহাবলপরাক্রান্ত ভীমসেন এ কি
অসমসাহসিকের কার্য করিতে সমুদ্যত হ-
ইয়াছে! সেই চক্ষুর কার্য করিতে ভীম
কি স্বয়ং প্রবৃত্ত হইয়াছে? অথবা আপনি
উঁহাকে অনুমতি দিয়াছেন? কুন্তী কহিলেন,
বৎস! ভীমসেন আমার আঞ্জামুসারে ব্রা-
হ্মণের উপকারার্থে ও নগরের হিত
সাধনের নিমিত্ত এই কর্মে প্রবৃত্ত হইয়াছে।
যুধিষ্ঠির কহিলেন, মাতঃ! আপনি এ বিষয়ে
ভীমকে অনুমতি প্রদান করিয়া সজ্জনবি-
গর্হিত ও অতিমাত্র সাহসের কার্য করিয়া-
ছেন। আপনি কি নিমিত্ত পরপুত্ররক্ষার্থে
স্বীয় পুত্রবিনাশরূপ লোকবেদবিরুদ্ধ কার্যা-
নুষ্ঠান করিতে উদ্যত হইলেন? দেখুন,
যাহার বাহুবলমাত্র আশ্রয় করিয়া আমরা
ছুর্জনাপন্ন রাজ্য পুনঃ প্রভূত্ব করিতে
কৃতনিশ্চয় হইয়া সুখে নিদ্রা যাই; যাহার
পরাক্রম চিন্তা করিয়া ছুরাঙ্গা ছুর্যোগধন
শকুনি সমভিব্যাহারে রজনীযোগে নিদ্রিত
হইতে পারে না; যাহার বীর্যপ্রভাবে আ-
মরা জতুগৃহ ও অন্যান্য অনেক অনিষ্ট
হইতে পরিত্রাণ পাইয়াছি; আমরা যে
মহাবীরের পরাক্রম মাত্র অবলম্বন করিয়া
এই বস্তুপূর্ণা বস্তুকরা আপনাদিগের হস্তগত

করিয়াছি, আপনি কোন্ সাহসে সেই
মহাবলপরাক্রান্ত বৃকোদরকে পরিত্রাণ
করিতে প্রবৃত্ত হইলেন? বোধ হয়, ছুরব-
হায় পতিত হওরাতে আপনার বুদ্ধি শুদ্ধি
বিলুপ্ত হইয়াছে।

কুন্তী কহিলেন, বৎস যুধিষ্ঠির! তুমি
কেন এ বিষয়ে বৃথা সম্বাদ করিতেছ? আমি
এই বুদ্ধিদৌর্বল্য প্রযুক্ত এই কার্যে হস্ত-
ক্ষেপ করিয়াছি একপ মন্দেহ করিওনা।
দেখ, আমরা এই ব্রাহ্মণের নিকতনে পর-
মসুখে বাস করিতেছি, ধৃতরাষ্ট্র পুত্রগণ ইহার
বিন্দুবিসর্গও জানেনা। ব্রাহ্মণ আমাদের
যথেষ্ট সৎকার ও সম্মান করিয়া থাকেন।
হে পুত্র! আমি তজ্জন্য এই মহোপকারক
ব্রাহ্মণের হিতসাধনার্থে এ বিষয়ে প্রবৃত্ত হ-
ইয়াছি। যেব্যক্তি পরকৃত উপকার প্রাণা-
ন্তেও বিস্মৃত হয় না ও অন্যে যে পরিমাণে
উপকার করিয়াছে তদপেক্ষা বহুগুণ উপকার
দ্বারা তাহার প্রতিশোধ দেয়, সেই যথার্থ ম-
নুষ্য। বিশেষতঃ আমি জতুগৃহ দাহ ও
হিড়িম্ব বধ সময়ে ভীমের পরাক্রম বিলক্ষণ
জানিতে পারিয়াছি। ভীমপরাক্রম ভীম-
সেন অযুতমত্ত হস্তিতুল্য বলশালী। ঐ মহাবল
পরাক্রান্ত বৃকোদর আমাদের বারণাবত
নগর হইতে বহির্গত করিয়াছে। উঁহার তুল্য
বলশালী আর কেহই নাই, বোধ হয়, সে
যুদ্ধে পুরুষোত্তম চক্রপাণিকেও জয় করিতে
পারে। ভীমসেন জাতমাত্র আমার কোড়
হইতে গিরিপৃষ্ঠে নিপতিত হয়, পর্তত উঁহার
দেহভারে চূর্ণ হইয়া যায়। অতএব হে পা-
ণ্ডব! আমি স্বীয় প্রজ্ঞা দ্বারাই ভীমসেনের
বলবিক্রম বুঝিতে পারিয়া ব্রাহ্মণের প্রত্যা-
পকারার্থে এই বিষয়ে অনুমতি প্রদান ক-
রিয়াছি। আমি লোভ বা অজ্ঞানতা প্রযুক্ত
এ বিষয়ে প্রবৃত্ত হই নাই, বুদ্ধিপূর্বকই ইহা
করিয়াছি। হে যুধিষ্ঠির! এই কার্য সম্পা-
দন দ্বারা আমাদের দুইটি মহৎকার্যানুষ্ঠান

হইবে; প্রথম আশ্রয়দাতার প্রত্যুপকার, দ্বিতীয় ধর্মাস্ত্রাণ। হে পুত্র! পূর্বে মহর্ষি কৃষ্ণদৈপায়ন আমাকে কহিয়াছেন, যে ক্ষত্রিয় ব্রাহ্মণের কাষ্যকালে তাঁহার সাহায্য করে, সে চরমে শুভলোক প্রাপ্ত হয়; যে ক্ষত্রিয় ক্ষত্রিয়ের প্রাণরক্ষা করে সে, ইহকালে ও পরকালে মহতী কীর্তি লাভ করে; যে ক্ষত্রিয় বৈশ্যের সাহায্য করে, সে সর্বলোকে প্রজারঞ্জক হয় এবং যে ক্ষত্রিয় শরণাগত শূদ্রকে বিপদ হইতে পরিজ্ঞান করে, সে এই রাজ পুঞ্জিত ক্ষত্রিয়কুলে পুনর্বার জন্মগ্রহণ করে। হে পৌরব বংশাবতংস! আমি বেদব্যাসের এই উপদেশ স্মরণ করিয়া এই বিষয়ে হস্তক্ষেপ করিয়াছি।

ত্রিষষ্ঠ্যাধিক শততম অধ্যায়।

বৈশম্পায়ন কহিলেন, হে রাজন! ধর্মাস্ত্রা যুদ্ধতির স্বীয় জননী কুশীর মুখে এইপ্রকার ধর্মোপেত বাক্য শ্রবণ করিয়া কহিলেন, মাতঃ! আপনি করুণাপ্রযুক্ত চুঃখার্ভ ব্রাহ্মণের উপকারার্থে অমুমতি করিয়া যৎপরোনাস্তি স্নেহিতার কার্য্য করিয়াছেন। আপনি ব্রাহ্মণের প্রতি সাতিশয় সদয় হইয়াছেন। আপনার এই পুণ্যবলে ভীমসেন অবশ্যই সেই নরমাংস লোলুপ ছুট নিশাচরের প্রাণনাশ করিয়া প্রত্যাবর্তন করিবে, সন্দেহ নাই। আপনি আগ্রহপূর্বক ব্রাহ্মণকে কহিবেন যে, নগরবাসী জনগণ যেন এই সমস্ত বৃত্তান্ত জানিতে না পারে।

এইরূপে সমস্ত দিবা রাজি অতিবাহিত হইলে, প্রাতঃকালে ভীমসেন অন্ন লইয়া রাক্ষসের আবাস স্থানে গমন করিলেন। তথায় সমুপস্থিত হইয়া সেই রাক্ষসের নামোচ্চারণপূর্বক তাহাকে আহ্বান করিতে করিতে আনীত অন্ন স্বয়ংই উপযোগ করিতে আরম্ভ করিলেন। মহাকায় রাক্ষস ভীমের সেই আহ্বান বাক্য শ্রবণে সাতিশয় সংক্রুদ্ধ হইয়া তাঁহার সমীপে সমুপস্থিত হইল।

ঐ রাক্ষসের চক্ষু, কেশ ও শ্মশ্রু লোহিতবর্ণ; মুখবিবর আকর্ষণ বিস্তৃত, কর্ণদ্বয় গর্দভ শ্রবণের ন্যায় দীর্ঘ। ভীষণ মূর্তি রাক্ষস তথায় আগমনপূর্বক তাঁহাকে সেই সমস্ত অন্ন ভক্ষণ করিতে দেখিয়া পূর্বাপেক্ষা অধিকতর ক্রুদ্ধচিত্তে ত্রিশিখ, ত্রুকুটী বন্ধন ও অধরৌষ্ঠ দংশন পুরঃসর ঘর্গিত নয়নে কহিতে লাগিল; অরে! কোন ছুর্ভুক্তি আমার সমক্ষে আমার নিমিত্ত আনীত অন্ন ভক্ষণ করিতেছে? শমন সদনে গমন করিতে কহার বাসনা হইয়াছে? ভীমসেন রাক্ষসের বচন শ্রবণে ঈষৎ হাস্য করিয়া তাহার বাক্যে কর্ণপাত না করিয়া ভোজন করিতে লাগিলেন। তখন রাক্ষস ভয়ানক চীৎকার ও বাহুদ্বয় উত্তোলনপূর্বক ভীমসেনকে সংহার করিবার মানসে তাঁহার নিকট ধাবমান হইল। শক্র-পক্ষ-ক্ষয়কারী ভীমসেন তাহাতে কিছুমাত্র মনোযোগ না করিয়া নিঃশঙ্কচিত্তে ভোজন করিতে লাগিলেন। রাক্ষস ক্রোধে কম্পান্বিত কলেবরে ভীমসেনের পশ্চাদ্ভাগে দণ্ডায়মান হইয়া তাঁহার পৃষ্ঠে ছুইহস্তে চপেটাঘাত করিতে লাগিল। বৃকোদর সেই প্রকারে আহত হইয়াও রাক্ষসের প্রতি দৃষ্টিপাত মাত্রও না করিয়া স্বচ্ছন্দে উপযোগ করিতে লাগিলেন। রাক্ষস তদর্শনে পূর্বাপেক্ষা অধিকতর ক্রোধান্বিত হইয়া বৃকগ্রহণ পূর্বক ভীমসেনকে আঘাত করিবার মানসে ধাবমান হইল। তখন ভীমসেন ক্রমে ক্রমে সমস্ত অন্ন ভক্ষণান্তর আচমন করিয়া যুদ্ধ করিতে প্রস্তুত হইলেন, এবং হাসিতে হাসিতে বামহস্ত দ্বারা রাক্ষসের হস্তস্থিত বৃক কাড়িয়া লইলেন। রাক্ষস তদর্শনে যৎপরোনাস্তি ক্রুদ্ধ হইয়া বহুবিধ বৃক আনয়ন করিয়া ভীমসেনকে প্রহার করিতে লাগিল। বৃকোদরও তাহাকে প্রহার করিতে আরম্ভ করিলেন। এইরূপে রাক্ষস-কৃত বৃক-সংগ্রামে সেই বন পাদপশূনা

হইয়া গেল। তখন বক “অরে ছুরাঙ্গন !
তুই বকনিশাচরের হস্তে পতিত হইয়াছিস্
আর ভোর নিস্তার নাই” এই বলিয়া দ্রুত
বেগে ভুক্তদ্বয় দ্বারা ভীমসেনকে আক্রমণ
করিল। মহাবীর ভীমসেনও বলপূর্বক রাক্ষ-
সকে ধারণ করিয়া আকর্ষণ করিতে লাগিলেন।
রাক্ষস ভীমসেন কর্তৃক রূষ্যমাণ হইয়া সা-
তিশয় ক্লান্ত হইল। সেই মহাবীরদ্বয়ের বেগে
পৃথিবী কম্পিত হইতে লাগিল এবং রুক্স
সমুদায় চূর্ণ হইয়া গেল। এইরূপে দিবা রাত্রি
যুদ্ধে রুক্সদের রাক্ষসকে ক্ষীণবীর্য দেখিয়া
তাহাকে ভূতলে নিক্ষেপ করিলেন। তিনি
জানুদ্বয় দ্বারা তাহার পৃষ্ঠদেশে দৃঢ় নিষ্পা-
ড়ন করিয়া দক্ষিণ হস্তে গ্রীবা ধারণ
করিলেন এবং বামহস্ত দ্বারা কটিদেশের বস্ত্র
ধরিয়া তাহার মধ্য দেশ ভঙ্গ করিবার চে-
ফা করিতে লাগিলেন। ছুরাঙ্গা বক মহাবল-
পরাক্রান্ত ভীমসেন কর্তৃক দৃঢ়তর নিষ্পা-
ড়িত হইয়া পূর্বাপেক্ষা দ্বিগুণতর চীৎকার
করিতে করিতে রুধির বমন করিতে লাগিল।

চতুঃষষ্ঠ্যাধি শততম অধ্যায় ।

বৈশম্পায়ন কহিলেন, হে মহারাজ ! ত-
দনন্তর বক নিশাচর ভীমসেনের দারুণ প্র-
হারে সাতিশয় ব্যথিত হইয়া ভয়ানকস্বরে
চীৎকার পূর্বক প্রকাণ্ড পর্বতের ন্যায় ধরা-
তলে পতিত হইল। বকরাক্ষসের চীৎকার
ধ্বনি শ্রবণে তাহার আঙ্গীরবর্গ সাতিশয় ত্রা-
সযুক্ত হইয়া পরিচারকগণ সমভিব্যাহারে
গৃহ হইতে বহির্গত হইল। ভীমসেন তাহা-
দিগকে ভীত ও জ্ঞানশূন্য দেখিয়া সান্ত না
করিতে লাগিলেন এবং কহিলেন, তোমরা
প্রতিজ্ঞা কর, অদ্যাবধি আর নরহত্যা করিবে
না। যে রাক্ষস মনুষ্যহিংসার প্রবৃত্ত হইবে
তাহাকে এইরূপে সংহার করিব। রাক্ষসগণ
যেআজ্ঞা বলিয়া ভীমের বচনে সন্মত হইল
এবং তত্ত্ববধি শাস্তমুর্তি হইয়া নগরবাসী
জন্মগণ সমীপে বিচরণ করিতে লাগিল।

তদনন্তর ভীমসেন সেই বকনিশাচরের
মৃতদেহ লইয়া তাহার দ্বারদেশে নিক্ষেপ
পূর্বক অলক্ষিতরূপে তথা হইতে প্রস্থান
করিলেন। বকের জ্ঞাতিবর্গ তাহাকে মৃত
দেখিয়া ভয়াকুলিত চিত্তে ইতস্ততঃ পলায়ন
করিতে লাগিল। এদিকে ভীমসেন রাক্ষস
বধ সমাপনানন্তর ত্রাঙ্গণ ভবনে প্রত্যাগমন
করিয়া যুদ্ধিরের নিকট আদ্যোপান্ত স-
মুদায় বৃত্তান্ত বর্ণন করিলেন।

রজনী প্রভাত হইলে নগরস্থ জনগণ ন-
গর হইতে বহির্গত হইয়া দেখিল যে, বক-
রাক্ষস পঞ্চদ্ব প্রাপ্ত হইয়া রুধিরোক্ষিত
কলেবরে ধরাতলে পতিত রহিয়াছে। তাহারা
সেই ভুধরোপম ভূমি নিহিত ভয়ানক বক-
রাক্ষসকে দেখিয়া রোমাঞ্চিত কলেবরে
পুনর্বার একচক্রায় গমন করত তথায় ঐ
সমস্ত বার্তা প্রচার করিল। তখন একচক্রা-
নিবাসী আবালবৃদ্ধ বনিতাগণ মৃত বকরাক্ষ-
সকে দেখিতে গমন করিল। তাহারা সেই
বক বধরূপ অতিমানুষ ব্যাপার দর্শনে চমৎ-
কৃত হইয়া দেবাক্ষনা করিতে আরম্ভ করিল।

তদনন্তর তাহারা “কল্যাণাহার পর্য্যায় গি-
য়াছে” এই পর্য্যালোচনা করিতে করিতে জা-
নিতো পারিল যে, ত্রাঙ্গণের পর্য্যায় গিয়াছে।
তখন সকলে একত্র হইয়া ত্রাঙ্গণের সমীপে
গমনপূর্বক উক্ত ব্যাপারের কারণ জিজ্ঞাসা
করিল। ত্রাঙ্গণ পৌরগণ কর্তৃক এইরূপ জি-
জ্ঞাসিত হইয়া পাণ্ডবদিগকে রক্ষা করিবার
মানসে যাধার্থ্য গোপনপূর্বক কহিলেন, হে
পৌরগণ ! আমি পর্য্যায়ক্রমে রাক্ষসের
আহার প্রদানার্থে আদিত হইয়া সপরিবারে
ক্রন্দন করিতেছিলাম, এমন সময়ে এক ম-
হামনা মন্ত্রসিদ্ধ ত্রাঙ্গণ আমার সমীপে
সমুপস্থিত হইলেন। তিনি আমার ও পৌ-
রবর্গের দুঃখের বিষয় অবগত হইয়া দয়াজ
চিত্তে আমাকে কহিলেন, হে ব্রহ্মন ! অদ্য
আমি অন্ন লইয়া সেই ছুরাঙ্গা রাক্ষসের

নিকট গমন করিব, আমার নিমিত্ত তোমার কিছুমাত্র ভয় নাই। তিনি আমাকে এই কথা বলিয়া অন্নগ্রহণপূর্বক বক ভবনে গমন করিলেন। নিশ্চয়ই বোধ হইতেছে, ইহা সেই ব্রাহ্মণের কার্য। পুরবাসী ব্রাহ্মণ, ক্ষত্রিয়, বৈশ্য ও শূদ্রগণ ব্রাহ্মণের ঐ কথা শুনিয়া পরমাঙ্কুরে উৎসব করিতে লাগিল। এইরূপে সমস্ত জানপদগণ সেই অস্তুত ব্যাপার দর্শন করিয়া নগরে আগমন করিল। পাণ্ডবগণ ব্রাহ্মণ নিকেতনেই বাস করিতে লাগিলেন।

বকবধ পর্ব সমাপ্ত।



চৈত্ররথপর্বাধ্যায়।

পঞ্চাষষ্ঠ্যাধিক শততম অধ্যায়।

জনমেজয় কহিলেন, হে ব্রাহ্মণ! মরশ্রেষ্ঠ পাণ্ডবেরা বক রাক্ষস সংহার করিয়া পরে কি করিলেন, বলুন, শুনিতে আমার নিতান্ত অভিলাষ জন্মিয়াছে।

বৈশম্পায়ন কহিলেন, মহারাজ! তাঁহারা এইরূপে বক রাক্ষসের প্রাণনাশ করিয়া বেদপাঠ করত সেই ব্রাহ্মণের আবাসে বাস করিতে লাগিলেন। এইরূপে কিস্কিন্দিবন অতীত হইলে একদা এক ব্রাহ্মণ আশ্রয়লিপ্সু হইয়া ঐ ব্রাহ্মণের ভবনে প্রবেশ করিলেন। আতিথ্যের ব্রাহ্মণ অভ্যাগত অতিথির যথোচিত সৎকার করিয়া তাঁহাকে বিজ্ঞামার্থ আশ্রয় প্রদান করিলেন। পাণ্ডবেরা জননী সমভিব্যাহারে পরমজ্ঞানী ও সাতিশয় ভক্তি সহকারে ঐ ব্রাহ্মণের পরিচর্যা করিতে লাগিলেন। ব্রাহ্মণ তাঁহাদিগের সেবায় অতিশয় প্রীত ও প্রসন্ন হইয়া প্রসঙ্গক্রমে অতি বিচিত্র পবিত্র কথার উপাখ্যান ও নানাদেশ, মগরী, তীর্থস্থান, মদী, অনেকানেক রাজ্যের উপাখ্যান ও বহুবিধ অত্যাশ্চর্য্য ব্যাপার সমুদয় কীর্তন করিলেন। এই সমস্ত কথা

সমাপন হইলে পাঞ্চাল দেশে অতি অস্তুত দ্রৌপদীর স্বয়ম্বর ব্যাপার, ধৃষ্টদ্যুম্ন ও শিখণ্ডির উৎপত্তি ও মহারাজ ক্রপদের মহাযজ্ঞে অযোনিসম্ভবা দ্রৌপদীর জন্ম প্রবণ করাইলেন। পাণ্ডবেরা ব্রাহ্মণের মুখে এই বিস্ময়কর ব্যাপার প্রবণ করিয়া একান্ত কৌতুহলাক্রান্তচিত্তে কহিলেন, হে মহাশয়! যজ্ঞবেদীস্থিত অলস্তু জ্বলন মধ্য হইতে কিরূপে ক্রপদপুত্র ধৃষ্টদ্যুম্ন ও দ্রৌপদী সম্ভূত হইলেন, মহাধনুর্ধর দ্রোণ হইতেই বা কি প্রকারে ক্রপদ ধনুর্বেদ শিক্ষা করেন, আর তাঁহাদিগের তাদৃশ সখ্যভাবই বা কি কারণে বিচ্ছিন্ন হইল, মহাশয়! অনুগ্রহ করিয়া এই সমস্ত আদ্যোপান্ত কীর্তন করুন। ব্রাহ্মণ তাহাদিগের এইরূপ প্রেরণাপরতন্ত্র হইয়া অতিবিচিত্র দ্রৌপদী সম্ভব পবিত্র বৃত্তান্ত কহিতে লাগিলেন।

ষট্‌ষষ্ঠ্যাধিক শততম অধ্যায়।

ব্রাহ্মণ কহিলেন, গঙ্গাদ্বারে মহাপ্রাজ্ঞ মহাতপা মহর্ষি ভরদ্বাজ অবস্থিতি করিতেন। একদা তিনি স্নানার্থ গঙ্গাতীরে গমন করিয়া দেখিলেন, ঘটচী নাম্নী এক অপ্সরা তাঁহার আসিবার পূর্বে তথায় উপনীত হইয়া জাহ্নবীজলে অবগাহন ও স্নান করিয়া তীরে দণ্ডায়মান আছে। এই অবসরে সমীরণ তদীয় পরিধেয় বসন আকর্ষণ ও অপহরণ করিল। মহর্ষি সহসা অপ্সরাকে বিবসনা দেখিয়া তাহার সহিত বিহার বাসনায় নিতান্ত কাতর হইয়া উঠিলেন। বলবতী অপ্সরাসন্তোগ-স্পৃহায় একান্ত অধীর হইয়া কৌমার ব্রহ্মচারী মহর্ষির চিরসঞ্চিত রেতঃ তৎকণাৎ স্থলিত হইল। রেতঃস্থলিত হইবামাত্র মহর্ষি দ্রোণী মধ্যে স্থাপন করিলেন; তাহা হইতেই ধীমান্ ভরদ্বাজের সুকুমার দ্রোণ নামে কুমার উৎপন্ন হইলেন। দ্রোণ বয়োবৃদ্ধি সহকারে সমুদয় বেদ ও বেদাঙ্গ অধ্যয়ন করিলেন।

পৃষত নামক এক মহীপাল মহর্ষি ভর-
দ্বাজের পরম বন্ধু ছিলেন । তৎকালে তাঁ-
হারও দ্রুপদনামে এক পুত্র উৎপন্ন হয় ।
দ্রুপদ প্রতিদিন আশ্রম প্রদেশে প্রবেশ
করিয়া দ্রোণের সহিত ক্রীড়া ও অধ্যয়ন
করিতেন । পৃষত রাজা কলেবর পরিত্যাগ
করিলে দ্রুপদ পৈতৃক সিংহাসনের উত্তরা-
ধিকারী হইলেন । কিয়দ্দিবস অতীত হইলে
একদা দ্রোণ লোকমুখে শুনিলেন, পরশু-
রাম অর্থীদিগকে প্রার্থনাধিক অর্থপ্রদান
করিয়া তপোভুজ্ঞানের নিমিত্ত অরণ্যে প্র-
বেশ করিয়াছেন । ভরদ্বাজ-পুত্র দ্রোণ তথায়
উপস্থিত হইয়া তাঁহাকে কহিলেন, হে দ্বি-
জ্ঞোত্তম ! আমি ভরদ্বাজের পুত্র দ্রোণ,
কিঞ্চিৎ অর্থ প্রাপ্তির প্রত্যাশায় আপনার
নিকট উপস্থিত হইয়াছি । পরশুরাম কহি-
লেন, হে ব্রহ্মন ! আমি যাবতীয় অর্থ সমুদায়
পাত্রসাৎ করিয়াছি, এক্ষণে অস্ত্র ও শরীরমাত্র
অবশিষ্ট আছে । ইহার অন্যতর কি প্রদান
করি, বল । দ্রোণ কহিলেন, ভগবন্ ! যদি
প্রসন্ন হইয়া থাকেন, তাহা হইলে প্রয়োগ ও
সংহারের সহিত সমুদয় অস্ত্র আমাকে প্রদান
করুন । ভৃগুমন্দন রাম “তথাস্তু” বলিয়া
তাঁহার বাক্য স্বীকার পূর্বক সমুদয় অস্ত্র
শস্ত্র প্রদান করিলেন । দ্রোণ অস্ত্রলাভ ক-
রিয়া চরিতার্থ হইলেন এবং অর্ভীষ্ট ব্রহ্মাস্ত্র-
লাভে হৃষ্ট ও সন্তুষ্ট হইয়া আপনাকে স-
র্বোৎকৃষ্ট বোধ করিলেন ।

অনন্তর প্রতাপশালী ভরদ্বাজ দ্রোণ
দ্রুপদসম্মিথানে উপস্থিত হইয়া কহিলেন, ম-
হারাজ ! তোমার সখা দ্রোণ উপস্থিত হই-
রাছে । তাহা শুনিয়া দ্রুপদ কহিলেন, যাদুশ
অজ্ঞোত্রিয় শোত্রিয়ের ও অরথী রথীর মিত্র
হইতে পারেনা, সেইরূপ যিনি রাজা নহেন
তিনি কিপ্রকারে রাজার সখা হইতে পারেন ।
এই কথা শ্রবণ করিয়া দ্রোণ ভয়মনে হস্তিনা
নগরীতে গমন করিলেন । তীয় অভ্যাগত

দ্রোণসম্মিথানে ধনুর্বেদ শিক্ষার্থে প্রভূত অ-
র্থের সহিত স্বীয় পৌত্রদিগকে প্রেরণ করি-
লেন । দ্রোণ দ্রুপদের গর্ভে বর্ষ করিবার
মানসে শিষ্যগণকে সম্মুখে আহ্বান করিয়া
কহিলেন, হে শিষ্যগণ ! যেকপ গুরুদক্ষিণা
আমার মনোনীত হয়, অস্ত্র শস্ত্র সম্যক শিক্ষা
করিয়া তোমাদিগকে তাহা দিতে হইবে ।
এক্ষণে ইহা অঙ্গীকার কর । তখন অর্জুন
প্রভৃতি শিষ্যসমবায় “তথাস্তু” বলিয়া গু-
রুবাক্য স্বীকার করিলেন । তৎপরে পাণ্ডব-
দিগকে ধনুর্বেদে কৃতবিদ্য দেখিয়া দ্রোণ
দক্ষিণাগ্রহণার্থ পুনর্বার কহিলেন, হে শি-
ষ্যগণ ! ছত্রবর্তী নগরীর অধিপতি পৃষতপুত্র
দ্রুপদকে পরাজিত ও রাজ্যচ্যুত করিয়া
অচিরাৎ সেই রাজ্য আমাকে দক্ষিণাস্বরূপে
প্রদান কর । পাণ্ডবেরা দ্রুপদকে যুদ্ধে প-
রাজয় করিয়া মন্ত্রী সমভিব্যাহারে তদীয়
করচরণ বস্ত্রান পূর্বক দ্রোণ সম্মিথানে আনয়ন
করিলেন । দ্রোণ দ্রুপদকে নেত্রগোচর করিয়া
কহিলেন, হে যজ্ঞসেন ! তোমার সহিত পুন-
রায় মৈত্রী স্থাপন করিবার প্রার্থনা করি ।
তুমি পূর্বে কহিয়াছিলে যে যিনি রাজা ন-
হেন, তিনি রাজার সখা হইতে পারেন না,
এই কারণে আমি রাজ্যগ্রহণে যত্ন করি-
য়াছি । এক্ষণে তুমি ভাগীরথীর দক্ষিণ কূ-
লের রাজা হইলে, আর আমি উহার উ-
ত্তরাংশ শাসন করিব ।

পাঞ্চাল রাজ দ্রুপদ ভরদ্বাজ তনয় দ্রো-
ণের বচন বিন্যাস শ্রবণ করিয়া কহিলেন,
হে মহাভাগ ! আপনি যাহা কহিতেছেন
আমি তদ্বিষয়ে সন্মত আছি । আপনি কু-
শলে থাকুন, আপনার অভিমত মিত্রতার
পুনর্বার বন্ধমূল হইল । পরস্পর পরস্পরকে
এইরূপ কহিয়া তাঁহারা পূর্বসখা স্থাপনপূর্বক
স্ব স্ব স্থানে প্রস্থান করিলেন । কিন্তু
এইরূপ অযোগ্য উপচার দ্রুপদের হৃদয়ে
সর্বদা জাগরুক ছিল । তিনি দিনে দিনে

আদিপর্ব।

নিতান্ত দুর্বল ও একান্ত বিমনা হইতে লাগিলেন।

সপ্তবর্ষাধিক শততম অধ্যায়।

ব্রাহ্মণ কহিলেন, তখন দ্রুপদরাজ রো-
ষাবিষ্ট হইয়া যাজ্ঞকস্বর্গদক্ষ ব্রাহ্মণগণের
অন্থেষণে আশ্রমে আশ্রমে ভ্রমণ করিতে
লাগিলেন। সন্তান নাই বলিয়া তিনি অতি-
শয় বিলাপ ও পরিতাপ করিতেন, এবং
একটি উপযুক্ত পুত্রের মুখচন্দ্রমা সন্দর্শনার্থে
চিন্তায় একান্ত নিমগ্ন হইলেন। দ্রোণের অ-
পকার করিবার নিমিত্ত তিনি বারংবার দীর্ঘ-
নিশ্বাস পরিত্যাগ করিতেন কিন্তু তদীয়
অলৌকিক প্রভাব, বিনয়, শিক্ষা, বিচিত্র-
চরিত্র ও ক্ষাত্ৰবল আলোচনা করিয়া কি-
রূপে প্রতীকার করিব ভাবিয়া কিছুই স্থির
করিতে পারিলেন না।

অনন্তর দ্রুপদ ভাগীরথীতীরে কল্যাণীর
উত্তর পাশে ভ্রমণ করিতে করিতে একদা
এক আশ্রমে উপনীত হইলেন। তথায় অ-
স্নাতক ও অত্রী কেহই ছিলেন না। তন্মধ্যে
দেখিলেন, সংশিতব্রত যাজ্ঞ ও উপযাজ্ঞ
নামক দুই ব্রহ্মর্ষি রহিয়াছেন, তাঁহারা
শান্তগুণাবলম্বী, সংহিতাপাঠে অভিনিবিষ্ট,
কাশ্যপগোত্রসমুত্ত ও যুক্তরূপশালী। দ্রুপদ
বিলাস না করিয়া বিনীতভাবে তাঁহাদিগের
যথোচিত সম্বর্জন করিলেন, উভয়ের বল-
বুদ্ধি বিবেচনা করিয়া নিঃস্বপ্নে কনিষ্ঠ উপ-
যাজ্ঞের নিকট উপস্থিত হইলেন, এবং প্রিয়-
বানী সর্বকামদাতা হইয়া সর্বপ্রযত্নে তদীয়
অমুরক্তি ও চরণ সেবা দ্বারা মহর্ষিকে তুষ্ট
করিয়া যথোচিত সৎকার পূর্বক কহিতে
লাগিলেন, হে ব্রহ্মন্! দ্রোণের বিনাশের
নিমিত্ত যদি কোন রূপ দৈবকার্য্যামুষ্ঠান
দ্বারা আমার পুত্রোৎপাদন করিতে পারেন,
তাহা হইলে আপনাকে এক অর্কুদ গোদান
করিব অঙ্গীকার করিতেছি; অথবা আপন-
কার বাহা অভিলাষ হয় তাহাই সকল করিব,

সন্দেহ নাই। মহর্ষি দ্রুপদের বাক্য শ্রবণ
করিয়া কহিলেন, রাজন্! আমি তোমার
বাক্য স্বীকার করিতে পারি না। দ্রুপদ এই
রূপ প্রত্যাখ্যাত হইলেও পুনর্বার তাঁহার
আরাধনা ও মানা প্রকারে চিন্তামুরক্তি ক-
রিতে লাগিলেন।

অনন্তর সম্রৎসর কাল অতিক্রান্ত হইলে
একদা উপযাজ্ঞ দ্রুপদকে মধুর বাক্যে সম্বো-
ধন করিয়া কহিলেন, মহারাজ! একদা
মদীর জ্যেষ্ঠ ভ্রাতা এক নিবিড় অরণ্যানী
মধ্যে সঞ্চরণ করিতে করিতে ভূতলে পতিত
একটি ফল দেখিতে পাইলেন। যে স্থানে
ঐ ফল পতিত হইয়াছিল, তাহার শৌচের
বিষয় কিছুই পরিজ্ঞাত ছিলেন না। আমি
তাঁহার পশ্চাৎ পশ্চাৎ গমন করিতে ছিলাম।
দেখিলাম, তিনি ফলগ্রহণে কিছুমাত্র বিবে-
চনা করিলেন না এবং ফলেরও পাপানুব-
ন্ধক দোষের প্রতি কিছুমাত্র দৃষ্টি রাখিলেন
না। অতএব যিনি একস্থলে শৌচাশৌচ পরি-
জ্ঞানে নিরপেক্ষ হইলেন, তিনি অন্যত্র তা-
হার বিচার করিবেন না। আরও যখন
গুরু গৃহে বাস ও সংহিতা অধ্যয়ন করিয়া
অন্যের উৎসৃষ্ট অন্নভোজন করেন এবং
নিষ্কৃণ হইয়া বারম্বার উৎসৃষ্ট অন্নের গুণ
কীৰ্ত্তন করিয়া থাকেন, তখন তিনি কিছুতেই
শৌচাশৌচের বিচার রাখিবেন না। এক্ষণে
আমি বিচার করিয়া দেখিতেছি, তিনিই
ফলাকাঙ্ক্ষী, অতএব তুমি তাঁহার নিকট
গমন কর, তিনি তোমার পুত্রোক্তি যত্নে দী-
ক্ষিত হইবেন।

মহারাজ দ্রুপদ এইরূপে প্রত্যাখ্যাত
হইয়া অতিশয় চিন্তিত হইলেন, এবং তদীয়
নিদেশামুসারে মহর্ষি যাজ্ঞের আশ্রমে প্র-
বেশপূর্বক তাঁহাকে যথোচিত সৎকার
করিয়া কহিলেন, বিভো! আমি আপনাকে
অষ্ট অযুতগোদান করিব। আপনি আমার
পুত্রোক্তিযত্নে দীক্ষিত হউন। দ্রোণের নিকট

পরাক্রুত হইয়া আমি নিতান্ত সহশ্র হই-
 য়াছি, এক্ষণে আমি বিনোদনের নিমিত্ত আ-
 পনার শরণাপন্ন হইলাম । বিজ্ঞোত্তম দ্রোণ
 ব্রাহ্মণে অধিষ্ঠীয়, অধিক কি এই ধরাধামে
 ক্ষত্রিয় মধ্যেও দ্রোণের সম ধনুর্ধর আর
 কেহই নাই, একারণ আমি তাঁহার নিকট
 সন্ধিযুদ্ধে পরাক্রুত হইয়াছি । তদীয় শরজাল
 প্রাণাপহারক, কদাচ ব্যর্থ হইবার নহে ।
 রণস্থলে ষড়রত্নি শরাসন তাঁহার হস্তে পরি-
 দৃশ্যমান হয় । তিনি ব্রাহ্মণের ঔরসে জন্ম
 গ্রহণ করিয়াছেন বটে কিন্তু নিঃসন্দেহ
 ক্ষত্রিয়তেজঃ প্রতিহত করিতে পারেন, সেই
 মহেশ্বাস মহাবল দ্রোণ দ্বিতীয় পরশুরামের
 ন্যায় ক্ষত্রিয়দিগের উচ্ছেদের নিমিত্ত এই
 জীবলোকে অবতীর্ণ হইয়াছেন । তাঁহার
 অস্ত্র বল মহাঘোর ও ভয়ঙ্কর, নরলোকে
 কেহই তাহা সহ করিতে পারে না । তিনি
 লক্ষাহুতি প্রদীপ্ত ছতাশনের ন্যায় ব্রাহ্ম
 তেজ ধারণ করেন, এবং ক্ষত্রিয় ধর্ম্মানুসারে
 রণক্ষেত্রে উপস্থিত হইয়া লক্ষ লোককে
 ভস্মসাৎ করিতে সমর্থ হইয়েন । হে যাজ !
 ব্রাহ্ম ও ক্ষত্রিতেজ এই উভয়ের মধ্যে ব্রাহ্ম-
 তেজই উৎকৃষ্ট, অতএব আমি ক্ষত্রিয়বলে
 নিরপেক্ষ হইয়া ব্রাহ্মতেজের আশ্রয় লই-
 তে মানস করিয়াছি এবং আপনকার অনু-
 কম্পায় আমার প্রবল পরাক্রান্ত দ্রোণাস্তক
 সন্তান জন্মিবে, এই আশয়ে আপনাকে অষ্ট
 অর্কদ গোদান করিতে প্রস্তুত আছি ।
 আপনি যথাবিধানে আমার এই পুত্রটি
 যজ্ঞ সমাধান করুন । তখন যাজ “তথাস্ব”
 বলিয়া তাঁহার বাক্য অঙ্গীকারপূর্ব্বক যজ্ঞীয়
 দ্রব্য সত্তার আহরণ করিতে আদেশ দিলেন ।
 যদিও উপযাজ বিষয়-বাসনাশূন্য ও নিতান্ত
 নিষ্কণ্ড, তথাচ মহৎকর্ম্ম সম্পাদন করিতে
 হইবে বলিয়া তিনি তাঁহাকে ভবিষ্যে ত্রুতী
 করিলেন এবং যাজ পাচতর অধ্যবসায় সহ-
 কারে দ্রোণবধে প্রতিজ্ঞাবদ্ধ হইলেন ।

অনন্তর মহাতপা মর্হাৰ্ঘ উপযাজ মণী-
 পাল রূপদের পুত্রকল কামনায় যজ্ঞ আরম্ভ
 করিয়া কহিলেন, মহারাজ ! তোমার যা-
 দৃশ অভিলাষ তদনুসারে মহাবীৰ্য্য মহাবল
 দ্রোণাস্তক পুত্র উৎপন্ন হইবে । তাঁহার
 এইরূপ উত্তেজনাবাক্যে উৎসাহিত হইয়া
 রূপদরাজ দ্রোণবিনাশের অভিসন্ধিতে য-
 জ্ঞীয়দ্রব্য সত্তার আহরণ করিতে লাগি-
 লেন । তৎপরে উপযাজ জ্বলন্ত ছতাশনে
 পূর্ণাহুতি প্রদানকালে রাজমহিষীকে আ-
 স্থানপূর্ব্বক কহিলেন, ভদ্রে ! তুমি পুত্র
 কন্যা উভয়ই প্রাপ্ত হইবে আইস । মহিষী
 বিনয়বাক্যে কহিলেন, হে ব্রহ্মন্ ! আমার
 মুখ অবলিপ্ত, গাত্রে দিব্য গন্ধ ধারণ ক-
 রিতেছি । আমি সন্তান নিমিত্ত একপভাবে
 আপনকার সন্নিধানে উপস্থিত হইতে পারি
 না, আপনি আমার প্রিয়হেতু ক্ষণকাল অ-
 পেক্ষা করুন ।

যাজ কহিলেন, হে রাজপত্নি ! তুমি
 যাও বা থাক, যাজদত্ত ও উপযাজের মন্ত্রপুত্র
 সংকৃত হব্য কদাচ নিষ্ফল হইবে না, অ-
 বশ্য অভীষ্ট সম্পাদন করিবে, এই বলিয়া
 তিনি সংকৃত ও প্রস্থলিত অনলে আহুতি
 প্রদান করিলেন । আহুতি প্রদান করিবা-
 মাত্র সহসা ছতাশন মধ্য হইতে দেবকুমার
 তুল্য স্কুকুমার এক কুমার উদ্ভিত হইলেন ।
 প্রস্থলিত অগ্নিশিখার ন্যায় তাঁহার বর্ণ উ-
 জ্জ্বল, সুন্দর কিরীট দ্বারা তদীয় মস্তক
 অলঙ্কৃত, আকার অতি ভয়ঙ্কর, ধনুর্ধার
 বর্ম্ম ও খড়্গ চর্ম্মধারণ করিয়া বারংবার
 সিংহনাদ পরিত্যাগপূর্ব্বক দিব্য রথারোহণে
 বহ্নিমধ্য হইতে নির্গত হইলেন । এই অদ্ভুত
 ব্যাপার অবলোকন করিয়া পাঞ্চাল দেশীয়
 ইতর সাধারণ সকলেই প্রফুল্ল মনে সাধুবাদ
 প্রদান করিতে লাগিলেন । তাঁহাদিগের হর্ষ-
 বেন ও সিংহনাদ উগবতী ধরতীরও অসহ
 হইল । তৎকালে এইরূপ আকাশবর্ণী হইল

য়ে, বশস্বী “রাজকুমার জ্যেষ্ঠ বধের নিমিত্ত উদ্ধৃত হইয়াছেন। ইহার বল অতি অদ্ভুত, ইনি পাঞ্চালদিগের ভয় দূর করিবেন।” ইত্যবসরে সর্বাঙ্গসুন্দরী এক কুমারী যজ্ঞ বেদিমধ্য হইতে উদ্ভিত হইলেন, ত্রিভুবনে তদীয় রূপলাবণের তুলনা ছিল না। তাঁহার বর্ণ শ্চামল, লোচনযুগল পদ্মপলাশের ন্যায় সুশোভন ও অতিবস্তীর্ণ, কেশজাল নীল ও আকৃষ্ট, পয়োধর পীন ও উন্নত, ক্রম্বয় লেখিতে সুচারু, কন্যার গাত্র হইতে নীলোৎপল সদৃশ গন্ধ এক ক্রোশপর্য্যন্ত ধাবিত হইতেছে। তাঁহাকে দেখিলে বোধ হয় যেন মালুম্বীমূর্তি পরিগ্রহ করিয়া কোন দেবী পৃথিবীতে অবতীর্ণ হইয়াছেন। ঐ দেবকপিণী রমণী দেখিতে এমন চমৎকারিণী যে দেখিলে দেব, দানব, গন্ধর্কেরও মন মোহিত হয়। “এইকন্যা কালক্রমে ক্রত্বিয়কুল ক্ষয় করিয়া বিস্তর সুরকার্য্য সাধন করিবেন, ইহার নিমিত্ত কুরুবংশীয়দিগের অহংকরণে সর্ব্বদা আশঙ্কা থাকিবে,” সহসা এইরূপ আকাশবাণী উদ্ভিত হইল। ইহা শ্রবণ করিয়া পাঞ্চালেরা সিংহনাদ পরিত্যাগ করিতে লাগিলেন, তাঁহাদিগের ঐকপ বেগ ভগবতী বসুন্ধরা সহ করিতে অসমর্থ হইলেন। তৎকালে রাজসহধর্ম্মিণী, পুত্রার্থিনী হইয়া যাজসমিধানে উপস্থিত হইলেন এবং কন্যা পুত্রকে লক্ষ্য করিয়া কহিলেন, হে-রাজ! ইহারা আমাভিন্ন অন্য কাহাকেও যেন জননী বলিয়া না জানে। যাজ রাজার প্রিয়ানুষ্ঠান মনসে তথাস্ত বলিয়া তাঁহার ব্যক্যে অস্বীকার করিলেন। পূর্ণমনোরথ ব্রাহ্মণেরা (বালক অতি প্রগণ্ড ও ছাত্র সম্ভূত) বলিয়া তাহার নাম ধৃষ্টদ্যুম্ন রাখিলেন এবং (কন্যাটী কৃষ্ণবর্ণা) প্রযুক্ত তাঁহাকে কৃষ্ণানাম প্রদান করিলেন। এইরূপে ক্রপদের মহা-যজ্ঞে পুত্র ও কন্যা উভয় উৎপন্ন হইল। প্রবল প্রতাপাধিত জ্যেষ্ঠ পাঞ্চালদেশ হইতে

ধৃষ্টদ্যুম্নকে নিজ নিলয়ে আনয়নপূর্ব্বক অস্ত্রশিক্ষা করাইতে লাগিলেন, এবং দৈব অনতিক্রমণীয় কদাচ অন্যথা হইবার নহে ভাবিয়া মহীয়সী আত্মকীর্ত্তি স্থাপনার্থে ধৃষ্টদ্যুম্নের অস্ত্রশিক্ষা বিষয়ে একান্ত যত্ন করিতে লাগিলেন।

অষ্টষষ্ঠ্যধিক শততম অধ্যায়।

বৈশম্পায়ন কহিলেন, মহারাজ! এই বৃত্তান্ত শ্রবণ করিয়া কুন্তীপুত্রদিগের হৃদয়ে যেন শল্য বিদ্ধ হইল তাঁহারা বিষাদ সাগরে একান্ত নিমগ্ন হইলেন। অনন্তর সত্যবাদিনী কুন্তী মাতৃভক্তিপরায়ণ সন্তান-গণকে আহ্বান করিয়া সর্ব্বজ্যেষ্ঠ যুধিষ্ঠিরকে কহিলেন, বৎস! আমরা এই রমণীয় নগরী মধ্যে ভিক্ষারূপে অবলম্বন পূর্ব্বক মহাত্মা ব্রাহ্মণের আবাসে বহুকাল বাস করিলাম। এস্থলে যে সমস্ত বন ও উপবন আছে তাহা বারংবার দর্শন করিয়াছি। তাহা দেখিয়া আর তাদৃশ প্রীতি জন্মে না। এক্ষণে ভিক্ষাও অপেক্ষাকৃত অল্প লক্ষ হইয়া থাকে, তদ্বারা দিনপাত হওয়া নিতান্ত সুকঠিন। অতএব যদি তোমাদিগের অভিলাষ হয়, তবে চল, আমরা পরম রমণীয় পাঞ্চাল দেশে গমন করি। ঐ দেশ অদৃষ্ট পূর্ব্ব, দেখিলে অবশ্যই প্রীতি কর হইবে। আর শুনিয়াছি, পাঞ্চালেরা প্রাণান্তেও ভিক্ষুককে পরাঙ্গুখ করেন না, তথাকার রাজা যজ্ঞসেন অতিশয় ব্রতপরায়ণ। হে বৎস! যদি মত হয় চল, একস্থলে বহুকাল অভিক্রম করা কদাচ বিধেয় হয় না। অধিক কি, এখানে ক্ষণকাল থাকিতেও আমার আর বাসনা নাই। তখন যুধিষ্ঠির কহিলেন, মাতঃ! আপনি যাহা আদেশ করিতেছেন, তাহা আমাদিগের পক্ষে ত্রয়োংকপ বোধ হয় কিন্তু অমুজদিগের কিরূপ অভিপ্রায় কিছুই জানি না। তৎপরে কুন্তী, ভীমসেন, অর্জুন ও বমক মঞ্চল সহদেবকে এই কথা

জিজ্ঞাসা করিলেন । তাঁহার। মাতৃবাক্যে কিছুমাত্র বিবেচনা না করিয়া কহিলেন, মাতঃ ! আপনি যাহা আজ্ঞা করিতেছেন, আমরা কদাচ তাহার অন্যথা করিব না ।

অনন্তর কুন্তী পঞ্চ পুত্র সমভিব্যাহারে ব্রাহ্মণকে সাদর সন্তুষ্টাষণ করিয়া দ্রুপদ-রাজ্যে যাত্রা করিলেন ।

ঊনসপ্তত্যধিক শততম অধ্যায় ।

বৈশম্পায়ন কহিলেন, মহারাজ ! মহাত্মা পাণ্ডবগণ প্রচ্ছন্ন-ভাবে বাস করিতেছেন, এই অবসরে সত্যবতীন্দন ব্যাস, তাঁহাদিগের দর্শনার্থ তথায় আগমন করিলেন । পাণ্ডবেরা তাঁহাকে অভ্যাগত দেখিয়া প্রত্যাশ্রয়-পূর্বক প্রণাম ও অভিবাদন করিয়া রুতাজলি পুটে দণ্ডায়মান রহিলেন । তখন মহর্ষি ব্যাস তাঁহাদিগকে উপবেশনার্থ অনুমতি প্রদান করিয়া প্রীতি-প্রফুল্ল মনে জিজ্ঞাসা করিলেন, হে পাণ্ডবগণ ! তোমরা শাস্ত্র ও ধর্ম্মানুসারে জীবিকা নির্বাহ করিতেছ ? এবং পূজার্হ অতিথি ব্রাহ্মণকে সৎকার করিয়া থাক ? ব্যাস তাঁহাদিগকে একরূপ ধর্ম্মার্থ-সম্বন্ধ বহুবিধ প্রশ্ন জিজ্ঞাসা করিয়া প্রসঙ্গ-ক্রমে একটি উপাখ্যান কহিতে আরম্ভ করিলেন ।

কোন তপোবনে সর্ষাপসুন্দরী সর্ষাপুত্র-সম্পন্ন এক ঋষিকন্যা বাস করিতেন । সেই রমণী স্বীয়কর্ম্মদোষে নিতান্ত দুর্দৃষ্ট-ভাগিনী হইয়া ছিলেন; এই কারণে অনুকূপ তর্ক-লাভে কৃতকার্য হইতে পারেন নাই । তখন তিনি সাতিশয় জুখিত হইয়া পতি-লাভার্থে তপস্যাক্রমে নিবেশ করিলেন, এবং অতি কঠোর তপোমুঠান দ্বারা অনতিকালমধ্যে ভগবান্ মহাদেবকে প্রীত ও প্রসন্ন করিলেন । দেবাদিদেব মহাদেব তাঁহার প্রতি অতিশয় সন্তুষ্ট হইয়া তথায় আবির্ভূত হইলেন এবং কহিলেন, হে সুন্দরী ! তুমি কুশলে থাক, আমি মহাদেব, তোমাকে বর

দান করিবার নিমিত্ত উপস্থিত হইয়াছি, বর প্রার্থনা কর । তখন তপস্বিকন্যা আপনার অভিলাষানুরূপ বর লাভ করিবার নিমিত্ত তাঁহাকে কহিলেন, ভগবন্ ! যদি প্রসন্ন হইয়া থাকেন, তবে যাহাতে আমি সর্ষাপুত্র-সম্পন্ন পতি লাভে চরিতার্থ হইতে পারি, এই রূপ বর প্রদান করুন । এই বলিয়া বারংবার তাঁহার নিকটে প্রার্থনা করিতে লাগিলেন । তৎপরে মহাদেব তাঁহাকে সম্বোধন করিয়া কহিলেন, হে ঋষিকন্যা ! আমার বরপ্রভাবে তোমার পঞ্চ স্বামী লাভ হইবে । তখন তাপসদুহিতা বরদ দেবতাকে পুনর্বার কহিলেন, ভগবন্ ! আপনকার নিকটে আমি সর্ষাপুত্রোপেত একমাত্র পতি লাভের বাসনা করি । ঈশ্বর কহিলেন, হে কন্যা ! তুমি পাঁচ বার পতি প্রদান করুন বলিয়া আমার নিকটে প্রার্থনা করিয়াছ, অতএব তোমার প্রার্থনামত পরজন্মে পঞ্চ পতি লাভ করিবে । সেই দেবকপিণী রমণী দ্রুপদবংশে জন্ম গ্রহণ করিয়াছেন । তিনি তোমাদিগেরই সহধর্ম্মিণী হইবেন; অতএব এক্ষণে তোমরা পাণ্ডাল নগরে গিয়া অবস্থান কর । আমি নিশ্চয় কহিতেছি, সেই কন্যা লাভ করিয়া তোমরা ভবিষ্যতে সুখী হইবে । এই বলিয়া মহাতপাঃ মহর্ষি ব্যাস, কুন্তী ও পাণ্ডবগণকে সাদর সন্তুষ্টাষণীঃ-প্রয়োগ পূর্বক প্রস্থান করিলেন ।

সপ্তত্যধিক শততম অধ্যায় ।

বৈশম্পায়ন কহিলেন, মহারাজ ! মহর্ষি ব্যাস তথা হইতে প্রস্থান করিলে পাণ্ডবেরা সন্তুষ্টচিত্তে জননী কুন্তীকে অগ্রে লইয়া অবকুর মার্গ অবলম্বনপূর্বক উত্তরাভিমুখে যাত্রা করিলেন । তাঁহার। দিবা-রাত্রিমধ্যে সোম-অরায়ণ-নামক এক তীর্থে গমন করিয়া জাহ্নবীতীরে উপনীত হইলেন । অর্জুন সর্ষাপুত্র এক প্রদীপ আলোক লইয়া প্রকা-

শার্থে ও আশ্রয়ার্থে তথায় গমন করিলেন

এক মহাবলপরাক্রান্ত গন্ধর্বরাজ ঐ পবিত্র ও রমণীয় গঙ্গাজলে অক্রনাপরিত্র হইয়া বিহার করিতেছিলেন। এই অবসরে তিনি গঙ্গাতীর-সম্বিহিত পাণ্ডবগণের পদশব্দ শ্রবণ করিলেন। শ্রবণ করিবামাত্র অতিশয় ক্রোধাবিষ্ট হইলেন। তিনি ক্রোধাবিষ্ট হইয়া ঐতস্ততঃ দৃষ্টিপাত করিতেছেন, এই সময়ে জননীসমভিব্যাহারী পাণ্ডবগণকে তথায় আগমন করিতে দেখিয়া ধনুস্ত্রণ আশ্চর্যজনক কহিলেন, সন্ধ্যার কিঞ্চিৎ কাল পূর্বাধিক সময়ে রজনী কামচারী বক্ষ, গন্ধর্ব ও রাক্ষসদিগের মুহূর্ত্ত, অবশিষ্ট কাল মনুষ্যদিগের কার্য সাধনার্থে নিয়মিত আছে। তোমরা লোভপরতন্ত্র হইয়া রাক্ষসী বেলায় পরিভ্রমণ করিতেছ, অতএব তোমরা নিতান্ত অনভিজ্ঞ, স্ততরাং আমরা রাক্ষসগণ সমভিব্যাহারে তোমাদিগকে সংহার করিব। রাত্রিকালে নদীকূল-সম্বিহিত হইলে মনুষ্যদিগকে ব্রহ্মবিৎ ব্যক্তিরূপে অবজ্ঞা ও অশ্রদ্ধা করেন, অধিক কি, এই সময়ে মহাবলপরাক্রান্ত ভূপালদিগেরও নদীকূলে আগমন করা নিবিদ্ধ। তোমরা আর কেন দূরে রহিয়াছ? সত্বরে আমার সম্বিহিত হও। আমি জলবিহার করিবার নিমিত্ত গঙ্গায় অবগাহন করিয়াছি, ইহা কি তোমরা পূর্বে অবগত হইতে পার নাই? আমার নাম অক্রুরপর্ণ; আমি স্বকীয় বলবীর্যের উপর নির্ভর করিয়া থাকি। আমি অতিশয় অভিমানী, ঈর্ষাপরায়ণ ও কুবেরের প্রিয় সখা। আর অর্থে যে বন দেখিতেছ, উহা অক্রুরপর্ণ নামে প্রখ্যাত। আমি বদৃষ্টাক্রমে ভাগীরথীতীরে সঞ্চরণ করিয়া ঐ স্থলে বিহার করিয়া থাকি। এই স্থানে রাক্ষস, শূদ্র, দেবতা বা মনুষ্যেরা আগমন করিতে

পারে না, তবে তোমরা কি কারণে এই স্থানে উপনীত হইলে বল?

ভদ্রীর এতাদৃশ উক্তবাক্যে উত্তেজিত হইয়া অক্রুরন কহিলেন, হে চন্দ্রমতে! সমুদ্র, হিমালয়ের পার্শ্বদেশ, আর এই নদীকূল, এই তিনটি প্রদেশ দিবা, রাত্রি বা সন্ধ্যাকালে কাহারও অধিকৃত নহে। হে গগনচর! ভুক্ত হউক বা অভুক্তই হউক, দিবস বা রজনী হউক, গঙ্গায় গমন করিতে কালনিয়ম নাই। আর আমরাও মহাবলপরাক্রান্ত; অতএব তোমাকে অকালে কালসন্দনে প্রেরণ করিব। নিতান্ত দুর্বল মানবেরাই রণক্ষেত্রে তোমাদিগকে সংহার করিয়া থাকে। পূর্বে কালে এই গঙ্গা হিমালয়ের হেমময় উত্তুঙ্গ শৃঙ্গ হইতে নিঃসৃত হইয়া গঙ্গা, যমুনা, সরস্বতী, রথঙ্গা, শরযু, গোমতী, ও গণ্ডকী, এই সপ্ত নদীৰূপে সমুদ্রজলে মিলিত হন। এই সপ্ত জ্যোতস্বতীর জলোপসেবনে লোকে বিগতপাপ হইয়া থাকে। পরম পবিত্রা গঙ্গা আকাশপথ-গামিনী হইয়া দেবলোকে অলকনন্দা নামে প্রসিদ্ধা হইয়াছেন। ভগবান্ বাদরায়ণি কহেন, এই গঙ্গা পিতৃলোক উদ্ধার করিবার নিমিত্ত বৈতরণীৰূপে পৃথিবীতে অবতীর্ণা হইলেন। পাপাচার লোকেরা ঐ নদী পার হইতে পারে না। সকলেই এই স্বর্গ কল-দারিনী দেবনদীতে অবাধে অবগাহন করিয়া থাকে, তুমি সেই সনাতন ধর্মের অপজ্ঞাপ করিয়া কেনই প্রতিবেধ করিতেছ? ভাগীরথীর জল অতি পবিত্র, আমরা স্বেচ্ছাক্রমে এই পবিত্র জল স্পর্শ করিব; ইহাতে কোনরূপ বাধা মানিব না।

এই কথা শুনিবামাত্র অক্রুরপর্ণ অতিশয় রোষপরবশ হইয়া শরাসম আকর্ষণ পূর্বক মহাবিধ আশীবিধ-সদৃশ স্ত্রীকুল শরসকল নিক্ষেপ করিতে আগিলেন। ধনুঞ্জয় হস্তস্থিত আর্দ্রাক ও চন্দ্র-বিধর্ষিত ক-

রিয়া তৎক্ষণাৎ তদীয় সমস্ত পরকাল নি-
রাস করিলেন এবং কহিলেন, হে গন্ধৰ্ব !
অস্ত্রবিদ্যা-বিশারদ বীরের নিকটে এরূপ বি-
ভীষিকা প্রদর্শন করা নিতান্ত অনুপযুক্ত ;
প্রদর্শিত হইলেও কেনের ম্যায় বিলীন হ-
ইয়া যায়। মানুষী শক্তি সর্বতোভাবে সকল
গন্ধৰ্বদিগকে পরাতব করিতে পারে, এ-
ক্ষণে ইহাই লক্ষিত হইতেছে ; অতএব
আইস তোমার সহিত অস্ত্রযুদ্ধ করিব।
মারামুখে প্রয়োজন নাই। পূর্বে কালে দে-
বরাজ ইন্দ্রের মন্য ও পূজনীয় বৃহস্পতি
তরঙ্গাজকে এই আধেয়াজ প্রদান করিয়া-
ছিলেন। তৎপরে তরঙ্গাজ অগ্নিবেশকে,
পরে অগ্নিবেশ মদীর গুরু দ্রোণকে সমর্পণ
করেন। অনন্তর দ্রোণাচার্য্য অতি উৎকৃষ্ট
বোধে ঐ অস্ত্র আমাকেই প্রদান করিয়া-
ছেন। এই কথা বলিয়া অর্জুন ক্রোধভরে
গন্ধৰ্বের প্রতি সেই প্রদীপ্ত আধেয়াজ প্র-
য়োগ করিলেন। প্রয়োগ করিবামাত্র তৎ-
ক্ষণাৎ তদীয় রথ তন্মসাৎ হইল। তখন
বিরথ, বিপন্ন ও অস্ত্রতেজে বিমোহিত গ-
ন্ধৰ্বরাজ অঙ্গারপর্ণকে অধোমুখে ভূতলে
পতিত দেখিয়া অর্জুন দিব্যমালানন্ত
তদীয় কেশপাশ ধারণ করিলেন এবং বি-
চেতনাবস্থায় কেশাকর্ষণপূর্বক তাঁহাকে
আপন জাতৃসন্নিধানে লইয়া গেলেন।

এই অবসরে শরণার্থিনী কুন্তীলসীনারী
তদীয় সহধর্মিণী পতির প্রাণ রক্ষার্থে বর্গ-
রাজ যুধিষ্ঠিরের শরণাগত হইলেন। তিনি
কহিলেন, হে মহাভাগ ! আমি গন্ধৰ্বরাজ-
মহর্ষী কুন্তীলসী, অনুকম্পা করিয়া আপনি
আমার ভর্তাকে পরিত্যাগ করুন, আমি
আপনকার শরণাপন্ন হইলাম। তখন যুধি-
ষ্ঠির কহিলেন, হে অরি-নিহুমন অর্জুন !
বশোহীন, স্ত্রীসহায়, নিতান্ত দুর্বল ও বুদ্ধে
পরাজিত শত্রুকে বিমোহিত করা সর্বভ্রম্য ;
অতএব ইহাকে অবিলম্বে পরিত্যাগ কর।

অর্জুন তাঁহাকে কহিলেন, হে গন্ধৰ্ব ! অন্য
কুরুরাজ যুধিষ্ঠির তোমাকে অস্ত্র দান
করিলেন, অতএব তুমি জীবন মইয়ু প্রস্থান
কর, আর কোন চুখে করিও না। তখন
গন্ধৰ্বরাজ কহিলেন, হে সৌম্য ! আমি
পরাজিত হইলাম, এক্ষণে আমার পূর্ব-
নাম অঙ্গারপর্ণ ছিল, তাহা পরিত্যাগ করি-
তেছি ; আম জনসমাজে বলবীর্য্য ও নাম
হারী শ্লাঘা করি না, কিন্তু এই আমার
পরম লাভ যে দিব্যাস্ত্রধারী অর্জুনকে গন্ধৰ্ব-
মারায় অধিকৃত করিব। আমার এই বি-
চিত্র রথ অস্ত্রাগ্নিধারা তন্মসাৎ হইয়াছে,
অতএব আমি চিত্ররথ নামের পরিবর্তে
দক্ষরথ বলিয়া প্রখ্যাত হইলাম। পূর্বে
আমি তপোবলে এই বিদ্যা লাভ করিয়াছি-
লাম, অন্য প্রাণপ্রদ মহাত্মা অর্জুনকে
সেই বিদ্যা প্রদান করিব। যিনি বল হারা
শত্রুকে স্তম্ভিত করিয়া, পরাজিত ও শরণাগত
শত্রুকে প্রাণ দান করেন, তিনি সর্ব কল্যাণে-
রই ভাজন হইতে পারেন। আমি যে বিদ্যা
প্রদান করিব ইহার নাম চাক্ষুসী বিদ্যা।
তগবান মনু সোমকে ইহা সমর্পণ করেন।
সোম হইতে বিশ্বাবসু, বিশ্বাবসু হইতে এই
বিদ্যা আমিই প্রাপ্ত হইয়াছি। এই গুরু-
প্রদত্তা বিদ্যা কাপুরুষগামিনী হইয়া বিনষ্ট
হইতেছে। হে বীর ! এই বিদ্যা-প্রাপ্তি-
রুত্তান্ত আমো্যোপান্ত সমুদয় নিবেদন করি-
লাম, এক্ষণে ইহার কিরূপ প্রভাব তাহাও
অবগত করাইতেছি, অবধান কর। এই ত্রি-
লোক মধ্যে যে বস্তু অবলোকন করিতে
অভিলাষ করিবে, এই বিদ্যাপ্রভাবে তাহা
তৎক্ষণাৎ দেখিতে পাইবে। যাহার বাদৃশী
বাসনা, তিনি তদনুসারে সকল বিষয়ই নেত্র-
গোচর করিতে পারিবেন। নিরবস্থিৎ হর
মাস একপদে বণ্ডারমান থাকিয়া এই বিদ্যা
লাভ করিতে হয় ; অতএব ব্রত অনুষ্ঠিত
হইলেও আমি তোমার নিমিত্ত সেই

বিদ্যাকে প্রসন্ন করিব। হে মহারাজ! আমরা এই বিদ্যা প্রভাবে মনুষ্য হইতে অপেক্ষাকৃত উৎকৃষ্ট লাভ করিয়াছি এবং দেবগণের সমকক্ষ হইয়া গগনমার্গে সঞ্চরণপ্রভৃতি অতি অদ্ভুত ব্যাপারসমুদায় সম্পাদন করিয়া থাকি। এক্ষণে তোমাকে ও তোমার ভ্রাতাদিগকে আমি এক এক শত গন্ধর্বিজ অশ্ব প্রদান করিব। সেই সমস্ত গন্ধর্বিজ অশ্বের বর্ণ অতি মনোহর, বেগ মন অপেক্ষাও খরতর। ইহারা কখন তরুণ বা জীর্ণ হয়না। ইহাদিগের গমনবেগ কদাচ হীন হইবার নহে। পূর্ব কালে ব্রহ্মাসুরসংহারার্থ দেবরাজ ইন্দ্রের বজ্র নির্মিত হইয়াছিল। উহা ব্রহ্মাসুর-শিরে দশধা ও শতধা চূর্ণ হইয়া যায়। তদনন্তর দেবতারা শত ভাগে বিভক্ত ঐ বজ্রভাগসকলের উপাসনা করেন। সেই সকল বজ্রাংশের অংশে এই গন্ধর্বিজ অশ্বগণ জন্ম গ্রহণ করে, এই নিমিত্ত ইহারা অবধ্য। কামবর্ণ কামজব ও কামতঃ সমুপস্থিত গন্ধর্বিজ অশ্বগণ তোমার অভিলাষ সফল করিবে। অর্জুন কহিলেন, হে গন্ধর্বিজ! তুমি প্রীত হইয়া বা প্রাণসঙ্কট উপস্থিত দেখিয়া আমাকে এই বিদ্যাখন অর্পণ করিতেছ? যদি প্রতিপ্রদান না হয়, তবে তাহাতে আমার প্রয়োজন নাই। গন্ধর্বিজ কহিলেন, হে অর্জুন! সাধু লোভের সহিত সমাগম হইলে স্বভাবতই প্রীত হইতে হয়, কিন্তু তুমি আমার প্রাণ দান করিয়াছ, এই নিমিত্ত আমি সাতিশয় প্রীত হইয়া এই বিদ্যা দানে উদ্যত হইয়াছি। আর আমি তোমাকে হইতে অভ্যুৎকৃত আগ্নেয়াজ্ঞ ও বৃদ্ধি নামক ঔষধ এই দুইটি এক কালে গ্রহণ করিব। অর্জুন কহিলেন, হে গন্ধর্বিজ! আমি ব্রহ্মাস্ত্র প্রদান করিয়া তোমাকে হইতে গন্ধর্বিজ অশ্ব গ্রহণ করিব, কিন্তু আমার নিতান্ত ইচ্ছা যে, সর্বদা আমাদের সমাগম হয়। হে সখে! তোমাদিগের হইতে যে কারণে ভয় উৎপন্ন হয়,

এবং আমরা বেদবেত্তা সাধুচরিত্র হইলেও রাত্রিকালে আগমন করিয়া যে কারণে এই রূপ তিরস্কৃত ও অপমানিত হইলাম, তাহার কারণ কি সমুদয় বল।

গন্ধর্বিজ কহিলেন, হে অর্জুন! তোমরা অনগ্নি ও অনাহত এবং কোন ব্রাহ্মণও তোমাদিগের পুরোবর্তী নহেন। এই কারণে আমি তোমাদিগকে তিরস্কার ও অবমাননা করিয়াছিলাম। বক্ষ, রাক্ষস, গন্ধর্বিজ, পিশাচ, উরগ ও দানবেরা কুরুবংশ-বিস্তার কীর্তন করিয়া থাকেন। আর নারদপ্রভৃতি দেবর্ষিমুখেও আমি তোমার পূর্বপুরুষদিগের গুণানুবাদ শ্রবণ করিয়াছি। অধিক কি, এই সমাগরাধরা পর্যটনপ্রসঙ্গে আমি স্বয়ংই তোমার সঙ্গশের ভূয়িষ্ঠপ্রভাব অবগত হইয়াছিলাম। ত্রিলোকপ্রখ্যাত মহায়শঃ স্রোণ, ঘাঁহার নিকটে তুমি বেদ ও ধনুর্কৌদে উপদিক্ত হইয়াছ, তিনিও আমার পরিচিত। দেবপ্রধান ধর্ম, বায়ু, ইন্দ্র ও যমজ অশ্বিনী-কুমার, আর নরশ্রেষ্ঠ পাণ্ডু এই ছয় জন কুরুবংশ-শিবর্জন ও তোমাদিগের জন্মদাতা পিতা। আমি তাঁহাদিগের সকলকেই সবিশেষ জ্ঞাত আছি। তোমরা অতি সচ্চরিত্র, মহাত্মা ও মহাবীর; তোমাদিগের মনের সংকল্প ও অধ্যবসায় সম্যক অবগত হইয়াও আমি তোমাদিগকে তিরস্কার ও অবমাননা করিয়াছিলাম। বিশেষতঃ বাহুবল-সম্পন্ন, বীরপুরুষেরা স্ত্রীসম্মিধানে অপমানিত হইলে, কখনই কমা প্রদর্শন করিতে পারে না, আমি সস্ত্রীক ছিলাম, রাত্রিকালে আমাদের বলবীর্ঘ্য দ্বিগুণতর পরিবর্জিত হইয়া থাকে, এই সমস্ত কারণে আমার অন্তঃকরণে ক্রোধের সঞ্চার হইয়াছিল। হে অর্জুন! তুমি আমাকে যুদ্ধে পরাজয় কবিয়াছ, অতএব যে কারণে জয়ী হইলে, বিধানানুসারে তাহা কীর্তন করিতেছি শ্রবণ কর।

ব্রহ্মচর্য পরমোৎকৃত ধর্ম। তুমি সেই

সর্গাক্রমতঃ বলিয়া আমাকে যুদ্ধে পরাজয় করিরাহ। যে কত্রির কামপরায়ণ, তিনি রাজ্যিকারল যুদ্ধে প্রবৃত্ত হইলে কদাচ জীবন রক্ষা করিতে পারেন না। আর সতীক হইলেও যিনি সনাতন বৈদ্য শাস্ত্র সম্মুখে রাখিয়া পুরোহিতের উপর কার্য্যভার অপর্ণ পূর্বক যুদ্ধে প্রবৃত্ত হন, তিনি নিশ্চয়ই সমস্ত মিশাচরকে পরাস্ত করিতে পারেন। অতএব হে তাপত্য ! ইহ লোকে ঘেষে বিষয়ে মনুষ্যের শ্রেয়োলাভের সম্ভাবনা, তৎসমুদায় বিষয়ে ইন্দ্রিয়দমনশীল পুরোহিতকে নিয়োগ করা কর্তব্য। ষড়ঙ্গবেদপারগ অতি পবিত্র সত্যবাদী ধর্ম্মাত্মা ও সুধীর ব্রাহ্মণই রাজাদিগের পুরোহিত হইয়েন। যে ভূপতির এতাদৃশ সঙ্গুণসম্পন্ন পুরোহিত বিদ্যমান আছেন, তাঁহার ইহ লোকে জয় ও পর লোকে স্বর্গ লাভ হইয়া থাকে। অর্থাৎপার্জন ও উপার্জিত অর্থ রক্ষা করিবার নিমিত্ত এক গুণবান পুরোহিত নিয়োগ করা অতিমাত্র শ্রেয়ঃকম্প। যে রাজা এই সমাগরা পৃথিবী অধিকার করিতে ইচ্ছা করেন, যিনি সর্ব সম্পদ লাভের অভিলাষী হইয়েন, তাঁহার পুরোহিতের হিতকারিণী বুদ্ধির আশ্রয় লওয়া বিধের। যে রাজার পুরোহিত নাই, তিনি কদাচ অভিজ্ঞ ও শৌর্য্যপ্রভাবে ভূমিসম্পত্তি অধিকার করিতে পারেন না ; অতএব হে কুরুবংশবর্ধন অর্জুন ! এক্ষণে ইহাই প্রতিশ্রুত হইল যে, রাজারা পুরোহিতের সাহায্য গ্রহণ করিলে বহু কালরাজ্য পালন করিতে পারেন।

একসপ্তত্যধিক শততম অধ্যায় ।

অর্জুন কহিলেন, হে গন্ধর্ব্বরাজ ! তুমি যে তাপত্য বলিয়া আমাকে সঙ্ঘোধন করিলে, তাঁহার স্বার্থ অর্থ কি? আমরা কৃষ্ণীপুত্র, কি কারণে তাপত্য বলিয়া আহৃত হইলাম? কাহার নামই বা তপতী ছিল? হে সারথী ! সর্বিশেষ জানিতে অভিলাষ

করি। গন্ধর্ব্বরাজ অর্জুনের বাক্যে শ্রীত হইয়া ত্রিলোকপ্রখ্যাত অন্তঃ উপাখ্যাম কীর্তন করিতে লাগিলেন। অর্জুনের প্রবণমানসে অবহিতচিত্ত হইলেন। গন্ধর্ব্বরাজ কহিলেন, হে অর্জুন ! আমি যে কারণে তপতীতনয় বলিয়া তোমাকে সঙ্ঘোধন করিলাম, সেই রমণীর বৃত্তান্ত আদ্যোপান্ত কীর্তন করিলে সমুদায় বুঝিতে পারিবে; স্থিরচিত্তে শ্রবণ কর। যিনি তুলোক ও জ্যালোকে আলোক প্রদান করিতেছেন, সেই সূর্য্যদেব সর্বাঙ্গসুন্দরী তপতীর জন্মদাতা। সাবিত্রীর পর ইহার জন্ম হয়। তপতী তপোমুরত্তা ও ত্রিলোকপ্রখ্যাতা ছিলেন। সুরাসুর গন্ধর্বাঙ্গরোমধ্যে কোন কামিনীই তপতীসদৃশ রূপশালিনী ছিলেন না। একদা সূর্য্য, পদ্মপলাশলোচনা সদাচারসম্পন্ন কন্যাকে প্রাপ্তযৌবনা দেখিয়া রূপ, গুণ, ব্রহ্মত, শীলসম্পন্ন এক অনুরূপ পাত্র অনুসন্ধান করিতে লাগিলেন; কিন্তু তিনি ত্রিভুবনমধ্যে কন্যার উপযুক্ত পাত্র দেখিতে পাইলেন না। এই কারণে তাঁহার অন্তঃকরণ বলবতী চিন্তায় একান্ত আক্রান্ত হইয়াছিল, সমুদয় সুখ ও শান্তি এক কালে তাঁহা হইতে তিরোহিত হইল।

এই সময়ে কুরুবংশাবতংস ঋক্ষতনয় মহাবল পরাক্রান্ত মহারাজ সয়রণ শুক্রাবাপরতন্ত্র, অহঙ্কারশূন্য, বিশুদ্ধচিত্ত, একান্ত ভক্তিমান ও সমধিক অন্ধাশালী হইয়া অর্ধা মালা ধূপ দীপপ্রভৃতি বিবিধোপহারে ও নিয়মোপবাস, তপস্তা সহকারে প্রতিদিন উদয়কালে ভগবান্ তাকরের আরাধনা করিতেন। সূর্য্যদেব রাজার আরাধনে সান্তিশয় শ্রীত ও প্রসন্ন হইয়া মহাকুলোদ্ভূত, অসামান্য রূপসম্পন্ন, রূতজ, ধর্ম্মার্থবেত্তা নৃপোত্তম সয়রণকেই স্বীয় চুহিতা তপতীর অনুরূপ পাত্র বলিয়া বিবেচনা করিলেন। পরিশেষে তাঁহাকেই কন্যা দান করিতে

তাঁহার সম্পূর্ণ মনোরথ হইল। যাদৃশ সূর্য্য-
কিরণে নভোমণ্ডল আলোকময় হয়, সেইরূপ
এই মহীপালের অদ্ভুত প্রভাবে ভুলোক
উদ্ভাসিত হইয়াছিল। যাদৃশ ব্রহ্মবাদী মহ-
র্ষিগণ উদয়কালে আদিত্যকে আরাধনা ক-
রেন, সেইরূপ ব্রাহ্মণেশ্বর প্রজাবর্গ মহারাজ
সম্বরণের পূজা করিত। তিনি দেখিতে
অতি কান্ত ছিলেন, এই নিমিত্ত মিত্রমণ্ডলীর
নিকটে চন্দ্রভূল্য প্রতীয়মান হইতেন, এবং
অতি শ্রেষ্ঠ ছিলেন বলিয়া, শক্রবর্গ তাঁ-
হাকে প্রচণ্ড দিবাकरের ন্যায় নিতান্ত দুর্নি-
রীক্ষ বোধ করিত। সূর্য্যদেব সেই সূশীল
ও সদাগুণসম্পন্ন সম্বরণকে তপতা দান ক-
রিতে মনোমীত করিলেন।

একদা মহাবল শ্রীমান্ সম্বরণ মৃগয়ার্থ
গিরিকাননে গমন করিলে তথায় তাঁহার
অপ্রতিম অশ্ব মৃগয়াবিহার পরিশ্রমে ও
ক্ষুৎপিপাসার আতিশয্যে একান্ত কাতর হ-
ইয়া তৎক্ষণাৎ পঞ্চম্ব প্রাপ্ত হইল। অশ্ব
বিনষ্ট হইলে রাজা একাকী পর্ষতোপরি
পাদচাংরে সঞ্চরণ করিতে করিতে সহসা
কমলায়তলোচনা এক সর্বাঙ্গসুন্দরী কুমা-
রীকে দেখিতে পাইলেন। তিনি সেই
অসহায় অবলারত্নকে নিনিমেঘলোচনে
নিরীক্ষণ করিতে লাগিলেন। কন্যার অসা-
মান্য রূপলাবণ্য সন্দর্শন করিয়া রাজা অ-
নুমান করিলেন, বুঝি কমলাসনা লক্ষ্মী বা
দিবাकरের স্থলিতপ্রভা অবনিতে অবতীর্ণ
হইয়া থাকিবেন। সেই অঙ্গনারত্নের আ-
কার ও তেজঃপুঞ্জপ্রভাবে তাঁহাকে প্রদীপ্ত
ছতাসনশিখা এবং প্রসন্নতা ও কন্যায়তা-
গুণে বিমলা শশিকলা বলিয়া ভ্রান্তি জন্মিল।
তিনি শৈলশিখরে আকৃষ্ট থাকিয়া হিরণ্যমী
প্রতিমার প্রতিক্রম হইয়াছিলেন, এমন কি,
তাঁহার রূপ ও বেশবিন্যাসপ্রভাবে বৃক্ষলতার
সহিত সমুদায় শৈলই স্ববর্ণময় প্রতীত হই-
তেছিল। তাঁহাকে অবলোকন করিয়া রাজার

ত্রিলোকের মহিলার প্রতি অবজ্ঞা জন্মিল।
তিনি মনে করিলেন, এই কামিনীকে নয়ন-
গোচর করিয়া এত দিনে চক্ষুর্দ্বয়ের সম্যক
ফল লাভ করিলাম। জন্মাবধি যে কিছু দে-
খিয়াছিলেন, কেহই এই রমণীয় রূপের অ-
নুরূপ নহে বলিয়া তর্ক করিতে লাগিলেন।
তিনি তদীয় গুণময় পাশে সংযতচিত্ত ও
সংযতনেত্র হইয়া সে স্থান হইতে প্রস্থান ক-
রিতে সমর্থ হইলেন না এবং ইতিকর্তব্যবি-
মুঢ় হইয়া কিছুই স্থির করিতে পারিলেন না।
কিয়ৎক্ষণ পরে তাঁহার মনে উদয় হইল,
বুঝি বিধাতা ত্রিলোক মম্বন করিয়া এই দু-
ল্লভ রূপের সৃষ্টি করিয়াছেন। ফলতঃ রাজা
কন্যার এইরূপ রূপসম্পত্তি সন্দর্শন ক-
রিয়া তাঁহাকে অলোকসামান্য বলিয়া জ্ঞান
করিলেন। অনুপম রূপের কি অপ্রতিম
মহিমা!! রাজা দেখিতে দেখিতে মদনবাণে
একান্ত পীড়িত হইয়া নিতান্ত চিন্তাকুল হই-
লেন। পরিশেষে অতি তীব্র স্মরণলে দক্ষ-
প্রায় হইয়া সেই নিরহঙ্কারা মনোহরা কামি-
নীকে সম্বোধন করিয়া কহিলেন, হে সুন্দরি!
তুমি কে? কাহার পরিগৃহীত? এখানেই বা
কি নিমিত্ত আর্ষিয়াছ এবং কি কারণেই বা
একাকিনী এই জনশূন্য অরণ্যে সঞ্চরণ ক-
রিতেছ? তোমার সর্বাঙ্গ অতি সুন্দর ও
নানাবিধ অলঙ্কারে অলঙ্কৃত; কিন্তু বোধ
হয়, তোমার এই মনোহারিণী মূর্তিই যেন
সকল অলঙ্কারের অলঙ্কাররূপ হইয়াছে।
তোমাকে দেবনারী বা অসুরকুমারী, যক্ষ-
শরী বা রাক্ষসী, গন্ধর্বকুলজা বা নাগবনিতা
বলিয়া বোধ হয় না। তুমি মানুষীও নও।
আমি যত ত্রিলোক দেখিয়াছি বা শুনিরাছি,
কেহই তোমার সদৃশ হইতে পারে না। হে
চারুবদনে! আমি তোমার চন্দ্র হইতেও
কমনীয় মুখমণ্ডল নিরীক্ষণ করিয়া অ-
বধি কন্দর্পশরে একান্ত জর্জরিত হইয়াছি।
ভূপাল সেই মিজর্জন অরণ্যানীমধ্যে

নিতান্ত কাতর ও একান্ত কামার্ভ হইয়া কন্যাকে বারংবার এইরূপ কহিতে লাগিলেন, কিন্তু কিছুই প্রত্যুত্তর পাইলেন না। অনন্তর সেই কামিনী সৌদামিনীর ন্যায় তৎক্ষণাৎ তথা হইতে অন্তর্হিত হইলে রাজা উদ্ভবৎ তাঁহার অনুসন্ধানে ইতস্ততঃ ভ্রমণ করিতে লাগিলেন, কিন্তু তাঁহাকে আর দেখিতে পাইলেন না। কন্যার অদর্শনে রাজা বহুবিধ বিলাপ ও পরিতাপ করত মুহূর্ত্ত কাল নিশ্চেষ্ট হইয়া তথায় দণ্ডায়মান রহিলেন।

দ্বিসপ্তত্যধিক শততম অধ্যায়।

গন্ধর্করাজ কহিলেন, হে অর্জুন ! কন্যা অন্তর্হিত হইলে সেই শক্রপাতন সঘরণ কামমোহিত হইয়া সহসা ভূতলে নিপতিত হইলেন। রাজাকে তদবস্থ দেখিয়া সেই চারুহাসিনী কামিনী পুনরায় তথায় আবিভূত হইলেন, এবং হস্তমুখে ও মধুর বাক্যে সম্বোধন করিয়া রাজাকে কহিলেন, মহারাজ ! গাত্রোপ্থান কর, তোমার মঙ্গল হইবে ; মোহাবেশপরবশ হইয়া তুমি ধরাতলে শয়ন করিয়া রহিয়াছ, ইহা নিতান্ত অসঙ্গত হইতেছে। ভূপতি কন্যার অমৃতময় বাক্য শ্রবণে গাত্রোপ্থান করিয়া দেখিলেন, সেই সর্বসুলক্ষণা কন্যা সন্মুখে দণ্ডায়মান রহিয়াছেন। তাঁহাকে দেখিয়া রাজা সন্দ্বিধ বচনে কহিতে লাগিলেন, হে সুন্দরি ! আমি কামান্ধ হইয়া তোমার ভজনা করিতেছি, তুমি ভক্ত জনের প্রতি অনুকম্পা প্রকাশ কর, আমার প্রাণ বহির্গত হইতেছে। দেখ ! তোমার স্নিগ্ধ পঞ্চশর আমাকে অনবরত তীক্ষ্ণ শর প্রহার করিয়াও ক্ষান্ত হইতেছে না। বিষম অনঙ্গরূপ ভূজঙ্গ এক বারেই আমাকে দংশন করিয়াছে। সন্নিহিত হও; যাহা কর্তব্য হয় কর, আমার জীবন নিতান্তই তোমার অধীন হইয়াছে। তোমার সমাগম ব্যতিরেকে আমি ক্ষণকালও জীবন ধারণ করিতে

পারিনা। হে বিশাললোচনে ! কামশরে প্রাণান্ত হইল; আমার প্রতি অনুকম্পা কর, আমি তোমার একান্ত ভক্ত ও অনুরক্ত; আমাকে পরিত্যাগ করা তোমার উপযুক্ত নহে। তুমি প্রীতি প্রদর্শনপূর্বক আমাকে পরিজ্ঞান কর। তোমার দর্শন কালাবধি স্নেহসঞ্চার হইয়া আমার মন অতিশয় চঞ্চল হইয়াছে। তোমাকে দেখিয়া আমার কোন মহিলা অবলোকন করিতে অভিরুচি নাই। প্রসন্ন হও ; আমি তোমার নিতান্ত বশব্দ, স্নাতএব আমাকে ভজনা কর। হে কমলায়তলোচনে ! যদবধি তোমাকে নয়নগোচর করিয়াছি, সেই অবধিই স্বকীর শানিত শরে অনঙ্গ আমার মর্শ ভেদ করিতেছে। এক্ষণে প্রণয়-সলিল সেচন করিয়া মন্থথানল-সম্মত দাহ শাস্তি করিয়া আপ্যায়িত কর। স্বদর্শনজনিত নিতান্ত দুর্দর্শ পঞ্চবাণ, প্রচণ্ড ধনু ও প্রচণ্ড শর করে লইয়া মর্দীয় হৃদয় বিদ্ধ করিতেছে। এক্ষণে তুমি আত্মসমর্পণ করিয়া আমার এ অপ্রতিম দুঃখের অবমান কর, হে রম্ভোর ! বিবাহের মধ্যে গান্ধর্কই শ্রেষ্ঠ, অতএব গান্ধর্কবিধানে পরিণয়ক্রিয়া সম্পাদন কর।

তপতী কহিলেন, মহারাজ ! আমি পিতৃমতী ও অবিবাহিতা, অতএব এক্ষণে স্বেচ্ছাচারিণী হইতে পারিনা। যদি আমার উপর তোমার নিতান্তই প্রণয় সঞ্চার হইয়া থাকে, তবে তুমি আমার পিতার নিকটে প্রার্থনা কর। হে নরেশ্বর ! যাদৃশ আমি তোমার প্রাণ হরণ করিয়াছি, ক্ষণমাত্র দর্শনে তুমিও সেইরূপ আমার প্রাণ হরণ করিয়াছ। শাস্ত্রে কহে স্ত্রীলোকের কোন কালেই স্বাতন্ত্র্য অবলম্বন করা বিধেয় নহে, আমি একান্ত পরাধীন, একারণ তোমার সন্নিধানে গমন করিতে সন্মত নহি। এই ত্রিলোকমধ্যে কোন কন্যা প্রথাত-বৎ-শোৎপন্ন ভক্তবৎসল ভূপালকে পতিত্বে

অঙ্গীকার করিতে অভিলাষ না করে? অ-
তএব আপনি প্রণাম, মিয়ম ও তপস্চরণ
দ্বারা প্রসন্ন করিয়া আমার জন্মদাতা সূর্য্য-
দেবের নিকটে প্রার্থনা করিবেন। যদি তিনি
স্বীকার করেন, তাহা হইলে আমি তোমার
চিরকাল বশবর্ত্তিনী হইয়া থাকিব। আমি
সাবিজৌর কনিয়সী, তগিনী, লোকপ্রদীপ
সূর্য্যদেবের কন্যা, আমার মাম তপতী।

ত্রিসপ্তত্যাধিক শততম অধ্যায়।

গন্ধার্বরাজ কহিলেন, হে অর্জুন! অ-
নন্তর সর্বাঙ্গসুন্দরী সূর্য্যতনয়া তপতী, রা-
জাকে এইরূপ কহিয়া পুনরায় অতি সত্বরে
আকাশপথে উখিত ও অস্থিরিত হইলেন।
রাজাও তথায় পূর্ব্ববৎ ভূতলে পতিত রহি-
লেন। এই অবসরে রাজমন্ত্রী রাজার অশ্বে-
ষণার্থ সৈন্য সামন্ত সমভিব্যাহারে সেই
নিষিদ্ধ অরণ্যানী মধ্যে প্রবেশপূর্ব্বক দে-
খিলেন, শারদীয় শক্রধ্বজের ন্যায় রাজা
ধরাতলে শয়ন করিয়া আছেন। রাজ-
মন্ত্রী তাঁহাকে তদবস্থায় ভূতলে পতিত
দেখিয়া যেন হতাশম দ্বারা প্রস্থগিত হইয়া
উঠিলেন। তিনি স্নেহবশতঃ অস্তেবাস্তে
সন্নিহিত হইয়া যেমন পিতা পুত্রকে উত্তো-
লন করেন, তক্রূপ কামমোহিত মহীপালকে
উত্থাপিত করিলেন। প্রজ্ঞা, বয়স, কীর্ত্তি
ও মীতিগুণে সর্ব্বশ্রেষ্ঠ মন্ত্রী, রাজাকে ভূ-
তল হইতে উত্থাপিত করিলে তাঁহার মনো-
স্বর দুর্নীকৃত হইল। তিনি তাঁহাকে উখিত
দেখিয়া মধুর বাক্যে সম্বোধনপূর্ব্বক কহি-
লেন, মহারাজ! কোন শঙ্কা নাই, আপনার
মঙ্গল হউক। মন্ত্রী রাজাকে বলবতী সূ-
পিপাসায় একান্ত কাতর দেখিয়া তদীয়
মস্তকোপরি স্নগন্ধ ও সুশীতল জল সেচন
করিলেন। তাহাতে তাঁহার মস্তকস্থিত মু-
কুট স্কুটিত হইয়াগেল।

অনন্তর রাজা চৈতন্য লাভ করিয়া মন্ত্রী
ব্যতিরেকে সমুদয় সৈন্য সামন্তকে বিদায়

করিয়া দিলেন। তাহার রাজার আদেশে
প্রাপ্তিমায়ে উৎকর্ণাৎ প্রস্থান করিল। স-
কলে প্রস্থান করিলে রাজা সেই গিরিপ্রদেশে
বাস করিতে লাগিলেন। তথায় তিনি সূর্য্য-
দেবের আরাধনা করিবার নিমিত্ত শুচি হ-
ইয়া কৃতঞ্জলিপুটে ও উর্দ্ধমুখে ভূতলে
অবস্থান করত মনে মনে মহর্ষি বশিষ্ঠকে
পুরোহিতত্বে বরণ করিলেন। রাজা এ-
ইরূপে দিব্যরাত্র এক স্থানে অবস্থান করিতে
লাগিলেন। পরে বিপ্রার্শি বশিষ্ঠ দ্বাদশ দি-
বসে তথায় উপনীত হইলেন। তপতী নৃপ-
তির মম হরণ করিয়াছেন, মহর্ষি ইহা
জামিতে পারিয়াও পুনরায় যোগবলে সমুদায়
অবগত হইয়া তাঁহার কার্য্য সিদ্ধার্থ প্রস্তাব
করিলেন। পরে সূর্য্যসমছ্যতি ঋষি সূর্য্য
সন্দর্শনের নিমিত্ত উর্দ্ধে উখিত হইলেন,
রাজা একদৃষ্টে তাঁহার পথ নিরীক্ষণ করিতে
লাগিলেন। মহর্ষি কৃতঞ্জলিপুটে সূর্য্যস-
ন্নিধানে উপনীত হইয়া প্রীতিপূর্ব্বক আপ-
নার পরিচয় দিলেন। মহাতেজা সূর্য্য তাঁ-
হার পরিচয় প্রাপ্ত হইয়া স্বাগত প্রশ্নপূর্ব্বক
জিজ্ঞাসিলেন, হে মহর্ষে! বল তোমার অ-
ভিলাষ কি? আমার নিকটে তুমি যাহা প্রা-
র্থনা করিবে, নিতান্ত দুর্লভ হইলেও আমি
তাহা প্রদান করিব। বিপ্রার্শি বশিষ্ঠ এইরূপ
অভিহিত হইয়া প্রণিপাতপূর্ব্বক প্রত্যুত্তর
করিলেন, হে দিবাকর! আমি আপনকার
কনিয়সী কন্যা তপতীকে মহারাজ সম্বরণের
নিমিত্ত প্রার্থনা করি। ঐ রাজা পরম ধার্মিক
ও অত্যাচার-ধীশক্তি-সম্পন্ন; তাঁহার কীর্ত্তি-
কলাপ অতি বিস্তীর্ণ; তিনিই আপনকার ক-
ন্যার একমাত্র উপযুক্ত পাত্র। এই কথা
শুনিয়া সূর্য্য কন্যাদান স্বীকার করিয়াও
তদীয় বাক্যে অভিনন্দন করিয়া কহিলেন।
হে মুনে! মহারাজ সম্বরণ সকল রাজলো-
কের শ্রেষ্ঠ, তুমিও ঋষিদিগের শ্রেষ্ঠ, আর
আমার কন্যা তপতীও জীলোকের শ্রেষ্ঠ;

অতএব এমন সুপাত্রে সম্প্রদান না করিব কেন? এই বলিয়া সূর্য্য স্বয়ং সর্ষাকসুন্দরী তপতীকে রাজা সম্বরণের নিমিত্ত বশিষ্ঠহস্তে সমর্পণ করিলেন। তখন মহর্ষি তপতীকে প্রতিগ্রহপূর্ব্বক বিদায় লইয়া পুনরায় কুরুবংশাবতংস মহারাজ সম্বরণের নিকটে আগমন করিলেন। রাজা সেই তপনকন্যা তপতীকে বশিষ্ঠ সমভিব্যাহারে আগমন করিতে দেখিয়া একান্ত সন্তুষ্ট হইলেন। ষৎকালে তপতী স্বীয় প্রভাপুঞ্জ নভোমণ্ডল উদ্ভাসিত করিয়া ভূতলে অবতীর্ণ হইলেন, তখন তিনি মেঘশালিত সৌদামনীর ন্যায় শোভা পাইতে লাগিলেন। রাজা সমাধিদ্ধারা অতি কক্ষে দ্বাদশ দিবস অতিবাহিত করিলে মহর্ষি বশিষ্ঠ তথায় উপনীত হইলেন। হে অর্জুন! এইরূপে মহারাজ সম্বরণ বরদ সূর্য্যদেবকে তপস্বাদ্বারা প্রসন্ন করিয়া বশিষ্ঠের তেজঃপ্রভাবে ভার্য্যা লাভ করেন।

তদনন্তর রাজা সম্বরণ সেই দেবগন্ধর্ব্বসেবিত গিরিশঙ্ক্রে বিধিপূর্ব্বক তপতীর পাণিগ্রহণ করিলেন। পাণিগ্রহণান্তর তিনি নিতান্ত ভোগবাসনায় বাধ্য হইয়া উপযুক্ত অমাত্যহস্তে রাজ্যভার সমর্পণ করিলেন। মহর্ষিও রাজাকে বিহারাত্তিলাষী দেখিয়া তথাহইতে প্রস্থান করিলেন। ভূপাল সেই গিরিশিখরে ভার্য্যা সমভিব্যাহারে বিহার করিতে লাগিলেন।

হে অর্জুন! এইরূপে তিনি ক্রমাগত দ্বাদশ বৎসর কাননে ও পর্বতে তপতীর সহিত বৈদৃচ্ছ বিহার করেন। অনন্তর দেবরাজ ইন্দ্র তদীয় রাজ্যমধ্যে দ্বাদশ বৎসর অনাবৃষ্টি করিলেন। সেই ঘোরতর অনাবৃষ্টিদ্বারা সমুদায় স্বাবর জরম ও প্রজাবর্গ ক্রমশঃ ক্ষয় প্রাপ্ত হইতে লাগিল। সেই দারুণ কাল উপস্থিত হইলে পৃথিবীতে বিষ্ণুমাত্র জলপাত বা নীহারপাত

না হওয়াতে শস্যোৎপত্তির বিলক্ষণ ব্যাঘাত হইতে লাগিল। রাজ্যস্থ লোকেরা ক্ষুধায় একান্ত পীড়িত ও উদ্ভ্রান্তমনা হইয়া স্ব স্ব গৃহ পরিত্যাগপূর্ব্বক দেশ বিদেশে ভ্রমণ করিতে লাগিল। গ্রাম ও নগরীমধ্যে সকলেই ক্ষুধায় অতিশয় কাতর হইয়া পুত্র কলত্রপ্রভৃতি আত্মীয় স্বজন সমুদয় পরিত্যাগপূর্ব্বক দীনভাবে পরস্পর পরস্পরের আশ্রয় লইল। ক্ষুধার্ত্ত, নিরাহার ও শবাকার মনুষ্যসমূহে পরিপূর্ণ নগরী প্রেতপালপরিবৃত্ত যমপুরীর ন্যায় বোধ হইতে লাগিল।

অনন্তর ভগবান্ বশিষ্ঠ লোকের এইরূপ ছুরবস্থা দর্শন করিয়া বৃষ্টি করিলেন। রাজা রাজকার্য্য পরিত্যাগ করিয়া বহু কাল বিহার করিতেছিলেন, তাঁহাকে পত্নীর সহিত পুনরায় রাজধানীতে আনয়ন করিলেন। মহারাজ সম্বরণ পুনর্বার নগরপ্রবেশ করিলে সমুদয় পূর্ব্ববৎ হইল। দেবরাজ মুঘলধারে অজস্র বারি বর্ষণ করিতে লাগিলেন। প্রচুরপরিমাণে শস্য উৎপন্ন হইতে লাগিল। গ্রামবাসী ও নগরবাসী লোকেরা সাতিশয় হর্ষ প্রকাশ করিতে লাগিল। এই অবসরে রাজা নিজ সহধর্ম্মিণী তপতী সমভিব্যাহারে দ্বাদশবর্ষব্যাপী এক যজ্ঞ করিলেন। হে অর্জুন! এই তপনকন্যা তপতী তোমাদিগের পূর্ব্ববংশীয়া ছিলেন। রাজা সম্বরণের ঔরসে তপতীর গর্ভে কুরুর জন্ম হয়, এই কারণে তোমাদিগকে তাপত্য বলিয়া সম্বোধন করিলাম।

চতুঃসপ্তত্যধিক শততম অধ্যায় ।

বৈশম্পায়ন কহিলেন, মহারাজ! অর্জুন পরম ভক্তি ও অঙ্কা সহকারে গন্ধর্ব্বরাজ অক্রারপর্ণের এইরূপ কথা শুনিয়া পূর্ণচন্দ্রে ন্যায় শোভা পাইতে লাগিলেন। এবং মহর্ষি বশিষ্ঠের তপোবল অর্ধে একান্ত কু-

তুহলাক্রান্ত হইয়া জিজ্ঞাসিলেন, হে গন্ধর্ক-
রাজ ! তুমি যে মহর্ষি বশিষ্ঠের নাম উল্লেখ
করিলে, যিনি আমার পূর্বপুরুষদিগের
পুরোহিত ছিলেন, তিনি কে? সমুদয় বল,
শুনিতে আমার নিতান্ত অভিলাষ হই-
য়াছে। গন্ধর্করাজ কহিলেন, হে অর্জুন !
বশিষ্ঠ ব্রহ্মার মানসপুত্র ও অরুন্ধতীর পতি।
দুর্জয় কাম, ক্রোধ পরাজিত হইয়া নিরস্তর
তঁাহার চরণসেবা করে। তিনি বিশ্বামিত্রের
অপরাধে জাতক্রোধ হইয়াও কুশিক বংশের
উচ্ছেদ করেন নাই, পুত্রশত-বিনাশ-
দুঃখে একান্ত কাতর হইয়া সামর্থ্য থা-
কিতেও নিতান্ত অশক্তের ন্যায় তঁাহার সং-
হারার্থ কোনরূপ দারুণ কর্মের অনুষ্ঠান
করেন নাই, এবং মৃত পুত্রদিগকে যমালয়
হইতে পুনরায় আহরণ করিবার নিমিত্ত
কৃতান্তকেও অতিক্রম করেন নাই, তঁাহার
আশ্রয় লাভ করিয়া ইক্ষাকু-কুলোদ্ভব ভূপা-
লেরা এই সমাগরা পৃথিবী অধিকার করি-
য়াছিলেন, এবং পুরোহিতত্বে বরণ করিয়া
বহুবিধ যজ্ঞানুষ্ঠান করিয়াছিলেন। প্রখ্যাত-
বংশসম্বৃত নৃপতিদিগের পৃথিবী জয় ও
রাজ্যরক্ষির নিমিত্ত পুরোহিত নিযুক্ত করা
কর্তব্য। যিনি পৃথিবী জয় করিতে ইচ্ছা ক-
রেন, তিনি ব্রাহ্মণকে অগ্রসর করিবেন।
অতএব, হে পার্থ ! তুমিও জিতেন্দ্রিয় ধর্ম-
কামার্থবেত্তা, গুণবান্ ও সুবিদ্বান পুরোহিত
নিযুক্ত কর।

পঞ্চসপ্তত্যাধিক শততম অধ্যায়।

অর্জুন কহিলেন, হে গন্ধর্করাজ ! বিশ্বা-
মিত্র ও বশিষ্ঠ ইহঁারা দুই জনেই দিব্য
আশ্রমে বাস করিতেন, অতএব কি কারণে
উভয়ের বৈর ভাব জন্মে তাহা আদ্যোপান্ত
সমুদয় বর্ণন কর। গন্ধর্করাজ কহিলেন, হে
অর্জুন ! সর্বলোকমধ্যে বশিষ্ঠোপাখ্যান
অতি প্রাচীন বলিয়া প্রসিদ্ধ, অতএব আমি

ঐ উপাখ্যান সম্যকরূপে বর্ণন করিতেছি,
শ্রবণ কর।

কান্যকুবল্ল দেশে কুশিকতনয় গাধি
নামে এক সুবিখ্যাত রাজা ছিলেন। তাঁহা-
র পুত্রের নাম বিশ্বামিত্র। একদা বিশ্বামিত্র
অমাত্য সমভিব্যাহারে যুগয়ার্থ এক নিবিড়
অরণ্যানীমধ্যে প্রবেশ করিলেন। প্রবেশ
করিয়া কোন রমণীয় প্রদেশে যুগ বরাহ
শীকারপূর্বক ভ্রমণ করিতে লাগিলেন।
অনন্তর যুগলোলুপ রাজা যুগের অনুসরণে
একান্ত পরিশ্রান্ত ও পিপাসার্ত হইয়া মহর্ষি
বশিষ্ঠের আশ্রমে উপনীত হইলেন। বশিষ্ঠ
তাঁহাকে অভ্যাগত দেখিয়া পাদ্য, অর্ঘ্য,
আচমনীয় ও বন্য হবিঃ প্রদান করিয়া
স্বাগত প্রশ্নপূর্বক অতিথিসংকার করি-
লেন। মহর্ষির এক কামধেনু ছিল। প্রার্থনা
করিলেই ঐ ধেনু তৎক্ষণাৎ অভিলষিত
সম্পাদন করিতেন। ঐ ধেনু গ্রাম্য ও আ-
রণ্য বিবিধ ওষধী, দুগ্ধ, বড়বিধ-রসসম্পন্ন
অমৃততুল্য অমুক্তম রসায়ন চর্ক্য চোষ্য,
লেহ্য পের চতুর্বিধ মিষ্টান্ন, বহুমূল্য রত্ন
ও বিচিত্র বসনপ্রভৃতি অপূর্ব দ্রব্য সকল
দোহন করিলেন। বশিষ্ঠ সেই সমস্ত ইচ্ছ
বস্ত্র দ্বারা রাজার অর্চনা করিলেন। অমাত্য-
সহিত রাজা আতিথ্য সংকার গ্রহণপূর্বক
সাতিশয় সস্তুষ্ট হইলেন। মহর্ষির ধেনু পঞ্চ-
হস্ত আয়ত ও ছয়হস্ত উচ্চ, তাঁহার নেত্রযুগল
মণ্ডকের ন্যায় উচ্চ, পাশ্চ ও উরু মনোহর,
পুচ্ছ অতি সুন্দর, পয়োধর স্বল, এবং গ্রীবা ও
মস্তক পুষ্ট ও আয়ত। গাধিনন্দন সেই সুচারু-
শৃঙ্গা ও অনিন্দিতা নন্দিনীকে নৈত্রগোচর
করিয়া সাতিশয় বিস্মিত হইলেন, এবং
তাহার বিস্তর প্রশংসা করিয়া কহিলেন, হে
ব্রহ্মন ! অর্কদসংখ্যক গো বা আমার সমু-
দায় রাজ্য লইয়া তুমি এই হোমধেনুটি
আমাকে প্রদান কর। বশিষ্ঠ কহিলেন,
মহারাজ ! আমি রাজ্যলোভে দেবকার্য্য,

পিতৃকার্য্য, অভিধিনংকার ও যজ্ঞাস্থান সমাধানের একমাত্র উপায়স্বরূপ পরশ্বিনী নন্দিনীকে প্রদান করিতে পারিব না। তখন বিশ্বামিত্র কহিলেন, আমি ক্ষত্রিয় জাতি, আপনি তপঃস্বাধ্যায়-সম্পন্ন ব্রাহ্মণ। প্রশান্তচিত্ত ব্রাহ্মণের বলবীর্য্যের কথা কাহারও অবদিত নাই; অতএব যদি অর্ক্বুদ সংখ্যক গো গ্রহণপূর্ব্বক আমার মনোভিলাষ সকল করিতে পরাঙ্মুখ হও, তাহা হইলে আমি স্বজাতিমূলত বল প্রকাশ করিয়া তোমার গোধন লইয়া যাইব। বশিষ্ঠ কহিলেন, মহারাজ! তুমি মহাবল পরাক্রান্ত রাজা এবং ভূজবীর্য্যাসম্পন্ন ক্ষত্রিয়, অতএব এবিষয়ে কোন বিচার না করিয়া অবিলম্বে যাহা ইচ্ছা হয় কর।

অনন্তর বিশ্বামিত্র বলপূর্ব্বক হংসশশি-সম-রূপশালিনী সেই নন্দিনীকে অপহরণ করিলেন। নন্দিনী দণ্ডপ্রহারে ও কশাঘাতে একান্ত পীড়িত হইলেন, এবং ইতস্ততঃ নিরোধ্যমান হইলেও হস্তুরবে ধাবমান হইয়া বশিষ্ঠসম্মুখে আগমনপূর্ব্বক উর্দ্ধ-মুখে দণ্ডায়মান রহিলেন। রাজবল তাঁহাকে অত্যন্ত তাড়না করিতে লাগিল, তথাপি তিনি মহর্ষির আশ্রম পরিত্যাগ করিলেন না। বশিষ্ঠদেব তাঁহাকে কহিলেন, হে ভদ্রে! আমি তোমার করুণস্বরূপ-পূর্ণ হস্তারব বারং-বার কর্ণগোচর করিতেছি, বিশ্বামিত্র তোমাকে বলপূর্ব্বক হরণ করিতেছেন, আমি ক্রমাশীল ব্রাহ্মণ কি করি বল? এই কথা শুনিয়া নন্দিনী সৈন্যভয়ে ও বিশ্বামিত্র-ভয়ে একান্ত ভীত ও উদ্ভিগ্ন হইয়া মহর্ষির সন্নিকৃষ্ট হইলেন এবং কহিলেন, ভগবন! তুর্দণ্ড রাজবল প্রচণ্ড কশাদণ্ড দ্বারা বারং-বার আমাকে প্রহার করিতেছে। প্রহারবেগে আমি নিতান্ত অশরণা ও অনাথার ন্যায় অতিকাতর স্বরে রোদন করিতেছি; এসময় আপনি কি নিমিত্ত আমার প্রতি উপেক্ষা

করিতেছেন। নন্দিনী প্রধর্ষিত হইয়া এই-রূপ ক্রন্দন করিতে লাগিলেন, তথাপি ধৃতব্রত মহর্ষি ক্রুদ্ধ বা ধৈর্য্যাহইতে বিচলিত হইলেন না, কেবল এইমাত্র বলিলেন, হে কল্যাণি! ক্ষত্রিয়দিগের ভেজঃ বল, আর ব্রাহ্মণদিগের ক্রমা বল হয়। আমি ক্রমা-পরায়ণ ব্রাহ্মণ, কি পেতীকার করিব, এক্ষণে যদি তোমার ইচ্ছা হয় তবে গমন কর। তখন নন্দিনী কহিলেন, হে ভগবন! আপনকার এই কথা শুনিয়া বোধ হইতেছে, আপনি আমাকে ত্যাগ করিলেন, কিন্তু যদি পরিত্যাগ না করেন তাহা হইলে বলপূর্ব্বক কেহই আমাকে লইয়া যাইতে পারিবে না। বশিষ্ঠ কহিলেন, হে নন্দিনী! আমি তোমাকে ত্যাগ করিতে চাহি না, যদি সমর্থ হও তবে আমার আশ্রমে অবস্থান কর। দেখ এ অরাতিরী বল প্রকাশপূর্ব্বক তোমার বৎসকে স্তূড়চ রজ্জুবদ্ধ করিয়া অপহরণ করিতেছে।

তখন সেই পরশ্বিনী আশ্রমে বাস করা যে মহর্ষির অভিপ্রায়, ইহা বুঝিতে পারিলেন এবং তৎক্ষণাৎ ক্রোধে আরক্তলোচন হইয়া অতি ঘোর রূপধারণপূর্ব্বক গ্রীবদেশ উন্নত করিয়া ঘন ঘন হস্তারব পরিত্যাগ সহকারে সৈন্যভিমুখে ধাবমান হইলেন। কশাদণ্ড দ্বারা বারংবার আহত ও ইতস্ততঃ নিরোধ্যমান হইলে তাঁহার ক্রোধানল প্রজ্বলিত হইয়া উঠিল। তিনি ক্রোধোদ্গীর্ণ হইয়া মধ্যাহ্নকালীন দিবাকরের ন্যায় শোভা পাইতে লাগিলেন। তদীয় বালধিহইতে অলস্ত অঙ্গার বৃষ্টি হইতে লাগিল। পুচ্ছ-হইতে পল্লব, প্রস্রবহইতে দ্রাবিড় ও শক এবং যোনিদেশহইতে ধবনেরা উৎপন্ন হইল। পৌময়হইতে কিরাতজাতি, যুদ্ধ-হইতে কাঞ্চী ও পার্শ্বদেশহইতে শরতকুল অগ্ন গ্রহণ করিল। কেনপুঞ্জহইতে শৌণ্ড, সিংহল, বর্কর, বল, চিবুক, পুঞ্জ, চীন,

বুল, কেরল, ও অন্যান্য বহুবিধ স্লেচ্ছজাতি উৎপন্ন হইল। বিশ্বামিত্র দেখিতে দেখিতে নানা বরণসংচ্ছন্ন সেই বিপুল স্লেচ্ছবল বহুবিধ অস্ত্র শস্ত্র ধারণপূর্বক ক্রোধাতিরেক মহাকারে ইতস্ততঃ বিক্ৰিষ্ট হইল। বিশ্বামিত্রের সমক্ষে তাঁহার বহুসংখ্যক সৈন্য বিশিষ্ট-সৈন্যমণ্ডলীর স্তুতীক্ষ্মশরজালে আহত ও ভীত হইয়া ইতস্ততঃ পলায়ন করিতে লাগিল। বিশিষ্টসৈন্য ক্রোধে নিতান্ত অধীর হইয়াছিল বটে, কিন্তু রণক্ষেত্রে বিশ্বামিত্রের একটি সৈন্যেরও প্রাণ সংহার করে নাই। ঋষিধেনু বিপক্ষ সৈন্যদিগকে অতি দূরতর প্রদেশ পর্য্যন্ত অবরোধ করিলেন। রাজসংক্রান্ত সৈন্যেরা ত্রিযোজন অবধি অবরুদ্ধ হইয়া আর্তনাদ পরিত্যাগ করিতে লাগিল। পরিশেষে প্রাণভয়ে একান্ত ভীত ও উদ্ভিন্ন হইয়া আশ্রয়লাভে রুতসঙ্গপ হইল, কিন্তু রুতকার্য্য হইতে পারিল না।

মহারাজ বিশ্বামিত্র ব্রহ্মতেজসম্বৃত এই সুমহৎ ব্যাপার স্বচক্ষে প্রত্যক্ষ করিয়া সাতিশয় বিস্মিত হইলেন এবং ক্ষত্রিয়ভাবে নিতান্ত বিরাগ প্রদর্শনপূর্বক কহিতে লাগিলেন, ক্ষত্রিয়বলে ধিক্, ব্রহ্মতেজ যথার্থ বল। বলাবল নির্গম্ভলে তপোবলকেই পরম বল বলিয়া প্রতিপন্ন করিতে হয়। এইরূপ স্থির সিদ্ধান্ত করিয়া তিনি অতি বিস্তীর্ণ রাজ্য, অসামান্য রাজলক্ষ্মী ও কমনীয় বস্তুর ভোগাভিলাষ এক কালে পরিত্যাগপূর্বক তপস্যায় মনোনিবেশ করিলেন। তৎপরে তপঃ-সিদ্ধিসম্পন্ন হইয়া তিনি তেজঃপ্রভাবে ত্রিলোককে অভিভূত করিতে লাগিলেন। পরিশেষে ব্রাহ্মণ্য লাভ করিয়া দেবরাজ ইন্দ্রের সহিত সোমরস-পান করিয়াছিলেন।

ষট্‌সপ্তত্যাধিক শততম অধ্যায়।

গন্ধর্ভরাজ কহিলেন, হে অর্জুন! ছালোকে কন্বাষপাদ নামে এক অলৌকিক

বলসম্পন্ন ও ইক্ষাকুকুলোৎপন্ন রাজা ছিলেন। একদা তিনি মৃগয়ার্থ রাজধানীহইতে নির্গত হইয়া এক অরণ্যানীমধ্যে প্রবেশ করিলেন। রাজা সেই মহাঘোর অরণ্যে মৃগ, বরাহ, মহিষ, খড়্গীপ্রভৃতি অতি ভয়ঙ্কর বন্য জন্তুসকল সংহার করত ইতস্ততঃ ভ্রমণ করিতে লাগিলেন। পরিশেষে একান্ত ক্লান্ত ও নিতান্ত শ্রান্ত হইয়া তথাহইতে প্রতিনিবৃত্ত হইলেন।

তৎকালে মহর্ষি বিশ্বামিত্র যাজ্ঞিক্রিয়ার নিমিত্ত তাঁহাকে অনুরোধ করিতে যান। রাজা কুধর্ত ও তৃষ্ণার্ত হইয়া এক প্রশস্ত পথ দিয়া সত্ত্বরে গমন করিতেছিলেন, ইত্যবসরে ঋষিশ্রেষ্ঠ মহাত্মা বিশিষ্টের পুত্রশতমধ্যে সর্বশ্রেষ্ঠ শক্তি সম্মুখে উপস্থিত হইলেন, রাজা তাঁহাকে দেখিয়া কহিলেন, আমাদিগের গমনপথ রোধ করিওনা, অপসৃত হও। শক্তি মধুর বাক্যে রাজাকে সান্ত্বনা করিয়া কহিলেন, মহারাজ! এ আমার পথ, শাস্ত্রানুসারে রাজা সর্বাগ্রে ব্রাহ্মণদিগকে পথ দিবেন ইহাই সনাতন ধর্ম বলিয়া প্রসিদ্ধ আছে। পথের নিমিত্ত উভয়ে এইরূপ বাগ্‌বিতণ্ডা আরম্ভ করিলেন। “তুমি সরিয়া যাও তুমি সরিয়া যাও” বলিয়া পরস্পর পরস্পরের প্রতি উত্তর প্রত্যুত্তর করিতে লাগিলেন। মহর্ষি স্বধর্ম প্রতিপালন করিবার নিমিত্ত পথ রোধ করিয়া রহিলেন। রাজাও অভিমানপরতন্ত্র ও ক্রোধাবিষ্ট হইয়া শক্তির গতি রোধ করিলেন এবং মোহাবেশে ভয়ঙ্কর নিশাচরের ন্যায় কশাঘাত দ্বারা ঋষিকে প্রহার করিলেন। প্রহারবর্ণে মহর্ষি ক্রোধে অধীর হইয়া তৎক্ষণাৎ তাঁহাকে অভিশাপ দিলেন, রে নৃপাধম! তুই যেমন ছুরাচার রাক্ষসের ন্যায় তাপসকে কশাঘাত করিলি, অদ্যাবধি মদীর শাপপ্রভাবে রাক্ষস হইবি এবং মনুষ্যমাংসলোলুপ হইয়া তাকে এই পৃথিবী পর্য্যটন করিতে হইবে।

বিশ্বামিত্র ও বশিষ্ঠ উভয়ের বাজ্যক্রিয়া-
নিবন্ধন বৈর উৎপন্ন হইয়াছিল, এজন্য
বিশ্বামিত্র কল্যাণপাদের নিকট গমন করেন।
উভয়ের বিবাদকালে তিনি সন্নিহিত হই-
লেন। রাজা শক্তিকে বশিষ্ঠসদৃশ প্রভাব-
সম্পন্ন দেখিয়া পশ্চাৎ বশিষ্ঠতনয় বলিয়া
জানিতে পারিলেন। হে অর্জুন! বিশ্বামিত্র
আত্মপ্রিয় সাধন মানসে অন্তর্হিত হইয়া
রহিলেন, তাঁহাদিগকে দর্শন দিলেন না।

অনন্তর রাজা এইরূপ অভিশাপগ্রস্ত
হইয়া প্রসন্ন করিবার নিমিত্ত শক্তির শরণা-
পন্ন হইলেন। বিশ্বামিত্র রাজার আত্মরিক
অভিপ্রায় অবগত হইয়া কিষ্করনামা এক
রাক্ষসকে তাঁহার শরীরে প্রবেশ করিবার
নিমিত্ত আদেশ করিলেন। সে মহ-
র্ষির শাপপ্রভাবে ও রাজর্ষি বিশ্বামিত্রের
আদেশানুসারে রাজার শরীর মধ্যে প্রবেশ
করিল। বিশ্বামিত্র রাজার শরীরে রাক্ষসের
আবির্ভাব দেখিয়া তথাহইতে অপস্থত
হইলেন। রাজা অন্তর্গত রাক্ষস দ্বারা একান্ত
পীড়িত ও কর্তব্যাকর্তব্য জ্ঞানশূন্য হই-
লেন।

অনন্তর রাজা বনহইতে প্রস্থান করি-
তেছেন, এমত সময়ে এক ক্ষুধার্ত্ত ব্রাহ্মণ
তাঁহাকে দেখিয়া তৎসন্নিধানে মাংস ভো-
জনের প্রার্থনা করিলেন। রাজা কহিলেন,
হে ব্রাহ্মণ! আপনি এক্ষণে ক্ষণকাল অপেক্ষা
করুন, আমি প্রত্যাগত হইয়া আপনকার
অভিলষিত ভোজন প্রদান করিব। এই
বলিয়া তথা হইতে প্রস্থান করিলেন। ব্রা-
হ্মণ তাঁহার প্রতিগমন প্রতীক্ষা করিতে
লাগিলেন। রাজা ইচ্ছামত সুখ-সঞ্চয়
করিয়া অস্তঃপুরে প্রবেশ করিলেন। ব্রাহ্ম-
ণের নিকট যে অস্বীকার করিয়াছিলেন,
নির্দীপনময়ে তাহা স্মরণ হইল। তখন তিনি
সত্বর গাত্রোথান করিয়া সুপকারকে আ-
স্থানপূর্বক কহিলেন, অমুক বনে এক

ব্রাহ্মণ বুদ্ধকিত হইয়া আমার প্রতীক্ষা ক-
রিতেছেন, অতএব শীঘ্র তথায় গিয়া তাঁ-
হাকে মাংস অন্ন প্রদান করিয়া আইস।

সুপকার তদীয় আদেশানুসারে ইত-
স্ততঃ অনেক অনুসন্ধান করিল, কিন্তু কো-
থাও মাংস পাইল না, তখন ভগ্নাস্তঃকরণে
রাজসন্নিধানে গিয়া মাংস না পাওয়ার
বিষয় নিবেদন করিল। রাজা রাক্ষসাবেশ-
প্রভাবে অক্ষুণ্ণচিত্তে কারংবার সুপকারকে
কহিতে লাগিলেন, তুমি নরমাংস আহরণ
করিয়া ব্রাহ্মণের আহ্নারকার্য্য সম্পাদন কর।
সুপকার তৎক্ষণাৎ রাজাজ্ঞা শিরোধার্য্য
করিয়া অকুতোভয়ে বধ্য ভূমিতে উপস্থিত
হইল এবং সত্বর তথাহইতে নরমাংস আ-
হরণপূর্বক যথাবিধি পাক করিয়া অন্নসং-
যোগে ক্ষুধিত তপস্বী ব্রাহ্মণকে উপযোগের
নিমিত্ত প্রদান করিল। ব্রাহ্মণ সিদ্ধ চক্ষু-
প্রভাবে বুঝিতে পারিয়া অন্ন অভোজ্য ব-
লিয়া রোষকষায়িতলোচনে কহিলেন, যে
হেতু সেই নৃপাধম আমাকে এই অভোজ্য
অন্ন প্রদান করিয়াছে, অতএব সেই মুঢ়ই
নরমাংস ভোজনে স্পৃহয়ালু হইবে। ইতি-
পূর্বে শক্তি যে অভিশাপ দিয়াছেন, তদনু-
সারে মনুষ্যমাংস ভক্ষণে আনন্দ ও সন্-
দের ক্লেশকর হইয়া এই পৃথিবীতলে পর্য্য-
টন করিবে। ব্রাহ্মণ ছুই বার এইরূপ ক-
হিলে শক্তিদত্ত শাপ বলবান্ হইয়া উঠিল।
তিনি তৎক্ষণাৎ রাক্ষসাবেশে জ্ঞানশূন্য
হইলেন। তদীয় ইন্দ্রিয়বৃত্তিসকল বিকল
হইয়া উঠিল।

রাজা অনতিকাল মধ্যে শক্তিকে দেখিয়া
কহিলেন, যেমন তুমি আমার প্রতি অসদৃশ
শাপ প্রয়োগ করিয়াছ তদনুসারে আমিও
এক্ষণে মনুষ্য ভক্ষণে কৃতসংকল্প হই-
লাম। এই বলিয়া তৎক্ষণাৎ মহর্ষি শক্তির
প্রাণ সংহার করিল এবং ব্যাত্ম যেমন অতীত
পশু ভক্ষণ করে, সেইরূপ ঋষিকলেবর

ভক্ষণ করিল। বিশ্বামিত্র শক্তিকে নিহত দেখিয়া বশিষ্ঠের অপর পুত্রদিগকে ভক্ষণ করিবার নিমিত্ত রাক্ষসকে আদেশ প্রদান করিলেন। সিংহ যেমন ক্ষুদ্র ক্ষুদ্র পশুদিগকে সংহার করে, রাক্ষস ক্রোধবশ হইয়া সেইরূপ মহর্ষি শক্তির অনুজদিগকে ভক্ষণ করিল।

অনন্তর বশিষ্ঠদেব “ বিশ্বামিত্রের আদেশানুসারে শতপুত্র সংহারিত হইয়াছে ” জ্ঞাপন করিলেন। যাদৃশ-মহামধীধর বসুন্ধরাকে ধারণ করে, তিনি সেইরূপ অনিবার্য শোকাবেগ ধারণ করিয়া রহিলেন। তখা তিনি কৌশিক বংশ উদ্ভুলনে কৃতসংকল্প হইলেন না। পরিশেষে আত্মত্যাগ মনস্থ করিয়া মেরুশিখরে আরোহণপূর্বক স্বদেহ পাতিত করিলেন। তদীয় দেহ তুলরাশির ন্যায় শিলাখণ্ডে পতিত হইল, প্রাণ বিয়োগ হইল না। তৎপরে মহাবনমাধ্য প্রদীপ্ত ছতাশনে প্রবেশ করিলেন। দেদীপ্যমান দহনে মহর্ষির দেহ দক্ষ হইল না, প্রভূত, গাত্রে অনলের শীতল স্পর্শ অনুভূত হইল। পরিশেষে কণ্ঠদেশে নিতান্ত চূর্ভর শিলাখণ্ড বন্ধনপূর্বক জলধি-জলে নিমগ্ন হইলেন, কিন্তু স্রোতোবেগপ্রভাবে তিনি তীরে উপনীত হইলেন। তখন মহর্ষি সাতিশয় সমুপ্ত হইয়া অগত্যা পুনর্বার আশ্রমে প্রবেশ করিলেন।

সপ্তমপুত্র্যধিক শততম অধ্যায়।

গন্ধর্করাজ কহিলেন, হে অর্জুন! তৎপরে মহর্ষি বশিষ্ঠ পুত্রশূন্য আশ্রমপদ দর্শনে সাতিশয় শোকাকুল হইয়া তথাহইতে পুনরায় নিষ্কান্ত হইলেন। কতক দূর যাইয়া দেখিলেন, এক স্রোতস্বতী বর্ষাপ্রভাবে অতি বেগবতী ও বারিপূর্ণা হইয়া তীরস্থিত বহুবিধ বৃক্ষ উৎপাটনপূর্বক লইয়া যাইতেছে। তদর্শনে মহর্ষি পুত্রশোকে অতীব-দুঃখিতমনে চিন্তা করিলেন, আমি এই নদীজলে নিমগ্ন হইয়া প্রাণি ত্যাগ করিব।

অনন্তর আপনাকে পাশ দ্বারা দৃঢ়তর সংযত করিয়া নদীজলে নিমগ্ন হইলেন। নিমগ্ন হইবামাত্র মহানদী মহর্ষির পাশচ্ছেদ করিয়া দিল এবং স্থলে উত্থাপিত করিল। মহর্ষি পাশবিমুক্ত ও স্থলে উত্তীর্ণ হইয়া ঐ নদীর নাম বিপাশা রাখিলেন। অনন্তর ক্রমশঃ তাঁহার শোকবুদ্ধিই প্রবল হইতে লাগিল। তিনি একান্ত কাতরতা প্রযুক্ত আর এক স্থানে অবস্থান করিতে না পারিয়া নদী, পর্বত ও সরোবরে পর্যটন করিতে লাগিলেন।

একদা প্রচণ্ডগ্রাহবতী হৈমবতী নামে এক স্রোতস্বতী দেখিয়া তাহার প্রবাহে ব্যঙ্গ প্রদান করিলেন। সরিষরা ব্রাহ্মণকে অগ্নিসম বিবেচনা করিয়া শতধা বিক্রতা হইল; এই কারণে তদবধি তাহার নাম শতক্র বলিয়া বিখ্যাত হইল। অনন্তর মহর্ষি আপনাকে স্থলগত ও আত্মসংহারে অকৃতকার্য্য দেখিয়া পুনরায় আশ্রমে আগমন করিতে লাগিলেন। বিবিধ পর্বত ও বহুবিধ দেশ পর্যটনপূর্বক তিনি অদৃশ্যস্ত্রী নামী স্বীয় পুত্রবধুকর্তৃক অনুষ্ঠিত হইয়া আশ্রমে প্রত্যাগমন করিলেন। পরে পশ্চাত্তানে ষড়ঙ্গালঙ্কৃত পরিপূর্ণার্থ সুসঙ্গত বেদাধ্যয়ন-শরু শ্রবণ করিয়া কহিলেন, কে আমার অনুসরণ করিতেছে? তখন অদৃশ্যস্ত্রী প্রত্যুত্তর করিলেন, হে মহাভাগ! আমি আপনকার শক্তির সহধর্ম্মিণী তপস্বিনী অদৃশ্যস্ত্রী। মহর্ষি কহিলেন, পুত্র! পূর্বে শক্তির মুখে যেকপ সাক্ষ বেদধ্বনি শ্রবণ করিয়াছিলাম, তক্রপ এই ষড়ঙ্গ বেদ কে উচ্চারণ করিতেছে? অদৃশ্যস্ত্রী কহিলেন, আমার গর্ভে আপনার তনয় শক্তির এক পুত্র উৎপন্ন হইয়াছে, ষাট দশ বৎসর হইল ঐ পুত্র গর্ভমাধ্য বেদাধ্যয়ন করিতেছে।

গন্ধর্ক কহিলেন, মহর্ষি বশিষ্ঠ অদৃশ্যস্ত্রী কর্তৃক এইরূপ অভিহিত হইলে হৃষ্টাঙ্গঃকরণে মহান বর্ত্তমান পরিজ্ঞাত হইয়া সরণেচ্ছা

হইতে প্রতিনিবৃত্ত হইলেন। অনন্তর বধুসম-
তিব্যাহারে প্রতিগমনপূর্বক এক নির্জন বনে
রাজা কল্যাণপাদকে দৃষ্টিগোচর করিলেন।
রাজা রাক্ষসাবেশপ্রভাবে মহর্ষিকে দেখিবা-
মাত্র অতিমাত্র ক্রোধাবিষ্ট হইয়া গ্রাস করি-
বার অভিলাষে মহসী উশ্বিত হইলেন। তখন
অদৃশ্য কুরকর্মী রাক্ষসকে সম্মুখে দেখিয়া
ভীতমনে মুনিসম্মিধানে গিয়া কাহিলেন, ভগ-
বন্! সাক্ষাৎ কালান্তক যমের ন্যায় এই বিক-
টাকার রাক্ষস দণ্ডকাষ্ঠ গ্রহণপূর্বক আমাদি-
গের নিকট আগমন করিতেছে, এক্ষণে আ-
পনি ব্যতীত উহাকে নিবারণ করিতে পারে,
পৃথিবীতে এমন আর কেহই নাই। হে মহা-
ভাগ! ঐ দারুণদর্শন পাপপরায়ণ রাক্ষস
হইতে আমাকে পরিত্রাণ করুন। নিশ্চয়ই
ও আমাদিগকে গ্রাস করিবার অভিলাষ
করিতেছে। তখন মহর্ষি প্রত্যুত্তর করিলেন,
হে পুত্রি! তুমি ভয় পাইও না। এই রাক্ষস
হইতে কদাচ কোনরূপ ভয়ের আশঙ্কা নাই।
তুমি উপস্থিত ভয়কে রাক্ষসভয় বলিয়া বি-
স্থাস করিও না। ভূমণ্ডলে মহাবল পরাক্রান্ত
ও সুবিখ্যাত কল্যাণপাদ নামে এক রাজা
ছিলেন। তিনিই শক্তিশাপপ্রভাবে এই
ভীষণ রাক্ষস হইয়া বনমধ্যে বাস করিতে-
ছেন। এই বলিয়া তেজস্বী মহর্ষি হৃৎকার
পরিত্যাগপূর্বক সমীপস্থ রাক্ষসকে নিবারণ
করিলেন। তৎপরে মন্ত্রপুত্র সলিল দ্বারা
অভ্যুক্ষণ করিয়া যোগবলে তাঁহার শাপ
মোচন করিয়া দিলেন। রাজা কল্যাণপাদ
বশিষ্ঠতনয় শক্তির শাপে রাজ্যশস্ত পার্শ্ব
দিবাকরের ন্যায় নিস্তেজ হইয়া ছিলেন।
সম্প্রতি রাক্ষসাবেশ হইতে বিমুক্ত হইয়া
সায়ঙ্কালীন সৌরিকিরণস্পর্শে মেঘমণ্ডলীর
ন্যায় তেজঃপুঞ্জ সেই সমস্ত বনবিভাগ র-
ঞ্জিত করিলেন। অনন্তর রাজা পূর্ববৎ সংজ্ঞা
লাভ করিয়া কৃতাজ্জলিপুটে অভিধান-
পূর্বক অবসরক্রমে ঋষিসত্তম বশিষ্ঠকে ক-

হিলেন, হে মহাভাগ! আমি ইক্ষাকুবংশীয়
রাজা, আমার নাম কল্যাণপাদ। আমি আ-
পনকার যজমান, অতএব এক্ষণে আপনার
যেদ্রুপ অভিলাষ হয়, আদেশ করুন। বশিষ্ঠ
প্রত্যুত্তর করিলেন, মহারাজ! বক্তব্যের কাল
অতীত হইয়াছে, এক্ষণে রাজধানীতে প্রতি-
গমনপূর্বক যথাবিধানে রাজ্য শাসন কর।
কিন্তু আর কদাচ ব্রাহ্মণের অরমাননা ক-
রিও না। রাজা কাহিলেন, হে তপোধন!
আমি আর কদাচ ব্রাহ্মণকে অবমাননা ক-
রিব না; বরং আপনার নিদেশানুসারে তাঁ-
হাদিগকে সম্যক সৎকার করিব। হে বেদজ্ঞ
প্রধান দ্বিজোত্তম! সম্প্রতি আমি যাহাতে
ইক্ষাকুবংশীয়দিগের নিকট অশ্বগী হই, আ-
পনাকে এক্ষণে প্রতিবিধান করিতে হইবে।
হে সাধো! আমি সন্তান অভিলাষ করি,
ইক্ষাকুদিগের বংশ রক্ষার্থ আপনাকে শ্রুত-
শীলসম্পন্ন একটি স্নসন্তান প্রদান করিতে
হইবে। তখন সত্যসঙ্ক তপোধন “ তথাস্তু ”
বলিয়া তাঁহার বাক্য স্বীকার করিলেন।

অনন্তর বশিষ্ঠদেব মহারাজ কল্যাণপা-
দের সহিত সুবিখ্যাত অযোধ্যা নগরীতে
গমন করিলেন। নগর প্রবেশকালে যেমন
দেবগণ দেবরাজ ইন্দ্রকে প্রত্যুদ্গামন করেন,
প্রজাপুঞ্জ মহানন্দ সহকারে সেইরূপে সেই
নিষ্পাপ রাজাকে প্রত্যুদ্গামন করিতে লা-
গিল। রাজা বহু দিনের পর মহর্ষি বশিষ্ঠ
সমভিব্যাহারে সেই পুণ্যলক্ষণা অযোধ্যা
নগরীতে প্রবেশ করিলেন। অযোধ্যাবাসী
জনগণ পুরোহিতসহিত উদিত দিবাকরের
ন্যায় মহীপালকে নিরীক্ষণ করিতে লা-
গিল। অনন্তর শরৎকালীন শশধর যেমন
নভোমণ্ডল উদ্ভাসিত করেন, রাজা সেইরূপে
নিজ রাজধানী অযোধ্যার শোভা সম্পাদন
করিলেন। সেই নগরী পতাকা-পরিশোভিত,
সুসংস্কৃত ও সুপরিচ্ছন্নপথসংযুক্ত হইয়া
সকলের আনন্দ সঞ্চার করিতে লাগিল।

তখন ক্রুতপুত্র ও সম্ভুক্ত জনে আকীর্ণ অ-
বোধ্য, সুরভাঙ্গবিরাজিত অমরাবতীর ন্যায়
সুশোভিত হইল।

রাজা পুর প্রবেশ করিলে রাজমহষী
ভর্তার আদেশানুসারে মহর্ষি বশিষ্ঠের স-
ম্মিধানে উপনীত হইলেন। মহর্ষি সম্ভা-
নোৎপাদনে প্রতিজ্ঞাকৃত হইয়া দিব্য বিধা-
নানুসারে মহিষীর সহবাস করিলেন। অনন্তর
তঁাহার গর্ভলক্ষণ আবিভূত হইলে মুনি প্র-
জানাঞ্চকর্তৃক পূজিত হইয়া পুনরায় আ-
শ্রমে প্রতিনিবৃত্ত হইলেন। রাজমহিষী
সম্ভান উৎপন্ন হইতে অধিকতর বিলম্ব দে-
খিয়া এক উপলক্ষণ দ্বারা স্বকীয় গর্ভ বিদীর্ণ
করিলেন। বিদীর্ণ করিবামাত্র দ্বাদশ বর্ষ
গর্ভে স্থিত রাজর্ষি অশ্মক ভূমিষ্ঠ হইলেন।

অষ্টমস্তত্যধিক শততম অধ্যায়।

গন্ধর্বরাজ কহিলেন, হে অর্জুন! অ-
নন্তর অদৃশ্যভী ভর্তৃসদৃশ এক বংশধর কু-
মার প্রসব করিলেন। ভগবান্ বশিষ্ঠদেব
জাতমাত্রে পৌত্রের জাতকর্মাদি ক্রিয়া-
কলাপ নির্বাহ করিয়া তঁাহার নাম পরাশর
রাখিলেন। শক্তিমনন্দন পরাশর মহর্ষি বশি-
ষ্ঠকেই পিতা বলিয়া জানিতেন এবং জ-
ন্মাবধি তঁাহাকেই পিতার ন্যায় অনুসরণ
করিতেন। ক্রমশঃ তিনি জননী অদৃশ্যভীর
সম্মিধানে বিপ্রর্ষি বশিষ্ঠকে তাত বলিয়া
আহ্বান করিতে লাগিলেন। তখন অদৃ-
শ্যভী পুত্রের এইরূপ মধুরগর্ভ বাধিন্যাস
শ্রবণে অশ্রুপূর্ণলোচনে কহিলেন, বৎস!
বনমধ্যে এক রাক্ষস তোমার পিতাকে ভ-
ক্ষণ করিয়াছে, অতএব এক্ষণে পিতামহকে
পিতৃবাক্যে সযোজন করিওনা, তুমি যা-
হাকে পিতা বলিয়া সযোজন কর, তিনি
তোমার পিতামহ, পিতা নহেন।

অনন্তর শক্তিমনয় জননী অদৃশ্যভীকর্তৃক
এইরূপ অভিহিত হইয়া অতিশয় চুঃখিত
মনে সর্বলোক বিনাশে ক্রুতসঙ্কল্প হই-

লেন। মহর্ষি বশিষ্ঠ তদ্বিময়ে তঁাহাকে ক্রুত-
নিশ্চয় দেখিয়া প্রতিবেদনবাক্যে কহিলেন,
বৎস! পূর্বে কালে ক্রুতবীর্যা নামে এক সু-
বিখ্যাত রাজা ছিলেন। তিনি বেদবেত্তা ম-
হাত্মা ভার্গবদিগের যজমান। রাজা যজ্ঞান্তে
সোম পান করিয়া প্রভূত ধনধান্য দ্বারা তঁা-
হাদিগের তৃপ্তি সাধন করিতেন। তিনি লো-
কান্তর প্রস্থান করিলে তৎস্বামী নৃপতিদিগের
কোন বিশেষ প্রয়োজনার্থ অর্থের আবশ্চ-
কতা হইয়াছিল। অনন্তর তঁাহারা ভার্গবদি-
গের অর্থের আতিশয়া জানিয়া তঁাহাদিগের
নিকটে অর্থভাবে উপস্থিত হইলেন। তখন
ভার্গবগণ কেহ কেহ ক্ষত্রিয়ভয়ে সমস্ত অ-
ক্ষয় ধনসম্পত্তি ভূগর্ভে নিক্ষিপ্ত, কেহ বা
ব্রাহ্মণসাৎ করিলেন। কেহ কেহ উপস্থিত
অর্থদিগের প্রার্থনানুসারে অর্থদান করি-
লেন। এই অবসরে কোন এক ক্ষত্রিয় স্বে-
চ্ছক্রমে ভূমি খনন করিয়া ভূগুহে প্রভূত
বিত্ত প্রাপ্ত হইলেন। তখন ক্ষত্রিয়েরা স-
কলে সমবেত হইয়া সেই উৎখাত ধন নি-
রীক্ষণ করিলেন। তদর্শনে ভার্গবেরা ক্রো-
ধাবিষ্ট হইয়া ক্ষত্রিয়দিগকে যথোচিত অ-
বমাননা করিলেন। ক্ষত্রিয়েরা অপমানিত
হইয়া সূর্তীক্ষুশর প্রহারে ভার্গবদিগের শি-
রশ্ছেদ ও তৎপত্নীগর্ভস্থিত অর্ডকদিগের
প্রাণসংহারপূর্বক পৃথিবী পর্যটন করিতে
লাগিলেন। ভূগুনন্দনেরা উচ্ছিন্ন হইলে
তঁাহাদিগের পত্নীগণ ক্ষত্রিয়ভয়ে একান্ত ভীত
হইয়া হিমাচলে পলায়ন করিলেন। তন্মধ্যে
কোন মহিলা তর্কুকুলবৃদ্ধির নিমিত্ত সত্যে
উরুদেশে অতি প্রদীপ্ত এক গর্ভধারণ করি-
য়াছিলেন। এই গর্ভসম্বাদ অবগত হইয়া অ-
নতিবিলম্বে এক ব্রাহ্মণী ভীতমনে নিষ্কর্ণনে
ক্ষত্রিয়সম্মিধানে গিয়া ইহা নিবেদন ক-
রিল। ক্ষত্রিয়েরা গর্ভনাশে ক্রুতসঙ্কল্প হইয়া
তথায় আগমনপূর্বক দেখিলেন, ব্রাহ্মণী
স্বতেজঃপ্রভাবে দীপ্যমান রহিয়াছেন। এই

অবসরে গর্ভস্থ বালক ত্র্যক্ষণীর উরুদেশে
বিদীর্ণ করিয়া নির্গত হইলেন। নির্গত হই-
বামাত্র মধ্যাহ্নসূর্যোর ন্যায় তিনি ক্ষত্রিয়দি-
গের দুষ্কৃষ্টি সংহার করিলেন। ক্ষত্রিয়গণ
চক্ষুহীন হইয়া ঐ গিরিচূর্ণে ভ্রমণ করিতে
লাগিলেন। তৎপরে তাঁহারা হীনজ্যোতি
চক্ষু লাভের প্রত্যাশায় সেই অনিন্দিতা ত্র্য-
ক্ষণীর শরণাগত হইয়া দুঃখিতমনে নিবেদন
করিলেন, ভগবতি! আমরা অতি নরাধম,
এক্ষণে প্রার্থনা এই যে, আমরা আপনকার
প্রসাদে অসৎ অধ্যবসায়হইতে নিরত হ-
ইয়া আপনকার অনুকম্পায় পুনরায় চক্ষু
লাভপূর্বক প্রতিগমন করিতে পারি। হে
শোভনে! আপনি পুত্রের সহিত প্রসন্ন
হইয়া পুনর্বার দৃষ্টি প্রদানপূর্বক আমা-
দিগকে পরিত্রাণ করুন।

উনাশীত্যাধিক শততম অধ্যায়।

ত্র্যক্ষণী কহিলেন, হে বৎস ক্ষত্রিয়গণ!
আমি ক্রোধপরায়ণ হইয়া তোমাদিগের
চক্ষু গ্রহণ করি নাই। মদীয় উরুসমুদ ভার্গব
তোমাদিগের উপর অদ্য রোষপরবশ হইয়া-
ছেন। তিনিই বক্ষুবান্ধবগণের নিধনদশা
স্মরণ করিয়া কোপাকুলিতচিত্তে তোমাদি-
গের চক্ষু গ্রহণ করিয়াছেন, সন্দেহ নাই।
তোমরা যখন ভৃগুমহিলাদিগের গর্ভস্থ সন্তা-
নগণকে সংহার কর, তদবধি আমি এক শত
বৎসর কাল উরুদেশে এই গর্ভ ধারণ করিয়া-
ছিলাম। ভৃগুবংশীয়দিগের হিতানুষ্ঠানের
নিমিত্ত ষড়ঙ্গসম্পন্ন বেদ, গর্ভস্থ অবস্থায় এই
বালকেতে প্রবেশ করিয়াছে। এই বালকই
পিতৃবধূনিতে ক্রোধে অধীর হইয়া তো-
মাদিগকে সংহার করিতে উদ্যত হইয়াছে।
ইহারই অলৌকিক তেজোবলে তোমাদিগের
চক্ষু অপহৃত হইয়াছে, অতএব তোমরা
ইহার নিকট বিনীতভাবে প্রার্থনা কর, ইনিই
প্রাণপাতে পরিতুষ্ট হইয়া পুনর্বার তোমা-
দিগকে দৃষ্টি প্রদান করিবেন। এইরূপ আ-

দিক্ত হইয়া তাহারা উরুসমুদ ভার্গবকে
কহিলেন, মহাভাগ! প্রসন্ন হউন, এই কথা
কহিবামাত্র তিনি তৎক্ষণাৎ প্রসন্ন হইলেন।

হে বৎস! ঐ বিপ্রার্থ উরুভেদ করিয়া
নির্গত হইয়াছিলেন, এই কারণে ত্রিভুবনে
ওর্ক বলিয়া বিখ্যাত হন। ক্ষত্রিয়েরা চক্ষু
লাভ করিয়া প্রতিনিবৃত্ত হইলে মহর্ষি ও-
র্কের মনে হইল, যেন তিনি সকল লো-
ককে পরাভব করিলেন। তৎপরে মহাত্মা
মহামনা মুনি সমূলে নিখিল লোক সংহার
করিবার নিমিত্ত একান্ত উন্মুখ হইলেন।
মহর্ষি, ভৃগুবংশীয়দিগের নিকৃতি লাভ প্রত্যা-
শায় সর্ব লোক বিনাশে ক্রুতসংকল্প হইয়া
তপঃপ্রভাবে প্রদীপ্ত হইয়া উঠিলেন, এবং
পিতামহগণের অমৃত্যু করণে আনন্দ সঞ্চার
করিবার নিমিত্ত তপোবলে দেবাসুর ও মনু-
ষ্যের সহিত ত্রিলোককে সমুপ্ত করিতে
লাগিলেন।

অনন্তর পিতৃলোকেরা এই অমৃত্ত ব্যাপার
অবগত হইলেন এবং ওর্কের নিকট আবি-
র্ভূত হইয়া কহিলেন, হে বৎস! আমরা
তোমার তপোবল দেখিলাম, এক্ষণে লো-
কের প্রতি প্রসন্ন হও এবং ক্রোধাবেগ
সম্বরণ কর। তৎকালে আমরা প্রতীকারে
অশক্ত হইয়া যে প্রাণসংহারোদ্যত ক্ষত্রিয়-
দিগের তাদৃশ অত্যাচারে উপেক্ষা প্রদর্শন
করিয়াছি, এমত নহে। অতি দীর্ঘ জীবন
ভোগ করা অপেক্ষা জীবলোকে ক্লেশকর
আর কিছুই নাই, এইজন্য স্বেচ্ছানুসারে আ-
পনারাই আপনাদিগের বধোপায় ক্ষত্রিয়-
হস্তে অবধারিত করিয়া ছিলাম। আমরা
কোপের বশীভূত নহি, তথাচ ক্ষত্রিয়দিগের
সহিত বিদ্বেষভাব বন্ধমূল হইবার উদ্দেশ্যেই
আমাদের মধ্যে এক জন আপন আলয়ে
সমুদয় ধনসম্পত্তি ভূগর্ভে নিখাত করিয়া
রাখেন। ক্ষত্রিয়দিগকে কুপিত করাই তাহার
উদ্দেশ্য। আমরা স্বর্গকল কামনা করিয়া থাকি,

আমাদিগের ধনে কি প্রয়োজন? প্রয়োজন হইলে ধনাধ্যক্ষ কুবেরই আমাদিগের প্রভুত ধন আহরণ করেন। যখন দেখিলাম, ধর্ম-রাজ যম স্বয়ং আমাদিগকে গ্রহণ করিতে পারিলেন না, তখন আমরা সর্বসম্মতিক্রমে এইরূপ উপায় অবধারণ করিলাম। আ-স্বধাতী পুরুষেরা কদাচ পুণ্য লোক লাভ করিতে পারে না, এই হেতু আমরা আদ্যো-পান্ত সমুদয় অনুধাবন করিয়া ক্ষত্রিয়হস্তে প্রাণ বিসর্জন করিয়াছিলাম। হে ভৃগুবংশা-বতংস ঔর্ধ্ব! যে বিষয় অনুষ্ঠান করিতে প্ররুত হইয়াছ, তাহা আমাদিগের নিতান্ত অপ্রিয়। এক্ষণে তুমি সর্বলোকপরাভবরূপ পাপাচারহইতে মনঃসংযম কর। সপ্তলোক ক্ষয় ও ক্ষত্রিয়দিগকে বধ করিবার কোন প্রয়োজন নাই। উচ্ছলিত ক্রোধাবেগ তপঃ-প্রভাবকে দূষিত ও কলুষিত করিতেছে, আশু তাহার পরিহার করা তোমার অবশ্য কর্তব্য।

অশীত্যাধিক শততম অধ্যায়।

ঔর্ধ্ব কহিলেন, হে পিতৃগণ! আমি ক্রোধমুচ্ছিত হইয়া সর্ব লোক সংহারের যে প্রতিজ্ঞা করিয়াছি, তাহা অন্যথা হইবে না। বৃথা রেব ও বৃথা প্রতিজ্ঞা করিতে আমার অভিরুচি হয় না। ক্ষত্রিয়দিগের অত্যাচারে যদি প্রতীকার না হয়, তাহা হইলে প্রজ্বলিত অগ্নি যেমন যজ্ঞীয় কাষ্ঠরাশি দহন করে; সেইরূপ ক্রোধ আমাকে নিরস্তুর দক্ষ করিবে। যিনি কারণবশতঃ উত্তেজিত ক্রোধে ক্রমা প্রদর্শন করেন, সেই মনুষ্য কদাচ ত্রি-বর্গ রক্ষায় সমাক্ সর্মথ হয়েন না। অশিষ্টের নিয়ন্তা ও শিষ্টের প্রতিপালয়িতা ক্রোধকে বিজিগীষু রাজারা অবসরক্রমে প্রকাশ ক-রিয়া থাকেন। যৎকালে ক্ষত্রিয়গণ ভার্গব-দিগকে বধ করেন, আমি তখন উরুহু ও গর্ভশয্যাগত হইয়া মাতৃবর্গের অতি করুণ কর্তব্যর আবেগগোচর করিয়াছিলাম। যখন

ক্ষত্রিয়পসদেরা গর্ভস্থ শিশু সন্তান অবধি সমুদয় ভৃগুবংশ উচ্ছেদ করিতে আরম্ভ করে, তদবধি আমি তাহাদের প্রতি বিষম ক্রোধাবিষ্ট হইয়াছি। আমার পিতৃ ও মাতৃবর্গ সম্পূর্ণ উদ্ভিন্ন হইয়া ভয়বিহ্বল-চিত্তে ত্রিলোকমধ্যে কুত্রাপি অশ্রয় পা-ইলেন না। যখন ছুরাআরা ভৃগুপত্নীদিগের সংহারে পরাজুখ হইল, তখন মদীয় জ-ননী উরুদেশে আমাকে ধারণ করিয়াছি-লেন। ইহ লোকে পাপের প্রতিবেধকর্তা বিদ্যমান থাকিলে কেহই পাপপক্ষে লিপ্ত হইতে প্ররুত হয় না। তাহার অবিদ্যামানে অনেকেই পাপকর্মে আসক্ত হয়। সামর্থ্য থাকিতেও যিনি সর্বিশেষ পরিজ্ঞাত হইয়া পাপাচার পরিহার না করেন, নিগ্রহানুগ্র-হশক্ত হইয়াও তাহাকে মহাপাপে লিপ্ত হইতে হয়। সকল রাজলোক ও অধীশ্বরবর্গ, জীবলোকে জীবন রক্ষা করা শ্রেয়ঃকল্প বিবেচনা করিয়া শক্তিসত্ত্বে কেহই আমার পিতৃগণকে মরণভয়হইতে পরিত্রাণ ক-রিলেন না। এক্ষণে আমিই সকলের অধীশ্বর হইয়াছি। বিষম রোবানলে আমার অন্তঃ-করণ নিরস্তুর দক্ষ হইতেছে। অতএব আপ-নাদিগের প্রতিবেধবাক্যে অনুমোদন ক-রিতে সমর্থ নছি। আমি ঈশ্বর হইয়াও যদি লোকের পাপভয়ে উপেক্ষা করি, তাহা হ-ইলে আমার যে ক্রোধানল লোকদিগকে দক্ষ করিতে উদ্যত হইয়াছে; তাহা নিগৃহীত হইলে নিজ তেজঃপ্রভাবে আমাকেই নিশ্চয় দক্ষ করিবে। আমি আপনাদিগের সর্ব-লোকহিতৈষিতা পরিজ্ঞাত হইয়াছি; অত-এব সকলের পক্ষে এক্ষণে যাহা শ্রেয়ঃ বোধ হয়, আপনারা তাহার বিধান করুন।

পিতৃগণ কহিলেন, হে বৎস! তোমার যে ক্রোধানল লোকদিগকে তন্মসাৎ ক-রিতে অভিলাষ করিয়াছে, তাহা জলমধ্যে নিক্ষেপ কর, তোমার মঙ্গল হইবে। সকল

লোকই জলে প্রতিষ্ঠিত, রসসমুদায় জলময় এবং জগৎও জলস্বরূপ ; অতএব তোমার ক্রোধানল জলমধ্যে নিক্ষেপ করাই উচিত হইতেছে । যদি অভিলাষ হয়, তাহাহইলে জলনিধির জলে ক্রোধানল স্থাপিত করিয়া শীতল হও । জল দক্ষ করিলে লোকদিগকেও দক্ষ করা হইবে; কারণ সমুদয় লোকই জলময় । এইরূপ হইলে তোমার প্রতিজ্ঞা অন্যথা হইবে না । আর দেবতারা ও মনুষ্যেরা সকলেই অপরাভূত থাকিবেন ।

বশিষ্ঠদেব কহিলেন, ভৃগুনন্দন ঔরবরুণনিলয়স্বরূপ মহাসাগরে ক্রোধানল পরিত্যাগ করিলেন । সেই অনল সমুদ্রজল ভক্ষণ করিতে লাগিল । ঐ ক্রোধানল অধ্যাদারী মহৎ হয়শিরোরূপে পরিণত হইয়া সমুদ্রজল পান করিয়া থাকে । বেদবিৎ পণ্ডিতেরা ইহাকেই বড়বানল কহেন । অতএব হে পরাশর ! পর লোক পরিজ্ঞাত হইয়া লোকের প্রাণ সংহারে ক্ষান্ত হও, তোমার মঙ্গল হইবে ।

একাদশীত্যাধিক শততম অধ্যায় ।

গন্ধর্ষরাজ কহিলেন, হে অর্জুন ! ভগবান্ পরাশর মহর্ষি বশিষ্ঠকর্তৃক এইরূপ আদিষ্ট হইয়া সর্বজন পরাভবহইতে আত্মক্রোধ সম্বরণ করিলেন । কিন্তু পিতৃবধরূপ মহাপরাধ স্মরণপূর্বক অতি বিস্তীর্ণ এক রাক্ষসসত্রানুষ্ঠানে প্রবৃত্ত হইলেন । ঐ সময়ে কি বালক, কি বৃদ্ধ, কি যুবা, সমুদয় রাক্ষস দক্ষ হইতে লাগিল । মহর্ষি বশিষ্ঠ পৌত্রের দ্বিতীয় প্রতিজ্ঞা অন্যথা করা উচিত নহে বিয়া তাঁহাকে রাক্ষসবধরূপ অধাবসায়হইতে নিবারণ করিলেন না । পরাশর সেই রাক্ষসযজ্ঞে প্রদীপ্ত বহ্নিভ্রমধ্যে চতুর্থ বহ্নির ন্যায় শোভা পাইতে লাগিলেন । শরৎকালে দিবাকর নভোমণ্ডলকে যাদৃশ প্রকাশিত করেন, সেইরূপ সেই নির্মল যজ্ঞে আছতি প্রদত্ত হইলে নভোমণ্ডল

উদ্ভাসিত হইল । বশিষ্ঠপ্রভৃতি মহর্ষিগণ শক্তিনন্দন পরাশরকে ভেদঃপ্রভাবে দীপ্যমান দ্বিতীয় ডাক্কর বলিয়া মনে করিতে লাগিলেন ।

অনন্তর সেই অনন্যাসুলভ সত্র সমাপন করিবার নিমিত্ত উদারবুদ্ধিসম্পন্ন মহর্ষি অত্রি তথায় আগমন করিলেন । আর রাক্ষসদিগের প্রাণরক্ষার্থ তথায় পুলস্ত্য, পুলহ, ক্রতু ও মহাক্রতু উপনীত হইলেন । তন্মধ্যে পুলস্ত্য রাক্ষসবধবিষয়ে পরাশরকে সম্বোধন করিয়া কহিলেন, বৎস ! তোমার তপস্যার কুশল ত ? নির্দোষ ও অপরিজ্ঞাত রাক্ষসদিগকে সংহার করিয়া তোমার মনে কি আনন্দ সঞ্চার হইতেছে ? তুমি আমাদিগের প্রজার উচ্ছেদ করিওনা । দ্বিজাতি তপস্বিদিগের একপ ধর্ম নহে । হে পরাশর ! শাস্তিগুণই আমাদিগের পরম ধর্ম, তুমি সেই ধর্ম অবলম্বন কর । শ্রেষ্ঠ হইয়া তুমি কেন ধর্মবিগর্হিত কর্ম অনুষ্ঠান করিতেছ ? তোমার পিতা শক্তি পরম ধার্মিক ছিলেন । তাঁহাকে অতিক্রম করা ও মদীয় প্রজাসকল নির্মূল করা তোমার উচিত নহে । শক্তির নিজশাপপ্রভাবে তৎকালে বিষম বিপদ উপস্থিত হইয়াছিল । তিনি অস্বদোষেই দেহ পরিত্যাগপূর্বক স্বর্গ লাভ করিয়াছেন । তাঁহাকে ভক্ষণ করিতে কোন রাক্ষসেরই সাহস হইত না । তিনি আপনিই আপনার মৃত্যুপথ পরিষ্কার করিয়াছিলেন । কেবল মহর্ষি বিশ্বামিত্র তদ্বিষয়ে নিমিত্তমাত্র হইয়া দোষভাগী হইলেন । এক্ষণে মহারাজ কল্যাণপাদ স্বর্গে আরোহণ করিয়া মহানন্দে কাল যাপন করিতেছেন । আর তোমার পিতৃব্যদিগেরও স্মরণ সমস্তিবি্যাহারে মহার্ঘ্যে কালক্ষেপ হইতেছে । হে বৎস ! মহর্ষি বশিষ্ঠ এসকল বিষয় ও নির্দোষ রাক্ষসদিগের উচ্ছেদ ব্যাপার অবগত আছেন । তুমি কেবল এই সত্রের কারণমাত্র । অতএব

একগে আর যজ্ঞ করিওনা। তোমার যজ্ঞ-সমাপ্তিকল লাভ হউক, তুমি কুশলে থাক। গন্ধর্ষ কহিলেন, শক্তিনন্দন পরাশর পুলস্ত্য ও মহর্ষি বশিষ্ঠকর্তৃক এইরূপ অভিহিত হইয়া সেই রাক্ষসসত্র সমাপন করিলেন এবং যজ্ঞার্থ সঞ্চিত অগ্নিকে হিমালয়ের উত্তর পাশে এক মহাবনে নিক্ষেপ করিলেন। অদ্যাবধি সেই অগ্নিকে প্রতিপর্ষে রাক্ষস, বৃক্ষ ও প্রসুরসহিত পর্বত দক্ষ করিতে দেখা যায় এবং ঐ অগ্নিধারী গিরি অদ্যাপি লোকে আগ্নেয় পর্বত বলিয়া প্রসিদ্ধ।

দ্ব্যশীত্যাধিক শততম অধ্যায়।

অর্জুন জিজ্ঞাসা করিলেন, হে গন্ধর্ষ-রাজ! রাজা কল্মাষপাদ কোন কারণ অবলম্বন করিয়া স্বীয় মহিষীকে বশিষ্ঠের নিকট নিয়োগ করিলেন? এবং সেই ধর্মজ্ঞ মহর্ষিই বা গুরু হইয়া কিরূপে সেই অগম্যা শিষ্যাতে রত হইলেন? তিনি কি ইতিপূর্বে কোনপ্রকার অধর্মাচরণ করিয়াছিলেন? আমি এই বিষয়ে অত্যন্ত সন্দেহান হইয়াছি, অতএব হে সখে! আনুপূর্বিক বর্ণনা করিয়া আমার সংশয় নিরাকরণ কর।

গন্ধর্ষরাজ কহিলেন, হে ধনঞ্জয়! রাজা কল্মাষপাদ ও বশিষ্ঠের বিষয় যাহা জিজ্ঞাসা করিলে, তৎসমুদায় সবিস্তর বর্ণন করিতেছি, শ্রবণ কর। হে ভরতশ্রেষ্ঠ! পূর্বে কথিত হইয়াছে যে, বশিষ্ঠাশ্রম মহাত্মা শক্তি রাজা কল্মাষপাদকে অভিসম্পাত করেন। রাজা শাপত্রস্ত ও ক্রোধপরবশ হইয়া নগর পরিত্যাগপূর্বক পত্নী সমভিব্যাহারে এক মিবিড় অরণ্যানী প্রবেশ করিলেন। সেই অরণ্যানী রাজাতীর জন্তুগণে সমাকীর্ণ, পাদপসমূহে আবৃত ও লতাগুলে আচ্ছন্ন। রাজা তথায় ভ্রমণ করিতে করিতে শত সহস্র হিংস্র জন্তুর ভয়ঙ্কর গভীর রব শ্রবণ করিতে লাগিলেন। একদা সেই রাক্ষসরূপী তুপাল কুধা শাস্তির

নিমিত্ত আহারাঘেষণ করিতে ছিলেন, এমনত সময়ে দেখিলেন, এক বিপ্রদম্পতী কামক্রীড়ায় আসক্ত হইয়াছেন। তাঁহার রাজাকে নয়নগোচর করিয়া ক্রতকার্য্য না হইতেই ভয়ে পলায়ন করিতে বাধ্য হইলেন। রাজা পলায়নপর ত্রাক্ষণকে বলপূর্বক ধারণ করিলেন; ত্রাক্ষণী স্বামীকে গৃহীত দেখিয়া কহিলেন, হে রাজন! আমার এক নিবেদন আছে, শ্রবণ করুন। আপনি আদিত্যবংশে প্রসূত, সর্ব লোকে সুবিখ্যাত; বিশেষতঃ ধর্মানুষ্ঠান ও গুরুজনশুশ্রূষার অনুরক্ত, অতএব আপনার পাপাচরণ করা নিতান্ত অবিধের। আমি ঋতুকাল উপস্থিত দেখিয়া সন্তানার্থ তর্তার সহিত সঙ্গত হইয়াছিলাম, অধুনাপি কৃতার্থ হইতে পারিনাই, অতএব হে নরনাথ! একগে প্রসন্ন হইয়া আমার স্বামীকে পরিত্যাগ করুন। রাজা বিক্রোশমানা সেই কামিনীর প্রার্থনাবাক্যে উপেক্ষা প্রদর্শনপূর্বক ব্যাত্র যেমন মৃগকে গ্রাস করে সেইরূপে তাঁহার স্বামীকে ভক্ষণ করিলেন, তদর্শনে ক্রোধাভিভূতা ত্রাক্ষণার যতগুলি অশ্রুবিন্দু ভূতলে পতিত হইল, সমুদায় প্রজ্বলিত ছতাসন হইয়া সেই বনপ্রদেশ দক্ষ করিতে লাগিল।

অনন্তর ভর্তৃবিয়োগবিধুরা শোকসন্তপ্তা ত্রাক্ষণী ক্রোধভরে রাজর্ষি কল্মাষপাদকে অভিসম্পাত করিলেন, রে ছুর্কুন্ধিপরতন্ত্র নৃপাধম! তুমি যেমন মনোরথ পরিপূর্ণ না হইতেই আমার সমক্ষে প্রিয়তমের প্রাণ সংহার করিলে, তোমাকেও সেইরূপ ঋতুকালে পত্নীসংযোগ করিবামাত্র পঞ্চত্র প্রাপ্ত হইতে হইবে। তুমি যাহার পুত্র বিনষ্ট করিয়াছ, সেই মহর্ষি বশিষ্ঠের ঔরসে তোমার পত্নী পুত্রোৎপাদন করিবেন। সেই পুত্র তোমার বংশধর হইবে। মহর্ষি অঙ্গিরার পুত্রী রাজাকে এইরূপে অভিসম্পাত করিয়া তাঁহার সমক্ষে প্রদীপ্ত ছতাসনে প্রবেশ করিলেন। মহর্ষি বশিষ্ঠ

সমাধিবলে এই সমস্ত ব্যাপার জানিতে পারিলেন ।

অনন্তর বহুকাল অতীত হইলে রাজা শাপবিমুক্ত হইলেন । একদা ভূপাল পত্নীর ঋতুকাল উপস্থিত দেখিয়া শাপরুত্তান্ত বিন্মরণপূর্বক কামাক্ষিচিন্তে তদীয় সহবাসে উদ্যত হইলেন । দেবী তাঁহাকে প্রতিষেধ করিলেন । তখন পত্নীব্যাক্য শ্রবণে শাপরুত্তান্ত তাঁহার স্মৃতিপথে উদিত হওয়াতে তিনি যৎপরোনাস্তি পরিতাপ করিতে লাগিলেন । হে পার্থ ! রাজা কল্যাণপাদ শাপগ্রস্ত হওয়াতে কুলগুরু বশিষ্ঠের নিকট স্বীয় পত্নীকে নিয়োগ করিয়াছিলেন ।


ত্র্যশীত্যধিক শততম অধ্যায় ।

অর্জুন কহিলেন, হেগন্ধর্করাজ ! সকলই তোমার বিদিত আছে, অতএব বলদেখি কোন্ ব্যক্তি আমাদের পুরোহিত হইবার উপযুক্ত পাত্র । গন্ধর্ক কহিলেন, দেবলের যবিষ্ঠ ভ্রাতা ধোম্য উৎকোচক নামক তীর্থে তপস্থা করিতেছেন, যদি ইচ্ছা হয় তাঁহাকে পৌরোহিত্য কার্যে বরণ কর । অর্জুন গন্ধর্কের প্রতি প্রীত হইয়া তাঁহাকে আধেয়ান্ত্র প্রদানপূর্বক কহিলেন, হে গন্ধর্ক সন্তম ! তোমার মঙ্গল হউক, ঘোটক সকল তোমারই নিকট থাকুক, প্রয়োজন উপস্থিত হইলে গ্রহণ করিব । এই বলিয়া পরস্পর সম্মান বিনিময়পূর্বক রমণীয় ভাগীরথী তীর হইতে নিজ নিজ অভীষ্ট প্রদেশে প্রস্থান করিলেন ।

অনন্তর পাণ্ডবেরা উৎকোচক তীর্থে ধোম্য-শ্রমে উপনীত হইয়া তাঁহাকে পৌরোহিত্যে বরণ করিলেন । বেদবিস্তম ধোম্য বন্য ফল মূল প্রদান ও পৌরোহিত্য স্বীকার দ্বারা পাণ্ডবদিগের সৎকার করিলেন । পাণ্ডবেরা মনে মনে আশা করিতে লাগিলেন যে তাঁহাকে পুরস্কৃত করিয়া স্বয়ম্বর দ্রৌপদী, রাজ্যলক্ষী ও সাম্রাজ্য প্রাপ্ত হইতে পারি-

বেন । তাঁহারা এতদিন অসহায় হইয়াছিলেন, অধুনা পুরোহিত ধোম্যের সহিত সঙ্গত হইয়া আপনাদিগকে নাথবান্ মনে করিলেন । পাণ্ডবেরা সেই উদারধী বেদার্থতত্ত্বজ পুরোহিতের অনুকম্পায় যাগপ্রিয় ও সর্কধর্মের মর্মজ হইয়া উঠিলেন । পুরোহিত ধোম্য পাণ্ডবগণের অবিচলিত উৎসাহ, অপ্রতিহত বলবীর্য্য, মদীয়সী বুদ্ধিবৃত্তি ও ধর্ম প্ররুত্তি সন্দর্শনে মনে মনে স্থির করিলেন, তাঁহারা অচিরেই রাজ্যাধিকারী প্রাপ্ত হইবেন । অনন্তর পাণ্ডবগণ পুরোহিত কর্তৃক রুতস্বস্তায়ন হইয়া দ্রৌপদী স্বয়ম্বর সমাজারোহণে মানস করিলেন ।

চৈত্ররথ পর্ব সমাপ্ত ।



স্বয়ম্বর পৰ্বাধ্যায় ।

চতুরশীত্যধিক শততম অধ্যায় ।

বৈশম্পায়ন কহিলেন ; তদনন্তর নরশ্রেষ্ঠ পঞ্চপাণ্ডব দ্রৌপদীকে সন্দর্শন করিবার মানসে জননী সমভিব্যাহারে মহোৎসবময় দ্রুপদ জনপদে গমন করিলেন । পথি মধ্যে স্বয়ম্বর দিদৃক্ষু কতিপয় ব্রাহ্মণের সহিত তাঁহাদিগের সাক্ষাৎ হইল । ব্রাহ্মচারী ব্রাহ্মণেরা পাণ্ডবদিগকে জিজ্ঞাসা করিলেন, আপনারা কোথাহইতে আসিয়াছেন এবং কোথাই বা গমন করিবেন । যুধিষ্ঠির কহিলেন, মহাশয় ! আমরা পঞ্চমহোদর একত্র হইয়া জননী সমভিব্যাহারে একচক্রা নগরী হইতে আসিতেছি । ব্রাহ্মণেরা কহিলেন, তোমরা অদ্যই পাঞ্চালদেশে চল । পাঞ্চালেখরভবনে মহা সমৃদ্ধ স্বয়ম্বর হইবে । আমরা তথায় যাইবার মানসে নির্গত হইয়াছি । ভাল হইল, সকলে একসঙ্গে যাইব । অদ্য পাঞ্চালদেশে পরমাস্তুত মহোৎসব হইবে । মহারাজ যজ্ঞসেনের যজ্ঞবেদি মধ্য

হইতে এক পরমাসুন্দরী ছুহিতা উৎপন্ন হইয়াছে। সেই কমল নয়না দ্রোণ-শক্র ধৃষ্টদ্যুম্নের ভগিনী, ধৃষ্টদ্যুম্ন খড়্গ বর্ষ ও ধনুর্কীর ধারণ করিয়া প্রস্থিত হস্তাশন হইতে উদ্ধৃত হন। দ্রৌপদীর সর্বাঙ্গব্যাপী নীলোৎপল গন্ধ এক ক্রোশ পর্য্যন্ত প্রবাহিত হয়। আমরা সেই স্বয়ম্বরী দ্রৌপদীকে নয়ন গোচর করিবার নিমিত্ত তথায় গমন করিব এবং মহোৎসব সন্দর্শনে অনির্বচনীয় আনন্দ প্রাপ্ত হইব। অদ্য তথায় নানা দিগদেশ হইতে যজ্ঞা ভূরি-দক্ষিণ স্বাধায় সম্পন্ন পবিত্রস্বভাব মহাত্মা যতব্রত তরুণবয়স্ক পরমসুন্দর মহারথ অস্ত্রবিদ্যায় নিপুণ কতশত রাজা ও রাজপুত্র আগমন করিবেন। তাঁহারা পরস্পর জিগীষা পরবশ হইয়া নানাপ্রকার দ্রব্য-জাত বিবিধ ভোজ্য ভোজ্য গোসমূহ ও ধনাদি দান করিবেন। আমরা তৎসমুদায় প্রতিগ্রহ, স্বয়ম্বর সন্দর্শন এবং মহোৎসব জনিত আনন্দানুভব করিয়া স্বেচ্ছানুসারে প্রত্যাগমন করিব। তথায় সূত, মাগধ, বৈতালিক, নট, নর্তক ও নানা দেশীয় মহাবল পরাক্রান্ত যোদ্ধবর্গ সমাগত হইয়া স্ব স্ব নৈপুণ্য প্রকাশ করিবে। আপনারাও কৌতুকক্রান্ত চিত্তে সেই সকল কৌতুক-বহু ব্যাপার অবলোকন করিয়া প্রদত্ত দ্রব্য জাত প্রতিগ্রহ পূর্বক আমাদিগের সহিত প্রত্যাগমন করিবেন। আপনারা সকলে দেবতুল্যাক্রপবান্ কৃষ্ণার নয়ন পথের পথিক হইলে তিনি অবশ্যই তোমাদিগের অন্য-তমকে বরমালা প্রদান করিবেন। আপ-নার এই মহাজুজ দর্শনীয় ভ্রাতাকে নিয়োগ করিলে ইনি অপরিমিত দ্রবিল রাশি জয় করিতে পারিবেন। যুধিষ্ঠির কহিলেন, যে আত্মা; আমরা সকলেই আপনাদিগের সমভিব্যাহারে রাজকন্যার স্বয়ম্বর ও তৎস-নিত মহোৎসব সন্দর্শনে গমন করিব।

পঞ্চাশীত্যাধিক শততম অধ্যায়।

বৈশম্পায়ন কহিলেন, মহারাজ! পাণ্ড-বেরা ব্রাহ্মণগণের নিকট এইরূপ আদিষ্ট হইয়া দ্রুপদরাজ পরিরক্ষিত দক্ষিণ পাঞ্চাল-দেশে গমন করিলেন। গমনকালে বিশ্ণু-ক্কা আ অকস্মৎ মহর্ষি দ্বৈপায়নকে সন্দর্শন করিয়া তাঁহার যথাবিধি সৎকার করিলেন, এবং তৎকৃত সৎকার গ্রহণপূর্বক নানা বিষয়ক কথোপকথনান্তে অনুজ্ঞাত হইয়া দ্রুপদ ভবনাভিমুখে গমন করিলেন। পথি-মধ্যে যে যে স্থানে রমণীয় বন ও শুশোভন সরোবর তাঁহাদিগের নয়ন পথে পতিত হইয়াছিল, সেই সেই স্থানে উপবিষ্ট ও গত-ক্রম হইয়া ধীরে ধীরে গমন করিতে লাগি-লেন। স্বাধায় সম্পন্ন বিশুদ্ধ স্বভাব প্রিয়-মুদ পাণ্ডুতনয়েরা ক্রমে ক্রমে পাঞ্চালদেশে উপনীত হইয়া স্কন্ধাবার ও নগর নিরীক্ষণ-পূর্বক এক কুম্ভকারের আলায়ে বাস করিয়া ব্রাহ্মণের বৃত্তি অবলম্বনপূর্বক ভিক্ষা দ্বারা জীবিকা নির্বাহ করিতে লাগিলেন। রাজা যজ্ঞসেনের মনে মনে অভিলাষ হইয়া ছিল যে পাণ্ডুতনয় কিরীটিকে স্বীয় ছুহিতা সম্প্রদান করিবেন, কিন্তু তিনি একথা কাহার-ও অগ্রে ব্যক্ত করেন নাই। এক্ষণে স্বাতি-লঘিত পাত্র পাইবার মানসে এক সূদৃঢ় ছুরানম্য শরাসন প্রস্তুত করাইলেন, এবং কৃত্রিম আকাশযন্ত্র নির্মাণ করাইয়া তৎসঙ্গে লক্ষ্য সংস্থাপনপূর্বক ঘেড়না করিয়াছিলেন যে, যে ব্যক্তি এই সজ্য শরাসনে শরসঙ্কাম-পূর্বক যন্ত্র অতিক্রম করিয়া লক্ষ্য বিদ্ধ করিতে সমর্থ হইবে। আমি তাহাকেই কন্যা দান করিব।

এইরূপ ঘোষণা শ্রবণে চতুর্দিক হইতে ভূপালগণ আগমন করিতে লাগিলেন। স্ব-য়ম্বরদিদৃশু ঋষিগণ এবং কর্ণ সমভিব্যাহারী চুর্যোধন প্রমুখ কুরুবর্গ সমুপস্থিত হইলেন। নানাদিগেশ হইতে কত শত ব্রাহ্মণগণ

আসিতে লাগিলেন । রূপদরাজ সমাগত ব্যক্তিবিশেষের বধোচিত সংকার করিলেন । রাজগণ তাহা পরিগ্রহ করিয়া স্বয়ম্বর দর্শনার্থে মঞ্চোপরি উপবেশন করিলেন এবং পৌরজনেরা মহাকোলাহলপূর্বক দর্শনমানসে মগুপ সন্মিকটস্থ শিশুমার বৃক্ষোপরি আরোহণ করিল । নগরে, প্রাণ্ডস্তর প্রান্তবর্তিনী এক পরিষ্কৃত সমতল ভূমিতে স্বয়ম্বরসমাজ প্রতিষ্ঠিত হইয়াছিল । সভাগৃহ প্রাকার ও পরিখা দ্বারা পরিবেষ্টিত এবং মধ্যে মধ্যে তোরণরাজি বিরাজিত ছিল । উহার চারিদিকে সুধাধবলিত সৌধাবলী, তুবারজালজড়িত হিমালয় শিখরের ন্যায় শোভা পাইতেছে । ঐ সকল প্রাসাদের কুটুম ভূমি রমণীয় মণিময় শিলাপটে উদ্ভাসিত, দ্বার সকল সমস্ত্রপাতে বিন্যস্ত এবং সোপান মার্গ-সমুদায় সুসংযুক্তিত । বিচিত্র চন্দ্রাতপ ও অপূর্ব মাল্যদাম উহার অতীব মনোহারিণী শোভা সম্পাদন করিতেছে । ঐ প্রদেশ সুবাসিত গন্ধবারিদ্বারা পরিষিক্ত হইয়াছে । স্থানে স্থানে মহাহাঁ আসন ও ছুক্ষফেননিভ শয্যাসকল সন্নিবেশিত রহিয়াছে । কোন স্থানে নৃত্যগীত, কোন স্থানে বাদ্যোদ্যম, কোথাও বা জনগণ নানাবিধ মহোৎসব করিতেছে ।

ভূপালগণ রমণীয় বেশভূষা সমাধানপূর্বক তত্রত্য বিমানশ্রেণীতে সমাসীন হইলেন এবং পরস্পর স্পর্শপূর্বক সমাগত নৃপতিদিগকে নিরীক্ষণ করিতে লাগিলেন । পৌরবৃন্দ ও জানপদগণ দ্রৌপদীদর্শনার্থে পরীক্ষিত মঞ্চোপরি উপবেশন করিলেন । পাণ্ডবেরা সমাগত ব্রাহ্মণগণ সমভিব্যাহারে আসন পরিগ্রহপূর্বক পাঞ্চাল রাজার ঐশ্বর্য্য সন্দর্শন করিতে লাগিলেন ।

অনন্তর রাজসভায় নৃত্যগীত আরম্ভ হইল । রসোপেক্ষণ ও স্তনিপুণ নর্তকগণের অকিনয় দ্বারা সভার শোভা দিন দিন প-

রিবর্জিত হইতে লাগিল । সভারস্তর ষোড়শ দিবসে কৃতমানা দ্রৌপদী অপূর্ব বেশভূষা পরিধানপূর্বক বিচিত্র কাঞ্চনী মাল্যগ্রহণ করিয়া নৃপসমাজে প্রবেশ করিলেন । চন্দ্রবংশীয় পুরোহিত ছতাশনে যথাবিধি আহুতি প্রদানপূর্বক অগ্নির তর্পণ ও ব্রাহ্মণগণের স্তুতিবাচন করিলেন এবং তুর্য্যাজীবদিগকে বাদ্যোদ্যম করিতে নিবারণ করিলেন । এইরূপে সেই প্রদেশ নিশেধ হইলে ধৃষ্টিদ্যুম্ন স্বীয় ভগিনী দ্রৌপদীকে লইয়া রজ্জুমধ্যে উপস্থিত হইলেন এবং ঘন ঘোষণ গভীরস্বরে অর্থবৎ মধুরবাক্যে কহিতে লাগিলেন । হে সমাগত নরেন্দ্রবর্গ! আপনারা শ্রবণ করুন । এই ধনুর্ধ্বাণ ও লক্ষ্য উপস্থিত আছে । যিনি যস্ত্রের ছিদ্র দ্বারা পঞ্চশর নিক্ষেপ করিয়া লক্ষ্য পাতিত করিতে পারিবেন । মর্দীয় ভগিনী কৃষ্ণা কুলশীল কপলাবণ্য সম্পন্ন সেই মহাত্মার ভার্য্যা হইবেন, সন্দেহ নাই । রূপদ পুত্র সভামধ্যে এইরূপ প্রস্তাব করিয়া সমবেত ভূপতিগণের নাম গোত্র ও কার্য্যাদি কীর্ত্তনপূর্বক ভগিনীকে সম্বোধন করিয়া কহিতে লাগিলেন ।

ষড়শীত্যাধিক শততম অধ্যায় ।

ধৃষ্টিদ্যুম্ন কহিলেন, হে ভগিনি! দেখ তুর্য্যোধন, তুর্কিবহু, তুর্শ্মুখ, তুস্পুর্ধ্বগ, বিবিশতি, বিকর্ণ, সহ, তুঃশাসন, যুযুৎসু, বায়ুবেগ, ভীমবেগবর, উগ্রায়ুধ, বলাকৌ, করকাম্বু, বিরোচন, কুণ্ডক, চিত্রসেন, সুবর্চা, কনকধ্বজ, নন্দক, তুহুগু, ও বিকট, এবং অন্যান্য মহাবল পরাক্রান্ত ধার্ত্তরাষ্ট্রেরা কর্ণসমভিব্যাহারে তোমার নিমিত্ত সমাগত হইয়াছেন । গান্ধার রাজকুমার শকুনি, বৃষক ও বৃহৎসল এবং মহাবীর অশ্বখামাও ভোজরাজ অলঙ্কৃত হইয়া ত্বদর্থে আগমন করিয়াছেন । বৃহৎ, মণিমান, দণ্ডধার, সহদেব, জয়ৎসেন, মেঘনজি, বিরাট ও তৎপুত্র শম্ব ও উত্তর, বার্দকেমি, সুশর্মা,

সেনাবিন্দু, সূকেতু, ও তৎপুত্র সুনামা ও সূবর্চা, সূচিত্র, সূকুমার, বৃক, সত্যধৃতি, সূর্যধ্বজ, রোচমান, নীল, চিত্রাশুধ, অংশু মান, জ্ঞেগিমান, চেকিতান, সমুদ্রসেনের পুত্র প্রতাপবান চন্দ্রসেন, জলসঙ্গ, বিদম্ভ ও তৎপুত্র দণ্ড, পৌণ্ডক, বাসুদেব, ভগদত্ত, কলিক, তামলিষ্ঠ, পত্তনাধিপতি, মদ্ররাজ ও তৎপুত্র শল্য কুম্ভাস্তদ, কুম্ভরথ, কোরব্য সোমদত্ত, এবং তাঁহার পুত্র ভুরি, ভুরিঞ্ৰী, শল, সূদক্ষিণ, কাষোজ, পৌরব, দৃঢ়ধন্বা, বৃহদ্রথ, সূবেগ, শিবি, উদীনর, পটঙ্কর, নিহন্তা, কক্কাধিপতি, সঙ্কর্ষণ, বসুদেব, রৌক্সিণেয়, শাম্ব, চারুদেফ, প্রা-
 ত্ত্যসি, গদ, অক্রুর, সাত্যকি, উজ্জব, কৃত বর্মা, হার্দিকা, পৃথু, বিপৃথু, বিদূরথ, কঙ্ক, শঙ্কু, গবেষণ, আশাবহ, নিরুঙ্ক, সমীক, সারিমেজয়, বাতপতি, ঝিল্লীপিণ্ডারক, এবং উদীনর এই সকল যতুবংশীয়, ও ভগীরথ, বৃহৎকত্র, সিন্ধুদেশাধিপতি জয়-
 ত্রথ, বৃহদ্রথ, বাঙ্লিক, অ্রতায়ু, উলুক, কৈ-
 তব চিত্রাস্তদ, শুভাঙ্গদী, বৎসরাজ, কোশ-
 লাধিপতি, শিশুপাল, জরাসন্ধ, ইহাঁরা এবং এতদ্ভিন্ন অন্যান্য নানা জনপদেশ্বরেরা তোমার নিমিত্ত সমাগত হইয়াছেন। ইহাঁ-
 রা ত্বদীয় পাণিগ্রহণার্থ লক্ষ্যভেদ করিবেন, হে ভদ্রে! যিনি এই লক্ষ্য বিদ্ধ করিতে পারিবেন, তুমি তাঁহারি গলদেশে বরমালা প্রদান করিও।

সপ্তাশীত্যধিক শততম অধ্যায়।

বৈশম্পায়ন কহিলেন, সেই সমস্ত বল-
 বীর্ষ্য সম্পন্ন অস্ত্রশিক্ষানিপুণ তরুণবয়স্ক
 নরেশ্বরবর্গ বিচিত্র বেষভূষা সমাধান করি-
 য়া অস্ত্র শস্ত্র ধারণ পূর্বক আগমন করি-
 লেন। তাঁহারি রূপ যৌবন কুল শীল ও
 ঐশ্বর্য্য মনে মন্ত হইয়া মদস্রাবী হৈমবত
 মাতঙ্গ যুধের ন্যায় ঈর্ষা-কষাঘিত লোচনে

পরস্পর বদন নিরীক্ষণ করত স্পর্ধা করি-
 তে লাগিলেন এবং ত্রিভুবনললাসভুত
 কৃষ্ণা সন্দর্শনে কাম মোহিত হইয়া দ্রৌ-
 পদী আমারই হইবে বলিয়া রাজসন
 হইতে গাত্রোপ্থান করিলেন। যেমন
 দেবগণ পর্বত রাজপুত্রী উমাকে প্রার্থনা
 করিয়াছিলেন, সমাগত সভাস্থ ভুপালগণ
 সেইরূপে দ্রৌপদীকে জিগীষা করিতে
 লাগিলেন। রঞ্জস্থ সমস্ত লোক কৃষ্ণার
 অনুপম রূপলাবণ্য সন্দর্শনে বিষম কন্দর্প-
 বাণে নিপীড়িত হইয়া তদগত হৃদয়ে নিরন্তর
 কেবল তাঁহাকেই চিন্তা করিতে লাগিলেন।
 তাঁহারি রূপদ রাজকুমারীর নিমিত্ত আপন ব-
 ক্ষুণ্ণাব্যবের প্রতিও ঈর্ষা প্রকাশ করিতে আরম্ভ
 করিলেন। অনন্তর রুদ্র, আদিত্য, বসুগণ,
 অশ্বিনী-কুমার যুগল, সাধ্য, যম, ও কুবের
 প্রভৃতি দেবগণ বিমানারোহণ পূর্বক রা-
 জসভায় আগমন করিলেন। অসংখ্য দৈত্য,
 সূপর্ণ, মহোরগ, দেবর্ষি, গুহক, চারণ, ও
 বিশ্বাবসু, নারদ, পর্বত প্রভৃতি ঋষি, গন্ধর্ক
 ও অপ্সরোগণ সমাগত হইয়াছিলেন।
 বলভদ্র, জনার্দন, বৃষ্ণিবংশীয় যত্নশ্রেষ্ঠগণ
 কৃষ্ণের মতাবলম্বী হইয়া পাণ্ডবগণকে পর্যা-
 বেক্ষণ করিতে লাগিলেন। যত্নশ্রবীর কৃষ্ণ
 ভ্রম্মারত ছতাশনের ন্যায় সেই গজেস্ত্রা-
 কার পঞ্চ পাণ্ডবকে নিরীক্ষণ করিয়া কিয়ৎ
 কাল চিন্তা করিলেন। পরে তিনি যুধিষ্ঠির,
 ভীম, ও নকুল সহদেবের কথা বলদেবকে
 জানাইলেন। বলদেব তাঁহাদিগকে দেখিয়া
 প্রীতমনে কৃষ্ণের প্রতি দৃষ্টিপাত করিলেন।
 কিন্তু অন্যান্য রাজকুমারেরা ছুরাশীগ্রস্ত
 হইয়া কৃষ্ণাতে মন প্রাণ সমুদয় সমর্পণ করি-
 য়াছিলেন, স্মতরাং পাণ্ডবদিগকে দর্শন করা
 দুরে থাকুক তাঁহারি ঈর্ষা কষাঘিত ও রোষ
 পরবশ হইয়া অধরদংশন পূর্বক আরম্ভ
 নয়ন যুগল ইতস্ততঃ সঞ্চালিত করিতে
 লাগিলেন। পাণ্ডবেরাও দ্রৌপদীকে নয়ন-

গোচর করিয়া সকলেই কন্দর্পবাণে অভি-
ভূত হইলেন ।

অনন্তর দেবর্ষি ও গন্ধার্বগণে সমাকুল,
সুপর্ণ, নাগ, অসুর, ও সিদ্ধগণকর্তৃক প-
রিবেশিত সেই সভাভবন রমণীয় গন্ধে
সুবাসিত এবং বিকীর্ষ্যমাণ দিব্য কুমুম-
সমূহের সুগন্ধে আমোদিত হইল । মহাস্বন
চুম্বুতিধ্বনিতে গগনমণ্ডল প্রতিধ্বনিত
হইল, চতুর্দিক্ বিমানসম্বাধ এবং বেণু, বীণা,
ও পণবিনিবাদে পরিপূরিত হইল । কর্ণ,
চতুষোদন, শাল, শলা, জৌগায়নি, ক্রাথ,
সুনীধ, বক্র, কলিঙ্গ, বক্রাধিপ, পাণ্ডা, বি-
দেহরাজ, ও যবনাধিপপ্রভৃতি অনেকানেক
রাজতনয়েরা কিরীট, হার, অঙ্গদ ও চক্রবান্
প্রভৃতি বিচিত্র অলঙ্কারে অলঙ্কৃত হইয়া
স্ব স্ব বলবীর্ষ্য প্রদর্শন ও সিংহনাদ করিতে
লাগিলেন । কিন্তু সেই ভীষণ শরাসনে
জ্যা সংযুক্ত করা দূরে থাকুক, কার্ম্মুক সজ্যা
করিব, একপ মনে করিতেও তাঁহারা সমর্থ
হইলেন না । সুবিক্রান্ত নরেন্দ্রগণ ধনুঃস্পর্শ-
মাত্র আহত ও ইতস্ততঃ বিক্লিষ্ট হইতে
লাগিলেন, তাঁহাদিগের অঙ্গের আভরণ-
সকল বিস্রস্ত হইয়া পড়িল । তাঁহারা নি-
স্তেজ ও হতাশ্বাস হইয়া দীর্ঘ নিশ্বাস পরি-
ত্যাগপূর্ব্বক ক্রমে ক্রমে শান্তিতাব অবলম্বন
করিলেন, বিরীণ্ট, হার, বলরাজকপ্রভৃতি
আভরণসকল অঙ্গহইতে বিস্রস্ত হইয়া
পড়িল এবং দ্রৌপদীলিপ্সা এককালে নি-
রস্ত হইয়া গেল ।

সকল-ধনুর্জয়প্রবর কর্ণ রাজগণের এই-
রূপ বিধোন্মাদ নিরীকণ করিয়া সত্বরে ধনু
উত্তোলনপূর্ব্বক তাহাতে জ্যা সংযুক্ত করিয়া
শরাসনে শর সজ্জান করিলেন । পাণ্ডুতন-
য়েরা কর্ণকে নরনগোচর করিয়া মনে করি-
লেন, ইমিই লক্ষ্য জেন করিয়া কন্যারূপ
প্রাপ্ত করিবেন, অন্দেহ হইবে । দ্রৌপদী কর্ণের
যশস্বত্ব কর্ত্তিরে মুগ্ধকরে কহিলেন, আমি

সুতপুত্রকে বরণ করিব না, এই কথা জ্ঞাব-
মাত্র কর্ণ সামর্থ হান্যে সূর্য্যাসন্দর্শনপূর্ব্বক
শরাসন পরিত্যাগ করিলেন ।

এইরূপে সমুদার ক্ষত্রিয়বর্গ বিকল-
প্রযত্ন হইয়া প্রস্থান করিলে পর, চেন্দে-
শাধিপতি শিশুপাল শরাসনে শরসজ্জান
করিতে উদ্যত হইলেন, কিন্তু অবশেষে ভয়-
জানু হইয়া ভূতলে পতিত হইলেন । মহা-
বীর্ষ্য জয়সম্রাট এই প্রকারে ধনুরাঘাতে
ভূতলে পতিত হইলেন, পরে গাত্রোপ্থান-
পূর্ব্বক আপন রাজ্যে প্রস্থান করিলেন ।
মদ্রাধিপতি শল্যও সেই ধনুকে জ্যা রোপণ
করিতে জানু পাতিয়া ভূতলে পতিত হই-
লেন । এইরূপে সভাস্থ সমস্ত নরাধিপগণ
ক্রমে ক্রমে পরাভুত হইলে কুন্তীনন্দন অ-
র্জুন সেই শরাসনে জ্যা রোপণ ও শর স-
জ্জানের মানস করিলেন ।

অকীর্ষীত্যাধিক শততম অধ্যায় ।

বৈশম্পায়ন কহিলেন, হে মহারাজ ! স-
মাগত সমস্ত মহীপাল এইরূপে পরাভুত হ-
ইলে অর্জুন উদায়ুধ হইয়া বিপ্রমণ্ডলীমধ্য-
হইতে গাত্রোপ্থান করিলেন । ব্রাহ্মণেরা পা-
র্থকে কার্ম্মুকাভিমুখে প্রস্থিত দেখিয়া অজিন
বিধূননপূর্ব্বক চীৎকার করিয়া উঠিলেন ।
কেহ কেহ বিমনা হইয়া রহিলেন, কেহ
হর্ষিত হইলেন এবং কেহ কেহ বা
পরস্পর মন্ত্রণা করিতে লাগিলেন যে, কা-
হাতে ধনুর্বেদপারদর্শী শল্যপ্রমুখ সুবি-
খ্যাত ক্ষত্রিয়সকল অসমর্থ হইয়া প্রস্থান
করিলেন, এক জন হীনকল অকৃতান্ত সামান্য
ব্রাহ্মণকুমার তদ্বিষয়ে কিরূপে কৃতকার্য্য
হইবে ? এই ব্যক্তি গর্ভিত হইয়াই হউক,
অথবা কন্যাগ্রহণহর্ষে মোহিত হইয়াই হউক,
কিংবা বিপ্রস্বভাবসুলভ প্রলোভচপলতা-
প্রযুক্তই হউক, পূর্ব্বাপর পর্য্যায়োচনা না
করিয়া এই দুঃসর কার্য্যে প্রবৃত্ত হইতেছে ।
কিন্তু কৃতকার্য্য হইতে না পারে, তাহা হইলে

সমস্ত ব্রাহ্মণদিগকে যৎ-
পরোনাস্তি উপহাসাম্পদ হইতে হইবে, স-
ন্দেহ নাই; অতএব ইহাকে গমন করিতে নি-
বারণ কর। কেহ কেহ কহিলেন, আমরা
উপহাসাম্পদ হইব না, আমরাদিগের কোন-
প্রকার লাঘবও হইবে না এবং রাজাদিগেরও
দেষ্টা হইব না। কেহ কেহ বলিলেন, এই
পীনস্কন্ধ, দীর্ঘবাহু, প্রশান্ত, গভীরাকৃতি, গ-
জেন্দ্রবিক্রম ও মুগেন্দ্রগতি সুরূপ যুবার
আকার ও অবিচলিত অধ্যবসায় দ্বারা
স্পষ্ট প্রতীয়মান হইতেছে, যে ইনি কখনই
বিকলপ্রযত্ন হইবেন না। ইহার মহীরসী
উৎসাহশীলতা লক্ষিত হইতেছে। যে ব্যক্তি
অক্ষম, সে কখন কোন কার্যে স্বয়ং প্ররত্ত
হয় না। ফলতঃ ব্রাহ্মণের অসাধ্য কার্য
ভ্রমণে দৃষ্টিগোচর হয় না। অনাহার, বা-
যাহার, ফলাহার ও দৃঢ়ব্রত, তন্নিবন্ধন ব্রাহ্মণ
দেখিতে দুর্বল হইলেও তাঁহাদিগের অস্থঃ-
সার ও তেজের হাস হয় না। ব্রাহ্মণ সং-
কর্ম্মই করুন অথবা অসৎ কর্ম্মই করুন, তিনি
কদাপি অবমানিত হইবেন না; কারণ সূখজ-
নক, দুঃখজনক, সামান্য ও মহৎ সমুদার
কার্য্যই ব্রাহ্মণ কর্তৃক সম্পাদিত হইয়া থাকে।
দেখ! জামদগ্ন্য পৃথিবীস্থ সমস্ত ক্ষত্রিয়কে
পরাত্তব করিয়াছিলেন, অগস্ত্য স্বীয় ব্রহ্ম-
তেজঃপ্রভাবে অগাধ জলনিধি পান করিয়া
ছিলেন, অতএব সকলে এই স্থানে অবস্থান
করিয়া দেখ, এই ব্রাহ্মণতনয় কার্ম্মকে জ্যা
রোপণ করিতেছে। এই কথা শুনিয়া সকলে
প্রস্তাবিত বিষয়ে সন্মত হইলেন।

অর্জুন শরাসনসমীপে অচলবৎ দণ্ডা-
য়মান হইয়া ব্রাহ্মণগণের কথোপকথন শ্রবণ
করিলেন। অনন্তর বরপ্রদ মহাদেবকে প্রে-
ণামপূর্ব্বক সেই কার্ম্মকে প্রদক্ষিণ করিলেন,
এবং কৃষ্ণকে স্মরণ করিয়া শরাসন গ্রহণ ক-
রিলেন। শিশুপাল, হুণীথ, রাধেয়, দুর্ব্যোধন,
শল্য ও শালগ্রহুতি ধনুর্বেদপারগ নৃসিংহ-

সকল দৃঢ়প্রযত্নেও যে ধনু সসজ্যা করিতে
পারেন নাই, অর্জুন অবলীলাক্রমে নিমিক-
মধ্যে সেই শরাসনে জ্যা রোপণপূর্ব্বক পাঁচটি
শর গ্রহণ করিলেন, পরে ছিদ্রদ্বারা সেই অস্তি
কক্ষবেধা লক্ষ্য বিদ্ধ ও ভুতলে পাত্তিত ক-
রিলেন। অনন্তর অন্তরীক্ষে ও সভামধ্যে মহাম
কোলাহল হইতে লাগিল। দেবতারা অর্জুনের
মস্তকোপরি পুষ্প বর্ষণ করিতে লাগিলেন। স-
হস্র সহস্র ব্রাহ্মণেরা স্ব স্ব বসন বিধূননপূর্ব্বক
অলক্ষিত হইয়া মহোল্লাস প্রকাশ করিতে
লাগিলেন, এবং নভোমণ্ডলহইতে চতুর্দিকে
পুষ্পবৃষ্টি হইতে লাগিল। বাদ্যকরেরা শতাক্র
তুর্গ্য বাদন করিতে লাগিল এবং সুরকণ সুরতও
মাগধগণ স্তুতি পাঠ করিতে আরম্ভ করিল।

ক্রপদরাজ পার্থকে নয়নগোচর করিয়া
সাতিশয় প্রীত হইলেন, এবং সৈন্যসামন্ত
সমভিব্যাহারে তদীয় সহায়তা করিবার মা-
নস করিলেন। অর্জুনের বিজয়শব্দ সমস্তাৎ
প্রতিধ্বনিত হইয়া উঠিলে ধার্ম্মিকাগ্রণী যু-
ধিষ্ঠির, নকুল ও সহদেবের সহিত সত্ত্বর
আবাসে প্রত্যাগমন করিলেন, কৃষ্ণা লক্ষ্য
বিদ্ধ হইয়াছে দেখিয়া এবং শক্রপ্রতিম
পার্থকে নয়নগোচর করিয়া সহর্ষে মাল্য-দাম
ও শুভ্র বসন গ্রহণপূর্ব্বক কুন্তীস্নতসমীপে
গমন করিলেন। অচিন্ত্যকর্মা পার্থ বিজয়
লাভ ও দ্রৌপদীদত্ত মালা গ্রহণপূর্ব্বক দ্বিজা
তিগণ-পরিপূজ্যমান হইয়া পত্নী সমভিব্য
হারে রঙ্গহইতে বহির্গত হইল।

উননবত্যাধিক শততম অধ্যায়।

বৈশম্পায়ন কহিলেন, রাজা সেই ব্রা-
হ্মণকে কন্যা দান করিবার অভিলাষ কীরলে
ভূপতিগণ সাতিশয় ক্রুদ্ধ হইয়া পরস্পরের
বদন নিরীক্ষণ করত কহিতে লাগিলেন,
ক্রপদরাজ সমাগত রাজমণ্ডলকে ভূণ্ডল্য
জ্ঞান করিয়া বরবর্ণিনী দ্রৌপদীকে বিপ্র-
সাৎ করিবার কামনা করিয়াছেন। ইনি
সমস্ত মন্ত্রাধিপগণকে আহ্বান ও বধাবিধি

সংহারপূর্বক উত্তমরূপ স্তোজন করাইয়া পরিশেষে তাদৃশ সন্মান রক্ষা করিলেন না । বস্ত্রভাঙ্গ রক্ষা রোপণ করিয়া কলকালে উন্মলিত করিলেন । অতএব সমধিকগুণসম্পন্ন হইলেও কোন ক্রমে ইনি সন্মানযোগ্য হইতে পারেন না, প্রভূত উক্ত অপরাধে এই ছুরায়া নৃপাধমকে সপুত্র বিনষ্ট করিব । কি আশ্চর্য্য ! দেবতুল্য নৃপসমূহের মধ্যে এক ব্যক্তিকেও আপন কন্যার অনুরূপ বিবেচনা করিলেন না, স্বয়ম্বরে ব্রাহ্মণের অধিকার নাই, কেবল ক্ষত্রিয়েরই স্বয়ম্বর বিবাহ শাস্ত্রসম্মত । আর যদি এই কন্যা আমাদের মধ্যে কাহাকেও মনোনীত না করে, তাহা হইলে উহাকে অগ্নিতে নিক্ষেপ করিয়া আমরা স্ব স্ব রাজ্যে প্রতিগমন করিব ।

যদি ব্রাহ্মণ লোভাক্রমিত হইয়া অথবা নৈসর্গিক চপলতা প্রযুক্ত রাজাদিগের অনভিমত কার্য্য করেন, তথাপি তিনি অবধ্য । আমরা ব্রাহ্মণের উপকারার্থে রাজ্য, ধন, সম্পত্তি, পুত্র, পৌত্র এবং জীবিতপর্য্যন্তও পরিত্যাগ করিতে পারি । রাজর্ষিগণ অবমানন্যে স্বধর্ম্ম রক্ষার নিমিত্ত, আর অন্য স্বয়ম্বরে এইরূপ গতি না হয় এই অভিপ্রায়ে রূপদের প্রাণ সংহার করিবার নিমিত্ত ক্র-
ক্টিচিতে আয়ুধ গ্রহণপূর্বক ধাবমান হইলেন । সেই সমস্ত ক্রোধাক্রম সংখ্য রাজ-
শাঙ্গীল বেগে ধাবমান হইতেছেন দেখিয়া, রূপদরাজ ভয়ে ব্রাহ্মণদিগের শরণাগত হইলেন । অর্জুন ও ভীমসেন মদস্রাবী গজেন্দ্রের ন্যায় বেগাভিক্রমিত রাজেন্দ্রদিগকে নিরীক্ষণ করিয়া ধর্ম্মরূপ গ্রহণপূর্বক তাঁহাদিগের সম্মুখীন হইলেন । অমর্ষপ্রদীপ্ত মদীপালেরাও ভীমসেন-জিঘাংসু হইয়া অস্ত্র গ্রহণপূর্বক বুদ্ধার্থে প্রস্তুত হইলেন ।

অনন্তর অবিচলিত অধ্যবসায় সহকারে মহাবল পরাক্রান্ত ভীমসেন হস্তদ্বারা এক মহামহীকব উৎপাটনপূর্বক নিপাত করি-

লেন এবং লোকান্তক যম যেমন ভীষণ দণ্ড গ্রহণ করেন, তক্রূপ রিপুনিহুদন ভীম সেই রূক্ষ গ্রহণ করিয়া অর্জুনের সমীপে দণ্ডায়মান হইলেন । লোকাভীত-বীশক্তি-সম্পন্ন অচিন্ত্যকর্মা অর্জুন ভ্রাতার পরাক্রম দর্শনে চমৎকৃত হইয়া ভয় পরিত্যাগপূর্বক শরণসন গ্রহণ করিয়া দণ্ডায়মান হইলেন । এই সমস্ত পর্য্যবেক্ষণ করিয়া মহানুভব রুক্ষ মহাবীর্য্য বলদেবকে কহিলেন, মহাশয় ! যিনি এই বিস্তীর্ণ শরণসন অনায়াসে আকর্ষণ করিতেছেন, ইনিই অর্জুন; তাহাতে আর সন্দেহ নাই । আর যিনি বাহুবলে রুক্ষ উৎপাটনপূর্বক নির্ভয়ে রাজমণ্ডলে প্রবিষ্ট হইতেছেন, ইহার নাম বৃকোদর । ভীম ব্যতিরেকে যুদ্ধস্থলে ঈদৃশ পরাক্রম প্রদর্শন করিতে পারে, পৃথিবীতে এমন বীর কে আছে ? এবং যে কমললোচন, গৌরবর্ণ পুরুষ অতি বিনীতভাবে অগ্রে অগ্রে গমন করিতেছেন, ইনি ধর্ম্মপুত্র যুধিষ্ঠির । আর কুমারতুল্য স্কুকুমার এই কুমারযুগল দেখিয়া বোধ হইতেছে ইহারাই নকুল ও সহদেব হইবে । শুনিয়াছিলাম যে, পৃথা পুত্রগণ সমভিব্যাহারে সেই ভয়াবহ জতু-
গৃহদাহহইতে পরিত্রাণ পাইয়াছেন তাহা যথার্থ বটে । এই সমস্ত অবগানস্বর নির্জল-
জলদমমিত্ত বলদেব রুক্ষকে সম্বোধন করিয়া কহিলেন, বাসুদেব ! পিতৃস্বসা পৃথা এবং পাণ্ডবদিগকে বিপদ্বিন্মুক্ত অবগণ করিয়া অদ্য পরম প্রীত হইলাম ।

নবত্যাধিক শততম অধ্যায় ।

বৈশম্পায়ন কহিলেন, বিজর্ষভসকল অজিন ও কমণ্ডলু বিধ্বননপূর্বক উচ্চৈঃস্বরে কহিলেন, তোমাদিগের ভয় নাই, আমরা শক্রর সহিত যুদ্ধ করিতে প্রস্তুত আছি । অর্জুন ঈষৎ হাস্য করিয়া তাঁহাদিগকে কহিলেন, আপনারা পাশে থাকিয়া দর্শন করুন । যেমন মন্ত্রদ্বারা দন্দশুক আশীর্ষ্য নিবারণ করে;

তরুণ আমিও শূচ্যে বিশিখশতদ্বারা ই-
হাদিগের নিরাকরণ করিতেছি। এই কথা ব-
লিয়া অর্জুন শুষ্কলক্ষ শরাসন আকর্ষণ করিয়া
ভীমের সহিত পর্বতের ন্যায় দৃঢ়রূপে দণ্ডা-
মান হইলেন। অনন্তর নির্ভীক ভীমার্জুন-
যুদ্ধচরিত্র কর্ণপ্রমুখ ক্ষত্রিয়বর্গ নিরীক্ষণ
করিয়া ক্রতবেগে তাঁহাদিগকে আক্রমণ ক-
রিলেন। রণক্ষেত্রে দ্বিজাতিরও বিনাশ দৃষ্ট
হইয়া থাকে, এই বলিয়া যুযুৎসু রাজারা
ক্রতবেগে ব্রাহ্মণগণের প্রতি ধাবমান হই-
লেন, এবং মহাতেজা কর্ণ অর্জুনের প্রতি
গমন করিলেন। হস্তী হস্তিনীর নিমিত্ত
যুদ্ধার্থী হইয়া মহাবেগে যেমন প্রতিপক্ষ
গজের প্রতি ধাবমান হয়, সেইরূপ মদ্রেখর
শল্য ভীমকে আক্রমণ করিলেন। পরে
দুর্যোধনাদি সকলে ব্রাহ্মণদিগের সহিত স-
ম্মত হইয়া ধীরে ধীরে সমরসাগরে অব-
তীর্ণ হইলেন।

অনন্তর অর্জুন প্রকাণ্ড শরাসন আক-
র্ষণপূর্বক শত শত নিশিত শরদ্বারা কর্ণকে
বিদ্ধ করিতে লাগিলেন। রাধেয় স্ত্রীক্ষ
বিশিখশতপ্রহারে বিমোহিত হইয়া অতি
কষ্টে অর্জুনের অনুধাবন করিলেন। জিগীষা-
পরবশ বীরযুগলের ঘোরতর সংগ্রাম উপ-
স্থিত হইল। পরস্পর পরস্পরকে বীরত্ব
প্রদর্শনপূর্বক কহিতে লাগিলেন, তুমি
যাহা করিয়াছ, তাহার প্রতিকল দিতেছি
এবং এই মুহূর্ত্তেই আমার বাহুবল প্রদর্শন
করিতেছি। কর্ণ, অর্জুনের অমুগম ভুজ-
বীর্ঘ্য দর্শনে ক্রোধান্বিত হইয়া যুদ্ধ করিতে
লাগিলেন। তদীর সেনাগণ অর্জুনপ্রযুক্ত
ভীতব্রজ বাণ বর্ষণ বিফল করিয়া উচ্চৈঃস্বরে
স্বপ্তর জরশব্দ উচ্চারণ করিতে লাগিল।
কর্ণ কহিলেন, হে বিপ্রবর! তোমার ভুজ-
বীর্ঘ্য, অস্ত্রশিক্ষা ও অক্লিষ্টতা দর্শনে আমি
পরম প্রীত হইলাম। হে বিজসত্তম! আমার
বোধ হইতেছে, তুমি সুভীমান ধনুর্ধর

অথবা রাম, সূর্য বা সাক্ষাৎ ভগবান বিষ্ণু
হইবে। আত্মপ্রছাদনের নিমিত্ত বিপ্রবশ
ধারণপূর্বক আমার সহিত যুদ্ধ করিতেছ।
আমি ক্রুদ্ধ হইলে সাক্ষাৎ ইন্দ্র বা পাণ্ড-
তনয় কিরীটী ব্যতিরেকে অন্য কেহই আমার
সহিত যুদ্ধ করিতে সমর্থ হয় না।

অর্জুন প্রত্যস্তর করিলেন, হে কর্ণ! আমি
ধনুর্ধর নহি বা প্রতাপশালী রামও নহি;
আমি ব্রাহ্মণ, গুরুর উপদেশে ব্রাহ্ম ও
পৌরন্দর অস্ত্রে সুশিক্ষিত হইয়াছি। অদ্য
তোমাকে পরাজয় করিবার নিমিত্ত রণক্ষেত্রে
উপস্থিত হইয়াছি। রাধেয়, এই কথা শ্রবণ
করিয়া অর্জুনের দুর্জয় ব্রাহ্ম তেজ স্বীকার-
পূর্বক তৎক্ষণাৎ যুদ্ধে পরাস্থ হইলেন।
অপর, রণপ্রদেশে বলবিদ্যাসম্পন্ন যুদ্ধবি-
শারদ মত্ত গজেন্দ্রাকার শল্য ও বৃকোদর
পরস্পর সমাহ্বানপূর্বক মুক্യാঘাত ও জাম্বু-
প্রহার দ্বারা ঘোরতর সংগ্রাম করিতে লাগি-
লেন। তাঁহারা উভয়ে প্রচণ্ডবেগে উভয়কে
আকর্ষণ ও পাবাণপাতসদৃশ মুক্യാঘাত ক-
রিতে লাগিলেন। প্রহারবেগে রণস্থলে ঘো-
রতর চটচটা শব্দ উঠিল। তাঁহারা দুই জনে
ক্ষণকাল তুমুল সংগ্রাম করিলেন। পরে
কুরুশ্রেষ্ঠ ভীম বাহুদ্বারা শল্যকে উৎক্ষিপ্ত
ও ভূতলে পাতিত করিলেন, তৎদর্শনে দ্বিজা-
তিমণ্ডল হাস্য করিতে লাগিলেন। কিন্তু কি
আশ্চর্য! ভীমসেন শল্যকে ভূতলশায়ী করি-
য়াও তাঁহার প্রাণ বিনাশ করিলেন না। শল্য
নিপতিত ও কর্ণ শঙ্কিত হইলে পর সমস্ত
রাজগণ অত্যন্ত ভীত হইয়া বৃকোদরকে
পরিবেষ্টন করিলেন, এবং সকলে একবাক্যে
ভীমার্জুনকে সাধুবাদ করত কহিলেন, এই
ব্রাহ্মণকুমারেরা কাহার পুত্র, ইহাদিগের বাস
কোথায়, তৎ সমুদায় পরিজাত হওয়া উ-
চিত। মহাবল পরশুরাম, দ্রোণ ও পাণ্ড-
তনয় কিরীটী ব্যতিরেকে, কর্ণের সহিত যুদ্ধ
করে, এমন লোক ভুলোকে কে আছে?

দেবকীমৃত কৃষ্ণ এবং রূপাচার্য্য ব্যতিরেকে পৃথিবীতে এমন ব্যক্তি লক্ষ্য হয় না, যে, দুর্ঘ্যোধনের সহিত যুদ্ধ করিতে সমর্থ হয়। বলদেব, পাণ্ডব, বৃকোদর ও মহাবলপরাক্রান্ত দুর্ঘ্যোধনভিন্ন অন্য কোন বীর মজ্রাধিপতি শল্যকে সমরশায়ী করিতে পারে? ব্রাহ্মণেরা অপরাধী হইলেও তাঁহাদিগকে ক্ষমা করা উচিত, অতএব ব্রাহ্মণের সহিত আর যুদ্ধে প্রয়োজন নাই। তবে যদি উঁহারা পুনর্বার যুদ্ধার্থী হইয়ন, তাহা হইলে আমরা স্ফটচিত্তে যুদ্ধ করিব, সন্দেহ নাই। কৃষ্ণ ক্ষিতীশ্বরদিগের এবশ্প্রকার কথোপকথন শ্রবণ এবং ভীমের সেই অদ্ভুত পরাক্রম সন্দর্শন করিয়া তাঁহাদিগকে কুন্তীমৃত স্থির নিশ্চয় করিলেন। পরে রাজগণকে সযোধনপূর্বক বিনয়বচনে কহিলেন, হে ভূপালবৃন্দ! হঁহঁরাই রাজকুমারীকে ধর্ম্মতঃ লাভ করিয়াছেন, তোমরা ক্ষান্ত হও, আর যুদ্ধে প্রয়োজন নাই।

বিশ্ময়াবিষ্ট রাজর্ষিগণ কৃষ্ণের অনুনয়ে সংগ্রামে বিরত হইয়া স্ব স্ব গৃহে প্রস্থান করিলেন। “অদ্য রঙ্গস্থলে ব্রাহ্মণ জয়ী হইয়াছেন, এবং পাঞ্চালী ব্রাহ্মণ-বর্ভুক বিবাহিতা হইলেন” এই কথা বলিতে বলিতে সমাগত জনসমূহ প্রস্থান করিল। রৌরবাজিনধারী ভীম ও অর্জুন বিপ্রমধ্যে প্রচ্ছন্ন হইয়া অতি সাবধানে গমন করিলেন। তাঁহারা শত্রুহস্তহইতে বিমুক্ত হইয়া এবং দ্রৌপদীকে লাভ করিয়া মেঘাবরণ-নির্মুক্ত পূর্ণিমাশশধরের ন্যায় ও প্রদীপ্ত সূর্য্যদেবের ন্যায় শোভা পাইতে লাগিলেন। এদিকে পুত্রবৎসলা পৃথা, পুত্রেরা ত্তিকার্থে গমন করিয়া কিনিমিত্ত অধুনাপি প্রত্যাগত হইল না ভাবিয়া, কতই অনিষ্ট-শঙ্কা করিতে লাগিলেন। তিনি মনে মনে চিন্তা করিলেন, হয় ত ছুরায়া ধার্ত্তরাষ্ট্রেরা

তাঁহাদিগকে নিহত করিয়াছে, অথবা নিদারুণ শত্রু মারাধী নিশাচরগণ হইতে কোনরূপ অনিষ্টাপাত হইয়া থাকিবে, তাঁহাদিগের দুর্ভেদ্য মায়াজালে মহাত্মা ব্যাসদেবের মতেরও বৈপরীত্য জন্মিয়া থাকে। পৃথা পুত্রস্নেহে আরতা হইয়া এবশ্প্রকার চিন্তা করিতেছেন, আকাশমণ্ডল বনাবলীতে আচ্ছাদিত এবং সমস্ত লোক স্তম্ভপ্রায় হইয়াছে, এমন সময়ে, অর্জুন মেঘোপরুদ্ধ অপরাহুদিবাকরের ন্যায় ব্রাহ্মণগণে পরিবৃত হইয়া ভার্গবালয়ে প্রবেশ করিলেন।

• একনবত্যাধিক শততম অধ্যায়।

বৈশম্পায়ন কহিলেন, মহানুভাব ভীম-র্জুন ভার্গব-কর্ম্মশালায় উপস্থিত হইয়া পরম শ্রীতমনে পৃথাকে নিবেদন করিলেন, মাতে! অদ্য এক রমণীয় পদার্থ ত্তিকালক হইয়াছে। পৃথা গৃহাভ্যন্তরে ছিলেন, সবি-শেষ পর্য্যবেক্ষণ না করিয়াই পুত্রদিগকে কহিলেন, বৎস! যাহা প্রাপ্ত হইয়াছ, সকলে সমবেত হইয়া ভোগ কর। অনন্তর কৃষ্ণাকে নয়নগোচর করিয়া কহিলেন, আমি কি কুকর্ম্ম করিলাম। পরে ধর্ম্মভয়ে একান্ত চিন্তাকুলা হইয়া পরম শ্রীত যাজ্ঞ-সেনীর হস্ত গ্রহণপূর্বক যুধিষ্ঠিরের নিকটে গমন করিয়া কহিলেন, পুত্র! ইনি রাজা দ্রুপদের নন্দিনী, তোমার অনুজদ্বয় হঁহঁাকে আনিয়া ত্তিকা বলিয়া আমার নিকট উপস্থিত করেন, আমিও অনবধানতাপ্রযুক্ত আজ্ঞা করিয়াছি, তোমরা সকলে সমবেত হইয়া ভোগ কর। অতএব, হে কুরুশ্রেষ্ঠ! এক্ষণে যাহাতে আমার বাক্য মিথ্যা না হয় এবং অধর্ম্ম দ্রুপদকুমারীকে পর্শ না করে, এমন উপায় বিধান কর। মতিমান কুরু প্রবীর জননী এই রূপ উক্তি শ্রবণে সেই কাল চিন্তা করিয়া কুন্তীকে আশ্বাস দেন পূর্বক অর্জুনকে কহিলেন।

যাজ্ঞসেনী তোমার জয়লঙ্ক বস্ত্র, তোমা-
তেই ইনি শোভা পাইবেন, তুমি অগ্নি
সাক্ষী করিয়া যথাবিধানে ইহার পাণি-
গ্রহণ কর।

অর্জুন কহিলেন, নরনাথ! আমাকে
অধর্ম্মে লিপ্ত করিবেন না, আমি সাধুবি-
গর্হিত ব্যাপারে প্ররুত্ত হইব না। আপনি
জ্যেষ্ঠ, প্রথমতঃ আপনার বিবাহ করা ক-
র্তব্য, অনন্তর মহাবাহু ভীমের, তৎপরে
আমার; তদনন্তর নকুলের, পরিশেষে ত-
রস্বী সহদেবের বিবাহ করা উচিত। বৃকো-
দর, আমি, নকুল, সহদেব এবং এই
রাজকুমারী, আমরা সকলেই আপনার নি-
যোজ্য। অতএব যাহা বশস্কর ও ধর্ম্মকর
হয়, সবিশেষ পর্যালোচনাপূর্ব্বক আপনি
সেই কর্ম্মের অনুষ্ঠান করুন, এবং যাহাতে
পাঞ্চালেশ্বরের হিত সাধন হইতে পারে আ-
মাদিগকে তদনুষ্ঠানের অনুমতি প্রদান করুন।
আপনি নিশ্চয় জানিবেন, আমরা সকলেই
আপনার একান্ত বশস্বদ। ভক্তি-স্নেহ-সহকৃত
অর্জুনের বাক্য শ্রবণ করিয়া পাণ্ডুতনয়েরা
দ্রৌপদীর প্রতি দৃষ্টিপাত করিলেন। তাঁ-
হারা যশস্বিনী কুম্বাকে নয়নগোচর করিয়া
পরস্পর বদন নিরীক্ষণ করত উপবিষ্ট ও
তদগতচিত্ত হইলেন। তাঁহারা দ্রৌপদীর
রূপলাবণ্যে একপ মোহিত হইয়াছিলেন,
যে তাঁহাদের ইন্দ্রিয়গ্রাম প্রমথিত করিয়া
অনঙ্গবিকার প্রাচুর্ভূত হইল। বোধ হয়
সকল নারী অপেক্ষা উৎকৃষ্ট করি-
বার জন্যে পাঞ্চালীর তাদৃশ কমনীয় রূপ-
লাবণ্যের পরিমাণ করিয়াছিলেন, নতুবা
তাঁহাদের মনে হই কেন সকল প্রাণীর
মনোহরণ হইবে।

তদনন্তর অর্জুনের আকার ও মনের
বুদ্ধির পরিমাণ দেখাওঁর বাক্য-
প্রবাহে সকল প্রাণীর মনোহরণ হইয়া
ছিল।

লেন, দ্রৌপদী আমাদিগের সকলেরই
ভার্য্যা হইবেন। মহানুভব ভীমাদি জ্যেষ্ঠের
বাক্য শ্রবণ করিয়া মনে মনে সেই বিষ-
য়েরই আন্দোলন করিতে লাগিলেন। বৃষ্ণি
প্রবীর কুম্ব, বলদেব সমভিব্যাহারে ভার্গব-
কর্ম্মশালায় গমন করিলেন এবং দেখিলেন যে,
অজাতশত্রু, অগ্নিতুল্য ভ্রাতৃগণে পরিবেষ্টিত
হইয়া তথায় উপবিষ্ট রহিয়াছেন।

অনন্তর বাসুদেব, পরম ধার্ম্মিক যুধি-
ষ্ঠিরের নিকট অভিগমন ও চরণ বন্দন-
পূর্ব্বক আপনার পরিচয় প্রদান করিলেন,
মহাবল বলদেবও ঐরূপ আত্মপরিচয়
প্রদান করিলে পর, পাণ্ডবেরা আনন্দসাগরে
নিমগ্ন হইলেন। তদনন্তর কুম্ব ও বলদেব
পিতৃস্বস্মা কুন্তীর চরণে প্রণাম করিলেন।
অজাতশত্রু যুধিষ্ঠির কুম্বকে সাদর সম্ভাষণ
ও কুশলপ্রশ্ন জিজ্ঞাসাপূর্ব্বক কহিলেন, হে
বাসুদেব! আমরা গোপনে এস্থানে বাস
করিতেছি, তুমি কিরূপে জানিতে পা-
রিলে? কুম্ব হাশ্ব করিয়া কহিলেন,
রাজন্! অগ্নি প্রচ্ছন্ন হইলেও অনায়াসে
পরিজ্ঞাত হয়, পাণ্ডব ব্যতীত মনুষ্যালোকে
অন্য কোন্ ব্যক্তি ঐরূপ বিক্রম প্রদর্শন
করিতে পারে? মহারাজ! ভাগ্যবলে আ-
পনারা সেই ভয়স্কর পাবকহইতে প-
রিত্রাণ পাইয়াছেন এবং আমাদিগেরই
অদৃষ্টকলে ছুরাজ্ঞা ধৃতরাষ্ট্রতনয় ও তদীয়
আমাত্যের ছুরভিসন্ধি সিদ্ধ হইতে পারে
নাই। এক্ষণে আপনাদিগের হতপ্রায় মঙ্গল
পুনর্বার সমুদ্ভূত হউক, ইক্ষানযুক্ত ছতা-
শনের ন্যায় উত্তরোত্তর শ্রীরুদ্ধিলাভ করুন,
প্রার্থনা করি, পার্থিবগণ যেন আপনাদিগের
অজ্ঞাতবাস জানিতে না পারেন। অনুমতি
করুন, অধুনা শিবিরে গমন করি। অনন্তর
পাণ্ডব-কর্তৃক অনুজ্ঞাত হইয়া বাসু-দেব
বলদেব সমভিব্যাহারে কুম্বাবারে প্রস্থান
করিলেন।

ত্রিানবত্যাধিক শততম অধ্যায় ।

বৈশম্পায়ন কহিলেন, পাঞ্চালাস্বজ ধৃষ্টদ্যুম্ন ভীমার্জুনের পশ্চাৎ পশ্চাৎ ভার্গবনিকেতনে প্রবেশ করিলেন এবং সকলের অজ্ঞাতমারে অতি নিভৃত প্রদেশে বিলীন হইয়া রহিলেন, তৎসহচর পুরুষেরা ইতস্ততঃ গুপ্তভাবে রহিল । সায়ংকাল উপস্থিত হইলে উদারপ্রকৃতি ভীম, অর্জুন নকুল ও সহদেব ভিক্ষা করিয়া প্রত্যাগমন-পূর্ব্বক যুধিষ্ঠিরকে নিবেদন করিলেন ।

অনন্তর বদান্যা কুন্তী দ্রৌপদীকে সম্বোধন করিয়া কহিলেন, ভদ্রে ! তুমি ইহার অগ্রভাগ লইয়া দেবতাদিগকে বলি ও ব্রাহ্মণদিগকে ভিক্ষা এবং উপস্থিত অন্নাকাজ্ঞীদিগকে প্রদান কর । অনন্তর অবশিষ্টাংশ দ্বিধা বিভক্ত করিয়া একাঙ্গ ছয় অংশকর, এবং একাঙ্গ নাগেন্দ্রবিক্রম মহাবীর ভীমকে প্রদান কর । ভীম চিরকাল অধিক ভোজন করিয়া থাকে । রাজপুত্রী দ্রৌপদী সাধুবাদ প্রদানপূর্ব্বক কুন্তীর আদেশ প্রতিপালন করিলে সকলে পরম স্নেহে ভোজন করিলেন । ভোজনাশ্বে নকুল ও সহদেব ভূমিতলে কুশশয্যা প্রস্তুত করিলে পর স্ব স্ব অঙ্গিন বিস্তীর্ণ করিয়া দক্ষিণশিরাঃ হইয়া সকলে শয়ন করিলেন । কুন্তী তাঁহাদিগের শিরোভাগে শয়ান হইলেন এবং দ্রৌপদী তাঁহাদিগের পাদতলে শয়ন করিলেন । দ্রৌপদী পাণ্ডবগণ সমভিব্যাহারে ভূমিশযায় শয়ান ও তাঁহাদিগের চরণোপধানভূত হইয়াও কিঞ্চিৎ স্নাত্ত হইলেন না, এবং তাঁহাদিগের প্রতি কোনরূপ অসম্মান প্রদর্শনও করিলেন না । এই রূপে কুশশযায় শয়ন করিয়া সেই বীর পুরুষেরা যুদ্ধ ও সেনাসম্পর্কীয় নানা কথাপ্রসঙ্গে ত্রিযামা অতিবাহন করিতে লাগিলেন । তাঁহারা বিবিধ প্রকার অস্ত্র, খড়্গ, গদা, পরশু, গজ ও রথ প্রভৃতির বিষয় বর্ণন করিতে লাগিলেন । পাঞ্চালরাজমন্দন

তাঁহাদিগের সমুদয় কথোপকথন শ্রবণ করিলেন এবং তাঁহার সঙ্গী লোকেরা কৃষ্ণাকে তদবস্থ দর্শন করিলেন । রাজকুমার ধৃষ্টদ্যুম্ন তাঁহাদিগের কথিত বিতাবরী-বৃত্তান্ত সমস্ত রূপদ রাজাকে নিবেদন করিবার নিমিত্ত সত্বর গমন করিলেন । রূপদরাজ পাণ্ডবদিগকে সবিশেষ চিনিতে না পারিয়া সাতিশয় বিষয় হইয়া রহিয়াছেন, এমন সময়ে ধৃষ্টদ্যুম্নকে সমাগত দেখিয়া জিজ্ঞাসা করিলেন, পুত্র ! দ্রৌপদী কাহার সহিত কোথায় গমন করিলেন । তিনি কি কোন হীনকুলোদ্ভব শূদ্র না কোন করদ বৈশ্যের হস্তগত হইলেন ? আমার মস্তকে ত পক্ষ-দিক্ষ চরণ অর্পিত হয় নাই ? সুললিত কুম্ম-মমালা কি শ্মশানে পতিত হইল ? কোন সর্বণ কি কোন উত্তমবর্ণ পুরুষ দ্রৌপদীকে হরণ করিলেন ? আমার মস্তকে কে বাম চরণ অর্পণ করিল ? অথবা সৌভাগ্যক্রমে দ্রৌপদী, নরোত্তম পার্থের সহিত সঙ্গত হইয়া আমাদিগের স্রীতি বর্জন করিলেন ? হেমহানু ভব ! তুমি যথার্থ করিয়া বল, কে আমার কন্যাকে গ্রহণ করিয়াছে ? যথার্থই কি পার্থ শরাসন গ্রহণপূর্ব্বক লক্ষ্য ভেদ করিয়াছেন ?

স্বয়ম্বর পরীক্ষা সমাপ্ত ।

বৈবাহিক পরীক্ষায় ।

ত্রিানবত্যাধিক শততম অধ্যায় ।

বৈশম্পায়ন কহিলেন, হে মহারাজ ! রাজকুমার ধৃষ্টদ্যুম্ন পিতাকর্তৃক পরিপূক্ত হইয়া ক্রটিচিন্তে যথারূপে বর্ণন করত, কহিতে লাগিলেন, হে পিতা ! যিনি দেব-তুল্য রূপবান অসম্মানিত, যাহার নয়নযুগল আশ্রয় সাহিত্যবর্ণ, যিনি সেই ধনুতে গুণ-সম্পন্ন করিয়া বিনাশাসে লক্ষ্য রি-... হইলেন, যে তরশী বিজয়গ-

কর্তৃক পরিবেষ্টিত ও পূজ্যমান হইয়া দেবতা ও ঋষিগণে পরিবৃত্ত দানবসভা-প্রবিষ্ট সুররাজের ন্যায় গমন করিতে লাগিলেন; কৃষ্ণা সানন্দিত নাগবধুর ন্যায় সেই নাগেশ্বরতুল্য বীর পুরুষের অঙ্গিন গ্রহণপূর্বক তাঁহার অনুবর্তিনী হইলেন।

অনন্তর সেই ক্ষিতিপসমাজে কোন ভূপাল এক প্রকাণ্ড মহীকুহ উৎপাটনপূর্বক সমাগত রাজগণকে অবরোধ করিলেন। হে নরেন্দ্র! চন্দ্রসূর্যাসদৃশ সেই বীরযুগল সমস্ত পার্থিবগণ-সমন্বে কৃষ্ণাকে গ্রহণপূর্বক নগরের বহির্ভাগস্থ ভার্গব ঋষির পর্ণশালার গমন করিলেন। তথায় অবিকল সেই দুই জনের ন্যায় আর তিনটি মহাবীর ও অগ্নিশিখার ন্যায় তেজস্বিনী এক বুদ্ধা উপবিষ্ট ছিলেন। বোধ হয় ঐ বুদ্ধা তাঁহাদিগের জননী হইবেন। অনন্তর তাঁহারা দুই-জম সেই বর্ষীয়সীর চরণে অভিবাচনপূর্বক কৃষ্ণাকে প্রণাম করিতে কহিলেন, এবং কৃষ্ণা এই স্থানে থাকিলেন, এই বলিয়া সকলে তিষ্কার্থে গমন করিলেন। কৃষ্ণা তাঁহাদিগের আহৃত ভৈক্ষ্য গ্রহণপূর্বক তাহার অগ্রভাগ দেবসাত্য ও বিপ্রসাত্য করিয়া সেই বুদ্ধা ও সেই সমস্ত নরপ্রবীরদিগকে পরিবেশন করিলেন, পরিশেষে স্বয়ং ভোজন করিলেন। দ্রৌপদীও তাঁহাদিগের পাদোপখানস্বরূপ পদতলে শয়ন করিলেন। শয়নান্তে তাঁহারা গভীর ঘনগঙ্জনস্বরে বিচিত্র কথা সকল কহিতে লাগিলেন, কিন্তু তাদৃশ কথাপ্রসঙ্গে ব্রাহ্মণ, বৈশ্য ও শূদ্রের কোন প্রকার উপযোগিতা নাই; অতএব নিশ্চয়ই বোধ হইতেছে, তাঁহারা ক্ষত্রকুল-জাত হইবেন, নতুবা যুদ্ধের কথায় তাঁহাদিগের এত সমাদর কেন? যাহা হউক, এত দিনে আমাদের আশা ফলবর্তী হইল। শুনিয়াছি পাণ্ডবেরা অগ্নিদাহ হইতে মুক্ত হইয়াছেন। বোধ হয় তাঁহাদিগেরই অন্যতম

শরাসন সজ্য ও লক্ষ্য বিদ্ধ করিয়াছেন। আর একপ জনশ্রুতি হইয়াছে যে, পাণ্ডবেরা প্রচ্ছন্নবেশে দেশে দেশে ভ্রমণ করিতেছেন।

তখন দ্রুপদ রাজা হৃৎচিতে পুরোহিতকে আহ্বান করিয়া কহিলেন, হে দ্বিজোত্তম! আপনি ভার্গবকর্মশালার গমন করিয়া লক্ষ্যবেধকারী বীরপ্রচয়ের কুলশীলের পরিচয় জিজ্ঞাসা করুন। পুরোহিত নৃপতির আদেশানুসারে তথায় উপনীত হইয়া বাগাড়ম্বরপূর্বক তাঁহাদিগের ভূরি ভূরি প্রশংসা করিয়া সমগ্র রাজবাক্য অবিকল কহিতে লাগিলেন। মহারাজ! পাণ্ডালেশ্বর আপনাদিগকে জানাইয়াছেন, যে, তিনি সেই লক্ষ্য-বেধাকে নয়নগোচর করিয়া অপার আনন্দমাগরে মগ্ন হইয়াছেন। তিনি কহিয়াছেন, আপনারা অরাতিমন্তকে পদাবাত এবং আমার ও আমার আত্মীয়বর্গের হৃদয় আনন্দিত করুন। মহারাজ পাণ্ডু দ্রুপদের প্রিয় সখা ছিলেন, তন্নিমিত্ত তাঁহার নিতান্ত বাসনা যে, তিনি আপন ছুঁহিতা কোন কৌরবকে সম্প্রদান করেন। তাঁহার অভিলাষ এই যে, অর্জুন তদীয় কন্যার পাণিগ্রহণ করেন, তাহা হইলেই তাঁহার পুণ্যকীর্তি ও স্মৃতি সকলই চরিতার্থতা প্রাপ্ত হয়।

পুরোহিত সমুদায় নিবেদন করিয়া ক্ষান্ত হইলে মহানুভাব যুধিষ্ঠির অতি বিনীত-ভাবে তাঁহাকে সন্দর্শন করিয়া সমীপস্থ ভীমকে কহিলেন, ইহাকে পাদ্য ও অর্ঘ্য প্রদান কর। ইনি দ্রুপদ রাজার অতীব মান্য পুরোহিত, ইহাকে অধিকতর পূজা করা কর্তব্য। ভীম জেষ্ঠ্যের নিদেশানুসারে তৎসমুদায় সম্প্রদান করিলে ব্রাহ্মণ পূজা পরিগ্রহ করিয়া সুখে অধ্যাসীন হইলেন। যুধিষ্ঠির কহিলেন, পাণ্ডালরাজ দ্রুপদ যেমন নিষ্কাম হইয়া ও ধর্মপথে দৃষ্টি রাখিয়া কন্যা পণিত করিয়াছিলেন, তদনুরূপ কার্যও করিয়াছেন। তিনি তদ্বিষয়ে কুল, শ্রীল, গোত্র ও জাতির

কোন অপেক্ষা করেন নাই। তাঁহার প্রতিজ্ঞা ছিল, যিনি কার্পূক সজ্য এবং লক্ষ্য বিদ্ধ করিতে সমর্থ হইবেন, তিনিই কন্যার হস্ত লাভ করিবেন। মহাশয় অর্জুনই সমস্ত রাজসম্মত হইতে কুম্বাকে জয় করিয়াছেন। একপ ঘটিয়াছে বলিয়া তাঁহাকে ছুঃখ করিতে নিবেদন করিবেন। তাঁহার এই কন্যাটি অতি রূপবতী ও সুলক্ষণসম্পন্ন; বোধ হয়, অচিরে রাজার মনোবাঞ্ছা পূর্ণ হইবে। সেই কার্পূকে গুণ বোঝনা করা হীনবল ব্যক্তির অসাধ্য এবং অকৃতান্ত্র নীচকুলজাত ব্যক্তি কোনক্রমেই সেই ছুঃখের লক্ষ্য পাত্তি করিতে পারে না। অতএব ছুঃখিতার নিমিত্ত পাঞ্চালরাজের পরিতাপ করিবার আবশ্যিকতা নাই। যুধিষ্ঠির পুরোহিতসমক্ষে এই সমস্ত কথা বলিতেছেন, ইত্যবসরে রাজপ্রেরিত অপর এক ব্যক্তি ভোজ্য নিবেদন করিবার নিমিত্ত তথায় সমুপস্থিত হইল।

চতুর্নবত্যধিক শততম অধ্যায়।

রাজদূত কহিল, রূপদ বরযাত্রীর গণের নিমিত্ত অতুলকৃষ্ণ খাদ্য দ্রব্যের আয়োজন করিয়াছেন, আপনারা তথায় গমন করিয়া দ্রৌপদীর পাণিগ্রহণপূর্বক সেই সমস্ত দ্রব্যসামগ্রী গ্রহণ করুন। এখানে বিলম্ব করিবার আর প্রয়োজন নাই। এই সকল কাঞ্চন-পদ্ম-খচিত সদশ্যুস্ত রাজোচিত রথে আরোহণ করিয়া রূপদভবনে আগমন করুন। পাণ্ডবগণ দূতমুখে এই কথা শ্রবণ করিয়া পুরোহিতকে অগ্রে প্রেরণ করিলেন, এবং কুন্তী ও দ্রৌপদীকে এক বানে আরোহণ করাইয়া আপনারা অপর অপূর্ব বানে আরোহণপূর্বক যাত্রা করিলেন। ধর্মরাজ পুরোহিতের বচন শ্রবণ করিয়া যাহা কহিয়াছিলেন, ওন্দারা তাঁহাদিগকে কোঁরব বলিয়া জানিতে পারিয়া রূপদরাজ নানা-প্রকার দ্রব্যসামগ্রীর আয়োজন করিয়া রা-

খিলেন। তাঁহারা উপস্থিত হইলে সেই সকল পবিত্র কল, মালা, বর্ম, চর্ম, গো, রজু, কৃষিনিমিত্তক নানা-প্রকার বীজ, অন্যান্য শিল্পনিমিত্তক দ্রব্যসামগ্রী ও ক্রীড়ানিমিত্তক বিবিধ বস্তুজাত এবং অশ্ব, রথ, স্ত্রীক্ষু শর, শরাসন, খড়্গ, শক্তি, প্রাস, ভূষুণ্ডী ও পরশুশ্রুতি সাংগ্রামিক দ্রব্য; রত্নময় শয্যা ও বিবিধ বসন ভূষণ তাঁহাদিগকে উপহার প্রদান করিলেন।

কুন্তী দ্রৌপদীকে লইয়া রূপদের অন্তঃপুরে প্রবেশ করিলেন। তত্রস্থ স্ত্রীগণ কোঁরবরাজপত্নীর পরিচর্যা করিতে লাগিলেন। মহাপুরুষ-লক্ষণাক্রান্ত, অজিনোত্তরীয় পুরুষপ্রবীর পাণ্ডবদিগকে নয়ন-গোচর করিয়া রাজা, রাজকুমার, সচিব, ভৃত্য ও রাজার সূত্রধর, সকলেই আনন্দ-প্রবাহে নিমগ্ন হইলেন। পাণ্ডবেরা গৃহ-প্রবিষ্ট হইয়া অশঙ্কিত ও অসঙ্কচিতচিত্তে পাদপীঠ সহিত মহার্হ আসনে উপবেশন করিলেন। অনন্তর দাস, দাসী ও সূপকারেরা উজ্জ্বল বেশভূষা পরিধানপূর্বক সূবর্ণপাত্রে পার্থিবভোজ্য বহুবিধ সুস্বাদ অন্ন ব্যঞ্জন পরিবেশন করিল। তাঁহারা স্নেহানুরূপ ভোজন করিয়া সাতিশয় তৃপ্ত ও প্রীত হইলেন। অনন্তর উপদীকৃত অন্যান্য সমস্ত ধনসম্পত্তি পরিত্যাগপূর্বক কেবল সাংগ্রামিক দ্রব্য লইবার বাসনা করিলেন। তদর্শনে রাজা, রাজপুত্র এবং মন্ত্রীগণ হৃৎমনে কুন্তীতনয়দিগকে সাধুবাদ প্রদান করিতে লাগিলেন।

পঞ্চনবত্যধিক শততম অধ্যায়।

বৈশম্পায়ন কহিলেন, হে ভয়তবংশাবতংশ জনমেজয়! তদনন্তর পাঞ্চালরাজ যুধিষ্ঠিরকে আহ্বান করিয়া ব্রাহ্ম বিধানানুসারে বিবাহ দিবসের অতিপ্রায়ে জিজ্ঞাসা করিলেন, আপনারা ব্রাহ্মণ কি ক্ষত্রিয়, কি গুণসম্পন্ন বৈশ্য, কিংবা শূদ্র, অথবা কোন

দেবতা মান্না করিয়া ব্রাহ্মণবেশধারণপূর্বক ইতস্ততঃ ভ্রমণ করিতেছেন, ইহা কিরূপে জানিতে পারিব। দ্রৌপদী সন্দর্শনার্থ অনেক কানেক দেবগণ আগমন করিয়াছিলেন। অতএব আপনি কে? সত্য করিয়া বলুন, আমার মনে মহান্ সন্দেহ উপস্থিত হইয়াছে। হেপরস্তপ! আপনি সমুদায় সত্য করিয়া বলুন; সত্যই রাজাদিগের অতীব আদরনীয়; অতীর্ষদিক্রির ব্যাঘাত জন্মিলেও তাঁহাদের মিথ্যা কথা বলা উচিত নহে। হে অরিন্দম! তোমার নিকট যথার্থ তত্ত্ব অবগত হইয়া আমি বিধিপূর্বক বিবাহের উদ্যোগ করিব।

যুধিষ্ঠির কহিলেন, রাজন্! উদ্বিগ্ন হইবেন না, শ্রীতি লাভ করুন, আপনার মনোরথ সম্পূর্ণ হইল। আমরা ক্ষত্রিয়, মহাত্মা পাণ্ডুর তনয়, সাধুশীলা কুন্তী আমাদিগের জননী; আমি সর্বজ্যেষ্ঠ, আমার নাম যুধিষ্ঠির; ইঁহাদিগের একের নাম ভীমসেন অপরের নাম অর্জুন; ইঁহারা ই রাজসভায় আপনার কন্যাকে জয় করিয়াছেন। আর যে স্থানে দ্রৌপদী রহিয়াছেন, তথায় নকুল, সহদেব, ও জননী অবস্থিতি করিতেছেন। হে নরর্ষভ! আমরা ক্ষত্রিয়, আপনি মনোহুঃখ দূর করুন। আপনার কন্যা পশ্বিনীর ন্যায় হৃদ হইতে হৃদাস্তর প্রাপ্ত হইলেন। মহারাজ! আপনাকে এই সমুদায় যথার্থ তত্ত্ব নিবেদন করিলাম, আপনি আমাদিগের পরম পূজনীয় ও আশ্রয় স্থান।

ক্রপদরাজ যুধিষ্ঠিরের বাক্য শ্রবণ করিয়া আশ্চর্য্যে ক্ষণকাল বাস্তিস্পত্তি করিতে অসমর্থ হইলেন। পরে, যত্নপূর্বক হর্ষোৎফুল্ললোচনে হর্ষোদ্বেক কিঞ্চিৎ সম্বরণ করিয়া জিজ্ঞাসা করিলেন, তোমরা কিরূপে রাজ্যচ্যুত ও নগর হইতে বহিষ্কৃত হইলে? যুধিষ্ঠির আনুপূর্বক সমস্ত ব্রহ্মস্তু রাজাকে নিবেদন করিলেন। রাজা শ্রবণ

করিয়া বারংবার ধৃতরাষ্ট্রের নিন্দা করিতে লাগিলেন, এবং তাঁহাদিগকে রাজ্য প্রদান করিবেন, এইরূপ প্রতিশ্রুত হইয়া যুধিষ্ঠিরকে আশ্বাসিত করিলেন।

অনন্তর কুন্তী, কৃষ্ণা, ভীম, অর্জুন, নকুল ও সহদেব নৃপাদিষ্ট হইয়া ভবনে প্রবেশ করিলেন। তথায় যজ্ঞসেন কর্তৃক পূজিত হইয়া উপবেশন করিলেন। পরে প্রত্যাম্বস্ত রাজা পুত্রের সহিত মিলিত হইয়া যুধিষ্ঠিরকে কহিলেন, অদ্য শুভ দিবস, অতএব অর্জুন আভ্যুদয়িক ক্রিয়াস্তুে দ্রৌপদীর পাণিগ্রহণ করুন। যুধিষ্ঠির কহিলেন, রাজন্! আমারও দারসম্বন্ধ কর্তব্য হইয়াছে। ক্রপদ প্রত্যুত্তর করিলেন, আপনি আমার কন্যার পাণিগ্রহণ করুন, অথবা আপনার মনোনীত ব্যক্তিকে বিবাহ করিতে অনুমতি করুন। যুধিষ্ঠির কহিলেন, মহাশয়! পূর্বে জননী অনুমতি করিয়াছেন। দ্রৌপদী আমাদিগের সকলেরই মহিষী হইবেন। আমি অদ্যাপি দারপরিগ্রহ করিনাই এবং ভীম ও অর্জুনবিবাহ। অর্জুন আপনার কন্যারত্ন জয় করিয়াছেন বটে, কিন্তু আমাদিগের ভ্রাতৃগণের মধ্যে নিয়ম আছে যে, যে কোন উৎকৃষ্ট বস্তু প্রাপ্ত হইলে আমরা তাহা সকলে একত্র ভোগ করিয়া থাকি; অতএব আমরা কোনক্রমেই চির আচরিত নিয়ম লঙ্ঘন করিতে পারিব না; কৃষ্ণা ধর্ম্মতঃ আমাদিগের সকলেরই মহিষী হইবেন। অগ্নি সাক্ষী করিয়া আমাদিগের জ্যেষ্ঠাদি ক্রমে তনয়ার পরিণয় ক্রিয়া সম্পাদিত করুন। ক্রপদ কহিলেন, হে চুরনন্দন! এক পুরুষের বহু পত্নী বিহিত আছে বটে, কিন্তু এক স্ত্রীর অনেক পতি কুত্রাপি শ্রবণগোচর করি নাই। তুমি অতি পবিত্র-স্বভাব ও পরম ধার্ম্মিক, তোমার একপ কথা উত্থাপন করা অনুচিত। লোকাচার ও বেদ-বিরুদ্ধ অধর্ম্ম্য কর্ম্মের অনুষ্ঠান করা কদাচ

তোমার উচিত হয় না। যুধিষ্ঠির কহিলেন, মহারাজ! ধর্ম অতি সূক্ষ্ম পদার্থ, ধর্মের গতি আমরা কিছুই জানি না, পূর্ব পুরুষদিগের আচরিত পদ্ধতি ক্রমেই চলিয়া থাকি। আমার মুখে অনূত বাক্য কদাচিৎ উচ্চারিত হয় না, এবং আমার হৃদয়েও অধর্ম কদাচ স্থান লাভ করিতে পারে না। বিশেষতঃ আমাদিগের জননী এ বিষয়ে আদেশ প্রদান করিয়াছেন, আমারও ইহা মনোগত বটে। রাজন্! ইহা সনাতন ধর্ম, আপনি ইহার অনুষ্ঠান করুন, কিঞ্চিন্মাত্র শঙ্কিত হইবেন না।

ক্রপদ কহিলেন, হে কৌন্তেয়! কল্য তুমি ও তোমার জননী এবং ধৃষ্টদ্যুম্ন, তোমরা সকলে ইতিকর্তব্যতা স্থির করিয়া যাহা বলিবে তাহাই করিব। বৈশম্পায়ন কহিলেন, রাজন্! তাঁহারা সকলে মিলিত হইয়া বিবাহবিষয়ক এইরূপ কথোপকথন করিতেছেন, ইত্যবসরে যদৃচ্ছাক্রমে মহর্ষি দ্বৈপায়ন তথায় সমুপস্থিত হইলেন।

যগ্নবত্যাধিক শততম অধ্যায়।

বৈশম্পায়ন কহিলেন, মহারাজ! মহাত্মা দ্বৈপায়নকে সমাগত দেখিয়া পাণ্ডবগণ ও মহাযশা পাঞ্চাল্য গাত্রোপস্থানপূর্বক অভিবাদন করিলেন। মহর্ষি তাঁহাদিগের প্রদত্ত পূজা প্রতিনন্দনপূর্বক কুশল জিজ্ঞাসা করিয়া পবিত্র কাঞ্চনাসনে সমাসীন হইলেন। তাঁহার আদেশক্রমে সকলেই মহর্ষি আসনে উপবেশন করিলেন। অনন্তর মুহূর্ত্তকাল গত হইলে রাজা দ্রৌপদীর নিমিত্ত ঋষিকে মধুর বাক্যে জিজ্ঞাসা করিলেন, ৩০৬

মহর্ষি! একা দ্রৌপদী কিরূপে অনেকের ধর্মপত্নী হইবেন? কিন্তু সঙ্কর হইবেন না, ইহা কিরূপে ঘটতে পারে, আপনি এ বিষয়ে যাহা যথার্থ হয় আজ্ঞা করুন। ব্যাসদেব কহিলেন, লোকাচার-গর্হিত ও বেদবিরুদ্ধ এই দুইবিধ ধর্মবিষয়ে তোমাদের কাহার কি মত আমি অগ্রে তাহা শুনিতে অভিলাষ

করি। ক্রপদ কহিলেন, যাহা লোকাচার ও বেদবিরুদ্ধ আমার মতে তাহাই অধর্ম; হে দ্বিজোত্তম! এক স্ত্রী বহু পুরুষের পত্নী, ইহা কদাপি দৃষ্ট হয় না। ইহা মহাত্মা প্রাচীন পুরুষদিগেরও আচরিত ধর্ম নহে এবং গুণবান্ ব্যক্তিরূপেও কখন একপ ধর্মের অনুষ্ঠান করিবেন না, অতএব আমি এ বিষয়ে কি কর্তব্য কিছুই স্থির করিতে পারিতেছি না। ইহাতে আমার সম্পূর্ণ সন্দেহ উপস্থিত হইয়াছে।

ধৃষ্টদ্যুম্ন কহিলেন, হে তপোধন! জ্যেষ্ঠ সুশীল ও সদাচারসম্পন্ন হইয়া কনিষ্ঠ জাতীর ভার্য্যায় কিরূপে গমন করিবেন। ধর্ম অতি সূক্ষ্ম পদার্থ, ধর্মের গতি আমরা কিছুই জানি না, স্মৃতরাং ধর্মাদর্শের নিশ্চয় করা আমাদিগের অসাধ্য। অতএব কৃপা যে পঞ্চ স্বামীর মহিষী হইবেন, ইহা আমরা কোন রূপেই ধর্মতঃ অনুমোদন করিতে পারি না। যুধিষ্ঠির কহিলেন, হে ব্রহ্মন্! আমার মুখে কদাচ অনূত বাক্য নিঃসৃত হয় না এবং আমার মনোমন্দিরে অধর্মের প্রবেশাধিকার নাই। অতএব যখন আমার এ বিষয়ে সম্পূর্ণ মত হইয়াছে, তখন আমি ইহাকে কোন ক্রমে অধর্ম বলিতে পারিব না। পুরাণে শ্রবণ করিয়াছি, ধর্মপরায়ণা জটিলানারী গৌতমবংশীয় এক কন্যা সাত জন ঋষিকে বিবাহ করেন। এবং বার্কানারী সুনিকন্যা প্রচেতা নামক ভ্রাতৃদশের সহধর্মিণী হইলেন। বিশেষতঃ পণ্ডিতেরা কহিয়াছেন, গুরু লোক যাহা অনুমতি করিবেন, তাহাই ধর্ম্য ও নিঃসংশয়ে অনুষ্ঠেয়, গুরু লোকের মধ্যে মাতা পরম গুরু, তিনি আজ্ঞা করিয়াছেন, লব্ধব্যা ভিক্ষাভিক্ষিত বস্তুর ন্যায় সকলেই ভোগ কর। অতএব হে দ্বিজোত্তম! ইহা পরম ধর্ম বলিয়া আমার বোধ হইতেছে। কুন্তী কহিলেন, ধর্মাত্মা যুধিষ্ঠির যাহা কহিলেন, আমি তাহা কহিয়াছি বটে।

আমি অন্ত বাক্যে সাতিশয় ভয় করিয়া থাকি, কিরূপে এই মিথ্যা হইতে পরিত্রাণ পাইব! ব্যাসদেব কহিলেন, হে ভদ্রে! অন্ত হইতে পরিত্রাণ পাইবে। তুমি যাহা কহিয়াছ তাহাই সনাতন ধর্ম, হে পাঞ্চাল! আমি ইহার নিগূঢ় ও সর্বসমক্ষে ব্যক্ত করিব না। যে রূপে উক্ত ধর্ম বিহিত ও সনাতন বলিয়া নির্দিষ্ট হইয়াছে, তাহা কেবল আপনিই শুনিতে পাইবেন। কোন্সের যাহা কহিয়াছেন, তাহা প্রকৃত ধর্ম বটে, তাহাতে আর কোন সন্দেহ নাই।

তদনন্তর ভগবান্ দ্বৈপায়ন গাত্রোপ্থান করিয়া রূপদেব কর গ্রহণপূর্বক রাজভবনে প্রবেশ করিলেন। যেখানে তাঁহার প্রতীক্ষা করিতেছিলেন, তথায় পাণ্ডবগণ, কুন্তী এবং ধৃষ্টদ্যুম্ন গমন করিলেন। পরে মহর্ষি ব্যাস, বহু ব্যক্তির একপত্রিতা যে ধর্মবিরুদ্ধ মর্মে, এই বিষয় রাজাকে বলিতে আরম্ভ করিলেন।

সপ্তদশত্যাধিক শততম অধ্যায়।

ব্যাসদেব কহিলেন, হে রাজন! পূর্বে দেবতারা নৈমিষারণ্যে এক মহাসত্র আরম্ভ করেন। সেই সত্রে বৈবস্বত যম ত্রতী হইয়াছিলেন। তিনি যজ্ঞে দীক্ষিত হইয়া অবধি প্রজাবিনাশরূপ স্বীয় কর্তব্য কর্মে বিরত থাকেন, স্মৃতরাং অনতিকাল বিলম্বে প্রজাসংখ্যা বহুল হইয়া উঠিল। সোম, শুক্র, বরুণ, কুবের, রুদ্র, বসুগণ, অশ্বিনীকুমার এবং অন্যান্য দেবতারা মিলিত হইয়া বিশ্বপ্রণেতা প্রজাপতির নিকট গমন করিলেন এবং সর্বলোক-পিতামহকে নিবেদন করিলেন, হে লোকনাথ! আমরা মনুষ্যসংখ্যার বৃদ্ধি দেখিয়া সাতিশয় ভীত হইয়াছি, এক্ষণে বাহাতে নিরুদ্ধিগ্ধচিত্তে সুখে কালাযাপন করিতে পারি এই আশয়ে আপনার শরণাগত হইলাম। পিতামহ কহিলেন, তোমরা অমর, মনুষ্যজাতির নিকট তো-

মাদের ভয়ের বিষয় কি? দেবতারা কহিলেন, মর্ত্য লোক দেবলোকতুল্য হইয়াছে, কিছুমাত্র বিশেষ নাই, এই নিমিত্ত আমরা উদ্বিগ্ন হইয়া প্রভেদকরণ মানসে আপনার নিকট আগমন করিলাম। ভগবান্ প্রত্যুত্তর করিলেন, যম যজ্ঞে ব্যাপ্ত রহিয়াছেন বলিয়া লোকের মৃত্যু হইতেছে না। তাঁহার সত্র সমাপনান্তর নরলোকের অন্তকাল উপস্থিত হইবে। তোমাদিগের বলবীর্য্যে যমের শরীর অলঙ্কৃত ও সবল হইয়া উঠিবে। তৎকালে নরলোকের শৌর্য্য বীর্য্য থাকিবে না।

তাঁহার বিধাতার বাক্য শ্রবণান্তর যেখানে দেবতারা যজ্ঞ করিতেছিলেন তথায় যাত্রা করিলেন। পথে গমন করিতে করিতে তাঁহার বিশ্রামার্থ ভাগীরথী-তীরে উপবেশন করিলেন। ইত্যবসরে গঙ্গাজলে একটি স্তবর্ণ পদ্ম তাঁহাদের নয়নগোচর হইল। তদর্শনে তাঁহার সাতিশয় বিশ্বয়াবিষ্ট হইলেন এবং তাহার তথ্যানুসন্ধানার্থ মহাবল ইন্দ্র সন্নিহিত প্রদেশে ভ্রমণ করিতে করিতে দেখিলেন যে, যেখানে ভাগীরথী প্রভূতরূপে প্রবাহিত হইতেছেন, সেই স্থানে একটি কামিনী জনার্থিনী হইয়া গঙ্গায় অবগাহনপূর্বক রোদন করিতেছেন। তাঁহার অশ্রুবিন্দু গঙ্গাজলে পতিত হইয়া কাঞ্চনপদ্মরূপে পরিণত হইতেছে। ইন্দ্র সেই অমৃত ব্যাপার অবলোকন করিয়া নিকটবর্তী হইয়া জিজ্ঞাসা করিলেন, ভদ্রে! তুমি কে? কাহার নিমিত্ত রোদন করিতেছ? তাহা যথার্থ করিয়া বল। ললনা কহিলেন, হে দেবরাজ! আমি যে এবং যে নিমিত্ত রোদন করিতেছি, আমার সমভিব্যাহারে কিয়দূর গমন করিলে তাহার সম্বিশেষ জানিতে পারিবেন। তৎপ্রবণে ইন্দ্র সেই স্ত্রীর পশ্চাৎ পশ্চাৎ গমন করিয়া অনতিদূরে দেখিলেন, এক পরম সুন্দর যু-

বা পুরুষ গিরিরাজ-শিখরোপরি সিংহাসনে অধ্যাসীন হইয়া এক সর্বাঙ্গসুন্দরী যুবতী স্ত্রী সমভিব্যাহারে পাশক্রীড়া করিতেছেন। দেবরাজ যুবাকে পাশক্রীড়ায় আমন্ত্রণ ও অভ্যাগত-সংকার-বিমুখ দেখিয়া ক্রোধভরে কহিলেন, এই ভূমণ্ডল আমার অধীন, আমি ইহার প্রভু; আমার সমুচিত সংকার না করিয়া পাশক্রীড়ায় প্রমত্ত থাকা অতীব অনুচিত। তখন সেই দেব ইন্দ্রকে ক্রুদ্ধ দেখিয়া ঈষৎ হাস্য করত তাঁহার প্রতি দৃষ্টিপাত করিবামাত্র দেবরাজ তৎক্ষণাৎ স্থাপুর ন্যায় স্তম্ভিত হইয়া রহিলেন।

পাশক্রীড়া সমাপনানন্তর মহাপুরুষ সেই রোরুদ্যমানা স্ত্রীকে কহিলেন, ইহাকে আমার নিকটে আনয়ন কর; আমি ইহাকে একপ উপদেশ প্রদান করিব, যাহাতে ইহার শরীরে পুনর্বার দর্প প্রবেশ না করে। তখন সেই স্ত্রী ইন্দ্রকে স্পর্শ করিবামাত্র তদীর্ণ অঙ্গ-প্রত্যঙ্গ-সকল শিথিল হওয়াতে তিনি তৎক্ষণাৎ ভূতলে পতিত হইলেন। ইন্দ্রকে তদবস্থ দর্শনে ভগবান্ উগ্রতেজা কহিলেন, হে শক্র! পুনর্বার একপ কর্ম কদাচ করিও না। তুমি অপরিমিত-বলশালী, অতএব এই পর্বত উত্তোলনপূর্বক যে বিবরে সূর্য্যের ন্যায় তেজস্বী ভবাদৃশ ব্যক্তির সমাসীন আছেন, সেই ছিদ্রে তুমিও প্রবেশ কর। ইন্দ্র সেই বিবরানুসন্ধান পূর্বক তন্মধ্যে প্রবিষ্ট হইয়া তুলাতেজা অন্য চারি জনকে দেখিতে পাইলেন। তাঁহাদিগকে তাদৃশ জ্যোতির্ময় অবলোকন করিয়া “আমিও কি ইহাদিগের ন্যায় হইতে পারিব না” চ্তঃখিত মনে এইকপ বিতর্ক করিতে লাগিলেন।

অনন্তর ভগবান্ মহাদেব ক্রুদ্ধ হইয়া নেত্র বিস্ফারণ-পূর্বক ইন্দ্রকে কহিলেন, হে শতক্রতো! তুমি বালস্বভাবসুলভ চপলতায় আমাকে অপমান করিয়াছ, অতএব তো-

মাকে এই গুহামধ্যে প্রবেশ করিতে হইবে। দেবরাজ মহাদেব কর্তৃক এইকপ অনুজ্ঞাত হইয়া ভয়ে গিরিরাজমস্তকে পবনচালিত অশ্বখপত্রের ন্যায় কম্পিত হইতে লাগিলেন। পরে বিবর-প্রবেশ-সময়ে ক্রুতাজ্জল-পুটে ত্রিলোচনকে নিবেদন করিলেন, ভগবন্! অদ্যাবধি আপনাকেই এই অশেষ ভুবনের রক্ষণাবেক্ষণ করিতে হইবে। তৎশ্রবণে দেবদেব হাস্য করিয়া কহিলেন, ইহা ভবাদৃশ গর্হিত লোকের অধিকার-যোগ্য নহে। পূর্বে ইহারাও তোমার ন্যায় গর্হিত ছিলেন; অতএব এই গুহাপ্রবিষ্ট হইয়া সকলে একত্র কাল যাপন কর। অধুনা তোমরা স্বীয় গর্হিত কর্মফলে মনুষ্য-যানি প্রাপ্ত হও। পরে জগান্তরীণ স্ব স্ব কর্মফলাজ্জিত মহর্ষি ইন্দ্রলোকে পুনরায় গমন করিবে। তোমাদিগের যাহা যাহা কর্তব্য তৎ সমুদায় আদেশ করিলাম।

শিববাক্য শ্রবণ করিয়া ভূত পূর্বেন্দ্রে কহিলেন, হে প্রভো! আমরা দেবলোক পরিত্যাগপূর্বক, যে স্থানে মোক্ষ অতীব দুস্প্রাপ্য, সেই নরলোকে গমন করিব; কিন্তু ধর্ম, বায়ু, ইন্দ্র ও অশ্বিনীকুমার, ইহঁরাই যেন কোন মানুষীর গর্ভে আমাদের উৎপন্ন করেন। ইহা শ্রবণ করিয়া ইন্দ্র মহাদেবকে পুনর্বার কহিলেন, আমি স্বীয় বীর্য্যো কার্য্যক্ষম এক পুরুষ উৎপাদন করিব, তিনি ইহঁাদিগের পঞ্চম হইবেন। ইন্দ্রের এবম্প্রকার বিনতিতে সন্মত হইয়া ভগবান্ উগ্রতেজা তাঁহাদিগকে স্ব স্ব অতীর্ক প্রদান করিলেন এবং লোকললামভূতা সেই ললনাকে তাঁহাদিগের ভার্য্যা নির্দিষ্ট করিলেন। অনন্তর মহাদেব তাঁহাদিগের সমভিব্যাহারে নারায়ণ-সমীপে উপনীত হইলেন। নারায়ণ মহাদেবের নিকট সমস্ত বৃত্তান্ত শ্রবণ করিয়া তাঁহার নির্দিষ্ট নিয়মে অনুমোদন করিলেন। পরে ধর্মপ্রভৃতি

দেবগণ ভূমণ্ডলে অবতীর্ণ হইলেন। তাঁহারা বিদায় হইলে নারায়ণ স্বীয় মস্তক হইতে কেশযুগল উৎপাটন করিলেন। তন্মধ্যে একটি শুক্ল দ্বিতীয়টি কৃষ্ণবর্ণ। সেই কেশ-যুগল যত্নকুলকামিনী দেবকী ও রোহিণীতে সমাবিষ্ট হইল। শুভ্র কেশ বলদেবরূপে এবং কৃষ্ণকেশ কেশবরূপে অবতীর্ণ হইলেন; তন্নিমিত্তই লোকে বাসুদেবকে কেশব কহে।

পূর্বে ইন্দ্ররূপী যে মহাপুরুষেরা অদ্ভি-গুহায় নিবদ্ধ ছিলেন, তাঁহারাই পাণ্ডব-রূপে ভূমণ্ডলে অবতীর্ণ হইলেন, এবং ইন্দ্রের অংশে সবাসাচী অর্জুন জন্ম গ্রহণ করিলেন। পূর্বেন্দ্রগণ এইরূপে পঞ্চ পাণ্ডব হইলেন এবং তাঁহাদিগের বনিতা হইবার নিমিত্ত মহাদেবের উপদেশক্রমে লক্ষ্মী দ্রৌপদীরূপে আবিভূতা হইলেন। মহা-রাজ! দৈবসংযোগ ব্যতিরেকে কখন কি ধরনীতল হইতে অলোকসামান্য স্ত্রীরত্ন স-মুৎপন্ন হইতে পারে !!

হে নরেন্দ্র! আমি প্রীতিপূর্বক তোমাকে অত্যাশ্চর্য্য দিব্য চক্ষু প্রদান করিতেছি, তুমি সেই দিব্য চক্ষু উন্মীলন করিলে অনা-রাসে জানিতে পারিবে, কুন্তীতনয়েরা পবিত্র পূর্ব দেহ ধারণপূর্বক জগতীতলে বিচরণ করিতেছেন। মহর্ষি ব্যাস স্বীয় তপঃপ্রভাবে রাজাকে দিব্য চক্ষু প্রদান করিলেন। রাজা তন্দ্বারা দেখিতে পাইলেন, পাণ্ডবেরা অতি পবিত্র পূর্ব শরীর ধারণ করিয়া রহিয়াছেন। তাঁহাদিগের মস্তকে হেমকিরীট ও সর্বাঙ্গে বিবিধ অলঙ্কার দীপ্তি পাইতেছে। সূচাক্রু রূপলাবণ্যসম্পন্ন তপনতুল্য তেজস্বী সেই তরুণগণ পরিষ্কৃত দিব্য বস্ত্র এবং সুগন্ধ ও রমণীয় মালা ধারণ করিয়া অনির্কচনীয় শোভমান হইয়াছেন। রাজা রূপদ সেই পরম সুন্দর ভূতপূর্ব ইন্দ্রদিগকে নয়নগোচর করিয়া এবং ইন্দ্র প্রতিম যুবাকে ইন্দ্রায়জ শ্রবণ করিয়া যুগপৎ প্রীত ও বিন্মিত হই-

লেন। তিনি মায়াময়ী দ্রৌপদীকে সাক্ষাৎ সোম ও বহ্নির ন্যায় দীপ্তিমতী দেখিয়া এবং রূপ, তেজ ও যশঃপ্রভৃতি সর্বপ্রকারে তাঁ-হাকে পাণ্ডবগণের অনুরূপা পত্নী বিবেচনা করিয়া পরম পরিতুষ্ট হইলেন। পার্থিবেন্দ্র রূপদ এই অদ্ভুত ব্যাপার নেত্রগোচর করিয়া ব্যাসদেবের চরণ গ্রহণপূর্বক নিবেদন করি-লেন, মহর্ষে! আপনাতে সকলই সম্ভবে, আপনার পক্ষে ইহা বিচিত্র নহে। মুনিবর রাজার প্রতি প্রশন্ন হইয়া কহিলেন, মহা-রাজ! শ্রবণ করুন।

কোন তপোবনে এক মহর্ষিকন্যা বাস করিতেন। সেই রূপবতী কন্যা, পরিণয় কাল অতীত হইলেও অনুরূপ ভর্তৃভাগিনী হই-লেননা। অনন্তর তিনি কঠোর তপস্যা দ্বারা ভগবান্ ভবানীপতিকে প্রশন্ন করিলেন। মহাদেব তাঁহার প্রতি প্রীত হইয়া স্বয়ং তাঁহাকে কহিলেন, তুমি স্বাভিলষিত বর প্রার্থনা কর। ঋষিকন্যা ত্রিলোচন কর্তৃক এই প্রকার আদিষ্ট হইয়া তাঁহাকে বারংবার কহিলেন, ভগবন্! আমি সর্বগুণসম্পন্ন পতি প্রার্থনা করি। দেবেশ শঙ্কর কন্যার প্রতি প্রীত হইয়া তাঁহাকে অভিলষিত বর প্রদানপূর্বক কহিলেন, ভদ্রে! তোমার পাঁচ জন স্বামী হইবেন। ঋষিতনয়া পুনর্বার মহাদেবকে কহিলেন, প্রভো! আমি এক পতি প্রার্থনা করি। দেবদেব কহিলেন, ভদ্রে! তুমি উপর্যুপরি পাঁচবার পতি প্রা-র্থনা করিয়াছ, অতএব জন্মান্তরে তোমার পঞ্চ স্বামী হইবে। মহারাজ! আপনার কন্যা সেই দেবকপিনা মহর্ষিনন্দিনী; ভগবান্ চন্দ্রশেখর ইহার পঞ্চ স্বামী বিধান করি-য়াছেন। ইনি স্বর্গলক্ষী, পাণ্ডবগণের নি-মিত্ত আপনার যজ্ঞে সমুৎপন্ন হইয়াছেন। ইনি অতি কঠোর তপস্যার ফলে আপনার দুহিতৃত্ব লাভ করিয়াছেন। এই সর্বাঙ্গসু-ন্দরী দেবদুর্লভা দেবী স্বকীয় কর্মফলে পঞ্চ

পাণ্ডবের সহধর্মিণী হইবেন । স্বয়ম্ভু এই নিমিত্তই ইহার সৃষ্টি করিয়াছেন, এক্ষণে আপনার যেমন অভিরুচি হয় করুন ।

অষ্টমবত্যাধিক শততম অধ্যায় ।

দ্রুপদ কহিলেন, মহর্ষে । পূর্বে সবেশে শ্রবণ না করিয়া অনশ্রী করিবার যত্ন পাইয়াছিলাম ; এক্ষণে আপনকার নিকট সমস্ত বৃত্তান্ত অবগত হইলাম । দৈবের প্রতিকূলাচরণ করা নরলোকের অসাধ্য, অতএব দেবতারা যাহা বিধান করিয়াছেন, তাহাই বিধেয় ও শ্রেয়স্কর, সন্দেহ নাই । অদৃষ্টের ফল অখণ্ডনীয়, স্বেচ্ছানুসারে কেহ কোন কর্মের অনুষ্ঠান করিতে পারেন না, বরহেতু যে বিধি নির্দিষ্ট হইয়াছে, তাহাই অবশ্য কর্তব্য । ভগবান্ মহাদেব প্রীত হইয়া কৃষ্ণার প্রার্থনানুসারে তাঁহাকে অভিলষিত বর দান করিয়াছেন, এক্ষণে ইহার ভাল মন্দ দেবতাই জানেন । যখন মহাদেব এইরূপ বিধান করিয়াছেন, তখন ইহাতে ধর্ম্মই হউক বা অধর্ম্মই হউক আমি এ বিষয়ে অপরাধী নহি । পাণ্ডবেরা বিধিপূর্বক ইহার পাণিগ্রহণ করুন, ইহাদিগের নিমিত্তই কৃষ্ণা সৃষ্টি ও সমুদ্ভূত হইয়াছেন ।

বৈশম্পায়ন কহিলেন, অনন্তর ভগবান্ ব্যামদেব ধর্ম্মরাজকে কহিলেন, অদ্য শুভ দিন, অদ্য চন্দ্রমা পুষ্যা নক্ষত্রে গমন করিবেন, অতএব অদ্যই অগ্রে তুমি দ্রৌপদীর পাণিপীড়ন কর । রাজা যজ্ঞসেন পুত্র সমভিব্যাহারে বহুসংখ্যক কন্যাযাত্র নিমন্ত্রণ করিলেন, এবং তনয়ার সর্বাঙ্গ রত্নাভরণে বিভূষিত করিয়া আনয়ন করাইলেন । রাজার মন্ত্রিগণ, সূত্রধরগণ, প্রধান প্রধান পুরবাসী লোক ও ব্রাহ্মণসকল প্রীতমনে বিবাহ দর্শনে আগমন করিতে লাগিলেন । রাজভবন জনগণে পরিণোভিত হইল । চত্বরভূমি প্রফুল্ল-পঙ্কজমালা-পরিকীরণ এবং সৈন্যসামন্তও বিচিত্র রত্নসমূহে খচিত হ-

ইয়া পার্কন শরীরের তারকাব্যাণ্ড নির্ম্মল নভোমণ্ডলের ন্যায় দীপ্তি পাইতে লাগিল ।

তদনন্তর কৌরবরাজপুত্রেরা স্ত্রীভাষ্য হইয়া মাজ্জল্য ক্রিয়াসকল সমাপনান্তে মহার্ঘ বেষভূষা সমাধানপূর্বক পুরোহিত ধোম্য সমভিব্যাহারে সভামধ্যে প্রবেশ করিলেন । বেদবিৎ পুরোহিত বহ্নি স্থাপন ও মন্ত্রোচ্চারণপূর্বক প্রজ্বলিত হতাশনে আছতি প্রদান করিয়া যুধিষ্ঠিরের সহিত কৃষ্ণার পাণিগ্রহণক্রিয়া সম্পাদন করিলেন । পরে উভয়কে অগ্নি প্রদক্ষিণ করাইয়া পরিণয় সমাপন করিলেন । অনন্তর যুধিষ্ঠিরকে অনুমতি করিয়া পুরোহিত রাজগৃহ হইতে বহির্গমন করিলেন । পরিশেষে অপর পাণ্ডবেরা উল্লিখিত প্রণালীক্রমে সেই বরবর্গিনীর পাণিগ্রহণ করিলেন । মহারাজ ! এইরূপে মহারথ কৌরবেরা অহরহ অধিকতর শোভা ধারণ করিতে লাগিলেন । ক্রমে যত দিবস অতীত হইতে লাগিল, মহানুভাবা দ্রৌপদীর কন্যাভাবের কিছুমাত্র বৈলক্ষণ্য হইল না ।

পরিণয় সম্পন্ন হইলে দ্রুপদরাজ পাণ্ডবদিগকে বহুবিধ ধন, পর্কতের ন্যায় মহোন্নত একশত হস্তী, মহার্ঘ বেষভূষা বিভূষিত একশত দাসী এবং সুবর্ণালঙ্কৃত ও সুবর্ণপ্রগ্রহোপেত অশ্বচতুষ্কয়যোজিত একশত রথ প্রদান করিলেন । মহানুভাব দ্রুপদ রাজা সমাগত দর্শকদিগকে পৃথক্ পৃথক্ ধন, মহামূল্য পরিচ্ছদ ও প্রভাতাসুর বিভূষণ প্রদানপূর্বক বিদায় করিলেন । অনন্তর ইন্দ্রপ্রতিম পাণ্ডবগণ সেই অলোকসামান্য স্ত্রীরত্ন লাভ করিয়া পাঞ্চালরাজপুরে পরম সুখে বিহার করিতে লাগিলেন ।

একোন দ্বিশততম অধ্যায় ।


বৈশম্পায়ন কহিলেন, পাণ্ডবগণ সহায় হওয়াতে দ্রুপদের দেবতা হইতেও আর

আশঙ্কা রহিল না। পুরনারীগণ কুন্তীকে পাইয়া তাঁহার নাম সংকীর্তনপূর্বক চরণ বন্দন করিলেন। মঙ্গলসূত্রধারিণী অবশু-ষ্ঠমবতী দ্রৌপদী স্বশ্রুকে অভিবাদনপূর্বক রুতাঞ্জলিপুটে বিনীতভাবে সমীপ-দেশে দণ্ডায়মান হইলেন। কুন্তী, সেই সুশীলা সদাচারসম্পন্ন সুরূপা সর্বলক্ষণা-ক্রান্তা পুত্রবধূকে স্নেহসম্ভাষণপূর্বক আ-শীর্বাদ করিলেন, বৎসে! ইন্দ্রাণী ইন্দ্রের প্রতি, স্বাহা বিভাবসুর প্রতি, রোহিণী চন্দ্রের প্রতি, দময়ন্তী নলের প্রতি, ভদ্রা বৈশ্রবণের প্রতি, অরুন্ধতী বশিষ্ঠের প্রতি, এবং লক্ষ্মী নারায়ণের প্রতি যেমন ভক্তিম-তী ও প্রণয়বতী হইয়াছেন, তুমিও ভর্তৃগণের প্রতি তদনুরূপ হও। হে ভদ্রে! তুমি বীর সন্তান প্রসব করিবে, স্বামিসহ যজ্ঞে দীক্ষিত হইবে, তোমার সৌভাগ্যের পরিসীমা থাকিবে না। হে বৎসে! তুমি অতিথি, গৃহা-গত, সাধু, বালক, বৃদ্ধ ও গুরু জনের সং-কারে ব্যাপৃত হইয়া সময় যাপন করি-বে। তোমাহইতে কুরুজাঙ্গলপ্রভৃতি প্রধান প্রধান জনপদে রাজা অভিষিক্ত হইবেন। অশ্বমেধ যজ্ঞে স্বামিদিগের বলবিক্রমার্জিত বসুমতী বিপ্রসাং করিয়া এবং পৃথিবীর উৎকৃষ্ট বস্ত্রজাত প্রাপ্ত হইয়া শত শত বৎসর পরম সুখে কাল যাপন করিবে। হে বৎসে! অদ্য তোমাকে যেমন অভিনন্দন করিলাম, তুমি পুত্রবতী হও, পুনর্বার এইরূপ অভিনন্দন করিবে।

বৈশম্পায়ন কহিলেন, অনন্তর ভগবান্-শ্রীকৃষ্ণ রুতদার পাণ্ডুদিগের যৌতুকস্বরূপ বিচিত্র বৈভূষ্য মণি, সুবর্ণের আভরণ, না-না দেশীয় মহা হ' বসন, রমণীয় শয্যা, বিবিধ গৃহসামগ্রী বহুসংখ্যক দাস দাসী, সুশিক্ষিত গজবৃন্দ, উৎকৃষ্ট ঘোটকাবলী, অসংখ্য রথ এবং কোটি কোটি রজত কাঞ্চন, শ্রেণী-বদ্ধ করিয়া প্রেরণ করিলেন। ধর্মরাজ

যুধিষ্ঠির কৃষ্ণপ্রেরিত দ্রব্যসামগ্রীসকল আ-জ্ঞাদপূর্বক গ্রহণ করিলেন।

বৈবাহিক পর্ব সমাপ্ত।



বিদুরাগমন পর্বাধ্যায়।

দ্বিশততম অধ্যায়।

বৈশম্পায়ন কহিলেন, মহারাজ! এদিকে কৌরবকুলের বিশ্বাসভূমি গূঢ়চরেরা আ-সিয়া রাজ্যদিগকে সমাচার প্রদান ক-রিল, যে পাণ্ডবেরা দ্রৌপদীর পাণিগ্রহণ করিয়াছেন। যে মহাত্মা সেই শরাসন আ-কর্ষণপূর্বক লক্ষ্য বিদ্ধ করিয়াছিলেন, তাঁ-হার নাম অর্জুন। তিনি সমস্ত বিজয়ীর শ্রেষ্ঠ। আর যিনি সমরসাগরে অবতীর্ণ হইয়া মদ্রাধিপতি শল্যকে উৎক্ষিপ্ত ও ভূতলে পাতিত করেন এবং পাদপাঘাতে অরাসিককলকে সম্ভ্রামিত করিয়াছিলেন, সংগ্রামে যাঁহার ভয়সম্ভ্রমের লেশমাত্রও দেখিতে পাওয়া যায় নাই, যাঁহার স্পর্শ শক্রসেনারা অনলস্পর্শসম ভীষণ বলিয়া বোধ করিয়াছিল, সেই মহাত্মার নাম ভীম। সেই প্রশান্তস্বভাব ব্রাহ্মণরূপী পুরুষদিগকে পাণ্ডব জানিয়া রাজগণ সাতিশয় বিস্ময়া-বিষ্ট হইলেন। পূর্বে সকলেই শ্রবণ ক-রিয়াছিলেন, যে কুন্তী পুত্রগণ সমভিব্যাহারে জতুগৃহে দহনদগ্ধ হইয়াছেন, এক্ষণে তাঁহারা জীবিত আছেন শুনিয়া, জন্মান্তর লাভ করি-য়াছেন বলিয়া মনে করিতে লাগিলেন। পুরোচনরুত নৃশংস ব্যবহার রাজাদিগের স্মৃতিপথে উদিত হওয়াতে তাঁহারা ধৃষ্ণয়ী ও ভীষ্মকে ধিক্কার প্রদান করিতে লাগি-লেন। স্বয়ম্বর সম্পন্ন হইলে সকল রাজগণ পাণ্ডুদিগকে চিনিতে পারিয়া স্ব স্ব স্থানে প্রস্থান করিলেন।

অর্জুন লক্ষ্য বিদ্ধ করিলেন দেখি-য়া, রাজা দুর্যোধন সাতিশয় বিষয়মনে

ভ্রাতৃগণ, অশ্বখামা, শকুনি, কৃপাচার্য্য ও কর্ণ সমভিব্যাহারে প্রত্যাহৃত হইলেন । চুঃশাসন লঙ্ঘিত হইয়া ধীরে ধীরে তাঁহাকে কহিতে লাগিলেন, রাজন্ ! তিনি ব্রাহ্মণ-রূপী না হইলে দ্রৌপদীকে লাভ করিতে পারিতেন না । তাঁহাকে ধনঞ্জয় বলিয়া কেহই ষথার্থ চিনিতে পারেন নাই । দৈব ও পুরুষকারের মধ্যে দৈবই শ্রেষ্ঠ, পুরুষকার নিতান্ত অকিঞ্চিৎকর । দেখ ! আমরা পুরুষকার অবলম্বনপূর্ব্বক পাণ্ডবগণের কতপ্রকার অনিষ্টচেষ্টা করিয়াছি, কিন্তু তাহারা অদ্যাপি জীবিত রহিয়াছে ; অতএব পুরুষকারকে ধিক্কার প্রদান করি । তাঁহারা চুঃখিত ও বিগতচেতা হইয়া এইরূপ কথোপকথন ও পুরোচনকে নিন্দা করত হাব্বিনপুরে প্রবেশ করিলেন । দুর্ঘোষনপ্রভৃতি সকলে মহাতেজা পাণ্ডবদিগকে অগ্নি হইতে বিনির্মুক্ত ও দ্রুপদের সহিত সংযুক্ত দেখিয়া এবং শিখণ্ডী, ধৃষ্টদ্যুম্ন ও অন্যান্য দ্রুপদপুত্রদিগকে যুদ্ধবিশারদ চিন্তা করিয়া সাতিশয় ভীত হইলেন এবং তাঁহাদিগের সংকম্পসকল শিথিল হইয়া পড়িল ।

অনন্তর যখন বিদুর শ্রবণ করিলেন, পাণ্ডবগণ দ্রৌপদীর পাণিপীড়ন করিয়াছেন এবং ধৃতরাষ্ট্র তনয়েরা লঙ্ঘিত ও ভগ্নদর্প হইয়া প্রত্যাহৃত হইয়াছেন, তখন তাঁহার প্রীতির আর পরিসীমা রহিল না । তিনি ধৃতরাষ্ট্রের নিকট উপস্থিত হইয়া কহিলেন, মহারাজ ! ভাগ্যবলে কৌরবেরা বিজয় লাভ করিয়াছেন । ধৃতরাষ্ট্র বিদুর-শ্রবণগোচর করিয়া আহ্বানপূর্ব্বক কহিলেন, কি সৌভাগ্য ! কি সৌভাগ্য ! বিদুর ! কি শুভ সমাচারই প্রদান করিলে ! তৎকালে সেই প্রজ্ঞাচক্ষু রাজা বিশেষ বুদ্ধিতে না পারিয়া মনে করিয়া ছিলেন যে, দ্রৌপদী তাঁহার দ্যৌত পুত্র দুর্ঘোষনকেই বরমালা প্রদান করিয়াছেন ;

এই নিমিত্ত তিনি আজ্ঞা প্রদান করিলেন, যেন দুর্ঘোষন দ্রৌপদীকে বহুবিধ ভূষণে ভূষিত করিয়া তাঁহার সমীপে আনয়ন করেন । বিদুর তাঁহার মনোগত ভাব বুদ্ধিতে পারিয়া কহিলেন, মহারাজ ! পাণ্ডবেরা বরমালা প্রাপ্ত হইয়াছেন । তাঁহারা সকলেই কুশলে আছেন, দ্রুপদরাজ তাঁহাদিগের যথেষ্ট সমাদর ও সম্মান করিয়াছেন । সেই স্বয়ম্বরপ্রদেশে তুল্যাবলশালী অনেকা-নেক বন্ধুবান্ধব আসিয়া তাঁহাদিগের সহিত মিলিত হইয়াছেন ।

ধৃতরাষ্ট্র কহিলেন, ভালই হইয়াছে । তাঁহারা পাণ্ডুর পুত্র বটে, কিন্তু আমি তাঁহাদিগকে স্বীয় সন্তান অপেক্ষাও অধিক মনে করি, তাঁহাদিগের প্রতি আমার সমধিক স্নেহ আছে । যখন সেই মহাবীর পাণ্ডবেরা ক্ষেমবান্-মিত্রবান্ এবং মহাবলপরাক্রান্ত বান্ধবগণের সহিত মিলিত হইয়াছেন, তখন বিলক্ষণ প্রতীতি হইতেছে যে, আমার ছুরাঙ্গা পুত্রদিগের আর নিস্তার নাই । সবাঙ্ঘব দ্রুপদের সহিত মিত্রতা করিয়া, কোন্ ক্ষত্রিয় কৃতকার্য্য হইতে বাসনা না করে ? বিদুর, ধৃতরাষ্ট্রকে পুনর্বার কহিলেন, মহারাজ ! চিরকাল যেন আপনার এইরূপ বুদ্ধি থাকে ।

অনন্তর দুর্ঘোষন এবং কর্ণ ধৃতরাষ্ট্রের নিকট আগমনপূর্ব্বক নিবেদন করিলেন, তাত ! বিদুরের সম্মিধানে আমরা কোন প্রকার দোষ কীর্ত্তন করিতে পারিব না ; অতএব আমাদের অভিলাষ, যে বিজয় প্রদেশে আপনাকে নিবেদন করি, এ আপনার কীদৃশ ইচ্ছা, বিপক্ষের বুদ্ধিকে আপন বুদ্ধি বলিয়া মনে করিতেছেন ? বিদুরের নিকট সপত্নদিগের স্তুতিবাদ করিতেছেন এবং কর্তব্য কর্ম্মে মনোযোগ করিতেছেন না । হে ভাত ! শক্রদিগের বল বিধাত করা সর্ব্বতোভাবে কর্তব্য হইয়াছে ।

একপাশে আপনার উত্তম সময় উপস্থিত হই-
য়াছে, অতএব এমন একটি মন্ত্রণা করা
আবশ্যিক যে, তাহারা যেন আমাদিগের পুত্র
গণ ও বহুবাহুরদিগকে গ্রাস করিতে
না পারে।

একাধিক দ্বিশততম অধ্যায়।

ধৃতরাষ্ট্র কহিলেন, তোমাদিগের বাহা
অভিলাষ, আমি তাহাতেই সম্মত আছি।
বিহুরের নিকট অভিসন্ধি গোপন রাখাই
আমাদের উচিত। আমি তন্নিমিত্তই তা-
হার নিকট সর্বদা পাণ্ডবদিগের গুণ কীর্তন
করিয়া থাকি। বিহুর আকার বা ইচ্ছিত
দ্বারা আমার অভিপ্রায় কিছুমাত্র বুঝিতে
পারেন না। হে সুর্যোধন! তুমি যাহা বি-
বেচনা করিয়াছ বল, হে রাধেয়! তুমিও
যাহা মনে করিয়াছ বল, এসময়ে বলিবার
কোন বাধা নাই। তুর্যোধন কহিলেন, তাত!
অদ্য সুর্যোধন ও সুর্যপুত্র কতিপয় ব্রাহ্মণ
দ্বারা গোপনে কুস্থীতনয় ও মাদ্রীশুভযুগলের
পরস্পর ভেদোৎপাদন করিব, অথবা দ্রুপ-
দরাজ এবং তদীয় পুত্রগণ ও অমাত্যবর্গকে
বিপুল ধনরাশি দ্বারা বশীভূত করিব, যাহাতে
তাহারা যুদ্ধার্থকে পরিত্যাগ করেন, কিংবা
তথায় বাস করিতে প্রস্তুতি দেন এবং যেন
তাহাদিগের সমক্ষে সর্বদা বলেন যে, তাহা-
দের হস্তিনাপুরে বাস করা অতীব দোষাৎহ;
এই রূপ করিলে তাহারা পরস্পর অনৈক্য-
প্রযুক্ত কোন পরামর্শ না করিয়া তথায় বাস
করিতে অভিরুচি করিবেন, সন্দেহ নাই।
অথবা উপায়নিপুণ কুশল পুরুষেরা কুস্থী-
তনয়দিগের অসুগত হইয়া তাহাদিগের
মৌত্রিক ভয় করিয়া দিক, কিংবা বহুপতির
অশেষ দোষোন্মেষ পূর্বক কৃষ্ণার হৃদয়
স্থিত করিয়া কলহোৎপাদন করুক, অথবা
ক্রৌপদীর প্রতি পাণ্ডবগণের চিত্তভেদ, পশ্চাৎ
পাণ্ডবদিগের প্রতি ক্রৌপদীর মনের মালিন্য
জনাইয়া দিক। অথবা উপায়কুশল কতি-

পয় হৃদবেশী পুরুষ নির্জনে ভীমসেনাকে কি-
নষ্ট করুক, যে হেতু ভীমই তাহাদের সর্বদা
পেক্ষা অধিক বলবান। অর্জুন তাহার
সাহসেই সাহসী হইয়া আমাদিগকে তুণ-
তুল্য জ্ঞান করে; যেহেতু ভীমই সর্বদাপেক্ষা
বলবান প্রচণ্ড ও পাণ্ডবগণের আশ্রয়ভূত।
তাহাকে নিহত করিতে পারিলেই সকলে
নিস্তেজ ও ভয়োগ্রসাহ হইয়া রাজ্যের নিমিত্ত
কিছুমাত্র যত্ন করিবে না। যুদ্ধোদর শৃষ্ঠ
রক্ষা করিলে অর্জুনকে পরাজয় করা তুণ-
সাধ্য, কিন্তু ভীম ব্যতিরেকে অর্জুন একাকী
রণস্থলে কর্ণের চতুর্থাংশরূপে পরিগণিত
হইতে পারে কি না সন্দেহ। তাহারা ভীম
ব্যতীত আপনাদিগকে দুর্বল ও আমাদি-
গকে বলাধিক জানিয়া আর রাজ্যের নিমিত্ত
যত্ন করিবে না। যদিপি এখানে আসিয়া
আমাদিগের নিদেশবর্তী হইয়া চলে, তবে
তাহাদের বিনাশচেষ্টা করিতে ক্রটি করিব
না। অথবা সুরূপা প্রমদাগণ দ্বারা একে
একে তাহাদিগের সকলকেই প্রলোভ দেখান
যাউক, তাহা হইলে কৃষ্ণ! তাহাদিগের প্রতি
বিরাগপ্রদর্শন করিবেন, সন্দেহ নাই। কিংবা
তাহাদিগকে আনয়ন করিবার নিমিত্ত রা-
ধেয়কে প্রেরণ করুন, এবং বিবিধ কৌশল
দ্বারা তাহাদিগকে একত্র করিয়া কালক্রমে
পাতিত করুন।

হে তাত! উল্লিখিত উপায়সমূহের মধ্যে
আপনি যে উপায়টি উৎকৃষ্ট বিবেচনা
করেন, অচিরে তাহার প্রয়োগ করুন,
কারণ ক্রমে সময় অতীত হইতেছে। তা-
হাদিগের নিগ্রহার্থ এই সকল চেষ্টাই
দীর্ঘমুখী বোধ হইতেছে, কিন্তু ইহা ভাল
কি মন্দ, তাহা বলিতে পারি না, কেমন হে
কর্ণ! তুমি কি বিবেচনা কর?

একাধিক দ্বিশততম অধ্যায়।

কর্ণ কহিলেন, তুর্যোধন! তোমার
প্রস্তাব সুস্থিযুক্ত বোধ হইতেছে না।

কৌশল দ্বারা তাহাদিগের অনিষ্ট চেষ্টা করা নিরর্থক। পূর্বেও ত তুমি অতি কৃষ্ণ উপায় দ্বারা তাহাদিগের নিগ্রহ চেষ্টা পাইয়াছিলে, কিন্তু তাহাতে কৃতকার্য হইতে পার নাই। যখন পাণ্ডবেরা শৈশবাবস্থায় সহায়বিহীন হইয়া এই স্থানেই বর্তমান ছিল, তুমি তৎকালেও তাহাদিগের কোন হানি করিতে পার নাই। এক্ষণে ত তাহারা বৈদেশিক ও সহায়সম্পন্ন হইয়া সর্বতোভাবে প্রবল হইয়াছে, অতএব আমার নিশ্চয় বোধ হইতেছে, তুমি উক্ত উপায়কলাপ দ্বারা তাহাদিগকে নষ্ট করিতে পারিবে না, এবং কোন প্রকার ব্যসনেও কলুষিত করিতে পারিবে না। তাহারা দৈববলে আশ্চর্যক্রমে সমর্থ হইয়া পিতৃপৈতামহ পদের ইচ্ছুক ও উপযুক্ত হইয়াছে। তাহারা এক পত্নীতে অনুরক্ত, তাহাদের সৌভ্রাতৃ অবশ্যই বদ্ধমূল হইবে, সংশয় নাই, সুতরাং তাহাদিগের পরস্পর ভেদ উপস্থিত করাও নিতান্ত সহজ ব্যাপার নহে। যে দ্রৌপদী তাদৃশী দীনাবস্থা নিরীক্ষণ করিয়াও পাণ্ডবদিগকে বরণ করিয়াছেন, অধুনা সেই দ্রৌপদী তাহাদিগের প্রতি বিরক্ত হইবেন, একথাও কোন ক্রমেই সম্ভব বোধ হয় না। বিশেষতঃ বহুভর্তৃত্য স্ত্রীলোকদিগের অতীব আদরণীয়, কৃষ্ণা সেই রমণীকুলবাঞ্ছিত কল বিনা যত্নে প্রাপ্ত হইয়াছেন, সুতরাং পতির প্রতি তাঁহার বিদেহবুদ্ধি উৎপাদন করিতে কোন ক্রমেই সমর্থ হইবে না। পাঞ্চালেশ্বর পরম ধার্মিক ও ব্রতপরায়ণ; তাঁহার অর্থস্পৃহা নাই, তাঁহাকে সর্বাংশ প্রদান করিলেও তিনি পাণ্ডবদিগকে পরিত্যাগ করিবেন না। তাঁহার পুত্রও গুণবান ও পাণ্ডবগণের প্রতি সান্তিশয় অনুরক্ত; অতএব স্পষ্ট প্রতীতি হইতেছে, পাণ্ডবেরা উপায়সাম্য নহে। অতএব হে তাহারা পাণ্ডবেরা বদ্ধমূল না হইতেই তাহাদিগকে যুদ্ধে বিনষ্ট করা তাহাদিগের

পক্ষে প্রয়োজন, আপনি তদ্বিষয়ে সর্বশেষ মনোযোগী হউন। অসম্ভব প্রবল ও পাঞ্চালপক্ষ হীনবল থাকিতে থাকিতেই তাহাদিগকে প্রহার করুন, আর বিনয়ের প্রয়োজন নাই। হে পার্থিব! যদবধি পাণ্ডবগণ গান্ধার রাজ্যে প্রভূত বাহন, অসংখ্যক বন্ধু ও আত্মীয় স্বজনের সাহায্য লাভ না করিতেছে; যদবধি পাঞ্চালরাজ, মহাবল পরাক্রান্ত স্বীয় পুত্রগণ সমভিব্যাহারে তাহাদিগের সাহায্যার্থ বন্ধুপরিষ্কার না হইতেছে, এবং যদুবংশাবতংস কৃষ্ণ যাবৎ পাণ্ডবগণের রাজ্যের নিমিত্ত যাদব বাহিনী লইয়া পাঞ্চালরাজ-সদনে সমাগত না হইতেছেন; তৎকালমধ্যে আপনি বিক্রম প্রকাশ করুন। যদি পাণ্ডবগণের নিমিত্ত সমস্ত ধনসম্পত্তি, অশেষ ভোগসুখ ও রাজ্য পর্যন্তও পরিত্যাগ করিতে হয়, কৃষ্ণ তাহাতেও কখন পরাঙ্গুষ্ঠ হইবেন না। হে মহারাজ! বিক্রমই ক্রিয়াদিগের স্বাভাবিক ধর্ম। দেখুন! মহাত্মা ভরত বিক্রম দ্বারা পৃথিবী জয় করিয়াছেন, এবং ইন্দ্র ত্রিলোকীর আধিপত্য প্রাপ্ত হইয়াছেন। আমরা ভবদীয় চতুরঙ্গিনী সেনা সমভিব্যাহারে ত্বরায় ক্রুপদের প্রাণ সংহারপূর্বক পাণ্ডবদিগকে আনয়ন করি। তাহাদিগের প্রতি সাম, দান, ভেদ, এই ত্রিবিধ উপায় প্রযুক্ত করিলেও নিশ্ফল হইবে। তাহাদিগকে পরাজয় করিতে কেবল একমাত্র বিক্রমই সাধীমান উপায় আছে, অতএব বিক্রম প্রকাশ দ্বারা তাহাদিগকে পরাভূত করিয়া অঞ্চল সাম্রাজ্য নিষ্কণ্টকে সন্তোষ করুন। মহারাজ! বিক্রম ভিন্ন বিজয় লাভের আর কোন উপযুক্ত উপায়ান্তর লক্ষ্য হয় না।

স্বাধের বচন শ্রবণানন্তর ধর্তরাষ্ট্র তাঁহার প্রতি বোধোচিত সন্মান প্রদর্শনপূর্বক কহিলেন, হে কৃতান্ত্র মহাপ্রাজ্ঞ সূতনন্দন! তদূর্দশ বিক্রমসম্পন্ন স্বাক্য প্রয়োগ করা তোমার উপযুক্ত বটে, সন্দেহ নাই, কিন্তু তব

স্রোণ, বিছুর, এবং তোমরা দুইজন পুনর্বার মন্ত্রণা করিয়া বাহা আমাদের শ্রেয়ঙ্কর বিবেচনা হয়, কর। অনন্তর রাজা ধতরাষ্ট্র পুরোক্ত মন্ত্রিদিগকে আনয়নপূর্বক তাহাদিগের সহিত মন্ত্রণা করিতে লাগিলেন।

ত্র্যধিক ত্রিশততম অধ্যায়।

তীয় কহিলেন, পাণ্ডুগণের সহিত সংগ্রাম করা আমার অত্যন্ত অনভিমত। আমার নিকট ধতরাষ্ট্র ও পাণ্ডু উভয়ই তুল্য। গান্ধারীতনয়দিগের সহিত আমার যেকোন সন্ধক, কুন্তীপুত্রদিগের সহিত তাহার কিছুমাত্র ম্যম নহে। হে ধতরাষ্ট্র! তাহারা আমার, তোমার, দুর্ঘ্যোধনের ও অন্যান্য কৌরবগণের রক্ষণীয়, সুতরাং তাহাদিগের সহিত যুদ্ধ করা সর্বতোভাবে অবিধেয়। বরং অর্ধেক রাজ্য প্রদানপূর্বক সন্ধি স্থাপন করা উচিত, কারণ ইহা তাহাদিগেরও পৈতৃক রাজ্য। বৎস দুর্ঘ্যোধন! তুমি যেমন মনে করিতেছ, ইহা আমার পৈতৃক রাজ্য, পাণ্ডবেরাও সেইরূপ বিবেচনা করিয়া থাকে। যদি সেই মহাযশা পাণ্ডবেরা রাজ্য প্রাপ্ত না করেন, তবে তুমি কোন্ শাস্ত্রানুসারে রাজ্য লাভ করিবে? এবং তোমাদের পর পর পর পর যেরূপে সকল রাজকুমারেরা জন্ম গ্রহণ করিবে, তাহারাই বা কিরূপে প্রাপ্ত হইবে? অথবা যেমন তুমি ধর্মতঃ রাজ্য লাভ করিয়াছ, তাহারাও ইতিপূর্বে রাজ্যাধিকার প্রাপ্ত হইয়াছিল, অতএব বিবাদে প্রয়োজন নাই, সৌহার্দপূর্বক তাহাদিগকে রাজ্য প্রদান করিলেই উভয় পক্ষের মঙ্গল, ইহার অন্যথাচরণ করিলে আমাদের অত্যন্ত অধিত কর্তব্য হইবে, এবং তোমারও অতিশয় অকীর্তি ঘোষণা হইবে। অতএব হে তাত! কীর্তি রক্ষণে যত্নবান হও, কীর্তিই মানবজাতির অসাধারণ বল। কীর্তিবহীন মনুষ্যের জীবন ধারণ করা কেবল বিড়ম্বনামাত্র। বদবধি কীর্তি অক্ষয় থাকে, তাহা

মনুষ্য সার্থকজন্ম। একবার কীর্তি লোপ হইলে লোক জন্মের মত উৎসন্ন হইয়া যায়। অতএব হে মহাবাহো! তোমার ও ত্বদীয় পূর্বপুরুষগণের অনুরূপ কীর্তি-রক্ষারূপ কুলোচিত ধর্মের অনুষ্ঠান কর। পৃথা ও তৎপুত্রেরা ভাগ্যবলে জীবিত রহিয়াছেন, পাণ্ডু পুরোচনের দুর্ভাগ্যবশত সিন্ধু না হইতেই সে পঞ্চম প্রাপ্ত হইল। বদবধি পাণ্ডুদিগের দাহবৃত্তান্ত প্রচারিত হইয়াছে, তৎকাল পর্যন্ত আমি লোকের নিকট মুখ দেখাইতে পারি না। কুন্তীর তাদৃশী দুঃখবস্থা শ্রবণে সকলে তোমাতেই দোষারোপ করিয়া থাকে, পুরোচনকে অগুমাত্র দোষী বিবেচনা করে না। অতএব এক্ষণে পাণ্ডুদিগের জীবিকা নির্ধারণ ও তাহাদিগের আনয়ন তোমার দোষ ক্ষালনের একমাত্র উপায় আছে। হে কুরুনন্দন! পাণ্ডবেরা জীবিত থাকিতে স্বয়ং ইন্দ্রও তাহাদিগের পৈতৃক অংশ গ্রহণ করিতে পারিবেন না। রাজ্যে উভয়েরই তুল্যাধিকার আছে বটে, কিন্তু বিশেষ এই যে, তাহারা সকলেই এক মতাবলম্বী, ধর্মনিরত ও অধর্মপরাজ্ঞ। অতএব যদি ধর্ম রক্ষা করা কর্তব্য হয়, আমার প্রিয় কার্য অনুষ্ঠান করা উচিত বোধ হয় এবং আত্মকুশলের অভিলাষ থাকে, তবে পাণ্ডুদিগকে অর্ধ রাজ্য প্রদান করা সর্বতোভাবে বিধেয়।

চতুরধিক ত্রিশততম অধ্যায়।

স্রোণাচার্য্য কহিলেন, মহারাজ! শাস্ত্রে শ্রবণ করিয়াছি, মন্ত্রণার্থ আনীত হিতৈষী পুরুষদিগের ধর্মার্থসঙ্গত ও যশঙ্কর কবা কীর্তন করা কর্তব্য। এবিধে মহাত্মা ভীষ্মের যে মত, আমারও সেই মত। কুন্তীপুত্রদিগকে রাজ্যভাগ প্রদান করাই বিধেয়, ইহা হইলেই সনাতন ধর্ম রক্ষা পায়। অতএব হে মহারাজ! পাণ্ডুদিগের নিমিত্ত প্রস্তুত রত্ন প্রদানপূর্বক কোন এক প্রিয়বদ

ব্যক্তিকে অবিলম্বে দ্রুপদসম্মিধানে প্রেরণ কর। সেই ব্যক্তি তথায় উপস্থিত হইয়া দ্রুপদকে বলুক যে, আপনার সহিত সম্বন্ধ লাভে মহারাজ খুঁতরাই পরম সৌভাগ্য বোধ করিয়াছেন। তুমি ও চূর্যোধান উভয়েই এবিষয়ে সাতিশয় প্রীত হইয়াছ, ইহাও যেন দ্রুপদ ও ধৃষ্টদ্যুম্নের নিকট বারংবার উল্লেখ করে। তৎপরে কুন্তীনন্দন যুধিষ্ঠিরাদি ও মাদ্রীতনয় নকুল মহদেবকে পুনঃ পুনঃ সান্ত্বনা করিয়া স্বজনসম্বন্ধের উচিত্য ও প্রিয়ত্ব কীর্তন করিবে। হে রাজেন্দ্র ! আপনার অধদেশানুসারে ঐ পুরুষ সুবর্ণময় শুভ্র বহুবিধ আভরণ দ্রৌপদী, দ্রুপদতনয় ও কুন্তীর সহচরীদিগকে সমর্পণ করুক। দ্রুপদ ও পাণ্ডবদিগকে এইরূপ সান্ত্বনাবাক্য প্রয়োগ করিয়া পরিশেষে পাণ্ডবদিগের আগমনের কথা উত্থাপন করুক। দ্রুপদ পাণ্ডবদিগকে প্রত্যাগমনের আদেশ করিলে তাঁহাদিগকে আনয়ন করিবার নিমিত্ত ছুঃশাসন, বিকর্ণ ও সুশোভিত সৈন্যমণ্ডলী গমন করুক। পাণ্ডবেরা আগমনপূর্বক প্রকৃতিগণ কর্তৃক অনুমত হইয়া তোমার সহিত পৈতৃক পদে প্রতিষ্ঠিত হইবেন। হে মহারাজ ! ভীষ্ম ও আমার মত এই যে, আপনি স্বায়ম্বজতুল্য পাণ্ডবদিগের প্রতি এইরূপ উপায় প্রয়োগ করেন।

কর্ণ কহিলেন, মহারাজ ! আপনি যাঁহাদিগকে সর্বদা অর্থ মান দ্বারা সৎকার করিয়া থাকেন, এবং সর্ব কার্যে যাঁহাদিগের পরামর্শ গ্রহণ করেন, সেই ভীষ্ম ও দ্রোণ আপনাকে সম্বন্ধগণা প্রদান করিলেন না, ইহা অপেক্ষা অল্পত ব্যাপার আর কি আছে। যিনি দুই মন ও প্রচ্ছন্ন অন্তঃকরণ দ্বারা অন্যকে হিতোপদেশ দেন, তিনি কি-কপে সাধুদম্বত হইতে পারেন। হিতার্থে হটক বা অহিতার্থে হটক, অর্থহীন উপস্থিত হইলে মিত্রলাভ হওয়া চূড়ান্ত। অর্থ-

মান ব্যক্তি কৃতপ্রজ্ঞ হউন বা অকৃতপ্রজ্ঞ হউন, বালক হউন বা বৃদ্ধই হউন, সহায়-সম্পন্ন হউন বা অসহায় হউন, সর্বত্র সমুদায় লাভ করিতে পারেন।

একপ কিম্বদন্তী আছে যে, পূর্ব কালে রাজগৃহ-নামক নগরে মগধ-রাজবংশীর অম্বুবীচ-নামা এক বাজা ছিলেন। ইন্দ্রিয়-বিকল ও শ্বাস রোগগ্রস্ত সেই ভূপাল কেবল অমাত্যগণের সাহায্যে সমুদায় রাজ্য-কার্য পর্যালোচনা করিতেন। মহাকর্ণি নামে তাঁহার এক মন্ত্রী ছিল। ঐ মুর্থ মন্ত্রী রাজ্যমধ্যে একাধিপত্য লাভ ও আপনাকে সর্বাপেক্ষা বলসম্পন্ন অনুমান করিয়া নানাপ্রকারে অবনিপালকে অবমাননা করিতে লাগিল এবং ভূপালভোগ্য অক্ষনারত্ন ও ধনসম্পত্তি সমুদায় স্বয়ং সর্বতোভাবে অধিকার করিল। এই সমস্ত অধিকার করিয়াও সেই লুকপ্রকৃতি মন্ত্রীর অন্যান্য বস্তু লাভে লোভবৃত্তি পরিবর্জিত হইতে লাগিল। প্রভুর সর্বস্ব আত্মনাৎ করিয়াও তাহার উদর পূর্তি হইল না। পরিশেষে সমস্ত রাজ্যসম্পত্তি হস্তগত করিবার নিমিত্ত লোলুপ হইল। আমরা শুনিয়াছি যে, ঐ মন্ত্রী বহুবিধ কৌশল করিয়াও তদীয় রাজ্যাধিকার অধিকার করিতে পারিল না। ইহাতে বুঝা গেল যে, তাঁহারসেই পুরুষেন্দ্রজা কোন অস্বাভাবিক কারণ-প্রযুক্ত হইবে সন্দেহ নাই। অতএব হে মহারাজ ! যদি ভাগ্যে থাকে, তবে সমুদায় লোক বিরোধী হইলেও আপনি অন্যায়সে রাজ্য লাভ করিবেন; নতুবা একান্ত যত্ন করিলেও রাজ্য লাভ হওয়া চূড়ান্ত হইয়া উঠিবে। এক্ষণে মন্ত্রীগণের সাধুতা ও অসাধুতা পর্যালোচনা করিয়া ছকের ও সতের বাক্য বিবেচনা করুন।

দ্রোণ কহিলেন, কর্ণ ! বুঝিলাম, তুমি কেবল আপনার মনোগত ভাবদোরে এই

কথার উল্লেখ করিতেছ। হে দুষ্টি ! তুমি পাণ্ডবদিগের নিমিত্ত রাজার নিকট আমাদিগের প্রতি দোষারোপ করিতেছ। হে কর্ণ ! আমি পরম হিতকর বাক্য কহিয়াছি, তুমি সেই বাক্যকে দুষ্টি বাক্য কহিতেছ, যদি ইহা অপেক্ষা কোন সুপারামর্শ প্রদান করিতে পার, কর, কিন্তু আমার মতে ইহার অন্যথা করিলেই কুরুবংশ সমূলে ধ্বংস হইবে, সন্দেহ নাই।

• পঞ্চাধিক দশততম অধ্যায়।

বিক্রম কহিলেন, মহারাজ ! বান্ধবগণ আপনাকে অবশ্যই হিতোপদেশ প্রদান করিবেন, কিন্তু আপনার প্রবণেচ্ছা না থাকিলে সেই বাগ্জাল সকলই বিফল হইবে। কুরুপ্রধান ভীষ্ম আপনাকে প্রিয় ও হিতবাক্যে উপদেশ দিয়াছিলেন, কিন্তু আপনি তাহা গ্রহণ করিলেন না, এবং দ্রোণও বহুতর শ্রেয়স্কর কথা কহিয়াছিলেন, কিন্তু রাখাপুত্র কর্ণ তাহা আপনার হিতকর বিবেচনা করিলেন না। এক্ষণে এই দুই পুরুষসিংহ অপেক্ষা কোন ব্যক্তি অধিক বুদ্ধিমান ও আপনার পরম মিত্র ইহা ভাবিয়া স্থির করিতে পারিতেছি না। ইহারা বিদ্যা, বুদ্ধি ও বয়ঃক্রমে সর্বাপেক্ষা শ্রেষ্ঠ এবং তোমার ও যুধিষ্ঠিরাদির প্রতি সমভাবে স্নেহ করিয়া থাকেন। ইহারা সত্যচরণ ও ধর্মামুষ্ঠান বিষয়ে দাশরথি রাম ও গয় অপেক্ষা কোন অংশে স্তান নহেন। ইহারা পূর্বে কদাচ আপনাকে অহিত বাক্যে উপদেশ দেন নাই এবং আপনার কোনরূপ অনিষ্ট চেষ্টা পাইয়াছেন, ইহাও লক্ষ্য হয় না, অতএব এক্ষণে দ্রোণ ও ভীষ্ম মহারাজের অশুভ সংকল্পে মন্ত্রণা করিবেন, ইহা নিতান্ত অশ্রেয়। এই জীবলোকে এই দুই ব্যক্তিকে অধিকতর প্রাজ্ঞ ও শ্রেষ্ঠ, সুতরাং ইহারা আপনাকে কখন কুটপারামর্শ প্রদান করিবেন না। আর ইহারা অর্ধলোলুপ হইয়া

অন্যতর পক্ষে পক্ষপাত প্রদর্শনপূর্বক মন্ত্রণা করিবেন, ইহাও নিতান্ত অসম্ভব। অতএব হে মহারাজ ! আপনকার পক্ষে ইহাই শ্রেয়ঃকল্প বোধ হইতেছে। তুর্যোধনপ্রভৃতি যেমন আপনার পুত্র, পাণ্ডবেরাও তক্রূপ পুত্রস্থানীয় সন্দেহ নাই। যাঁহারা এই বৃত্তান্ত সমাক্ না জানিয়া পাণ্ডবপক্ষে কুমন্ত্রণা প্রদান করিবেন, সেই মন্ত্রী কোন অংশে সাধুদর্শী নহেন। কিন্তু যদি আপনি স্বীয় সম্মানগণের নিমিত্ত অশুঃকরণে কোন বিশেষ অভিসন্ধি করিয়া থাকেন, আর মন্ত্রীরা যদি তাহা প্রকাশ করেন, তাহা হইলে নিশ্চয়ই আপনার হিতামুষ্ঠান করা হইবে না। মহাত্মা ভীষ্ম ও দ্রোণাচার্য্য এই নিমিত্ত আপনার মনোগত ভাব জিজ্ঞাসা করেন নাই।

হে মহারাজ ! ইহারা যে পাণ্ডবদিগের অজেষ্ট্র কীর্তন করিলেন, তাহার ষাথার্থ্য্য বিষয়ে কোন সন্দেহ কবিবেন না, আপনার মঙ্গল হউক! দেবরাজ ইন্দ্র কি সেই শ্রীমান্ অর্জুনকে যুদ্ধে পরাজয় করিতে পারেন? অযুত মাতঙ্গতুলা বলশালী ভীমসেনকে দেবতারাও সংগ্রামে পরাজয় করিতে সমর্থ নহেন। কোন ব্যক্তি জীবনেচ্ছা সত্ত্বে সেই যমসদৃশ যমজ নকুল সহদেবকে যুদ্ধে পরাজয় করিতে অগ্রসর হইবে? ধৈর্য্য, ক্রমা, সত্য ও দয়ালুগে অলঙ্কৃত পাণ্ডবজ্যেষ্ঠ যুধিষ্ঠিরকে রণে সহ্য করে এমন লোক ত্রিজগতে লক্ষ্য হয় না। বিশেষতঃ বলদেব ও সাত্যকি যাঁহাদিগের পক্ষ, বাসুদেব মন্ত্রী, পাঞ্চালরাজ খশুর এবং মহাবল পুত্রাক্রান্ত ধৃষ্টিদ্যামপ্রভৃতি জাতুবর্গ শ্যালক, সেই দুর্জয় পাণ্ডবেরা যুদ্ধে কাহাকে না পরাজয় করিতে পারেন? অতএব এক্ষণে ঠাঁহাদিগকে নিতান্ত দুর্জয় বিবেচনা করিয়া ধর্মামুসারে পৈতৃক ধন বিভাগ করিয়া দিন। অন্য পাণ্ডবদিগের প্রতি অনুগ্রহ

প্রকাশ করিয়া পুরোচনরূত্বে মহতী অ-
কীৰ্ত্তি স্বরূত বলিয়া লোকবিদিত হইয়াছে,
তাহা কালন করুন। পাণ্ডবগণের প্রতি
অনুগ্রহ ও তাঁহাদিগের জীবন আমাদের
ক্ষত্রিয়-জাতির সর্বতোভাবে ঞ্চয়কর ।
পূর্বে মহারাজ দ্রুপদের সহিত আমাদের
বৈরতাব ছিল, এক্ষণে তাঁহাকে সংগ্রহ
করিলেও স্বপক্ষের মঙ্গল করা হইবে।
যাদবেরা বহুসংখ্যক ও মহাবলপরাক্রান্ত,
বিশেষতঃ যে পক্ষে রুধি তাঁহারাও সেই
পক্ষে অবশ্যই থাকিবেন, সুতরাং যে
পক্ষে রুধি তৎপক্ষে নিশ্চয়ই জয় লাভ
হইবে। হে রাজন্! যে কার্য্য সন্ধিদ্বারা
সম্পাদন করিতে পারা যায়, কোন্ হতভাগ্য
বাক্তি তাহার নিমিত্ত বিগ্রহ করিতে উদ্যত
হইয়া থাকে!

মহারাজ! পৌর ও জ্ঞানপদবর্গ, পাণ্ডবেরা
জীবিত আছেন শুনিয়া, তাঁহাদিগকে দে-
খিবার নিমিত্ত অতিমাত্র উৎসুক হইয়াছে,
এক্ষণে তাহাদিগের প্রিয় কার্য্য সম্পাদন
করুন। দুর্ব্যোধন, কর্ণ ও শকুনি, ইহারা নি-
তান্ত অধার্মিক, ছবুদ্ধি ও বালক, ইহাদি-
গের কথায় কর্ণপাত করিও না। আমি
পূর্বেই ত কহিয়াছি, দুর্ব্যোধনের অপরাধে
এই সুবিস্তীর্ণ রাজবংশ উচ্ছিন্ন হইবে।

ষড়ধিক দ্বিশততম অধ্যায় ।

ধৃতরাষ্ট্র কহিলেন, হে বিদুর! শান্তনু-
ন্দন ভীষ্ম ও মহর্ষি দ্রোণ ইহারা আমাকে
ঞয়কর বিষয়েই উপদেশ দিয়াছেন, আর
তুমি যাহা কহিতেছ, তাহাও অত্রান্ত বটে।
মহারাজ! কুন্তীপুত্রগণ যেমন পাণ্ডুর পুত্র, ধ-
র্মতঃ আমারও সেইরূপ পুত্রস্বামীর সন্দেহ
নাই, মৎপুত্রগণ যেমন এই রাজ্যের অধি-
কারী, তদ্রূপ পাণ্ডবেরাও অধিকারী সংশয়
কি? অতএব হে বিদুর! তুমি যাও, মৎকার
প্রদর্শনপূর্বক কুন্তী ও দেবকীপী দ্রৌপদী
সমভিষ্যাহারে পাণ্ডুনন্দনদিগকে আনয়ন

কর। আমাদের ভাগ্যবলে কুন্তী ও পা-
ণ্ডবেরা জীবিত আছেন এবং আমাদের
ভাগ্যবলেই তাঁহারা দ্রুপদকন্যা দ্রৌপদীকে
লাভ করিয়াছেন। আমাদের কি সৌ-
ভাগ্য! যে দুর্মতী পুরোচন পাণ্ডবদিগের
অপকার করিতে যাইয়া স্বয়ং পঞ্চতু প্রাপ্ত
হইয়াছে।

অনন্তর ধর্মজ্ঞ ও সর্বশাস্ত্র-বিশারদ
বিদুর, ধৃতরাষ্ট্রের আদেশানুসারে বিবিধ
রত্ন ও ধর্মসম্পত্তি গ্রহণপূর্বক দ্রুপদ ও
পাণ্ডবদিগের সম্মিধানে উপনীত হইয়া দ্রু-
পদকে সংবর্দ্ধনা করিলেন। মহারাজ দ্রুপ-
দও ধর্মপথ অনুসরণ করিয়া সাদর সস্ত্রাষণ-
পূর্বক বিদুরকে ন্যায়ানুসারে অনাময় জি-
জ্ঞাসা করিলেন। অনন্তর বিদুর বাসুদেব
ও পাণ্ডবগণকে নয়নগোচর করিয়া স্নেহ-
ভরে আলিঙ্গনপূর্বক কুশল প্রশ্ন করিলেন।
তাঁহারাও যথাক্রমে বিদুরের পূজা করিলেন।
তৎপরে মহাত্মা বিদুর মহারাজ ধৃতরাষ্ট্রের
আদেশক্রমে বারংবার স্নেহ কুশল প্রশ্ন
করিয়া তাঁহাদিগকে বিবিধ রত্ন ও বহুবিধ
ধন প্রদান করিলেন। তদনন্তর কুন্তী, দ্রৌ-
পদী ও দ্রুপদপুত্রদিগকে এবং পাণ্ডবগণকে
যথাদত্ত ধন ও অলঙ্কার প্রদান করিয়া কে-
শব ও পাণ্ডবসম্মিধানে বিনীত বচনে দ্রুপ-
দকে কহিলেন, মহারাজ! আমি যাহা
নিবেদন করিতেছি, আপনি, আপন পুত্রগণ,
ও আমাত্যবর্গ, সকলেই শ্রবণ করুন। মহা-
রাজ ধৃতরাষ্ট্র পুত্র ও আমাত্য সহিত সা-
তিশয় প্রীত হইয়া বারংবার আপনার কুশল
জিজ্ঞাসা করিয়াছেন; আর তিনি আপ-
নার সহিত এই সয়ন্ধ হওরাতে নিতান্ত আ-
জ্ঞাদিত হইয়াছেন; শান্তনুন্দন ভীষ্ম
ও কৌরবগণ আপনার সর্বাঙ্গী মঙ্গল বাঞ্ছা
জিজ্ঞাসা করিয়াছেন, এবং আপনার প্রিয়
সখা উরুদ্বাজনন্দন দ্রোণ, আপনাকে উ-
দ্দেশে আলিঙ্গন করিয়া কুশল প্রশ্ন করি-

যাচ্ছেন। ধৃতরাষ্ট্র ও কৌরবেরা আপনার সহিত সন্ধি লাভে আপনাদিগকে চরিতার্থ বোধ করিয়াছেন। হে যজ্ঞসেন! তাঁহারা এই সন্ধিক্ষেপে সংঘত হইয়া যাদৃশ প্রীত হইয়াছেন, ইহা অপেক্ষা তাঁহাদিগের পক্ষে রাজ্যলাভও তাদৃশ প্রীতিকর নহে। এক্ষণে এই সমস্ত অনুধাবন করিয়া পাণ্ডবগণকে তথায় গমন করিতে আদেশ করুন। কুরু বংশীয়েরা পাণ্ডুনন্দনদিগকে সন্দর্শন করিবার নিমিত্ত সাতিশয় উৎসুক আছেন। কুন্তী ও পাণ্ডবেরা বহু দিবসাবধি প্রবাসে আছেন, স্তত্রাং ইহারাও রাজধানী দর্শন করিতে উৎসুক হইয়া থাকিবেন। পুরবাসী ও জনপদবাসী লোকেরা এবং কৌরবমহিলাগণ পাণ্ডালী দ্রৌপদীকে দেখিবার নিমিত্ত প্রতীক্ষা করিতেছেন। অতএব আপনি অনতিবিলম্বে সস্ত্রীক পাণ্ডবগণকে গমন করিতে আদেশ করুন। এবিষয়ে আমার সম্পূর্ণ সম্মতি আছে। ইহারা তথায় গমন করিলে আমি মহারাজ ধৃতরাষ্ট্রের কতিপয় দ্রুতগামী দূত প্রেরণ করিব। তাহারা দ্রৌপদী, কুন্তী ও পাণ্ডুনন্দনদিগকে পুনরায় লইয়া আসিবে।

বিহ্বরাগমন পর্ব সমাপ্ত।



রাজ্যলাভ পর্বাধ্যায়।

সপ্তাদিক দ্বিশততম অধ্যায়।

দ্রুপদ কহিলেন, হে মহাপ্রাজ্ঞ বিহ্বর! ভূমি যাহা কহিলে ইহা যথার্থ, কৌরবগণের সহিত বৈবাহিক সন্ধি হওয়াতে আমারও যথেষ্ট পরিতোষ জন্মিয়াছে। আর মহাজ্ঞা পাণ্ডবগণেরও স্বদেশে গমন করা আমার মতে উচিত। কিন্তু আমি স্বয়ং ইহাদিগকে এ স্থান হইতে বিদায় করিতে পারি না। যাহা হউক, যদি মহাজ্ঞা যুধিষ্ঠির, ভীমসেন, অর্জুন, পুরুষশ্রেষ্ঠ নকুল ও সহদেব ত-

থায় গমন করিতে মানস করেন এবং ইহাদের পরম প্রিয়কারী ধর্ম্মাজ্ঞা বলদেব ও বাসুদেবের ইহাতে সম্মতি থাকে, তাহা হইলে স্বরাজ্যে গমন করুন; তাহাতে আমার কিছুমাত্র আপত্তি নাই।

তখন যুধিষ্ঠির কহিলেন, হে রাজন! আমি এবং আমার অনুজগণ আপনারই অধীন, অতএব আপনি যাহা আজ্ঞা করিবেন, তাহা আমাদের শিরোধার্য্য ও অবশ্য কর্তব্য কার্য্য। কৃষ্ণ কহিলেন, পাণ্ডবগণের স্বদেশগমনে আমার সম্পূর্ণ মত আছে, অথবা সর্ব্ব-ধর্ম্ম-বিৎ মহারাজ দ্রুপদের যে মত আমারও সেই মত।

দ্রুপদ কহিলেন, মহাবল পুরুষশ্রেষ্ঠ বাসুদেব যাহা কর্তব্য বলিয়া বিবেচনা করিতেছেন, তদ্বিষয়ে আমারও সম্পূর্ণ মত আছে। মহাভাগ পাণ্ডবগণ আমারও কৃষ্ণের উভয়েরই সুহৃৎ, বিশেষতঃ পুরুষে স্তম বাসুদেব পাণ্ডবগণের যেকপ মঙ্গল চিন্তা করেন, মহাজ্ঞা যুধিষ্ঠির স্বয়ং সেকপ করিতে পারেন না।

পাণ্ডবগণ এইরূপে দ্রুপদ কর্তৃক স্বরাজ্য গমনে সমনুজ্ঞাত হইয়া কৃষ্ণা ও যশস্বিনী কুন্তীকে সঙ্গে লইয়া কৃষ্ণা ও বিহ্বরের সমভিব্যাহারে পরম সুখে হস্তিনা নগরে গমন করিলেন, মহারাজ ধৃতরাষ্ট্র পাণ্ডুনন্দনগণ আগমন করিতেছেন শুনিয়া তাঁহাদের প্রত্যাগমনের নিমিত্ত কৌরবগণ এবং ধর্ম্মজ্ঞ বিকর্ণ, চিত্রসেন, দ্রোণ ও কৃপাচার্য্যকে পাঠাইলেন। মহাবলপরাক্রান্ত পাণ্ডবগণ সেই সমুদয় জনগণ কর্তৃক পরিবৃত হইয়া ক্রমে ক্রমে হস্তিনাপুরমধ্যে প্রবেশ করিলেন। তাঁহারা নগরে প্রবেশ করিবারাত্র নগরের নমস্ত লোক সাতিশয় কৌতুহলাক্রান্ত হইল। তখন সমাগত যাবতীয় প্রিয়চিকীর্ষু পুরবাসিগণ মহাজ্ঞা পাণ্ডু তনয়দিগকে নানাপ্রকার স্তব করিতে লাগিল। তা-

হারা কহিল, এই সেই ধর্মাজ্ঞ পুরুষশ্রেষ্ঠ পুনর্কার আগমন করিতেছেন, যিনি আমাদিগকে স্বীয় পুত্রের ন্যায় ধর্মামুসারে প্রতিপালন করেন। এই ধর্মামুসারে আসাতে বোধ হইতেছে যেন, সেই লোক-প্রিয় মহারাজ পাণ্ডু আমাদের হিত সাধনার্থে বন হইতে প্রত্যাগত হইলেন। আহা ! আজি পাণ্ডুনন্দনগণ নগরে পুনরাগত হওয়াতে আমাদের কিপর্যন্ত আনন্দ হইতেছে ! আমরা যদি কখন দান করিয়া থাকি, যদি হোম করিয়া থাকি এবং যদি তপস্যা করিয়া থাকি ; তবে সেই পুণ্যফলে পাণ্ডুনন্দনগণ শতায়ু হইয়া এই নগরে বাস করুন।

তদনন্তর পাণ্ডুনন্দনগণ জ্যেষ্ঠতাত ধৃতরাষ্ট্র ও পিতামহ ভীষ্ম এবং অন্যান্য গুরু জনের পাদ বন্দন করিলেন। পৌরগণ তাঁহাদিগকে কুশল জিজ্ঞাসা করিতে লাগিল। পরিশেষে তাঁহারা মহারাজ ধৃতরাষ্ট্রের আঙ্কানুসারে গৃহমধ্যে প্রবেশ করিয়া বিশ্রাম করিতে লাগিলেন।

পাণ্ডুনন্দনগণ কিয়ৎক্ষণ বিশ্রাম করিলে পর মহারাজ ধৃতরাষ্ট্র ও ভীষ্ম তাঁহাদিগকে আহ্বান করিয়া আনিলেন। ধৃতরাষ্ট্র যুধিষ্ঠিরকে সম্বোধন করিয়া কহিলেন, বৎস কৌশ্লেয় ! তুমি ভ্রাতৃগণের সহিত আমার বাক্য শ্রবণ ও তাহার মর্ম বিবেচনা কর। তোমরা রাজ্যের অর্দ্ধাংশ গ্রহণ করত খাণ্ডবপ্রস্থে গিয়া বাস কর, তাহা হইলে দুর্ষ্যো-ধনাদির সহিত তোমাদিগের পুনরায় বিবাদ হইবার আর সম্ভাবনা নাই। যেমন সুরপতি দেবগণকে রক্ষা করেন, অর্জুন খাণ্ডব-প্রস্থে তোমাদিগকে সেইরূপ রক্ষা করিলে আর কেহই তোমাদের অনিষ্ট করিতে পারিবে না।

পাণ্ডবগণ অর্দ্ধ রাজ্য প্রাপ্তির অনুমতি পাইয়া রাজ্যাজ্ঞা স্বীকার ও তদীর চরণে

প্রতিপাতপূর্বক কৃষ্ণ সমভিব্যাহারে অরণ্য-পথে খাণ্ডবপ্রস্থে প্রবেশ করিলেন। তাঁহাদিগের আগমনে খাণ্ডবপ্রস্থ অলঙ্কৃত ও সুরনগরীর ন্যায় সুশোভিত হইল। তৎপরে তাঁহারা কোন পবিত্র স্থানে শান্তি-কার্য্য সমাধা করিয়া নগরের পরিমাণ করিতে লাগিলেন। ঐ নগর সমুদ্রসদৃশ পরিখা দ্বারা অলঙ্কৃত ; পাণ্ডবর্ণ মেঘমালা ও হিমরশ্মির ন্যায় গগনস্পর্শী প্রাচীরদ্বারা বেষ্টিত ; শ্বেতনাগ সমারূত পাতালু-গঙ্গা ভোগবতীর ন্যায় সুশোভিত ; গরুড়ের ন্যায় দ্বিপক্ষ দ্বারসমূহ ও পরম রমণীয় সৌধসমূহে সমাকীর্ণ ; মন্দর ভূধরের ন্যায় অতুলিত ; অস্ত্রশস্ত্র-সুরক্ষিত গোপুরসমুদায়ে সুশোভিত ; ভীষণ ভূজঙ্গমাকার শক্তি, তীক্ষ্ণ অক্ষুশ, শতস্রী, লৌহচক্রপ্রভৃতি অস্ত্রকলাপ, যন্ত্রসমুদায় ও তম্পসমূহ দ্বারা অলঙ্কৃত এবং যোধগণ কর্তৃক সুরক্ষিত। ঐ নগরমধ্যে সুবিস্তৃত রাজপথ-সকল সুবিভক্ত রহিয়াছে ; কোনপ্রকার দৈবী পীড়া নাই ; সুখা-ধবলিত বিবিধ পর-মোৎকৃষ্ট ভবনসমুদায় চতুর্দিকে শোভা পাইতেছে। ফলতঃ ইন্দ্রপ্রস্থ-নগর তৎকালে নভোমণ্ডলস্থ বিদ্যুৎ-সমারূত মেঘবৃন্দের ন্যায় দৃষ্ট হইতে লাগিল। উহার মধ্যে পরম রমণীয় প্রদেশে কুবের-গৃহ-তুল্য ধন-সম্পন্ন কোরবগৃহ বিরাজিত রহিয়াছে। নগরের চতুর্দিকে আশ্র, আশ্রাতক, নীপ, অশোক, চম্পক, পুন্নাগ, নাগপুষ্প, লকুচ, পনস, শাল, তাল, তমাল, বকুল, কেতক, প্রাচীনাগলক, লোধু, অকোন, জয়ু, পাটল, কুঞ্জক, অতিমুক্ত, করবীর, পারিজাতপ্রভৃতি কলপুষ্প-ভরানামিত স্মনোৎসব-সমুদায়ে পরিপূর্ণ উদ্যানসকল শোভা পাইতেছে। ঐ সমস্ত উদ্যানে মত্ত ময়ূর কোকিলপ্রভৃতি বিবিধ সুকণ্ঠ পক্ষিগণ সর্বদা মধুরস্বরে গান করিতেছে। আদ-

শের ন্যায় স্বচ্ছ বহুবিধ গৃহ, মনোহর লতা-
গৃহ ও বিচিত্র চিত্রগৃহসকল উহার মনোহারিণী
শোভা সম্পাদন করিতেছে। হংস, বক,
চক্রবাক, কারুণ্ডপ্রভৃতি নানাজাতীয় জল-
চর পক্ষিগণে শোভিত, স্বচ্ছজল-পরিপূর্ণ,
পদ্মরেণু-সুবাসিত, বৃহৎ বৃহৎ বাপী, সরো-
বর, পুষ্করিণী ও তড়াগসমুদায় উহাতে
শোভা পাইতেছে। ঐ নগরমধ্যে ক্রমে
ক্রমে সর্ষ বেদ-বেত্তা ব্রাহ্মণগণ সর্ষ-ভাষা-
বিশারদ ব্যক্তিগণ, ধনাকাজ্ঞী বণিকগণ,
এবং শিল্পোপজীবী স্মৃতিপুণ জনগণ আ-
সিয়া বাস করিতে লাগিল।

পাণ্ডবগণ খাণ্ডবপ্রস্থের পরম রমণীয়
শোভা নিরীক্ষণ করিয়া অতিমাত্র প্রীত
হইলেন এবং পিতামহ ভীষ্ম ও জ্যেষ্ঠতাত
ধৃতরাষ্ট্রের অনুমতিক্রমে তথায় বাস ক-
রিতে লাগিলেন। ইন্দ্রতুল্য মহাধনুর্ধর
পঞ্চ পাণ্ডব বাস করাতে খাণ্ডবপ্রস্থের পূ-
র্ষাপেক্ষা অধিকতর রমণীয়তা পরিবর্দ্ধিত
হইল। মহাবীর বাসুদেব ও বলদেব
পাণ্ডবদিগকে খাণ্ডবনগরে রাখিয়া তাঁহা-
দিগের অনুমতি গ্রহণপূর্বক দ্বারবতী প্র-
স্থান করিলেন।

অষ্টাদিক দ্বিশততম অধ্যায়।

জনমেজয় কহিলেন, হে তপোধন !
মহাসত্ত্ব মহাবল পরাক্রান্ত মদীয় পিতামহগণ
রাজ্য লাভানন্তর খাণ্ডবপ্রস্থে বাস করত
কোন্ কোন্ কৰ্ম করিয়াছিলেন, তাঁহাদের
ধর্মপত্নী দ্রৌপদী একাকিনী হইয়া কিরূপে
তাঁহাদের পাঁচ জনের মনোরক্ষা করিয়াছি-
লেন, আর তাঁহারা পঞ্চ ভ্রাতাই বা কিপ্র-
কারে একাকিনী দ্রৌপদীতে অনুরক্ত হইয়া
অবিবাহে কাল যাপন করিতেন ; এই সমস্ত
শ্রবণ করিতে আমার সাতিশয় অভিলাষ
হইতেছে, আপনি অনুগ্রহপূর্বক বর্ণন করুন।

বৈশম্পায়ন কহিলেন, মহারাজ ! পাণ্ড-
বগণ ধৃতরাষ্ট্রের আজ্ঞানুসারে রাজ্য প্রাপ্ত

হইয়া কৃষ্ণা সমভিব্যাহারে খাণ্ডবপ্রস্থে
বাস করিতে লাগিলেন। সত্যপ্রতিজ্ঞ মহা-
তেজা যুধিষ্ঠির রাজা হইয়া জাতুচতুর্ভুজ
সমভিব্যাহারে ধর্ম্যানুসারে প্রজা পালন ক-
রিতে লাগিলেন। সেই শত্রুকয়কারী
মহাপ্রাজ্ঞ, সতানিষ্ঠ, ধর্মপরায়ণ, পঞ্চ ভ্রাতা
পরমাঙ্কাদে তথায় বাস করত রাজ্যাসনে
উপবিষ্ট হইয়া সমস্ত পৌরকার্য সম্পাদন
করিতেন।

একদা তাঁহারা পঞ্চ ভ্রাতা একত্র হইয়া
সুখে উপবিষ্ট আছেন, এমন সময়ে দেব-
র্ষি নারদ যদৃচ্ছাক্রমে তাঁহাদের সমীপে
সমুপস্থিত হইলেন। মহাত্মা যুধিষ্ঠির তাঁ-
হাকে উপবেশনার্থ এক মহার্ আসন প্রদান
করিলেন। দেবর্ষি উপবিষ্ট হইলে যথা-
বিধি অর্ঘ্য প্রদান পুরঃসর তাঁহাকে সৎকার
করিলেন। দেবর্ষি পূজা গ্রহণানন্তর পরম
প্রীত হইয়া মহারাজ যুধিষ্ঠিরকে আশী-
র্ষাদ করিয়া আসন পরিগ্রহ করিতে অনু-
মতি করিলেন। ধর্ম্যানু ধর্ম্যানন্দন দেবর্ষির
নিদেশানুসারে আসনে উপবেশন করিয়া
দ্রৌপদীসমীপে তদীয় আগমনবার্তা পা-
ঠাইলেন। ক্রপদরাজ-তুহিতা নারদের আ-
গমনবার্তা শ্রবণে শুচি ও স্তম্ভিতা হইয়া
তাঁহার সমীপে আগমন করিলেন এবং চরণ
বন্দনাপূর্বক কৃতাজলিপুটে বিনীত ভাবে
দণ্ডায়মান রহিলেন। দেবর্ষিসত্তম নারদ
রাজনন্দিনী দ্রৌপদীকে বিবিধপ্রকার আশী-
র্ষাদ করিয়া অস্তঃপুর গমনে অনুমতি
করিলেন।

পাঞ্চালরাজতনয়া তথা হইতে গমন
করিলে ঋষিশ্রেষ্ঠ নারদ নিভৃতে যুধিষ্ঠি-
রাদি পঞ্চ ভ্রাতাকে সম্বোধন করিয়া ক-
হিতে লাগিলেন। হে পুরুষশ্রেষ্ঠ পাণ্ডব-
গণ ! তোমরা পঞ্চ ভ্রাতা ; কিন্তু একাকিনী
ক্রপদতনয়া তোমাদের ধর্মপত্নী ; অতএব
যাঘাতে তোমাদের পরস্পর জাতুবিচ্ছেদ

না হয়, এমন কোন উপায় বিধান কর। পূর্বে কালে লোকত্রয়-বিশ্রুত স্তম্ভ ও উপ-স্তম্ভ নামে দুই ভ্রাতা ছিল। তাহারা অন্যের অবধ্য। ঐ ভ্রাতৃত্বের পরস্পর একপ সৌহার্দ ছিল, যে তাহারা একত্র শয়ন, একত্র উপবেশন ও এক রাজ্য শাসন করিত। কেবল তিলোত্তমার নিমিত্ত বিবাদ করিয়া তাহারা পরস্পরকে সংহার করিয়াছিল। তোমাদের পঞ্চ ভ্রাতারও এক্ষণে পরস্পর যৎপরোনাস্তি সৌহার্দ আছে, অতএব দেখিও যেন বিবাদ না হয়, এই নিমিত্তই আমি কোন সছুপায় স্থির করিতে কহিতেছি।

যুধিষ্ঠির কহিলেন, হে মহর্ষে ! আপনি যে স্তম্ভ ও উপস্তম্ভের কথা কহিলেন, তাহারা কাহার পুত্র? কি প্রকারে উৎপন্ন হইয়াছিল? কেনই বা তাহাদের পরস্পর ভেদ হইল? এবং কি করিয়াই বা পরস্পর পরস্পরকে সংহার করিয়াছিল? আর যে অঙ্গরা তিলোত্তমার রূপলাবণ্য দর্শনে তাহারা কামান্ধ হইয়া পরস্পরের প্রাণ নাশ করে; সেই অঙ্গরাই বা কাহার কন্যা? হে তপোধন! এই সমস্ত বৃত্তান্ত আদ্যোপান্ত শ্রবণ করিতে আমার একান্ত বাসনা হইতেছে, আপনি অনুগ্রহপূর্বক সবিস্তর বর্ণন করুন।

নবাধিক দ্বিশততম অধ্যায়।

নারদ কহিলেন, হে কুন্তীনন্দন যুধিষ্ঠির! তুমি ভ্রাতৃগণ সমভিব্যাহারে সেই স্তম্ভোপ-স্তম্ভের পুরাতন ইতিহাস শ্রবণ কর। পূর্বে কালে মহাসুর হিরণ্যকশিপুর বংশে নিকুন্ত নামে মহাবল পরাক্রান্ত তেজস্বী এক দৈত্য জন্ম গ্রহণ করে। ঐ দৈত্য ষাণ্ডীয় দানব-গণের অধীশ্বর ছিল। তীমপরাক্রম ক্রুর-মনা স্তম্ভ ও উপস্তম্ভ তাহারই পুত্র। ঐ মহাবলপরাক্রান্ত একনিশ্চয় ও এককর্ণা-নিরত ভ্রাতৃত্বের সর্বদা সমতুল্য হইয়া

কাল যাপন করিত। তাহারা কেহ কাহাকে পরিত্যাগ করিয়া ভোজন, শয়ন বা গমন করিত না। মৃত পরস্পর পরস্পরের প্রিয় কার্য করিত এবং পরস্পরকে প্রিয় বাক্য কহিত। কলন্তঃ তাহাদিগের দুই ভ্রাতাকে দেখিলে বোধ হইত যেন, এক মূর্ত্তি দ্বিধা বিভক্ত হইয়াছে। সেই মহোদরদ্বয় ক্রমে ক্রমে বয়ঃ প্রাপ্ত হইল।

কিয়দিন পরে স্তম্ভ ও উপস্তম্ভ ত্রৈলোক্য-বিজয় সংগ্ৰহে দীক্ষিত হইয়া বিজ্ঞা-পূর্বক গমনপূর্বক অতি কঠোর তপস্যা আরম্ভ করিল। সেই জটাবক্ষসধারী বীরদ্বয় তপোবুষ্ঠান-কালে ক্ষুৎপিপাসা পরিত্যাগ-পূর্বক কেবল বায়ু তক্ষণ ও আপনাদের গাত্রমাংস ছেদন করিয়া অগ্নিতে আচ্ছতি প্রদান করিত এবং অনিমেষ-লোচন ও উর্দ্ধ-বাহু হইয়া চরণের বৃদ্ধাঙ্গুষ্ঠে নির্ভর করত দণ্ডায়মান থাকিত। এইরূপে তাহারা বহু কাল কঠোর তপস্যা করিল। বিজ্ঞাচল তাহাদের অত্যাশ্রিত তপঃপ্রভাবে তাপিত হইয়া ধূম মোচন করিতে লাগিল।

দেবগণ সেই অদ্ভুত ব্যাপার দর্শনে যৎপরোনাস্তি ভীত হইয়া তাহাদের তপো-বিদ্ব সাধনে যত্নবান হইলেন। তাহারা কখন বিবিধ রত্ন, কখন বা স্তম্ভরী স্ত্রী সমুদায় দ্বারা তাহাদিগকে প্রলোভিত করিবার চেষ্টা করিতেন, কিন্তু তাহারা কিছুতেই বিচলিত হইল না। তখন দেবগণ মায়াজাল বিস্তার করিয়া তাহাদের তপোবিদ্ব করিবার চেষ্টা করিতে লাগিলেন। একদা তাহারা তপস্যা করিতে করিতে দেখিল, একটা শূলধারী বিকটাকার রাক্ষস তাহাদের মাতা, ভগিনী, পত্নী ও অন্যান্য বন্ধুবান্ধবদিগকে প্রাণ সংহারার্থ লইয়া ষাইতেছে। রাক্ষস-তয়ে তাহাদিগের বসন, ভূষণ ও মাল্যাদি পরিভ্রষ্ট হইল। পরে তাহারা সেই দুই ভ্রাতাকে উদ্দেশ করিয়া “পরিজ্ঞান কর,

পরিজ্ঞান কর' বলিয়া উচ্চৈঃস্বরে আহ্বান করিতে লাগিল। সুন্দ ও উপসুন্দ তাহাতেও কিছুমাত্র বিচলিত হইল না। তদর্শনে সেই সমস্ত স্ত্রীগণ ও রাক্ষস অস্থম্বিত হইল।

তদনন্তর সর্বভূত হিতকারী ভগবান্ ব্রহ্মা স্বয়ং সেই মহাসুরদ্বয়ের সমীপে সমুপস্থিত হইয়া তাহাদিগকে বর প্রদান করিতে উদ্যত হইলেন। দৃঢ়বিক্রম সুন্দ ও উপসুন্দ ভগবান্ কমলযোনিতে সমাগত দেখিয়া ক্লুতাঞ্জলিপুটে দণ্ডায়মান হইয়া কহিতে লাগিল, হে পিতামহ! আপনি যদি আমাদের প্রতি প্রসন্ন হইয়া থাকেন, তবে এই বর দিন, যেন আমরা সর্বমায়ান্তিষ্ঠ, সর্বাশ্রকোবিদ ও মহাবলপরাক্রান্ত হই; ইচ্ছানুরূপ রূপ ধারণ করিতে পারি এবং উভয়ে অমর হই। ব্রহ্মা কহিলেন, আমি অমরত্বভিন্ন তোমাদের অন্য সমুদায় প্রার্থনায় সন্মত হইলাম। অমরত্ব বিধান করিলে তোমরা দেবতাদিগের সমান হইবে। তোমরা সকলের উপর একাধিপত্য করিব বলিয়া এই কঠোর তপস্যা আরম্ভ করিয়াছ, অতএব তোমাদিগকে অমরত্ব প্রদান করা বিধেয় নহে। তোমরা ত্রৈলোক্য বিজয়ের মানসে তপস্বরণে সমুদ্যত হইয়াছ, এই নিমিত্ত তোমাদিগকে অমরত্ব প্রদান করিলাম না। তখন সুন্দ ও উপসুন্দ কহিল, হে পিতামহ! যদি আপনি নিতান্তই আমাদের অমর না করেন, তবে এই বর প্রদান করুন যেন, ত্রৈলোক্যস্থ যাবতীয় স্বাবর বা জন্ম পদার্থ হইতে আমাদের কোন ভয় না থাকে; কেবল আমরা পরস্পর পরস্পরকে সংহার করিতে পারি। ব্রহ্মা কহিলেন, হে দানবেশ্বর! আমি তোমাদের প্রার্থনায় সন্মত হইলাম; আমি বর দিতেছি, তোমরা যেকোন প্রার্থনা করিলে, তোমাদের তদনুরূপ যত্ন হইবে। ভগবান্ কমলযোনি দৈ-

ত্যদ্বয়কে এইরূপ অভিমত বর প্রদান দ্বারা কঠোর তপস্যা হইতে নিবৃত্ত করিয়া ব্রহ্মলোকে গমন করিলেন। সুন্দ ও উপসুন্দ ইহারাও সর্বলোকপিতামহ ব্রহ্মার বরে সর্ব লোকের অবধ্য হইয়া স্বীয় ভবনে প্রস্থান করিল।

স্বাভিলষিত বর লাভানন্তর প্রত্যাগত ত্রাতৃদ্বয়কে অবলোকন করিয়া তাহাদের স্নহদর্শন পরম পরিতুষ্ট হইল। তৎপরে সুন্দ ও উপসুন্দ স্বীয় জটাতার পরিত্যাগপূর্বক মস্তকে কিরীট, অঙ্গে মহার্হ আভরণ এবং দিব্য বসন পরিধান করিল। তৎকালে তাহারা যেন অকাল-কৌমুদীর সার্বকালিক প্রাচুর্য্য প্রবর্তিত করিল। তাহাদিগের বান্ধবগণ আনন্দসলিলে ভাসমান হইল। স্থানে স্থানে নৃত্যগীত, স্থানে স্থানে বাদ্যোদ্যম, ও স্থানে স্থানে "দীয়তাং" "ভূজ্যতাং" ইত্যাদি বাক্য প্রয়োগ হইতে লাগিল। কামরূপী দৈত্যগণ এইরূপে আনন্দ-সাগরে নিমগ্ন হইয়া অবিচ্ছিন্ন বিহার দ্বারা শত শত বৎসর একমুহূর্তের ন্যায় অতিবাহিত করিতে লাগিল।

দশাধিক দ্বিশততম অধ্যায়।

নারদ কহিলেন, এইরূপে দৈত্যপুত্র আনন্দে পরিপূর্ণ হইল। দানবেশ্বর সুন্দ ও উপসুন্দ ত্রৈলোক্য জয় করিবার মানসে মন্ত্রণা করিয়া সৈন্যগণকে সূক্ষ্মজিত হইতে আদেশ করিল। তৎপরে তাহারা স্নহদগণ, বৃদ্ধ দৈত্যগণ ও মন্ত্রিগণের অমুজ্জা গ্রহণপূর্বক মঘা-নক্ষত্র-যুক্তা রজনীতে প্রাস্থানিক মঙ্গলাচরণ করত গদা, পাউশ, শূল, মুদার-প্রভৃতি বহুবিধ অস্ত্র-শস্ত্র-ধারিণী দানব-বাহিণী সমভিব্যাহারে যুদ্ধ যাত্রা করিল। গমনকালে চারণগণ মাতুলিক স্তুতি পাঠ করিয়া তাহাদের প্রতি বর্জন করিতে লাগিল।

তদনন্তর সেই যুদ্ধ-তুর্নাদ কামচারী দানবদ্বয় অস্তুরীকে গমন করত দেবগণের ভবনে প্রবেশ করিল। দেবগণ তাহাদের আ-

গমন দেখিয়া এবং ব্রহ্মার বর দানের বিষয় জানিতে পারিয়া স্বর্গ পরিত্যাগপূর্বক ব্রহ্মলোকে প্রস্থান করিলেন । সুন্দ ও উপসুন্দ অনারাসে ইন্দ্রলোক জয় করিয়া স্বর্গ রক্ষা প্রভৃতি খেচরগণের প্রাণ নাশ করিতে লাগিল; এবং ক্রমে ক্রমে রসাতলস্থ নাগগণ ও সমুদ্রতীরবাসী মেঘজাতিদিগকে জয় করিল । পরে সমস্ত-মেদিনীমণ্ডল-বিজয়ার্থী মহাবল পরাক্রান্ত দানবদ্বয় স্বীয় সেনাগণকে আহ্বান করিয়া কহিল, দেখ রাজর্ষিগণ মহাযজ্ঞ দ্বারা এবং দ্বিজগণ হব্য কব্যা দ্বারা দেবগণের তেজ, বল ও সম্পত্তি পরিবর্দ্ধিত করিতেছে । চল আমরা সকলে একত্র হইয়া সেই অস্তুরদেবী দুই রাজগণ ও ব্রাহ্মণগণের প্রাণ নাশ করি । সুন্দ ও উপসুন্দ সৈন্যগণকে এইরূপ আদেশ করিয়া মহাসমুদ্রের পূর্ব তীরে গমন করিল । তথায় যে সকল ব্রাহ্মণেরা যজ্ঞ করিতেছিলেন, এবং যাঁহারা যজ্ঞ করাইতেছিলেন, তাঁহাদিগকে বিনাশ করিল । সৈন্যগণ তপোধনদিগের আশ্রমস্থিত অগ্নিহোত্র লইয়া জলে নিক্ষেপ করিল । মুনিগণ ক্রুদ্ধ হইয়া শাপ দিতে লাগিলেন, কিন্তু ব্রহ্মার বরপ্রভাবে সে শাপ কোন কার্যকরক হইল না । যখন তপোধনেরা দেখিলেন, তাঁহাদের শাপ শিলানিক্ষিপ্ত শিলীমুখের ন্যায় বার্থ হইল, তখন তাঁহারা অগত্যা তপোমুষ্ঠান পরিত্যাগপূর্বক পলায়ন-পরায়ণ হইলেন । অধিক কি কহিব, পৃথীতলে যে সমস্ত মহর্ষিগণ তপঃসিদ্ধ, দান্ত ও শমপরায়ণ ছিলেন, তাঁহারাও গরুড়ভয়ে ভীত সর্পগণের ন্যায় পলায়ন করিতে লাগিলেন । তাহাদিগের উপদ্রবে আশ্রমসকল উগ্ন ও কলস শ্রব প্রভৃতি যজ্ঞীয় দ্রব্য সামগ্রীসকল চতুর্দিক বিকীর্ণ হইল । কলতঃ তৎকালে সমুদায় জগৎ কালপ্রস্থের ন্যায় শূন্যপ্রায় বোধ হইতে লাগিল ।

এইরূপে মহর্ষিগণ পলায়ন করিলে সুন্দ ও উপসুন্দ তাঁহাদিগকে বিনাশ করিবার মানসে নানাপ্রকার কৌশল আরম্ভ করিল । তাহারা কখন মদস্রাবী মত্ত কুঞ্জের রূপ ধারণপূর্বক, দুর্গমধ্যে লুক্কায়িত ঋষিগণকে বধ করিত; কখন সিংহরূপী কখন বা ব্যাঘ্ররূপী হইয়া তপোধনগণের প্রাণ সংহার করিত । সেই দুর্দান্ত দানবদ্বয়ের দৌরাত্ম্যে বহুসংখ্যক নৃপতিগণ ও ব্রাহ্মণগণ প্রাণ ত্যাগ করিলেন । যজ্ঞামুষ্ঠান ও বেদাধ্যয়ন একবারে রহিত হইল; উৎসবের সম্পর্কও রহিল না । চতুর্দিকে কেবল হাহাকার শব্দ, সকলেই ভয়ে কম্পান্বিতকলেবর । ক্রয়-বিক্রয়-ব্যবহার এবং কৃষি গোরক্ষা কার্য্য সমুদায় নিবৃত্ত হইল । দেবকার্য্য, পিতৃকার্য্য ও পুণ্যোদ্ভাষ প্রভৃতি শুভ কর্মসকল বিলপ্তপ্রায় এবং নগর ও অশ্রম সমুদায় উৎসন্ন হইয়া গেল । চতুর্দিকে কেবল অগ্নি ও কঙ্কাল দৃষ্ট হইতে লাগিল । তৎকালে ভূমণ্ডল একবারে দুষ্শোণ্য হইয়া উঠিল । চন্দ্র সূর্য্য প্রভৃতি গ্রহগণ, তারাসমুদায়, নক্ষত্রমণ্ডল ও অন্যান্য দেবগণ সেই ক্রুরকর্মা দানবদ্বয়ের নৃশংসারূপ দর্শনে বিষাদমাগরে নিমগ্ন হইলেন । এইরূপে সুন্দ ও উপসুন্দ ক্রুর কর্মা দ্বারা সমস্ত দিক্ বিজয় করিয়া নিষ্কণ্টকে কুরুক্ষেত্রে বাস করিতে লাগিল ।

একাদশাধিক দ্বিশততম অধ্যায় ।

নারদ কহিলেন, তদনন্তর সমস্ত দেবর্ষিগণ, সিদ্ধগণ ও পরমর্ষিগণ সুন্দোপসুন্দরূত সেই উপদ্রব দর্শনে যৎপরোনাস্তি হুঃখিত হইলেন । ঐ সকল জিতক্রোধ, জিতাত্মা ও জিতেন্দ্রিয়গণ জগতের দুঃখবহা দর্শনে অনুকম্পা পরতন্ত্র হইয়া ব্রহ্মার ভবনে গমন করিলেন । তথায় দেখিলেন, সর্বলোক-পিতামহ উপবাস কমলাসন দেবগণের সহিত স্নেহে উপবিষ্ট হইয়াছেন,

সিদ্ধগণ ও ব্রহ্মর্ষিগণ তাঁহার চতুর্দিকে উপবিষ্ট রহিয়াছেন। তখন দেবাদিদেব মহাদেব, অগ্নি, বায়ু, চন্দ্র, সূর্য্য, ইন্দ্র, ঋষিগণ, ঐবধানসগণ, বালিখিল্যগণ, ও মরীচিপারী বানপ্রস্থগণ পিতামহের সমীপে সমুপস্থিত হইলেন। মহর্ষিগণ তথায় গমন করিয়া অতিকাতর স্বরে সূন্দোপসুন্দরূত উপদ্রব বৃত্তান্ত আনুপূর্ব্বিক নিবেদন করিলেন। তখন দেবগণ, সিদ্ধগণ ও পরমর্ষিগণও ঐ দানবদ্বয়ের দৌরাভ্যা-বৃত্তান্ত পিতামহকে জানাইলেন।

ভগবান্ কমলাসন তাঁহাদিগের বাক্য শ্রবণানন্তর কর্তব্য বিষয়ে মুহূর্ত্তকাল চিন্তা করত সূন্দ ও উপসুন্দকে সংহার করিবার বাসনায় বিশ্বকর্মাণকে আহ্বান করিলেন। বিশ্বকর্মা তৎক্ষণাৎ তাঁহার সমীপে সমুপস্থিত হইলেন। তখন সর্ব্বলোক-পিতামহ ভগবান্ ব্রহ্মা তাঁহাকে এক সর্ব্বাঙ্গসুন্দরী কামিনী নির্মাণ করিতে আদেশ করিলেন। বিশ্বকর্মা যে আঞ্জা বলিয়া ব্রহ্মার বাক্য স্বীকার ও তাঁহাকে নমস্কার করিয়া পুনঃপুনঃ চিন্তা করত তাঁহার আঞ্জানুরূপ রমণী নির্মাণ করিতে আরম্ভ করিলেন। ত্রিলোক-মধ্যে কি স্থাবর কি জঙ্গম যে কোন বস্তু অতীব রমণীয় বলিয়া খ্যাত, বিশ্ববিৎ বিশ্বকর্মা সেই সমস্ত বস্তু তথায় আনয়ন করিলেন। তিনি নির্মাণকালে সেই কামিনীর গাত্রে কোটি কোটি রত্ন সন্নিবেশিত করিলেন। বিশ্বকর্মা-বিনির্মিত রত্নসংঘাত-খচিত সেই কামিনী ত্রিলোকস্থ সমস্ত মহিলাগণের অধিক্ষেপস্বরূপ হইল। তাহার গাত্রে এমন একটিও স্থান ছিলনা যে, দর্শকগণের দৃষ্টি যে স্থানে পতিত হইলে আসক্ত না হয়। ফলতঃ মুর্ত্তিমতী লক্ষ্মীরূপা সেই কামিনী সর্ব্ব-ভূতের মনোনয়ন-হারিণী হইলেন। ঐ লোকললামভূতা ললনা রত্নসমূহের তিল তিল অংশ লইয়া নির্মিত হইয়াছিল

বলিয়া সর্ব্বলোক-পিতামহ ব্রহ্মা তাঁহার নাম তিলোত্তমা রাখিলেন। তিলোত্তমা ব্রহ্মাকে নমস্কার করিয়া কুতাঞ্জলিপুটে কহিল, ভগবন্। কিনিমিত্ত আমাকে সৃষ্টি করিলেন, আঞ্জাকরন্। ব্রহ্মা কহিলেন, তিলোত্তমে! তুমি দানবরাজ সূন্দ ও উপসুন্দের সমীপে গমনপূর্ব্বক স্বীয় রূপসম্পত্তি দ্বারা তাহাদিগকে এইরূপে প্রলোভিত কর, যেন, তাহার তোমার অলোকসামান্য রূপলাবণ্য দর্শনে মুগ্ধ হইয়া পরস্পর বিরোধ করে।

তিলোত্তমা যে আঞ্জা বলিয়া পিতামহকে নমস্কার করিল, এবং দেবগণকে প্রদক্ষিণ করিতে লাগিল। দেবসভায় ভগবান্ বিষু পূর্ব্বমুখে, মহেশ্বর দক্ষিণমুখে, অন্যান্য দেবগণ উত্তরমুখে এবং ঋষিগণ সর্ব্বতোমুখে উপবিষ্ট ছিলেন। তিলোত্তমা অতি সাবধনতাপূর্ব্বক ভগবান্ মহাদেব ও ইন্দ্রকে প্রদক্ষিণ করিল। প্রদক্ষিণকালে সে মহাদেবের দক্ষিণ পাশ্বে গমন করিলে তদীয় অলোকসামান্য লাবণ্য দর্শনার্থ দক্ষিণ দিকে তাঁহার এক মুখ নির্গত হইল, পশ্চাৎ ভাগে গমন করিলে পশ্চাৎ ভাগে আর এক মুখ নির্গত হইল এবং উত্তর দিকে গমন করিলে সে দিকেও আর একটি মুখ নির্গত হইল। ভগবান্ পুরন্দরেরও সর্ব্বাঙ্গে অতি বিশাল সহস্র লোচন আবির্ভূত হইল। এইরূপে পূর্ব্ব কালে ভগবান্ মহাদেব চতুর্মুখ এবং বলিসুন্দন ইন্দ্র সহস্রলোচন হইয়াছিলেন। অধিক কি বলিব, তৎকালে সর্ব্বলোক-পিতামহ ব্রহ্মা ব্যতীত তত্রস্থ সমস্ত দেবগণ ও ঋষিগণ তিলোত্তমার প্রতি দৃষ্টিপাত করিয়া রহিলেন। এইরূপে তিলোত্তমা দেবগণকে প্রদক্ষিণ করিয়া সূন্দ ও উপসুন্দকে প্রলোভিত করিতে গমন করিল। তিলোত্তমা গমন করিলে দেবগণ ও পরমর্ষিগণ তাহার অতীব রমণীয় রূপলাবণ্য স্মরণ করিয়া পিতামহের অভিসন্ধি সিদ্ধপ্রায় বিবেচনা করিলেন।

পরিশেষে ভগবান্ ভূতভাবন কমলযোনি সমস্ত ঋষিগণ ও দেবগণকে বিদায় করিলেন।

ছাদশাধিক দ্বিশততম অধ্যায় ।

নারদ কহিলেনঃ এদিকে দানবরাজ সূন্দ ও উপসূন্দ স্বীয় বাহুবলে ত্রিভুবন-বিজয়-কার্য্যে কৃতকার্য্য হইয়া নিষ্কণ্টক হইল। দেব, গন্ধর্ষ, যক্ষ, নাগ, রাক্ষস ও ভূপতি-গণের সমস্ত রত্নজাত অপহরণপূর্ব্বক পর-মাঙ্কাদে কালাতিপাত করিতে আরম্ভ করিল। তাহারা যখন দেখিল যে, ত্রিলোক-মধ্যে কেহই তাহাদের প্রতিদ্বন্দ্বী নাই, তখন একবারে যুদ্ধাদি চেষ্টা পরিত্যাগপূর্ব্বক কেবল উত্তমোত্তম স্ত্রী, মালা, গন্ধ, ভক্ষ্য, ও পানীয়প্রভৃতি বিবিধ মনোহর উপভোগ্য বস্তু ভোগ করত অমরের ন্যায় কখন অমৃত-পুরোদ্যানে কখন পর্ব্বতে কখন বনে কখন বা অন্যান্য অভিলষিত স্থানে বিহার করিতে লাগিল।

একদা ঐ দানবদ্বয় বিহারার্থ সমশিতা-তলসম্পন্ন ও নানাবিধ সুগন্ধি পুষ্প সুশো-ভিত পাদপপুষ্পে পরিপূর্ণ বিস্তাপর্ব্বতের প্রস্থদেশে গমন করিল। পরিচারকগণ তথায় সর্ব্বপ্রকার ভোগ্য বস্তু প্রস্তুত করিয়া রাখিয়াছে। তখন সূন্দ ও উপসূন্দ সন্তুষ্টচিত্তে কামিনীগণ সমভিব্যাহারে মহামূল্য অশ্বনে উপবিষ্ট হইল, এবং রমণীগণ নৃত্য, গীত, বাদ্য ও স্ততিবাদ দ্বারা তাহাদিগকে আঙ্কাদিত করিতে লাগিল। ঐ সময়ে বরবর্ণিনী তিলোত্তমা সূক্ষ্ম রক্তায়র পরিধান ও মনো-হারিণী বেশভূষা ধারণপূর্ব্বক ঐ পর্ব্বতস্থ কাননে পুষ্প চয়ন করিতে আরম্ভ করিল। সেই নদীতীরজাত কর্ণিকারসকল চয়ন করিয়া অশ্পে অশ্পে সূন্দোপসূন্দ-সমীপে সমুপস্থিত হইল। দানবদ্বয় তৎকালে সুরা পানে মত্ত হইয়াছিল। চারুহাসিনী তিলোত্তমা তাহাদের নয়নগোচর হইবামাত্র উভয়েই এককালে কন্দর্পশরে জর্জরিত

হইল। তখন তাহারা ছুই জনেই তিলোত্তমা গ্রহণাভিলাষে আসন হইতে গাত্রোপ্তানপূর্ব্বক তাহার নিকট গমন করিয়া, সূন্দ তাহার দক্ষিণকর ও উপসূন্দ বামকর ধারণ করিল। বরপ্রদান-মদ, ধনমদ, বলমদ এবং সুরাপান-মদপ্রভৃতি নানা মদে মত্ত এবং কন্দর্প-শরে জর্জরিত সেই দানবদ্বয় এককালে বন্ধন-পূর্ব্বক পরস্পর পরস্পরকে কহিতে লাগিল। সূন্দ কহিল, এ আমার ভার্য্যা, সূতরাং জ্যেষ্ঠ ভ্রাতার পত্নী বলিয়া তোমার গুরু হইল। উপসূন্দ কহিল, এ আমার ভার্য্যা, সূতরাং কনিষ্ঠ ভ্রাতার পত্নী বলিয়া তোমার বধু হইল। এইরূপে এ আমার ভার্য্যা তোমার নয়, আমার ভার্য্যা তোমার নয়, এই কথা বাবংবার কহিতে কহিতে তাহারা কামে মোহিত হইয়া চির পরিচিত মৌত্রিক ও সৌহার্দে এককালে জলাঞ্জলি প্রদানপূর্ব্বক ক্রোধভরে উভয়ে ভয়ঙ্কর গদা গ্রহণ করিল; এবং “আমি পূর্ব্বক বধ করিব”, “আমি পূর্ব্বক বধ করিব” বলিয়া পরস্পর পরস্পরকে প্রচণ্ড আঘাত করিতে করিতে রুধিরাক্ত-কলেবর হইয়া গগনচ্যুত সূর্য্যদ্বয়ের ন্যায় ছুই জনেই ভূতলে পতিত ও পঞ্চস্থ প্রাপ্ত হইল। তখন সেই মহাবীর-যুগলকে ভূতলশায়ী দেখিয়া তত্রস্থ রমণীগণ ও দানবসমুদায় ভয়ে কম্পিত-কলেবর হইয়া পাতালাতলে পলায়ন করিল।

তদনন্তর সর্ব্বলোক-পিতামহ ভগবান্ ব্রহ্মা দেবগণ ও মহর্ষিগণ সমভিব্যাহারে তিলোত্তমাসমীপে আগমনপূর্ব্বক তাঁহাকে ধন্যবাদ প্রদান করিতে লাগিলেন। নিধাতা ক্রুদ্ধচিত্ত হইয়া তাহাকে বর প্রদান করিবার মানসে কহিলেন, হে ভাবিনি! সূর্য্য যে পথে গভায়াত করেন, তুমি সেই পথে গমনাগমন করিবে, তেজঃপ্রভাবে কেহই তোমাকে স্পর্শ দেখিতে পাইবে না। ব্রহ্মা তিলোত্তমাকে এইরূপ বর প্রদানানন্তর

ইন্দ্রহস্তে ত্রৈলোক্য রক্ষার ভারার্ণপূর্বক ব্রহ্মলোকে প্রস্থান করিলেন।

হে পাণ্ডবগণ! পূর্ব কালে স্কন্দ ও উপ-স্কন্দ এইরূপে বাণ্যকালাবধি একনিশ্চয় থাকিয়াও কেবল ত্রিলোক্তমার নিমিত্তই উভয়ে বিবাদ করত পরস্পর পরস্পরকে সংহার করিয়া ছিল। অতএব আমি তোমাদের প্রতি একান্ত স্নেহবান্ হইয়া উপদেশ দিতেছি যে, যাহাতে দ্রৌপদীর নিমিত্ত তোমাদের পরস্পর ভেদ না হয় এমত কার্য কর, তাহা হইলে আমি পরম শ্রীত হইব।

বৈশম্পায়ন কহিলেন, মহাত্মা পাণ্ডু নন্দনগণ মহর্ষি নারদের এইরূপ বাক্য শ্রবণ করিয়া তাঁহার সমক্ষে পরস্পর এই নিয়ম করিলেন, যে, আমাদের পাঁচ জনের মধ্যে এক জন যখন দ্রৌপদীর নিকটে থাকিবে, তখন অন্য জন তথায় যাইতে পারিবে না। যে এই নিয়ম উল্লঙ্ঘন করিবে, তাহাকে ব্রহ্মচারী হইয়া দ্বাদশ বৎসর বনে বাস করিতে হইবে। ধর্মাত্মা পাণ্ডবগণ এইরূপ নিয়ম করিলে তপোধন নারদ পরম শ্রীত হইয়া স্বাভিলষিত স্থানে প্রস্থান করিলেন। হে ভরতবংশাবতংস জনমেজয়! পাণ্ডু তনয়গণ এইরূপে নারদের উপদেশানুসারে নিয়ম করিয়াছিলেন; তন্নিমিত্তই তাঁহাদের পরস্পর প্রণয় ভঙ্গ হয় নাই।

রাজ্যলাভ পর্ব সমাপ্ত।



অর্জুনবনবাস পর্বাধ্যায়।

ত্রয়োদশাধিক দ্বিশততম অধ্যায়।

বৈশম্পায়ন কহিলেন, পাণ্ডবগণ নারদসমক্ষে এইরূপ প্রতিজ্ঞা করিয়া খাণ্ডবপ্রস্থে বাস করিতে লাগিলেন। তাঁহারা স্বীয় শস্ত্রবলে ক্রমে ক্রমে অন্যান্য ভূপতিগণকে বশীভূত

করিলেন। দ্রুপদনন্দিনী কৃষ্ণা সেই অপরিমিত বলশালী পঞ্চ জাতীর বশবর্তিনী হইলেন। পাণ্ডবগণ দ্রৌপদীকে পত্নী লাভ করিয়া যেকপ শ্রীত হইয়াছিলেন, দ্রৌপদীও তাঁহাদিগকে পতি পাইয়া তদ্রূপ আনন্দিত হইয়াছিলেন। মহাত্মা পাণ্ডবগণের ধর্ম্মানুষ্ঠানজন্য সমস্ত কুরুদেশ দোষণ্য্য ৭ মুখসমৃদ্ধিশালী হইয়া উঠিল।

তাঁহাদের রাজ্য প্রাপ্তির বহুদিন পরে কতিপয় তক্ষর একত্র হইয়া এক ব্রাহ্মণের কতকগুলি গোধন অপহরণ করিল। তাহাতে ব্রাহ্মণ ক্রোধে কম্পিত হইয়া খাণ্ডবপ্রস্থে আগমনপূর্বক উচ্চৈশ্বরে ক্রন্দন করিতে করিতে পাণ্ডবগণের নিকট কহিতে লাগিল, হে পাণ্ডবগণ! ক্রুদ্ধ নৃশংস চৌরগণ এই রাজ্য হইতে আমার গোধন হরণ করিয়া লইয়া যাইতেছে, তোমরা ত্বরায় রক্ষা কর। হে পাণ্ডবগণ! শোণিত ব্রাহ্মণের হবিঃ-কাকে ভক্ষণ করিতেছে; নীচ পশু শৃগাল শার্ঙ্গুলের শূন্য গুহায় প্রবেশ করিতেছে। যে রাজা যথাংশ কর গ্রহণ করিয়াও প্রজাগণকে রক্ষা না করেন, তিনি রাজ্যস্থ সমস্ত লোকের সমগ্র পাপের ভাগী হইবেন। হে পাণ্ডবগণ! চৌরে ব্রাহ্মণের ধন অপহরণ করিতেছে, ধর্ম্মাশী নাশ হইতেছে এবং আমি কাঁতর স্বর্গে ক্রন্দন করিতেছি; অতএব তোমরা আমাকে রক্ষা কর।

কুন্তীনন্দন ধনঞ্জয়সমীপে রোহুদ্যমান ব্রাহ্মণের সেই সকল কাঁতরোক্তি শ্রবণে অনুকম্পাপরতন্ত্র হইয়া “মা ভৈঃ” বলিয়া তাঁহাকে আশ্বাস প্রদান করিলেন। ঐ সময়ে ধর্ম্মরাজ যুধিষ্ঠির আযুধাগারে দ্রৌপদীর সহিত অধাদীন ছিলেন। অর্জুন দুঃখান্ত ব্রাহ্মণের রোদনে যৎপরোনাস্তি দুঃখিত হইয়াও পূর্ব প্রতিজ্ঞানুসারে আযুধাগারে প্রবেশ করিতে পারিলেন না এবং যুধিষ্ঠিরের অনুমতি না লইয়া গমন করিতেও

সমর্থ হইলেন না। তখন তিনি দোলা-
চলচিত্ত হইয়া চিন্তা করিতে লাগিলেন,
নির্দোষ ব্রাহ্মণের ধন অপহৃত হইয়াছে,
ব্রাহ্মণ রোদন করিতেছেন, উহার অশ্রু প্র-
মার্জন করা নিতান্ত কর্তব্য; এদিকে মহা-
রাজবেইউপেক্ষা করিয়া গমন করিলে মহান্
অধর্ম জন্মে। কি করি! যদি দ্বারস্থ রোরুদ্য-
মান ব্রাহ্মণকে রক্ষা না করি, তাহা হইলে
জনসমাজে আমাদের রাজ্যপালনে উপেক্ষা-
জন্য কলঙ্ক ঘোষণা হইবে, আর যদি মহা-
রাজের অনুমতি না লইয়া যাই, তাহা হইলে
তাহার অপমান করা হয়, এবং যদি তাহার
অনুমতি লইবার নিমিত্ত আযুধাগারে প্র-
বেশ করি, তাহা হইলে প্রতিজ্ঞা লঙ্ঘন জন্য
আমাকে বনে গমন করিতে হয়। কিন্তু
রাজসম্মিধানে গমন করিলে আর সকল
দোষই পরিহার করা হয়। যাহা হউক, প্র-
তিজ্ঞা লঙ্ঘন জন্য মহান্ অধর্মই হউক বা
বনে বাসই হউক, ব্রাহ্মণের গোধন রক্ষা
করা সর্বতোভাবে কর্তব্য; যেহেতু শরীর
রক্ষা অপেক্ষাও ধর্মের গৌরব অধিক।

কুন্তীনন্দন ধনঞ্জয় মনে মনে এইরূপ
নিশ্চয় করিয়া শস্ত্রাগারে প্রবেশ করিলেন,
এবং মহারাজ যুধিষ্ঠিরের অনুমতি লইয়া
হৃৎচিন্তে ধনুঃশর গ্রহণপূর্বক ব্রাহ্মণকে
কহিলেন, হে ব্রাহ্মণ! শীঘ্র আমার সহিত
আগমন করুন। পরস্বাপহারী সেই ক্ষুদ্র
চৌরগণ এখনও বহু দূরে পলায়ন করিতে
পারে নাই; আমি ত্বরায় তাহাদিগকে আ-
ক্রমণ করিয়া আপনার গোধন আনয়ন
করিতেছি। মহাবাহু অর্জুন ব্রাহ্মণকে এই
কথা বলিয়া ধনু ও বর্ম ধারণপূর্বক রথে
আরোহণ করিয়া প্রস্থান করিলেন। পরে
অশ্ব গণের মধ্যেই বাণদ্বারা দস্তা-
গণকে সংহার করিয়া ব্রাহ্মণের গোধন
লইয়া তাহাকে প্রদান করিলেন। ব্রা-
হ্মণ অর্জুন কর্তৃক এইরূপে উপকৃত হই-

য়া প্রসন্নচিত্তে তাহার বশ কীর্তন করিতে
লাগিলেন।

মহাত্মা ধনঞ্জয় এইরূপে ব্রাহ্মণের উপ-
কার করিয়া স্বভবনে প্রত্যাগমন করিলেন,
এবং সমস্ত গুরু জনকে অভিবাদন করিয়া
ও তাহাদের কর্তৃক অভিনন্দিত হইয়া মহা-
রাজ ধর্মরাজের সম্মিধানে গমনপূর্বক ক-
হিতে লাগিলেন, হে প্রভো! আপনি
দ্রৌপদীসহবাসে আযুধাগারে অবস্থিত ছি-
লেন, সেই সময়ে আমি তথায় প্রবেশ
করিয়া নিরম উল্লঙ্ঘন করিয়াছি, তন্নিমিত্ত
এক্ষণে পূর্বকৃত প্রতিজ্ঞানুসারে বনে গমন
করিব, আপনি অনুমতি করুন। ধর্মাত্মা
যুধিষ্ঠির সহসা অর্জুনযুখে এই অপ্রিয়
বাক্য শ্রবণ করিয়া যৎপরোনাস্তি চূর্ণিত
হইলেন, এবং সর্বাস্প গদগদ স্বরে কহিতে
লাগিলেন, হে ভ্রাতঃ! যদি তুমি আমাকে
প্রভু বলিয়া জ্ঞান কর, তবে আমি যাহা
কহিতেছি শ্রবণ কর। তুমি কেবল ব্রাহ্মণের
উপকারার্থে আমার গৃহে প্রবেশ করিয়া-
ছিলে, তাহাতে আমার কিছুমাত্র অপ্রিয়া-
নুষ্ঠান করা হয় নাই, আমার সেবিষয়ে
সম্মতি আছে। সস্ত্রীক কনিষ্ঠের গৃহে প্রবেশ
করিলেই জ্যেষ্ঠের অধর্ম হইয়া থাকে, কিন্তু
সপত্নীক জ্যেষ্ঠের গৃহে প্রবেশ করাতে
কনিষ্ঠের কিছুমাত্র পাপ নাই, অতএব হে
মহাবাহো! তুমি আমার বচনানুসারে বন-
গমনে নিবৃত্ত হও; তোমার ধর্ম লোপ
হইবে না; তুমি যাহা করিয়াছ, তাহাতে
আমার অণুমাত্রও অবমাননা হয় নাই।

অর্জুন কহিলেন, হে মহারাজ! আপ-
নিই কহিয়াছেন, ছলপূর্বক ধর্মানুষ্ঠান ক-
রিবে না; অতএব আযুধ স্পর্শ করিয়া কহি-
তেছি, আমি কদাচ সত্য হইতে বিচলিত
হইব না। মহাত্মা অর্জুন এই বলিয়া মহা-
রাজ যুধিষ্ঠিরের অনুমতি গ্রহণ পূর্বক
ষাটশ বর্ষ বনবাসে যাত্রা করিলেন।

চতুর্দশাধিক দ্বিশততম অধ্যায়।

বৈশম্পায়ন কহিলেন, কুরুকুলপ্রদীপ মহাবাহু অর্জুন বনে প্রস্থান করিলে বেদ-বেদান্ত ও দিব্যাখ্যানবেত্তা এবং অধ্যাত্ম-শাস্ত্রবিশারদ ব্রাহ্মণগণ, ভিক্রোপজীবিস-কল, পৌরাণিক স্মৃতগণ, কথকগণ এবং বন-বাসী সংন্যাসিসকল তাঁহার অনুগমন করিলেন। পাণ্ডুনন্দন সেই সমস্ত মধুরভাষী মহাত্মাগণ ও অন্যান্য সহায়ে পরিবৃত হইয়া দেবগণ-সমারূত অমররাজের ন্যায় গমন করিতে লাগিলেন। গমন করিতে করিতে রমণীয় বিচিত্র কানন, সরোবর, নদী, সা-গর, বিবিধ দেশ ও পুণ্য তীর্থসকল দর্শন করিলেন। তিনি ক্রমে ক্রমে গঙ্গাদ্বারে গমন করিয়া তথায় আশ্রম নির্দ্ধারিত করিলেন।

বৈশম্পায়ন জনমেজয়কে সম্বোধিয়া কহিলেন, হে রাজন্! সেই স্থানে বিশুদ্ধাত্মা ধনঞ্জয় যে অদ্ভুত কৰ্ম করিয়াছিলেন, তাহা শ্রবণ কর। কুন্তীনন্দন ধনঞ্জয় ব্রাহ্মণগণ সমত্তিব্যাহারে তথায় বাস করিলে বিপ্রগণ স্থানে স্থানে অগ্নিহোত্র আরম্ভ করিলেন। গঙ্গাতী-রস্থ পুষ্পোপহারালঙ্কৃত সেই সমস্ত মস্তপুত ছত্ৰাশন এবং কুতাভিষেক, সংযমী, সৎপ-থাবলম্বী মহাত্মা দ্বিজগণ দ্বারা গঙ্গাদ্বার অতীব শোভাকর হইল। এইরূপে আশ্রম গৰ্ব্যাকুল হইলে একদা অর্জুন অভিষে-কার্থ গঙ্গায় অবতীর্ণ হইলেন। তথায় স্নান ও পিতামহগণের তর্পণ করিয়া অ-গ্নিকার্য্য করিবার নিমিত্ত যেমন জল হইতে উঠিতেছিলেন, অমনি নাগরাজদুহিতা উ-লূপী আপনার মনোরথ পূর্ণ করিবার আ-শয়ে তাঁহাকে জলমধ্যে আকর্ষণ করিয়া ল-ইল। অর্জুন পরমার্চিত নাগরাজতবনে সমুপস্থিত হইয়া ছত্ৰাশন অবলোকন করিয়া সেই স্থানেই অগ্নিকার্য্য সমাধা করিলেন। তিনি অসম্ভবচিতচিত্তে হোমক্রিয়া সম্পাদিত করিলেন দেখিয়া, ছত্ৰাশন পরম পরিতুষ্ট

হইলেন। অগ্নিকার্য্য সমাধা হইলে অর্জুন দ্রব্য হস্ত করিয়া নাগরাজদুহিতাকে কহি-লেন, হে ভীক! তুমি কি সাহসে একপ সাহসিক কার্য্য করিলে! হে ভাবিনি! এপ্রদেশের নাম কি? তুমিই বা কে? এবং কাহার কন্যা?

উলূপী কহিল, হে রাজন্! ঐরাবতকুলে সমুদ্ভূত কোরব্য নামে এক নাগ আছেন; আমি তাঁহার দুহিতা, আমার নাম উলূপী। হে পুরুষশ্রেষ্ঠ! আমি তোমাকে অভিষে-কার্থ গঙ্গায় অবতীর্ণ দেখিয়া কন্দর্পশরে জর্জরিত হইয়াছি। এক্ষণে তুমি আত্মপ্র-দান দ্বারা এ অশরণা অবলার মনোবাঞ্ছা পরিপূর্ণ কর।

অর্জুন কহিলেন, হে ভদ্রে! আমি ধর্ম্ম-রাজ যুধিষ্ঠিরের নিদেশানুসারে দ্বাদশবা-র্ষিক ব্রহ্মচর্য্য অবলম্বন করিয়াছি; স্মৃ-তাং আমি স্বাধীন নহি, হে জলচারিণি! তোমার প্রিয়ানুষ্ঠান করিতে আমার নি-তান্ত অভিলাষ আছে বটে, কিন্তু আমি পূর্বে কখনই মিথ্যা কহি নাই, অতএব হে ভুজঙ্গমে! যাহাতে আমার অনুতানুষ্ঠান না হয়, তেঁমারও প্রিয় কার্য্য সম্পাদন করা হয় এবং ধর্ম্ম হানি না হয়, এমন কোন উপায় চিন্তা কর।

উলূপী কহিল, হে পাণ্ডবেয়! তুমি যে নিমিত্ত ভূমণ্ডলে ভ্রমণ করিতেছ, এবং তোমার জ্যেষ্ঠ ভ্রাতা যে নিমিত্ত তোমাকে ব্রহ্মচর্য্যানুষ্ঠানে অনুমতি করিয়াছেন, আমি তৎসমুদায় অবগত আছি। তোমরা পূর্বে প্রতিজ্ঞা করিয়াছিলে যে, যে সময় আমাদের এক জন দ্রৌপদীর সমীপে থা-কিবেন, তৎকালে অন্য কেহ তথায় গমন করিলে তাঁহাকে দ্বাদশ বর্ষ বনে বাস ও ব্রহ্মচর্য্যানুষ্ঠান করিতে হইবে। হে ধর্ম্মাজন্! তোমরা দ্রৌপদীর নিমিত্ত পর-স্পর এই রূপ বনবাসের নিয়ম করিয়াছিলে

অতএব আমার অভিলাষ সকল করিলে তোমার অধর্ম হইবে না। হে পৃথুলোচন! আর্ত ব্যক্তিকে পরিজ্ঞান করা তোমাদিগের অবশ্য কর্তব্য কর্ম; অতএব আমাকে পরিজ্ঞান করিলে তোমার অধর্ম হইবে না। যদিও ইহাতে তোমার যৎকিঞ্চিৎ ধর্ম হানি হয়, আমার প্রাণ দান করিলে ততোধিক ধর্ম লাভ হইবে। হে পার্থ! আমি তোমাতে নিতান্ত ভক্ত এবং একান্ত অনুরক্ত হইয়াছি। তুমি সাধুগণের পদবী অবলম্বন-পূর্বক আমার বাসনা পরিপূর্ণ কর। যদি তুমি ইহাতে অসম্মত হও, তাহা হইলে আমি নিশ্চয়ই প্রাণ ত্যাগ করিব; অতএব আমার প্রাণ দান করিয়া পরমোৎকৃষ্ট ধর্ম উপার্জন কর। হে পুরুষোত্তম কৌন্তেয়! তুমি প্রত্যহ অনাথ দীনগণকে রক্ষা করিয়া থাক, আমি অদ্য তোমার শরণাপন্ন হইয়াছি, এবং আমার অভিলাষ পূর্ণ কর বলিয়া বারংবার প্রার্থনা করিতেছি; তুমি আশ্রয়দান দ্বারা মনোরথ সফল করি। আমার প্রিয়ানুষ্ঠান কর।

কুন্তীনন্দন ধনঞ্জয় নাগরাজদুহিতা উলূপী কর্তৃক এইরূপ অভিহিত হইয়া ধর্ম-বুদ্ধিতে তদীয় মনোবাঞ্ছা পূর্ণ করিলেন। তিনি সেই রাত্রি তথায় বাস করিয়া সূর্যোদয়কালে নাগভবন হইতে গাত্রোথান-পূর্বক উলূপী সমভিব্যাহারে পুনরায় গঙ্গা-দ্বারে প্রত্যাগমন করিলেন। পতিব্রতা উলূপী, অর্জুনকে “তুমি সমস্ত জলচরগণকে জয় করিতে পারিবে” এই বর প্রদান করিয়া এবং তাঁহাকে তথায় রাখিয়া স্বস্থানে প্রস্থান করিলেন।

পঞ্চদশাধিক দ্বিশততম অধ্যায় ।

বৈশম্পায়ন কহিলেন, মহারাজ! তদনন্তর ইন্দ্রাজ্ঞ অর্জুন ব্রাহ্মণদিগকে সেই সমস্ত বৃত্তান্ত নিবেদন করিয়া হিমাচলের পার্শ্বদেশে গমন করিলেন। তিনি ক্রমে ক্রমে অগস্ত্যবট,

বশিষ্ঠপর্বত ও ভৃগুতুরে গমন করিয়া পরম পবিত্রতা লাভ করিলেন। কুরুসভম অর্জুন অসংখ্য বাসভবন ও সহস্র সহস্র গোধন বিপ্রসং করিয়া হিরণ্যবিন্দুর-তীর্থে অবগাহনপূর্বক অনেকানেক পুণ্য স্থান সন্দর্শন করিতে লাগিলেন। পরে বিপ্রগণ সমভিব্যাহারে হিমগিরি হইতে অবতীর্ণ হইয়া উৎসুকমনে পূর্ব দিক্ দর্শনে যাত্রা করিলেন। এইরূপে নন্দা, অপূরনন্দা, কৌশিকী, গঙ্গাপ্রভৃতি মহানদীসকল এবং গয়াপ্রভৃতি পুণ্য তীর্থ পর্যটন করিয়া আপনাকে পবিত্র করিলেন। অঙ্গ, বঙ্গ ও কলিঙ্গপ্রভৃতি জনপদে যে সকল তীর্থ, দেবালয় এবং সিদ্ধাশ্রম আছে, অর্জুন সর্বত্র গমন, দর্শন ও ধন দান করিয়াছিলেন। অনন্তর সমভিব্যাহারী ব্রাহ্মণেরা কলিঙ্গ রাজ্যের দ্বারদেশ পর্য্যন্ত আসিয়া তাঁহার অনুমতি গ্রহণপূর্বক প্রত্যাবৃত্ত হইলেন। মহাবীর ধনঞ্জয় অত্যপ্সমাত্র সাহারসম্পন্ন হইয়া সাগরান্তিমুখে যাত্রা করিলেন। তিনি কলিঙ্গদেশ ও তত্রতা পুণ্য তীর্থসকল অতিক্রম করিয়া সুরম্য হর্ম্যাবলী অবলোকন করিতে করিতে চলিলেন। মহাবাহু অর্জুন তাপসগণ-পরিশোভিত মহেন্দ্রপর্বত নিরীক্ষণ করিয়া মহাসাগরের উপকূলমার্গে মণিপুরে গমন করিলেন এবং তত্রতা দেবালয় ও পুণ্য তীর্থসকল সন্দর্শন করিয়া তদ্দেশীয় রাজার নিকটে উপনীত হইলেন। মণিপুরেশ্বর পরম-ধার্মিক। চিত্রাক্রদা নামে তাঁহার এক পরম সুন্দরী দুহিতা ছিল। রাজকুমারী স্বেচ্ছাক্রমে পুরমধ্যে ভ্রমণ করিতেছিলেন, এমন সময়ে অর্জুন তাঁহাকে মননগোচর করিয়া মনে মনে সেই বরবর্ণিনীর পাণিগ্রহণ করিবার বাসনা করিলেন। পরে রাজার নিকটে উপনীত হইয়া স্বীয় অভিলাষ প্রকাশ-পূর্বক কহিলেন, রাজন্! আমি ক্ষত্রিয়,

এই কন্যা আমাকে সম্প্রদান করুন। তাহা শ্রবণ করিয়া রাজা জিজ্ঞাসা করিলেন, তুমি কাহার পুত্র এবং তোমার নাম কি? অর্জুন কহিলেন, আমি কুন্তীপুত্র, নাম ধনঞ্জয়। মণিপুত্রেশ্বর তাঁহাকে পুনর্বার কহিলেন, হে ধনঞ্জয়! অস্মদংশে প্রভঞ্জন নামে এক জন রাজর্ষি ছিলেন। তিনি নিঃসন্তানতাপ্রযুক্ত পুত্রকামনায় অতি কঠোর তপস্যা করেন। ভগবান ভবানীপতি তদীয় উগ্র তপস্যায় প্রসন্ন হইয়া “তোমাদিগের প্রত্যেকের এক এক পুত্র হইবে” বলিয়া তাঁহাকে বর প্রদান করিয়াছিলেন। তদবধি আমাদিগের বংশে এক একটি করিয়া পুত্র উৎপন্ন হয়। হে ভরতর্ষভ! আমার পূর্ব পুরুষদিগের সকলেরই পুত্র জন্মিয়াছিল, কিন্তু আমার এই একমাত্র কন্যা, সুতরাং আমি ইহাকে পুত্র বলিয়া জ্ঞান করিয়া থাকি। ইহা দ্বারা বংশ রক্ষা হইবে, এই আশয়ে আমি ইহাকে পুত্রিকা গ্রহণ করিয়াছি, অতএব ইহার গর্ভজাত পুত্র আমারই বংশকর হইবে, হে পাণ্ডব! যদি এই নিয়মে সন্মত হও, তাহা হইলে আমার কন্যার পাণিপীড়ন করিতে পারিবে। অর্জুন নিয়মানুরূপ প্রতিজ্ঞা করিয়া সেই কাশ্মীর পাণিগ্রহণপূর্বক তথায় তিন বৎসরকাল বাস করিয়া রহিলেন। পরে পুত্র উৎপন্ন হইলে তিনি চিত্রাঙ্গদাকে আলিঙ্গনপূর্বক রাজার নিকট বিদায় লইয়া গমন করিলেন।

ষোড়শাধিক দ্বিশততম অধ্যায়।

বৈশম্পায়ন কহিলেন, মহারাজ! অনন্তর অর্জুন দক্ষিণসাগরে তপস্বিজ্ঞান-সুশোভিত অতি পবিত্র তীর্থস্থানে গমন করিলেন, কিন্তু পূর্বে যে সকল তীর্থস্থানে অনেকানেক তপস্বিজনের সমাগম হইত, মহর্ষিগণ সেই পঞ্চতীর্থ পরিত্যাগ করিয়া ছিলেন। অগস্ত্যতীর্থ, সৌভদ্র, পৌলোম্য, অশ্বমেধ-কলোৎপাদক কারকম তীর্থ ও অ-

শেষ পাপাপহারক ভারদ্বাজ তীর্থ, অর্জুন এই পঞ্চ তীর্থ দর্শন করিলেন। তিনি সেই সমস্ত তীর্থ জনশূন্য এবং ধর্মবুদ্ধিপরা-য়ণ মহর্ষিগণ কর্তৃক ত্যজ্যমান দেখিয়া কৃতাজলিপুটে জিজ্ঞাসা করিলেন, হে মহর্ষিগণ! ব্রহ্মবাদীরা কি নিমিত্ত এই সকল তীর্থ পরিত্যাগ করেন? তাপসেরা প্রত্যুত্তর করিলেন, হে কুরুনন্দন! এই তীর্থে পাঁচটি কুন্তীর বাস করিতেছে; তাহারা অবগাহন-মাত্রেই তাপসদিগকে সংহার করিয়া থাকে; এই কারণে আমরা ঐ পঞ্চ তীর্থ পরিত্যাগ করিয়াছি।

মহর্ষিগণের বাক্য শ্রবণানন্তর মহাবীর অর্জুন তাঁহাদের কর্তৃক নিবারিত হইয়াও সেই সমস্ত তীর্থস্থান দর্শনার্থে যাত্রা করিলেন, এবং সৌভদ্রতীর্থে উপস্থিত হইয়া সহসা অবগাহনপূর্বক স্নান করিতে লাগিলেন। এই অবসরে এক কুন্তীর আসিয়া তাঁহার পাদগ্রহণ করিল। ধনঞ্জয় সেই ভয়ঙ্কর কুন্তীরকে বলপূর্বক গ্রহণ করিয়া উৎখিত হইলেন। কুন্তীর অর্জুনকর্তৃক উদ্ধৃত হইবামাত্র সর্কালঙ্কার-শোভিতা সর্কালঙ্ক-সুন্দরী এক নারীরূপ পরিগ্রহ করিল। এই অদ্ভুত ব্যাপার প্রত্যক্ষ করিয়া অর্জুন প্রীতমনে সেই নারীকে কহিলেন, হে কল্যাণি! তুমি কে? কি নিমিত্ত জলচরী হইয়াছ? আর পূর্বে এমনই বা কি পাপ করিয়াছিলে? দিব্যাঙ্গনা কহিল, হে মহাভাগ! আমি দেবারণ্যবিহারিণী এক অন্দরা, আমার নাম বর্গা, ধনপতি কুবের আমাকে যথেষ্ট সমাদর করিয়া থাকেন। একদা আমি চারি সহচরীর সহিত দেবরাজ ইন্দ্রের ভবনে গমন করিয়াছিলাম। প্রত্যাবর্তনকালে অধায়নপর পরম রূপবান একান্তচারী এক ব্রাহ্মণকে নয়নগোচর করিলাম। তিনি স্বকীয় তেজঃ ও তপঃপ্রভাবে প্রদীপ্ত দিবাকরের ন্যায় সকল বনবিভাগ আলোকমর কর-

তেছেন। আমরা আকাশমার্গ হইতে তপঃ-প্রভাব, আকার ও সৌন্দর্য্য সন্দর্শন করিয়া তাঁহার তাদৃশ তপস্যার বিষয় সম্পাদন করিবার নিমিত্ত তথায় অবতীর্ণ হইলাম। তৎপরে সৌরভেয়ী, সমীচী, বুদ্ধনা ও লতী এই চারি সহচরী সমভিব্যাহারে তপস্বিসন্নিধানে গমন করিলাম। গমন করিয়া মধুর সংগীত ও হাস্যালাপে তাঁহাকে বিবিধ প্রকারে প্রলোভন দেখাইতে লাগিলাম, কিন্তু তিনি কিছুতেই ক্রক্ষেপ করিলেন না। তৎকালে তিনি ধ্যানে মনোনিবেশ করিয়াছিলেন, আমরা কোন মতেই তাঁহাকে বিচলিত করিতে পারি নাই। অনন্তর ব্রাহ্মণ আমাদেরিগের এইরূপ ভাবভঙ্গী দর্শনে তৎক্ষণাৎ ক্রোধ-পরবশ হইয়া অভিসম্পাত করিলেন, “রে অপরাগণ! আমার শাপপ্রভাবে তোরা শতবৎসর কুস্তীরযোনি প্রাপ্ত হইয়া থাকি।

সপ্তদশাধিক দ্বিশততম অধ্যায় ।

বর্গা কহিল, হে ভরতবংশাবতঃস! অনন্তর আমরা অশাপপ্রস্তু ও একান্ত দুঃখিত হইয়া ব্রাহ্মণের শরণাপন্ন হইলাম। কহলাম, হে বিপ্র! আমরা রূপ, যৌবন ও কন্দর্পমদে মত্ত হইয়া আপনার নিকট যে অপরাধ করিয়াছি, তাহা ক্ষমা করুন। আপক্ষ মহাত্মা, আমরা যে আপনাকে প্রলোভন দেখাইবার নিমিত্ত আগমন করিয়াছিলাম, তাহাতেই আমাদেরিগের বধ পর্য্যাপ্ত হইয়াছে। ধার্মিকেরা ব্রাহ্মলোকদিগকে অবধ্যা করেন, অতএব হে তপোধন! আপনি ষ্ঠং প্রতিপাগন করুন, আমাদেরিগের প্রতিহিংসা করিয়া আপনার কি উপকার দর্শিবে? ব্রাহ্মণই সর্ব জীবের বন্ধু, একথা যেন মিতান্ত্র অমূলক না হয়। শরণাগত লোকদিগকে আশ্রয় প্রদান করাই সাধুদিগের কার্য্য, এক্ষণে আমরা আপনার শরণাগত হইয়াছি, ক্ষমা করুন।

তখন চন্দ্রকুর্ব্য-সমকালে দ্বিজবর অপরা-

দিগের এইরূপ স্তুতিবাক্যে প্রসন্ন হইয়া কহিলেন, হে অপরাগণ! শত বা শতসহস্র শব্দ আনন্ত্যবাচক বটে, কিন্তু আমি যে শতবৎসর শব্দ নির্দেশ করিয়াছি, উহা কেবল পরিমাণবাচকমাত্র, আনন্ত্যবাচক নহে। কিন্তু যৎকালে তোমরা কুস্তীরযোনি প্রাপ্ত হইয়া জলমধ্যে মনুষ্যের পাদগ্রহণ করিবে, তদবসরে যদি কেহ তোমাদিগকে জলমধ্যে হইতে উদ্ধার করিতে পারেন, তাহা হইলে তোমরা পুনর্বার স্বমূর্ত্তি লাভ করিতে পারিবে। আমি পরিহাসক্লেও কদাচ মিথ্যা কহি নাই। আর তোমরা যে তীর্থে বাস করিবে, তাহা তদবধি পবিত্র নারীতীর্থ বলিয়া সর্বত্র বিখ্যাত হইবে।

বর্গা কহিল, অনন্তর আমরা বিপ্রকে প্রদক্ষিণ ও অভিবাদনপূর্বক ছুঃখিতমনে তথা হইতে অপস্থত হইয়া চিন্তা করিতে লাগিলাম, যিনি আমাদেরিগকে স্থলে আকর্ষণ-পূর্বক পূর্ববৎ রূপসম্পন্ন করিবেন, আমরা সেই মহাত্মাকে কত কালে সন্দর্শন পাইব! আমরা মুহূর্ত্তকাল এইরূপ চিন্তা করিতেছি, ইত্যবসরে দেবর্ষি নারদ আমাদেরিগের নয়নপথে পতিত হইলেন। তাঁহাকে দৃষ্টিগোচর হইয়াবামাত্র আমরা সন্তুষ্টমনে অভিবাদন করিয়া লজ্জাবনতমুখে সন্মুখে দণ্ডায়মান রহিলাম। দেবর্ষি আমাদেরিগকে ছুখের কারণ জিজ্ঞাসা করিলেন। আমরাও আদ্যোপান্ত সমুদায় নিবেদন করিলাম। তখন তিনি সবিশেষ শ্রবণ করিয়া কহিলেন, দক্ষিণ মহাসাগরের কচ্ছদেশে পঞ্চতীর্থ ন্যূন, অতি পবিত্র ও রমণীয় স্থান আছে, তোমরা তথায় যাইয়া বাস কর। পাণ্ডুনন্দন অর্জুন অচিরকালমধ্যে তথায় উপস্থিত হইয়া তোমাদিগের দুঃখ মোচন করিবেন। সন্দেহ নাই। তৎপরে আমরা তীর্থ আদ্যেশাক্ষুণ্ডে এই স্থানে আগমন করিয়াছি। অমর্য্য আমাদেরিগে দুঃখ মোচন হইল সত্য বটে,

কিন্তু আমার অপর চারি সহচরী এই জলমধ্যে
বাস করিতেছেন, আপনাকে তাঁহাদিগেরও
তৃপ্তিশাস্তিকপ শুভ কর্ম করিতে হইবে।

অনন্তর পাণ্ডবশ্রেষ্ঠ অর্জুন তাহাদিগেরও
শাপ মোচন করিয়াছিলেন। তাহার
জলমধ্য হইতে উদ্ধৃত ও পূর্বাঙ্কর প্রাপ্ত হ-
ইয়া পূর্ববৎ শোভা পাইতে লাগিল। অন-
ন্তর মহাবীর অর্জুন তীর্থশুদ্ধি সম্পাদন-
পূর্বক অপ্সরাদিগকে গমনের আদেশ দিয়া
চিত্রাঙ্গদাকে দর্শন করিবার নিমিত্ত পুনর্বার
মণিপুরে গমন করিলেন। তথায় চিত্রাঙ্গদা-
গর্ভে বক্রবাহন-নামক পুত্র উৎপাদন করিয়া
গোকর্ণতীর্থে যাত্রা করিয়াছিলেন।

অষ্টাদশাধিক দ্বিশততম অধ্যায়।

বৈশম্পায়ন কাহিলেন, মহারাজ! অনন্তর
অমিত-বিক্রম অর্জুন ক্রমে ক্রমে অপরাণ্ড
প্রদেশস্থ সমস্ত তীর্থ ও পবিত্র আয়তনে গ-
মন করিলেন। পশ্চিম সমুদ্রের উপকূলে
যে সমস্ত তীর্থ ও পুণ্যায়তন আছে, সেই
সমস্ত স্থানেও পর্যটন করিয়া পরিশেষে
প্রভাসে উপস্থিত হইলেন। প্রিয় সখা অ-
র্জুন প্রভাসে আসিয়াছেন শুনিয়া, বৃষ্ণি-
বংশাবতংস কৃষ্ণ তথায় গমন করিলেন।
কৃষ্ণ অর্জুন সাক্ষাৎকার লাভে পরম পরি-
তোষে পরস্পর আলিঙ্গন ও কুশল জি-
জ্ঞাসা করিয়া সেই স্থানে অবস্থিতি ক-
রিলেন। পরে কৃষ্ণ প্রিয় সখা অর্জুনকে জি-
জ্ঞাসা করিলেন, হে অর্জুন! তুমি কিনি-
মিত্ত এই সমস্ত তীর্থ পর্যটন করিতেছ?
অর্জুন বাসুদেব-সমক্ষে আপনার তীর্থ-প-
র্যটন-বৃত্তান্ত আদ্যোপান্ত সমস্ত কীর্তন
করিলেন। তাহা শ্রবণ করিয়া কৃষ্ণ “সকল
হইয়াছে” বলিয়া তাকে প্রত্যুত্তর দি-
লেন। তৎপরে তাঁহার প্রভাসে স্নেহা-
নুসারে বিহার করিয়া বাসার্থ রৈবতক-প-
র্ভতে উপস্থিত হইলেন। বাসুদেবের আ-
দেশানুসারে তদীর অধিকৃত পুরুষেরা ইতি-

পূর্বেই রৈবতক-পর্ভত সুসজ্জিত ও আ-
হারসামগ্রীসকল আহরণ করিয়া রাখি-
য়াছিল। অর্জুন সেই সমস্ত ভোজনীয় দ্রব্য
গ্রহণ ও উপযোগ করিয়া কৃষ্ণের সহিত
নটগণের নৃত্যগীত দর্শন ও শ্রবণ করিলেন।
তৎপরে তাহাদিগকে সমুচিত সৎকার ও
পারিতোষিক প্রদানপূর্বক বিদায় করিয়া
সুপরিচ্ছন্ন শয়নমন্দিরে গমন করিলেন।
তথায় চুক্তফেণধবল শয্যায় শয়ন করিয়া
প্রিয় সখার নিকট বহু র নদী, পলল, পর্ভত
ও বনবৃত্তান্ত সকল বর্ণন করিতে লাগিলেন।
সেই স্বর্গসম্মিত শয্যায় শয়ান অর্জুন যথা-
বৃত্তান্ত সকল বর্ণন করিতে করিতে নিদ্রায়
প্রচতন হইলেন। প্রভাত কালে সুমধুর
সঙ্গীত শ্রবণ, দীণাবাদ্য ও মঙ্গল স্তুতিবাদ
দ্বারা প্রতিবোধিত হইলেন।

অনন্তর অর্জুন তৎকালোচিত সঙ্ক্কা-
বন্দ্যাদি কার্য সমাধানন্তর বাসুদেব ক-
র্তৃক অভিনন্দিত হইয়া কাঞ্চননির্মিত রথে
আরোহণপূর্বক দ্বারকায় যাত্রা করিলেন।
তাঁহার সৎকারার্থ দ্বারকাপুরী ও তত্রতা
ক্রীড়াক্ষেত্রসকল অলঙ্কৃত ও সুশোভিত
হইল। অর্জুন পুর প্রবেশ করিলে তাঁহাকে
দেখিবার নিমিত্ত দ্বারকাবাসী শতসহস্র
লোক সমগ্র রাজমার্গে আগমন করিতে
লাগিল। কৃষ্ণক, ভোজ ও বৃষ্ণিবংশীয় মহি-
লাগণ গাঢ়কদ্বারে দণ্ডায়মান রহিল।
অর্জুন এইরূপে যাবদগণ কর্তৃক সমাদৃত
ও সৎকৃত হইয়া নমস্কারবর্গকে নমস্কার কন্দি-
লেন। তৎপরে রাজকুমারেরা আসিয়া তাঁহার
সৎকার করিলেন। অর্জুন সমস্ত সমবয়স্ক-
দিগকে আলিঙ্গন করিয়া কৃষ্ণের সহিত সুরমা
হর্ষো কতিপয় দিবস সুখে অতিবাহিত
করিতে লাগিলেন।

অর্জুন

দ্বারকা পর্ভ সমাপ্ত।

সুভদ্রাহরণ পর্বাধ্যায় ।

উনবিংশত্যাধিক দ্বিশততম অধ্যায় ।

বৈশম্পায়ন কহিলেন, মহারাজ ! অনন্তর
কিয়দিবস রৈবতকপর্বেতে অক্ষক ও যজ্ঞ-
বংশীরদিগের মহান উৎসব আরম্ভ হইল ।
উক্তবংশোদ্ধৃত বীরপুরুষেরা উৎসবোপলক্ষে
রৈবতকবাসী ব্রাহ্মণদিগকে প্রচুর অর্থ দান
করিলেন । সেই পর্বেতেই সন্নিহিত প্রদেশ-
সকল, রত্নমণ্ডিত অট্টালিকাবলী ও কম্পপাদ
পসমূহ দ্বারা সুশোভিত হইল ; এবং স্থানে
স্থানে নৃত্যগীত, স্থানে স্থানে বাদ্যোদ্যম
হইতে লাগিল । যজ্ঞবংশীয় রাজকুমারেরা
বহুবিধ অলঙ্কারে অলঙ্কৃত হইয়া সুসজ্জিত
স্বর্ণঘাণে আরোহণপূর্বক বারংবার ইত-
স্ততঃ ভ্রমণ করিতে আরম্ভ করিলেন । শত
সংস্র পুরবাসীরা কেহ বহুবিধ দিবা যানে,
কেহ সামান্য যানে কেহ বা পুত্রকলত্র স-
মভিব্যাহারে পাদচারে সঞ্চরণ করিতে
লাগিল । বলদেব মধুপানে মত্ত ও গন্ধ-
র্কগণ কর্তৃক অনুগত হইয়া নিজ ভার্য্যা
রৈবতীর সহিত ভ্রমণ করিতে লাগিলেন ।
প্রবলপ্রতাপ যজ্ঞবংশীয় রাজা উগ্রসেনও
অঙ্গনাসহস্রে পরিবৃত হইয়া গন্ধর্কদিগের
সুমধুর সঙ্গীত শ্রবণপূর্বক পরম সুখে
বিহার করিতে ছিলেন । স্বর্ণমণ্ডিতময় ও
শালু, ইঁহারাও মধুপানে নিতান্ত উন্মত্ত হ-
ইয়া দিব্যায়র পরিধান ও দিব্য মাল্য ধারণ-
পূর্বক বিহার করিতে ছিলেন । অকুর, সা-
রণ, গদ, বক্র, বিদূরথ, নিশঠ, চারুদেব,
পৃথু, বিপৃথু, সত্যক, সাত্যকি, ভরুকার,
মহারব, হার্দিক্য ও উজ্জব, ইঁহারা এবং
অন্যান্য যজ্ঞবংশীয়েরাও পৃথক পৃথক গন্ধ-
র্কগণ ও অঙ্গনাগণে পরিবৃত হইয়া উৎসব
করিতেছিলেন ।

এই পরমাসুত কোতুংল আরম্ভ হইলে
বাসুদেব অর্জুন সমভিব্যাহারে তথায় উ-

পস্থিত হইলেন, উপস্থিত হইয়া উৎসব-
সমাজে ইতস্ততঃ সঞ্চরণ করিতেছেন, এই
অবসরে তাঁহারা, সখীজনপরিবৃত্য সর্কাল-
কারশোভিতা সর্কালসুন্দরী বসুদেবচুহিতা
সুভদ্রাকে দর্শন করিলেন । দর্শন করিবামাত্র
অর্জুনের অস্বঃকরণ চঞ্চল হইয়া উঠিল ।
তখন কৃষ্ণ প্রিয়সখা অর্জুনকে তৎদেকাশ্রমণা
দেখিয়া হাস্তমুখে কহিলেন, সখে ! বনচর
হইয়াও অনঙ্গশরে চঞ্চল হইলে ! এ কি !
ইনি বসুদেবের কন্যা, সারণের সন্তোদরা,
এবং আমারই ভগিনী ; ইঁহাঁর নাম সুভদ্রা ।
হে সখে ! যদি তোমার মন নিতান্তই ই-
ঁহাঁর প্রতি অনুরক্ত হইয়া থাকে, তবে বল,
আমি এই কথা পিতার কর্ণগোচর করি ।
অর্জুন কহিলেন, হে কৃষ্ণ ! পরমরূপসম্পন্ন
সুভদ্রা বসুদেবের কন্যা ও বাসুদেবের
ভগিনী ; সুতরাং কাহার না মনোমোহিনী
হইবেন ? কিন্তু ইনি আমার মহিষী হই-
লেই সকল মঙ্গল সম্পাদিত হয় । অতএব
একগণে কি উপায়ে আমার সুভদ্রা লাভ হ-
ইবে, অনুসন্ধান কর । তাহা যদি মনুষ্যের
সাধ্যাতীত না হয়, তদ্বিষয়ে আমি অকুশল
যত্ন করিব । বাসুদেব প্রত্যুত্তর করিলেন,
হে অর্জুন ! অয়স্বরই ক্ষত্রিয়দিগের বিধেয়,
কিন্তু ত্রীলোকের প্রবৃত্তির কথা কিছুই
বলা যায় না, সুতরাং তদ্বিষয়ে আমার সং-
শয় জন্মিতেছে । আর ধর্মশাস্ত্রকারেরা
কছেন, বিবাহোদ্দেশে বলপূর্বক হরণ
করাও মহাবীর ক্ষত্রিয়দিগের প্রশংসনীয় ।
অতএব অয়স্বর কাল উপস্থিত হইলে তুমি
আমার ভগিনীকে বলপূর্বক হরণ করিয়া
লইয়া যাইবে ; কারণ অয়স্বরে সে কাহার
প্রতি অনুরক্ত হইবে, কে বলিতে পারে ।

অনন্তর বাসুদেব ও অর্জুন এইকাল
ইতিকর্তব্যতা স্থির করিয়া ইন্দ্রপ্রস্থসত
ধর্মরাজ যুধিষ্ঠিরের নিকট ক্রতনামী দূত
প্রেরণ করিলেন । যুধিষ্ঠির এই বৃত্তান্ত শ-

বণ করিয়া তঁদ্বিষয়ে অর্জুনকে অনুমোদন করিলেন।

বিংশতাধিক দ্বিশততম অধ্যায়।

বৈশম্পায়ন কহিলেন, মহারাজ! অনন্তর অর্জুন যুধিষ্ঠিরকে এই সন্বাদ প্রদান ও তাঁহার মত গ্রহণপূর্বক, রৈবতকপর্ষতে সুভদ্রা গমন করিয়াছেন, ইহা অবগত হইয়া তথায় যাইবার নিমিত্ত বাসুদেবের অনুজ্ঞা লাভ করিলেন। তিনি কবচ, বর্ম ও অঙ্গুলিত্রাণ ধারণপূর্বক সুবর্ণকিন্ধিনী-জালালকৃত অস্ত্রশাস্ত্রোপেত প্রজ্বলিত ছত্ৰাশনকম্পে অপূর্ব দিবা রথে আরোহণ পূর্বক মৃগয়াব্যাপদেশে কৃষ্ণকে ইতি কৰ্ত্তব্যতা নিবেদন করত রৈবতকপর্ষতে গমন করিলেন।

এদিকে সুভদ্রা মহাগিরি রৈবতক ও দেবতাদিগকে অর্চনা ও দ্বিজাতিগণের আশীর্বাদ গ্রহণপূর্বক শৈলকে প্রদক্ষিণ করিয়া দ্বারকাভিমুখে যাত্রা করিতেছেন, ইত্যবসরে মহাবীর অর্জুন মদনবাণে একান্ত আক্রান্ত হইয়া সেই মর্দঙ্গসুন্দরী সুভদ্রাকে বলপূর্বক গ্রহণ করিয়া রথে আরোহিত করিলেন।

তদনন্তর তিনি সুভদ্রাকে সেই সুবর্ণময় রথে আরোহিত করিয়া নিজ রাজধানী ইন্দ্রপ্রস্থে প্রস্থান করিলেন। সৈনিক পুরুষেরা সুভদ্রাকে অপকৃত্য দেখিয়া মহাকোলাহলপূর্বক দ্বারকাপুরীর উত্তর পাশ্বে ধাবমান হইল। তাহারা তত্রত্য সুধর্ম্মানামী সভার সমুপস্থিত হইয়া সভাপালসম্মিধানে অর্জুনের বলবিক্রমের বিষয় সমুদায় নিবেদন করিল। সভাপাল সৈন্যমুখে সুভদ্রা-ধারণ বৃত্তান্ত শ্রবণ করিয়া মহাসুবর্ণময় রণভেরী বাহন করিতে লাগিলেন। সেই ভেরীধ্বনি শ্রবণ করিবামাত্র ভোজ, বৃষ্ণি ও অক্ষয়কম্পীরেরা অতিমাত্র ক্রুদ্ধ হইয়া অম-

পান পরিত্যাগপূর্বক চতুর্দিক্ হইতে আগমন করিতে লাগিলেন। তাঁহারা তথায় উপস্থিত হইয়া বিচিত্র মণিবিভ্রমাধিখচিত্ত, অপূর্ব আস্তরণপটে আচ্ছাদিত, শত শত সুবর্ণময় সিংহাসনে প্রজ্বলিত ছত্ৰাশনের ন্যায় উপবিষ্ট হইলেন। সভাপাল অনুচরবর্গের সহিত সমুপবিষ্ট দেবভুল্যা যাদবদিগের নিকট অর্জুন বৃত্তান্ত সমস্ত বর্ণন করিলেন।

মহাবীর যাদবেরা অর্জুনের এই অসহ্য অত্যাচার অবগে ক্রোধে লোহিতগোচন হইয়া অহঙ্কার প্রকাশপূর্বক আসন হইতে উত্থিত হইয়া তৎক্ষণাৎ সারথিদিগকে আদেশ করিলেন, তোমরা শীঘ্র রথযোজনা কর এবং প্রাস, মহর্ষি ধনু ও বৃহৎ কবচসকল আনয়ন কর। কেহ কেহ উচ্চৈশ্বরে সারথিকে আহ্বান করিয়া রথ যোজনা করিতে আদেশ দিলেন। কেহ বা স্বয়ংই সুবর্ণালঙ্কৃত তুরঙ্গমগণয়ানে যোজনা করিতে লাগিলেন। রথ, কবচ এবং ধ্বজপতাকাসকল আনয়ন করিলে সেই বীরসম্মর্দ ভুমূল হইয়া উঠিল। তদনন্তর মধুপানে মত্ত নীলাম্বরধর মহাবীর হলধর তাঁহাদিগকে সম্বোধন করিয়া কহিলেন, হে বীরগণ! তোমরা কি করিতেছ? কৃষ্ণ মৌনভাবে রহিয়াছেন, তাঁহার অভিপ্রাণ জানিয়া ক্রোধ প্রকাশ করা, কিংবা তর্জন গর্জন করা সকলই বৃথা, বৃথা কেন আক্ষালন করিতেছ। মহামতি বাসুদেব প্রথমতঃ স্বীয় অভিপ্রায় ব্যক্ত করুন, পরে ইহারি যেরূপ ইচ্ছা, তোমরা তদনুসারে কার্য করিবে। বলদেবের এইরূপ যুক্তিসঙ্গত ও গ্রহণযোগ্য বাক্য শ্রবণ করিয়া তাঁহারা সকলেই সাধুবাদ প্রদানপূর্বক মৌনভাবে অবলম্বন করিয়া রহিলেন।

বলদেবের বাক্যাবসানে তাঁহারা পুনরায় সভামধ্যে উপবেশন করিলেন। সকলে

উপবিষ্ট হইলে বলদেব কৃষ্ণকে কহিলেন, হে কৃষ্ণ ! দেখ সকলেই তোমার মুখ নিরীক্ষণ করিতেছেন, এ সময়ে কেন মৌনাবলম্বন করিয়া রহিয়াছ ? আমরা তোমার উপরোধেই সেই কুলপাংশুল অর্জুনকে সংকার করিয়াছি, কিন্তু সে সংকারের উপযুক্ত পাত্র নহে। কোন পুরুষ আপনাকে কুলীন বিবেচনা করিয়া, কি যে পাত্রে ভোজন করে সেই পাত্র চূর্ণ করিয়া থাকে ? কোন মূঢ় ব্যক্তি পূর্বকৃত সয়স্কো আদর ও নূতন সয়স্ক সংস্থাপন করিতে ইচ্ছা করিয়া এবং ঐশ্বর্যের অভিলাষ রাখিয়া এইরূপ সাহসিক কার্য্য করিতে সমর্থ হয় ? অর্জুন আমাদের আদর তাদৃশ অবমাননা ও তোমাকে আদর করিয়া অদ্য বলপূর্বক আপন মৃত্যুরূপ সুভদ্রাকে হরণ করিয়াছে। হে গোবিন্দ ! মন্তকে পদাঘাত-তুলা তাহার এই অসহ্য অত্যাচার কিরূপে সহ্য করিব ? সর্পকে পদাঘাত করিলে সে কি তাহা ক্ষমা করিয়া থাকে ? আমি একাকীই অদ্য এই বসুন্ধরাকে নিষ্কোরব করিব, অর্জুনের এই ব্যতিক্রম আমি কখনই সহ্য করিব না। তখন অন্ধকগণও নিবিড় মেঘবৎ গভীরস্বরে গর্জমান বলদেবের বাক্যে অনুমোদন করিলেন।

সুভদ্রাহরণ পর্ব সমাপ্ত।

হরণাহরণ পরীক্ষায় ।

একবিংশত্যাধিক দ্বিশততম অধ্যায়।

বৈশম্পায়ন কহিলেন, যাদবেরা এইরূপে স্ব স্ব বলবীর্য্য প্রকটনপূর্বক অর্জুন গর্জন করিতে লাগিলেন। অনন্তর বাসুদেব অর্ধভূষিষ্ঠ বাক্যে কহিলেন, অর্জুন আমাদের কুলের অবমাননা করেন নাই, বরং সমধিক সম্মান রক্ষাই করিয়াছেন। তিনি

তোমাদিগকে অর্থলুক মনে করেন না বলিয়াই অর্থদ্বারা সুভদ্রাকে গ্রহণ করিতে চেষ্টা করেন নাই। স্বয়ম্বরে কন্যা লাভ করা অতীব দুর্লভ ব্যাপার, এইজন্য তাহাতেও সম্মত হন নাই, এবং পিতামাতার অনুমতি গ্রহণপূর্বক প্রদত্তা কন্যার পাণিগ্রহণ করা তেজস্বী ক্ষত্রিয়ের প্রশংসনীয় নহে। অতএব আমার নিশ্চয় বোধ হইতেছে, কুন্ত্যাপুত্র ধনঞ্জয় উক্ত দোষসমস্ত পর্যালোচনা করিয়া বলপূর্বক সুভদ্রাকে হরণ করিয়াছেন। এই সয়স্ক আমাদের কুলোচিত হইয়াছে। এবং কুল, শীল, বিদ্যা ও বুদ্ধিসম্পন্ন পার্থ বলপূর্বক হরণ করিয়াছেন বলিয়া, সুভদ্রাও যশস্বিনী হইবেন সন্দেহ নাই। অর্জুনকে সামান্য জ্ঞান করিও না; তিনি সর্ব বিষয়ে সর্বশ্রেষ্ঠ; সেই মহাযশা সুপ্রসিদ্ধ অর্জুন কুন্তিভোজের দৌহিত্র। তদীয় জন্মে ভরত-কুল অলঙ্কৃত হইয়াছে। মহাদেব ব্যতিরেকে তাঁহাকে যুদ্ধে পরাভব করিতে পারে, এমন ব্যক্তি দৃষ্টিগোচর হয় না। তাদৃশ রথ, মদীয় ঘোটক এবং লঘুহস্ত পার্থ যোদ্ধা, এই সমস্ত একত্র হইলে ত্রিভুবনমধ্যে এমন বীর কে আছে যে, তাঁহার সম্মুখীন হইতে পারে? অতএব আমার বিবেচনায় প্রকুল্লমনে শীঘ্র ধনঞ্জয়সন্নিধানে যাইয়া সান্ত্বনাদ্বারা তাঁহাকে নিবৃত্ত করা সকলের কর্তব্য; কারণ যদি পার্থ তোমাদিগকে বলে পরাভব করিয়া স্বনগরে গমন করেন, তাহা হইলে তোমাদিগের যশোরশি সদাই বিনষ্ট হইবে, কিন্তু সান্ত্বনাদে পরাজয়ের সম্ভাবনা নাই। যাদবগণ কৃষ্ণের উপদেশানুসারে অর্জুনকে প্রতিনিবৃত্ত করিলে তিনি যথাবিধি সুভদ্রার পাণিগ্রহণ করিলেন, এবং যাদবগণ কর্তৃক পূজিত হইয়া যথেষ্ট বিহার করত দ্বারকাতে সয়ৎসর অতিবাহিত করিলেন। পরে পুষ্করতীরে গমন করত একাদশ বৎসর অতিবাহিত করিলেন। এইরূপে

দ্বাদশবর্ষ পরিপূর্ণ হইলে পুনরায় খাণ্ডবপ্রস্থে প্রত্যাগমন করিলেন।

অর্জুন যথানিয়মে নৃপসন্নিধানে গমন-পূর্বক ব্রাহ্মণদিগকে অর্চনা করিয়া দ্রৌপদীর নিকট উপনীত হইলেন। দ্রৌপদী রমণী-স্বভাবসুলভ ক্রমৎ প্রণয়কোপ প্রকাশ করিয়া কহিলেন, হে কৌন্তেয়! যে স্থানে সাত্ত্বতকুমারী আছে; তথায় গমন কর। অথবা তোমারও নিতান্ত দোষ নাই। গুরুভার বস্ত্র দৃঢ়রূপে বন্ধ থাকিলেও কালক্রমে তাহার পূর্ব বন্ধ শিথিল হইয়া যায়। কৃষ্ণা এবম্বিধ নানা-প্রকার পরিহাস করিতে আরম্ভ করিলে ধনঞ্জয় তাঁহাকে পুনঃ পুনঃ সাস্তুনা এবং তাঁহার নিকট বারংবার ক্ষমা প্রার্থনা করিতে লাগিলেন। পরে অর্জুন রক্তবস্ত্রপরিধানা সূত-দ্রাক্ষে গোপালিকার বেশ ধারণপূর্বক শীঘ্র অন্তঃপুরে প্রস্থান করিতে আজ্ঞা দিলেন। বরাজ্ঞনা সূতদ্রা সেইরূপ বেশভূষায় অধিকতর শোভমানা হইয়া গৃহ প্রবেশপূর্বক পুথার চরণ বন্দনা করিলেন। কুন্তী প্রীতমনে সেই সর্বাঙ্গসুন্দরীর মস্তকে আচ্ছাদন করিয়া ভূরি ভূরি আশীর্বাদ করিতে লাগিলেন। সূতদ্রা তথা হইতে দ্রৌপদী-সন্নিধানে গমন করিয়া তাঁহাকে অভিবাদন-পূর্বক কহিলেন, আমি অদ্যাবধি আপনার অনুচরী হইলাম। কৃষ্ণা গাত্রোপধানপূর্বক কৃষ্ণভগিনীকে আলিঙ্গন করিয়া কহিলেন, তোমার পতি নিঃসপত্ন হউন। মাধবভগিনী “তাঁহাই হউক” বলিয়া দ্রৌপদীকে প্রত্যুত্তর প্রদান করিলেন। পাণ্ডবগণ এবং কুন্তীর আর আঙ্কাদের পরিসীমা রহিল না। পাণ্ডবশ্রেষ্ঠ অর্জুন নির্ঝিষে ইন্দ্রপ্রস্থে গমন করিয়াছেন শুনিয়া বাসুদেব, বলদেব, ও যদুবংশীয় অন্যান্য বীর পুরুষেরা ভ্রাতৃবর্গ, কুমারগণ এবং অসংখ্য সেনাগণ সমভিব্যাহারে তথায় যাত্রা করিলেন। অসাধারণ-ধীশক্তি-সম্পন্ন যাদবচমুপতি অক্রুর, মহাতেজা

অনাধৃষ্টি, মহামুভব উদ্ধব, সত্যক, সাত্যকি, ক্রতবর্মা, সাত্ত্বত, প্রহ্লাদ, শাশ্ব, নিশাঠ, শঙ্কু, চারুদেষ্ণ, ছিলী, বিপৃথু, সারণ, গদ এবং অন্যান্য যাদব, ভোজ ও অন্ধকবংশীয়েরা বহুল যৌতুক গ্রহণপূর্বক খাণ্ডবপ্রস্থে আগমন করিলেন।

অনন্তর রাজা যুধিষ্ঠির, কৃষ্ণ সমাগত হইয়াছেন শ্রবণ করিয়া, তাঁহার অভ্যর্থনার নিমিত্ত নগর ও সহদেবকে প্রেরণ করিলেন। কৃষ্ণ সাদরে পরিগৃহীত হইয়া বজ্রপতাকা-পরিশোভিত খাণ্ডবপ্রস্থে প্রবেশ করিলেন। তৎকালে রাজ-পথসকল নির্ধূলী-কৃত এবং শীতল সুর্য্যকি চন্দ্রনরসে অভিষিক্ত হইয়াছিল। কোন কোন প্রদেশ দহমান অগুরুধূমে সুরভিত, কোন স্থান কুসুমমালায় সুশোভিত, এবং কোন স্থান বণিক্-গণের কোলাহলে পরিপূর্ণ হইয়াছে, কোথাও বা নগরবাসী লোকেরা প্রফুল্লমনে ভ্রমণ করিতেছে। শ্রীকৃষ্ণ বৃষ্ণিবংশীয় ভূপতিগণ ও বলদেব সমভিব্যাহারে নগরে প্রবেশপূর্বক পৌর জন ও ব্রাহ্মণগণ কর্তৃক পূজিত হইয়া ইন্দ্রালয় সদৃশ রাজভবনে প্রবেশ করিলেন। রাজা যুধিষ্ঠির বলরামের যথোচিত সৎকার করিয়া কৃষ্ণের মস্তকোচ্ছাদন এবং বাজ্রযুগল দ্বারা তাঁহাকে আলিঙ্গন করিলেন। কৃষ্ণ বিনীতভাবে ধর্মরাজ ও ভীমসেনকে অভিবাদন করিলেন। যুধিষ্ঠির সেই সমস্ত যাদবগণ ও প্রধান প্রধান অন্ধকদিগকে যথাবিধি সৎকার করিলেন। তিনি কাহাকেও গুরুবৎ পূজা করিলেন, কাহাকেও বয়স্কের ন্যায় প্রিয় সম্ভাষণ ক-করিলেন এবং কাহারও নিকটে বা স্বয়ং অভিবাদিত হইলেন। কৃষ্ণ ধনঞ্জয়কে জ্ঞাতদেয় রত্নসমূহ যৌতুক প্রদান করিয়া বাহন চতুষ্টয়-সংযুক্ত, কিঙ্কিণীজাল-জড়িত সহস্র-সংখ্যক সুবর্ণরথ, সুশিক্ষিত সারথি, মাধুর-দেশীয় অমৃত গো, শ্বেতবর্ণ বড়বাসমূহ

ক্রতগামী অশ্বতরসহস্র, সুবর্ণালঙ্কারবি-
ভূষিত সেবাকুশল কিঞ্চিৎ অধিকবয়স্কা
সহস্র দামী, বাহ্লিকদেশীয় ঘোটকসমূহ,
উৎকৃষ্ট সুবর্ণ রাশি, মদস্রাবী অতুল্যত
রণপরিচিত হস্তীপক-বিশিষ্ট গজবৃথপ্রভৃতি
কন্যাধনসকল সুভদ্রাকে প্রদান করিলেন।
বলরাম সেই সম্বন্ধের বহুমানপূর্বক অমূল্য
রত্নসমূহ, মহার্ষিবস্ত্র, বহুল নাগেন্দ্র এবং
শত পতাকাপ্রভৃতি বস্ত্রজাত যৌতুক দান
করিলেন। মহারাজ যুধিষ্ঠির উক্ত সমস্ত
দ্রব্য প্রতিগ্রহ করিয়া সমাগত যাদব ও অ-
শ্বকগণের যথোচিত সৎকার করিলেন।
যেমন পুণ্যাত্মা লোকেরা পরম সুখে স্বর্গ
ভোগ করেন, তদ্রূপ সেই সকল মহাত্মারা
তথায় গীতবাদ্য দ্বারা যথেষ্ট বিহার ক-
রিতে লাগিলেন।

এইরূপে বহুদিনস অতিবাহিত হইলে
বলদেবপুরঃসর সেই সকল মহাত্মারা কো-
রবগণ কর্তৃক রত্নসমূহও সম্মান দ্বারা পূজিত
হইয়া দ্বারবর্তী-নগর প্রত্যগমন করিলেন।
কৃষ্ণ পার্থের সহিত পরম রমণীয় ইন্দ্র-
প্রস্থে বাস করিতে লাগিলেন। তাঁহারা
ছুই জনে মৃগয়াসক্ত হইয়া মৃগ বরাহ বিদ্ধ
করত যমুনাতীরে ক্রীড়া করিতেন। অনন্তর
শচী যেমন জয়স্তুকে প্রসব করিয়াছিলেন,
তদ্রূপ কৃষ্ণের প্রিয়তমা ভগিনী সুভদ্রা
সুবিখ্যাত ও সর্বলক্ষণাক্রান্ত এক পুত্র প্র-
সব করিলেন। তিনি স্বভাবতঃ অভী ও মন্যু-
মান অর্থাৎ নির্ভয় ক্রোধামিত ছিলেন বলিয়া
তাঁহার নাম অভিমন্যু হইল। লোকে তাঁহা-
কে আর্জুনি বলিয়াও সম্বোধন করিত। যেমন
সংঘর্ষণ দ্বারা শমীবৃক্ষ হইতে অগ্নি সমুদ্ভূত
হয়, তদ্রূপ ধনঞ্জয় হইতে অভিমন্যু উৎপন্ন
হইয়াছিলেন। অভিমন্যুর জন্ম হইলে ধর্ম-
রাজ অমৃত গো ও সুবর্ণরাশি বিপ্রসাৎ করি-
লেন। তিনি জন্মিয়া অবধি কৃষ্ণের সাতিশর
প্রিয়পাত্র ছিলেন। শারদ শর্করীনাথ সন্দর্শ-

নে লোকের যাদৃশ প্রীতি হয়, তাঁহাকে দে-
খিয়া পিতৃগণ ও প্রজাগণের সেই রূপ
আহ্লাদ হইত। তাঁহার জাত কার্যপ্রভৃতি
সমুদায় শুভ কর্ম বাসুদেব স্বয়ং সম্পন্ন
করেন। তিনি শুরূপক্ষীয় চন্দ্রকলার ন্যায়
দিন দিন পবিবর্দ্ধিত হইতে লাগিলেন।
পরে অর্জুনের নিকট নিখিল ধর্মুর্বেদ
শিক্ষা করেন, এবং বিজ্ঞানপ্রভৃতি প্রধান
প্রধান শাস্ত্র ও বিশেষ বিশেষ ক্রিয়া-
কলাপে সুশিক্ষিত হইয়াছিলেন। ধনঞ্জয়,
আগম ও শাস্ত্রপ্রয়োগবিষয়ে আশ্রমকে আ-
শ্রতুল্য এবং সর্বাংশে কৃষ্ণসদৃশ দেখিয়া
আহ্লাদ সাগরে নিমগ্ন হইলেন।

এই সময়ে সুভলক্ষণা দ্রৌপদীও পঞ্চ
পতি হইতে ভূধরতুল্য দৃঢ়কায় মহাবল
পরাক্রান্ত পঞ্চ পুত্র লাভ করিলেন। আদি-
তাজননী অদিতির ন্যায় পাঞ্চালী যুধি-
ষ্ঠির হইতে প্রতিবিন্ধ্য, বৃকোদর হইতে
সুতসোম, অর্জুন হইতে শ্রুতকর্মা, নকুল
হইতে শতানীক এবং সহদেব হইতে শ্রুত-
সেন, এই পঞ্চ বীর প্রসব করিলেন। দ্রৌপ-
দীতনয়েরা প্রত্যেকে এক এক বৎসরান্তরে
জন্মগ্রহণ করেন। তাঁহারা পরস্পর পরস্প-
রের হিতাকাঙ্ক্ষী ছিলেন। মহর্ষি ধৌম্য
আনুপূর্বিক তাঁহাদিগের জাত কর্ম, চূড়া
ও উপনয়নাদি সম্পন্ন করেন। তাঁহারা
বেদাধ্যায়ন সমাপনপূর্বক অর্জুনের নিকট
নিখিল অস্ত্র ও ধর্মুর্বিদ্যা শিক্ষা করিলেন।
হে ভরতর্ষভ। এইরূপে পাণ্ডবেরা দেব-
কুমার সদৃশ আশ্রমগণের সহিত পরম
সুখে খাণ্ডবপ্রস্থে কাল যাপন করিতে
লাগিলেন।

হরণাহরণ পর্ব সমাপ্ত ।

থাণ্ডবদহন পর্বাধ্যায়।

দ্বাবিংশত্যাধিক দ্বিশততম অধ্যায়।

বৈশম্পায়ন কহিলেন, পাণ্ডবগণ ইন্দ্র-
প্রস্থে বাস করত রাজা ধৃতরাষ্ট্রের ও শা-
স্তনব, ভীষ্মের আদেশে অন্যান্য রাজ-
গণকে বিনষ্ট করিলেন। যেমন জীবাঙ্গা
সুলক্ষণসম্পন্ন সংকর্ষশালী পুরুষের শরীরে
সুখে বাস করেন, সেইরূপ সমুদায় লোক
পুণ্যকর্মা ধর্মরাজ যুধিষ্ঠিরকে আশ্রয়
করিয়া ইন্দ্রপ্রস্থে সুখে বাস করিতে লা-
গিলেন। নীতিমান্ ধর্মরাজ ধর্মার্থকাম-
ত্রিবর্গ ও আত্মতুল্যা ভ্রাতৃবর্গের প্রতি নি-
র্বিশেষ অনুরাগ করিতেন। রাজা স্বয়ং
ধর্মার্থকাম ত্রিবর্গের চতুর্থ মোক্ষের ন্যায়
শোভান্বিত হইলেন। বেদাধ্যায়নশীল,
যজ্ঞশীল ও শিষ্টপ্রতিপালক ভূপালকে
প্রাপ্ত হইয়া প্রজাগণের কমলা, অচঞ্চলা
এবং বুদ্ধি ও ধর্মের উৎকর্ষ হইতে লাগিল।
যেমন উচ্চার্যমাণ বেদচতুষ্টি দ্বারা জ্যো-
তিষ্ঠোমাদি মহৎ যজ্ঞ সুশোভিত হয়,
রাজা যুধিষ্ঠির ভ্রাতৃচতুষ্টিয়ের সহিত তক্রপ
নিরতিশয় শোভা প্রাপ্ত হইলেন। যেমন
দেবতার। বেষ্ঠন করিয়া প্রজাপতির উপা-
সনা করেন, রহস্যপ্রতিভুল্য ধৌমাদি ব্রাহ্মা-
গণও ভূপাল যুধিষ্ঠিরকে সেইরূপে উপা-
সনা করিতেন। যেমন নির্মল পূর্ণচন্দ্রের
অবলোকনে প্রজাগণের নেত্র ও হৃদয় প্রফুল্ল
হয়, সেইরূপ ভূপাল যুধিষ্ঠিরকে প্রাপ্ত হইয়া
তাঁহাদিগের নেত্র ও হৃদয় আনন্দে পরিপূর্ণ
হইত। তাঁহারা যে দৈবাবধীন তাঁহার প্রজা
হইয়াছে বলিয়া তাঁহার প্রতি অনুরক্ত থা-
কিত এমন নহে, রাজা ও সর্বদা প্রজাগণের
মনোরঞ্জন করিতেন। ধীমান্ মিস্ত্রভাষী
যুধিষ্ঠিরের মুখ হইতে অনুচিত, মিথ্যা, অ-
সম্ব বা অপ্রিয়-বাক্য কদাচ নির্গত হইত

না। মহাতেজা যুধিষ্ঠির সতত আপনায়
ও অন্যের হিতসাধনেচ্ছ হইয়া পরম পরি-
তোষে কালাতিপাত করিতেন। সুস্থশরীর
ও হৃৎচিন্ত পাণ্ডবেরা স্বকীয় তেজঃপ্রভাবে
অন্যান্য রাজগণকে তাপিত করত ইন্দ্র-
প্রস্থে বাস করিতে লাগিলেন।

একদা অর্জুন কৃষ্ণকে কহিলেন, হে
জনার্দন! ঐশ্বরের অতিমাত্র প্রাচুর্য্য
হইয়াছে, অতএব আমরা সপরিবারে যমু-
নায় যাইয়া জলবিহার করিতে অভিলাষ
করি; সায়ংকালে সকলে প্রত্যাগমন করিব,
তোমার কি অভিরুচি হয়? বাসুদেব কহি-
লেন, হে অর্জুন! আমারও সম্পূর্ণ ইচ্ছা
হইতেছে যে, আমরা সুহৃৎজনপরিবৃত্ত
হইয়া যথেষ্ট জলবিহার করি। বৈশম্পায়ন
কহিলেন, কৃষ্ণ ও অর্জুন ধর্মরাজ যুধিষ্ঠিরের
অনুমতি লইয়া সুহৃৎদলের সহিত যমুনায়
গমন করিলেন। অনন্তর তাঁহারা নানাবিধ
রূক্ষে সমাকীর্ণ ইন্দ্রপুরসদৃশ, বিবিধ খাদ্য
দ্রব্যযুক্ত ও সুগন্ধি মালাজালে পরিবৃত্ত
বিহারদেশে উপস্থিত হইয়া অস্তঃপুরে
প্রবেশ করিলেন। তথায় সকলেই আনন্দে
বিহার করিতে আরম্ভ করিলেন। বিপুল-
নিতম্বা পীনোন্নতপয়োধরা মদস্বলিতগমন
বামলোচনারা ক্রীড়ামদে মত্ত হইয়া উঠিল।
কেহ বনবিহার, কেহ জলবিহার, কেহ বা
গৃহমধ্যে বিহার করিতে লাগিল। দ্রৌপদী
ও সুভদ্রা বিবিধ বিচিত্র বসন ও নানাবিধ
অলঙ্কার কামিনীগণকে প্রদান করিলেন।
কোন কামিনী হৃৎকাতঃকরণে নৃত্যগীত আ-
রম্ভ করিল; কেহ সুমধুর স্বরে শব্দ করিতে
লাগিল; কেহ হাস্য পরিহাসে মত্ত হইল;
কেহ অত্যুৎকৃষ্ট সুরাপান করিয়া গদগদ
স্বরে কথা কহিতে লাগিল; কেহ বা কাঁহার
সহিত বিরোধ আরম্ভ করিল; কেহ বা
নির্জর স্থানে বাইয়া গোপনীয় বিষয় লইয়া
কথোপকথন করিতে লাগিল; এবং তত্রস্থ

সমৃদ্ধিশালী অট্টালিকাসকল বেগু, বীণা ও মৃদঙ্গের সুরমনোহর শব্দে পরিপূর্ণ হইল। অনন্তর মহাজ্ঞা বাসুদেব ও অর্জুন এক মনোহর প্রদেশে গমন করিয়া মহামূলা আসনে উপবেশন করিলেন। তাঁহারা আসনে উপবেশনপূর্বক অতীত ও অন্যান্য বৃত্তান্ত লইয়া নানাপ্রকার কথোপকথন করিতে লাগিলেন। কৃষ্ণাৰ্জুন অশ্বিনীকুমারের ন্যায় আসনে উপবিষ্ট হইয়া আমোদ প্রমোদ করিতেছেন, ইত্যবসরে তপ্তকাঞ্চনসম্মিত তরুণারুণসন্ধ্যা পিঙ্কোঙ্কল-শ্মশ্রুজালজড়িত জটাটীরধারী এক দীর্ঘকায় ব্রাহ্মণ আসিয়া তথায় উপস্থিত হইলেন। তাঁহারা সেই দ্বিজবরকে সমীপে আগত দেখিয়া আসন পরিত্যাগপূর্বক তাঁহাকে অভ্যর্থনা করিলেন।

ত্রয়োবিংশত্যাধিক দ্বিশততম অধ্যায়।

ব্রাহ্মণ আসন পরিগ্রহানন্তর মানবশ্রেষ্ঠ বাসুদেব ও অর্জুনকে কহিলেন, আমি ব্রাহ্মণ, অধিক আহার করিয়া থাকি, এবং সর্বদাই অপরিমিত ভোজন করি; অতএব আপনাদের নিকটে ভিক্ষা প্রার্থনা করিতেছি, আপনারা আমার প্রার্থনা সফল করুন। ব্রাহ্মণ এইরূপ প্রার্থনা করিলে, কৃষ্ণ ও পাণ্ডব তাঁহাকে কহিলেন, আপনি নানাবিধ অন্নের মধ্যে কিপ্রকার অন্ন প্রার্থনা করেন বলুন, আমরা তাহা অংকুরণ করিতে যত্নবান হই। ব্রাহ্মণ এইরূপ অভিহিত হইয়া কহিলেন, আমি অন্ন ভোজন করি না; আমি অগ্নি, অতএব আমার অন্নরূপ অন্ন প্রদান করুন। ইন্দ্রের সখা পদ্মগরাজ তক্ষক স্বীয় পরিবারবর্গের সহিত খাণ্ডববনে বাস করে। বজ্রভৃৎ ইন্দ্র ঐ খাণ্ডববন সর্বদাই রক্ষা করিয়া থাকেন। আমি তাঁহার প্রভাবে খাণ্ডববন দক্ষ করিতে পারি না। ইন্দ্র আমাকে প্রজ্বলিত দেখিলেই মুঘলধারে জল বর্ষণ

করিতে থাকেন, তন্নিমিত্ত আমার অভিলষিত খাণ্ডবদাহ সম্পন্ন করিতে পারিতেছি না। অতএব আপনাদের নিকটে এই ভিক্ষা প্রার্থনা করি যে, আপনারা আমার সহায় হইয়া অত্র ধারণপূর্বক উদকধারা ও তত্রস্থ ইন্দ্রসম্বন্ধীয় প্রাণিগণকে নষ্ট করুন, তাহা হইলে আমি খাণ্ডববন দক্ষ করিতে সমর্থ হই।

জনমেজয় কহিলেন, ভগবান্ হব্যবাহন যে নিমিত্ত অতিশয় ক্রুদ্ধ হইয়া, মহেন্দ্র কর্তৃক রক্ষ্যমাণ নানাসত্বসমাকুল খাণ্ডববন দক্ষ করিতে অভিলাষ করিয়াছিলেন, বোধ হয়, তাহা সামান্য কারণ নহে; অতএব হে দ্বিজবর! আমি সেই বৃত্তান্ত আদ্যোপাস্ত শ্রবণ করিতে অভিলাষ করি, বর্ণন করুন।

বৈশম্পায়ন কহিলেন, মহারাজ! আমি ঋষিগণপ্রশংসিত খাণ্ডববনদাহাশ্রিত পৌরাণিকী কথা কীর্তন করিতেছি, শ্রবণ করুন। মহারাজ শুনিয়া থাকিবেন, পূর্ব কালে খেতকি নামে মহাবল পরাক্রান্ত এক সুবিখ্যাত ভূপাল ছিলেন। এইরূপ জনশ্রুতি আছে যে, সেই রাজর্ষি অতিশয় যাজ্ঞিক ও বুদ্ধিমান ছিলেন। তিনি প্রভূত দক্ষিণা দানপূর্বক যজ্ঞানুষ্ঠান করিতে ন। ক্রিয়ান্ত, যজ্ঞানুষ্ঠান ও বিবিধ ধন দানবিষয়ে প্রতিদিনই তাঁহার যেকপ অনুরাগ হইত, অন্য কোন বিষয়েই সেকপ অনুরাগ জন্মিত না। এইরূপে মহারাজ খেতকি ঋত্বিক্গণ সমভিব্যাহারে অনেকানেক যজ্ঞানুষ্ঠান করিয়াছিলেন। অনন্তর ঋত্বিক্গণ অনবরত উৎপিত যজ্ঞধুম দ্বারা ব্যাকুললোচন ও বহুকাল যাজন কার্য্য সমাধানপূর্বক একান্ত খিন্ন হইয়া রাজাকে কহিলেন, আপনি আমাদিগকে পরিত্যাগ করুন। রাজা তাঁহাদিগকে বিকলনেত্র ও যজ্ঞানুষ্ঠানে নিতান্ত অপটু বিবেচনা করিয়া বিদায় করিলেন, এবং তাঁ-

হাদিগের অনুমত্যানুসারে অপরাপর ঋত্বিক্-
গণ সমভিব্যাহারে যজ্ঞ কৰ্ম্ম সমাপন
করিলেন ।

এইরূপে কিয়ৎকাল অতীত হইলে
রাজা শত-বর্ষ-ব্যাপী এক দীর্ঘ সত্র আ-
হরণ করিবার নিমিত্ত সেই সমস্ত ঋত্বিক্-
গণকে আহ্বান করিলেন, কিন্তু তাঁহারা উ-
পস্থিত হইলেন না । তখন তিনি বজ্রবান্ধ-
বের সহিত ঋত্বিক্গণকে অনুনয় করিতে
লাগিলেন । প্রণিপাত, সান্ত্ববাদ ও ধন
দান দ্বারা বারংবার তাঁহাদিগকে অনু-
নয় করিলেন, তথাচ তাঁহারা রাজার
মনোরথ সফল করিলেন না । তখন
মহীপাল রোষপরবশ হইয়া আশ্রমবাসী
মহর্ষিদিগকে কহিলেন, হে মহর্ষিগণ! যদি
আমি পতিত হইতাম এবং আপনাদিগের
শুক্রাশয় নিরত না হইতাম, তাহা হইলে
আপনারা ও অন্যান্য ব্রাহ্মণেরা আমাকে
বৃণা করিয়া পরিত্যাগ করিতে পারিতেন ;
কিন্তু আমি সেরূপ নহি, অতএব মদীয়
যজ্ঞনিষ্ঠার ব্যাঘাত বা অযোগ্য সময়ে আ-
মাকে পরিত্যাগ করা আপনাদিগের বিধেয়
নহে । এক্ষণে আমি আপনাদিগের শর-
ণাপন্ন হইয়াছি, প্রসন্ন হউন । সান্ত্ববাদ,
দান ও যথার্থ বাক্য দ্বারা আপনাদিগকে প্র-
সন্ন করিয়া যাহা কর্তব্য, সমুদায় নিবেদন
করিব । অথবা যদি বিদ্বেষণবশতঃ আপ-
নারা আমাকে পরিত্যাগ করেন, তাহা হ-
ইলে আমি যাজ্ঞন কার্য্য সমাধা করিবার
নিমিত্ত অন্যান্য ঋত্বিক্গণের নিকট গমন
করিব । মহারাজ শ্বেতকি এই কথা বলিয়া
মৌনাবলম্বন করিলেন । মহর্ষিগণ রাজার
যাজ্ঞন কার্য্য অস্বীকার করিয়া ক্রোধভরে
কহিলেন, মহারাজ ! আমরা বহুকালাবধি
আপনকার অবিচ্ছিন্ন যজ্ঞ কার্য্যে নিরন্তর
দীক্ষিত হইয়া একান্ত ক্লান্ত ও নিতান্ত পরি-
শ্রান্ত হইয়াছি । এক্ষণে আপনি আমাদি-

গকে পরিত্যাগ করুন । আপনার নিতান্ত
বুদ্ধিবিপর্যায় ঘটয়াছে, এই কারণে আমা-
দিগকে বারংবার এইরূপ অনুরোধ করিতে-
ছেন । এক্ষণে আপনি রুদ্রদেবসম্মিধানে
গমন করুন; তিনিই আপনার যাজ্ঞন কার্য্য
করিবেন ।

রাজা মহর্ষিগণের এইরূপ তিরস্কারবাক্য
শ্রবণ করিয়া ক্রোধে অধীর হইয়া উঠি-
লেন, এবং কৈলাসপর্বতে গমন করিয়া
অতি কঠোর তপস্যার অনুষ্ঠান ও ব্রতো-
পবাসাদি দ্বারা দেবদেব মহাদেবকে আরাধনা
করত সূদীর্ঘ কাল বাস করিতে লাগিলেন ।
তিনি কখন দ্বাদশ দিবস, কখন ষোড়শ দিবসে
বন্য ফল মূল আহার করিতেন, কখন
বা উর্দ্ধবাহু হইয়া ছয় মাস অনিমেঘলো-
চনে নিশ্চল স্থাপুর ন্যায় অবস্থান করি-
তেন । ভগবান্ চন্দ্রশেখর রাজার এইরূপ
অতি কঠোর তপস্যায় প্রীত ও প্রসন্ন হ-
ইয়া তথায় আবিভূত হইয়া ভূপালকে
কহিলেন, মহারাজ ! আমি তোমার তপ-
স্যায় অতিশয় প্রীত হইয়াছি, তোমার ম-
ঙ্গল হউক ! এক্ষণে স্বেচ্ছানুসারে বর প্রার্থনা
কর । রাজর্ষি রুদ্রের এইরূপ কথা শুনিয়া
প্রণিপাতপূর্বক কহিলেন, ভগবন ! আপনি
সর্বজন-পূজিত, এক্ষণে যদি প্রসন্ন হইয়া
থাকেন, তবে আপনি স্বয়ং আমার যাজ্ঞন
কার্য্য সমাধা করিবেন, এই বর প্রদান করুন ।
ইহা শুনিয়া ভগবান্ উমাপতি প্রীতমনে
ও সন্মিতবচনে কহিলেন, মহারাজ ! যজ্ঞ
কার্য্য করিতে পারে, এমন লোক এই প্রদেশে
কাহাকেও দেখি না । তুমিও আমার নিকটে
বরার্থী হইয়া অতি কঠোর তপোঅনুষ্ঠান করি-
য়াছ; কিন্তু আমার সহিত তোমাকে একটি
নিয়ম সংস্থাপন করিতে হইবে, যদি তুমি
দ্বাদশ বৎসর সমাহিত ও ব্রহ্মচারী হইয়া
নিরবচ্ছিন্ন ষ্ঠতধারা দ্বারা অনলকে পরিতৃপ্ত
করিতে পার, তাহা হইলে তুমি আমার

নিকট যে বিষয় প্রার্থনা করিবে, তাহা সূক্ষ্মস্পন্ন করিব।

রাজারূঢ় কর্তৃক এইরূপ অতিহিত ও আদিক্ত হইয়া দ্বাদশ বৎসর ব্রহ্মচর্যা অনুষ্ঠান করিলেন। অনন্তর দ্বাদশ বৎসর সম্পূর্ণ হইলে তিনি পুনরায় ভূতভাবন ভগবান্ মহাদেবের নিকটে উপস্থিত হইলেন। মহাদেব রাজাকে দেখিয়া প্রীতমনে কহিলেন, মহারাজ ! আমার আজ্ঞা পালন করিয়াছ বলিয়া আমি সাতিশয় সন্তুষ্ক হইলাম, কিন্তু যাজ্ঞন কার্যো দীক্ষিত হওয়া ব্রাহ্মণদিগেরই বিধেয়, এই কারণে আমি স্বয়ং তোমার যাজ্ঞন কার্য্য করিতে পারিব না। এই ভূমণ্ডলে দুর্বাসা নামে এক মহর্ষি আছেন, তিনি অতিশয় সুবিখ্যাত ও আমারই অংশভূত। তিনিই তোমার যাজ্ঞন কার্য্য সম্পন্ন করিবেন। এক্ষণে স্বনগরে গমন করিয়া যজ্ঞীয় দ্রব্যসামগ্রীসকল আহরণ কর। রাজা ভগবান্ পশুপতির আদেশানুসারে স্বনগরে প্রাতিগমনপূর্বক যজ্ঞীয় দ্রব্যজাত আহরণ করিলেন। দ্রব্যসম্ভার সম্বৃত হইলে তিনি পুনরায় রূঢ়সন্নিধানে উপনীত হইয়া কহিলেন, ভগবন্ ! যজ্ঞীয় দ্রব্যসম্ভার ও উপকরণসমস্ত আকৃত হইয়াছে, এক্ষণে আপনি প্রসন্ন হইয়া অনুমতি করিলে আমি পর দিনেই যজ্ঞকার্য্যো দীক্ষিত হই। রূঢ় রাজার এই কথা কর্ণগোচর করিয়া মহর্ষি দুর্বাসাকে আহ্বানপূর্বক কহিলেন, হে দ্বিজেন্দ্র ! এই মহানুভাব ভূপতির নাম শ্বেতকি, আমার নিদেশপ্রযুক্ত তোমাকে ইহঁার যাজ্ঞনক্রিয়া সম্পন্ন করিতে হইবে। মহর্ষি তৎক্ষণাৎ “ তথাস্ত্ৰ ” বলিয়া তাঁহার বাক্য স্বীকার করিলেন। অনন্তর যজ্ঞকার্য্য যথাবিধানে আরম্ভ হইল। সেই যজ্ঞ সমাপ্ত হইলে মহর্ষি দুর্বাসার আদেশানুসারে দীক্ষিত যাজ্ঞক, ও সদস্যগণ স্ব স্ব স্থানে প্রস্থান করিলেন।

অনন্তর ভগবান্ ছতাশন বিকৃতভাবাপন্ন ও তেজোহীন হইয়া ক্রমশঃ গান্ধিব্যক্ত হইতে লাগিলেন। তখন তিনি আপনাকে তেজোহীন বিবেচনা করিয়া অতি পবিত্র ও লোকপূজিত ব্রহ্মলোকে গমন করিলেন। তথায় ব্রহ্মাকে আসনে আসীন দেখিয়া নিবেদন করিলেন, ভগবন্ ! আমি তেজোহীন ও নিবীৰ্য্য হইয়াছি; এক্ষণে আপনকার অনুকম্পায় পুনরায় স্বীয় নিশ্চলা প্রকৃতি প্রাপ্ত হইতে অভিলাষ করি। ইহা শ্রবণ করিয়া ভগবান্ বিশ্বনির্মাতা বিধাতা হস্তমুখে বল্লিকে কহিলেন, হে মহাভাগ ! তুমি দ্বাদশ বৎসর বসুধারাছত ঘত উপযোগ করিয়াছিলে বলিয়াই এইরূপ গান্ধিব্যক্ত হইয়াছ; কিন্তু তেজোহীনতাবশতঃ সহসা ভগ্নাশ হইও না; তুমি পুনর্বার পূর্ববৎ প্রকৃতিস্থ হইবে। পূর্বে দেবনিয়োগক্রমে দেবশক্র অন্তর্গণের আলায়ভূত যে ভয়ঙ্কর খাণ্ডবারণ্য দন্ধ করিয়াছিলে, তথায় নানাবিধ জন্মগণ বাস করে, তুমি তাহাদিগের মেদোমাৎস তৎক্ষণে পরিতৃপ্ত হইয়া পুনরায় প্রকৃতিস্থ হইবে। অতএব শীঘ্র যাইয়া খাণ্ডবদহন দন্ধ কর, তাহা হইলে অবশ্যই গান্ধিব্যক্ত পাপ হইতে আশু মুক্ত হইতে পারিবে।

ছতাশন ব্রহ্মার মুখে এই কথা শুনিয়া প্রচণ্ডবেগে খাণ্ডবারণ্যে গমন করিলেন। তথায় উপনীত হইয়া ক্রোধভরে সহসা প্রজ্বলিত হইয়া উঠিলেন, বায়ু তাঁহার সাহায্য করিতে লাগিলেন। খাণ্ডবদহন প্রদীপ্ত দেখিয়া তত্রত্য প্রাণিগণ দাহশান্তির নিমিত্ত একান্ত যত্নবান্ হইল। করিষথ ক্রোধপরবশ হইয়া সম্বরে শুণ্ডদ্বারা জলানয়নপূর্বক অনলোপরি সেক করিতে লাগিল, বহুশীর্ষ সর্পগণ ক্রোধে মুচ্ছিত হইয়া মস্তক দ্বারা জলসেক করিতে আরম্ভ করিল এবং অন্যান্য প্রাণিগণও নানাপ্রকার উপায় দ্বারা অনতিকালমধ্যে দাবদাহ শান্তি করিল।

বহুি ক্রমে ক্রমে সাতবার প্রজ্জলিত হইয়া উঠিলেন, তাহারা সাতবার ই নিৰ্কাণ করিল।

চতুর্বিংশত্যধিক দ্বিশততম অধ্যায়।

বৈশম্পায়ন কহিলেন, মহারাজ ! এই-রূপে সৰ্বদা গ্লানিয়ুক্ত ভগবান্ ছতাশন বারংবার হতাশ হইয়া তৎক্ষণাৎ কোপাকুলিতচিত্তে ব্রহ্মার নিকট গমন করিলেন। তথায় উপস্থিত হইয়া তাঁহাকে আনুপূৰ্ব্বিক সমস্ত বৃত্তান্ত নিবেদন করিলেন। ব্রহ্মা মনোমধ্যে কিয়ৎক্ষণ চিন্তা করিয়া বহ্নিকে কহিলেন, হে অনল ! অদ্য দেবরাজ ইন্দ্রের সমক্ষে যে প্রকারে তুমি খাণ্ডববন দক্ষ করিতে পারিবে, আমি এই রূপ এক উপায় অবধারণ করিয়াছি জ্ঞাবণ কর। দেবকার্য্য অনুষ্ঠান করিবার নিমিত্ত পূৰ্বদেব নর ও নারায়ণ মর্ত্য লোকে অবতীর্ণ হইয়াছেন। লোকে তাঁহাদিগকে কৃষ্ণার্জুন বলিয়া আহ্বান করিয়া থাকে। তুমি কৃষ্ণার্জুন সমভিব্যাহারে খাণ্ডববনে গমন করিয়া দাব দাহ করিবার নিমিত্ত তাঁহাদিগের সাহায্য গ্রহণ কর। তৎপরে দেবগণ রক্ষা করিলেও তুমি অবলীলাক্রমে সেই অরণ্য দক্ষ করিতে পারিবে। কৃষ্ণার্জুনসমবেত হইয়া সমস্ত বনা জঙ্গলদিগকে, এবং অধিক কি বলিব, দেবরাজ ইন্দ্রকেও যত্নপূৰ্বক নিবারণ করিতে পারিবে, ইহাতে অণুমাত্র সন্দেহ নাই। এই কথা শুনিয়া ছতাশন কৃষ্ণার্জুন-সম্মিথানে উপনীত হইয়া সাহায্যদানার্থে প্রার্থনা করিলেন। বৈশম্পায়ন কহিলেন, মহারাজ ! অর্জুন ও কৃষ্ণের নিকট উপস্থিত হইয়া অগ্নি যেরূপে প্রার্থনা করিয়া ছিলেন, তাহা পূর্বেই আপনাকে অবগত করিয়াছি। তৎপরে অর্জুন অগ্নিবাক্য জ্ঞাবণ করিয়া তৎকালোচিত প্রত্যুত্তর প্রদান করিয়া কহিলেন, হে অগ্নে ! আমার বহুতর দিব্যাস্ত্র আছে, তদ্বারা আমি শত শত বজ্রধরের সহিত যুদ্ধ করিতে পারি। কিন্তু যৎকালে আমি

সমরক্ষেত্রে বিক্রম প্রকাশ করিব, তখন আমার ভূজবেগ সঙ্ঘ করিতে পারে এমন ধনু নাই। আমি অতি সহরে শর ক্ষেপ করিতে পারি, আমার শরের আবশ্যকতা নাই। আমার রথ মদীয় শত্রুপুঞ্জ বহন করিতে অসমর্থ, অতএব বায়ুবৎ বেগশালী পাণ্ডুরবর্ণ দিব্য অশ্ব ও এক উৎকৃষ্ট রথ প্রদান করিতে হইবে। আর কৃষ্ণেরও বাহুবলতুল্য অস্ত্র নাই, যদ্বারা তিনি নাগ ও পিশাচগণকে সংহার করিতে পারিবে। হে ভগবন ! যদ্বারা আমরা বজ্রধর ইন্দ্রকে নিবারণ করিতে পারি, তাহার উপায় অবধারণ করিয়া দিন। আমরা কেবল পৌরুষ প্রকাশ করিয়া কার্য্য সাংসাধনে প্ররত হইব, কিন্তু আপনাকে তদুপযোগী উপকরণ সকল আহরণ করিতে হইবে।

পঞ্চবিংশত্যধিক দ্বিশততম অধ্যায়।

বৈশম্পায়ন কহিলেন, ভগবান্ ছতাশন অর্জুন কর্তৃক এইরূপ অভিহিত হইয়া উদক-মধ্যবাসী জলেশ্বর বরুণদেবকে স্মরণ করিলেন। চতুর্থ লোকপাল বরুণ তাঁহার চিন্তা অবগত হইয়া তৎক্ষণাৎ তথায় উপস্থিত হইলেন। ভগবান্ ছতাশন সমাগত বরুণকে যথোচিত সৎকার করিয়া কহিলেন, হে জলেশ্বর ! সোমরাজ তোমাকে যে ধনুঃ, তুণীরদ্বয় ও কপিলক্ষণ রথ প্রদান করিয়াছিলেন, তৎ সমুদায় আমাকে শীঘ্র প্রদান কর। পার্থ গাণ্ডীব দ্বারা, ও কৃষ্ণ চক্র দ্বারা কোন মহৎ কৰ্ম্ম সম্পাদন করিবে। বরুণরাজ অগ্নির প্রার্থনায় সম্মত হইয়া যশঃ-কিন্তী-বর্জন সৰ্বশুভ্রপ্রমাথী, সৰ্ব্বায়ুধ-সারভূত সেই বিচিত্রবর্ণ পরমাস্ত্র ত দিব্য শরাসন, অক্ষয় তুণীরদ্বয় এবং এক রমণীয় রথ প্রদান করিলেন। ঐ রথ স্তবর্ণালঙ্কারে ভূষিত রক্তবর্ণ মহাবেগশালী গান্ধৰ্ব্য অশ্বগণে সংযোজিত ছিল, উহা সমস্ত যুদ্ধোপকরণ-সংযুক্ত, দেবদানবগণের অঙ্কুর, সৰ্বরত্ন

সুশোভিত, কিরণরাজিবিরাজিত, গভীরগ-
জ্জ্বলবিশিষ্ট এবং কপিকেতনে অলঙ্কৃত ।
ভুবনপ্রভু বিশ্বকর্মা ঐ রথ নির্মাণ করিয়া-
ছিলেন । মহারাজ সোম ঐ রথে আরোহণ-
পূর্বক দানবগণকে পরাজয় করিয়াছিলেন ।
কৃষ্ণ ও অর্জুন সেই নবমেঘাকৃতি পরম রম-
ণীয় রথের নিকটবর্তী হইয়া ইন্দ্রায়ুধের
ন্যায় শোভা পাইতে লাগিলেন । ঐ রথের
ধ্বজযুক্তি সুবর্ণময় ; উহার উপরি ভাগে
শার্দূলবৎ ভয়ঙ্কর এক প্রকাণ্ডকলেবর বা-
নর সন্নিবেশিত এবং ধ্বজে বিবিধ বৃহৎ-
কায় জীবজন্তুর প্রতিমূর্ত্তি নির্মিত আছে ।
রথের ধনি শ্রবণ করিলে শক্রসৈন্যগণ বি-
লুপ্তচেতন হয় । যেমন সুরুতী ব্যক্তি
বিমানে আরোহণ করে, তদ্রূপ অর্জুন কবচ
পরিধান, খড়্গ ধারণ, গোধাস্কুলিত্র বন্ধন
ও দেবগণকে নমস্কার করিয়া প্রদক্ষিণপূর্বক
সেই রথে আরোহণ করিলেন । পরে ব্রহ্ম-
নির্মিত গাণ্ডীবধনু গ্রহণ করিয়া সাতিশয়
সম্ভুক্ত হইলেন । তখন তিনি ছতাশন-সমক্ষে
বলপূর্বক ধনু গ্রহণ করিয়া তাহাতে জ্যা
রোপণ করিলেন । জ্যারোপণকালে এ-
রূপ ভয়ানক শব্দ হইতে লাগিল যে, উহা
শ্রবণে সকলেরই মন ব্যথিত হইল । কুন্তী-
নন্দন অর্জুন রথ, ধনু ও অক্ষয় তুণীরদ্বয়
প্রাপ্ত হইয়া অতিমাত্র সম্ভুক্ত হইলেন ।

তদনন্তর ভগবান্ ছতাশন কৃষ্ণকে সু-
দর্শনাত্ম প্রদান করিলেন এবং কহিলেন,
হে মধুসূদন ! তুমি এই চক্র দ্বারা যুদ্ধে দে-
বদানবদিগকেও অনায়াসে পরাজয় করিতে
পারিবে । কি মনুষ্য, কি দেব, কি রাক্ষস,
কি পিশাচ, কি দৈত্য, কি নাগ, তুমি যুদ্ধে
সর্বাপেক্ষা সম্বাদিক-প্রভাব সম্পন্ন এবং তা-
হাদের পরাজয়ে সমর্থ হইবে, সন্দেহ নাই ।
হে মাধব ! তুমি শত্রুর প্রতি ষত বার এই চক্র
নিক্ষেপ করিবে, ইহা তত বারই শত্রু নিপাত
করিয়া পুনরায় তোমার হস্তে আসিবে । ৩৫-

পরে বরুণদেব কৃষ্ণকে দৈত্যাস্তকারিণী
কৌমোদকীনারী গদা প্রদান করিলেন ।
ঐ গদার শব্দ বজ্রনির্ঘোষের ন্যায় ভয়ঙ্কর ।

তখন অস্ত্রশস্ত্রসম্পন্ন রথারূঢ় কৃষ্ণ ও
অর্জুন অগ্নিকে কহিলেন, হে ভগবন্ ! এ-
ক্ষণে আমরা সমস্ত সুরাসুরগণের সহিতও
যুদ্ধ করিতে পারি, ইন্দ্র একাকী পন্নগের
নিমিত্ত যুদ্ধ করিয়া আমাদের কি করিবেন ?
অর্জুন কহিলেন, এক চক্রপাণি যুদ্ধে ভ্রমণ-
পূর্বক চক্রাস্ত্র নিক্ষেপ করিলে যাহা না
করিতে পারেন, এমন কার্য্য ত্রিজগতে লক্ষ্য
হয় না ; বিশেষতঃ আমি আবার গাণ্ডীব
ধনুঃ ও অক্ষয় তুণীর লইয়া যুদ্ধে প্রবৃত্ত হ-
ইয়াছি, অতএব হে পাবক ! আপনি খাণ্ড-
ববনের চতুর্দিকে প্রজ্জ্বলিত হইয়া নিঃশঙ্ক-
চিত্তে উহা দক্ষ করুন ; আমরা আপনার
সাহায্য করিতেছি ।

ভগবান্ ছতাশন কৃষ্ণ ও অর্জুন কর্তৃক
এইরূপ অভিহিত হইয়া তৈজস রূপ গ্রহণ-
পূর্বক সপ্ত শিখা বিস্তার করত চতুর্দিকে
প্রজ্জ্বলিত হইয়া খাণ্ডবারণ্য দক্ষ করিতে আ-
রম্ভ করিলেন, তৎকাল যুগান্ত কালের ন্যায়
বোধ হইতে লাগিল । ঘনঘটার গভীর নি-
র্ঘোষের ন্যায় প্রজ্জ্বলিত অনলের শব্দ শ্রবণে
সমস্ত জীবজন্তু কম্পাদ্বিতকলেবর হইল ।
খাণ্ডবারণ্য ছতাশন কর্তৃক দহমান হইয়া
সূর্য্যাকিরণে ব্যাপ্ত পর্কতেস্ত্র মেরুর ন্যায়
শোভা পাইতে লাগিল ।

ষড়্শত্যাধিক দ্বিশততম অধ্যায় ।

বৈশম্পায়ন কহিলেন, কৃষ্ণ ও অর্জুন
রথদ্বয়ে আরোহণপূর্বক খাণ্ডববনের উত্তর
পার্শ্বে থাকিয়া নানাবিধ প্রাণিগণ দক্ষ
করাইতে আরম্ভ করিলেন । খাণ্ডবারণ্য-
বাদী জন্তুগণকে যে দিকে পলায়ন করিতে
দেখিলেন, তাঁহারা সেই সেই দিকে বেগে
ধাবমান হইতে লাগিলেন । গমনকালে সেই
বায়ুবেগপামী রথদ্বয়ের অন্তর্গত অবকাশ-

সকল অলক্ষ্য হইল, কেবল অসাতচক্রের ন্যায় ভ্রাম্যমাণ রথদ্বয় দৃষ্ট হইতে লাগিলেন। এইরূপে খাণ্ডববন দক্ষ হইতে আরম্ভ হইলে শত শত প্রাণিগণ ভয়ঙ্কর চীৎকার করিতে করিতে ইতস্ততঃ প্রধাবিত হইতে লাগিল। কোন কোন জন্তু তীব্র তাপে দক্ষৈকদেশ, স্কুটিতচক্ষুঃ ও বিশীর্ণ হইয়া দৌড়িতে লাগিল। কেহ কেহ পিতা, পুত্র ও জাতৃগণকে আলিঙ্গন করিয়া স্নেহবশতঃ তাহাদিগকে পরিত্যাগ করিতে না পারাতে তথায় প্রাণ ত্যাগ করিল। কেহ কেহ দশনে দশন নিপীড়নপূর্বক ইতস্ততঃ ধাবমান হইতে লাগিল এবং বিঘূর্ণিতকলেবরে অগ্নিতে পতিত হইয়া প্রাণ পরিত্যাগ করিল। পক্ষিগণ দক্ষপক্ষ, দক্ষচক্ষুঃ ও দক্ষচরণ হইয়া মহীতলে বিলুপ্তনপূর্বক প্রাণ ত্যাগ করিতে লাগিল। জলাশয়সকল তীব্র তাপে কাথ্যমান হওয়াতে তত্রস্থ কুর্ম ও মৎস্যসমুদায় বিনষ্ট হইয়াগেল। কোন কোন জন্তুর সমস্ত কলেবর প্রজ্বলিত হওয়াতে মুর্তিমান বহির ন্যায় দৃষ্ট হইতে লাগিল। কোন কোন পক্ষী তীব্র তাপে সাতিশয় সন্তপ্ত হইয়া উড্ডয়নপূর্বক পলায়ন করিবার চেষ্টা করিতে লাগিল; কিন্তু পার্থ তীক্ষ্ণ শর দ্বারা তাহাদিগকে খণ্ড খণ্ড করিয়া অগ্নিতে নিপাতিত করিতে লাগিলেন। কতিপয় পক্ষী অর্জুনের তীব্র শরে ক্ষতবিক্ষত হইয়া চীৎকাররবে বেগে উড্ডীন ও পুনরায় খাণ্ডবাগ্নিমধ্যে পতিত হইতে লাগিল। শত শত বনবাসী জন্তুগণ খর শরে অর্জুরিতকলেবর হইয়া ভয়ানকস্বরে চীৎকার করিতে লাগিল। তাহাদের ঘোরতর নিনাদ মধ্যমান সমুদ্রের গভীর শব্দের ন্যায় শ্রুত হইতে লাগিল। ক্রমে ক্রমে প্রজ্বলিত ছত্ৰাশনের শিখাসমুদায় নভোমণ্ডল পর্য্যন্ত ব্যাপ্ত হইয়া দেবগণেরও মহান্ উদ্বেগ জন্মাইল। তখন তীব্র তাপে সন্তপ্ত দেবগণ

ঋষিগণকে সমভিব্যাহারে লইয়া সুরপতি ইন্দ্রের নিকট গমনপূর্বক তাঁহাকে কহিলেন, হে অমরেশ্বর! বহিঃ কিনিমিত্ত অদ্য সমুদায় মর্ত্য লোক দক্ষ করিতেছেন? অদ্য কি লোকসংক্রম সমুপস্থিত হইয়াছে?

সুররাজ ইন্দ্র দেবগণের মুখে সেই ভয়ঙ্কর ব্যাপার শুনিয়া এবং স্বয়ং দর্শন করিয়া খাণ্ডববন রক্ষার্থে গমন করিলেন। তিনি নানাবিধ রথসমূহ দ্বারা আকাশমণ্ডল ব্যাপ্ত করত বারি বর্ষণ করিতে লাগিলেন। মেঘগণ দেবরাজের আদেশানুসারে খাণ্ডবারণ্যমধ্যে মুষলধারে বারি নিক্ষেপ করিতে লাগিল, কিন্তু ঐ সমস্ত বারিধারা ছত্ৰাশনের তীব্রতাপবশতঃ অন্তরীক্ষেই শুষ্ক হইয়াগেল; অগ্নির উপর এক বিন্দুও পতিত হইল না। তখন সুররাজ পুরন্দর সাতিশয় সংক্রুদ্ধ হইয়া পুনরায় মহামেঘ দ্বারা বেগে বারি বর্ষণ করিতে লাগিলেন। তৎকালে খাণ্ডবারণ্য বারিধারাপাতে ধূমাকীর্ণ ও অগ্নিশিখা দ্বারা ব্যাপ্ত হওয়াতে বিদ্বাৎ-সমাকুল ঘনঘটার ন্যায় অতি ভয়ঙ্কর আকার ধারণ করিল।

সপ্তবিংশত্যাধিক দ্বিশততম অধ্যায়।

বৈশম্পায়ন কহিলেন, তদনন্তর অর্জুন অসংখ্য শরবর্ষণ দ্বারা বারিবর্ষণ নিবারণ করিলেন। যেমন নৌহারজালে চল্লমা সমাচ্ছন্ন হইলে, তদ্রূপ অর্জুন শরজাল বিস্তারপূর্বক সমস্ত খাণ্ডববন আচ্ছাদিত করিলেন। তদীয় শস্ত্রকলাপে অন্তরীক্ষ পরিব্যাপ্ত হইলে একটি প্রাণীও পলায়ন করিতে পারিল না। তৎকালে নাগরাজ তক্ষক কুরুক্ষেত্রে গমন করিয়াছিলেন, তাঁহার পুত্র অশ্বসেন তথায় উপস্থিত ছিলেন, তিনি অগ্নি হইতে আত্মরক্ষা করিবার নিমিত্ত অশেষ প্রকার যত্ন করিলেন, কিন্তু অর্জুনের শরজালে অবরুদ্ধ হওয়াতে কোন ক্রমেই বহির্গত হইতে সমর্থ হইলেন না। তদর্শনে তাঁহার মাতা স্নেহপবন হইয়া বিপন্ন

পুত্রের রক্ষার্থে আসন্নমৃত্যুমুখে ধাবমান হইলেন। ইতিপূর্বে অশ্বসেনের মস্তক ও লাক্কুল দক্ষ হইয়াছিল। নাগপত্নী অগ্নি হইতে পুত্রকে মুক্ত করিতে যাইয়া আপনি পঞ্চত্ব প্রাপ্ত হইলেন। অর্জুন তীক্ষ্ণধার শর দ্বারা নাগভার্য্যার মস্তকচ্ছেদন করিলেন। দেবরাজ তাহা প্রত্যক্ষ করিয়া তক্ষকতনয়ের প্রাণরক্ষার্থ বাতবর্ষণ দ্বারা অর্জুনকে অচেতন করিলেন। ইত্যবসরে অশ্বসেন পলায়ন করিল। অর্জুন ইন্দ্রের মায়া ও সর্পের প্রবঞ্চনা পর্যালোচনা করত তত্রস্থ সমস্ত প্রাণীকে দ্বিধা ত্রিধা খণ্ড করিতে লাগিলেন। কৃষ্ণ, অর্জুন ও পাবক সেই জিহ্বাগামীকে “ নিরাশ্রয় হইবে ” বলিয়া অভিসম্পাত করিলেন।

অনন্তর কোথাবিস্ত জিহ্মু পূর্বকৃত বঞ্চনা স্মরণ করিয়া আশুগ শরসমূহ দ্বারা বজ্রধরের সহিত ঘোরতর সংগ্রাম আরম্ভ করিলেন। দেবরাজ অর্জুনকে সমরে সংরক্ষ নিরীক্ষণ করিয়া অনবরত অস্ত্র নিক্ষেপে গগনমণ্ডল আচ্ছন্ন করিলেন। প্রবল বায়ুবেগে সমুদ্রসকল সংক্ষোভিত হইয়া বেলাভূমি অতিক্রম করিতে লাগিল, জলধারাবনত মেঘমালায় নভোমণ্ডল সমাকুল হইল, ক্ষণে ক্ষণে বিদ্যুৎ, অবিজ্ঞাস্ত বজ্রাঘাত ও ঘনঘটার গভীর গর্জনে যেন প্রলয়কাল উপস্থিত হইল। অর্জুন সেই ঘোরতর মেঘের নিরাকরণ করিবার নিমিত্ত অভ্যংকুষ্ঠ অস্ত্রসকল প্রয়োগ করিতে লাগিলেন। যুক্তিবিশারদ ধনঞ্জয় প্রথমতঃ মস্তপুত বায়বাস্ত্র দ্বারা অশনি ও মেঘের বলবীৰ্য্য তিরোহিত করিলেন। জলধারা শুষ্ক ও ক্ষণপ্রভা বিলীন হইয়া গেল। এইরূপে ক্ষণকাল মধ্যে ব্যোমতল তমোমুক্ত ও প্রশান্তরজ হইল, সূশীতল গন্ধবহ মন্দ মন্দ সঙ্গারে বহিতে লাগিল, অর্কমণ্ডল প্রকৃতিস্থ হইল এবং হতাশন

প্রাণিগণের দেহনিঃসৃত বস্মা দ্বারা অভি-
বিক্ত হইয়া পুনরায় প্রজ্জলিত হইয়া উঠি-
লেন। অগ্নির শব্দে সমুদয় জগৎ পরিপূর্ণ
হইল। সূপর্ণাদি পতঞ্জিবর্গ কৃষ্ণার্জুন
কর্তৃক খাণ্ডববন পরিরক্ষিত দেখিয়া গর্ভ
প্রদর্শনপূর্বক আকাশমার্গে উড্ডীন হইল।
গরুড় বজ্রতুলা স্বীরনখ, তুণ্ড ও পক্ষদ্বারা
কৃষ্ণার্জুনকে প্রহার করিবার মামসে আকাশ
হইতে নামিলেন। উরগসমূহ দক্ষানন
হইয়া পাণ্ডবসমীপে তীব্র বিষ উদ্গার
করিতে করিতে নিপতিত হইতে লাগিল।
অর্জুন শরদ্বারা তাহাদিগকে খণ্ড খণ্ড
করিলেন। তাহারা পুনর্বার প্রজ্জলিত হতা-
শনে পতিত হইয়া ভস্মসাৎ হইল। যক্ষ,
রাক্ষস, পন্নগ, গন্ধর্ভ ও অসুরগণ যুদ্ধার্থী
হইয়া ঘোরতর নিনাদ করত উন্মিত হইল।
অর্জুন তীক্ষ্ণ শরদ্বারা সেই কোধমূর্ছিত
জিঘাংসুদিগের মস্তকচ্ছেদন করিলেন।
অরাতিকুলনিহস্তা কৃষ্ণ চক্রদ্বারা দৈত্য দানব-
গণের প্রাণ সংহার করিলেন। কেহ কেহ
কৃষ্ণের চক্রাস্ত্রদ্বারা চালিত ও বাণবিদ্ধ হও-
য়াতে মূর্ছিত হইয়া পড়িল।

অনন্তর ত্রিদশাধিপতি ইন্দ্র শ্বেত গজে
অধিকৃত হইয়া কৃষ্ণার্জুনকে লক্ষ্য করিয়া
ধাবমান হইলেন, এবং অতি বেগে অশনি
এহণপূর্বক অপর কতকগুলি অস্ত্র সৃষ্টি
করিয়া সুরগণকে কহিলেন, এই বাণে কৃ-
ষ্ণার্জুন নিহত হইয়াছেন। দেবরাজ অশনি
উদ্যত করিয়াছেন দেখিয়া, দেবতারা স্ব স্ব
অস্ত্র শস্ত্র গ্রহণ করিলেন। রুতাস্ত্র কালদণ্ড,
ধনপতি গদা, বরুণ পাশ ও বজ্র, মহাবল
স্কন্দ শক্তি গ্রহণ করিয়া সুরমেরু পর্বতের
ন্যায় দণ্ডায়মান হইলেন। অশ্বিনীকুমারেরা
দীপ্যমান ওষধী, বিধাতা ধনু, জয় সুবল,
বিশ্বকর্মা পর্বত, অংশ শক্তি, যম পরশু
এবং সূর্য্য অতি ভয়ঙ্কর পরিবাস্ত্র গ্রহণ-
পূর্বক মহাঙ্কালন করিতে লাগিলেন।

মিত্র চক্র ধারণ করিয়া দণ্ডায়মান হইলেন, পুষা; তগ এবং সবিতা ক্রুদ্ধ হইয়া শরাসন ও নিস্ত্রিংশ গ্রহণ করিয়া রুক্ষার্জুনের প্রতি ধাবমান হইলেন। রুদ্ধ, বসু, মরুৎ, বিশ্বেদেব এবং অন্যান্য অসংখ্য দেবগণ রুক্ষার্জুনের জিঘাংসায় বিবিধ অস্ত্রশস্ত্র গ্রহণপূর্বক গমন করিলেন। দেবতারা রণক্ষেত্রে অত্যন্ত ব্যাপারসকল নিরীক্ষণ করিলেন, এবং কল্পাস্ত্র সময়ের ন্যায় ভূতগণের মোহ উপস্থিত দেখিলেন। দেবগণ-সমভিব্যাহারী ইন্দ্রকে ক্রোধান্বিত অবলোকন করিয়া যুদ্ধবিশারদ রুক্ষার্জুন সজ্য শরাসন গ্রহণপূর্বক নির্ভয়ে দণ্ডায়মান হইলেন। তাঁহার অমর্ষপ্রদীপ্ত হইয়া বজ্রসদৃশ শরসমূহ দ্বারা শক্র-সমভিব্যাহারী সুরগণকে দুরীকৃত করিলেন। দেবতারা বারংবার তথ্যমনোরথ হইয়া ভয়ে যুদ্ধ পরিত্যাগপূর্বক ইন্দ্রের আশ্রয় গ্রহণ করিলেন। দেবতাদিগকে যুদ্ধে পরাস্থা দেখিয়া নভোমণ্ডলস্থিত ঋষিগণ সাতিশয় বিস্ময়াবিষ্ট হইলেন। দেবরাজ ও পুনঃ পুনঃ তাঁহাদিগের বল, বীৰ্য্য ও অসামান্য রণনৈপুণ্য সম্মুখীন হইয়া পরম প্রীত হইলেন। পাকশাসন, অর্জুনের ভূজবীৰ্য্য পরীক্ষার্থে অবরত শিলা বৃষ্টি করিতে লাগিলেন। অর্জুন অন্যায়সে তাহা প্রতিহত করিলেন। তদর্শনে শতক্রতু পূর্বাপেক্ষা অধিকরূপে অশ্রুবর্ষণ আরম্ভ করিলেন, কিন্তু অর্জুনের বাণে সকলই লয় প্রাপ্ত হইল।

অনন্তর দেবরাজ জিঘাংসাপরতন্ত্র হইয়া স্বীয় বাহুবলে তরুণতার সহিত মন্দর গিরির শিখর উৎপাটনপূর্বক অর্জুনের প্রতি নিক্ষেপ করিলেন। অর্জুন অজিহ্মগ মহাবেগবান্ শরসমূহ দ্বারা সেই অস্ত্রশূন্য শতধা বিচ্ছিন্ন করাতে বোধ হইল যেন, নভোমণ্ডল হইতে পতনোন্মুখ সূর্য্যমণ্ডল ও গ্রহগণ ইত্যন্তঃ বিক্ষিপ্ত হই-

তেছে। গিরিশিখর খাণ্ডববনে পতিত হইবামাত্র তত্রস্থ সমস্ত প্রাণী যুগপৎ পঞ্চত্ব প্রাপ্ত হইল।

অষ্টাবিংশত্যাধিক দ্বিশততম অধ্যায়।

বৈশম্পায়ন কহিলেন, খাণ্ডবারণ্যনিবাসী দানব, রাক্ষস, নাগ, তরকু, ভল্লুক, মদস্রাবী হস্তী, শার্দূল ও সিংহপ্রভৃতি জন্তুগণ এবং অন্যান্য প্রাণিসমুদায় শৈলপতনে ভীত হইয়া উদ্ভিগ্ধচিত্তে ইত্যন্তঃ পলায়ন করিতে আরম্ভ করিল। রুক্ষ ও অর্জুন উদ্যতাস্ত্র হইয়া সেই বন রক্ষা করিতে লাগিলেন। পলায়মান জন্তুগণের চীৎকারবে এবং ঔৎপাতিক শব্দ সদৃশ শৈলনিপাতশব্দে খাণ্ডববন সমাকীর্ণ হইয়া উঠিল। অরণ্য দক্ষ হইতেছে, এবং রুক্ষ অস্ত্র ধারণ করিয়া রহিয়াছেন, দেখিয়া জন্তুগণ ভয়ানক স্বরে চীৎকার করিতে লাগিল। জন্তুগণের ভয়ঙ্কর নিনাদ ও অগ্নির ভীষণ শব্দে গগনমণ্ডল প্রতিধ্বনিত হইতে লাগিল। তখন মহাবাহু বাসুদেব ঐ সমস্ত জন্তুগণকে বিনাশ করবার মানসে তেজঃপ্রদীপ্ত তীক্ষ্ণ চক্র নিক্ষেপ করিলেন। ক্ষুদ্রজাতীয় প্রাণী, দানব ও নিশাচরগণ চক্রাঘাতে জর্জরিতকলেবর হইয়া প্রাণ পরিত্যাগপূর্বক প্রদীপ্ত পাবকমধ্যে পতিত হইতে লাগিল। রুক্ষচক্রে বিদারিতাঙ্গ দৈত্যগণ বসারুধিরচর্চিত হইয়া সঙ্ক্যাকালীন মেঘের ন্যায় শোভা পাইতে লাগিল। ভগবান্ চক্রপাণি সহস্র সহস্র পিশাচ, পক্ষী, নাগ ও পশুগণকে বিনাশ করত কালান্তক ঘমের ন্যায় তথায় ভ্রমণ করিতে লাগিলেন। অমিত্রবাতী রুক্ষ যত বার চক্র নিক্ষেপ করেন, চক্র ভঙারই বহুসংখ্যক প্রাণী বিনাশ করিয়া তাঁহার হস্তে ফিরিয়া আইসে। এইরূপে বহুসংখ্যক পিশাচ, সর্প ও রাক্ষসগণ বিনাশ করাতে সর্কভূতান্না বাসুদেবের রূপ অতীব ভয়ঙ্কর

হইয়া উঠিল । ঐ সময় সমস্ত দেবগণ কৃষ্ণ ও অর্জুনের সহিত সংগ্রাম করিলেন, কিন্তু কেহই তাঁহাদিগকে পরাজয় করিতে পারিলেন না । সুরগণ কৃষ্ণাৰ্জুনহস্ত হইতে খাণ্ডবারণ্য রক্ষা করিতে না পারিয়া পরিশেষে প্রতিনিবৃত্ত হইলেন । দেবরাজ ইন্দ্র তদর্শনে পরম পরিতুষ্ট হইয়া কৃষ্ণ ও অর্জুনকে প্রশংসা করিতে লাগিলেন ।

সুরগণ প্রতিনিবৃত্ত হইলে ইন্দ্রকে লক্ষ্য করিয়া এই দৈববাণী হইল, “দেবরাজ ! তোমার সখা ভুজগেশ্বর তক্ষক বিনষ্ট হন নাই । খাণ্ডবারণ্যদাহকালে তিনি কুরুক্ষেত্রে গমন করিয়াছিলেন । আমার বাক্য শ্রবণ কর, এই বাসুদেব ও অর্জুনকে তুমি কখনই পরাজয় করিতে পারিবে না । ইঁহারা পূর্বে নর ও নারায়ণ নামে সুরপুরে বিখ্যাত ছিলেন । তুমিও উঁাদের বীর্য ও পরাক্রমের বিষয় সমুদায় অবগত আছ । এই ছুরাধর্য, সর্বলোকবিশ্রুত, পুরাণ মহাবিদ্যর যুদ্ধে পরাজিত হইবার নহেন । ইঁহারা সমুদায় দেব, অসুর, যক্ষ, রাক্ষস, গন্ধর্ভ, নর, কিন্নর ও পন্নগগণের পূজনীয় । অতএব হে বাসব ! তুমি সুরগণ সমভিব্যাহারে স্বস্থানে প্রস্থানপূর্বক এই খাণ্ডবদাহ নিরীক্ষণ কর । ”

অমররাজ ইন্দ্র এইপ্রকার অশরীরিণী বাণী শ্রবণ করিয়া সত্য বিবেচনায় ক্রোধদেব পরিত্যাগপূর্বক স্বর্গে প্রস্থান করিলেন । অন্যান্য দেবগণ দেবরাজকে প্রস্থান করিতে দেখিয়া সৈন্যগণ সমভিব্যাহারে তাঁহার পশ্চাৎ পশ্চাৎ চলিলেন । সুরপতি অমরগণ সমভিব্যাহারে স্বস্থানে প্রস্থান করিলে কৃষ্ণ ও অর্জুন সিংহনাদ পরিত্যাগপূর্বক নিঃশঙ্কচিত্তে খাণ্ডবদহন দক্ষ করিতে লাগিলেন । যেমন বায়ু মেঘমালাকে দূরীভূত করে, তদ্রূপ অর্জুন সুরগণকে তথা হইতে নিঃসারিত করিয়া বাণবর্ষণ দ্বারা খাণ্ডবদহন জন্ত-

গণকে ব্যস্তসমস্ত করিলেন । অর্জুনের শরাঘাতে ছিন্নকলেবর হওয়াতে কোন জন্তুই প্রাণ লইয়া পলায়ন করিতে পারিল না । মহাবল পরাক্রান্ত জন্তুগণ, অমোঘাস্ত্র অর্জুনের সহিত যুদ্ধ করা দূরে থাকুক, তৎকালে তাঁহাকে নিরীক্ষণ করিতেও সমর্থ হইল না । শত শত পক্ষিগণ অর্জুনশরাঘাতে প্রাণ পরিত্যাগপূর্বক অগ্নিতে পতিত হইতে লাগিল । হস্তা, মৃগ, তরঙ্গু, ও অন্যান্য প্রাণিগণ কি ভীরভূমি, কি বিষম প্রদেশ, কি পিতৃদেবনিবাস, কোথাও গিয়া প্রাণ রক্ষা করিতে না পারিয়া কাতরস্বরে চীৎকার করিতে লাগিল । তাহাদের আর্তনাদ শ্রবণ করিয়া গন্ধামধ্যস্থ ও সমুদ্রগর্ভস্থ মীনগণ সাতিশয় জ্বাসযুক্ত হইল । তত্রত্য বিদ্যাধরগণ ও অন্যান্য জন্তুগণ কৃষ্ণাৰ্জুনের সহিত যুদ্ধ করিবে কি, তাঁহাদের সম্মুখীন হইতেই পারিল না । পলায়মান জন্তুগণের মধ্যে বাহারা এক বর্ষের অনধিকবয়স্ক, কৃষ্ণ স্বীয় চক্র দ্বারা তাহাদিগকেও ছেদন করিতে লাগিলেন । মহাকায় জীবগণ কৃষ্ণাৰ্জুনের অস্ত্রাঘাতে ছিন্নশির ও ভিন্নমস্তক হইয়া প্রদীপ্ত ছতাশনে পতিত হইতে লাগিল । এইরূপে ভগবান্ হব্যবাহন কৃষ্ণাৰ্জুনপ্রভাবে মাংস, কৃধির ও বসি দ্বারা তর্পিত হইয়া মহাবেগে গগনস্পর্শপূর্বক ধুমশূন্য হইলেন এবং দীপ্তাক্ষ, দীপ্তাজিহ্বা, দীপ্তানন ও দীপ্তকেশ হইয়া প্রাণিগণের বসি পান করত পরম পরিতুষ্ট হইলেন ।

ছতাশন প্রচণ্ড বেগে খাণ্ডবারণ্য দক্ষ করিতেছেন, এমন সময়ে ভগবান্ মধুসূদন ময়দানবকে তক্ষকের ভবন হইতে পলায়ন করিতে দেখিলেন । মূর্তিমান্ অগ্নি কৃষ্ণের নিকট গমন করিয়া ময়াসুরকে দক্ষ করা-ইতে প্রার্থনা করিলেন । কৃষ্ণ অগ্নির প্রার্থনানুসারে অসুরকে ছেদন করিবার জন্য চক্র উত্তোলন করিলেন । ময় তদর্শনে অ-

তীব্র ভীত হইয়া “রক্ষা করুন, রক্ষা করুন,” বলিয়া অর্জুনসমীপে গমন করিতে লাগিল। শরণাগতপ্রতিপালক ধনঞ্জয় তাহার সেই করুণ স্বর শ্রবণে দয়াপরবশ হইয়া “ভয় নাই” বলিয়া আশ্বাস প্রদানপূর্বক তাহাকে জীবিতপ্রায় করিলেন। অর্জুন এইরূপে অভয় প্রদান করাতে ভগবান্ চক্রপাণি তাহাকে বধ করিবার ইচ্ছা পরিত্যাগ করিলেন; অগ্নিও তাহাকে দক্ষ করিলেন না।

হে পৌরবংশাবতংস জনমেজয়! এইরূপে কৃষ্ণাৰ্জুন কর্তৃক রক্ষিত হইয়া ভগবান্ ছতাশন পঞ্চদশ দিবসে সেই বন দক্ষ করিলেন। এই পঞ্চদশ দিনের মধ্যে তত্রস্থ সমস্ত জীবজন্তুই সেই প্রচণ্ডানে দক্ষ হইল; কেবল অশ্বসেন, ময় ও চারিটি শার্ঙ্গক রক্ষা পাইয়াছিল।

ঊনত্রিংশদধিক দ্বিশততম অধ্যায়।

জনমেজয় জিজ্ঞাসা করিলেন, হে ব্রহ্মন্! সেই খাণ্ডববন দাহকালে অশ্বসেন ও ময়দানব যেক্ষেপে পরিত্রাণ পাইল, তাহা শুনিয়াছি; এক্ষণে শার্ঙ্গকদিগের অনাময় কারণ শ্রবণ করিতে সাতিশয় উৎসুক্য হইতেছে, আপনি অনুগ্রহ করিয়া কীর্তন করুন।

বৈশম্পায়ন কহিলেন, হে শক্রনিপাতন! শার্ঙ্গকচতুষ্টয় যে নিমিত্ত সেই প্রবল খাণ্ডববনানল হইতে পরিত্রাণ পাইল, তদ্বিষয় সবিশেষ বর্ণন করিতেছি, শ্রবণ করুন। মন্দপাল নামে এক পরম ধার্মিক তপঃপরায়ণ, বেদপারগ মহর্ষি ছিলেন। ঐ তপঃস্বাধ্যায়মগ্ন জিতেন্দ্রিয় তপোধন উদ্ধরেতাঃ ঋষিগণের আচরিত মার্গ অবলম্বন করিয়া ছিলেন। কিয়দ্দিনান্তর তিনি তপস্যার পরা কাষ্ঠায় উত্তীর্ণ হইয়া দেহ ত্যাগপূর্বক পিতৃলোকে গমন করিলেন; কিন্তু তথায় তপস্যার ফল প্রাপ্ত হইলেন না। মহর্ষি বহুদিনানুষ্ঠিত তপস্যা নিষ্ফল হইল দেখিয়া ধর্মরাজের সমীপস্থ দেবগণকে সন্মোদন করিয়া

জিজ্ঞাসা করিলেন, হে সুরগণ! আমি কি নিমিত্ত বহুদিবসার্জিত তপস্যার ফলভোগে বঞ্চিত হইলাম, বলুন। আমি মর্ত্য লোকে কেহ্ন কর্তব্য কর্মের অনুষ্ঠান করি নাই; যাহাতে আমার তপস্যা নিষ্ফল হইল, আমি এক্ষণেই তাহা করিতেছি। হে দেবগণ! মদনুষ্ঠিত তপস্যার ফল কি আঞ্জা করুন।

দেবগণ কহিলেন, হে ব্রহ্মন্! মনুষ্য জন্মিবামাত্র দেবঋণ, ঋষিঋণ ও পিতৃঋণ, এই ঋণত্রয়গ্রস্ত হয়। ঐ ঋণত্রয়ের মধ্যে যজ্ঞ দ্বারা দেবঋণ, তপস্যা দ্বারা ঋষিঋণ ও সন্তানোৎপাদন দ্বারা পিতৃঋণ হইতে মুক্ত হইতে পারে। তুমি তপস্চরণ ও যজ্ঞানুষ্ঠান করিয়াছ, কিন্তু তোমার সন্তান নাই; এই নিমিত্ত তোমার সমুদায় কর্ম নিষ্ফল হইয়াছে। অতএব তুমি পরম যত্ন সহকারে অপত্যোৎপাদন কর, তাহা হইলেই এই অমরলোকে পরম সুখসমৃদ্ধি ভোগ করিতে পারিবে। হে দ্বিজোত্তম! শাস্ত্রে কথিত আছে যে, পুত্র পিতাকে পুত্রাম নরক হইতে পরিত্রাণ করে, অতএব তুমি অবিলম্বে অপত্যোৎপাদনে যত্নবান্ হও।

মহর্ষি মন্দপাল দেবগণের সেই বাক্য শ্রবণান্তর কিরূপে অল্পকালমধ্যে বহু অপত্য উৎপাদন করিবেন, তদ্বিষয়িনী চিন্তা করিতে লাগিলেন। তিনি ক্ষণকাল চিন্তা করিয়া বহুপ্রদবশালী বিহঙ্গমমণ্ডলে গমন করত শার্ঙ্গকমূর্তি ধারণপূর্বক জরিতানামী এক শার্ঙ্গিকার গর্ভে চারিটি ব্রহ্মবাদী পুত্র উৎপাদন করিলেন। সেই পুরুষচতুষ্টয় অণুমধ্যস্থ থাকিতে থাকিতেই তাহাদিগকে জরিতার নিকট সমর্পণপূর্বক লপিতার নিকট গমন করিলেন। জরিতা মহর্ষি কর্তৃক পরিত্যক্ত অণুস্থ ঋষিগণকে পরিত্যাগ করিতে না পারিয়া প্রাণপণে তাহাদিগকে পোষণ করত খাণ্ডববনেই বাস করিতে লাগিলেন।

কিয়দিনানন্তর ভগবান্ হতাশন খাণ্ডব-
বন দাহ করিবার মানসে তথায় আগমন
করিলেন । ঐ সময়ে মহর্ষি মন্দপাল লপি-
তার সহিত সেই বনে ভ্রমণ করিতেছিলেন ।
তিনি অগ্নিকে দেখিবামাত্র তাঁহার অভি-
প্রায় বুঝিতে পারিয়া এবং স্বীয় সন্তানগণের
বালাবস্থা স্মরণ করিয়া ক্রুতাজ্জলিপুটে
সেই মহাতেজা হতাশনের স্তব করিতে
লাগিলেন, “হে অগ্নে ! তুমি সমস্ত লোকের
মুখস্বকপ ; তুমি হব্যবাহন ; তুমি গুপ্ত-
ভাবে সর্ব ভূতের অন্তঃকরণে বিচরণ কর ;
কবিগণ তোমাকে অদ্বিতীয় ও ত্রিবিধ ক-
হেন ; এবং তোমাকে অক্ষুধা কম্পনা করিয়া
যজ্ঞকর্ম নির্বাহ করেন । হে হতাশন !
মহর্ষিগণ কহেন, তুমিই এই বিশ্ব সৃষ্টি ক-
রিয়াছ ; তুমি না থাকিলে এই সমস্ত জগৎ
ক্ষণকালমধ্যে ধ্বংস হইয়া যায় ; বিপ্রগণ
স্ত্রীপুত্র সমভিব্যাহারে তোমাকে নমস্কার
করিয়া স্বধর্মবিজিত ইচ্ছা গতি প্রাপ্ত হন ।
হে অগ্নে ! সজ্জনগণ তোমাকে আকাশ-
বিলগ্ন সবিন্দ্রাৎ জলধর বলিয়া থাকেন ;
তোমা হইতে অঙ্গসমুদায় নির্গত হইয়া
সমস্ত ভূতগণকে দক্ষ করে ; হে জাতবেদঃ !
এই সমস্ত চরাচর বিশ্ব তুমিই নির্মাণ ক-
রিয়াছ ; তুমিই সর্বাগ্রে জলের সৃষ্টি ক-
রিয়া তৎপরে তাহা হইতে সমস্ত জগৎ
উৎপাদন করিয়াছ ; তোমাতেই হব্য ও
কব্য যথাবিধি প্রতিষ্ঠিত থাকে ; হে দেব !
তুমি দহন ; তুমি ধাতা ; তুমি বৃহস্পতি ;
তুমি অশ্বিনীকুমার ; তুমি মিত্র ; তুমি সোম
এবং তুমিই পবন ।”

ভগবান্ হতাশন অমিততেজা মহর্ষি
মন্দপালের এইপ্রকার স্তুতিবাক্য শ্রবণে
যৎপরোনাস্তি পরিতুষ্ট হইয়া কহিলেন,
হে ব্রহ্মন্ ! আমি তোমার স্তবে সাতিশয়
সন্তুষ্ট হইয়াছি, এক্ষণে বল তোমার কি
অভিলাষ পূর্ণ করিব । তখন মহর্ষি ক্রুতাজ্জ-

লিপুটে কহিলেন, হে হব্যবাহন ! আপনার
নিকট আমার এই প্রার্থনা যে, যৎকালে
আপনি খাণ্ডববন দহন করিবেন, অমুগ্ৰহ
করিয়া আমার পুত্রগণকে পরিত্যাগ করিতে
হইবে । ভগবান্ হব্যবাহন “তথাস্তু” বলিয়া
মহর্ষির প্রার্থনা পূরণে সম্মতি প্রদান করি-
লেন, এবং তৎক্ষণাৎ ভয়ঙ্কর বেগে খাণ্ডব-
বনমধ্যে প্রজ্জ্বলিত হইয়া উঠিলেন ।

ত্রিংশদধিক দ্বিশততম অধ্যায় ।

বৈশম্পায়ন কহিলেন, হে রাজন !
তদনন্তর ভগবান্ হতাশন প্রবল বেগে
প্রজ্জ্বলিত হইয়া উঠিলে সেই শাঙ্গকচতুষ্টয়
আপনাদিগকে অশরণ বোধ করিয়া সাতিশয়
দুঃখিত ও উৎকণ্ঠিতচিত্ত হইলেন । তাহাদের
মাতা দীনা জরিতা স্বীয় শাবকগণকে তদ-
বস্থ দেখিয়া দুঃখ-শোকাকুলিত চিত্তে বি-
লাপ করত কহিতে লাগিলেন, হায় ! এখন
কি করি ! ঐ প্রজ্জ্বলিত হতাশন ভূমণ্ডল
সমুদীপিত করিয়া ভয়ঙ্কর বেগে অরণ্য দক্ষ
করিতে করিতে এই দিকেই আসিতেছেন ;
আর আমাদের পূর্ব পুরুষগণের পরিত্রাণ-
কারণ এই শাবকগুলিও আমার চিন্তা-
কর্ষণ করিতেছে । আমি কি করিয়া ইহা-
দিগকে পরিত্যাগ করিয়া পলায়ন করি !
ইহারা সকলেই অজাতপক্ষ এবং ইহা-
দিগের চরণ অতিশয় দুর্বল, স্নতরাং স্বয়ং
পলায়নে অসমর্থ । আমারও এমন সামর্থ্য
নাই যে, ইহাদিগের চারি জনকে লইয়া
প্রস্থান করি ; কিংবা ইহাদিগকে পরিত্যাগ
করিয়া যাই । এখন কি করি ! কাহাকে
পরিত্যাগ করি, কাহাকেই বা লইয়া যাই ! হে
পুত্রগণ ! তোমরা বল, এক্ষণে আমার কি ক-
রা কর্তব্য । আমি বিস্তর চিন্তা করিয়াও তো-
মাদের মৌচনোপায় স্থির করিতে পারিলাম
না, অতএব আমি স্বীয় গাজহারা তোমাদি-
গকে আচ্ছাদন করিয়া তোমাদের সহিত এক
কালে হতাশনস্থখে প্রাণ সমর্পণ করি । তো-

মাদিগের পিতা নিতাস্ত নিষ্ঠুর। তিনি গমন-কালে বলিয়া গিয়াছেন যে, জরিতারি সর্ষ-জোষ্ঠ, ইধাতেই কুলের প্রতিষ্ঠা হইবে; সারিস্বক্ৰ অপত্যোৎপাদন দ্বারা বংশ বর্দ্ধন করিবে; স্তম্মিত্র তপস্যা করিবে এবং দ্রোণ বেদবেত্তাদিগের অর্থগণ্য হইবে, তিনি এইমাত্র বলিয়া আমাদিগকে পরিত্যাগপূর্বক প্রস্থান করিয়াছেন। এখন আমি কাহাকে অবলম্বন করিয়া এই বিপদ হইতে উদ্ধার হই! শাস্ত্রিকা এইরূপে ইতিকর্তব্যতাবিমূঢ় হইয়া স্বীয় শাবকগণ রক্ষার কোন উপায় স্থির করিতে পারিলেন না, কেবল বিলাপ করিতে লাগিলেন।

শাস্ত্রিকগণ স্বীয় জননি শাস্ত্রিকার এই-রূপ বিলাপ বাক্য শ্রবণ করিয়া কহিলেন, মাতঃ! আমাদিগের স্নেহ পরিত্যাগ করিয়া অগ্নিশূন্য স্থানে পলায়ন কর। দেখ আমরা এস্থানে বিনষ্ট হইলে তোমার অন্যান্য অনেক সন্তান হইতে পারিবে, কিন্তু তুমি প্রাণ ত্যাগ করিলে বংশ রক্ষার উপায়ান্তর নাই। অতএব হে মাতঃ! এই উভয় পক্ষ বিবেচনা করিয়া যাছাতে আমাদের কুলের শ্রেয়ঃ হয়, তাহা কর। আমাদিগের প্রতি স্নেহ প্রকাশ করিয়া সর্ষ দিক্ বিনষ্ট করিও না এবং ইহা করিলে আমাদের পিতার বাঞ্ছাও বার্থ হইবে না।

জরিতা কহিলেন, হে পুত্রগণ! এই বৃক্ষের অতি সমীপবর্তী ভূতলে এক মূষিকের গর্ত আছে; তোমরা অতি সুরায় তথ্যধো প্রবেশ কর; তথায় অগ্নিতয়ের সম্ভাবনা নাই। হে পুত্রগণ! তোমরা ঐ গর্তমধ্যে প্রবিষ্ট হইলে আমি পাংশুদারা আপাততঃ উহার মুখ রুদ্ধ করিয়া দিব, তাহা হইলে তোমরা এক্ষণে অগ্নি হইতে পরিত্রাণ পাইতে পারিবে। পরে অগ্নি নিৰ্বাণ হইলে পর আমি পুনরায় আসিয়া পাংশুরাশি প্রক্ষেপপূর্বক ঐ গর্তের মুখ পরিষ্কার ক-

রিয়া দিলে পুনরবার উঠিবে। হে বৎসগণ! প্রজ্বলিত ছতাশন হইতে মুক্ত হইবার এই একমাত্র উপায় আছে, ইহা অবলম্বন করিয়া প্রাণ রক্ষা কর।

শাস্ত্রিকগণ কহিলেন, হে মাতঃ! মূষিক স্বভাবতঃ মাংসলোলুপ, বিশেষতঃ আমরা অজাতপক্ষ মাংসপিণ্ডভূত; আমরা গর্ত-মধ্যে প্রবিষ্ট হইলেই সে আমাদিগকে ভক্ষণ করিবে, সন্দেহ নাই; এই ভয়ে গর্তে প্রবেশ করিতে নাহস হইতেছে না। পরে তাহারা কাতরস্বরে কহিতে লাগিল, হায়! এখন কিরূপে আমরা প্রজ্বলিত ছতাশন হইতে রক্ষা পাই! কিরূপেই বা মূষিক-হস্ত হইতে পরিত্রাণ পাই! কিপ্রকারে আমাদের পিতার অপত্যোৎপাদন নিষ্ফল না হয় এবং কি করিয়াই বা মাতা জীবিত থাকিবেন! গর্তে প্রবেশ করিলে মূষিকে ভক্ষণ করে, অনুরীক্ষে থাকিলে অগ্নিদাহে প্রাণ যায়; এই উভয় পক্ষ বিবেচনা করিয়া দেখিলে গর্তে গিয়া মূষিক-মুখে প্রাণ ত্যাগ করা অপেক্ষা অগ্নিতে ভস্ম হওয়া শ্রেয়ঃকম্প; যেহেতু মূষিকমুখে মৃত্যু হইলে গর্হিত মরণ হইবে, কিন্তু ছতাশনে কলেবর পরিত্যাগ করিলে সঙ্গতি লাভ হইতে পারিবে।

একত্রিংশদধিক দ্বিশততম অধ্যায়।

বৈশম্পায়ন কহিলেন, দীনা জরিতা পুত্রগণের এইপ্রকার কাতরোক্তি শ্রবণানন্তর তাহাদিগকে কহিলেন, হে বৎসগণ! একদা এই গর্ত হইতে সেই মূষিক বহির্গত হইয়াছিল, সেই সময়ে একটা শোনপক্ষী তাহাকে শিকার করিয়া লইয়া গিয়াছে; অতএব তোমরা নিঃশঙ্কচিত্তে গর্তমধ্যে প্রবেশ কর। শাস্ত্রিকগণ কহিলেন, মাতঃ! আমরা শোনপক্ষীকে মূষিক লইয়া যাইতে দেখি নাই। আর যদিও সেই মূষিককে লইয়া গিয়া থাকেন, তথাপি ঐ গর্তমধ্যে অন্য মূ-

ধিক থাকিবার সম্ভাবনা, তাহাও আমাদের ভয়াবহ । দেখ, বায়ুবেগ ক্রমে নিবৃত্ত হইয়া আনিতহে, অতএব অগ্নি আমাদের সমীপ পর্য্যন্ত আনিত্রে পারে না পারে সন্দেহ, কিন্তু আমরা গর্তমধ্যে প্রবেশ করিলে মুষিকহস্তে পতিত হইয়া প্রাণ ত্যাগ করিব, সন্দেহ নাই । এক পক্ষে মৃত্যুর নিশ্চয়, পক্ষান্তরে সংশয় ; অতএব সংশয়িত পক্ষ অবলম্বন করাই শ্রেয়ঃ । হে মাতঃ ! আমাদের মারা পরিত্যাগ করিয়া উপযুক্ত স্থানে পলায়ন কর ; আমরা বিনষ্ট হইলেও তোমার অন্যান্য পরমোৎকৃষ্ট পুত্র হইতে পারিবে ।

জরিতা কহিলেন, হে পুত্রগণ ! যৎকালে সেই মহাবল পরাক্রান্ত শোনপক্ষী গর্ত হইতে মুষিককে লইয়া যায়, আমি তৎকালে সেই স্থানে উপস্থিত থাকিয়া তাহা স্বচক্ষে প্রত্যক্ষ করিয়াছি এবং সত্বরে তাহার পশ্চাৎ পশ্চাৎ গমন করত এই বলিয়া আশীর্বাদ করিয়াছি, হে শোনরাজ ! তুমি আমাদের শত্রু, কিন্তু এই মুষিককে হরণ করিয়া আমাদের নিকট করিলে, এই পুণ্যকালে তুমি পর লোকে সুবর্ণময় কলেবর প্রাপ্ত হইয়া অক্ষয় স্বর্গ ভোগ করিবে । তৎপরে ঐ শোনপক্ষী মুষিককে ভক্ষণ করিলে পর আমি তাহার অনুজ্ঞা লইয়া স্বগৃহে প্রত্যাগমন করিলাম । অতএব হে পুত্রগণ ! তোমরা সঙ্কল্পে গর্তমধ্যে প্রবেশ কর, কিছুমাত্র শঙ্কা করিও না ; আমার সমক্ষে শোন মুষিককে ভক্ষণ করিয়াছে ।

শার্ঙ্গকগণ কহিলেন, মাতঃ ! শোন যে মুষিককে লইয়া গিয়াছে, আমরা তাহার কিছুমাত্রই জানি না ; অতএব কি প্রকারে গর্তে প্রবেশ করি ।

জরিতা কহিলেন, আমি স্বচক্ষে প্রত্যক্ষ করিয়াছি, শোন মুষিককে ভক্ষণ করিয়াছে ; তোমাদের কিছুমাত্র ভয় নাই, আমার বচ-

নানুসারে কার্য্য কর । শার্ঙ্গকগণ কহিলেন, মাতঃ ! তুমি কেন মিথ্যা প্রবোধবাক্য দ্বারা আমাদের ভয় ভঞ্জন করিবার চেষ্টা পাইতেছ ? ঐ গর্তমধ্যে যখন শত্রু থাকিবার সম্ভাবনা, তখন আমাদের কোন ক্রমেই উহাতে প্রবেশ করা বিধেয় নহে । দেখ, আমরা তোমার কখন কোন উপকার করি নাই ; অধিক কি, আমরা যে কে, তাহাও তুমি বিশেষরূপে জান না, তবে কিনিমিত্ত তুমি এত কষ্ট সহ করিয়াও আমাদের লালন পালন করিতেছ । তুমি আমাদের কে ? আর আমরাই বা তোমার কে ? আরও দেখ, তুমি অস্পবয়স্কা এবং দর্শনীয় ও বট, অতএব হে মাতঃ ! তুমি আমাদের পরিত্যাগ করিয়া স্বামীর নিকট গমন করত সুন্দর পুত্র প্রাপ্ত হও, আমরা এই স্থানে থাকিয়া ছতাশনে প্রাণ পরিত্যাগপূর্ব্বক মদ্যতি লাভ করি । হে মাতঃ ! যদি আমরা কোন ক্রমে অগ্নি হইতে পরিত্রাণ পাইতে পারি তাহা হইলে তুমি পুনরায় আমাদের নিকটে আদিও ।

শার্ঙ্গী শাবকগণের এইপ্রকার বাক্য পুনঃ পুনঃ শ্রবণ করিয়া অগ্নিশূন্য প্রদেশে পলায়ন করিলেন । শার্ঙ্গী প্রস্থান করিলে অগ্নি ক্রতবেগে মন্দপাল মহর্ষির পুত্র শার্ঙ্গকগণের সমীপবর্ত্তী হইলেন ।

দ্বাত্রিংশদধিক দ্বিশততম অধ্যায় ।

বৈশম্পায়ন কহিলেন, মহারাজ ! প্রজ্বলিত ছতাশন অরণ্যানী দধ্ব করিতে করিতে ক্রমশঃ মহর্ষি মন্দপালের পুত্র শার্ঙ্গকচতুর্ক্টয়ের সমীপবর্ত্তী হইলে তাহাদের সর্দৈজ্যেষ্ঠ জরিতারি পাবকসম্মিধানে জাতাদিগকে কহিতে লাগিলেন । বিপৎকাল উপস্থিত হইলে বুদ্ধিমান পুরুষ সর্দৈজ্যগণকে থাকেন ; বিপৎকালে কদাচ ব্যাধিত হন না । যে মূঢ় ব্যক্তি বিপৎকাল উপস্থিত হইলে সতর্ক না থাকে ; সে তৎকালে যৎপরোনাস্তি

কষ্ট ভোগ করে এবং চরমে মোক্ষ লাভ করিতে পারে না।

তখন সারিস্বক্ জ্যেষ্ঠ ভ্রাতাকে কহিলেন, হে ভ্রাতঃ! এক্ষণে আমাদের প্রাণসংশয় উপস্থিত হইয়াছে। তুমি ধ্যানবান্ ও উ-
হাপোহকুশল; তুমি কোন না কোন উপায় দ্বারা আমাদের রক্ষা কর, যেহেতুক এক প্রাজ্ঞ অসংখ্য অপ্রাজ্ঞ লোক অপেক্ষা বলবান্।

স্বয়মিত্র কহিলেন, জ্যেষ্ঠ ভ্রাতা পিতৃ-
তুল্য; তিনি কনিষ্ঠদিগকে বিপদ্ হইতে মুক্ত করেন। যদি জ্যেষ্ঠ স্বীয় প্রজ্ঞাবলে বি-
পদ্ উদ্ধার না করেন, তবে কনিষ্ঠের কি সাধা যে, তাহার প্রতিকার করে।

দ্রোণ কহিলেন, ঐ দেখ সপ্তাশ্র সপ্ত-
ত্রিংশ কুর হিরণ্যরেতা শিখা বিস্তারপূর্বক আমাদের গৃহে আগমন করিতেছেন।

মহর্ষি মন্দপালের পুত্রগণ এইরূপে প-
রম্পর কথোপকথন করত পরিশেষে প্রয়ত হইয়া অগ্নির স্তব করিতে আরম্ভ করিলেন।

জরিতারি কহিলেন, হে জ্বলন! তুমি
বায়ুর আত্মা; লতাসমূহের শরীর; পৃথিবী
ও জল তোমাহইতেই উৎপন্ন হইয়াছে। হে
মহাবীৰ্য্য! তোমার শিখাসমুদায় সূর্য্যাকি-
রণের ন্যায় উর্দ্ধ দেশ, অধোদেশ, পূর্ব
দেশ ও পশ্চিম দেশে বিস্তৃত হইতেছে।

সারিস্বক্ কহিলেন, হে ধূমকেতো!
মাতা আমাদের পরিভ্যাগ করিয়া পলায়ন
করিয়াছেন; পিতা কোথায় আছেন, কিছুই
জানিনা; আমাদের অদ্যাবধি পক্ষোক্তেদ হয়
নাই; অতএব হে অগ্নে! তুমি আমাদের রক্ষা কর;
তুমি ভিন্ন এই বালকদিগের আর শরণাস্তর
নাই। হে অগ্নে! আমরা নিতান্ত কাতর হইয়া
তোমার শরণাপন্ন হইতেছি; তুমি আপন
কল্যাণ সৃষ্টি ও সপ্ত শিখা দ্বারা আমাদের
রক্ষা কর। হে জা-

তবেদঃ! এই ত্রিলোকীমধ্যে তুমিই এক ত-
পস্বী আছ; তোমার তুল্য তপোবলসম্পন্ন
আর কেহই নাই। আমরা একে বালক
তাহাতে আবার ঋষিকুমার; তুমি অনু-
কম্পা প্রদর্শনপূর্বক আমাদের রক্ষা কর।

স্বয়মিত্র কহিলেন, হে অগ্নে! তুমি
এক হইয়াও অনেক, এই নিখিল ব্রহ্মাণ্ড
তোমাকে অবলম্বন করিয়া আছে, তুমি স-
র্ব ভূত ও ভুবন ধারণ করিতেছ; তুমি অগ্নি,
তুমি হব্যবাহ এবং তুমিই পরমোৎকৃষ্ট
হবিঃ; পণ্ডিতগণ তোমাকে একরূপ এবং
তোমাকেই বহুরূপ বলিয়া জানেন। হে
হব্যবাহ! তুমি এই ত্রিলোকী সৃষ্টি কর;
এবং প্রলয়কালে তুমিই প্রজ্বলিত হইয়া
ইহা ধ্বংস কর। হে অগ্নে! তুমি এই ভুবনত্র-
য়ের প্রসূতি এবং তুমিই ইহার আশ্রয়।

দ্রোণ কহিলেন, হে জগৎপতে! তুমি
প্রাণিগণের অন্তর্গত থাকিয়া ভুক্ত অন্ন প-
রিপাক কর; তোমাতেই সমস্ত জগৎ প্র-
তিষ্ঠিত আছে। হে বহ্নে! তুমি সূর্য্যরূপে
পার্থিব রসসমুদায় আকর্ষণ কর এবং মে-
ঘরূপে পরিণত সেই সমুদায় রস যথাকালে
বর্ষণ করিয়া পৃথিবীকে সর্ব্বশস্যসম্পন্ন কর।
হে প্রচণ্ডকিরণ ছত্ৰাশন! এই সমুদায় হ-
রিতচ্ছদসম্পন্ন লতা, বাবতীয় পুষ্করিণী এবং
বরুণাধিকৃত মহোদধি তোমাহইতেই সমুৎ-
পন্ন হইয়াছে। হে পিত্তাক! হে লো-
হিতগ্রীব! হে কৃষ্ণবস্মন! হে ছত্ৰাশন!
তুমি আমাদের রক্ষা কর, দক্ষ করিও না।

ভগবান্ অনল ব্রহ্মবাদী দ্রোণ কর্তৃক
এইরূপ অভিহিত হইয়া, মহর্ষি মন্দপাল-
সম্মিথানে কৃত স্বীয় প্রতিজ্ঞা অনুস্মরণপূর্বক
তাঁহাকে কহিলেন, হে দ্রোণ! তুমি ঋষি
বটে; তুমি আমাকে বেদবাক্যে স্তব ক-
রিলে; তোমার ভয় নাই। আমি তোমার
অভিলাষ পূর্ণ করিব। পূর্বে মহর্ষি মন্দপালও
তোমাদের নিমিত্ত আমার মিকট এই

প্রার্থনা করিয়াছিলেন যে, আপনি খাণ্ডবা-
রণ্য দাহকালে আমার পুত্রগণকে পরিত্যাগ
করিবেন। হে দ্রোণ! মহর্ষি মন্দপালের
সেই বাক্য এবং তোমার এই বাক্য এই উভ-
য়ই আমার পক্ষে গুরুতর, অতএব বল এ-
ক্ষণে তোমার কি হিত সাধন করিতে হইবে।
আমি তোমার স্তব শুনিয়া পরম সন্তুষ্ট
হইয়াছি।

দ্রোণ কহিলেন, হে ছতাশন। এই
বিড়ালগণ আমাদিগকে সর্বদা বিরক্ত করে,
আপনি অনুগ্রহ করিয়া উর্ধ্বদিগকে সবংশে
ভক্ষীভূত করুন। ভগবান বহ্নি দ্রোণের
বাক্যানুসারে বিড়ালগণকে তৎক্ষণাৎ ভক্ষ-
সাং করিয়া শার্ঙ্গকচতুর্কয়কে পরিত্যাগপূ-
র্ব্বক প্রবল বেগে খাণ্ডবদহন দক্ষ করিতে
লাগিলেন।

ত্রয়ত্রিংশদধিক দ্বিশততম অধ্যায়।

বৈশম্পায়ন কহিলেন, এদিকে মহর্ষি মন্দ-
পাল স্বীয় পুত্রচতুর্কয়ের নিমিত্ত সাতিশয়
চিন্তাকুল হইলেন। তিনি পুত্রগণের পরি-
ত্রাণার্থ অগ্নির নিকট নিবেদন করিয়াও
তৎকালে মনে মনে অসুখী হইতে লাগি-
লেন। মহর্ষি মন্দপাল সন্তানদিগের নিমিত্ত
নিতান্ত সন্তুষ্ট হইয়া অতি কাতরস্বরে
লপিতাকে সম্বোধিয়া কহিলেন; লপিতে!
এক্ষণে আমার পুত্রগণ না জানি কিরূপ
কাতর হইতেছে। তাহারা অজ্ঞাতপক্ষ এবং
আত্মরক্ষায় অশক্ত। অগ্নি ক্রমে ক্রমে অধিক-
তর প্রজ্বলিত হইতেছেন এবং বায়ুও প্রবল
বেগে প্রবাহিত হইতেছেন, বোধকরি তাহা-
রা অগ্ন্যাৎপাত হইতে মুক্ত হইতে পারিবে
না। আহা! তাহাদের মাতা দীন জরিতা স্বীয়
পুত্রগণকে পরিত্যাগ করিতে না পারিয়া
এবং তাহাদিগকে অশরণ দেখিয়া যৎপরে-
নাস্তি শোকার্ভ হইবে, সন্দেহ নাই।
আমার পুত্রগণ অদ্যাপি উদ্ভরণ বা গমন
করিতে সমর্থ হয় নাই, জরিতা কিপ্রকারে

তাহাদিগকে লইয়া পলায়ন করিবে! হা!
পুত্র জরিতার! হা বৎস সারিস্বক! হা
ত্বমিত্র! হা পুত্র দ্রোণ! হা প্রিয়ে জরি-
তে! না জানি, তোমরা এখন কত কষ্ট
পাইতেছ!

লপিতা মহর্ষি মন্দপালের এইরূপ
বিলাপ বাক্য শ্রবণে সাতিশয় অসম্মাপরতন্ত্র
হইয়া কহিতে লাগিলেন। দেয়! তোমার
পুত্রদিগের নিমিত্ত কিছুমাত্র চিন্তা নাই;
তুমি স্বয়ং কহিয়াছ, তাহারা স্বধি। হে মহর্ষে!
উহারা বীর্যবান ও তেজস্বী; অগ্নি হইতে
উহাদের কিছুমাত্র শঙ্কা নাই। বিশে-
ষতঃ তুমি তাহাদিগকে রক্ষা করিবার
নিমিত্ত অগ্নিকে অনুরোধ করিয়াছিলে।
মহাত্মা ছতাশনও তোমার অনুরোধ শ্রবণে
“তথাস্তু” বলিয়া স্বীকার করিয়াছেন;
তিনি কখনই আপনার প্রতিজ্ঞা বিফল ক-
রিবেন না। অতএব স্পষ্টই বোধ হইতেছে,
তুমি পুত্রগণের নিমিত্ত কিছুমাত্র উৎকণ্ঠিত
নও; কেবল আমার অমিত্রা সেই জরিতা-
কে মনে হইয়াছে বলিয়াই এত অনুতাপ
করিতেছ। নিশ্চয় বুঝিলাম, আমার প্রতি
তোমার আর পূর্ব্বের মত স্নেহ নাই।
স্নেহবান ব্যক্তির পুত্র কলত্রাদি স্নেহজ্ঞানের
প্রতি উপেক্ষা করা নিতান্ত অবিধেয়;
অতএব তুমি সেই জরিতার নিকটেই গমন
কর, আর রূধা অনুতাপ করিবার আবশ্য-
কতা নাই। আমি কুপুরুবাসিতা নারীর
ন্যায় একাকিনী জীবন যাপন করিব।

মন্দপাল কহিলেন, লপিতে! তুমি মনে
করিয়াছ, আমি নিতান্ত কামান্ন লোকের
ন্যায় কেবল স্ত্রীদম্বোর্গার্থে পৃথিবীমণ্ডলে
ক্রমণ করিতেছি, কিন্তু বস্তৃতঃ তাহা নহে।
অপত্যোৎপাদন করাই আমার উদ্দেশ্য।
আমার সেই অপত্যগণ এক্ষণে বিপদগ্ৰস্ত
হইয়াছে। যে মূঢ় ব্যক্তি ভৃত্যার্থ পরিত্যাগ
করিয়া ভবিষ্যৎ অবলম্বন করে, সে সমস্ত

লোকের অবমানাস্পদ হয়। এ দেখ, প্রজ-
লিত ছত্ৰাশন কাননস্থ সমস্ত বৃক্ষ দক্ষ
করিয়া আমার মন সান্তিশয় সম্ভাপিত ও
উদ্বেজিত করিতেছে। আমি আর স্থির
হইতে পারিতেছি না। পুত্রগণের নিকট
চলিলাম। তোমার বাহা ইচ্ছা হয়, কর।

এদিকে অগ্নি মন্দপালের পুত্রচতুষ্ট-
য়ের নিকট হইতে দূরতর প্রদেশে গমন
করিলে পুত্রবৎসলা। জরিতা শাবকগণের
সমীপে সমুপস্থিত হইয়া দেখিল, তাহারা
সকলেই অগ্নিহইতে পরিত্রাণ পাইয়াছে ;
কিন্তু সান্তিশয় রোদন করিতেছে। জরিতা
তাহাদিগকে তদবস্থ দেখিয়া পুত্রবাৎসল্য-
প্রযুক্ত পুনঃ পুনঃ স্নেহাশ্রু মোচনপূর্বক
অতি কাতরস্বরে একে একে তাহাদের
সকলের নিকট গমন করিয়া স্নেহ প্রকাশ
করিতে লাগিলেন। তদনন্তর মহর্ষি মন্দপাল
সদস্য জ্ঞানীর নিকট উপস্থিত হইলেন,
কিন্তু তাহারা কেহই তাঁহাকে অভিনন্দন
করিলেন না। তিনি ব্যাকুলহৃদয়ে বারংবার
পুত্রগণকে ও জরিতাকে সম্বোধন করত
জিজ্ঞাসিতে লাগিলেন, কিন্তু তাঁহারা কেহই
জ্ঞান মন্দ কিছুই বলিলেন না। তখন মহর্ষি
জরিতাকে সম্বোধিয়া কহিলেন, জরিতে!
তোমার জ্যেষ্ঠ পুত্র কে? তৎকনিষ্ঠ কে?
তৃতীয় কে? এবং সর্ব কনিষ্ঠই বা কে?
আমি চুঃখিত হইয়া বারংবার তোমাকে
জিজ্ঞাসা করিতেছি, তুমি প্রত্যুত্তর করি-
তেছ না। আমি তোমাদিগকে পরিত্যাগ
করিয়াছি বটে; কিন্তু তোমাদের নিমিত্ত
আনার মম এক মুহূর্ত্তও স্থস্থির নহে।

জরিতা মহর্ষির ঐরূপ বাক্য শ্রবণ ক-
রিয়া কহিলেন, মহর্ষে! জ্যেষ্ঠ পুত্রে তোমার
প্রয়োজন কি? তৎকনিষ্ঠেই বা প্রয়োজন
কি? এবং মধ্যম ও কনিষ্ঠ পুত্রেই বা তো-
মার অবশ্যকতা কি? তুমি এই হতভাগি-
নীকে পরিত্যাগ করিয়া যাহার নিকট গমন

করিয়াছিলে, সেই চাকুহাসিনী তরুণী ল-
পিতার নিকটেই পুনর্ব্বার গমন কর।

মন্দপাল কহিলেন, জরিতে! স্ত্রীলোকের
পুরুষান্তরসেবন ও সপত্নীর সহিত বিবাদ
করা অপেক্ষা পারত্রিকরিনাশক, বৈরাগ্যি-
দীপক ও উদ্বেগজনক আর কিছুই নাই।
স্বত্রতা সর্ব্বভূতবিশ্রুতা অরুদ্রতা বিশুদ্ধভাব,
প্রিয়কারী, হিতসাধনতৎপর, সপ্তর্ষিমধ্যস্থ
মহাত্মা বশিষ্ঠ ঋষির মহিলাস্তর-সংসর্গাশঙ্কা
করিয়া তাঁহার অবমাননা করিয়াছিলেন,
সেই নিমিত্ত তিনি লক্ষ্যালক্ষ্য ও অনভিক্রপ
হইয়াছেন। আমি অপত্য দর্শনাভিলাষে
আগমন করিয়াছি, তুমিও আমাকে সেইরূপ
অপমান করিতেছ। পুরুষের ভার্য্যার প্রতি
সর্ব্বতোভাবে বিশ্বাস করা কদাপি কর্তব্য
নহে, যেহেতু পতিপরায়ণ। কামিনীও পুত্র-
বতী হইলে স্বামীর প্রতি পূর্ব্বের ন্যায় অমু-
রক্তা থাকে না।

মহর্ষি মন্দপালের বাক্যাবসানে তাঁহার
পুত্রচতুষ্টয় তৎসমীপে সমুপস্থিত হইয়া
যথোচিত পিতৃভক্তি প্রদর্শন করিল এবং
মহর্ষিও সান্তিশয় সমাদরপূর্ব্বক স্বীয় সম্ভা-
নগণকে আশ্বাস প্রদান করিতে লাগিলেন।

চতুস্ত্রিংশদধিক দ্বিশততম অধ্যায়।

বৈশম্পায়ন কহিলেন, মহর্ষি মন্দপাল
পুত্রগণের সান্তনার নিমিত্ত প্রবোধবাক্যে
কহিতে লাগিলেন, হে পুত্রগণ! পূর্ব্ব আমি
তোমাদের রক্ষার নিমিত্ত ভগবান্ ছত্ৰাশনের
সমীপে প্রার্থনা করিয়া ছিলাম, তিনিও
আমার প্রার্থনাবাক্য স্বীকার করিয়াছিলেন।
আমি অগ্নির বাক্য, তোমাদের জননীর
ধর্ম্মজ্ঞতা এবং তোমাদের বীর্ঘ্যের উপর
বিশ্বাস করিয়া তৎকালে তোমাদের নিকট
আগমন করি নাই, অতএব হে বৎসগণ!
তোমরা আমার নৃশংসাকরণ মনে করিয়া
সন্তুষ্ট হইও না। ভগবান্ ছত্ৰাশন তোমা-
দিগকে বেদবিৎ ঋষি বলিয়া জানেন। মহর্ষি

স্বীয় পুত্রগণকে এইরূপে সান্ত্বনা করত তাহাদিগকে এবং ভার্যা জরিতাকে লইয়া সে প্রদেশ হইতে প্রদেশান্তরে প্রস্থান করিলেন ।

এদিকে ভগবান্ হতাশন, প্রচণ্ড বেগে প্রক্লিষ্ট হইয়া কৃষ্ণার্জুনসাহায্যে খাণ্ডবারণ্য দক্ষ করত তত্রস্থ জীবজন্তুগণের অপরিমিত বসা ও মেদ পান করিয়া পরম পরিতুষ্ট হইলেন ।

তদনন্তর ভগবান্ পুরন্দর দেবগণ সমভিব্যাহারে অন্তরীক্ষ হইতে অবতীর্ণ হইয়া কৃষ্ণ ও অর্জুনকে কহিলেন, তোমরা যে মহৎ কার্যের অনুষ্ঠান করিলে, ইহা দেবতা-দিগেরও দুষ্কর ; আমি তোমাদের পরাক্রম দর্শনে পরম পরিতুষ্ট হইয়াছি ; এক্ষণে তোমরা অভিলষিত বর প্রার্থনা কর । তখন অর্জুন, “আমাকে সমস্ত অস্ত্র প্রদান করুন” বলিয়া দেবরাজের নিকট বর প্রার্থনা করিলেন । ইন্দ্র সময় নির্দেশপূর্বক কহিলেন, হে ধনঞ্জয় ! যে সময়ে তুমি তপস্যা দ্বারা ভগবান্ দেবাদিদেব মহাদেবকে প্রসন্ন করিবে, আমি তৎকালে তোমারে সমস্ত অস্ত্র প্রদান করিব । হে পাণ্ডব ! তুমি সেই সময়ে আগ্নেয়, বায়ব্য ও মদীয় অস্ত্রসমুদায় লাভ করিবে । কৃষ্ণ কহিলেন, সুররাজ ! আমি এই মাত্র বর প্রার্থনা করি, যেন অর্জুনের সহিত আমার কদাচ প্রণয় বিচ্ছেদ না হয় । ইন্দ্র “তথাস্তু” বলিয়া তাঁহাকে বর প্রদান করিলেন ।

সুররাজ এইরূপে কৃষ্ণ ও অর্জুনকে বর প্রদান করিয়া অগ্নির অনুজ্ঞা গ্রহণপূর্বক দেবগণ সমভিব্যাহারে পুনর্বার সুরপুরে গমন করিলেন । ভগবান্ হতাশন পঞ্চদশ দিবস প্রবল বেগে প্রক্লিষ্ট হইয়া যুগপৎ সমাকুল খাণ্ডবারণ্য দক্ষ করত তাহাদিগের মাংস ভোজন এবং মেদ ও রুধির পানদ্বারা পরম পরিতুষ্ট হইয়া বিরত হইলেন, পরি-

শেষে কৃষ্ণ ও অর্জুনকে কহিলেন, হে মহাবীরদয় ! তোমরা আমাকে পরম পরিতুষ্ট করিয়াছ ; এক্ষণে অনুমতি করিতেছি, তোমরা যথা ইচ্ছা গমন কর । ভগবান্ হতাশনের অনুজ্ঞা লাভানন্তর কৃষ্ণার্জুন ও ময়দানব তিন জনে তাঁহাকে প্রদক্ষিণ করিয়া তথা হইতে সেই পরম রমণীয় যমুনা নদীর উপকূলে আসিয়া উপবেশন করিলেন ।

খাণ্ডবদহন পর্ব সমাপ্ত ।

আদিপর্ব সমাপ্ত ।

বিজ্ঞাপন ।

মহর্ষি কৃষ্ণ দ্বৈপায়ন পর্বসংগ্রহাধ্যায়ে প্রতিজ্ঞা করিয়াছিলেন যে, আদিপর্বে সপ্তবিংশত্যাধিক দ্বিশত অধ্যায় রচনা করিবেন ; কিন্তু ইহাতে চতুস্ত্রিংশদধিক দ্বিশত অধ্যায় দৃষ্ট হইতেছে ; বোধ হয়, পূর্বতন লিপিকরদিগের প্রমাদবশতঃ অধ্যায়গত সংখ্যার বৈলক্ষণ্য হইয়াছে । অধ্যায়সংখ্যার বৈষম্য হওয়াতে স্মৃতির ঞ্জোকসংখ্যারও ব্যতিক্রম ঘটিয়াছে ।

আসিয়াটিক সোসাইটির অধ্যক্ষগণ অনেকাণেক পুস্তকের সহিত এক্ষা করিয়া যে যুল মহাভারত মুদ্রিত করিয়াছিলেন, তদ্বক্ষে এই পুস্তক সঙ্কলিত হইল ।